

॥ नमो तस्स भगवतो अरहतो सम्मासम्बुद्धस्स ॥

## अभिधम्मपिटके

### पञ्चपकरण-अट्ठकथा

#### धातुकथा-अट्ठकथा

अट्टारसहि भेदेहि, विभङ्गं मारभञ्जनो ।  
देसयित्वा महावीरो, यं तस्सेव अनन्तरं ॥

अदेसयि धातुकथं, धातुभेदप्पकासनो ।  
तस्सत्थं दीपयिस्सामि, तं सुणाथ समाहिताति ॥

### १. मातिकावण्णना

#### १. नयमातिकावण्णना

१. सङ्गहो असङ्गहोति आदीनज्जि वसेन इदं पकरणं चुट्टसविधेन विभज्जन्ति वुत्तं । तं सब्बम्पि उद्देसनिद्देसतो द्विधा ठितं । तत्थ मातिका उद्देसो । सा पञ्चविधा — नयमातिका, अब्भन्तरमातिका, नयमुखमातिका, लक्खणमातिका, बाहिरमातिकाति । तत्थ सङ्गहो असङ्गहो...पे०... विप्पयुत्तेन सङ्गहितं असङ्गहितन्ति — अयं चुट्टसहि पदेहि निक्खित्ता नयमातिका नाम । अयज्जि इमिना सङ्गहादिकेन नयेन धातुकथा धम्मा विभज्जन्ति दस्सेतुं ठपितत्ता नयमातिकाति वुच्चति । एतेसं पदानं मूलभूतत्ता मूलमातिकातिपि वत्तुं वट्ठति ।

#### २. अब्भन्तरमातिकावण्णना

२. पञ्चक्खन्धा ...पे०... मनसिकारोति अयं पञ्चवीसाधिकेन पदसत्तेन निक्खित्ता अब्भन्तरमातिका नाम । अयज्जि “सब्बापि धम्मसङ्गणी धातुकथाय मातिका”ति एवं अवत्वा सङ्गहादिना नयेन विभजितब्बे खन्धादिधम्मे सरूपतो दस्सेत्वा धातुकथाय अब्भन्तरेयेव ठपितत्ता अब्भन्तरमातिकाति वुच्चति । खन्धादिपदानं धम्मसङ्गणीमातिकाय असङ्गहितत्ता पक्किण्णकमातिकातिपि वत्तुं वट्ठति ।

#### ३. नयमुखमातिकावण्णना

३. तीहि सङ्गहो, तीहि असङ्गहो; चतूहि सम्पयोगो, चतूहि विप्पयोगोति अयं चतूहि पदेहि निक्खित्ता नयमुखमातिका नाम । अयज्जि सब्बेसुपि पञ्चक्खन्धादीसु चेव कुसलत्तिकादीसु च मातिकाधम्मेसु, तीहि खन्धायतनधातुपदेहेव सङ्गहो च असङ्गहो च योजेतब्बो । तथा चतूहि अरूपक्खन्धेहि सम्पयोगो च विप्पयोगो च । एतानि इमेसं सङ्गहासङ्गहादीनं नयानं मुखानीति दस्सेतुं ठपितत्ता नयमुखमातिकाति वुच्चति ।

#### ४. लक्खणमातिकावण्णना

४. सभागो, विसभागोति अयं द्वीहि पदेहि निक्खित्ता लक्खणमातिका नाम । अयज्जि सभागलक्खणेहि धम्मेहि सङ्गहनयो, विसभागलक्खणेहि असङ्गहनयो, तथा सम्पयोगविप्पयोगनयो योजेतब्बोति सभागविसभागलक्खणवसेन सङ्गहादिलक्खणं दस्सेतुं ठपितत्ता लक्खणमातिकाति वुच्चति ।

#### ५. बाहिरमातिकावण्णना

५. सब्बापि धम्मसङ्गणी धातुकथाय मातिकाति अयं छसट्ठि तिकपदानि, द्वे च दुक्कपदसतानि सङ्घिपित्वा निक्खित्ता बाहिरमातिका नाम । अयज्जि “पञ्चक्खन्धा... पे०... मनसिकारो”ति एवं धातुकथाय अब्भन्तरे अवत्वा “सब्बापि धम्मसङ्गणी”ति एवं धातुकथाय मातिकतो बहि ठपितत्ता बाहिरमातिकाति वुच्चति ।

एवं मातिकाय पञ्चधा ठितभावं विदित्वा इदानीं ‘सङ्गहो असङ्गहो’ति आदीसु सङ्गहो ताव जातिसज्जातिकिरियागणनवसेन चतुब्बिधो । तत्थ — “सब्बे खत्तिआ आगच्छन्तु, सब्बे ब्राह्मणा, सब्बे वेस्सा, सब्बे सुद्धा आगच्छन्तु”, “या चावुसो विसाख, सम्मावाचा, यो च सम्माकम्मन्तो, यो च सम्माआजीवो, इमे धम्मा सीलक्खन्धे सङ्गहिता”ति अयं जातिसङ्गहो नाम । “एकजातिका आगच्छन्तु”ति वुत्तद्धाने विय हि इध सब्बेपि जातिया एकसङ्गहं गता । “सब्बे कोसलका आगच्छन्तु, सब्बे मागधका, सब्बे भारुकच्छका आगच्छन्तु”, “यो चावुसो विसाख, सम्मावायामो; या च सम्मासति, यो च सम्मासमाधि, इमे धम्मा समाधिकक्खन्धे सङ्गहिता”ति (म० नि० १.४६२) अयं सज्जातिसङ्गहो नाम । “एकद्धाने जाता संवद्धाना आगच्छन्तु”ति वुत्तद्धाने विय हि इध सब्बेपि सज्जातिठानेन निवुत्थोकासेन एकसङ्गहं गता । “सब्बे हत्थारोहा आगच्छन्तु, सब्बे अस्सारोहा, सब्बे रथिका आगच्छन्तु”, “या चावुसो विसाख, सम्मादिट्ठि, यो च सम्मासङ्कप्पो, इमे धम्मा पञ्चाक्खन्धे सङ्गहिता”ति (म० नि० १.४६२) अयं किरियासङ्गहो नाम । सब्बेव हेते अत्तनो किरियाकरणेन एकसङ्गहं गता । “चक्खायतनं कतमक्खन्धगणनं गच्छतीति? रूपक्खन्धगणनं गच्छतीति? हज्जि चक्खायतनं रूपक्खन्धगणनं गच्छति, तेन वत रे वत्तब्बे — ‘चक्खायतनं रूपक्खन्धेन सङ्गहित’न्ति (कथा० ४७१), अयं गणनसङ्गहो नाम । अयमिध अधिप्पेतो । तप्पटिपक्खेन असङ्गहो वेदितब्बो । तेसं

विकल्पतो सङ्गहितेन असङ्गहितादीनि । एकुप्पादेकनिरोधएकवत्थुएकारम्मणतावसेन सम्पयोगो, तप्पटिपक्खतो विप्पयोगो । तेसं विकल्पतो सम्पयुत्तेन विप्पयुत्तादीनि । तदुभयसंसर्गविकल्पतो सङ्गहितेन सम्पयुत्तं विप्पयुत्तन्तिआदीनि । पञ्चकखन्धातिआदीनि पन खन्धविभङ्गादीसु वुत्तनयेनेव वेदितव्वानि । **फस्सा**दयो पनेत्थ सन्निट्ठानवसेन वुत्तसब्बचित्तुप्पादसाधारणतो वुत्ताति ।

मातिकावण्णना ।

## २. निद्देसवण्णना

### १. पठमनयो सङ्गहासङ्गहपदवण्णना

#### १. खन्धपदवण्णना

६. इदानीं पञ्चकखन्धादिवसेन निक्खित्तमातिकं ‘सङ्गहो असङ्गहो’तिआदीहि नयमातिकापदेहि सङ्घि योजेत्वा दस्सेतुं **रूपकखन्धो कतिहि खन्धेही**तिआदिना नयेन निद्देसवारो आरब्धो । तत्थ यस्मा “सङ्गहो असङ्गहोतिआदिकाय नयमातिकाय “तीहि सङ्गहो, तीहि असङ्गहो”ति नयमुखमातिका ठपिता, तस्मा रूपकखन्धादीनं सङ्गहं दस्सेतुं **कतिहि खन्धेहि कतिहायतनेहि कतिहि धातूही**ति तीणि खन्धायतनधातुपदानेव उद्धटानि । ‘चत्तारि सच्चानी’तिआदीसु एकम्पि न परामद्धं । यस्मा च “सभागो विसभागो”ति एवं लक्खणमातिका ठपिता, तस्मा इमस्स पञ्चस्स विस्सज्जने **रूपकखन्धो एकेन खन्धेना**तिआदि वुत्तं । सभागा हि तस्स एते खन्धादयोति । तत्थ **एकेन खन्धेना**ति रूपकखन्धेनेव । यच्चि किञ्चि रूपं रूपकखन्धसभागत्ता रूपकखन्धोत्वेव सङ्गहं गच्छतीति रूपकखन्धेनेव गणितं, तं रूपकखन्धेनेव परिच्छिन्नं । **एकादसहायतनेही**ति मनायतनवज्जेहि । सब्बोपि हि रूपकखन्धो दसायतनानि धम्मायतनेकदेशो च होति, तस्मा एकादसहायतनेहि गणितो, परिच्छिन्नो । **एकादसहि धातूही**ति सत्तविज्जाणधातुवज्जाहि एकादसहि एतासु हि अपरियापन्नं रूपं नाम नत्थि ।

असङ्गहनयनिद्देसे **कतिहि असङ्गहितो**ति सङ्घेपेनेव पुच्छा कता । विस्सज्जने पनस्स यस्मा रूपकखन्धस्स विसभागा चत्तारो अरूपकखन्धा, एकं मनायतनं, सत्त विज्जाणधातुयो; तस्मा **चतूहि खन्धेही**तिआदि वुत्तं । इमिना नयेन सब्बपदेसु सङ्गहासङ्गहो वेदितव्वो । इमस्मिं पन खन्धनिद्देसे — “रूपकखन्धो कतिहि खन्धेही”तिआदिमिं ताव एकमूलके सङ्गहनये सरूपेनेव दस्सिता पञ्च पुच्छा, पञ्च विस्सज्जनानि । असङ्गहनये सङ्घेपेन दस्सिता पञ्च पुच्छा, पञ्च विस्सज्जनानि । इमिना उपायेन दुक्कमूलकादीसुपि पुच्छाविस्सज्जनानि वेदितव्वानि । रूपकखन्धमूलकायेव चेत्य दुक्कतिकचतुक्का दस्सिता । पञ्चके पन “रूपकखन्धो च...पे... विज्जाणकखन्धो चा”ति एवं भेदतो च, “पञ्चकखन्धा कतिहि खन्धेही”ति एवं अभेदतो चाति द्विधा पुच्छाविस्सज्जनानि कतानि । एवं पाळिनयो वेदितव्वोति ।

#### २. आयतनपदादिवण्णना

२२. आयतनपदनिद्देसादीसु आयतनपदनिद्देसे ताव **चक्खायतनं एकेन खन्धेना**ति एकेन रूपकखन्धेनेव, एकेन चक्खायतनेनेव एकाय चक्खुधातुयाव सङ्गहितन्ति वेदितव्वं । **सोतायतनादीसुपि** इमिनाव नयेन सङ्गहासङ्गहो वेदितव्वो । **असङ्गहं खन्धतो ठपेत्वा**ति एत्थ पन यस्मा असङ्गहं धम्मायतनं नाम निब्बानं, तच्च खन्धसङ्गहं न गच्छति; तस्मा ‘खन्धतो ठपेत्वा’ति वुत्तं । **चतूहि खन्धेही**ति रूपवेदनासज्जासङ्गारकखन्धेहि । निब्बानवज्जि धम्मायतनं एतेहि सङ्गहितं । विज्जाणकखन्धेन पन ठपेत्वा धम्मायतनधम्मधातुयो सेसायतनधातूहि च तं न सङ्गहति । तेन वुत्तं — “एकेन खन्धेन, एकादसहायतनेहि, सत्तरसहि धातूहि असङ्गहितं”न्ति । यथा च ते हेट्ठा रूपकखन्धमूलका, एवमिधापि चक्खायतनमूलकाव नया वेदितव्वो । दुक्कमत्तमेव पन पाळियं दस्सेत्वा “द्वादसायतनानी”ति अभेदतोव पुच्छाविस्सज्जनं कतं । धातुनिद्देसेपि एसेव नयो ।

४०. सच्चनिद्देसे — सब्बेपि दुक्कतिकचतुक्का पाळियं दस्सिता । यस्मा च दुक्कतिकेसु समुदयसच्चसदिसमेव मग्गसच्चेपि विस्सज्जनं, तस्मा तं समुदयानन्तरं वुत्तं ।

५०. इन्द्रियनिद्देसे — **जीवितिन्द्रियं द्वीहि खन्धेही**ति रूपजीवितिन्द्रियं रूपकखन्धेन, अरूपजीवितिन्द्रियं सङ्गारकखन्धेन सङ्गहितं । सेसं वुत्तनयानुसारेनेव वेदितव्वं । पाळिववत्थानं पनेत्थ आयतनधातुनिद्देससदिसमेव ।

#### ६. पटिच्चसमुप्पादवण्णना

६१. पटिच्चसमुप्पादनिद्देसे — “अविज्जा कतिहि खन्धेही”ति पुच्छं अनारिभत्वा **अविज्जा एकेन खन्धेना**ति एवं विस्सज्जनमेव दस्सितं । तत्थ **सङ्गारपचया विज्जाणन्ति** पटिसन्धियं पवत्ते च सब्बम्पि विपाकविज्जाणं । तेनेवाह — “सत्तहि धातूहि सङ्गहितं”न्ति । नामरूपम्पि पटिसन्धिपवत्तवसेनेव वेदितव्वं । तेनेवेत्थ सद्दायतनम्पि सङ्गहेत्वा एकादसहायतनेहि सङ्गहो दस्सितो । **फस्सा**दीसु खन्धभेदो वेदितव्वो । अज्जेनेव हि एकेन खन्धेन फस्सो सङ्गहितो, अज्जेन वेदना, तण्हाउपादानकम्मभवा पन सङ्गारकखन्धेनेव सङ्गहिता । भवपदज्जेत्थ कम्मभवादीनं वसेन एकादसधा विभत्तं । तत्थ कम्मभवो फस्सादीहि सदिसविस्सज्जनता तेहि सङ्घि एकतो दस्सितो । उपपत्तिभवकामभवसज्जाभवपञ्चवोकारभवा अज्जमज्जसदिसविस्सज्जनता एकतो दस्सिता । यस्मा चेते उपादिन्नकथम्माव तस्मा “एकादसहायतनेहि सत्तरसहि धातूही”ति वुत्तं । सद्दायतनज्जि अनुपादिन्नं, तं एत्थ न गहितं ।

६८. रूपभवनिद्देसे — **पञ्चहायतनेही**ति चक्खुसोतमनरूपधम्मायतनेहि । **अट्ठहि धातूही**ति चक्खुसोतचक्खुविज्जाणसोतविज्जाणरूपधम्ममनोधातुमनोविज्जाणधातूहि । अरूपभवादयोपि तयो सदिसविस्सज्जनताव एकतो दस्सिता । तथा असज्जाभवएकवोकारभवा । तत्थ **द्वीहायतनेही**ति रूपायतनधम्मायतनेहि । धातूसुपि एसेव नयो । एकतलवासिकानज्जि सेसब्रह्मणं चक्खुसब्बावतो तस्सारम्मणता तत्थ रूपायतनं उद्धटं ।

७१. जाति द्वीहि खन्धेहीति रूपजाति रूपकखन्धेन, अरूपजाति सङ्गारकखन्धेन । जरामरणेसुपि एसेव नयो । सोकादीसुपि **एकेन खन्धेना**ति सोकदुक्खदोमनस्सानि

वेदनाकखन्धेन, परिदेवो रूपकखन्धेन, उपायासादयो सङ्गारकखन्धेनाति एवं खन्धविसेसो वेदितब्बो ।

**७३. इद्धिपादो द्वीहीति** सङ्गारविज्जाणकखन्धेहि, मनायतनधम्मायतनेहि, धम्मधातुमनोविज्जाणधातूहि च । **ज्ञानं द्वीहीति** वेदनाकखन्धसङ्गारकखन्धेहि । अप्पमज्जादयो सदिसविस्सज्जनत्ता एकतो निदिट्ठा । चित्तं पन चेतनानन्तरं निक्खित्तम्पि असदिसविस्सज्जनत्ता पच्छा गहितं । तत्थ अप्पमज्जादीसु **एकेन खन्धेनाति** वेदना वेदनाकखन्धेन, सज्जा सज्जाकखन्धेन, सेसा सङ्गारकखन्धेन सङ्गहिताति एवं खन्धविसेसो वेदितब्बो ।

## ७. तिकपदवण्णना

**७७.** एवं अब्भन्तरमात्तिकाय सङ्गहं दस्सेत्वा इदानीं बाहिरमात्तिकाय सङ्गहं दस्सेतुं **कुसला धम्माति** आदि आरब्धं । तत्थ वेदनात्तिके **तीहि धातूहीति** कायविज्जाणमनोविज्जाणधम्मधातूहि । **सत्तहि धातूहीति** चक्खुसोतधानजिक्खाविज्जाणधातूहि चेव मनोधातुधम्मधातुमनोविज्जाणधातूहि च । विपाकत्तिके **अट्टहि धातूहीति** कायविज्जाणधातुया सङ्खि ताहियेव । विपाकधम्मधम्मा पन संकिलिट्ठसंकिलेसिकेहि सङ्खि सदिसविस्सज्जनत्ता एकतो गहिता । यथा चेते, एवं सब्बतिकदुकपदेसु यं यं पदं येन येन पदेन सङ्खि सदिसविस्सज्जनं होति, तं तं उप्पटिपाटियापि तेन तेन सङ्खि गहेत्वा विस्सज्जितं । तत्थ वुत्तानुसारेनेव सङ्गहासङ्गहनयो वेदितब्बोति ।

सङ्गहासङ्गहपदवण्णना ।

## २. दुतियनयो सङ्गहितेन असङ्गहितपदवण्णना

**१७१.** इदानीं सङ्गहितेन असङ्गहितपदं भाजेतुं **चक्खायतनेनाति** आदि आरब्धं । तत्रिदं लक्खणं — इमस्मिंहे वारे यं खन्धपदेन सङ्गहितं हुत्वा आयतनधातुपदेहि असङ्गहितं, खन्धायतनपदेहि वा सङ्गहितं हुत्वा धातुपदेन असङ्गहितं, तस्स खन्धादीहि असङ्गहं पुच्छित्वा विस्सज्जनं कतं । तं पन रूपकखन्धादीसु न युज्जति । रूपकखन्धेन हि रूपकखन्धोव सङ्गहितो । सो च अट्ठेकादसहि आयतनधातूहि असङ्गहितो नाम नत्थि । वेदनाकखन्धेन च वेदनाकखन्धोव सङ्गहितो । सोपि धम्मायतनधम्मधातूहि असङ्गहितो नाम नत्थि । एवं असङ्गहितताय अभावतो एतानि अज्जानि च एवरूपानि मनायतनधम्मायतनादीनि पदानि इमस्मिं वारे न गहितानि । यानि पन पदानि रूपेकदेसं अरूपेन असम्मिस्सं, विज्जाणेकदेसज्ज अज्जेन असम्मिस्सं दीपेन्ति, तानि इध गहितानि । परियोसाने च —

“दसायतना सत्तरस धातुयो,  
सत्तिन्द्रिया असज्जाभवो एकवोकारभवो ।  
परिदेवो सनिदस्सनसप्पटिघं,  
अनिदस्सनं पुनदेव सप्पटिघं उपादा”ति ॥

एवं **उद्धानगाथाय** दस्सितानेव । तस्मा तेसं वसेनेव सङ्गहासङ्गहो वेदितब्बो । पञ्चवसेन हि इमस्मिं वारे आयतनधातुवसेनेव सदिसविस्सज्जने वीसति धम्मे समोधानेत्वा एको पञ्चो कतो, सत्त विज्जाणधातुयो समोधानेत्वा एको, सत्तिन्द्रियायानि समोधानेत्वा एको, द्वे भवे समोधानेत्वा एको, परिदेवेन च सनिदस्सनसप्पटिघेहि च एको, अनिदस्सनसप्पटिघेहि एको, सनिदस्सनेहि एको, सप्पटिघेहि च उपादाधम्महि च एकोति अट्ठ पञ्चा कता । तेसु खन्धादिविभागो एवं वेदितब्बो सेय्यथिदं — पठमपञ्चे ताव **चतूहि खन्धेहीति** अरूपकखन्धेहि, **द्वीहायतनेहीति** चक्खायतनादीसु एकेकेन सङ्खि मनायतनेन, **अट्टहि धातूहीति** चक्खुधातुआदीसु एकेकाय सङ्खि सत्तहि विज्जाणधातूहि ।

तत्रायं नयो — चक्खायतनेन हि खन्धसङ्गहेन रूपकखन्धो सङ्गहितो । तस्मिं सङ्गहिते रूपकखन्धे आयतनसङ्गहेन चक्खायतनमेवेकं सङ्गहितं । सेसानि दस आयतनानि असङ्गहितानि । धातुसङ्गहेनपि तेन चक्खुधातुयेवेका सङ्गहिता । सेसा दस धातुयो असङ्गहिता । इति यानि तेन असङ्गहितानि दसायतनानि, तानि चक्खायतनमनायतनेहि द्वीहि असङ्गहितानि । यापि तेन असङ्गहिता दस धातुयो, ता चक्खुधातुया चेव सत्तहि च विज्जाणधातूहि असङ्गहिताति । रूपायतनादीसुपि एसेव नयो ।

**१७२.** दुतियपञ्चे — यस्मा याय कायचि विज्जाणधातुया सङ्गहितो विज्जाणकखन्धो मनायतनेन असङ्गहितो नाम नत्थि, तस्मा **आयतनसङ्गहेन सङ्गहिताति** वुत्तं । एत्थ पन **चतूहि खन्धेहीति** रूपादीहि चतूहि । **एकादसहायतनेहीति** मनायतनवज्जेहि । **द्वादसहि धातूहीति** यथानुरूपा छ विज्जाणधातुयो अपनेत्वा सेसाहि द्वादसहि । चक्खुविज्जाणधातुया हि चक्खुविज्जाणधातुयेव सङ्गहिता, इतरा असङ्गहिता । सोतविज्जाणधातुआदीसुपि एसेव नयो ।

**१७३.** ततियपञ्चे — चक्खुन्द्रियादीनं विस्सज्जनं चक्खायतनादिसदिसमेव । इत्थिन्द्रियपुरिसिन्द्रियेसु पन धम्मायतनेन सङ्खि द्वे आयतनानि, धम्मधातुया च सङ्खि अट्ठ धातुयो वेदितब्बा ।

**१७४.** चतुत्थपञ्चे — **तीहायतनेहीति** रूपायतनधम्मायतनमनायतनेहि । तेसु हि भवेसु रूपायतनधम्मायतनवसेन द्वेव आयतनानि तेहि सङ्गहितानि । सेसानि नव रूपायतनानि तेहेव च द्वीहि, मनायतनेन चाति तीहि असङ्गहितानि नाम होन्ति । **नवहि धातूहीति** रूपधातुधम्मधातूहि सङ्खि सत्तहि विज्जाणधातूहि ।

**१७५.** पञ्चमपञ्चे — **द्वीहायतनेहीति** पठमपदं सन्धाय सहायतनमनायतनेहि । दुतियपदं सन्धाय रूपायतनमनायतनेहि । धातुयोपि तेसंयेव एकेकेन सङ्खि सत्त विज्जाणधातुयो वेदितब्बा ।

**१७६.** छट्ठपञ्चे — **दसहायतनेहीति** रूपायतनधम्मायतनवज्जेहि । **सोळसहि धातूहीति** रूपधातुधम्मधातुवज्जेहेव । कथं? अनिदस्सनसप्पटिघा हि धम्मा नाम नव ओळारिकायतनानि । तेहि खन्धसङ्गहेन सङ्गहिते रूपकखन्धे, आयतनसङ्गहेन तानेव नवायतनानि सङ्गहितानि । रूपायतनधम्मायतनानि असङ्गहितानि । धातुसङ्गहेनपि ता एव नव धातुयो सङ्गहिता । रूपधातुधम्मधातुयो असङ्गहिता । इति यानि तेहि असङ्गहितानि द्वे आयतनानि, तानि रूपायतनवज्जेहि नवहि ओळारिकायतनेहि, मनायतनेन चाति दसहि असङ्गहितानि । यापि तेहि असङ्गहिता द्वे धातुयो, ता रूपधातुवज्जाहि नवहि ओळारिकधातूहि, सत्तहि च विज्जाणधातूहीति सोळसहि असङ्गहिताति वेदितब्बा ।

१७७. सत्तमपञ्चे — द्वीहायतनेहीति रूपायतनमनायतनेहि । अट्टहि धातूहीति रूपधातुया सद्धिं सत्तहि विज्जाणधातूहि ।

१७८. अट्टमपञ्चे — एकादसहायतनेहीति सप्पटिघधम्मो सन्धाय धम्मायतनवज्जेहि, उपादाधम्मो सन्धाय फोड्डुब्बायतनवज्जेहि । धातूसुपि एसेव नयो । अत्थयोजना पनेत्थ हेट्ठा वुत्तनयेनेव वेदितब्बाति ।

सङ्गहितेन असङ्गहितपदवण्णना ।

### ३. ततियनयो असङ्गहितेन सङ्गहितपदवण्णना

१७९. इदानीं असङ्गहितेन सङ्गहितपदं भाजेतुं वेदनाखन्धेनातिआदि आरद्धं । तत्रिदं लक्खणं — इमस्मिञ्चि वारे यं खन्धपदेन असङ्गहितं हुत्वा आयतनधातुपदेहि सङ्गहितं, तस्स खन्धादीहि सङ्गहं पुच्छित्वा विस्सज्जनं कतं । तं पन रूपखन्धविज्जाणखन्धचक्रायतनादीसु न युज्जति । रूपखन्धेन हि चत्तारो खन्धा खन्धसङ्गहेन असङ्गहिता । तेसु तेन एकधम्मोपि आयतनधातुसङ्गहेन सङ्गहितो नाम नत्थि । ननु च वेदनादयो धम्मायतनेन सङ्गहिताति? सङ्गहिता । न पन रूपखन्धोव धम्मायतनं, रूपखन्धतो हि सुखमरूपमत्तं धम्मायतनं भजति । तस्मा ये धम्मायतनेन सङ्गहिता, न ते रूपखन्धेन सङ्गहिता नाम । विज्जाणखन्धेनपि इतरे चत्तारो खन्धा असङ्गहिता । तेसु तेन एकोपि आयतनधातुसङ्गहेन सङ्गहितो नाम नत्थि । एवं सङ्गहितताय अभावतो एतानि अज्जानि च एवरूपानि चक्रायतनादीनि पदानि इमस्मिं वारे न गहितानि । यानि पन पदानि विज्जाणेन वा ओळारिकरूपेन वा असम्मिस्सं धम्मायतनेकदेसं दीपेन्ति, तानि इध गहितानि । तेसं इदमुद्धानं —

“तयो खन्धा तथा सच्चा, इन्द्रियानि च सोळस ।

पदानि पच्चयाकारे, चुदसूपरि चुदस ॥

“समर्तिस पदा होन्ति, गोच्छकेसु दसस्वथ ।

दुवे चूळन्तरदुका, अट्ट होन्ति महन्तरा”ति ॥

एतेसु पन पदेसु सदिसविस्सज्जनानि पदानि एकतो कत्वा सब्बेपि द्वादस पञ्हा वुत्ता । तेसु एवं खन्धविभागो वेदितब्बो । आयतनधातूसु पन भेदो नत्थि । तत्थ पठमपञ्चे ताव — तीहि खन्धेहीति रूपसज्जासङ्गारखन्धेहि । आयतनधातुयो पन धम्मायतनधम्मधातुवसेन वेदितब्बा ।

तत्रायं नयो — वेदनाखन्धेन हि निब्बानञ्च सुखमरूपसज्जासङ्गारा च खन्धसङ्गहेन असङ्गहिता हुत्वा आयतनधातुसङ्गहेन सङ्गहिता । तेसु निब्बानं खन्धसङ्गहं न गच्छति, सेसा रूपसज्जासङ्गारखन्धेहि सङ्गहं गच्छन्ति । आयतनधातुसङ्गहं पन निब्बानमपि गच्छतेव । तेन वुत्तं — “असङ्गत्तं खन्धतो ठपेत्वा तीहि खन्धेहि, एकेनायतनेन, एकाय धातुया सङ्गहिता”ति । सज्जाखन्धपक्खे पनेत्थ सज्जं अपनेत्वा वेदनाय सद्धिं तयो खन्धा सङ्गारादीसु सङ्गारखन्धं अपनेत्वा रूपवेदनासज्जावसेन तयो खन्धा वेदितब्बा ।

१८०. दुतिये — चतूहि खन्धेहीति विज्जाणवज्जेहि । ते हि निरोधेन खन्धसङ्गहेन असङ्गहिता हुत्वा आयतनधातुसङ्गहेन सङ्गहिता ।

१८१. ततिये — द्वीहीति वेदनासज्जाखन्धेहि । रूपारूपजीवितिन्द्रियेन हि वेदनासज्जाविज्जाणखन्धा च खन्धसङ्गहेन असङ्गहिता । तेसु पन वेदनासज्जाव आयतनधातुसङ्गहेन सङ्गहिता । तेन वुत्तं — “वेदनासज्जाखन्धेही”ति । इमिना उपायेन सब्बत्थ खन्धभेदो वेदितब्बो । इतो परञ्चि खन्धानं नाममत्तमेव वक्खाम ।

१८२. चतुत्थे — तीहि खन्धेहीति इत्थिन्द्रियपुरिसिन्द्रियेसु वेदनासज्जासङ्गारेहि, वेदनापञ्चके रूपसज्जासङ्गारेहि; सद्धिन्द्रियादीसु फस्सपरियोसानेसु रूपवेदनासज्जाखन्धेहि । वेदनाय वेदनाखन्धसदिसोव तण्हुपादानकम्मभवेसु सङ्गारखन्धसदिसोव विनिच्छयो ।

१८३. पञ्चमे — जातिजरामरणेसु जीवितिन्द्रियसदिसोव । ज्ञानेन पन निब्बानं सुखमरूपं सज्जा च खन्धसङ्गहेन असङ्गहिता हुत्वा आयतनधातुसङ्गहेन सङ्गहिता । तस्मा तं सन्धाय रूपखन्धसज्जाखन्धानं वसेन द्वे खन्धा वेदितब्बा ।

१८४. छट्ठे — सोकादित्तये वेदनाय सदिसो । उपायासादीसु सङ्गारसदिसो । पुन वेदनाय वेदनाखन्धसदिसो, सज्जाय सज्जाखन्धसदिसो, चेतनादीसु सङ्गारखन्धसदिसो विनिच्छयो । इमिना उपायेन सत्तमपञ्हादीसुपि सङ्गहासङ्गहो वेदितब्बाति ।

असङ्गहितेन सङ्गहितपदवण्णना ।

### ४. चतुत्थनयो सङ्गहितेन सङ्गहितपदवण्णना

१९१. इदानीं सङ्गहितेन सङ्गहितपदं भाजेतुं समुदयसच्चेनातिआदि आरद्धं । तत्थ यं खन्धादीहि सङ्गहितेन खन्धादिवसेन सङ्गहितं, पुन तस्सेव खन्धादीहि सङ्गहं पुच्छित्वा विस्सज्जनं कतं । तं खन्धायतनधातूसु एकमपि सकलकोट्टासं गहेत्वा ठितपदेसु न युज्जति । सकलेन हि खन्धादिपदेन अज्जं खन्धादिवसेन सङ्गहितं नाम नत्थि, यं अतनो सङ्गाहकं सङ्गहिहत्वा पुन तेनेव सङ्गहं गच्छेय्य । तस्मा तथारूपानि पदानि इमस्मिं वारे न गहितानि । यानि पन पदानि सङ्गारेकदेसं वा अज्जेन असम्मिस्सं दीपेन्ति — वेदनेकदेसं वा सुखमरूपं वा सद्देकदेसं वा, तानि इध गहितानि । तेसं इदमुद्धानं —

“द्वे सच्चा पन्नरसिन्द्रिया, एकादस पटिच्चपदा ।

उद्धं पुन एकादस, गोच्छकपदमेत्थ तिसविध”न्ति ॥

पञ्हा पनेत्थ द्वेयेव होन्ति । तत्थ यं पुच्छाय उद्धटं पदं, तदेव येहि धम्मोहि खन्धादिवसेन सङ्गहितं, ते धम्मे सन्धाय सब्बत्थ एकेन खन्धेनातिआदि वुत्तं । तत्रायं नयो — समुदयसच्चेन हि तण्हावज्जा सेसा सङ्कारा खन्धादिसङ्गहेन सङ्गहिता । पुन तेहि तण्हाव सङ्गहिता । सा तण्हा पुन सङ्कारेहेव खन्धादिसङ्गहेन सङ्गहिताति । एसेव नयो सब्बत्थ । अरूपधम्मपुच्छासु पनेत्थ सङ्कारखन्धो वा वेदनाखन्धो वा एको खन्धो नाम । रूपधम्मपुच्छासु रूपखन्धो । परिदेवपुच्छाय सद्दायतनं एकं आयतनं नाम । सद्दधातु एका धातु नाम, सेसद्धानेसु धम्मायतनधम्मधातुवसेनेव अत्थो वेदितब्बाति ।

सङ्गहितेनसङ्गहितपदवण्णना ।

#### ५. पञ्चमनयो असङ्गहितेनअसङ्गहितपदवण्णना

१९३. इदानी असङ्गहितेन असङ्गहितपदं भाजेतुं रूपखन्धेनातिआदि आरब्धं । तत्थ यं खन्धादीहि असङ्गहितेन खन्धादिवसेन असङ्गहितं, पुन तस्सेव खन्धादीहि असङ्गहं पुच्छित्वा विस्सज्जनं कतं । तं पञ्चकखन्धगगाहकेसु दुक्खसच्चादीसु विज्जाणेन सङ्गि सुखुरूपगगाहकेसु अनिदस्सनअप्पटिघादीसु च पदेसु न युज्जति । तादिसेन हि पदेन निब्बानं खन्धसङ्गहमतं न गच्छेय्य । सेसा खन्धादीहि असङ्गहितधम्मा नाम नत्थि । तस्मा तथारूपानि पदानि इमस्मिं वारे न गहितानि । यानि पन पञ्चकखन्धे विज्जाणञ्च सुखुरूपेन सङ्गि एकतो न दीपेन्ति, तानि इध गहितानि । तेसं इदमुद्दानं —

“सब्बे खन्धा तथायतनधातुयो सच्चतो तयो ।

इन्द्रियानिपि सब्बानि, तेवीसति पटिच्चतो॥

“परतो सोळस पदा, तेचत्तालीसकं तिके ।

गोच्छके सत्तति द्वे च, सत्त चूळन्तरे पदा॥

“महन्तरे पदा वुत्ता, अट्टारस ततो परं ।

अट्टारसेव जातब्बा, सेसा इध न भासिता”ति॥

पञ्हा पनेत्थ सदिसविस्सज्जनानं वसेन समोधानेत्वा कतिहि सङ्गि सब्बेपि चतुत्तिस होन्ति । तत्थ यं पुच्छाय उद्धटं पदं, तदेव येहि खन्धादीहि असङ्गहितं, ते धम्मे सन्धाय एकेन खन्धेनातिआदि वुत्तं ।

तत्रायं नयो — रूपखन्धेन हि चत्तारो खन्धा निब्बानञ्च खन्धसङ्गहेन असङ्गहिता । आयतनधातुसङ्गहेन पन ठपेत्वा विज्जाणं अवसेसा सङ्गहिताति विज्जाणमेव तीहिपि खन्धसङ्गहादीहि असङ्गहितं नाम । पुन तेन विज्जाणेन सङ्गि निब्बानेन चत्तारो खन्धा खन्धादिसङ्गहेन असङ्गहिता । ते सब्बेपि पुन विज्जाणेनेव खन्धादिसङ्गहेन असङ्गहिताति एकेन खन्धेन, एकेनायतनेन, सत्तहि धातूहि असङ्गहिता नाम होन्ति । अथ वा — यदेतं रूपखन्धेन विज्जाणमेव तीहि खन्धादिसङ्गहेहि असङ्गहितं, तेहिपि विज्जाणधम्मोहि ते रूपधम्माव तीहि सङ्गहेहि असङ्गहिता । पुन ते रूपधम्मा विज्जाणेनेव तीहि सङ्गहेहि असङ्गहिता । विज्जाणञ्च खन्धतो एको विज्जाणकखन्धो होति, आयतनतो एकं मनायतनं, धातुतो सत्त विज्जाणधातुयो । तस्मा “एकेन खन्धेना”तिआदि वुत्तं । इमिना उपायेन सब्बत्थ यं पुच्छाय उद्धटं पदं, तदेव येहि धम्मोहि खन्धादिवसेन असङ्गहितं, तेसं धम्मानं वसेन खन्धादयो वेदितब्बा । तत्थ दुतियपञ्हे ताव — रूपविज्जाणानं वसेन वेदितब्बा । वेदनादयो हि रूपविज्जाणेहेव खन्धादिसङ्गहेन असङ्गहिता । ते च द्वे खन्धा एकादसायतनानि सत्तरस धातुयो होन्ति ।

१९५. ततियपञ्हे — विज्जाणं रूपादीहि चतूहि असङ्गहितन्ति तेसं वसेन खन्धादयो वेदितब्बा ।

१९६. चतुत्थपञ्हे — चकखायतनं वेदनादीहि चतूहीति इमिना नयेन सब्बत्थ खन्धादयो वेदितब्बा । परियोसाने — रूपञ्च धम्मायतनन्ति उद्दानगाथाय दस्सितधम्मायेव अज्जेनाकारेन सङ्गिपित्वा दस्सिताति ।

असङ्गहितेनअसङ्गहितपदवण्णना ।

#### ६. छट्ठनयो सम्पयोगविषययोगपदवण्णना

१९८. इदानी सम्पयोगविषययोगपदं भाजेतुं रूपखन्धोतिआदि आरब्धं । तत्थ यं लब्धति यञ्च न लब्धति तं सब्बं पुच्छाय गहितं । विस्सज्जने पन यं न लब्धति, तं नत्थीति पटिक्खितं । चतूहि सम्पयोगो, चतूहि विषययोगो; सभागो विसभागोति हि वचनतो चतूहि अरूपखन्धेहेव सभागानं एकसन्तानस्मिं एककखणे उप्पन्नानं अरूपखन्धानयेव अज्जमज्जं सम्पयोगो लब्धति । रूपधम्मानं पन रूपेन निब्बानेन वा, निब्बानस्स च रूपेन सङ्गि सम्पयोगो नाम नत्थि । तथा रूपनिब्बानानं अरूपखन्धेहि, विसभागा हि ते तेसं । यथा च अरूपखन्धानं रूपनिब्बानेहि, एवं भिन्नसन्तानेहि नानाकखणिकेहि अरूपधम्मोहिपि सङ्गि नत्थियेव । तेपि हि तेसं सन्तानकखणविसभागताय विसभागायेव । अयं पन विसभागता सङ्गहट्टेन विरुज्जनतो सङ्गहनये नत्थि । गणनूपगमतज्जि सङ्गहट्टो । सम्पयोगनये पन अत्थि, एकुप्पादतादिलकखणज्जि सम्पयोगट्टोति । एवमेत्थ यस्स एकधम्मेनपि सम्पयोगलकखणं न युज्जति, तस्स पुच्छाय सङ्गहं कत्वापि नत्थीति पटिक्खेपो कतो । यस्स विषययोगलकखणं युज्जति, तस्स विषययोगो दस्सितो । यानि पन पदानि सत्तसु विज्जाणधातूसु एकायपि अविषययुक्ते रूपेन निब्बानेन वा मिस्सकधम्मे दीपेन्ति, तानि सब्बथापि इध न युज्जन्तीति न गहितानि । तेसं इदमुद्दानं —

“धम्मायतनं धम्मधातु, दुक्खसच्चञ्च जीवितं ।

सळायतनं नामरूपं, चत्तारो च महाभवा॥

“जातिजरा च मरणं, तिकेस्वेकूनवीसति ।

गोच्छकेसु च पञ्जास, अट्ट चूळन्तरे पदा॥

“महन्तरे पन्नरस, अट्टारस ततो परे ।  
तेवीस पदसतं एतं, सम्पयोगे न लब्धती”ति॥

धम्मायतनजिह रूपनिब्बानमिस्सकत्ता तस्मिं अपरियापन्नेन विज्जाणेनपि न सकका सम्पयुत्तन्ति वत्तुं । यस्मा पनेत्थ वेदनादयो विज्जाणेन सम्पयुत्ता, तस्मा विष्पयुत्तन्तिपि न सकका वत्तुं । सेसेसुपि एसेव नयो । एवं सब्बत्थापि एतानि न युज्जन्तीति इध न गहितानि । सेसानि खन्धादीनि युज्जन्तीति तानि गहेत्वा एकेकवसेन च समोधानेन च पञ्हविस्सज्जनं कतं । तेसु पञ्हेसु, पठमे — **एकेनायतनेनाति** मनायतनेन । **केहिचीति** धम्मायतनधम्मधातुपरियापन्नेहि वेदनासज्जासङ्खारेहि ।

२२९. दुतिये — **तीहीति** पुच्छितं पुच्छितं ठपेत्वा सेसेहि । **केहिचि सम्पयुत्तोति** वेदनाकखन्धो सज्जासङ्खारेहि । इतरेपि अत्तानं ठपेत्वा इतरेहि । **केहिचि विष्पयुत्तोति** रूपनिब्बानेहि । एवं सब्बत्थ रूपस्स विष्पयोगे धम्मायतनधम्मधातूसु अरूपं, अरूपस्स विष्पयोगे रूपं दट्ठब्बं । ततियपञ्हो उत्तानत्थोव ।

२३१. चतुत्थे — ‘कतिहि खन्धेही’तिआदिं अवत्वा **सम्पयुत्तन्ति नत्थीति** वुत्तं । तं पन खन्धादीनयेव वसेन वेदितब्बं । परतोपि एवरूपेसु पञ्हेसु एसेव नयो । आदिपञ्हस्मिज्हि सरूपतो दस्सेत्वा परतो पाळि संखित्ता । इमिना नयेन सब्बत्थ अत्थयोजना वेदितब्बा । यत्थ पन नातिपाकटा भविस्सति, तत्थ नं पाकटं कत्वाव गमिस्साम ।

२३४. **सोळसहि धातूहीति** चक्खुविज्जाणधातु ताव अत्तानं ठपेत्वा छहि विज्जाणधातूहि, दसहि च रूपधातूहि । सेसासुपि एसेव नयो ।

२३५. **तीहि खन्धेहीति** सङ्खारकखन्धं ठपेत्वा सेसेहि । **एकाय धातुयाति मनोविज्जाणधातुया** । समुदयमगगानज्हि अज्जाय धातुया सम्पयोगो नत्थि । **एकेन खन्धेनाति** सङ्खारकखन्धेन । **एकेनायतनेनाति** धम्मायतनेन । **एकाय धातुयाति** धम्मधातुया । एतेसु हि तं सच्चद्वयं केहिचि सम्पयुत्तं ।

२३८. सुखिन्द्रियादिपञ्हे — **तीहीति** सज्जासङ्खारविज्जाणेहि । **एकाय धातुयाति** कायविज्जाणधातुया, मनोविज्जाणधातुया च । **छहि धातूहीति** कायविज्जाणधातुवज्जाहि ।

२४५. रूपभवपञ्हे — सब्बेसमि अरूपकखन्धानं अरूपायतनानञ्च अत्थिताय न **केहिचीति** वुत्तं । धानजिह्वाकायविज्जाणधातूनं पन नत्थिताय **तीहि धातूहि** विष्पयुत्तोति वुत्तं ।

२५६. अधिमोक्खपञ्हे — **द्वीहि धातूहीति** मनोधातुमनोविज्जाणधातूहि । **पन्नरसहीति** सेसाहि दसहि रूपधातूहि, पञ्चहि च चक्खुविज्जाणादीहि ।

२५७. कुसलपञ्हे — कुसलेहि चतुन्नमि खन्धानं गहितत्ता सम्पयोगो पटिक्खित्तो ।

२५८. वेदनात्तिकपञ्हे — **एकेन खन्धेनाति** वेदनाकखन्धेनेव । **पन्नरसहीति** चक्खुसोतघानजिह्वाविज्जाणधातुमनोधातूहि चेव रूपधातूहि च । **एकादसहीति** कायविज्जाणधातुया सङ्घि रूपधातूहि ।

२६२. नेवविपाकनविपाकधम्मधम्मपञ्हे — **पञ्चहीति** चक्खुविज्जाणादीहि । अनुपादिन्न अनुपादानियपञ्हे — **छहीति** मनोविज्जाणधातुवज्जाहि । सवितक्कसविचारपञ्हे — **पन्नरसहीति** पञ्चहि विज्जाणेहि सङ्घि रूपधातूहि । अवितक्कविचारमत्तपञ्हे — **एकेन खन्धेनाति** आदि सङ्खारकखन्धवसेनेव वेदितब्बं । दुतियज्झानविचारज्हि ठपेत्वा सेसा **अवितक्कविचारमत्ता** नाम । पीति ठपेत्वा सेसा **पीतिसहगता** । तत्थ विचारो विचारेन, पीति च पीतिया न सम्पयुत्ताति सङ्खारकखन्धधम्मायतनधम्मधातूसु केहिचि सम्पयुत्ता नाम । **सोळसहीति** धम्मधातुमनोविज्जाणधातुवज्जाहेव । अवितक्कविचारपञ्हे — **एकाय धातुयाति** मनोधातुया । **सुखसहगता उपेक्खासहगता** च वेदनात्तिके वुत्ताव । **दस्सनेनपहातब्बादयो** कुसलसदिसाव ।

२७१. **परित्तरम्मणं** विपाकधम्मसदिसं । **एकाय धातुयाति** धम्मधातुया । **केहिचीति** ये तत्थ परित्तरम्मणा न होन्ति, तेहि । धम्मधातु पन परित्तरम्मणानं छन्नं चित्तुप्पादानं वसेन चतूहि खन्धेहि सङ्गहितत्ता पठमपटिक्खेपमेव भजति । **महगगतारम्मणादयो** कुसलसदिसाव ।

२७३. अनुप्पन्नेसु — **पञ्चहि धातूहीति** चक्खुविज्जाणादीहि । तानि हि एकन्तेन उप्पादिधम्मभूतानेव, उप्पन्नकोट्टासमि पन भजन्ति । **पच्चुप्पन्नारम्मणादयो** परित्तरम्मणसदिसाव । **हेतु** आदयो समुदयसदिसाव । **सहेतुका चेव न च हेतूपि** पीतिसहगतसदिसाव । तथा **परामाससम्पयुत्ता** । **अनुपादिन्ना** अनुप्पन्नसदिसाव । सेसं सब्बत्थ उत्तानत्थमेवाति ।

सम्पयोगविष्पयोगपदवण्णना ।

### ७. सत्तमनयो सम्पयुत्तेनविष्पयुत्तपदवण्णना

३०६. इदानी सम्पयुत्तेनविष्पयुत्तपदं भाजेतुं **वेदनाकखन्धेनाति** आदि आरब्धं । तत्रिदं लक्खणं — इमस्मिज्हि वारे पुच्छाय उद्धटपदेन ये धम्मा सम्पयुत्ता, तेहि ये धम्मा विष्पयुत्ता, तेसं खन्धादीहि विष्पयोगं पुच्छित्वा विस्सज्जनं कतं । तं पन रूपकखन्धादीसु न युज्जति । रूपकखन्धेन हि सम्पयुत्ता नाम नत्थि । तस्मा तज्ज अज्जानि च एवरूपानि पदानि इमस्मिं वारे न गहितानि । यानि पन पदानि धम्मधातुया सम्पयुत्ते धम्मे विज्जाणञ्च अज्जेन असम्मिस्सं दीपेन्ति, तानि इध गहितानि । तेसं इदमुद्दानं —

“चत्तारो खन्धायतनञ्च एकं,

द्वे इन्द्रिया धातुपदानि सत्त ।  
तयो पटिच्चा अथ फस्ससत्तकं,  
तिके तयो सत्त महन्तरे च ॥

“एकं सवितक्कं, सविचारमेकं ।  
युत्तं उपेक्खाय च एकमेवा”ति ॥

परियोसाने — खन्धा चतुरोतिआदिनापि अयमेवत्थो सङ्गहितो । तत्थ यानि पदानि सदिसविस्सज्जनानि, तानि उप्पटिपाटियापि समोधानेत्वा तत्थ वेदनाक्खन्धादिका पञ्हा कता । तेसु एवं खन्धादिविभागो वेदितब्बो । वेदनाक्खन्धादिपञ्हे ताव — **एकेनाति** मनायतनेन । **सत्तहीति** विज्जाणधातूहि । **केहिचीति** धम्मायतने वेदनादीहि । विज्जाणधातुपञ्हे — **ते धम्मा न केहिचीति** ते पुच्छाय उद्धटपदं विज्जाणधातुं ठपेत्वा सेसा छ विज्जाणधातुधम्मा, रूपं, निब्बानञ्च । तेहि सब्बेसं खन्धायतनानं सङ्गहितत्ता न केहिचि खन्धेहि आयतनेहि वा विप्पयुत्ता । **एकाय धातुयाति** या या पुच्छाय उद्धटा होति ताय ताय ।

**३०९.** उपेक्खिन्द्रियपञ्हे — **पञ्चहीति** उपेक्खासम्पयुत्ताहि चक्खुविज्जाणधातुआदीहि । इमिना नयेन सब्बत्थ पुच्छाय उद्धटपदेनेव सद्धिं विप्पयुत्तानं वसेन अत्थो वेदितब्बीति ।

सम्पयुत्तेनविप्पयुत्तपदवण्णना ।

#### ८. अट्टमनयो विप्पयुत्तेनसम्पयुत्तपदवण्णना

**३१७.** इदानीं विप्पयुत्तेनसम्पयुत्तपदं भाजेतुं **रूपक्खन्धेनाति**आदि आरद्धं । तत्थ सब्बापि पुच्छा मोघपुच्छाव । रूपक्खन्धेन हि विप्पयुत्ता नाम चत्तारो खन्धा, तेसं अज्जेहि सम्पयोगो नत्थि । वेदनाक्खन्धेन विप्पयुत्तं रूपं निब्बानञ्च, तस्स च केनचि सम्पयोगो नत्थि । एवं सब्बपदेसु । विप्पयुत्तानं पन सम्पयोगाभावो वेदितब्बो । इति पुच्छाय मोघत्ता सब्बविस्सज्जनेसु **नत्थि नत्थि**इच्चेव वुत्तन्ति ।

विप्पयुत्तेनसम्पयुत्तपदवण्णना ।

#### ९. नवमनयो सम्पयुत्तेनसम्पयुत्तपदवण्णना

**३१९.** इदानीं सम्पयुत्तेनसम्पयुत्तपदं भाजेतुं **वेदनाक्खन्धेनाति**आदि आरद्धं । तत्थ यं खन्धादिवसेन सम्पयुत्तं, पुन तस्सेव खन्धादीहि सम्पयोगं पुच्छित्वा विस्सज्जनं कतं । तं रूपेन वा रूपमिस्सकेहि वा सब्बरूपक्खन्धसङ्गाहकेहि वा पदेहि सद्धिं न युज्जति । रूपेन हि रूपमिस्सकेन वा अज्जेसं सम्पयोगो नत्थि । सब्बरूपक्खन्धसङ्गाहकेहि सब्बेसं सम्पयोगारहानं खन्धादीनं गहितत्ता अज्जेयव नत्थि, यं तेन सह सम्पयोगं गच्छेय्य । तस्मा तथारूपानि पदानि इध न गहितानि । यानि पन पदानि रूपेन असम्मिस्सं अरूपेकदेसं दीपेन्ति, तानि इध गहितानि । तेसं इदमुद्धानं —

“अरूपक्खन्धा चत्तारो, मनायतनमेव च ।  
विज्जाणधातुयो सत्त, द्वे सच्चा चुद्धसिन्द्रिया ॥

“पच्चये द्वादस पदा, ततो उपरि सोळस ।  
तिकेसु अट्ठ गोच्छके, तेचत्तालीसमेव च ॥

“महन्तरदुके सत्त, पदा पिट्ठिदुकेसु छ ।  
नवमस्स पदस्सेते, निद्वेसे सङ्गहं गता”ति ॥

सब्बपञ्हेसु पन ये धम्मा पुच्छाय उद्धटा, ते येहि सम्पयुत्ता होन्ति, तेसं वसेन खन्धादिभेदो वेदितब्बो । वेदनाक्खन्धेन हि इतरे तयो खन्धा सम्पयुत्ता, पुन तेहि वेदनाक्खन्धो सम्पयुत्तो । सो तेहि सज्जादीहि तीहि खन्धेहि, एकेन मनायतनेन, सत्तहि विज्जाणधातूहि, एकस्मिं धम्मायतने, धम्मधातुया च, केहिचि सज्जासङ्गारेहेव सम्पयुत्तो । एसेव नयो सब्बत्थाति ।

सम्पयुत्तेनसम्पयुत्तपदवण्णना ।

#### १०. दसमनयो विप्पयुत्तेनविप्पयुत्तपदवण्णना

**३५३.** इदानीं विप्पयुत्तेनविप्पयुत्तपदं भाजेतुं **रूपक्खन्धेनाति**आदि आरद्धं । तत्थ ये सम्पयोगविप्पयोगपदनिद्वेसे रूपक्खन्धादयो धम्मा उद्धटा, सब्बपुच्छासु तेयेव उद्धटा । सदिसविस्सज्जनानं पन एकतो गहितत्ता पदानि अज्जाय पटिपाटिया आगतानि । तत्थ यं पदं पुच्छाय उद्धटं, तं येहि धम्मेहि विप्पयुत्तं, तेसं वसेन खन्धादिविभागो वेदितब्बो । रूपक्खन्धेन हि वेदनादयो विप्पयुत्ता, तेहि च रूपक्खन्धो विप्पयुत्तो । निब्बानं पन सुखमरूपगतिकमेव । सो रूपक्खन्धो चतूहि खन्धेहि, एकेन मनायतनेन सत्तहि विज्जाणधातूहि, धम्मायतनधम्मधातूसु, केहिचि वेदनादीहि धम्मेहेव विप्पयुत्तो । एसेव नयो सब्बत्थाति ।

विप्पयुत्तेनविप्पयुत्तपदवण्णना ।

### ११. एकादसमनयो सङ्गहितेनसम्पयुतविषयुत्तपदवण्णना

४०९. इदानीं सङ्गहितेनसम्पयुतविषयुत्तपदं भाजेतुं **समुदयसच्चेनाति**आदि आरब्धं । तत्थ ये सङ्गहितेनसङ्गहितपदनिद्देसे समुदयसच्चादयोव धम्मा उद्धटा, सब्बपुच्छासु तेयेव उद्धटा । सदिसविस्सज्जनानं पन एकतो गहितत्ता पदानि अज्जाय पटिपाटिया आगतानि । तत्थ ये धम्मा पुच्छाय उद्धटपदेन खन्धादिसङ्गहेन सङ्गहिता, तेसं येहि सम्पयोगो वा विषययोगो वा होति, तेसं वसेन खन्धादिविभागो वेदितब्बो ।

तत्रायं नयो — समुदयसच्चेन ताव सङ्गारक्खन्धपरियापन्ना धम्मा खन्धादिसङ्गहेन सङ्गहिता । ते च सेसेहि तीहि खन्धेहि, एकेन मनायतनेन, सत्तहि विज्जाणधातूहि, सङ्गारक्खन्धे धम्मायतनधम्मधातूसु च ठपेत्वा तण्हं सेसेहि सम्पयुत्तत्ता केहिचि सम्पयुत्ता नाम । एकेन पन रूपक्खन्धेन, दसहि रूपायतनेहि, रूपधातूहि च विषयुत्ता, एकस्मिं धम्मायतने धम्मधातुया च, रूपनिब्बानेहि विषयुत्तत्ता केहिचि विषयुत्ता नाम । इमिना उपायेन सब्बत्थ अत्थो वेदितब्बोति ।

सङ्गहितेनसम्पयुतविषयुत्तपदवण्णना ।

### १२. द्वादसमनयो सम्पयुत्तेनसङ्गहितासङ्गहितपदवण्णना

४१७. इदानीं सम्पयुत्तेनसङ्गहितासङ्गहितपदं भाजेतुं **वेदनाक्खन्धेनाति**आदि आरब्धं । तत्थ ये सम्पयुत्तेनसम्पयुत्तपदनिद्देसे वेदनाक्खन्धादयो धम्मा उद्धटा, सब्बपुच्छासु तेयेव उद्धटा । तत्थ ये धम्मा पुच्छाय उद्धटपदेन सम्पयुत्ता, तेसं येहि सङ्गहो वा असङ्गहो वा होति, तेसं वसेन खन्धादिभेदो वेदितब्बो ।

तत्रायं नयो — वेदनाक्खन्धो हि सज्जादीहि सम्पयुत्तो । ते सज्जादयो तीहि सज्जादिक्खन्धेहि, द्वीहि धम्मायतनमनायतनेहि, धम्मधातुया च, सत्तहि च विज्जाणधातूहीति अट्टहि धातूहि सङ्गहिता, सेसाहि खन्धायतनधातूहि असङ्गहिता । इमिना उपायेन सब्बत्थ अत्थो वेदितब्बोति ।

सम्पयुत्तेनसङ्गहितासङ्गहितपदवण्णना ।

### १३. तेरसमनयो असङ्गहितेनसम्पयुतविषयुत्तपदवण्णना

४४८. इदानीं असङ्गहितेनसम्पयुतविषयुत्तपदं भाजेतुं **रूपक्खन्धेनाति**आदि आरब्धं । तत्थ ये पञ्चमे असङ्गहितेनसङ्गहितपदनिद्देसे रूपक्खन्धेन सदिसपज्हा धम्मा, ये च अरूपभवेन सदिसा, तेयेव उद्धटा । सेसा पन न रुहन्तीति न उद्धटा । वेदनाक्खन्धेन हि खन्धादिवसेन पन रूपारूपधम्मा असङ्गहिता होन्ति । तेसञ्च सम्पयोगो नाम नत्थि । तस्मा यानि पदानि रुहन्ति, तानेव सदिसविस्सज्जनेहि सङ्घि समोधानेत्वा उद्धटानि । तत्थ ये धम्मा पुच्छाय उद्धटधम्मेहि खन्धादिवसेन असङ्गहिता, ते येहि सम्पयुत्ता च विषयुत्ता च, तेसं वसेन खन्धादिविभागो वेदितब्बो ।

तत्रायं नयो — रूपक्खन्धेन ताव विज्जाणमेव तीहि सङ्गहेहि असङ्गहितं । तं वेदनादीहि तीहि खन्धेहि, धम्मायतनधम्मधातूसु च वेदनादीहेव सम्पयुत्तं । एकेन रूपक्खन्धेन, दसहि रूपायतनरूपधातूहि, धम्मायतनधम्मधातूसु च रूपनिब्बानधम्मेहि विषयुत्तं । तं सन्धाय **ते धम्मा तीहि खन्धेहीति**आदि वुत्तं । इमिना नयेन सब्बत्थ अत्थो वेदितब्बोति ।

असङ्गहितेनसम्पयुतविषयुत्तपदवण्णना ।

### १४. चुट्टसमनयो विषयुत्तेनसङ्गहितासङ्गहितपदवण्णना

४५६. इदानीं विषयुत्तेनसङ्गहितासङ्गहितपदं भाजेतुं **रूपक्खन्धेनाति**आदि आरब्धं । तत्थ येसं पदानं विषययोगो न रुहति, तानि इमस्मिं वारे न गहितानि । कानि पन तानीति? धम्मायतनादीनि । धम्मायतनस्स हि खन्धादीसु एकेनापि विषययोगो न रुहति । धम्मधातुआदीसुपि एसेव नयो । तेसं इदमुद्दानं —

“धम्मायतनं धम्मधातु, जीवितिन्द्रियमेव च ।

नामरूपपदञ्चेव, सळायतनमेव च ॥

“जातिआदित्तयं एकं, पदं वीसतिमे तिके ।

तिकावसानिकं एकं, सत्त चूळन्तरे पदा ॥

“दसेव गोच्छके होन्ति, महन्तरम्हि चुट्टस ।

छ पदानि ततो उद्धं सब्बानिपि समासतो ।

पदानि च न लब्धन्ति, चत्तालीसञ्च सत्त चा”ति ॥

परियोसाने च — धम्मायतनं धम्मधातूति गाथापि इममेवत्थं दीपेत्तुं वुत्ता । इमानि पन ठपेत्वा सेसानि सब्बानिपि लब्धन्ति । तेसु खन्धादिविभागो वुत्तनयानुसारेनेव वेदितब्बोति ।

विषयुत्तेनसङ्गहितासङ्गहितपदवण्णना ।

निगमनकथा



एतावता च —

धातुप्पभेदकुसलो, यं धातुकथं तथागतो आह ।  
तस्सा नयमुखभेद-प्पकासनं निड्ढितं होति ॥

इमिना नयमुखभेद-प्पकासनेन हि विभाविना सक्का ।  
जातुं सब्बेपि नया, सङ्खेपकथाव इति वुत्ता ॥

एकेकस्स पन सचे, पदस्स वित्थारमेव भासेय्यं ।  
वचनञ्च अतिविय बहुं, भवेय्य अत्थो च अविसेसो ॥

इति ऊनभाणवारद्वयाय, यं तन्तिया मया एतं ।  
कुरुना पत्तं पुज्जं, सुखाय तं होतु लोकस्साति ॥

धातुकथा-अट्टकथा निड्ढिता ।

॥ नमो तस्स भगवतो अरहतो सम्मासम्बुद्धस्स ॥

## अभिधम्मपिटके

### पुग्गलपज्जत्ति-अट्टकथा

निपुणत्थं पकरणं, धातुभेदप्पकासनो ।  
सत्था धातुकथं नाम, देसयित्वा सुरालये ॥

अनन्तरं तस्स जिनो, पज्जत्तिभेददीपनं ।  
आह पुग्गलपज्जत्तिं, यं लोके अग्गपुग्गलो ॥

तस्सा संवण्णनोकासो, यस्मा दानि उपागतो ।  
तस्मा नं वण्णयिस्सामि, तं सुणाथ समाहिताति ॥

### १. मातिकावण्णना

**१. छ पज्जत्तियो — खन्धपज्जत्ति...पे०... पुग्गलपज्जत्तीति** अयं ताव पुग्गलपज्जत्तिया उद्देशो । तत्थ छाति गणनपरिच्छेदो । तेन ये धम्मे इध पज्जपेतुकामो तेसं गणनवसेन संखेपतो पज्जत्तिपरिच्छेदं दस्सेति । **पज्जत्तियोति** परिच्छिन्नधम्मनिदस्सनं । तत्थ “आचिक्खति देसेति पज्जपेति पट्टपेती”ति (सं० नि० २.२०) आगतद्धाने पज्जापना दस्सना पकासना पज्जत्ति नाम । “सुपज्जत्तं मज्जपीठ”न्ति (पारा० २६९) आगतद्धाने ठपना निक्खिपना पज्जत्ति नाम । इध उभयम्पि वट्टति । छ पज्जत्तियोति हि छ पज्जापना, छ दस्सना पकासनातिपि; छ ठपना निक्खिपनातिपि इध अधिप्पेतमेव । नामपज्जत्ति हि ते ते धम्मे दस्सेतिपि, तेन तेन कोट्टासेन ठपेतिपि ।

**खन्धपज्जत्तीति**आदि पन संखेपतो तासं पज्जत्तीनं सरूपदस्सनं । तत्थ खन्धानं ‘खन्धा’ति पज्जापना दस्सना पकासना ठपना निक्खिपना **खन्धपज्जत्ति** नाम । आयतनानं आयतनानीति, धातूनं धातुयोति, सच्चानं सच्चानीति, इन्द्रियानं इन्द्रियानीति, पुग्गलानं पुग्गलाति पज्जापना दस्सना पकासना ठपना निक्खिपना **पुग्गलपज्जत्ति** नाम ।

पाळिमुत्तकेन पन अट्टकथानयेन अपरापि छ पज्जत्तियो — विज्जमानपज्जत्ति, अविज्जमानपज्जत्ति, विज्जमानेन अविज्जमानपज्जत्ति, अविज्जमानेन विज्जमानपज्जत्ति, विज्जमानेन विज्जमानपज्जत्ति, अविज्जमानेन अविज्जमानपज्जत्तीति । तत्थ कुसलाकुसलस्सेव सच्चिकट्टपरमत्थवसेन विज्जमानस्स सतो सम्भूतस्स धम्मस्स पज्जापना **विज्जमानपज्जत्ति** नाम । तथा अविज्जमानस्स लोकनिरुत्तिमत्तसिद्धस्स इत्थिपुरिसादिकस्स पज्जापना **अविज्जमानपज्जत्ति** नाम । सब्बाकारेनपि अनुपलब्धनेय्यस्स वाचावत्थुमत्तस्सेव पञ्चमसच्चादिकस्स तित्थियानं अणुपकतिपुरिसादिकस्स वा पज्जापनापि अविज्जमानपज्जत्तियेव । सा पन सासनावचरा न होतीति इध न गहिता । इति इमेसं विज्जमानाविज्जमानानं विकप्पनवसेन सेसा वेदितब्बा । ‘तेविज्जो’, ‘छळभिज्जो’तिआदीसु हि तस्सो विज्जा छ अभिज्जा च विज्जमाना, पुग्गलो अविज्जमानो । तस्मा तस्सो विज्जा अस्साति तेविज्जो, छ अभिज्जा अस्साति छळभिज्जोति एवं विज्जमानेन अविज्जमानस्स पज्जापनतो एवरूपा **विज्जमानेन अविज्जमानपज्जत्ति** नाम । ‘इत्थिरूपं’, ‘पुरिसरूपं’न्तिआदीसु पन इत्थिपुरिसा अविज्जमाना, रूपं विज्जमानं । तस्मा इत्थिया रूपं इत्थिरूपं, पुरिसस्स रूपं पुरिसरूपन्ति एवं अविज्जमानेन विज्जमानस्स पज्जापनतो एवरूपा **अविज्जमानेन विज्जमानपज्जत्ति** नाम । चक्खुसम्फस्सो, सोतसम्फस्सोतिआदीसु चक्खुसोतादयोपि फस्सोपि विज्जमानोयेव । तस्मा चक्खुम्हि सम्फस्सो, चक्खुतो जातो सम्फस्सो, चक्खुस्स वा फलभूतो सम्फस्सो चक्खुसम्फस्सोति एवं विज्जमानेन विज्जमानस्स पज्जापनतो एवरूपा **विज्जमानेन विज्जमानपज्जत्ति** नाम । खत्तियपुत्तो, ब्राह्मणपुत्तो, सेट्ठिपुत्तोतिआदीसु खत्तियादयोपि अविज्जमाना, पुत्तोपि । तस्मा खत्तियस्स पुत्तो खत्तियपुत्तोति एवं अविज्जमानेन अविज्जमानस्स पज्जापनतो एवरूपा **अविज्जमानेन अविज्जमानपज्जत्ति** नाम । तासु इमस्मिं पकरणे पुरिमा तस्सोव पज्जत्तियो लब्धन्ति । “खन्धपज्जत्ति...पे०... इन्द्रियपज्जत्ती”ति इमस्मिज्हि ठाने विज्जमानस्सेव पज्जापितत्ता विज्जमानपज्जत्ति लब्धति । “पुग्गलपज्जत्ती”ति पदे अविज्जमानपज्जत्ति । परतो पन ‘तेविज्जो’, ‘छळभिज्जो’तिआदीसु विज्जमानेन

अविज्जमानपञ्चत्ति लब्धतीति ।

अट्टकथामुत्तकेन पन आचरियनयेन अपरापि छ पञ्चत्तियो — उपादापञ्चत्ति, उपनिधापञ्चत्ति, समोधानपञ्चत्ति, उपनिक्खित्तपञ्चत्ति, तज्जापञ्चत्ति, सन्ततिपञ्चत्तीति । तत्थ यो रूपवेदनादीहि एकत्तेन वा अञ्जत्तेन वा रूपवेदनादयो विय सच्चिकट्टपरमत्थेन अनुपलब्धसभावोपि रूपवेदनादिभेदे खन्धे उपादाय निस्साय कारणं कत्वा सम्मतो सत्तो । तानि तानि अङ्गानि उपादाय रथो गेहं मुट्ठि उद्धनन्ति च; ते तेयेव रूपादयो उपादाय घटो पटो; चन्दसूरियपरिवत्तादयो उपादाय कालो, दिसा; तं तं भूतनिमित्तञ्चेव भावनानिस्सञ्ज उपादाय निस्साय कारणं कत्वा सम्मतं तेन तेनाकारेन उपट्ठितं उग्गहनिमित्तं पटिभागनिमित्तन्ति अयं एवरूपा **उपादापञ्चत्ति** नाम । पञ्जपेतब्बट्टेन चेसा पञ्चत्ति नाम, न पञ्जापनट्टेन । या पन तस्सत्थस्स पञ्जापना, अयं अविज्जमानपञ्चत्तियेव ।

या पठमदुतियादीनि उपनिधाय दुतियं ततियन्तिआदिका, अञ्जमञ्जञ्च उपनिधाय दीघं रस्सं, दूरं, सन्तिकन्तिआदिका पञ्जापना; अयं **उपनिधापञ्चत्ति** नाम । अपिचेसा उपनिधापञ्चत्ति — तदञ्जापेक्खूपनिधा, हत्थगतूपनिधा, सम्पयुत्तूपनिधा, समारोपितूपनिधा, अविदूरगतूपनिधा, पटिभागूपनिधा, तब्बहुलूपनिधा, तब्बिसिट्टूपनिधातिआदिना भेदेन अनेकण्णकारा ।

तत्थ दुतियं ततियन्तिआदिकाव तदञ्जं अपेक्खित्वा वुत्तताय **तदञ्जापेक्खूपनिधा** नाम । छत्तपाणि, सत्थपाणीतिआदिका हत्थगतं उपनिधाय वुत्तताय **हत्थगतूपनिधा** नाम । कुण्डली, सिखरी, किरिटीतिआदिका सम्पयुत्तं उपनिधाय वुत्तताय **सम्पयुत्तूपनिधा** नाम । धञ्जसकटं, सप्पिकुम्भोतिआदिका समारोपितं उपनिधाय वुत्तताय **समारोपितूपनिधा** नाम । इन्दसालगुहा, पियङ्गुगुहा, सेरीसकन्तिआदिका अविदूरगतं उपनिधाय वुत्तताय **अविदूरगतूपनिधा** नाम । सुवण्णवण्णो, उसभगामीतिआदिका पटिभागं उपनिधाय वुत्तताय **पटिभागूपनिधा** नाम । पदुमस्सरो, ब्राह्मणगामोतिआदिका तब्बहुलं उपनिधाय वुत्तताय **तब्बहुलूपनिधा** नाम । मणिकटकं, वजिरकटकन्तिआदिका तब्बिसिट्ठं उपनिधाय वुत्तताय **तब्बिसिट्ठूपनिधा** नाम ।

या पन तेसं तेसं समोधानमपेक्खित्वा तिदण्डं, अट्टपदं, धञ्जरासि, पुप्फरासीतिआदिका पञ्जापना, अयं **समोधानपञ्चत्ति** नाम । या पुरिमस्स पुरिमस्स उपनिक्खित्वा तिदण्डं, तीणि, चत्तारीतिआदिका पञ्जापना, अयं **उपनिक्खित्तपञ्चत्ति** नाम । या तं तं धम्मसभावं अपेक्खित्वा पथवी, तेजो, कक्खळता, उण्हातिआदिका पञ्जापना, अयं **तज्जापञ्चत्ति** नाम । या पन सन्ततिविच्छेदाभावं अपेक्खित्वा आसीतिको, नावुत्तिकोतिआदिका पञ्जापना, अयं **सन्ततिपञ्चत्ति** नाम । एतासु पन तज्जापञ्चत्ति विज्जमानपञ्चत्तियेव । सेसा अविज्जमानपक्खञ्चेव, अविज्जमानेन अविज्जमानपक्खञ्च भजन्ति ।

अट्टकथामुत्तकेन आचरियनयेनेव अपरापि छ पञ्चत्तियो — किच्चपञ्चत्ति, सण्ठानपञ्चत्ति, लिङ्गपञ्चत्ति, भूमिपञ्चत्ति, पच्चत्तपञ्चत्ति, असङ्गतपञ्चत्तीति । तत्थ भाणको, धम्मकथिकोतिआदिका किच्चवसेन पञ्जापना **किच्चपञ्चत्ति** नाम । किसो, थूलो, परिमण्डलो, चतुरस्सोतिआदिका सण्ठानवसेन पञ्जापना **सण्ठानपञ्चत्ति** नाम । इत्थी, पुरिसोतिआदिका लिङ्गवसेन पञ्जापना **लिङ्गपञ्चत्ति** नाम । कामावचरा, रूपावचरा, अरूपावचरा, कोसलका, माधुरातिआदिका भूमिवसेन पञ्जापना **भूमिपञ्चत्ति** नाम । तिस्सो, नागो, सुमनोतिआदिका पच्चत्तनामकरणमत्तवसेन पञ्जापना **पच्चत्तपञ्चत्ति** नाम । निरोधो, निब्बानन्तिआदिका असङ्गतधम्मस्स पञ्जापना **असङ्गतपञ्चत्ति** नाम । तत्थ एकच्चा भूमिपञ्चत्ति असङ्गतपञ्चत्ति च विज्जमानपञ्चत्तियेव, किच्चपञ्चत्ति विज्जमानेन अविज्जमानपक्खं भजति । सेसा अविज्जमानपञ्चत्तियो नाम ।

२. इदानी यासं पञ्चत्तीनं उदेसवारे सङ्खेपतो सरूपदस्सनं कतं, सङ्खेपतोयेव ताव तासं वत्थुं विभजित्वा दस्सनवसेन ता दस्सेतुं **कितावता**तिआदिमाह । तत्थ पुच्छाय ताव एवमत्थो वेदितब्बो — या अयं खन्धानं ‘खन्धा’ति पञ्जापना, दस्सना, ठपना, सा कित्तकेन होतीति कथेतुकम्यतापुच्छा । परतो **कितावता आयतनानन्ति**आदीसुपि एसेव नयो । विस्सज्जेनेपि एवमत्थो वेदितब्बो — यत्तकेन पञ्जापनेन सङ्खेपतो पञ्चकखन्धाति वा पभेदतो ‘‘रूपकखन्धो...पे०... विज्जाणकखन्धो’’ति वा; तत्रापि रूपकखन्धो कामावचरो, सेसा चतुभूमिकाति वा एवरूपं पञ्जापनं होति; एत्तकेन खन्धानं ‘खन्धा’ति पञ्चत्ति होति ।

३. तथा यत्तकेन पञ्जापनेन सङ्खेपतो द्वादसायतनानीति वा, पभेदतो ‘‘चक्खायतनं...पे०... धम्मायतनं’’ति वा; तत्रापि दसायतना कामावचरा, द्वायतना चतुभूमिकाति वा, एवरूपं पञ्जापनं होति; एत्तकेन आयतनानं आयतनानीति पञ्चत्ति होति ।

४. यत्तकेन पञ्जापनेन सङ्खेपतो अट्टारस धातुयोति वा, पभेदतो ‘‘चक्खुधातु...पे०... मनोविज्जाणधातु’’ति वा; तत्रापि सोळस धातुयो कामावचरा, द्वे धातुयो चतुभूमिकाति वा एवरूपं पञ्जापनं होति; एत्तकेन धातूनं धातूति पञ्चत्ति होति ।

५. यत्तकेन पञ्जापनेन सङ्खेपतो चत्तारि सच्चानीति वा, पभेदतो ‘‘दुक्खसच्चं...पे०... निरोधसच्चं’’ति वा; तत्रापि द्वे सच्चा लोकिया, द्वे सच्चा लोकुत्तराति वा एवरूपं पञ्जापनं होति; एत्तकेन सच्चानं ‘सच्चानी’ति पञ्चत्ति होति ।

६. यत्तकेन पञ्जापनेन सङ्खेपतो बावीसतिन्द्रियानीति वा, पभेदतो ‘‘चक्खुन्द्रियं...पे०... अज्जाताविन्द्रियं’’ति वा; तत्रापि दसिन्द्रियानि कामावचरानि, नविन्द्रियानि मिस्सकानि, तीणि इन्द्रियानि लोकुत्तरानीति वा एवरूपं पञ्जापनं होति; एत्तकेन इन्द्रियानं इन्द्रियानीति पञ्चत्ति होति । एतावता सङ्खेपतो वत्थुं विभजित्वा दस्सनवसेन पञ्च पञ्चत्तियो दस्सिता होन्ति ।

७. इदानी वित्थारतो वत्थुं विभजित्वा दस्सनवसेन पुग्गलपञ्चत्तिं दस्सेतुं **समयविमुत्तो असमयविमुत्तो**तिआदिमाह । सम्मासम्बुद्धेन हि तिले विसारयमानेन विय, वाके हीरयमानेन विय च, हेट्ठा विभङ्गण्णकरणे इमासं पञ्चन्नं पञ्चत्तीनं वत्थुभूता खन्धादयो निप्पदेसेन कथिताति तेन ते इध एकदेसेनेव कथेसि । छट्ठा पुग्गलपञ्चत्ति हेट्ठा अकथिताव । इधापि उदेसवारे एकदेसेनेव कथिता; तस्मा तं वित्थारतो कथेतुकामो समयविमुत्तो असमयविमुत्तोति एककतो पट्ठा यव दसका मातिकं ठपेसीति ।

मातिकावण्णना ।

## २. निद्देसवण्णना

## १. एककनिद्देसवणणा

१. इदानीं यथाठपितं मातिकं आदितो पट्टाय विभजित्वा दस्सेतुं — **कतमो च पुगलो समयविमुत्तो**तिआदिमाह । तत्थ इधाति इमस्मिं सत्तलोके । **एकच्चो पुगलो**ति एको पुगलो । **कालेन कालेन** एत्थ भुम्मवसेन अत्थो वेदितब्बो । एकेकस्मिं कालेति वुत्तं होति । **समयेन समयेन** इदं पुरिमस्सेव वेवचनं । **अट्ट विमोक्खे**ति रूपावचरारूपावचरअट्टसमापत्तियो । तासज्झि पच्चनीकधम्मोहि विमुच्चनतो विमोक्खोति नामं । **कायेनाति** विमोक्खसहजातेन नामकायेन । **फुसित्वा विहरतीति** पटिलभित्वा इरियति । कतमस्मिं पनेस काले विमोक्खे फुसित्वा विहरतीति? समापत्तिं समापज्जितुकामस्स हि कालो नाम अत्थि, अकालो नाम अत्थि । तत्थ पातोव सरीरपटिजग्गनकालो, वत्तकरणकालो च समापज्जनस्स अकालो नाम । सरीरं पन पटिजग्गित्वा वत्तं कत्वा वसनट्ठानं पविसित्वा निसिन्नस्स याव पिण्डाय गमनकालो नागच्छति, एतस्मिं अन्तरे समापज्जनस्स कालो नाम ।

पिण्डाय गमनकालं पन सल्लकखेत्वा निकखन्तस्स चेतियवन्दनकालो, भिक्खुसङ्घपरिवृतस्स वितक्कमाळके ठानकालो पिण्डाय गमनकालो गामे चरणकालो; आसनसालाय यागुपानकालो वत्तकरणकालोति अयम्पि समापज्जनस्स अकालो नाम । आसनसालाय पन विवित्ते ओकासे सति याव भत्तकालो नागच्छति, एतस्मिम्पि अन्तरे समापज्जनस्स कालो नाम । भत्तं पन भुज्जनकालो, विहारगमनकालो, पत्तचीवरपटिसामनकालो, दिवावत्तकरणकालो, परिपुच्छादानकालोति अयम्पि समापज्जनस्स अकालो नाम । यो अकालो, स्वेव असमयो । तं सब्बम्पि ठपेत्वा अवसेसे काले काले, समये समये वुत्तप्पकारे अट्ट विमोक्खे सहजातनामकायेन पटिलभित्वा विहरन्तो, “इधेकच्चो पुगलो...पे०... विहरती”ति वुच्चति ।

अपिचेस सफस्सकेहि सहजातनामधम्मोहि सहजातधम्मो फुसितियेव नाम, उपचारेन अप्पनं फुसितियेव नाम । पुरिमाय अप्पनाय अपरं अप्पनं फुसितियेव । येन हि सङ्खि ये धम्मा सहजाता, तेन ते पटिलद्धा नाम होन्ति । फस्सेनापि फुट्टायेव नाम होन्ति । उपचारम्पि अप्पनाय पटिलाभकारणमेव, तथा पुरिमा अप्पना अपरअप्पनाय । तत्रास्स एवं सहजातेहि सहजातानं फुसना वेदितब्बा — पठमज्झानज्झि वितक्कादीहि पञ्चङ्गिकं । तस्मिं ठपेत्वा तानि अङ्गानि सेसा अतिरेकपण्णासधम्मा चत्तारो खन्था नाम होन्ति । तेन नामकायेन पठमज्झानसमापत्तिविमोक्खं फुसित्वा पटिलभित्वा विहरति । दुतियं ज्ञानं पीतिसुखचित्तेकगताहि तिवङ्गिकं, ततियं सुखचित्तेकगताहि दुवङ्गिकं, चतुत्थं उपेक्खचित्तेकगताहि दुवङ्गिकं, तथा आकासानञ्चायतनं...पे०... नेवसज्जानासञ्जायतनञ्च । तत्थ ठपेत्वा तानि अङ्गानि सेसा अतिरेकपण्णासधम्मा चत्तारो खन्था नाम होन्ति । तेन नामकायेन नेवसज्जानासञ्जायतनसमापत्तिविमोक्खं फुसित्वा पटिलभित्वा विहरति ।

**पज्जाय चस्स दिस्वाति** विपस्सनापज्जाय सङ्खारगतं, मग्गपज्जाय चतुसच्चधम्मो पस्सित्वा । **एकच्चे आसवा परिकखीणा होन्तीति** उपडुपडु पठममग्गादिवज्झा आसवा परिकखीणा होन्ति । **अयं वुच्चति पुगलो समयविमुत्तो**ति एत्थ अट्टसमापत्तिलाभी पृथुज्जनो तेन नामकायेन फुसित्वा विहरतीति वत्तुं वट्ठति । पाळियं पन “एकच्चे आसवा परिकखीणा”ति वुत्तं । पृथुज्जनस्स च खीणा आसवा नाम नत्थि, तस्मा सो न गहितो । अट्टसमापत्तिलाभी खीणासवोपि तेन नामकायेन फुसित्वा विहरतीति वत्तुं वट्ठति । तस्स पन अपरिकखीणासवा नाम नत्थि, तस्मा सोपि न गहितो । **समयविमुत्तो**ति पन तिण्णं सोतापन्नसकदागामिअनागामीनयेवेतं नामन्ति वेदितब्बं ।

२. असमयविमुत्तनिद्देसे — पुरिमसदिसं वुत्तनयेनेव वेदितब्बं । **असमयविमुत्तो**ति पनेत्थ सुक्खविपस्सकखीणासवस्सेतं नामं । सुक्खविपस्सका पन सोतापन्नसकदागामिअनागामिनो अट्टसमापत्तिलाभिन्वो च खीणासवा पृथुज्जना च इमस्मिं दुके न लब्धन्ति, दुक्कमुत्तकपुगला नाम होन्ति । तस्मा सत्था अत्तनो बुद्धसुबुद्धताय हेट्ठा गहिते च अग्गहिते च सङ्कट्ठित्वा सङ्खि पिड्डिवट्टकेहि तन्तिं आरोपेन्तो **सब्बेपि अरियपुगला**तिआदिमाह । तत्थ **अरिये विमोक्खे**ति किलेसेहि आरकत्ता अरियेति सङ्गं गते लोकुत्तरविमोक्खे । इदं वुत्तं होति — बाहिरानज्झि अट्टन्तं समापत्तीनं समापज्जन्तस्स समयोपि अत्थि असमयोपि । मग्गविमोक्खेन विमुच्चनस्स समयो वा असमयो वा नत्थि । यस्स सट्ठा बलवती, विपस्सना च आरद्धा, तस्स गच्छन्तस्स तिड्ढन्तस्स निसीदन्तस्स निपज्जन्तस्स खादन्तस्स भुज्जन्तस्स मग्गफलपटिवेधो नाम न होतीति नत्थि । इति मग्गविमोक्खेन विमुच्चनस्स समयो वा असमयो वा नत्थीति हेट्ठा गहिते च अग्गहिते च सङ्कट्ठित्वा इमं पिड्डिवट्टकं तन्तिं आरोपेसि धम्मराजा । समापत्तिलाभी पृथुज्जनो इमायपि तन्तिया अग्गहितोव । भजापियमानो पन समापत्तिविक्खम्भितानं किलेसानं वसेन समयविमुत्तभावं भजेय्य ।

३. कुप्पधम्माकुप्पधम्मनिद्देसेसु — यस्स अधिगतो समापत्तिधम्मो कुप्पति नस्सति, सो **कुप्पधम्मो** । **रूपसहगतानन्ति** रूपनिमित्तसङ्गातेन रूपेन सहगतानं । तेन सङ्खि पवत्तानं न विना रूपावचरज्झानानन्ति अत्थो । **अरूपसहगतानन्ति** रूपतो अज्जं, न रूपन्ति अरूपं । अरूपेन सहगतानं तेन सङ्खि पवत्तानं न विना अरूपावचरज्झानानन्ति अत्थो । **न निकामलाभी**ति पञ्चहाकारेहि अचिण्णवसिताय इच्छिताकारेन अलद्धत्ता न निकामलाभी । अप्पगुणसमापत्तिकोति अत्थो । **न अकिच्छलाभी**ति किच्छलाभी दुक्खलाभी । यो आगमनम्हि किलेसे विक्खम्भेन्तो उपचारं पापेन्तो अप्पनं पापेन्तो चित्तमज्जूसं लभन्तो दुक्खेन किच्छेन ससङ्गारेन सप्पयोगेन किलमन्तो तं सम्पदं पापुणितुं सक्कोति, सो न अकिच्छलाभी नाम । **न अकसिरलाभी**ति अविपुललाभी । समापत्तिं अप्पेत्वा अट्ठानं फरितुं न सक्कोति । एकं द्वे चित्तवारे वत्तेत्वा सहसाव वुट्ठातीति अत्थो ।

**यत्थिच्छकन्ति** यस्मिं ओकासे समापत्तिं अप्पेत्वा निसीदितुं इच्छति । **यदिच्छकन्ति** कसिणज्झानं वा आनापानज्झानं वा ब्रह्मविहारज्झानं वा असुभज्झानं वाति यं यं समापत्तिं अप्पेत्वा निसीदितुं इच्छति । **यावतिच्छकन्ति** अट्ठानपरिच्छेदेन यत्तकं कालं इच्छति । इदं वुत्तं होति — यत्थ यत्थ यं यं समापत्तिं यत्तकं अट्ठानं समापज्जितुम्पि वुट्ठातुम्पि इच्छति, तत्थ तत्थ तं तं समापत्तिं यत्तकं अट्ठानं समापज्जितुम्पि वुट्ठातुम्पि न सक्कोति । चन्दं वा सूरियं वा उल्लोकेत्वा ‘इमस्मिं चन्दे वा सूरिये वा एतकं ठानं गते वुट्ठहिस्सामी’ति परिच्छिन्दित्वा ज्ञानं समापन्नो यथापरिच्छेदेन वुट्ठातुं न सक्कोति, अन्तराव वुट्ठाति; समापत्तिया अप्पगुणतायाति ।

**पमादमागम्माति** पमादं पटिच्च । **अयं वुच्चतीति** अयं एवंविधो पुगलो कुप्पधम्मोति वुच्चति । इदं पन अट्टसमापत्तिलाभिन्वो पृथुज्जनस्स सोतापन्नस्स सकदागामिनोति तिण्णं पुगलानं नामं । एतेसज्झि समाधिपारिबन्धका विपस्सनापारिबन्धका च धम्मा न सुविक्खम्भिता, न सुविक्खालिता, तेन तेसं समापत्तिं नस्सति परिहायति । सा च खो नेव सीलभेदेन, नापत्तिवीतिक्कमेन । न गरुकमोक्खधम्मो पनेस अप्पमत्तकेनपि किच्चकरणीयेन वा वत्तभेदमत्तकेन वा नस्सति ।

तत्रिदं वत्थु — एको किर थेरो समापत्तिं वळज्जेति । तस्मिं पिण्डाय गामं पविट्ठे दारका परिवेणे कीळित्वा पक्कमिंसु । थेरो आगन्त्वा ‘परिवेणं सम्मज्जितव्व’न्ति चिन्तेत्वा असम्मज्जित्वा विहारं पविसित्वा ‘समापत्तिं अप्पेस्सामी’ति निसीदि । सो अप्पेत्तुं असक्कोन्तो, ‘किं नु खो आवरण’न्ति सीलं आवज्जन्तो अप्पमत्तकम्पि वीतिक्कमं अदिस्वा

‘वत्तभेदो नु खो अत्थी’ति ओलोकेन्तो परिवेणस्स असम्मट्टभावं जत्वा सम्मज्जित्वा पविसित्वा निसीदन्तो समापत्तिं अप्पेन्तोव निसीदि ।

४. अकुप्पधम्मनिद्देसो वुत्तपटिपक्खवसेनेव वेदितब्बो । **अकुप्पधम्मो**ति इदं पन अट्ठसमापत्तिलाभिनो अनागामिस्स चेव खीणासवस्स चाति द्विन्नं पुग्गलानं नामं । तेसज्जि समाधिपारिबन्धका विपस्सनापारिबन्धका च धम्मा सुविक्खम्भिता सुविक्खालिता; तेन तेसं भस्ससङ्गणिकारामादिकिच्चेन वा अज्जेन वा येन केनचि अत्तनो अनुरूपेन पमादेन वीतिनामेन्तानम्पि समापत्तिं न कुप्पति, न नस्सति । सुक्खविपस्सका पन सोतापन्नसकदागामिअनागामिखीणासवा इमस्मिं दुके न लब्भन्ति; दुक्कमुत्तकपुग्गला नाम होन्ति । तस्मा सत्था अत्तनो बुद्धसुबुद्धताय हेट्ठा गहिते च अगगहिते च सङ्कट्ठित्वा इमस्मिम्पि दुके सङ्गि पिट्ठिवट्ठकेहि तन्तिं आरोपेन्तो **सब्बेपि अरियपुग्गला**तिआदिमाह । अट्ठन्जिह समापत्तीन् कुप्पनं नस्सनं भवेय्य, लोकुत्तरधम्मस्स पन सकिं पटिविद्धस्स कुप्पनं नस्सनं नाम नत्थि, तं सन्धायेतं वुत्तं ।

५. परिहानधम्मापरिहानधम्मनिद्देसापि कुप्पधम्माकुप्पधम्मनिद्देसवसेनेव वेदितब्बा । केवलज्जि इध पुग्गलस्स पमादं पटिच्च धम्मानं परिहानम्पि अपरिहानम्पि गहितन्ति इदं परियायदेसनामत्तमेव नानं । सेसं सब्बत्थ तादिसमेव ।

७. चेतनाभब्बनिद्देसे — **चेतनाभब्बो**ति चेतनाय अपरिहानिं आपज्जितुं भब्बो । **सचे अनुसज्चेतेतीति**, सचे समापज्जति । समापत्तिज्जि समापज्जन्तो अनुसज्चेतेति नाम । सो न परिहायति, इतरो परिहायति ।

८. अनुरक्खणाभब्बनिद्देसे — **अनुरक्खणाभब्बो**ति अनुरक्खणाय अपरिहानिं आपज्जितुं भब्बो । **सचे अनुरक्खतीति** सचे अनुपकारधम्मे पहाय उपकारधम्मे सेवन्तो समापज्जति । एवज्जि पटिपज्जन्तो अनुरक्खति नाम । सो न परिहायति, इतरो परिहायति ।

इमे द्वेपि समापत्तिं ठपेतुं थावरं कातुं पटिबला । चेतनाभब्बतो पन अनुरक्खणाभब्बो बलवतरो । चेतनाभब्बो हि उपकारानुपकारे धम्मे न जानाति । अजानन्तो उपकारधम्मे नुदति नीहरति, अनुपकारधम्मे सेवति । सो ते सेवन्तो समापत्तितो परिहायति । अनुरक्खणाभब्बो उपकारानुपकारे धम्मे जानाति । जानन्तो अनुपकारधम्मे नुदति नीहरति, उपकारधम्मे सेवति । सो ते सेवन्तो समापत्तितो न परिहायति ।

यथा हि द्वे खेत्तपाला एको पण्डुरोगेन सरोगो अक्खमो सीतादीनं, एको अरोगो सीतादीनं सहो । सरोगो हेट्ठाकुटिं न ओतरति, रत्तारक्खं दिवारक्खं विजहति । तस्स दिवा सुकमोरादयो खेत्तं ओतरित्वा सालिसीसं खादन्ति, रत्तिं मिगसूकरादयो पविसित्वा खलं तच्छि तं विय छेत्वा गच्छन्ति । सो अत्तनो पमत्तकारणा पुन बीजमत्तम्पि न लभति । इतरो रत्तारक्खं दिवारक्खं न विजहति । सो अत्तनो अप्पमत्तकारणा एककरीसतो चत्तारिपि अट्ठपि सकटानि लभति ।

तत्थ सरोगखेत्तपालो विय चेतनाभब्बो, अरोगो विय अनुरक्खणाभब्बो दट्ठब्बो । सरोगस्स अत्तनो पमादेन पुन बीजमत्तस्सपि अलभनं विय चेतनाभब्बस्स उपकारानुपकारे धम्मे अजानित्वा उपकारे पहाय अनुपकारे सेवन्तस्स समापत्तिया परिहानं । इतरस्स अत्तनो अप्पमादेन एककरीसमत्ततो चतुअट्ठसकटउद्धरणं विय अनुरक्खणाभब्बस्स उपकारानुपकारे धम्मे जानित्वा अनुपकारे पहाय उपकारे सेवन्तस्स समापत्तिया अपरिहानं वेदितब्बं । एवं चेतनाभब्बतो अनुरक्खणाभब्बोव समापत्तिं थावरं कातुं बलवतरोति वेदितब्बो ।

९. पुथुज्जननिद्देसे — **तीणि संयोजनानीति** दिट्ठिसंयोजनसीलब्बतपरामाससंयोजनविचिकिच्छासंयोजनानि । एतानि हि फलक्खणे पहीनानि नाम होन्ति । अयं पन फलक्खणेपि न होतीति दस्सेति । **तेसं धम्मानन्ति** तेसं संयोजनधम्मानं । मग्गक्खणस्मिज्जि तेसं पहानाय पटिपन्नो नाम होति । अयं पन मग्गक्खणेपि न होति । एतावता विस्सड्ढकम्मट्ठानो थूलबालपुथुज्जनोव इध कथितोति वेदितब्बो ।

१०. गोत्रभुज्जिद्देसे — **येसं धम्मानन्ति** येसं गोत्रभुजाणेन सङ्गि उप्पन्नानं परोपण्णासकुसलधम्मानं । **अरियधम्मस्साति** लोकुत्तरमग्गस्स । **अवक्कन्ति होतीति** ओक्कन्ति निब्बति पातुभावो होति । **अयं वुच्चतीति** अयं निब्बानारम्भणेन जाणेन सब्बं पुथुज्जनसङ्गं पुथुज्जनगोत्तं पुथुज्जनमण्डलं पुथुज्जनपज्जतिं अतिक्कमित्वा अरियसङ्गं अरियगोत्तं अरियमण्डलं अरियपज्जतिं ओक्कमनतो गोत्रभूपुग्गलो नाम वुच्चति ।

११. भयूपरतनिद्देसे — भयेन उपरतोति **भयूपरतो** । सत्तपि सेक्खा पुथुज्जना च भायित्वा पापतो ओरमन्ति पापं न करोन्ति । तत्थ पुथुज्जना दुग्गतिभयं, वट्ठभयं, किलेसभयं, उपवादभयन्ति चत्तारि भयानि भायन्ति । तेसु भायितब्बट्ठेन दुग्गतियेव भयं **दुग्गतिभयं** । सेसेसुपि एसेव नयो । तत्थ पुथुज्जना ‘सचे त्वं पापं करिस्ससि, चत्तारो अपाया मुखं विवरित्वा टितच्छातजगरसदिसा, तेसु दुक्खं अनुभवन्तो कथं भविस्ससी’ति दुग्गतिभयं भायित्वा पापं न करोति । अनमतग्गसंसारवट्ठयेव पन **वट्ठभयं** नाम । सब्बम्पि अकुसलं **किलेसभयं** नाम । गरहा पन **उपवादभयं** नाम । तानिपि भायित्वा पुथुज्जना पापं न करोति । सोतापन्नसकदागामिअनागामिनो पन तयो सेक्खा दुग्गतिं अतीतत्ता सेसानि तीणि भयानि भायित्वा पापं न करोन्ति । मग्गड्ढकसेक्खा आगमनवसेन वा असमुच्छिन्नभयत्ता वा **भयूपरता** नाम होन्ति । खीणासवो इमेसु चतूसु भयेसु एकम्पि न भायति । सो हि सब्बसो समुच्छिन्नभयो; तस्मा **अभयूपरतो**ति वुच्चति । किं पन सो उपवादम्पि न भायतीति? न भायति । उपवादं पन रक्खतीति वत्तु वट्ठति । दोणुप्पलवापिगामे खीणासवत्थेरो विय ।

१२. अभब्बागमननिद्देसे — सम्मत्तनियामागमनस्स अभब्बोति **अभब्बागमनो** । **कम्मावरणेनाति** पज्जविधेन आनन्तरियकम्मेन । **किलेसावरणेनाति** नियतमिच्छादिट्ठिया । **विपाकावरणेनाति** अहेतुकदुहेतुकपटिसन्धिया । **अस्सद्धाति** बुद्धधम्मसङ्घेसु सद्धारहिता । **अच्छन्दिकाति** कत्तुकम्यताकुसलच्छन्दरहिता । ते ठपेत्वा जम्बुदीपं इतरदीपत्तयवासिनो वेदितब्बा । तेसु हि मनुस्सा अच्छन्दिकभावं पविट्ठा नाम । **दुप्पज्जाति** भवङ्गपज्जारहिता । **अभब्बाति** अप्पटिलद्धमग्गफालूपनिस्सया । **नियामन्ति** मग्गनियामं, सम्मत्तनियामं । **ओक्कमितुन्ति** एतं कुसलेसु धम्मेसु सम्मत्तसङ्घातं नियामं ओक्कमितुं पविसितुं तत्थ पटिट्ठातुं अभब्बा ।

१३. भब्बागमननिद्देसो वुत्तपटिपक्खनयेन वेदितब्बो । एवमिमस्मिं दुके ये च पुग्गला पज्जानन्तरियका, ये च नियतमिच्छादिट्ठिका, येहि च अहेतुकदुहेतुकपटिसन्धि गहिता, ये च बुद्धादीनं न सद्वहन्ति, येसज्ज कत्तुकम्यताछन्दो नत्थि, ये च अपरिपुण्णभवङ्गपज्जा, येसज्ज मग्गफलानं उपनिस्सयो नत्थि, ते सब्बेपि सम्मत्तनियामं ओक्कमितुं अभब्बा, विपरीता भब्बाति वुत्ता ।

१४. नियतानियतनिर्देशे — **आनन्तरिका**ति आन्तरिककम्मसमङ्गिनो । **मिच्छादिट्टिका**ति नियतमिच्छादिट्टिसमङ्गिनो । सब्बेपि हेते निरयस्स अत्थाय नियतत्ता **नियता** नाम । अट्ठ पन अरियपुग्गला सम्माभावाय उपरूपरिमग्गफलत्थाय चैव अनुपादापरिनिब्बानत्थाय च नियतत्ता **नियता** नाम । अवसेसपुग्गला पन अनिबद्धरातिका । यथा आकासे खित्तदण्डो पथवियं पतन्तो ‘अग्गेन वा मज्जेन वा मूलेन वा पतितस्सती’ति न जायति; एवमेव ‘असुकगतिया नाम निब्बत्तिस्सन्ती’ति नियमाभावा **अनियता** नामाति वेदितव्वा । या पन उत्तरकुरुकानं नियतगतिकता वुत्ता, न सा नियतधम्मवसेन । मिच्छत्तसम्पत्तनियतधम्मायेव हि नियता नाम । तेसञ्च वसेनायं पुग्गलनियमो कथितोति ।

१५. पटिपन्नकनिर्देशे — **मग्गसमङ्गि**नोति मग्गट्टकपुग्गला । ते हि फलत्थाय पटिपन्नत्ता **पटिपन्नका** नाम । **फलसमङ्गि**नोति फलपटिलाभसमङ्गिताय फलसमङ्गिनो । फलपटिलाभतो पट्टाय हि ते फलसमापत्तिं असमापन्नापि फले ठितायेव नाम ।

१६. समसीसीनिर्देशे — **अपुब्बं अचरि**मन्ति अपुरे अपच्छा, एकप्पहारेनेवाति अत्थो । **परियादानन्ति** परिकखयो । **अयं वुच्चतीति** अयं पुग्गलो **समसीसी** नाम वुच्चति । सो पनेस तिविधो होति — इरियापथसमसीसी, रोगसमसीसी, जीवितसमसीसीति । तत्थ यो चङ्कमन्तोव विपस्सनं पट्टपेत्वा अरहत्तं पत्वा चङ्कमन्तोव परिनिब्बाति **पटुमत्थेरो** विय; ठितकोव विपस्सनं पट्टपेत्वा अरहत्तं पत्वा ठितकोव परिनिब्बाति **कोटपब्बतविहारवासीतिस्सत्थेरो** विय; निसिन्नोव विपस्सनं पट्टपेत्वा अरहत्तं पत्वा निसिन्नोव परिनिब्बाति, निपन्नोव विपस्सनं पट्टपेत्वा अरहत्तं पत्वा निपन्नोव परिनिब्बाति — अयं **इरियापथसमसीसी** नाम ।

यो पन एकं रोगं पत्वा अन्तोरोगेयेव विपस्सनं पट्टपेत्वा अरहत्तं पत्वा तेनेव रोगेन परिनिब्बाति — अयं **रोगसमसीसी** नाम ।

कतरो जीवितसमसीसी नाम? “सीसन्ति तेरस सीसानि — पलिबोधसीसञ्च तण्हा, विनिबन्धनसीसञ्च मानो, परामाससीसञ्च दिट्ठि, विक्खेपसीसञ्च उद्धच्चं, संकिलेससीसञ्च अविज्जा, अधिमोक्खसीसञ्च सङ्गा, पग्गहसीसञ्च वीरियं, उपट्टानसीसञ्च सति, अविक्खेपसीसञ्च समाधि, दस्सनसीसञ्च पज्जा, पवत्तसीसञ्च जीवितिन्द्रियं, गोचरसीसञ्च विमोक्खो, सङ्खारसीसञ्च निरोधो”ति (पटि० म० १.८७) । तत्थ किलेससीसं अविज्जं अरहत्तमग्गो परियादियति । पवत्तसीसं जीवितिन्द्रियं चुतिचित्तं परियादियति । अविज्जापरियादायकं चित्तं जीवितिन्द्रियं परियादातुं न सक्कोति । जीवितिन्द्रियपरियादायकं चित्तं अविज्जं परियादातुं न सक्कोति । अविज्जापरियादायकं चित्तं अज्जं, जीवितिन्द्रियपरियादायकं चित्तं अज्जं । यस्स चेत्तं सीसद्वयं समं परियादानं गच्छति, सो **जीवितसमसीसी** नाम ।

कथमिदं समं होतीति? वारसमताय । यस्मिंहे वारे मग्गवुट्ठानं होति — सोतापत्तिमग्गे पञ्च पच्चवेक्खणानि, सकदागामिमग्गे पञ्च, अनागामिमग्गे पञ्च, अरहत्तमग्गे चत्तारीति एकूनवीसतिया पच्चवेक्खणजाणे पतिट्ठाय भवङ्गं ओतरित्वा परिनिब्बायति । इमाय वारसमताय इदं उभयसीसपरियादानं समं होति नाम । तेनायं पुग्गलो जीवितसमसीसीति वुच्चति । अयमेव च इध अधिप्पेतो ।

१७. ठितकप्पीनिर्देशे — ठितो कप्पोति ठितकप्पो, ठितकप्पो अस्स अत्थीति **ठितकप्पी** । कप्पं ठपेतुं समत्थोति अत्थो । **उडुह्नवेला** अस्साति ज्ञायनकालो भवेय्य । **नेव तावाति** याव एस मग्गसमङ्गी पुग्गलो सोतापत्तिफलं न सच्छिकरोति, नेव ताव कप्पो ज्ञायेय्य । ज्ञायमानोपि अज्झायित्वाव तिट्ठेय्य । कप्पविनासो हि नाम महाविकारो महापयोगो कोटिसतसहस्सचक्कवाळस्स ज्ञायनवसेन महालोकविनासो । अयम्पि एवं महाविनासो तिट्ठेय्य वाति वदति । सासने पन धरमाने अयं कप्पविनासो नाम नत्थि । कप्पविनासे सासनं नत्थि । गतकोटिके हि काले कप्पविनासो नाम होति । एवं सन्तेपि सत्था अन्तरायाभावं दीपेतुं इदं कारणं आहरि — “इदम्पि भवेय्य, मग्गसमङ्गिनो पन फलस्स अन्तरायो न सक्का कातु”न्ति । अयं पन पुग्गलो कप्पं ठपेत्तो कित्तकं कालं ठपेय्याति? यस्मिं वारे मग्गवुट्ठानं होति, अथ भवङ्गं आवट्ठेत्तं मनोद्वारावज्जनं उप्पज्जति । ततो तीणि अनुलोमानि, एकं गोत्रभुच्चित्तं, एकं मग्गचित्तं, द्वे फलचित्तानि, पञ्च पच्चवेक्खणजाणानीति एतत्तं कालं ठपेय्य । इमं पनत्थं बाहिराय आगन्तुकूपमायपि एवं दीपयिंसु । सचे हि सोतापत्तिमग्गसमङ्गिस्स मत्थकूपरि योजनिकं एकघनसेलं तिवट्ठाय रज्जुया बन्धित्वा ओलम्बेय्य, एकस्मिं वट्टे छिन्ने द्वीहि ओलम्बेय्य, द्वीसु छिन्नेसु एकेन ओलम्बेय्येव, तस्मिम्पि छिन्ने अब्भकूटं विय आकासे तिट्ठेय्य, न त्वेव तस्स पुग्गलस्स मग्गानन्तरफलस्स अन्तरायं करेय्याति । अयं पन दीपना परित्ता, पुरिमाव महन्ता । न केवलं पन सोतापत्तिमग्गट्ठोव कप्पं ठपेति, इतरे मग्गसमङ्गिनोपि ठपेन्तियेव । तेन भगवा हेट्ठा गहितञ्च अग्गहितञ्च सब्बं सङ्कट्ठित्वा सद्धिं पिट्ठिवट्टकपुग्गलेहि इमं तन्तिं आरोपेसि — “सब्बेपि मग्गसमङ्गिनो पुग्गला ठितकप्पिनो”ति ।

१८. अरियनिर्देशे — किलेसेहि आरकत्ता **अरिया** । सदेवकेन लोकेन अरणीयत्ता अरिया । अरियट्ठो नाम परिसुद्धट्ठोति परिसुद्धत्तापि अरिया । सेसा अपरिसुद्धताय **अनरिया** ।

१९. सेक्खनिर्देशे — मग्गसमङ्गिनो मग्गक्खणे, फलसमङ्गिनो च फलक्खणे, अधिसीलसिक्खादिका तिस्सोपि सिक्खा सिक्खन्तियेवाति **सेक्खा** । अरहता पन अरहत्तफलक्खणे तिस्सो सिक्खा सिक्खिता । पुन तस्स सिक्खनकिच्चं नत्थीति **असेक्खा** । इति सत्त अरिया सिक्खन्तीति सेक्खा । खीणासवा अज्जस्स सन्तिके सीलादीनं सिक्खितत्ता सिक्खितअसेक्खा नाम । बुद्धपच्चेकबुद्धा सयम्भूतताय असिक्खितअसेक्खा नाम । सेसपुग्गला नेव सिक्खन्ति न सिक्खिताति **नेवसेक्खानासेक्खा** ।

२०. तेविज्जनिर्देशे — पटमं पुब्बेनिवासदिब्बचक्खुजाणानि निब्बत्तेत्वा पच्छा अरहत्तं पत्तोपि, पटमं अरहत्तं पत्वा पच्छा पुब्बेनिवासदिब्बचक्खुजाणनिब्बत्तकोपि **तेविज्जो**येव नाम । सुत्तन्तकथा पन परियायदेसना अभिधम्मकथा निष्परियायदेसनाति इमस्मिं ठाने आगमनीयमेव धुरं । तस्मा पटमं द्वे विज्जा निब्बत्तेत्वा पच्छा अरहत्तं पत्तोव इध अधिप्पेतो । **छळभिज्जे**पि एसेव नयो ।

२१. सम्मासम्बुद्धनिर्देशे — **पुब्बे अननुस्सुते**सूति पच्छिमभवे सच्चप्पटिवेधतो पुब्बे अज्जस्स कस्सचि सन्तिके अस्सुतपुब्बेसु । ततो पुरिमपुरिमेसु पन भवेसु सम्बज्जुबोधिसत्ता बुद्धसासने पब्बजित्वा तीणि पिटकानि उग्गहेत्वा गतपच्चागतवत्तं आरुह्य कम्मट्ठानं अनुलोमं गोत्रभुं आहच्च ठपेन्ति । तस्मा पच्छिमभवस्मिंयेव अनाचरियकभावं सन्थायेतं वुत्तं । तदा हि तथागतो पूरितपारमिता अज्जस्स सन्तिके सामं अननुस्सुतेसु सङ्गतासङ्गतधम्मेषु “इदं दुक्खं...पे०... अयं दुक्खनिरोधगामिनी पटिपदा”ति अत्तपच्चक्खेन जाणेन चत्तारि सच्चानि अभिसम्बुज्झति ।

**तत्थ चाति** तस्मिञ्च चतुसच्चसम्बोधिसङ्घाते अरहत्तमग्गे । **सब्बज्जुत्तं पापुणाति बलेसु च वसी**भावन्ति सब्बज्जुत्तज्जाणञ्चेव बलेसु च चिण्णवसीभावं पापुणाति । बुद्धानहि सब्बज्जुत्तज्जाणस्स चैव दसबलजाणस्स च अधिगमनतो पट्टाय अज्जं कातब्बं नाम नत्थि । यथा पन उभतोसुजातस्स खत्तियकुमारस्स अभिसेकप्पत्तितो पट्टाय ‘इदं

नाम इस्सरियं अनागतं न वत्तब्बं, सब्बं आगतमेव होति । एवमेव बुद्धानं अरहत्तमग्गस्स आगमनतो पट्टाय ‘अयं नाम गुणो न आगतो, न पटिविद्धो, न पच्चक्खो’ति न वत्तब्बो, सब्बेपि सब्बज्जुगुणा आगता पटिविद्धा पच्चक्खकताव होन्ति । अयं वुच्चतीति अयं एवं पारमीपूरणसिद्धानुभावेन अरियमग्गेन पटिविद्धसब्बज्जुगुणो पुगलो सम्मासम्बुद्धोति वुच्चति ।

१३. पच्चेकबुद्धनिर्देसेपि — पुब्बे अननुस्सुतेसूति पदे पुब्बे वुत्तनयेनेव अत्थो वेदितब्बो । पच्चेकबुद्धोपि हि पच्छिमभवे अनाचरियको अत्तुक्कसिकजाणेनेव पटिविद्धसच्चो सब्बज्जुतज्जाणज्जेव बलेसु च चिण्णवसीभावं न पापुणाति ।

१४. उभतोभागविमुत्तनिर्देसे — अट्ट विमोक्खे कायेन फुसित्वा विहरतीति अट्ट समापत्तियो सहजातनामकायेन पटिलभित्वा विहरति । पञ्जाय चस्स दिस्वाति विपस्सनापञ्जाय सङ्खारगतं, मग्गपञ्जाय चत्तारि सच्चानि पस्सित्वा चत्तारोपि आसवा खीणा होन्ति । अयं वुच्चतीति अयं एवरूपो पुगलो उभतोभागविमुत्तो नामाति वुच्चति । अयञ्चि द्वीहि भागेहि द्वे वारे विमुत्तोति उभतोभागविमुत्तो । तत्रायं थेरवादो — तिपिटकचूळनागत्येरो ताव आह — “समापत्तिया विक्खम्भनविमोक्खेन, मग्गेन समुच्छेदविमोक्खेन विमुत्तोति उभतोभागेहि द्वे वारे विमुत्तो”ति । तिपिटकमहाधम्मरक्खिततथेरो “नामनिस्सितको एसो”ति वत्वा —

“अच्ची यथा वातवेगेन खित्ता, (उपसीवाति भगवा ।)

अत्थं पलेति न उपेति सङ्गं ।

एवं मुनी नामकाया विमुत्तो,

अत्थं पलेति न उपेति सङ्गं”न्ति ॥ (सु० नि० १०८०) ।

वत्वा सुत्तं आहरित्वा “नामकायतो च रूपकायतो च सुविमुत्तता उभतोभागविमुत्तो”ति आह । तिपिटकचूळनागत्येरो पनाह — “समापत्तिया विक्खम्भनविमोक्खेन एकवारं विमुत्तो मग्गेन समुच्छेदविमोक्खेन एकवारं विमुत्तोति उभतोभागविमुत्तो”ति । इमे पन तयोपि थेरा पण्डिता, ‘तिण्णम्पि वादे कारणं दिस्सती’ति तिण्णम्पि वादं तन्ति कत्वा ठपयिंसु ।

सङ्खेपतो पन अरूपसमापत्तिया रूपकायतो विमुत्तो, मग्गेन नामकायतो विमुत्तोति उभोहि भागेहि विमुत्तता उभतोभागविमुत्तो । सो चतुन्नं अरूपसमापत्तीनं एकेकतो वुट्ठाय सङ्खारे सम्मसित्वा अरहत्तं पत्तानं चतुन्नं, निरोधा वुट्ठाय अरहत्तं पत्तस्स अनागामिनो च वसेन पञ्चविधो होति । तत्थ पुरिमा चत्तारो समापत्तिसीसं निरोधं न समापज्जन्तीति परियायेन उभतोभागविमुत्ता नाम । अट्टसमापत्तिलाभी अनागामी तं समापज्जित्वा ततो वुट्ठाय विपस्सनं वट्टेत्वा अरहत्तं पत्तोति निष्परियायेन उभतोभागविमुत्तसेट्ठो नाम । ननु च अरूपावचरज्झानम्पि उपेक्खाचित्तेकगताहि दुवङ्गिकं रूपावचरचतुत्थज्झानम्पि, तस्मा तम्पि पदट्ठानं कत्वा अरहत्तं पत्तेन उभतोभागविमुत्तेन भवितव्वन्ति? न भवितव्वं । कस्मा? रूपकायतो अविमुत्तता । तञ्चि किलेसकायतोव विमुत्तं, न रूपकायतो; तस्मा ततो वुट्ठाय अरहत्तं पत्तो उभतोभागविमुत्तो नाम न होति । अरूपावचरं पन नामकायतो च विमुत्तं रूपकायतो चाति तदेव पादकं कत्वा अरहत्तं पत्तो उभतोभागविमुत्तो होतीति वेदितव्वो ।

१५. पञ्जाविमुत्तनिर्देसे — पञ्जाय विमुत्तोति पञ्जाविमुत्तो । सो सुक्खविपस्सको चतूहि ज्ञानेहि वुट्ठाय अरहत्तं पत्ता चत्तारो चाति पञ्चविधो होति । एतेसु हि एकोपि अट्टविमोक्खलाभी न होति । तेनेव न हेव खो अट्ट विमोक्खेति आदिमाह । अरूपावचरज्झानेसु पन एकस्मिं सति उभतोभागविमुत्तोयेव नाम होतीति ।

१६. कायसक्खिनिर्देसे — एकच्चे आसवाति हेट्ठिममग्गतयवज्जा । अयं वुच्चतीति अयं एवरूपो पुगलो कायसक्खीति वुच्चति । सो हि फुट्टन्तं सच्छिकरोतीति कायसक्खी । ज्ञानफस्सं पठमं फुसति, पच्चा निरोधं निब्बानं सच्छिकरोतीतिपि कायसक्खी । सो सोतापत्तिफलदुं आदिं कत्वा याव अरहत्तमग्गट्ठा छब्बिधो होति ।

१७. दिट्ठिप्पत्तनिर्देसे — इदं दुक्खन्ति इदं दुक्खं, एत्तकं दुक्खं, न इतो उद्धं दुक्खं । दुक्खसमुदयादीसुपि एसेव नयो । यथाभूतं पजानातीति ठपेत्वा तण्हं पञ्चुपादानकखन्धे ‘दुक्खसच्च’न्ति याथावसरसतो पजानाति । तण्हा पन दुक्खं जनेति निब्बत्तेति, पभावेति, ततो तं दुक्खं समुदेति; तस्मा नं अयं ‘दुक्खसमुदयो’ति यथाभूतं पजानाति । यस्मा पन इदं दुक्खज्ज समुदयो च निब्बानं पत्वा निरुज्झन्ति वूपसम्मन्ति अप्पवर्त्ति गच्छन्ति; तस्मा नं ‘अयं दुक्खनिरोधो’ति यथाभूतं पजानाति । अरियो पन अट्टङ्गिको मग्गो, तं दुक्खनिरोधं गच्छति; तेन तं ‘अयं दुक्खनिरोधगामिनी पटिपदा’ति यथाभूतं पजानाति । एत्तावता नानाक्खणे सच्चववत्थानं दस्सितं । इदानी एकक्खणे दस्सेतुं तथागतप्पवेदिताति आदिमाह । तत्थ तथागतप्पवेदिताति महाबोधिमण्डे निसीदत्वा तथागतेन पटिविद्धा विदिता पाकटीकता । धम्माति चतुसच्चयधम्मा । वोदिट्ठा होन्तीति सुदिट्ठा होन्ति । वोचरिताति सुचरिता । तेसु अनेन पञ्जा सुट्ठु चरापिता होतीति अत्थो । अयं वुच्चतीति अयं एवरूपो पुगलो दिट्ठिप्पत्तोति वुच्चति । अयञ्चि दिट्ठन्तं पत्तो । “दुक्खा सङ्खारा, सुखो निरोधो”ति जाणं होति । दिट्ठं विदितं सच्छिकरं पस्सितं पञ्जायाति दिट्ठप्पत्तो । अयम्पि कायसक्खी विय छब्बिधोव होति ।

१८. सङ्खाविमुत्तनिर्देसे — नो च खो यथा दिट्ठिप्पत्तस्साति यथा दिट्ठिप्पत्तस्स आसवा परिकखीणा, न एवं सङ्खाविमुत्तस्साति अत्थो । किं पन नेसं किलेसप्पहाने नानत्तं अत्थीति? नत्थि । अथ कस्मा सङ्खाविमुत्तो दिट्ठिप्पत्तं न पापुणातीति? आगमनीयनानत्तेन । दिट्ठिप्पत्तो हि आगमनमहि किलेसे विक्खम्भेत्तो अप्पदुक्खेन अप्पकसिरेन अकिलमन्तोव विक्खम्भेत्तुं सक्कोति । सङ्खाविमुत्तो पन दुक्खेन कसिरेन किलमन्तो हुत्वा विक्खम्भेत्तुं सक्कोति, तस्मा दिट्ठिप्पत्तं न पापुणाति । अपिच नेसं पञ्जायपि नानत्तं अत्थियेव । दिट्ठिप्पत्तस्स हि उपरि तिण्णं मग्गानं विपस्सनाजाणं तिकखं सूरं पसन्नं हुत्वा वहति । सङ्खाविमुत्तस्स विपस्सनाजाणं नो तिकखं सूरं पसन्नं हुत्वा वहति, तस्मापि सो दिट्ठिप्पत्तं न पापुणाति ।

यथा हि द्वीसु तरुणेषु सिप्पं दस्सेन्तेसु एकस्स हत्थे तिखिणो असि, एकस्स कुण्डो । तिखिणेन असिना कदली छिज्जमाना सद्दं न करोति । कुण्डेन असिना छिज्जमाना ‘कटकटा’ति सद्दं करोति । तत्थ तिखिणेन असिना सद्दं अकरोन्तिया एव कदलिया छेदनं विय दिट्ठिप्पत्तस्स तिण्णं मग्गानं विपस्सनाजाणस्स तिखिणसूरविप्पसन्नभावो । कुण्डेन असिना सद्दं करोन्तियापि कदलिया छेदनं विय सङ्खाविमुत्तस्स तिण्णं मग्गानं विपस्सनाजाणस्स अतिखिणअसूरअप्पसन्नभावो वेदितव्वो । इमं पन नयं ‘नो’ति पटिकिखित्वा, आगमनीयनानत्तेनेव सङ्खाविमुत्तो दिट्ठिप्पत्तं न पापुणातीति सन्निट्ठानं कतं ।

आगमट्ठकथासु पन वुत्तं — “एतेसु हि सङ्खाविमुत्तस्स पुब्बभागमग्गक्खणे सहहन्तस्स विय ओक्कप्पेन्तस्स विय अधिमुच्चन्तस्स विय च किलेसक्खयो होति ।

दिट्ठिप्पत्तस्स पुब्बभागमग्गकखणे किलेसच्छेदकज्जणं अदन्धं तिखिणं सूरं हुत्वा वहति । तस्मा यथा नाम अतिखिणेन असिना कदलिं छिन्दन्तस्स छिन्नट्टानं न मट्ठं होति, असि न सीधं वहति, सद्धो सुय्यति, बलवतरो वायामो कातब्बो होति; एवरूपा सद्धाविमुत्तस्स पुब्बभागमग्गभावना । यथा पन सुनिसितेनेव असिना कदलिं छिन्दन्तस्स छिन्नट्टानं मट्ठं होति, असि सीधं वहति, सद्धो न सुय्यति, बलववायामकच्चं न होति; एवरूपा दिट्ठिप्पत्तस्स पुब्बभागमग्गभावना वेदितब्बा”ति । अयं वुच्चतीति अयं एवरूपो पुग्गलो **सद्धाविमुत्तो**ति वुच्चति । अयञ्चि सद्धन्तो विमुत्तोति सद्धाविमुत्तो । अयम्पि कायसक्खी विय छब्बिधोव होति ।

**१९.** धम्मानुसारीनिद्वेसे — **पटिपन्नस्सा**ति इमिना सोतापत्तिमग्गड्डो दस्सितो । **अधिमत्तन्ति** बलवं । पज्जं वाहेतीति **पज्जावाही** । पज्जा इमं पुग्गलं वहतीति पज्जावाहीतिपि वुत्तं होति । **पज्जापुब्बङ्गमन्ति** पज्जं पुरेचारिकं कत्वा । **अयं वुच्चतीति** अयं एवरूपो पुग्गलो **धम्मानुसारी**ति वुच्चति । सो हि पज्जासङ्घातेन धम्मेन सरति अनुस्सरतीति धम्मानुसारी । सोतापत्तिमग्गड्डस्सेवेतं नामं । फले पन पत्ते दिट्ठिप्पत्तो नाम होति ।

**३०.** सद्धानुसारीनिद्वेसेपि — सद्धं वाहेतीति **सद्धावाही** । सद्धा इमं पुग्गलं वहतीति सद्धावाहीतिपि वुत्तमेव । **सद्धापुब्बङ्गमन्ति** सद्धं पुरेचारिकं कत्वा । **अयं वुच्चतीति** अयं एवरूपो पुग्गलो **सद्धानुसारी**ति वुच्चति । सो हि सद्धाय सरति । अनुस्सरतीति सद्धानुसारी । सोतापत्तिमग्गड्डस्सेवेतं नामं । फले पन पत्ते सद्धाविमुत्तो नाम होति । लोकुत्तरधम्मञ्चि निब्बत्तेन्तानं द्वे धुरानि नाम, द्वे अभिनिवेसा नाम, द्वे सीसानि नाम । तत्थ सद्धाधुरं पज्जाधुरन्ति — द्वे धुरानि नाम । एको पन भिक्खु समथाभिनिवेसेन अभिनिविसति, एको विपस्सनाभिनिवेसेनाति — इमे द्वे अभिनिवेसा नाम । एको च मत्थकं पापुणन्तो उभतोभागविमुत्तो होति, एको पज्जाविमुत्तोति — इमानि द्वे सीसानि नाम । ये केचि हि लोकुत्तरधम्मं निब्बत्तेन्ति, सब्बे ते इमे द्वे धम्मे धुरं कत्वा इमेसु द्वीसु ठानेसु अभिनिविसत्वा इमेहि द्वीहि ठानेहि विमुच्चन्ति । तेसु यो भिक्खु अट्टसमापत्तिलाभी पज्जं धुरं कत्वा समथवसेन अभिनिविट्ठो अज्जतरं अरूपसमापत्तिं पदट्टानं कत्वा विपस्सनं पट्टपेत्वा अरहत्तं पापुणाति, सो सोतापत्तिमग्गकखणे धम्मानुसारी नाम । परतो पन छसु ठानेसु कायसक्खी नाम । अरहत्तफले पत्ते उभतोभागविमुत्तो नाम ।

अपरो पज्जमेव धुरं कत्वा विपस्सनावसेन अभिनिविट्ठो सुद्धसङ्गारे वा रूपावचरज्जानेसु वा अज्जतरं सम्मसित्वा अरहत्तं पापुणाति, अयम्पि सोतापत्तिमग्गकखणेयेव धम्मानुसारी नाम । परतो पन छसु ठानेसु दिट्ठिप्पत्तो नाम । अरहत्ते पत्ते पज्जाविमुत्तो नाम । इध द्वे नामानि अपुब्बानि, तानि पुरिमेहि सद्धिं पज्च होन्ति । अपरो अट्टसमापत्तिलाभी सद्धं धुरं कत्वा समाधिवसेन अभिनिविट्ठो अज्जतरं अरूपसमापत्तिं पदट्टानं कत्वा विपस्सनं पट्टपेत्वा अरहत्तं पापुणाति — अयं सोतापत्तिमग्गकखणे सद्धानुसारी नाम । परतो छसु ठानेसु कायसक्खीयेव नाम । अरहत्ते पत्ते उभतोभागविमुत्तोयेव नाम । इध एकमेव नामं अपुब्बं । तेन सद्धिं पुरिमानि पज्च छ होन्ति । अपरो सद्धमेव धुरं कत्वा विपस्सनावसेन अभिनिविट्ठो सुद्धसङ्गारे वा रूपावचरज्जानेसु वा अज्जतरं सम्मसित्वा अरहत्तं पापुणाति । अयम्पि सोतापत्तिमग्गकखणे सद्धानुसारी नाम । परतो छसु ठानेसु सद्धाविमुत्तो नाम । अरहत्ते पत्ते पज्जाविमुत्तो नाम । इधापि एकमेव नामं अपुब्बं । तेन सद्धिं पुरिमानि छ सत्त होन्ति । इमे सत्त पुग्गला लोके अग्गदक्खिणेय्या नामाति ।

**३१.** सत्तक्खत्तुपरमनिद्वेसे — **सत्तक्खत्तुन्ति** सत्तवारे । सत्तक्खत्तुपरमा भवूपपत्ति अत्तभावग्गहणं अस्स, ततो परं अट्टमं भवं नादियतीति **सत्तक्खत्तुपरमो** । **सोतापन्नो** होतीति एत्थ **सोतो**ति अरियमग्गो, तेन समन्नागतो **सोतापन्नो** नाम । यथाह —

“सोतो सोतोति हिदं, सारिपुत्त, वुच्चति । कतमो नु खो, सारिपुत्त, सोतोति? अयमेव हि, भन्ते, अरियो अट्ठङ्गिको मग्गो सोतो, सेय्यथिदं — सम्मादिट्ठि...पे०... सम्मासमाधीति । सोतापन्नो सोतापन्नोति, हिदं, सारिपुत्त, वुच्चति । कतमो नु खो, सारिपुत्त, सोतापन्नोति? यो हि, भन्ते, इमिना अरियेन अट्ठङ्गिकेन मग्गेन समन्नागतो अयं वुच्चति सोतापन्नो, स्वायं आर्यस्मा एवंनामो एवंगोत्तो इति वा”ति (सं० नि० ५.१००१) ।

एवं मग्गकखणेपि सोतापन्नो नाम होति । इध पन मग्गेन फलस्स नामं दिन्तन्ति फलकखणे सोतापन्नो अधिप्पेतो ।

**अविनिपातधम्मो**ति विनिपातसङ्घातं अपायं उपपत्तिवसेन अनागमनसभावो । **नियतो**ति मग्गनियामेन नियतो । **सम्बोधिपरायणो**ति बुज्जनकभावपरायणो । सो हि पटिलङ्गमग्गेन बुज्जतीति सम्बोधिपरायणो । उपरि तीहि मग्गेहि अवस्सं बुज्जिस्सतीति सम्बोधिपरायणो । **देवे च मनुस्से चाति** देवलोकज्ज मनुस्सलोकज्ज । **सन्धावित्वा संसरित्वा**ति पटिसन्धिवसेन अपरापरं गन्त्वा । **दुक्खस्सन्तं करोतीति** वड्डुक्खस्स परियन्तं परिवट्ठमं करोति । **अयं वुच्चतीति** अयं एवरूपो पुग्गलो सत्तक्खत्तुपरमो नाम वुच्चति । अयं पन कालेन देवलोकस्स कालेन मनुस्सलोकस्स वसेन मिस्सकभवेन कथितोति वेदितब्बो ।

**३२.** कोलंकोलनिद्वेसे — कुलतो कुलं गच्छतीति **कोलंकोलो** । सोतापत्तिफलसच्छिकिरियतो हि पट्टाय नीचे कुले उपपत्ति नाम नत्थि, महाभोगकुलेसुयेव निब्बत्ततीति अत्थो । **द्वे वा तीणि वा कुलानीति** देवमनुस्सवसेन द्वे वा तयो वा भवे । इति अयम्पि मिस्सकभवेनेव कथितो । देसनामत्तमेव चेतं — “द्वे वा तीणि वा”ति । याव छट्ठभावा संसरन्तोपि पन कोलंकोलोव होति ।

**३३.** एकबीजिनिद्वेसे — खन्धबीजं नाम कथितं । यस्स हि सोतापन्नस्स एकंयेव खन्धबीजं अत्थि, एकं अत्तभावग्गहणं, सो **एकबीजी** नाम । **मानुसकं भवन्ति** इदं पनेत्थ देसनामत्तमेव । देवभवं निब्बत्तेतीतिपि पन वत्तुं वट्ठतियेव । भगवता गहितनामवसेनेव चेतानि एतेसं नामानि । एत्तकं ठानं गतो सत्तक्खत्तुपरमो नाम होति, एत्तकं कोलंकोलो, एत्तकं एकबीजीति भगवता एतेसं नामं गहितं । नियमतो पन अयं सत्तक्खत्तुपरमो, अयं कोलंकोलो, अयं एकबीजीति नत्थि ।

को पन तेसं एतं पभेदं नियमेतीति? केचि ताव थेरा ‘पुब्बहेतु नियमेती’ति वदन्ति, केचि ‘पठममग्गो’, केचि ‘उपरि तयो मग्गा’, केचि ‘तिण्णं मग्गानं विपस्सना’ति । तत्थ ‘पुब्बहेतु नियमेती’ति वादे ‘पठममग्गस्स उपनिस्सयो कतो नाम होति, उपरि तयो मग्गा निरुपनिस्सया उप्पन्ना’ति वचनं आपज्जति । ‘पठममग्गो नियमेती’ति वादे उपरि तिण्णं मग्गानं निरत्थकता आपज्जति । ‘उपरि तयो मग्गा नियमेन्ती’ति वादे ‘अट्ठममग्गे अनुप्पन्नेयेव उपरि तयो मग्गा उप्पन्ना’ति आपज्जति । ‘तिण्णं मग्गानं विपस्सना नियमेती’ति वादो पन युज्जति । सचे हि उपरि तिण्णं मग्गानं विपस्सना बलवती होति, एकबीजी नाम होति; ततो मन्दतराय कोलंकोलो; ततो मन्दतराय सत्तक्खत्तुपरमोति ।

एकच्चो हि सोतापन्नो वट्ठज्जासयो होति, वट्ठाभिरतो, पुण्णुनं वट्ठस्मियेव विचरति सन्दिस्सति । अनाथपिण्डिको सेट्ठि, विसाखा उपासिका, चूळरथमहारथा देवपुत्ता, अनेकवण्णो देवपुत्तो, सक्को देवराजा, नागदत्तो देवपुत्तोति इमे हि एत्तका जना वट्ठज्जासया वट्ठाभिरता आदितो पट्टाय छ देवलोकं सोधेत्वा अकनिट्ठे ठत्वा परिनिब्बायिस्सन्ति, इमे इध न गहिता । न केवलज्जिमे; योपि मनुस्सेसुयेव सत्तक्खत्तुं संसरित्वा अरहत्तं पापुणाति, योपि देवलोकं निब्बत्तो देवेसुयेव सत्तक्खत्तुं अपरापरं संसरित्वा अरहत्तं

पापुणाति, इमेपि इध न गहिता । मिस्सकभववसेनेव पनेत्थ सत्तकखत्तुपरमकोलंकोला मानुसकभवनिब्बत्तकोयेव च एकबीजी गहितोति वेदितब्बो । तत्थ एकेको दुक्खापटिपदादिवसेन चतुब्धिभावं आपज्जति । सद्धाधुरेनेव चत्तारो सत्तकखत्तुपरमा, चत्तारो कोलंकोला, चत्तारो एकबीजीनोति द्वादस होन्ति । सचे पज्जाय सक्का निब्बत्तेतुं, ‘अहं लोकुत्तरं धम्मं निब्बत्तेस्सामी’ति एवं पज्जं धुरं कत्वा सत्तकखत्तुपरमादिभावं पत्तापि पटिपदावसेन द्वादसेवाति इमे चतुवीसति सोतापन्ना इहट्टकनिज्झानिकवसेनेव इमस्मिं ठाने कथिताति वेदितब्बा ।

**३४. सकदागामिनिदेसे** — पटिसन्धिवसेन सकिं आगच्छतीति **सकदागामी** । **सकिदेवाति** एकवारंयेव । **इमं लोकं आगन्त्वाति** इमिना पञ्चसु सकदागामीसु चत्तारो वज्जेत्वा एकोव गहिता । एकच्चो हि इध सकदागामिफलं पत्वा इधेव परिनिब्बायति, एकच्चो इध पत्वा देवलोके परिनिब्बायति, एकच्चो देवलोके पत्वा तत्थेव परिनिब्बायति, एकच्चो देवलोके पत्वा इधूपपज्जित्वा परिनिब्बायति — इमे चत्तारोपि इध न गहिता । यो पन इध पत्वा देवलोके यावतायुक् वसित्वा पुन इधूपपज्जित्वा परिनिब्बायति — अयं एकोव इध गहितोति वेदितब्बो । सेसमेत्थ यं वत्तब्बं सिया तं सब्बं हेट्ठा धम्मसङ्गहट्टकथायं लोकुत्तरकुसलनिदेसे वुत्तमेव । इमस्स पन सकदागामिनो एकबीजिना सद्धिं किं नानाकरणन्ति? एकबीजिस्स एकाव पटिसन्धि, सकदागामिस्स द्वे पटिसन्धियो — इदं नेसं नानाकरणन्ति ।

**३५. अनागामिनिदेसे** — **ओरम्भागियानं संयोजनानन्ति** ओरं वुच्चति कामधातु । यस्स इमानि पञ्च बन्धनानि अप्पहीनानि होन्ति, सो भवगगे निब्बत्तोपि गिलितबळिस्सो मच्छो विय दीघसुत्तकेन पादे बद्धकाको विय तेहि बन्धनेहि आकट्टियमानो कामधातुयंयेव पवत्ततीति पञ्च बन्धनानि **ओरम्भागियानीति** वुच्चन्ति । हेट्ठाभागियानि हेट्ठाकोट्टासिकानीति अत्थो । **परिक्खयाति** तेसं बन्धनानं परिक्खयेन । **ओपपातिकोति** उपपातयोनिको । इमिनास्स गम्भसेय्या पटिक्खित्ता । **तत्थ परिनिब्बायीति** तत्थ सुद्धावासलोके परिनिब्बायिता । **अनावत्तिधम्मो तस्मा लोकाति** पटिसन्धिगहणवसेन तस्मा लोका इध अनावत्तनसभावो । बुद्धदस्सनथेरदस्सनधम्मस्सवनानं पनत्थायस्स आगमनं अनिवारितं । **अयं वुच्चतीति** अयं एवंविधो पुगलो पटिसन्धिवसेन पुन अनागमनतो **अनागामी** नाम वुच्चति ।

**३६. अन्तरापरिनिब्बायिनिदेसे** — **उपपन्नं वा समनन्तराति** उपपन्नसमनन्तरा वा हुत्वा । **अप्पत्तं वा वेमज्झं आयुप्पमाणन्ति** आयुप्पमाणं वेमज्झं अप्पत्तं वा हुत्वा अरियमगं सज्जनेतीति अत्थो । वासदविकप्पतो पन वेमज्झं पत्तन्तिपि अत्थो वेदितब्बो । एवं तयो अन्तरापरिनिब्बायिनो सिद्धा होन्ति । **उपरिट्ठिमानं संयोजनानन्ति** उपरि पञ्चन्नं उद्धम्भागियसंयोजनानं अट्ठन्नं वा किलेसानं । **पहानायाति** एतेसं पजहनत्थाय मगं सज्जनेति । **अयं वुच्चतीति** अयं एवरूपो पुगलो आयुवेमज्झस्स अन्तरायेव परिनिब्बायनतो **अन्तरापरिनिब्बायीति** वुच्चति ।

**३७. उपहच्चपरिनिब्बायिनिदेसे** — **अतिक्कमित्वा वेमज्झं आयुप्पमाणन्ति** आयुप्पमाणं वेमज्झं अतिक्कमित्वा । **उपहच्च वा कालकिरियन्ति** उपगन्त्वा कालकिरियं । आयुक्खयस्स आसन्ने ठत्वाति अत्थो । **अयं वुच्चतीति** अयं एवरूपो पुगलो अविहेसु ताव कप्पसहस्सपमाणस्स आयुनो पञ्चकप्पसतसङ्घातं वेमज्झं अतिक्कमित्वा छट्ठे वा कप्पसते सत्तमट्ठमवमानं वा अज्जरस्मिं दसमेयेव वा कप्पसते ठत्वा अरहत्तं पत्वा किलेसपरिनिब्बानेन परिनिब्बायनतो **उपहच्चपरिनिब्बायीति** वुच्चति ।

**३८. असङ्खारससङ्खारपरिनिब्बायिनिदेसेसु** — असङ्खारेन अप्पदुक्खेन अधिमत्तपयोगं अकत्वाव किलेसपरिनिब्बानेन परिनिब्बानधम्मोति **असङ्खारपरिनिब्बायी** । ससङ्खारेन दुक्खेन कसिरेन अधिमत्तपयोगं कत्वाव किलेसपरिनिब्बानेन परिनिब्बायनधम्मोति **ससङ्खारपरिनिब्बायी** ।

**४०. उद्धंसोतनिदेसे** — उद्धं वाहिभावेन उद्धमस्स तण्हासोतं वट्टसोतं वाति **उद्धंसोतो** । उद्धं वा गन्त्वा पटिलभितब्बतो उद्धमस्स मगसोतन्ति उद्धंसोतो । अकनिट्ठं गच्छतीति **अकनिट्ठगामी** । **अविहा चतो अतप्पं गच्छतीति** आदीसु अविहे कप्पसहस्सं वसन्तो अरहत्तं पत्तुं असक्कुणित्वा अतप्पं गच्छति । तत्रापि द्वे कप्पसहस्सानि वसन्तो अरहत्तं पत्तुं असक्कुणित्वा सुदस्सं गच्छति । तत्रापि चत्तारि कप्पसहस्सानि वसन्तो अरहत्तं पत्तुं असक्कुणित्वा सुदस्सं गच्छति । तत्रापि अट्ठ कप्पसहस्सानि वसन्तो अरहत्तं पत्तुं असक्कुणित्वा अकनिट्ठं गच्छति । तत्थ वसन्तो अरियमगं सज्जनेतीति अत्थो ।

इमेसं पन अनागामीनं पभेदजाननत्थं उद्धंसोतो अकनिट्ठगामीचतुक्कं वेदितब्बं । तत्थ यो अविहातो पट्टाय चत्तारो देवलोके सोधेत्वा अकनिट्ठं गन्त्वा परिनिब्बायति अयं उद्धंसोतो अकनिट्ठगामी नाम । यो पन हेट्ठा तयो देवलोके सोधेत्वा सुदस्सीदेवलोके ठत्वा परिनिब्बायति — अयं उद्धंसोतो, न अकनिट्ठगामी नाम । यो पन इतो अकनिट्ठमेव गन्त्वा परिनिब्बायति, अयं न उद्धंसोतो, अकनिट्ठगामी नाम । यो पन हेट्ठा चतूसु देवलोकेसु तत्थ तत्थेव परिनिब्बायति, अयं न उद्धंसोतो, न अकनिट्ठगामी नामाति । एवमेते अट्ठचत्तालीस अनागामिनो होन्ति ।

कथं? अविहे ताव तयो अन्तरापरिनिब्बायिनो, एको उपहच्चपरिनिब्बायी, एको उद्धंसोतो ते असङ्खारपरिनिब्बायिनो पञ्च, ससङ्खारपरिनिब्बायिनो पञ्चाति दस होन्ति । तथा अतप्पासुदस्सासुदस्सीसूति चत्तारो दसका चत्तालीसं । अकनिट्ठे पन उद्धंसोतो नत्थि । तयो पन अन्तरापरिनिब्बायिनो, एको उपहच्चपरिनिब्बायी । ते असङ्खारपरिनिब्बायिनो चत्तारो, ससङ्खारपरिनिब्बायिनो चत्तारोति अट्ठ । एवं अट्ठचत्तालीसं होन्ति ।

ते सब्बेपि पपटिकोपमाय दीपिता — दिवसं सन्तत्तानम्पि हि आरकण्टकविप्पलिकनखच्छेदनानं अयोमुखे हज्जमाने पपटिका उप्पज्जित्वाव निब्बायति — एवरूपो पठमो अन्तरापरिनिब्बायी वेदितब्बो । कस्मा? उप्पन्नसमनन्तराव किलेसपरिनिब्बानेन परिनिब्बायनतो । ततो महन्तरे अयोमुखे हज्जमाने पपटिका आकासं उल्लङ्घित्वा निब्बायति — एवरूपो दुतियो अन्तरापरिनिब्बायी दट्ठब्बो । कस्मा? वेमज्झं अप्पत्वा परिनिब्बायनतो । ततो महन्तरे अयोमुखे हज्जमाने पपटिका आकासं उल्लङ्घित्वा निवत्तमाना पथवियं अनुपहच्चतला हुत्वा परिनिब्बायति — एवरूपो ततियो अन्तरापरिनिब्बायी दट्ठब्बो । कस्मा? वेमज्झं पत्वा अनुपहच्च परिनिब्बायनतो । ततो महन्तरे अयोमुखे हज्जमाने पपटिका आकासं उल्लङ्घित्वा पथवियं पतित्वा उपहच्चतला हुत्वा निब्बायति — एवरूपो उपहच्चपरिनिब्बायी वेदितब्बो । कस्मा? कालकिरियं उपगन्त्वा आयुगतिं खेपेत्वा परिनिब्बायनतो । ततो महन्तरे अयोमुखे हज्जमाने पपटिका परित्ते तिणकट्टे पतित्वा तं परित्ते तिणकट्टं ज्ञापेत्वा निब्बायति — एवरूपो असङ्खारपरिनिब्बायी वेदितब्बो । कस्मा? अप्पयोगेन लहुसाय गतिया परिनिब्बायनतो । ततो महन्तरे अयोमुखे हज्जमाने पपटिका विपुले तिणकट्टपुज्जे पतित्वा तं विपुलं तिणकट्टपुज्जं ज्ञापेत्वा निब्बायति — एवरूपो ससङ्खारपरिनिब्बायी वेदितब्बो । कस्मा? सप्पयोगेन अलहुसाय गतिया परिनिब्बायनतो । अपरा महन्तेसु तिणकट्टपुज्जेसु ज्ञायमानेसु वीतच्चित्तारो वा जाला वा उप्पतित्वा कम्मरसालं ज्ञापेत्वा गामनिगमनगरट्ठं ज्ञापेत्वा समुद्वन्तं पत्वा निब्बायति — एवरूपो उद्धंसोतो तिणकट्टपुज्जेसु ज्ञायमानेसु वीतच्चित्तारो वा जाला वा उप्पतित्वा कम्मरसालं ज्ञापेत्वा गामनिगमनगरट्ठं ज्ञापेत्वा समुद्वन्तं पत्वा निब्बायति — एवरूपो उद्धंसोतो अकनिट्ठगामी दट्ठब्बो । कस्मा? अनेकभवबीजविप्फारं फुस्स फुस्स ब्यन्तीकत्वा परिनिब्बायनतो । यस्मा पन आरकण्टकादिभेदं खुट्ठकम्पि महन्तम्पि अयोक्पालमेव, तस्मा



सुते सब्बवारेसु अयोक्कपालन्त्वेव वुत्तं (अ० नि० ७.५५)। यथाह —

“इध, भिक्खवे, भिक्खु एवं पटिपन्नो होति — ‘नो चस्स, नो च मे सिया, न भविस्सति, न मे भविस्सति, यदत्थि यं भूतं, तं पजहामी’”ति उपेक्खं पटिलभति। सो भवे न रज्जति, सम्भवे न रज्जति, अत्थुत्तरि पदं सन्तं सम्मप्यज्जाय पस्सति। तज्ज खवस्स पदं न सब्बेन सब्बं सच्छिकतं होति। तस्स न सब्बेन सब्बं मानानुसयो पहीनो होति, न सब्बेन सब्बं भवरागानुसयो पहीनो होति, न सब्बेन सब्बं अविज्जानुसयो पहीनो होति। सो पञ्चन्नं ओरम्भागियानं संयोजनानं परिकखया अन्तरापरिनिब्बायी होति। सेय्यथापि, भिक्खवे, दिवसं सन्तत्ते अयोक्कपाले हज्जमाने पपटिका निब्बत्तित्वा निब्बायेय्य; एवमेव खो, भिक्खवे, भिक्खु एवं पटिपन्नो होति — नो चस्स...पे०... अन्तरापरिनिब्बायी होति।

“इध पन, भिक्खवे, भिक्खु एवं पटिपन्नो होति — नो चस्स...पे०... अन्तरापरिनिब्बायी होति। सेय्यथापि, भिक्खवे, दिवसं सन्तत्ते अयोक्कपाले हज्जमाने पपटिका निब्बत्तित्वा उपपत्तित्वा निब्बायेय्य; एवमेव खो, भिक्खवे, भिक्खु एवं पटिपन्नो होति — नो चस्स...पे०... अन्तरापरिनिब्बायी होति।

“इध पन, भिक्खवे, भिक्खु एवं पटिपन्नो होति — नो चस्स...पे०... अन्तरापरिनिब्बायी होति। सेय्यथापि, भिक्खवे, दिवसं सन्तत्ते अयोक्कपाले हज्जमाने पपटिका निब्बत्तित्वा उपपत्तित्वा अनुपहच्च तलं निब्बायेय्य; एवमेव खो, भिक्खवे, भिक्खु एवं पटिपन्नो होति — नो चस्स...पे०... अन्तरापरिनिब्बायी होति।

“इध पन, भिक्खवे, भिक्खु एवं पटिपन्नो होति — नो चस्स...पे०... उपहच्चपरिनिब्बायी होति। सेय्यथापि, भिक्खवे, दिवसं सन्तत्ते अयोक्कपाले हज्जमाने पपटिका निब्बत्तित्वा उपपत्तित्वा उपहच्च तलं निब्बायेय्य; एवमेव खो, भिक्खवे, भिक्खु एवं पटिपन्नो होति — नो चस्स...पे०... उपहच्चपरिनिब्बायी होति।

“इध पन, भिक्खवे, भिक्खु एवं पटिपन्नो होति — नो चस्स...पे०... परिकखया असङ्खारपरिनिब्बायी होति। सेय्यथापि, भिक्खवे, दिवसं सन्तत्ते अयोक्कपाले हज्जमाने पपटिका निब्बत्तित्वा उपपत्तित्वा परित्ते तिणपुज्जे वा कट्ठपुज्जे वा निपतेय्य, सा तत्थ अग्गिम्पि जनेय्य, धूमम्पि जनेय्य, अग्गिम्पि जनेत्वा धूमम्पि जनेत्वा तमेव परित्ते तिणपुज्जं वा कट्ठपुज्जं वा परियादित्वा अनाहारा निब्बायेय्य; एवमेव खो, भिक्खवे, भिक्खु एवं पटिपन्नो होति — नो चस्स...पे०... परिकखया असङ्खारपरिनिब्बायी होति।

“इध पन, भिक्खवे, भिक्खु एवं पटिपन्नो होति — नो चस्स...पे०... ससङ्खारपरिनिब्बायी होति। सेय्यथापि, भिक्खवे, दिवसं सन्तत्ते अयोक्कपाले हज्जमाने पपटिका निब्बत्तित्वा उपपत्तित्वा विपुले तिणपुज्जे वा कट्ठपुज्जे वा निपतेय्य, सा तत्थ अग्गिम्पि जनेय्य...पे०... तमेव विपुलं तिणपुज्जं वा कट्ठपुज्जं वा परियादित्वा अनाहारा निब्बायेय्य; एवमेव खो, भिक्खवे, भिक्खु एवं पटिपन्नो होति — नो चस्स...पे०... ससङ्खारपरिनिब्बायी होति।

“इध पन, भिक्खवे, भिक्खु एवं पटिपन्नो होति — नो चस्स...पे०... परिकखया उद्धंसोतो होति अकनिट्ठगामी। सेय्यथापि, भिक्खवे, दिवसं सन्तत्ते अयोक्कपाले हज्जमाने पपटिका निब्बत्तित्वा उपपत्तित्वा महन्ते तिणपुज्जे वा कट्ठपुज्जे वा निपतेय्य, सा तत्थ अग्गिम्पि जनेय्य...पे०... तमेव महन्तं तिणपुज्जं वा कट्ठपुज्जं वा परियादित्वा गच्छम्पि दहेय्य, दायम्पि दहेय्य, गच्छम्पि दहित्वा दायम्पि दहित्वा हरितन्तं वा पथन्तं वा सेलन्तं वा उदकन्तं वा रमणीयं वा भूमिभागं आगम्म अनाहारा निब्बायेय्य; एवमेव खो, भिक्खवे, भिक्खु एवं पटिपन्नो होति — नो चस्स...पे०... परिकखया उद्धंसोतो होति अकनिट्ठगामी”ति (अ० नि० ७.५५)।

४१-४४. सोतापत्तिफलसच्छिकिरियाय पटिपन्नादिनिदेसा उत्तानत्थाव। **अयं वुच्चति पुग्गलो अरहाति** एत्थ पन द्वादस अरहन्तो वेदितब्बा। कथं? तयो हि विमोक्खा — सुज्जतो, अनिमित्तो, अप्पणिहितोति। तत्थ सुज्जतविमोक्खेन विमुत्तखीणासवो पटिपदावसेन चतुब्बिधो होति; तथा अनिमित्तअप्पणिहितविमोक्खेहीति — एवं द्वादस अरहन्तो वेदितब्बा। इति इमे द्वादस अरहन्तो विय द्वादसेव सकदागामिनो, चतुर्वीसति सोतापन्ना, अट्ठचत्तालीस अनागामिनोति एत्तका पुग्गला इतो मुच्चित्वा बहिद्वा नुप्पज्जन्ति, इमस्मिज्जेव सब्बज्जुबुद्धसासने उपपज्जन्तीति।

एककनिदेसवण्णना।

## २. दुकनिदेसवण्णना

४५. दुकनिदेसे **कोधो**नोति कुज्झनसीलो महाकोधो। एवं पुग्गलं पुच्छित्वापि धम्मने पुग्गलं दस्सेतुं **तत्थ कतमो कोधो**तिआदिमाह। **उपनाही**निदेसादीसुपि एसेव नयो। **कोधो कुज्झना**तिआदीनि हेडा वुत्तथानेव। तथा उपनाहीनिदेसादीसु **पुब्बकालं कोधो**तिआदीनि। **अयं कोधो अप्पही**नोति अयं एत्तको कोधो विक्खम्भनप्पहानेन वा तदङ्गप्पहानेन वा समुच्छेदप्पहानेन वा अप्पहीनो। परतो **उपनाहा**दीसुपि एसेव नयो।

५३. अहिरिकनिदेसादीसु — **इमिना अहिरिके**नाति इमिना एवंपकारेन अहिरिकधम्मने समन्नागतो। **इमिना अनोत्तप्पे**नातिआदीसुपि एसेव नयो।

६३. **अज्झत्तसंयोजनो**ति अज्झत्तबन्धनो। **बहिद्वासंयोजनो**ति बहिद्वाबन्धनो। ते उभोपि वच्छकसालूपमाय दीपेतब्बा। वच्छकसालाय हि अन्तो बद्धो अन्तोयेव सयितवच्छको विय इधट्ठकसोतापन्नसकदागामिनो। तेसज्जि बन्धनम्पि इधेव, सयम्पि इधेव। अन्तो बद्धो पन बहि सयितवच्छको विय रूपारूपभवे सोतापन्नसकदागामिनो। तेसज्जि बन्धनमेव इध, सयं पन ब्रह्मलोके ठिता। बहि बद्धो बहि सयितवच्छको विय रूपारूपभवे अनागामी। तस्स हि बन्धनम्पि बहिद्वा, सयम्पि बहिद्वाव। बहि बद्धो पन अन्तोसयितवच्छको विय इधट्ठकअनागामी। तस्स हि बन्धनं रूपारूपभवेसु, सयं पन इध ठितो।

६५. अक्कोधननिदेसादीसु — **पही**नोति विक्खम्भनप्पहानेन वा, तदङ्गप्पहानेन वा, समुच्छेदप्पहानेन वा पहीनो।

८३. दुल्लभनिदेसे — **दुल्लभा**ति न सुलभा। **पुब्बकारी**ति पठममेव कारको। **कतवेदी**ति कतं वेदेति, विदितं पाकटं करोति। ते अगारियानगारियेहि दीपेतब्बा। अगारियेसु हि मातापितरो पुब्बकारिनो नाम। पुत्तधीतरो पन मातापितरो पटिजग्गन्ता अभिवादनादीनि तेसं कुरुमाना कतवेदिनो नाम। अनगारियेसु आचरियुपज्जाया

पुब्बकारिनो नाम । अन्तेवासिकसद्धिविहारिका आचरियुपज्झाये पटिजगन्ता अभिवादनादीनि तेसं कुरुमाना कतवेदिनो नाम । तेसं आविभावत्थाय उपज्झायपोसकसोणत्थेरादीनं वत्थूनि कथेतब्बानि ।

अपरो नयो — परेन अकतेयेव उपकारे अत्तिन कतं उपकारं अनपेक्खित्वा कारको पुब्बकारी, सेय्यथापि मातापितरो चेव आचरियुपज्झाया च । सो दुल्लभो; सत्तानं तण्हाभिभूतत्ता । परेन कतस्स उपकारस्स अनुरूपप्पवर्त्ति अत्तिन कतं उपकारं उपकारतो जानन्तो, वेदियन्तो, कतञ्जुकतवेदी । सेय्यथापि मातापितुआचरियुपज्झायेसु सम्मा पटिपन्नो । सोपि दुल्लभो; सत्तानं अविज्जाभिभूतत्ता ।

अपिच — अकारणवच्छलो पुब्बकारी, सकारणवच्छलो कतञ्जुकतवेदी । ‘करिस्सति मे’ति एवमादिकारणनिरपेक्खकिरियो पुब्बकारी । ‘करिस्सति मे’ति एवमादिकारणसापेक्खकिरियो कतञ्जुकतवेदी । तमोजोतिपरायणो पुब्बकारी, जोतिजोतिपरायणो कतञ्जुकतवेदी । देसेता पुब्बकारी, पटिपज्जिता कतञ्जुकतवेदी । सदेवके लोके अरहं सम्मासम्बुद्धो पुब्बकारी, अरियसावको कतञ्जुकतवेदीति । दुक्किपातड्ठकथायं (अ० नि० अट्ठ० २.२.१२०) पन — “‘पुब्बकारी’ति पठमं उपकारस्स कारको, ‘कतञ्जुकतवेदी’ति तेन कतं जत्वा पच्छा कारको । तेसु पुब्बकारी इणं देमीति सज्जं करोति, पच्छाकारको ‘इणं जीरापेमी’ति सज्जं करोती’ति एतकमेव वुत्तं ।

८४. दुत्तप्पयनिद्देसे — **दुत्तप्पयाति** अतप्पया, न सक्का केनचि तप्पेतुं । यो हि उपट्ठाककुलं वा जातिकुलं वा निस्साय वसमानो चीवरे जिण्णे तेहि दिन्नं चीवरं निक्खिपति, न परिभुज्जति । पुनप्पुनं दिन्नम्पि गहेत्वा निक्खिपतेव । यो च तेनेव नयेन लद्धं लद्धं विस्सज्जेति परस्स देति । पुनप्पुनं लद्धम्पि तथेव करोति । इमे द्वे पुगला सकटेहिपि पच्चये उपनेन्तेन तप्पेतुं न सक्काति दुत्तप्पया नाम ।

८५. सुतप्पयनिद्देसे — न **विस्सज्जेतीति** अत्तनो अकत्वा परस्स न देति । अतिरेके पन सति न निक्खिपति परस्स देति । इदं वुत्तं होति — यो पन भिक्खु उपट्ठाककुला वा जातिकुला वा जिण्णचीवरो साटकं लभित्वा चीवरं कत्वा परिभुज्जति, न निक्खिपति; अगगळं दत्त्वा पारुपन्तोपि पुन दिव्यमाने सहसा न पटिगण्हाति । यो च लद्धं लद्धं अत्तना परिभुज्जति, परेसं न देति । इमे द्वेपि सुखेन सक्का तप्पेतुन्ति सुतप्पया नामाति ।

८६. आसवाति किलेसा । न **कुक्कुच्चायितब्बं कुक्कुच्चायतीति** न कुक्कुच्चायितब्बयुत्तकं कुक्कुच्चायति । सूकरमंसं लभित्वा अच्छमंसन्ति कुक्कुच्चायति, मिगमंसं, लभित्वा दीपिमंसन्ति कुक्कुच्चायति । काले सन्तेयेव ‘कालो नत्थी’ति, अप्पवारेत्वाव ‘पवारितोस्मी’ति, पत्ते रजस्मिं अपतितेयेव ‘पतित’न्ति, अत्तानं उद्दिस्स मच्छमंसं अकतेयेव ‘मं उद्दिस्स कत’न्ति कुक्कुच्चायति । **कुक्कुच्चायितब्बं न कुक्कुच्चायतीति** कुक्कुच्चायितब्बयुत्तकं न कुक्कुच्चायति । अच्छमंसं लभित्वा सूकरमंसन्ति न कुक्कुच्चायति...पे... अत्तानं उद्दिस्स मच्छमंसं कते ‘मं उद्दिस्स कत’न्ति न कुक्कुच्चायति । अङ्गुत्तरड्ठकथायं पन — “‘न कुक्कुच्चायितब्बं’न्ति सङ्गभोगस्स अपट्ठपनं अविचारणं न कुक्कुच्चायितब्बं नाम, तं कुक्कुच्चायति । ‘कुक्कुच्चायितब्बं’न्ति तस्सेव पट्ठपनं विचारणं, तं न कुक्कुच्चायति’ति एतकमेव वुत्तं । **इमेसन्ति** इमेसं द्विन्नं पुगलानं सुभूमियं तिणलतादीनि विय रत्तिम्पि दिवापि आसवा वड्ढन्तियेव । सुक्कपक्खे कप्पियमंसं लभित्वा कप्पियमंसन्तेव गण्हन्तो न कुक्कुच्चायितब्बं न कुक्कुच्चायति नामाति इमिना नयेन अत्थो वेदितब्बो ।

८८. हीनाधिमुत्तोति हीनज्झासयो । **दुस्सीलो**ति निस्सीलो । **पापधम्मो**ति लामकधम्मो ।

८९. पणीताधिमुत्तोति पणीतज्झासयो । **कल्याणधम्मो**ति भद्रकधम्मो, सुचिधम्मो, सुन्दरधम्मो ।

९०. तित्तोति सुहितो परियोसितो । **तप्पेताति** अज्जेसम्पि तित्तिकरो । **पच्चेकसम्बुद्धा ये च तथागतसावकाति** एत्थ पच्चेकबुद्धा नवहि लोकुत्तरधम्महेहि सयं तित्ता परिपुण्णा । अज्जे पन तप्पेतुं न सक्कोन्ति । तेसज्हि धम्मकथाय अभिसमयो न होति । सावकानं पन धम्मकथाय अपरिमाणानम्पि देवमनुस्सानं अभिसमयो होति । एवं सन्तेपि यस्मा पन ते धम्मं देसेन्ता न अत्तनो वचनं कत्वा कथेन्ति, बुद्धानं वचनं कत्वा कथेन्ति । सोतुं निसिन्नपरिसापि ‘अयं भिक्खु न अत्तना पटिविद्धधम्मं कथेति, बुद्धेहि पटिविद्धधम्मं कथेती’ति चित्तीकारं करोति । इति सो चित्तीकारो बुद्धानयेव होति । एवं तत्थ सम्मासम्बुद्धोव **तप्पेता** नाम । यथा हि ‘असुकस्स नाम इदञ्चिदञ्च देथा’ति रज्जा आणत्ता किञ्चापि आनेत्वा देन्ति, अथ खो राजाव तत्थ दायको । येहिपि लद्धं होति, ते ‘रज्जा अम्हाकं ठानन्तरं दिन्नं, इस्सरियविभवो दिन्नो’त्वेव गण्हन्ति, न राजपुरिसेहीति । एवंसम्पदमिदं वेदितब्बं । सेसं सब्बत्थ उत्तानत्थमेवाति ।

दुक्किनिद्देसवण्णना ।

### ३. तिकनिद्देसवण्णना

९१. तिकनिद्देसे — **दुस्सीलो**ति निस्सीलो । **पापधम्मो**ति लामकधम्मो । सीलविपत्तिया वा दुस्सीलो, दिट्ठिविपत्तिया पापधम्मो । कायवचीसंवरभेदेन दुस्सीलो, सेससंवरभेदेन पापधम्मो । असुद्धपयोगताय दुस्सीलो, असुद्धासयताय पापधम्मो । कुसलसीलविरहेन दुस्सीलो; अकुसलसीलसमन्नागमेन पापधम्मो । **असुचीति** असुचीहि कायकम्मादीहि समन्नागतो । **सङ्कस्सरसमाचारो**ति सङ्काय परेहि सरितब्बसमाचारो । किञ्चिदेव असारुपं दिस्वा ‘इदं इमिना कतं भविस्सती’ति एवं परेहि आसङ्कनीयसमाचारो, अत्तनोयेव वा सङ्काय सरितब्बसमाचारो — सासङ्कसमाचारोति अत्थो । तस्स हि दिवाट्टानादीसु सन्निपतित्वा किञ्चिदेव मन्तयन्ते भिक्खू दिस्वा ‘इमे एकतो हुत्वा मन्तेन्ति, कच्चि नु खो मया कतकम्मं जानित्वा मन्तेन्ती’ति एवं सासङ्कसमाचारो होति ।

**पटिच्छन्नकम्मन्तो**ति पटिच्छादेतब्बयुत्तकेन पापकम्मेन समन्नागतो । **अस्समणो समणपटिज्जो**ति अस्समणो हुत्वाव समणपतिरूपकताय ‘समणो अहं’न्ति एवं पटिज्जो । **अब्रह्मचारी ब्रह्मचारिपटिज्जो**ति अज्जे ब्रह्मचारिनो सुनिवत्थे सुपारुते सुम्भकपत्तधरे गामनिगमजनपदराजधानीसु पिण्डाय चरित्वा जीविकं कप्पेन्ते दिस्वा सयम्पि तादिसेन आकारेन तथा पटिपज्जनतो ‘अहं ब्रह्मचारी’ति पटिज्जं देन्तो विय होति । ‘अहं भिक्खू’ति वत्त्वा उपोसथग्गादीनि पविसन्तो पन ब्रह्मचारिपटिज्जो होतियेव, तथा सङ्घिकं लाभं गण्हन्तो । **अन्तोपूतीति** पूतिना कम्मेन अन्तो अनुपविट्ठो, निग्गुणताय वा गुणसारविरहितत्ता अन्तोपूति । **अवस्सुतो**ति रागादीहि तिन्तो । **कसम्बुजातो**ति सज्जातरागादिकचवरो । अथ वा कसम्बु वुच्चति तिन्तकुणपगतं कसटउदकं । इमस्मिञ्च सासने दुस्सीलो नाम जिगुच्छनीयत्ता तिन्तकुणपकसटउदकसदिसो । तस्मा कसम्बु

विय जाताति कसम्बुजातो।

**तस्स न एवं होतीति** कस्मा न होति? यत्थ पतिट्ठितेन सक्का भवेय्य अरहत्तं लद्धं, तस्सा पतिट्ठाय भिन्नत्ता। यथा हि चण्डालकुमारकस्स ‘असुको नाम खत्तियकुमारो रज्जे अभिसित्तो’ति सुत्वापि, यस्मिं कुले पच्चाजाता अभिसेकं पापुणन्ति, तस्मिं कुले अपच्चाजातत्ता न एवं होति — ‘कुदास्सु नामाहम्पि सो खत्तियकुमारो विय अभिसेकं पापुणेय्य’न्ति; एवमेव दुस्सीलस्स ‘असुको नाम भिक्खु अरहत्तं पत्तो’ति सुत्वापि, यस्मिं सीले पतिट्ठितेन अरहत्तं पत्तब्बं, तस्स अभावतो ‘कुदास्सु नामाहम्पि सो सीलवा विय अरहत्तं पापुणेय्य’न्ति न एवं होति। **अयं वुच्चतीति** अयं एवरूपो पुगलो अरहत्तासाय अभावा **निरासो**ति वुच्चति।

**९२. तस्स एवं होतीति** कस्मा होति? यस्मिं पतिट्ठितेन सक्का भवेय्य अरहत्तं पापुणित्तुं, तस्सा पतिट्ठाय थिरत्ता। यथा हि सुजातस्स खत्तियकुमारस्स ‘असुको नाम खत्तियकुमारो रज्जे अभिसित्तो’ति सुत्वाव यस्मिं कुले पच्चाजाता अभिसेकं पापुणन्ति, तस्मिं पच्चाजातस्स एवं होति — ‘कुदास्सु नामाहम्पि, सो कुमारो विय अभिसेकं पापुणेय्य’न्ति एवमेव सीलवतो ‘असुको नाम भिक्खु अरहत्तं पत्तो’ति सुत्वाव यस्मिं सीले पतिट्ठितेन अरहत्तं पत्तब्बं, तस्सा पतिट्ठाय थिरत्ता — ‘कुदास्सु नामाहम्पि सो भिक्खु विय अरहत्तं पापुणेय्य’न्ति एवं होति। **अयं वुच्चतीति** अयं एवरूपो पुगलो **आसंसो** नाम वुच्चति। सो हि अरहत्तं आसंसति पत्येतीति आसंसो।

**९३. या हिस्स पुब्बे अविमुत्तस्साति** या तस्स खीणासवस्स पुब्बे अरहत्तविमुत्तिया अविमुत्तस्स विमुत्तासा अहोसि, सा पटिप्पस्सद्धा, तस्मा न एवं होति। यथा हि अभिसित्तस्स खत्तियस्स ‘असुको नाम खत्तियकुमारो रज्जे अभिसित्तो’ति सुत्वा एकस्स रज्जो द्विन्नं रज्जाभिसेकानं द्विन्नं सेतच्छत्तानं अभावा न एवं होति — “कुदास्सु नामाहम्पि सो कुमारो विय अभिसेकं पापुणेय्य”न्ति; एवमेव खीणासवस्स ‘असुको नाम भिक्खु अरहत्तं पत्तो’ति सुत्वा, द्विन्नं अरहत्तानं अभावा — ‘कुदास्सु नामाहम्पि सो भिक्खु विय अरहत्तं पापुणेय्य’न्ति न एवं होति। **अयं वुच्चतीति** अयं एवरूपो पुगलो अरहत्तासाय विगतत्ता **विगतासो**ति वुच्चति।

**९४. गिलानूपमनिद्देसो** — याय उपमाय ते गिलानूपमाति वुच्चन्ति, तं ताव उपमं दस्सेतुं **तयो गिलाना**तिआदि वुत्तं। **तत्थ सप्पायानीति** हितानि वुद्धिकरानि। **पतिरूपन्ति** अनुच्छविकं। **नेव वुट्ठाति तम्हा आबाधाति** इमिना अतेकिच्छेन वातापमारादिना रोगेन समन्नागतो निट्ठप्पत्तो गिलानो कथितो। **वुट्ठाति तम्हा आबाधाति** इमिना खिपितकच्छुतिणपुप्फकजरादिप्पभेदो अप्पमत्तकाबाधो कथितो।

**लभन्तो सप्पायानि भोजनानि नो अलभन्तोति** इमिना पन येसं पटिजग्गनेन फासुकं होति, सब्बेपि ते आबाधा कथिता। एत्थ च पतिरूपो उपट्ठाको नाम गिलानुपट्ठाकअङ्गेहि समन्नागतो पण्डितो दक्खो अनलसो वेदितब्बो।

**गिलानुपट्ठाको अनुज्जातोति** ‘भिक्खुसङ्घेन दातब्बो’ति अनुज्जातो। तस्मिज्हि गिलाने अत्तनो धम्मताय यापेतुं असक्कोन्ते भिक्खुसङ्घेन तस्स भिक्खुनो ‘एको भिक्खु च सामणेरो च इमं पटिजग्गथा’ति अपलोकेत्वा दातब्बा। याव पन ते तं पटिजग्गन्ति, ताव गिलानस्स च तेसञ्च द्विन्नं येनत्थो सब्बं भिक्खुसङ्घस्सेव भारो। **अज्जेपि गिलाना उपट्ठातब्बाति** इतरेपि द्वे गिलाना उपट्ठातब्बा। किं कारणा? योपि हि निट्ठप्पत्तगिलानो, सो अनुपट्ठियमानो ‘सचे मं पटिजग्गेय्यं, फासुकं मे भवेय्य, न खो पन मं पटिजग्गन्ती’ति मनोपदोसं कत्वा अपाये निब्बत्तेय्य। पटिजग्गियमानस्स पन एवं होति — ‘भिक्खुसङ्घेन यं कत्तब्बं तं सब्बं कत्तं, मय्हं पन कम्मविपाको ईदिसो’ति सो भिक्खुसङ्घे मेतं पच्चुपट्ठपेत्वा समगे निब्बत्तति। यो पन अप्पमत्तकेन ब्याधिना समन्नागतो लभन्तोपि अलभन्तोपि वुट्ठातियेव, तस्स विनापि भेसज्जेन वूपसमनकब्याधि भेसज्जे कते खिप्पतरं वूपसम्मति। ततो सो बुद्धवचनं वा उग्गण्हितुं समणधम्मं वा कातुं सक्खिस्सति। इमिना कारणेन अज्जेपि गिलाना उपट्ठातब्बाति वुत्तं।

**नेव ओक्कमतीति** नेव पविसति। **नियामं कुसलेसु धम्मेषु सम्मत्तन्ति** कुसलेसु धम्मेषु मग्नियामसङ्घातं सम्मत्तं। इमिना पदपरमो पुगलो कथितो। दुतियवारेन उघटितज्जू गहितो सासने नाळकत्थेरसदिसो। बुद्धन्तरे एकवारं पच्चेकबुद्धानं सन्तिके ओवादं लभित्वा पटिविद्धपच्चेकबोधिजाणो च। ततियवारेन विपञ्चितज्जू पुगलो कथितो। नेय्यो पन तन्निस्सितोव होति।

**धम्मदेसना अनुज्जाताति** मासस्स अट्ठ वारे धम्मकथा अनुज्जाता। **अज्जेसम्पि धम्मो देसेतब्बोति** इतरेसम्पि धम्मो कथेतब्बो। किं कारणा? पदपरमस्स हि इमस्मिं अत्तभावे धम्मं पटिविज्झितुं असक्कोन्तस्सापि अनागते पच्चयो भविस्सति। यो पन तथागतस्स रूपदस्सनं लभन्तोपि अलभन्तोपि धम्मविनयज्ज सवनाय लभन्तोपि अलभन्तोपि धम्मं अभिसमेति; सो अलभन्तो न ताव अभिसमेति, लभन्तो पन खिप्पमेव अभिसमेस्सतीति इमिना कारणेन तेसं धम्मो देसेतब्बो। ततियस्स पन पुनप्पुनं देसेतब्बोव। कायसक्खिद्विदुप्पत्तसद्भावमुत्ता हेट्ठा कथितायेव।

**९८. गूथभाणीआदीसु** — **सभग्गतोति** सभायं ठितो। **परिसग्गतोति** गामपरिसाय ठितो। **जातिमज्झगतोति** दायादानं मज्झे ठितो। **पूगमज्झगतोति** सेणीनं मज्झे ठितो। **राजकुलमज्झगतोति** राजकुलस्स मज्झे महाविनिच्छये ठितो। **अभिनीतोति** पुच्छन्तथाय नीतो। **सक्खिपुट्ठोति** सक्खिं कत्वा पुच्छितो। **एहम्भो पुरिसाति** आलपनमेतं। **अत्तहेतु वा परहेतु** वाति अत्तनो वा परस्स वा हत्थपादादिहेतु वा धनहेतु वा। **आमिसकिञ्चिक्खहेतु** वाति एत्थ आमिसन्ति लाभो अधिप्पेतो। **किञ्चिक्खन्ति** यं वा तं वा अप्पमत्तकं। अन्तमसो तित्तिरवट्ठकसप्पिण्डनवनीतपिण्डादिअप्पमत्तकस्सापि लज्जस्स हेतूति अत्थो। **सम्पजानमुसा भासिता होतीति** जानन्तोयेव मुसावादं कत्ता होति। **अयं वुच्चतीति** अयं एवरूपो पुगलो गूथसदिसवचनत्ता **गूथभाणीति** वुच्चति। यथा हि गूथं नाम महाजनस्स अनिट्ठं होति अकन्तं; एवमेव इमस्स पुगलस्स वचनं देवमनुस्सानं अनिट्ठं होति अकन्तं।

**९९. अयं वुच्चतीति** अयं एवरूपो पुगलो पुप्फसदिसवचनत्ता **पुप्फभाणीति** वुच्चति। यथा हि फुल्लानि वस्सिकानि वा अधिमुत्तकानि वा महाजनस्स इट्ठानि कन्तानि होन्ति; एवमेव इमस्स पुगलस्स वचनं देवमनुस्सानं इट्ठं होति कन्तं।

**१००. नेलाति** एलं वुच्चति दोसो। नास्सा एलन्ति नेला। निद्दोसाति अत्थो, “नेलङ्गो सेतपच्छादो”ति (उदा० ६५) एत्थ वुत्तनेलं विय। **कण्णसुखाति** ब्यज्जनमधुरताय कण्णानं सुखा। सूचिविज्जनं विय कण्णसूलं न जनेति। अत्थमधुरताय सकलसरीरे कोपं अजनेत्वा पेमं जनेतीति **पेमनीया**। हृदयं गच्छति अप्पटिहज्जमाना सुखेन चित्तं पविसतीति **हृदयङ्गमा**। गुणपरिपुण्णताय पुरे भवाति **पोरी**। पुरे संवट्ठनारी विय सुकुमारातिपि पोरी। पुरस्स एसातिपि पोरी। नगरवासीनं कथाति अत्थो। नगरवासिनो हि युत्तकथा होन्ति। पितिमत्तं पिताति, मातिमत्तं माताति, भातिमत्तं भाताति वदन्ति। एवरूपी कथा बहुनो जनस्स कन्ता होतीति **बहुजनकन्ता**। बहुजनस्स कन्तभावेनेव बहुनो



पुथुज्जना पन अदब्बताय न गहिताति वेदितब्बा। **कामेसु वीतरागो**ति पञ्चसु कामगुणेषु वीतरागो। **भवेसु अवीतरागो**ति रूपारूपभवेसु अवीतरागो।

**११३.** पासाणलेखूपमादीसु — **अनुसेती**ति अप्पहीनताय अनुसेति। **न खिप्पं लुज्जती**ति न अन्तरा नस्सति, कप्पुट्टानेनेव नस्सति। **एवमेवन्ति** एवं तस्सापि पुग्गलस्स कोथो न अन्तरा पुनदिवसे वा अपरदिवसे वा निब्बाति, अद्धनियो पन होति। मरणेनेव निब्बातीति अत्थो। **अयं वुच्चती**ति अयं एवरूपो पुग्गलो पासाणलेखा विय कुञ्जनभावेन चिरट्टितकतो **पासाणलेखूपमो**ति वुच्चति।

**११४.** **सो च खस्स कोथो**ति सो अप्पमत्तकेपि कारणे सहसा कुद्धस्स कोथो। **न चिरन्ति** अचिरं अप्पहीनताय नानुसेति। यथा पन पथवियं आकट्टित्वा कतलेखा वातादीहि खिप्पं नस्सति, एवमस्स सहसा उप्पन्नोपि कोथो खिप्पमेव निब्बातीति अत्थो। **अयं वुच्चती**ति अयं एवरूपो पुग्गलो पथवियं लेखा विय कुञ्जनभावेन अचिरट्टितकतो **पथवीलेखूपमो**ति वुच्चति।

**११५.** **आगाळ्हेना**ति अतिगाळ्हेन मम्मच्छेदकेन थद्धवचनेन। **फरुसेना**ति न सोतसुखेन। **अमनापेना**ति न चित्तसुखेन। **संसन्दती**ति एकीभवति। **सन्धियती**ति घटयति। **सम्मोदती**ति निरन्तरो होति। अथ वा — **संसन्दती**ति चित्तकिरियादीसु चित्तेन समोधानं गच्छति। खीरोदकं विय एकीभावं उपेतीति अत्थो। **सन्धियती**ति ठानगमनादीसु कायकिरियादीसु कायेन समोधानं गच्छति। तिलतण्डुला विय मिस्सीभावं उपेतीति अत्थो। **सम्मोदती**ति उद्देसपरिपुच्छादीसु वचीकिरियासु वाचाय समोधानं गच्छति। विप्पवासगतोपि पियसहायको विय पियतरभावं उपेतीति अत्थो। अपिच — किच्चकरणीयेसु तेहि सद्धि आदितोव एककिरियभावं उपगच्छन्तो संसन्दति। याव मज्झा पवत्तन्तो सन्धियति, याव परियोसाना अनिवत्तन्तो सम्मोदतीतिपि वेदितब्बो। **अयं वुच्चती**ति अयं एवरूपो पुग्गलो उदकलेखा विय खिप्पं संसन्दन्तो **उदकलेखूपमो**ति वुच्चति।

**११६.** पोत्थकूपमेसु — याय उपमाय ते **पोत्थकूपमा**ति वुच्चन्ति, तं ताव उपमं दस्सेतुं **तयो पोत्थका**तिआदि वुत्तं। तत्थ **नवो**ति नववायिमो। **पोत्थको**ति साणवाकसाटको। **दुब्बणो**ति विवण्णो। **दुक्खसम्फस्सो**ति खरसम्फस्सो। **अप्पग्घो**ति अतिबहुं अग्घन्तो कहापणग्घनको होति। **मज्झिमो**ति परिभोगमज्झिमो। सो हि नवभावं अतिक्कमत्वा जिण्णभावं अप्पत्तो मज्झे परिभोगकालेपि दुब्बण्णो च दुक्खसम्फस्सो च अप्पग्घोयेव च होति। अतिबहुं अग्घन्तो अट्ठं अग्घति। जिण्णकाले पन अट्ठमासकं वा काकणिकं वा अग्घति। **उक्खलिपरिमज्जनन्ति** काळुक्खलिपरिपुञ्छन्।

**नवो**ति उपसम्पदाय पञ्चवस्सकालतो हेट्ठा जातिया सट्ठिवस्सोपि नवोयेव। **दुब्बणताया**ति सरीरवण्णेनपि गुणवण्णेनपि दुब्बणताय। दुस्सीलस्स हि परिसमज्जे निस्सिन्स्स नित्तेजताय सरीरवण्णेपि न सम्पज्जति, गुणवण्णे वत्तब्बमेव नत्थि। **ये खो पनस्सा**ति ये खो पन तस्स उपट्ठाका वा जातिमितादयो वा एतं पुग्गलं सेवन्ति। **तेसं तन्ति** तेसं पुग्गलानं छ सत्थारे सेवन्तानं मिच्छादिट्टिकानं विय, देवदत्तं सेवन्तानं कोकालिकादीनं विय च तं सेवनं दीघरत्तं अहिताय दुक्खाय होति। **मज्झिमो**ति पञ्चवस्सकालतो पट्ठाया याव नववस्सकाला मज्झिमो नाम। **थेरो**ति दसवस्सकालतो पट्ठाया थेरो नाम। **एवमाहं**सूति एवं वदन्ति। **किं नु खो तुहन्ति** तुहं बालस्स भणितेन को अत्थोति वुत्तं होति। **तथारूपन्ति** तथाजातिकं तथासभावं उक्खेपनीयकम्मस्स कारणभूतं।

**११७.** कासिकवत्थूपमेसु — **कासिकवत्थं** नाम तयो कप्पासंसू गहेत्वा कन्तितसुत्तेन वायितं सुखुमवत्थं। तं नववायिमं अनग्घं होति। परिभोगमज्झिमं वीसम्पि तिसम्पि सहस्सानि अग्घति। जिण्णकाले पन अट्ठपि दसपि सहस्सानि अग्घति।

**तेसं तं होती**ति तेसं सम्मासम्बुद्धादयो सेवन्तानं विय तं सेवनं दीघरत्तं हिताय सुखाय होति। सम्मासम्बुद्धिह एकं निस्साय यावज्जकाला मुच्चनकसत्तानं पमाणं नत्थि। तथा सारिपुत्तथेरमहामोग्गल्लानत्थेरे अवसेसे च असीतिमहासावके निस्साय सगं गतसत्तानं पमाणं नत्थि। यावज्जकाला तेसं विट्ठानुगतिं पटिपन्नसत्तानम्पि पमाणं नत्थियेव। **आधेय्यं गच्छती**ति तस्स महाथेरस्स तं अत्थनिस्सितं वचनं यथा गन्धकरण्डके कासिकवत्थं आधातब्बतं ठपेतब्बतं गच्छति, एवं उत्तमङ्गे सिरस्सिं हृदये च आधातब्बतं ठपेतब्बतम्पि गच्छति। सेसमेत्थ हेट्ठा वुत्तानुसारेनेव वेदितब्बं।

**११८.** सुप्पमेय्यादीसु — सुखेन पमेतब्बोति **सुप्पमेय्यो**। **इधा**ति इमस्मिं सत्तलोके। **उद्धतो**ति उद्धच्चेन समन्नागतो। **उन्नळो**ति उगगतनळो; तुच्छमानं उक्खिपित्वा टितोति अत्थो। **चपलो**ति पत्तमण्डनादिना चापल्लेन समन्नागतो। **मुखरो**ति मुखखरो। **विकिण्णवाचो**ति असंयतवचनो। **असमाहितो**ति चित्तेकगतारहितो। **विबन्धन्तचित्तो**ति भन्तचित्तो, भन्तगावीभन्तमिगीसप्पटिभागो। **पाकटिन्द्रियो**ति विवटिन्द्रियो। **अयं वुच्चती**ति अयं एवरूपो पुग्गलो ‘सुप्पमेय्यो’ति वुच्चति। यथा हि परित्तस्स उदकस्स सुखेन पमाणं गहति; एवमेव इमेहि अगुणङ्गेहि समन्नागतस्स सुखेन पमाणं गहति। तेनेस ‘सुप्पमेय्यो’ति वुत्तो।

**११९.** दुक्खेन पमेतब्बोति **दुप्पमेय्यो**। **अनुद्धता**दीनि वुत्तपटिपक्खवसेन वेदितब्बानि। **अयं वुच्चती**ति अयं एवरूपो पुग्गलो ‘दुप्पमेय्यो’ति वुच्चति। यथा हि महासमुद्रस्स दुक्खेन पमाणं गहति; एवमेव इमेहि गुणङ्गेहि समन्नागतस्स दुक्खेन पमाणं गहति। तादिसो ‘अनागामी नु खो, खीणासवो नु खो’ति वत्तब्बतं गच्छति, तेनेस ‘दुप्पमेय्यो’ति वुत्तो।

**१२०.** न सक्का पमेतुन्ति **अप्पमेय्यो**। यथा हि आकासस्स न सक्का पमाणं गहेतुं, एवं खीणासवस्स। तेनेस ‘अप्पमेय्यो’ति वुत्तो।

**१२१.** न सेवितब्बादीसु — **न सेवितब्बो**ति न उपसङ्कमितब्बो। **न भजितब्बो**ति न अल्लीयितब्बो। **न पयिरुपासितब्बो**ति न सन्तिके निसीदनवसेन पुनप्पुनं उपासितब्बो। **हीनो होति सीलेना**तिआदीसु उपादायुपादाय हीनता वेदितब्बा। यो हि पञ्च सीलानि रक्खति, सो दस सीलानि रक्खन्तेन न सेवितब्बो। यो पन दस सीलानि रक्खति, सो चतुपासिस्सुद्धिसीलं रक्खन्तेन न सेवितब्बो। **अज्जत्र अनुदया अज्जत्र अनुकम्पा**ति उपेत्वा अनुदयज्ज अनुकम्पज्ज। अत्तनो अत्थाय एव हि एवरूपो पुग्गलो न सेवितब्बो। अनुदयानुकम्पावसेन पन तं उपसङ्कमितुं वट्ठति।

**१२२.** **सदिसो होती**ति समानो होति। **सीलसामज्जगतानं सतन्ति** सीलेन समानभावं गतानं सन्तानं। **सीलकथा च नो भविस्सती**ति एवं समानसीलानं अम्हाकं सीलमेव आरब्ध कथा भविस्सति। **सा च नो फासु भविस्सती**ति सा च सीलकथा अम्हाकं फासुविहारो सुखविहारो भविस्सति। **सा च नो पवत्तिनी भविस्सती**ति सा च

अम्हाकं कथा दिवसमि कथेन्तानं पवत्तिनी भविस्सति, न पटिहज्जिस्सति । द्वीसु हि सीलवन्तेसु एकेन सीलस्स वण्णे कथिते इतरो अनुमोदति; तेन तेसं कथा फासु चेव होति, पवत्तिनी च । एकस्मिं पन दुस्सीले सति दुस्सीलस्स सीलकथा दुक्कथाति नेव सीलकथा होति, न फासु होति, न पवत्तिनी । **समाधिपज्जाकथासु** एसेव नयो । द्वे हि समाधिलाभिणो समाधिकथं, सप्पज्जा च पज्जाकथं कथेन्ता, रत्तिं वा दिवसं वा अतिक्कन्तमि न जानन्ति ।

**१२३. सक्कत्वा गरुं कत्वा**ति सक्कारज्चेव गरुकारज्ज करित्वा । **अधिको** होतीति अतिरेको होति । **सीलक्खन्धन्ति** सीलरासिं । **परिपूरेस्सामीति** तं अतिरेकसीलं पुगलं निस्साय अत्तनो अपरिपूरं सीलरासिं परिपूरं करिस्सामि । **तत्थ तत्थ पज्जाय अनुगहेस्सामीति** एत्थ सीलस्स असप्पाये अनुपकारधम्मे वज्जेत्वा सप्पाये उपकारधम्मे सेवन्तो तस्मिं तस्मिं ठाने सीलक्खन्धं पज्जाय अनुगण्हाति नाम । **समाधिपज्जाक्खन्धेसु** एसेव नयो ।

**१२४. जिगुच्छितब्बादीसु — जिगुच्छितब्बो**ति गूथं विय जिगुच्छितब्बो । **अथ खो** नन्ति अथ खो अस्स । **कित्तिसद्दो**ति कथासद्दो । **एवमेवन्ति** एत्थ गूथकूपो विय दुस्सीलं दट्ठब्बं । गूथकूपे पतित्वा ठितो धमनीअहि विय दुस्सीलपुगलो । गूथकूपतो उद्धरियमानेन तेन अहिना पुरिस्स सरीरं आरुब्धेनापि अदट्ठभावो विय दुस्सीलं सेवमानस्सापि तस्स किरियाय कारणभावो सरीरं गूथेन मक्खेत्वा अहिनो गतकालो विय दुस्सीलं सेवमानस्स पापकित्तिसद्दस्स अब्भुगमनकालो वेदितब्बो ।

**१२५. तिन्दुकालातन्ति** तिन्दुकरुक्खअलातं । **भिव्योसो मत्ताय चिच्चिटायतीति** तज्झि ज्ञायमानं पकतियापि पपटिकायो मुञ्चन्तं चिच्चिटायति चिटिचिटाति सद्दं करोति । घट्टितं पन अधिमत्तं करोतीति अत्थो । **एवमेवन्ति** एवमेवं कोधनो अत्तनो धम्मतायपि उद्धतो चण्डिकतो हुत्वा चरति । अप्पमत्तकं पन वचनं वुत्तकाले ‘मादिसं नाम एवं वदती’ति अतिरेकतरं उद्धतो चण्डिकतो हुत्वा चरति । **गूथकूपो**ति गूथपुण्णकूपो, गूथरासियेव वा । ओपम्मसंसन्दनं पनेत्थ पुरिमनयेनेव वेदितब्बं । **तस्मा एवरूपो पुगलो अज्झुपेक्खितब्बो, न सेवितब्बो**ति यस्मा कोधनो अतिसेवियमानोपि अतिउपसङ्कमियमानोपि कुञ्जितियेव, ‘किं इमिना’ति पटिक्कमन्तोपि कुञ्जितियेव, तस्मा पलालगि विय अज्झुपेक्खितब्बो, न सेवितब्बो । किं वुत्तं होति? यो हि पलालगिं अतिउपसङ्कमित्वा तप्पति, तस्स सरीरं ज्ञायति । यो अतिपटिक्कमित्वा तप्पति, तस्स सीतं न वूपसम्मति । अनुपसङ्कमित्वा अपटिक्कमित्वा पन मज्झतभावेन तप्पेन्तस्स सीतं वूपसम्मति, कायोपि न डहति । तस्मा पलालगि विय कोधनो पुगलो मज्झतभावेन अज्झुपेक्खितब्बो, न सेवितब्बो, न भजितब्बो, न पयिरुपासितब्बो ।

**१२६. कल्याणमित्तो**ति सुचिमित्तो । **कल्याणसहायो**ति सुचिसहायो । **सहायो**ति सहगामी सद्धिचरो । **कल्याणसम्पवद्धो**ति कल्याणेसु सुचिपुगलेसु सम्पवद्धो, तन्निन्तत्तप्पोणतप्पम्भारमानसोति अत्थो ।

**१२७. सीलेसु परिपूरकारीति**आदीसु — **सीलेसु परिपूरकारिणो**ति एते अरियसावका यानि तानि मग्गब्रह्मचरियस्स आदिभूतानि, आदिब्रह्मचरियकानि, पाराजिकसङ्घातानि चत्तारि महासीलसिक्खापदानि, तेसं अवौत्तिकमनतो यानि खुद्धानुखुदकानि आपज्जन्ति, तेहि च वुद्धानतो सीलेसु यं कत्तब्बं, तं परिपूरं समत्तं करोन्तीति ‘सीलेसु परिपूरकारिणो’ति वुच्चन्ति । समाधिपरिबन्धकानं पन कामरागव्यापादानं, पज्जापारिबन्धकस्स च सच्चपटिच्छादकस्स मोहस्स असमूहता, समाधिं पज्जञ्च भावेन्तापि समाधिपज्जासु यं कत्तब्बं तं मत्तसो पमाणेन पदेसमत्तमेव करोन्तीति **समाधिसिं पज्जाय च मत्तसो कारिणो**ति वुच्चन्ति । इमिना उपायेन इतरेसुपि द्वीसु नयेसु अत्थो वेदितब्बो ।

तत्रायं अपरोपि सुत्तन्तनयो —

“इध, भिक्खवे, भिक्खु सीलेसु परिपूरकारी होति, समाधिसिं मत्तसो कारी, पज्जाय मत्तसो कारी । सो यानि तानि खुद्धानुखुदकानि सिक्खापदानि तानि आपज्जतिपि, वुद्धानिपि । तं किस्स हेतु? न हि मेत्थ, भिक्खवे, अभवता वुत्ता । यानि च खो तानि सिक्खापदानि आदिब्रह्मचरियकानि ब्रह्मचरियसारुप्पानि, तत्थ धुवसीलो च होति, ठितसीलो च, समादाय सिक्खति सिक्खापदेसु । सो तिण्णं संयोजनानं परिकखया सोतापन्नो होति, अविनिपातधम्मो नियतो सम्बोधिपरायणो । इध पन, भिक्खवे, भिक्खु सीलेसु...पे०... सो तिण्णं संयोजनानं परिकखया, रागदोसमोहानं तनुत्ता, सकदागामी होति; सकिदेव इमं लोकं आगन्त्वा दुक्खस्सन्तं करोति । इध पन, भिक्खवे, भिक्खु सीलेसु परिपूरकारी होति, समाधिसिं परिपूरकारी, पज्जाय मत्तसो कारी । सो यानि तानि...पे०... सिक्खति सिक्खापदेसु । सो पज्जन्तं ओरम्भागियानं...पे०... अनावत्तिधम्मो तस्मा लोका । इध पन, भिक्खवे, भिक्खु सीलेसु परिपूरकारी, समाधिसिं परिपूरकारी, पज्जाय परिपूरकारी । सो यानि तानि खुद्धानुखुदकानि...पे०... सिक्खति सिक्खापदेसु । सो आसवानं खया...पे०... उपसम्पज्ज विहरती”ति (अ० नि० ३.८७) ।

**१३०. सत्थारनिद्देसे — परिज्जं पज्जपेतीति** पहानं समत्तिकमं पज्जपेति । **तत्राति** तेसु तीसु जनेसु । **तेन दट्ठब्बो**ति तेन पज्जापनेन सो सत्था **रूपावचरसमापत्तिया लाभीति** दट्ठब्बोति अत्थो । दुतियवारेपि एसेव नयो । **सम्मासम्बुद्धो सत्था तेन दट्ठब्बो**ति तेन तित्थियेहि असाधारणेन पज्जापनेन अयं ततियो सत्था सब्बज्जुबुद्धो दट्ठब्बो । तित्थिया हि कामानं परिज्जं पज्जपेन्ता रूपभवं वक्खन्ति । रूपानं परिज्जं पज्जपेन्ता अरूपभवं वक्खन्ति । वेदनानं परिज्जं पज्जपेन्ता असज्जभवं वक्खन्ति । सम्मा पज्जपेन्ता ‘एवं पज्जपेय्युं’, नो च सम्मा पज्जपेतुं सक्कोन्ति । सम्मासम्बुद्धो पन कामानं परिज्जं पहानं अनागामिमग्गेन पज्जपेति । रूपवेदनानं परिज्जं पहानं अरहत्तमग्गेन पज्जपेति । **इमे तयो सत्थारो**ति इमे द्वे जना बाहिरका, एको सम्मासम्बुद्धोति — इमस्मिं लोके तयो सत्थारो नाम ।

**१३१. दुतिये सत्थारनिद्देसे — दिट्ठे चेव धम्मे**ति इमस्मिं अत्तभावे । **अत्तानं सच्चतो थेततो पज्जपेतीति** “अत्ता नामेको अत्थि निच्चो धुवो सस्सतो”ति भूततो थिरतो पज्जपेति । **अभिसम्परायज्जाति** अपरस्मिं अत्तभावे एवमेव पज्जपेति । सेसमेत्थ वुत्तनयेनेव वेदितब्बन्ति ।

तिकनिद्देसवण्णना ।

#### ४. चतुक्कनिद्देसवण्णना

**१३२. चतुक्कनिद्देसे — असप्पुरिसो**ति लामकपुरिसो । पाणं अतिपातेतीति **पाणातिपाती** । अदिन्नं आदियतीति **अदिन्नादायी** । कामेसु मिच्छा चरतीति **कामेसुमिच्छाचारी** । मुसा वदतीति **मुसावादी** । सुरामेरयमज्जपमादे तिट्ठतीति **सुरामेरयमज्जपमादट्ठायी** ।

**१३३. पाणातिपाते समादपेतीति** यथा पाणं अतिपातेति, तथा नं तत्थ गहणं गण्हापेति। सेसेसुपि एसेव नयो। **अयं वुच्चतीति** अयं एवरूपो पुगलो यस्मा सयं कतेन च दुस्सील्येन समन्नागतो यच्च समादपितेन कतं, ततो उपडुस्स दायादो, तस्मा **असप्पुरिसेन असप्पुरिसतरोति** वुच्चति। **सप्पुरिसोति** उत्तमपुरिसो।

**१३५. सप्पुरिसेन सप्पुरिसतरोति** अत्तना कतेन सुसील्येन समन्नागतत्ता यच्च समादपितो करोति। ततो उपडुस्स दायादत्ता उत्तमपुरिसेन उत्तमपुरिसतरो।

**१३६. पापोति** अकुसलकम्मपथसङ्घातेन दसविधेन पापेन समन्नागतो।

**१३८. कल्याणोति** कुसलकम्मपथसङ्घातेन दसविधेन कल्याणधम्मेन समन्नागतो सुद्धको भद्रको। सेसमेत्थ हेट्ठा वुत्तनयत्ता उत्तानत्थमेव।

**१४०. पापधम्मादीसु — पापो धम्मो अस्साति पापधम्मो।** कल्याणो धम्मो अस्साति **कल्याणधम्मो**। सेसमेत्थ उत्तानत्थमेव।

**१४४. सावज्जादीसु — सावज्जोति** सदोसो। **सावज्जेन कायकम्मेनाति** सदोसेन पाणातिपातादिना कायकम्मेन। इतरेसुपि एसेव नयो। **अयं वुच्चतीति** अयं एवरूपो पुगलो तीहि द्वारेहि आयूहनकम्मस्स सदोसत्ता, गूथकुणपादिभरितो पदेसो विय सावज्जोति वुच्चति।

**१४५. सावज्जेन बहुलन्ति** यस्स सावज्जमेव कायकम्मं बहु होति, अप्पं अनवज्जं; सो सावज्जेन बहुलं कायकम्मेन समन्नागतो, अप्पं अनवज्जेनाति वुच्चति। इतरेसुपि एसेव नयो। को पन एवरूपो होतीति? यो गामधम्मताय वा निगमधम्मताय वा कदाचि करहचि उपोसथं समादियति, सीलानि पूरेति। **अयं वुच्चतीति** अयं एवरूपो पुगलो तीहि द्वारेहि आयूहनकम्मसु सावज्जस्सेव बहुलताय अनवज्जस्स अप्पताय **वज्जबहुलोति** वुच्चति।

यथा हि एकस्मिं पदेसे दुब्बण्णानि दुग्गन्धानि पुप्फानि रासिकतानस्सु, तेसं उपरि तहं तहं अतिमुत्तकवस्सिकपाटलानि पतितानि भवेय्युं। एवरूपो अयं पुगलो वेदितब्बो। यथा पन एकस्मिं पदेसे अतिमुत्तकवस्सिकपाटलानि रासिकतानस्सु, तेसं उपरि तहं तहं दुब्बण्णदुग्गन्धानि बदरपुप्फादीनि पतितानि भवेय्युं। एवरूपो ततियो पुगलो वेदितब्बो। चतुत्थो पन तीहिपि द्वारेहि आयूहनकम्मस्स निदोसत्ता, चतुमधुरभरितसुवण्णपाति विय दडुब्बो। तेसु पठमो अन्थबालपुथुज्जनो। दुतियो अन्तरन्तरा कुसलस्स कारको लोकियपुथुज्जनो। ततियो सोतापन्नो सकदागामिअनागामिनोपि एतेनेव सङ्गहिता। चतुत्थो खीणासवो। सो हि एकन्तेन अनवज्जोयेव। अयं अङ्कुत्तरडुक्कथायो।

**१४८. उग्घटितञ्जूआदीसु — उग्घटितञ्जूति** एत्थ **उग्घटितं** नाम जाणुग्घाटनं, जाणे उग्घटितमत्तेयेव जानातीति अत्थो। **सह उदाहटवेलायाति** उदाहारे उदाहटमत्तेयेव। **धम्माभिसमयोति** चतुसच्चधम्मस्स जाणेन सद्धि अभिसमयो। **अयं वुच्चतीति** अयं 'चत्तारो सतिपट्टाना'तिआदिना नयेन संखित्तेन मातिकाय ठपियमानाय देसनानुसारेण जाणं पेसेत्वा अरहत्तं गण्हितुं समत्थो पुगलो उग्घटितञ्जूति वुच्चति।

**१४९. विपञ्चितं वित्थारितमेव अत्थं जानातीति विपञ्चितञ्जू।** **अयं वुच्चतीति** अयं सङ्खित्तेन मातिकं ठपेत्वा वित्थारेण अत्थे भाजियमाने अरहत्तं पापुणिणुं समत्थो पुगलो विपञ्चितञ्जूति वुच्चति।

**१५०. उदेसादीहि नेतब्बोति नेत्थो। अनुपुब्बेन धम्माभिसमयो** होतीति अनुक्कमेन अरहत्तप्पत्ति।

**१५१. व्यञ्जनपदमेव परमं अस्साति पदपरमो। न ताव जातिया धम्माभिसमयो** होतीति न तेन अत्तभावेन ज्ञानं वा विपरस्सनं वा मग्गं वा फलं वा निब्बत्तेतुं सककोतीति अत्थो।

**१५२. युत्तपटिभानादीसु — पटिभानं वुच्चति** जाणम्पि, जाणस्स उपड्डितवचनम्पि। तं इत्थ अधिप्पेतं। अत्थयुत्तं कारणयुत्तञ्च पटिभानमस्साति **युत्तप्पटिभानो**। पुच्छितानन्तरमेव सीधं व्याकातुं असमत्थताय नो मुत्तं पटिभानमस्साति **नो मुत्तप्पटिभानो**। इमिना नयेन सेसा वेदितब्बा। एत्थ पन पठमो — किञ्चि कालं वीमंसित्वा युत्तमेव पेक्खति, **तिपिटकचूळनागत्थेरो** विय। सो किर पज्जं पुट्ठो परिग्गहेत्वा युत्तपयुत्तकारणमेव कथेति।

दुतियो — पुच्छानन्तरमेव येन वा तेन वा वचनेन पटिबाहति, वीमंसित्वापि च युत्तं न पेक्खति **चतुनिकायिकपण्डिततिससत्थेरो** विय। सो किर पज्जं पुट्ठो पण्हपरियोसानम्पि नागमेति, यं वा तं वा कथेतियेव। वचनत्थं पनस्स वीमंसियमानं कत्थचि न लग्गति।

ततियो — पुच्छासमकालमेव युत्तं पेक्खति, तद्धणञ्जेव वचनं व्याकरोति **तिपिटकचूळभयत्थेरो** विय। सो किर पज्जं पुट्ठो सीधमेव कथेति, युत्तपयुत्तकारणो च होति।

चतुत्थो — पुट्ठो समानो नेव युत्तं पेक्खति, न येन वा तेन वा पटिबाहितुं सककोति तिब्बन्धकारनिमुग्गो विय होति **लाळुदायित्थेरो** विय।

**१५६. धम्मकथिकेसु — अप्पञ्च भासतीति** सम्पत्तपरिसाय थोकमेव कथेति। **असहितञ्चाति** कथेन्तो च पन न अत्थयुत्तं कारणयुत्तं कथेति। **परिसा चस्स न कुसला** होतीति सोतुं निसिन्नपरिसा चस्स युत्तायुत्तं कारणाकारणं सिलिड्डासिलिड्डं न जानातीति अत्थो। **एवरूपोति** अयं एवंजातिको बालधम्मकथिको। एवंजातिकाय बालपरिसाय धम्मकथिकोत्वेव नामं लभति। इमिना नयेन सब्बत्थ अत्थो वेदितब्बो। एत्थ च द्वेयेव जना सभावधम्मकथिका, इतरे पन धम्मकथिकानं अन्तरे पविट्ठत्ता एवं वुत्ता।

**१५७. वलाहकूपमेसु वलाहकाति** मेघा। **गज्जिताति** थनिता। तत्थ गज्जित्वा नो वस्सनभावो नाम पापको। मनुस्सा हि यथा देवो गज्जति 'सुवुट्ठिका भविस्सती'ति बीजानि नीहरित्वा वपन्ति। अथ देवे अवस्सन्ते खेत्ते बीजानि खेत्तेयेव नस्सन्ति, गेहे बीजानि गेहेयेव नस्सन्तीति दुब्भिकखं होति। नो गज्जित्वा वस्सनभावोपि पापकोव। मनुस्सा हि 'इमस्मिं काले दुब्बुट्ठिका भविस्सती'ति निन्नाड्डानेसुयेव वप्पं करोन्ति। अथ देवो वस्सित्वा सब्बबीजानि महासमुदं पापेति, दुब्भिकखमेव होति। गज्जित्वा वस्सनभावो पन भद्रको। तदा हि सुभिकखं होति। नो गज्जित्वा नो वस्सनभावो एकन्तपापकोव।

**भासिता होति नो कत्ताति** ‘इदानीं गन्धधुरं पूरेस्सामि, वासधुरं पूरेस्सामी’ति कथेति येव, न पन उद्देसं गण्हाति, न कम्मट्ठानं भावेति ।

**कत्ता होति नो भासिताति** ‘गन्धधुरं वा पूरेस्सामि वासधुरं वा’ति न भासति । सम्पत्ते पन काले तमत्थं सम्पादेति । इमिना नयेन इतरेपि वेदितब्बा । सब्बं पनेतं पच्चयदायकेनेव कथितं । एको हि ‘असुकदिवसे नाम दानं दस्सामी’ति सङ्गं निमन्तेति, सम्पत्तकाले नो करोति । अयं पुग्गलो पुज्जेन परिहायति, भिक्खुसङ्घोपि लाभेन परिहायति । अपरो सङ्गं अनिमन्तेत्वाव सक्कारं कत्वा ‘भिक्खू आनेस्सामी’ति न लभति, सब्बे अज्जत्थ निमन्तिता होन्ति । अयम्पि पुज्जेन परिहायति, सङ्घोपि तेन लाभेन परिहायति । अपरो पठमं सङ्गं निमन्तेत्वा, पच्छा सक्कारं कत्वा दानं देति, अयं किच्चकारी होति । अपरो नेव सङ्गं निमन्तेति, न दानं देति, अयं ‘पापपुग्गलो’ति वेदितब्बो ।

**१५८. मूसिकूपमेसु — गाधं कत्ता नो वसिताति** अत्तनो आसयं बिलं कूपं खणति, नो तत्थ वसति, किस्मिञ्चिदेव ठाने वसति, एवं बिळारादिअमित्तवसं गच्छति । खत्तातिपि पाठो । **वसिता नो गाधं कत्ताति** सयं न खणति, परेन खते बिले वसति, एवं जीवितं रक्खति । ततिया द्वेपि करोन्ती, जीवितं रक्खति । चतुत्था द्वेपि अकरोन्ती अमित्तवसं गच्छति । इमाय पन उपमाय उपमितेसु पुग्गलेसु पठमो यथा सा मूसिका गाधं खणति, एवं नवङ्गं सत्थुसासनं उग्गण्हाति । यथा पन सा तत्थ न वसति, किस्मिञ्चिदेव ठाने वसन्ती, अमित्तवसं गच्छति; तथा अयम्पि परियत्तिवसेन जाणं पेसेत्वा चतुसच्चधम्मं न पटिविज्झति, लोकमिसट्ठानेसुयेव चरन्तो मच्चुमारकिलेसमारदेवपुत्तमारसङ्घातानं अमित्तानं वसं गच्छति । दुतियो यथा सा मूसिका गाधं न खणति, एवं नवङ्गं सत्थुसासनं न उग्गण्हाति । यथा पन परेन खतबिले वसन्ती जीवितं रक्खति; एवं परस्स कथं सुत्वा चतुसच्चधम्मं पटिविज्झित्वा तिण्णं मारानं वसं अतिक्कमति । इमिना नयेन ततियचतुत्थेसुपि ओपम्मसंसन्दनं वेदितब्बं ।

**१५९. अम्बूपमेसु — आमं पक्कवण्णीति** अन्तो आमं बहि पक्कसदिसं । **पक्कं आमवण्णीति** अन्तो पक्कं बहि आमसदिसं । सेसद्वयेसुपि एसेव नयो । तत्थ यथा अम्बे अपक्कभावो आमता होति, एवं पुग्गलेपि पुत्थुज्जनभावो आमता, अरियभावो पक्कता । यथा च तत्थ पक्कसदिसता पक्कवण्णिता; एवं पुग्गलेपि अरियानं अभिक्कमनादिसदिसता पक्कवण्णिताति — इमिना नयेन उपमितपुग्गलेसु ओपम्मसंसन्दनं वेदितब्बं ।

**१६०. कुम्भूपमेसु — कुम्भोति** घटो । **तुच्छोति** अन्तो रिक्तो । **पिहितोति** पिदहित्वा ठपितो । **पुरोति** अन्तो पुण्णो । **विवटोति** विवरित्वा ठपितो । उपमितपुग्गलेसु पनेत्थ अन्तो गुणसारविरहितो तुच्छो बाहिरसोभनताय पिहितो पुग्गलो वेदितब्बो । सेसेसुपि एसेव नयो ।

**१६१. उदकरहदूपमेसु — उदकरहदो** ताव जण्णुमत्तेपि उदके सति पण्णरससम्भिन्नवण्णत्ता वा बहलत्ता वा उदकस्स अपज्जायमानतलो **उत्तानो गम्भीरोभासो** नाम होति । तिपोरिस चतुपोरिसेपि पन उदके सति अच्छत्ता उदकस्स पज्जायमानतलो **गम्भीरो उत्तानोभासो** नाम होति । उभयकारणसम्भावतो पन इतरे द्वे वेदितब्बा । पुग्गलोपि किलेसुस्सदभावतो गुणगम्भीरताय च अभावतो गुणगम्भीरानं सदिसेहि अभिक्कमादीहि युत्तो **उत्तानो गम्भीरोभासो** नाम । इमिना नयेन सेसापि वेदितब्बा ।

**१६२. बलीबदूपमेसु — बलीबदो** ताव यो अत्तनो गोगणं घट्टेति उब्बेजेति, परगोगणे पन सोरतो सुखसीलो होति — अयं **सकगवचण्डो नो परगवचण्डो** नाम । पुग्गलोपि अत्तनो परिसं घट्टेन्तो विज्झन्तो फरुसेन समुदाचरन्तो, परपरिसाय पन सोरच्चं निवातवुत्तिंतं आपज्जन्तो **सकगवचण्डो होति नो परगवचण्डो** नामाति । इमिना नयेन सेसापि वेदितब्बा । निद्देसवारे पनेत्थ **उब्बेजिता होतीति** घट्टेत्वा विज्झित्वा उब्बेगप्पत्तं करोतिच्चेव अत्थो ।

**१६३. आसीविसूपमेसु — आसीविसो** ताव यस्स विसं आसुं आगच्छति सीधं फरति; घोरं पन न होति, चिरकालं न पीळेति — अयं **आगतविसो नो घोरविसो** । सेसपदेसुपि एसेव नयो । पुग्गलविभाजनं पन उत्तानत्थमेव ।

**१६४. अननुविच्च अपरियोगाहेत्वा अवण्णारहस्स वण्णं भासिता होतीति** आदीसु **अननुविच्चाति** अतुल्यित्वा, अपरिगणित्वा । **अपरियोगाहेत्वाति** पज्जाय गुणे अनोगाहेत्वा ।

**१६६. भूतं तच्छन्ति** विज्जमानतो भूतं, अविपरीततो **तच्छं** । **कालेनाति** युत्तपयुत्तकालेन । **तत्र कालञ्जू होतीति** यमिदं कालेनाति वुत्तं । तत्र यो पुग्गलो कालञ्जू होति, कालं जानाति, तस्स पज्जस्स वेय्याकरणत्थाय “इमस्मिं काले पुच्छितेनापि मया न कथेतब्बा, इमस्मिं काले कथेतब्बा”ति — अयं कालेन भणति नाम । **उपेक्खको विहरतीति** मज्झन्तभूताय उपेक्खाय ठितो हुत्वा विहरति । सेसं सब्बत्थ उत्तानत्थमेव ।

**१६७. उट्टानफलपूजीवीति** आदीसु — यो उट्टानवीरियेनेव दिवसं वीतिनामेत्वा तस्स निस्सन्दफलमत्तं किञ्चिदेव लभित्वा जीविकं कप्पेति, तं पन उट्टानं आगम्म किञ्चि पुज्जफलं न पटिलभति, तं सन्धाय **यस्स पुग्गलस्स उट्टहतोति** आदि वुत्तं । **ततूपरि देवाति** ततो उपरि ब्रह्मकायिकादयो देवा । तेसज्जि उट्टानवीरियेन किच्चं नाम नत्थि । पुज्जफलमेव उपजीवन्ति । **पुज्जवतो चाति** इदं पुज्जवन्ते खत्तियब्राह्मणादयो चेव भुम्मदेवे आदिं कत्वा निम्मानरतिपरियोसाने देवे च सन्धाय वुत्तं । सब्बेपि हेते वायामफलच्चेव पुज्जफलञ्च अनुभवन्ति । नेरयिका पन नेव उट्टानेन आजीवं उप्पादेतुं सक्कोन्ति, नापि नेसं पुज्जफलं कोचि आजीवो उपज्जति ।

**१६८. तमादीसु — “नीचे कुले पच्चाजातो”**ति आदिकेन तमेन युत्तोति **तमो** । कायदुच्चरितादीहि पुन निरयतमूपगमनतो **तमपरायणो** । **नेसादकुलेति** मिगलुहकादीनं कुले । **वेनकुलेति** विलीवकारकुले । **रथकारकुलेति** चम्मकारकुले । **पुक्कुसकुलेति** पुप्फछड्ढककुले । **कसिरवुत्तिकेति** दुक्खवुत्तिके । **दुब्बण्णोति** पंसुपिसाचको विय झामखाणुवण्णो । **दुद्दसिकोति** विजातमातुयापि अमनापदस्सनो । **ओकोटिमकोति** लकुण्डको । **काणोति** एकक्खिकाणो वा उभयक्खिकाणो वा । **कुणीति** एकहत्थकुणी वा उभयहत्थकुणी वा । **खज्जोति** एकपादखज्जो वा उभयपादखज्जो वा । **पक्खहतोति** हतपक्खो पीठसप्पी । **पदीपेय्यस्साति** तेलकपल्लकादिनो पदीपूपकरणस्स । **एवं पुग्गलो तमो होति तमपरायणोति** एत्थ एको पुग्गलो बहिद्धा आलोकं अदिस्वा मातुकुच्छिस्मिज्जेव कालं कत्वा अपायेसु निब्बत्तन्तो सकलेपि कप्पे संसरति । सोपि तमो तमपरायणोव । सो पन कुहकपुग्गलो भवेय्य । कुहकस्स हि एवरूपा निब्बत्ति होतीति वुत्तं ।

एत्थ च **नीचे कुले पच्चाजातो होति चण्डालकुले वाति** आदीहि आगमनविपत्ति चेव पुब्बुप्पन्नपच्चयविपत्ति च दस्सिता । **दलिहेति** आदीहि पवत्तिपच्चयविपत्ति । **कसिरवुत्तिकेति** आदीहि आजीवुपायविपत्ति । **दुब्बण्णोति** आदीहि रूपविपत्ति । **बह्वाबाधोति** आदीहि दुक्खकारणसमायोगो । **न लाभीति** आदीहि सुखकारणविपत्ति चेव उपभोगविपत्ति च । **कायेन दुच्चरितन्ति** आदीहि तमपरायणभावस्स कारणसमायोगो । **कायस्स भेदाति** आदीहि सम्परायिकतमूपगमो । सुक्कपक्खो वुत्तपटिपक्कनयेन



वेदितव्यो।

अपिचेत्येति विधाय कुलसम्पत्तिया पच्चाजातिआदिकेन जोतिना युक्ततो **जोति**, आलोकभूतोति वुत्तं होति। कायसुचरितादीहि पन सग्गुपपत्तिजोतिभावूपगमनतो **जोतिपरायणो**। **खत्तियमहासालकुले** वातिआदीसु **खत्तियमहासालाति** खत्तिया महासारा महासारप्पत्ता खत्तिया। येसज्जि खत्तियानं हेट्ठिमन्तेन कोटिसतं निधानगतं होति, तयो कहापणकुम्भो वळञ्जनत्थाय गेहमज्जे रासिं कत्वा ठपिता होन्ति, ते खत्तियमहासाला नाम। येसं ब्राह्मणानं असीतिकोटिधनं निहितं होति, दियद्दो कहापणकुम्भो वळञ्जनत्थाय गेहमज्जे रासिं कत्वा ठपितो होति, ते **ब्राह्मणमहासाला** नाम। येसं गहपतीनं चत्तालीसकोटिधनं निहितं होति, कहापणकुम्भो वळञ्जत्थाय गेहमज्जे रासिं कत्वा ठपितो होति, ते **गहपतिमहासाला** नाम। तेसं कुलेति अत्थो। **अड्डेति** इस्सरे। निधानगतधनस्स महन्तताय **महद्धने**। सुवण्णरजतभाजनादीनं उपभोगभण्डानं महन्तताय **महाभोगे**। निधानगतस्स जातरूपरजतस्स पट्टताय **पट्टजातरूपरजते**। वित्तूपकरणस्स तुट्टिकरणस्स पट्टताय **पट्टवित्तूपकरणे**। गोधनादीनञ्च सत्तविधधञ्जानञ्च पट्टताय **पट्टधनधञ्जे**। **अभिरूपोति** सुन्दररूपो। **दस्सनीयोति** अञ्जं कम्मं पहाय दिवसम्पि पस्सितव्वयुत्तो। **पासादिकोति** दस्सनेनेव चित्तपसादावहो। **परमायाति** उत्तमाय। **वण्णपोक्खरतायाति** पोक्खरवण्णताय। पोक्खरं वुच्चति सरिरं। तस्स वण्णसम्पत्तियाति अत्थो। **समन्नागतोति** उपेतो।

**१६९.** ओणतोणतादीसु — दिट्ठधम्मिकाय वा सम्परायिकाय वा सम्पत्तिया विरहितो **ओणतो**। नीचो, लामकोति अत्थो। तव्विपक्खतो **उण्णतो**। उच्चो, उग्गतोति अत्थो। सेसमेत्थ तमादीसु वुत्तनयेनेव वेदितव्वं। अपिच — **ओणतोणतोति** इदानी नीचो, आर्यातिम्पि नीचोव भविस्सति। **ओणतुण्णतोति** इदानी नीचो, आर्यातिं उच्चो भविस्सति। **उण्णतोणतोति** इदानी उच्चो, आर्यातिं नीचो भविस्सति। **उण्णतुण्णतोति** इदानी उच्चो, आर्यातिम्पि उच्चोव भविस्सतीति।

**१७०.** रुक्खूपमेसु — रुक्खो ताव **फेग्गुसारपरिवारोति** वनजेट्टकरुक्खो सयं फेग्गु होति, परिवाररुक्खा पनस्स सारा होन्ति। इमिना नयेन सेसा वेदितव्वो। पुग्गलेसु पन सीलासारविरहतो फेग्गुता, सीलाचारसमन्नागमेन च सारता वेदितव्वो।

**१७१.** रूपप्पमाणादीसु — सम्पत्तियुत्तं रूपं पमाणं करोतीति **रूपप्पमाणो**। तत्थ पसादं जनेतीति **रूपप्पसन्नो**। कित्तिसद्वभूतं घोसं पमाणं करोतीति **घोसप्पमाणो**। आरोहं वातिआदीसु पन — **आरोहन्ति** उच्चत्तनं। **परिणाहन्ति** किसथूलभावापगतं परिकखेपसम्पत्तिं। **सण्ठानन्ति** अङ्गपच्चङ्गानं दीघरस्सवट्ठतादियुत्तङ्गानेसु तथाभावं। **परिपरिणन्ति** यथावृत्तपकारानं अनूनतं, लक्खणपरिपुण्णभावं वा। **परवण्णनायाति** परेहि परम्मुखा निच्छारिताय गुणवण्णनाय। **परथोमनायाति** परेहि थुतिवसेन गाथादिउपनिबन्धनेन वुत्ताय थोमनाय। **परपसंसनायाति** परेहि सम्मुखा वुत्ताय पसंसाय। **परवण्णहारिकायाति** परम्परथुतिवसेन परेहि पवत्तिताय वण्णहरणाय।

**१७२.** चीवरलूखन्ति चीवरस्स दुब्बण्णादिभावेन लूखतं। **पत्तलूखन्ति** भाजनस्स वण्णसण्ठानवत्थूहि लूखतं। **सेनासनलूखन्ति** नाटकादिसम्पत्तिविरहेन सेनासनस्स लूखतं। **विविधन्ति** अचेलकादिभावेन अनेकपकारं। **दुक्करकारिकन्ति** सरिरतापनं।

अपरो नयो — इमेसु हि चतूसु पुग्गलेसु रूपे पमाणं गहेत्वा पसन्नो रूपप्पमाणो नाम। रूपप्पसन्नोति तस्सेव अत्थवचनं। घोसे पमाणं गहेत्वा पसन्नो घोसप्पमाणो नाम। चीवरलूखपत्तलूखेसु पमाणं गहेत्वा पसन्नो लूखप्पमाणो नाम। धम्मे पमाणं गहेत्वा पसन्नो धम्मप्पमाणो नाम। इतरानि तेसंयेव अत्थवचनानि। सब्बसत्ते च तयो कोट्टासे कत्वा द्वे कोट्टासा रूपप्पमाणा, एको न रूपप्पमाणो। पञ्च कोट्टासे कत्वा चत्तारो कोट्टासा घोसप्पमाणा, एको न घोसप्पमाणो। दस कोट्टासे कत्वा नव कोट्टासा लूखप्पमाणा, एको न लूखप्पमाणो। सतसहस्सं कोट्टासे कत्वा पन एको कोट्टासोव धम्मप्पमाणो, सेसा न धम्मप्पमाणा। एवमयं चतुप्पमाणो लोकसन्निवासो।

एतस्मिं चतुप्पमाणो लोकसन्निवासे बुद्धेसु अप्सन्ना मन्दा, पसन्नाव बहुका। रूपप्पमाणस्स हि बुद्धरूपतो उत्तरि पसादावहं रूपं नाम नत्थि। घोसप्पमाणस्स बुद्धानं कित्तियोसतो उत्तरि पसादावहो घोसो नाम नत्थि। लूखप्पमाणस्स कासिकानि वत्थानि महारहानि कञ्चनभाजनानि तिण्णं उतूनं अनुच्छविके सब्बसम्पत्तियुत्ते पासादवरे पहाय पंसुकूलचीवरसेलमयपत्तरुक्खमूलादिसेनासनसेविनो बुद्धस्स भगवतो लूखतो उत्तरि पसादावहं अञ्जं लूखं नाम नत्थि। धम्मप्पमाणस्स सदेवके लोके असाधारणसीलादिगुणस्स तथागतस्स सीलादिगुणतो उत्तरि पसादावहो अञ्जो सीलादिगुणो नाम नत्थि। इति भगवा इमं चतुप्पमाणिकं लोकसन्निवासं मुट्ठिना गहेत्वा विय ठितोति।

**१७३.** अत्तहिताय पटिपन्नादीसु — **सीलसम्पन्नोति** सीलेन सम्पन्नो समन्नागतो। **समाधिसम्पन्नोति** आदीसुपि एसेव नयो। एत्थ च सीलं लोकियलोकुत्तरं कथितं। तथा समाधिपज्जा च। **विमुत्ति** अरहत्तफलविमुत्तियेव। **जाणदस्सन्** एकूनवीसतिविधं पच्चवेक्खणजाणं। **नो परन्ति** आदीसु — परपुग्गलं “तयापि सीलसम्पन्नेन भवितुं वट्ठती”ति वत्वा यथा सीलं समादियति, एवं न समादपेति, न गण्हापेति। एसेव नयो सब्बत्थ। एतेसु पन चतूसु पठमो वक्कलित्थेरसदिसो होति। दुतियो उपनन्दसक्यपुत्तसदिसो। ततियो सारिपुत्तमोग्गल्लानत्थेरसदिसो। चतुत्थो देवदत्तसदिसोति वेदितव्वो।

**१७४.** अत्तन्तपादीसु — अत्तानं तपति दुक्खापेतीति **अत्तन्तपो**। अत्तनो परितापनानुयोगं **अत्तपरितापनानुयोगं**। **अचेलकोति** निच्चेलो, नग्गो। **मुत्ताचारोति** विसट्ठाचारो। उच्चारकम्मादीसु लोकियकुलपुत्ताचारेन विरहितो ठितकोव उच्चारं करोति, पस्सावं करोति, खादति, भुञ्जति च। **हत्थापलेखनोति** हत्थे पिण्डम्मि निडिते जिक्काय हत्थं अपलेखति। उच्चारं वा कत्वा हत्थस्मिञ्जेव दण्डकसञ्जी हुत्वा हत्थेन अपलेखतीति दस्सति। ते किर दण्डकं सत्तोति पञ्जपेन्ति। तस्मा तेसं पटिपदं पूरेन्तो एवं करोति। भिक्खागहणत्थं “एहि भदन्ते”ति वुत्तो, न एतीति **नएहिभदन्तिको**। तेन हि “तिट्ठ भदन्ते”ति वुत्तोपि न तिट्ठतीति **नतिट्ठभदन्तिको**। तदुभयम्पि हेतं तित्थिया “एतस्स वचनं कतं भविस्सती”ति न करोन्ति। **अभिहटन्ति** पुरेतरं गहेत्वा आहटं भिक्खं। **उडिस्सकन्ति** “इमं तुम्हे उडिस्स कत”न्ति एवं आरोचितभिक्खं। **न निमन्तन्ति** “असुकं नाम कुलं वा वीथिं वा गामं वा पविसेय्याथा”ति एवं निमन्तितभिक्खम्पि न सादियति, न गण्हाति।

न **कुम्भिमुखाति** कुम्भितो उड्डरित्वा दिव्यमानं भिक्खं न गण्हाति। **न कळोपिमुखाति** कळोपीति उक्खलि, पच्छि वा। ततोपि न गण्हाति। कस्मा? कुम्भी कळोपियो कटच्छुना पहारं लभन्तीति। **न एळकमन्तरन्ति** उम्मारं अन्तरं कत्वा दिव्यमानं न गण्हाति। कस्मा? अयं मं निस्साय अन्तरकरणं लभतीति। **दण्डमुसलेसुपि** एसेव नयो। **द्विन्नन्ति** द्वीसु भुञ्जमानेसु एकस्मिं उड्डाय देन्ते न गण्हाति। कस्मा? कबळन्तरायो होतीति। **न गब्भिनियाति** आदीसु पन गब्भिनिया कुच्छियं दारको किलमति। **पायन्तिया** दारकस्स खीरन्तरायो होति। **पुरिसन्तरगताय** रतिअन्तरायो होतीति न गण्हाति **न सङ्कित्तीसूति** सङ्कित्तेत्वा कतभत्तेसु। दुब्बिक्खसमये किर अचेलकसावका अचेलकानं

अथाय ततो ततो तण्डुलादीनि समादपेत्वा भत्तं पचन्ति, उक्कट्टाचेलको ततो न पटिगण्हाति । न यत्थ साति यत्थ सुनखो ‘पिण्डं लभिस्सामी’ति उपट्ठितो होति, तत्थ तस्स अदत्त्वा आहटं न गण्हाति । कस्मा? एतस्स पिण्डन्तरायो होतीति ।

**सण्डसण्डचारिनी**ति समूहसमूहचारिनी । सचे हि अचेलकं दिस्वा ‘इमस्स भिक्खं दस्सामा’ति मानुस्सका भत्तगेहं पविसन्ति, तेसु च पविसन्तेसु कळोपिमुखादीसु निलीना मक्खिका उपपत्तिवा सण्डसण्डा चरन्ति, ततो आहटं भिक्खं न गण्हाति । कस्मा? मं निस्साय मक्खिकानं गोचरन्तरायो जातोति । **थुसोदकन्ति** सब्बसस्सम्भारेहि कतं सोवीरकं । एत्थ च सुरापानमेव सावज्जं । अयं पन एतस्मिम्पि सावज्जसज्जी । **एकागारिको**ति यो एकस्मिंयेव गेहे भिक्खं लभित्वा निवत्तति । **एकातोपिको**ति यो एकेनेव आलोपेन यापेति । **द्वागारिका**दीसुपि एसेव नयो । **एकिस्सापि दत्तिया**ति एकाय दत्तिया । दत्ति नाम एका खुद्दकपाति होति, यत्थ अग्गभिक्खं पक्खिपित्वा ठपेन्ति ।

**एकाहिकन्ति** एकदिवसन्तरिकं । **अड्डमासिकन्ति** अड्डमासन्तरिकं । **परियायभत्तभोजनन्ति** वारभत्तभोजनं । एकाहवारेन द्वीहवारेन सत्ताहवारेन अड्डमासवारेनाति — एवं दिवसवारेन आभत्तभत्तभोजनं । **साकभक्खो**ति अल्लसाकभक्खो । **सामाकभक्खो**ति सामाकतण्डुलभक्खो । नीवारादीसु — **नीवारा** नाम ताव अरज्जे सयं जाता वीहिजाति । **दहुलन्ति** चम्मकारेहि चम्मं विलिखित्वा छड्ढितकसटं । **हटं** वुच्चति सिलेसोपि, सेवालोपि कणिकारादिरुक्खनिव्यासोपि । **कणन्ति** कुण्डकं । **आचामो**ति भत्तउक्खलिक्काय लग्गो ज्ञामोदो । तं छड्ढितट्टाने गहेत्वा खादति । “ओदनकज्जिय”न्तिपि वदन्ति । **पिञ्जाका**दयो पाकटा एव । **पवत्तफलभोजी**ति पतितफलभोजी ।

**साणानी**ति साणवाकचेलानि । **मसाणानी**ति मिस्सकचेलानि । **छवदुस्सानी**ति मतसरीरतो छड्ढितवत्थानि । एकतिणादीनि वा गन्थेत्वा कतनिवासनानि । **पंसुकूलानी**ति पथवियं छड्ढितनन्तकानि । **तिरीटानी**ति रुक्खत्तचवत्थानि । **अजिनन्ति** अजिनमिगचम्मं । **अजिनक्खिपन्ति** तदेव मज्जे फालितं । सखुरकन्तिपि वदन्ति । **कुसचीरन्ति** कुसतिणानि गन्थेत्वा कतचीरकं । **वाकचीरफलकचीरेसुपि** एसेव नयो । **केसकम्बलन्ति** मनुस्सकेसेहि कतकम्बलं । यं सन्धाय वुत्तं — “सेय्यथापि, भिक्खवे, यानि कानिचि तन्तावुतानं वत्थानं केसकम्बलो तेसं पतिकुट्टो अक्खायती”ति (अ० नि० ३.१३८) । **वाळकम्बलन्ति** अस्सवाळादीहि कतकम्बलं । **उलूकपक्खन्ति** उलूकपत्तानि गन्थेत्वा कतनिवासनं । **उब्भट्टको**ति उद्धं ठितको ।

**उक्कुटिकप्पधानमनुयुत्तो**ति उक्कुटिकवीरियं अनुयुत्तो । गच्छन्तोपि उक्कुटिकोव हुत्वा उपपत्तिवा उपपत्तिवा गच्छति । **कण्टकापस्सयिको**ति अयकण्टके वा पकतिकण्टके वा भूमियं कोट्टेत्वा तत्थ चम्मं अत्थरित्वा ठानचङ्कमादीनि करोति । **सेय्यन्ति** सयन्तोपि तत्थेव सेय्यं कपेति । सायं ततियमस्साति **सायततियकं** । “पातो, मज्झन्तिके, सायन्ति दिवसस्स तिक्खन्तुं पापं पवाहेस्सामी”ति उदकोरोहानुयोगं अनुयुत्तो विहरति ।

१७५. परं तपतीति **परन्तपो** । परेसं परितापनानुयोगं **परपरितापनानुयोगं** । ओरब्भिकादीसु — उरब्भा वुच्चन्ति एळका । उरब्भे हनतीति **ओरब्भिको** । **सूकरिका**दीसुपि — एसेव नयो । **लुटो**ति दारुणो कक्खळो । **मच्छघातको**ति मच्छबन्धो केवट्टो । **बन्धनागारिको**ति बन्धनागारोपको । **कुरुरकम्मन्ता**ति दारुणकम्मन्ता ।

१७६. **मुद्धावसित्तो**ति खत्तियाभिसेकेन मुद्धनि अभिसित्तो । **पुरत्थिमेन नगरस्साति** नगरतो पुरत्थिमदिसाय । **सन्धागारन्ति** यज्जसालं । **खराजिनं निवासेत्वा**ति सखुरं अजिनचम्मं निवासेत्वा । **सप्पितेलेनाति** सप्पिना च तेलेन च । ठपेत्वा हि सप्पिं अवसेसो यो कोचि स्नेहो तेलेन वुच्चति । **कण्डुवमानो**ति नखानं छिन्नत्ता कण्डुवितब्बकाले तेन कण्डुवमानो । **अनन्तरहितायाति** असन्धताय । **सरूपवच्छायाति** सदिसवच्छाय । सचे गावी सेता होति, वच्छोपि सेतकोव सचे कबरा वा, रत्ता वा, वच्छोपि तादिसोवाति — एवं सरूपवच्छाय । **सो एवमाहाति** सो राजा एवं वदेति । **वच्छतराति** तरुणवच्छकभावं अतिक्कन्ता बलववच्छा । **वच्छतरीसुपि** एसेव नयो । **बरिहिसत्थायाति** परिक्रवेपकरणत्थाय चेव यज्जभूमियं अत्थरणत्थाय च ।

१७७. **दिट्ठेव धम्मे**ति इमस्मिंयेव अत्तभावे । **निच्छातो**ति छातं वुच्चति तण्हा, सा अस्स नत्थीति निच्छातो । सब्बकिलेसानं निब्बुत्तत्ता **निब्बुतो** । अन्तो तापनकिलेसानं अभावा सीतलो जातोति **सीतीभूतो** । ज्ञानमग्गफलनिब्बानसुखानि पटिसंवेदेतीति **सुखप्पटिसंवेदी** । **ब्रह्मभूतेन अत्तनाति** सेट्टभूतेन अत्तना ।

इमं पन पुग्गलं बुद्धप्पादतो पट्टाय दस्सेतुं — **इध तथागतो**ति आदिमाह । तत्थ **तथागतो**ति अट्ठहि कारणेहि भगवा तथागतो — तथा आगतोति तथागतो, तथा गतोति तथागतो, तथलक्खणं आगतोति तथागतो, तथधम्मे याथावतो अभिसम्बुद्धोति तथागतो, तथदस्सिताय तथागतो, तथावादिताय तथागतो, तथाकारिताय तथागतो, अभिभवन्टेन तथागतोति । **अरहं सम्मासम्बुद्धो**ति आदीनि **विसुद्धिमग्गे** वित्थारितानेव । तं धम्मन्ति तं वुत्तप्पकारसम्पदं धम्मं । **सुणाति गहपति वाति** कस्मा पठमं गहपतिं निद्विसति? निहतमानत्ता उस्सन्नत्ता च । येभुय्येन हि खत्तियकुलतो पब्बजिता जातिं निस्साय मानं करोन्ति । ब्राह्मणकुला पब्बजिता मन्ते निस्साय मानं करोन्ति । हीनजच्चकुला पब्बजिता अत्तनो विजातिताय पटिट्ठातुं न सक्कोन्ति । गहपतिदारका पन कच्चेहि सेदं मुञ्चन्तेहि पिट्ठिया लोणं पुप्फमानाय भूमिं कसित्वा तादिसस्स मानस्स अभावतो निहतमानदप्पा होन्ति । ते पब्बजित्वा मानं वा दप्पं वा अकत्वा यथाबलं बुद्धवचनं उग्गहेत्वा विपस्सनाय कम्मं करोन्ता सक्कोन्ति अरहन्ते पटिट्ठातुं । इतरेहि च कुलेहि निक्खमित्वा पब्बजिता नाम न बहुका, गहपतिकाव बहुका । इति निहतमानत्ता उस्सन्नत्ता च पठमं गहपतिं निद्विसतीति ।

**अज्जरतरस्मिं वाति** इतरेसं वा कुलानं अज्जरतरस्मिं । **पच्चाजातो**ति पतिजातो । **तथागते सद्धं पटिलभतीति** परिसुद्धं धम्मं सुत्वा धम्मस्सामिहि तथागते “सम्मासम्बुद्धो वत सो भगवा”ति सद्धं पटिलभति । **इति पटिसज्जिक्खतीति** एवं पच्चवेक्खति । **सम्बाधो घरावासो**ति सचेपि सट्ठिहत्थे घरे योजनसतन्तरेपि वा द्वे जायम्पत्तिका वसन्ति, तथापि नेसं सक्किञ्चनसपल्लिबोधट्टेन घरावासो सम्बाधोयेव । **रजोपथो**ति रागरजादीनं उट्टानट्टानन्ति महाअट्टकथायं वुत्तं । आगमनपथोतिपि वत्तुं वट्ठति । अलग्गन्ट्टेन अब्भोकासो वियाति **अब्भोकासो** । पब्बजितो हि कूटागाररतनपासादे च देवविमानादीसु च सुपिहितद्वारवातपानेसु पटिच्छन्नेसु वसन्तोपि नेव लग्गति, न सज्जति, न बज्जति । तेन वुत्तं — “अब्भोकासो पब्बज्जा”ति ।

अपिच — सम्बाधो घरावासो कुसलकिरियाय ओकासाभावतो । रजोपथो असंवृतसङ्कारट्टानं विय रजानं किलेसरजानं सन्निपातट्टानतो । अब्भोकासो पब्बज्जा कुसलकिरियाय यथासुखं ओकाससम्भावतो । **नयिदं सुकरं...पे... पब्बजेय्यन्ति** एत्थ अयं सङ्केपकथा — यदेतं सिक्खत्तयब्रह्मचरियं एकम्पि दिवसं अखण्डं कत्वा चरिमकचित्तं पापेत्तब्बताय **एकन्तपरिपुण्णं** । एकदिवसम्पि च किलेसमलेन अमलिनं कत्वा चरिमकचित्तं पापेत्तब्बताय **एकन्तपरिसुद्धं** । **सङ्खलिखितं** लिखितसङ्खसदिसं धोतसङ्खसप्पटिभागं चरितब्बं । इदं न सुकरं अगारं अज्जावसता अगारमज्जे वसन्तेन एकन्तपरिपुण्णं...पे... चरितुं — “यंनूनाहं केसे च मस्सुञ्च ओहारेत्वा कसायरसपीतताय

कासायानि ब्रह्मचरियं चरन्तानं अनुच्छविकानि वत्यानि अच्छादेत्वा परिदहत्वा अगारस्मा निक्खमित्वा अनगारियं पब्बजेय्यं<sup>१</sup> न्ति । एत्थ च यस्मा अगारस्स हितं कसिवाणिज्जादिकम् “अगारियं” न्ति वुच्चति, तच्च पब्बज्जाय नत्थि, तस्मा पब्बज्जा “अनगारियं” न्ति जातब्बा । तं **अनगारियं** । **पब्बजेय्यन्ति** पटिपज्जेय्यं । **अप्यं वाति** सहस्सतो हेट्ठा भोगक्खन्थो अप्पो नाम होति, सहस्सतो पट्ठाय महा । अबन्धनट्टेन जातियेव **जातिपरिवट्टो** । सोपि वीसतिया हेट्ठा अप्पो होति, वीसतिया पट्ठाय महा ।

**१७८. भिक्खून् सिक्खासाजीवसमापन्नो**ति या भिक्खून् अधिसीलसङ्घाता सिक्खा, तच्च । यत्थ चेते सह जीवन्ति, एकजीविका सभागवृत्तिनो होन्ति, तं भगवता पञ्चत्तसिक्खापदसङ्घातं साजीवच्च । तत्थ सिक्खनभावेन समापन्नोति **भिक्खून् सिक्खासाजीवसमापन्नो** । **समापन्नो**ति सिक्खं परिपूरुन्तो साजीवच्च अवीतिककमन्तो हुत्वा तदुभयं उपगतोति अत्थो । **पाणातिपातं पहायाति** आदीसु पाणातिपातादिकथा हेट्ठा विथारिता एव । **पहायाति** इमं पाणातिपातचेतनासङ्घातं दुस्सील्यं पजहत्वा । **पटिविरतो** होतीति पहीनकालतो पट्ठाय ततो दुस्सील्यतो ओरतो विरतोव होति । **निहितदण्डो निहितसत्थो**ति परूपघातत्थाय दण्डं वा सत्थं वा आदाय अवत्तनतो निक्खित्तदण्डो चेव निक्खित्तसत्थो चाति अत्थो । एत्थ च ठपेत्वा दण्डं, सब्बम्पि अवसेसं उपकरणं सत्तानं विनासनभावतो ‘सत्थं’ न्ति वेदितव्वं । यं पन भिक्खू कत्तरदण्डं वा दन्तकट्टुवांसि वा पिप्पलिकं वा गहेत्वा विचरन्ति, न तं परूपघातत्थाय । तस्मा निहितदण्डा निहितसत्थात्वेव सङ्घं गच्छन्ति । **लज्जीति** पापजिगुच्छनलक्खणाय लज्जाय समन्नागतो । **दयापन्नो**ति दयं मेत्तचित्तं आपन्नो । **सब्बपाणभूतहितानुकम्पी**ति सब्बे पाणभूते हितेन अनुकम्पको । ताय दयापन्नताय सब्बेसं पाणभूतानं हितचित्तकोति अत्थो । **विहरतीति** इरियति, पालेति ।

दिन्नमेव आदियतीति **दिन्नादायी** । चित्तेनपि दिन्नमेव पटिकङ्कतीति **दिन्नपाटिकङ्की** । थेनेतीति थेनो । न थेनेन **अथेनेन** । अथेनत्तायेव **सुचिभूतेन** । **अत्तनाति** अत्तभावेन । अथेनं सुचिभूतं अत्तभावं कत्वा विहरतीति वुत्तं होति ।

**अब्रह्मचरियन्ति** असेट्ठचरियं । ब्रह्मं सेट्ठं आचारं चरतीति **ब्रह्मचारी** । **आराचारी**ति अब्रह्मचरियतो दूरचारी । **मेथुनाति** रागपरियुट्ठानवसेन सदिसत्ता मेथुनकाति लद्धवोहारेहि पटिसेवितव्वतो मेथुनाति सङ्घं गता असङ्गम्मा । **गामधम्माति** गामवासीनं धम्मा ।

सच्चं वदतीति **सच्चवादी** । सच्चेन सच्चं सन्दहति घटेतीति **सच्चसन्धो** । न अन्तरन्तरा मुसा वदतीति अत्थो । यो हि पुरिसो कदाचि मुसा वदति, कदाचि सच्चं, तस्स मुसावादेन अन्तरितत्ता सच्चं सच्चेन न घटीयति, तस्मा न सो सच्चसन्धो । अयं पन न तादिसो । जीवितहेतुपि मुसा अवत्वा सच्चेन सच्चं सन्दहतियेवाति सच्चसन्धो । **थेतोति** थिरो, थिरकथोति अत्थो । एको हि पुगलो हलिदिरागो विय, थुसरसिम्हि निखातखाणुको विय, अस्सपिट्ठे ठपितकुम्भण्डमिव च, न थिरकथो होति । एको पासाणलेखा विय, इन्दखीलो विय च थिरकथो होति । असिना सीसे छिन्दन्तेपि द्वे कथा न कथेति । अयं वुच्चति थेतो । **पच्चयिको**ति पत्तियायितव्वको, सद्वायिकोति अत्थो । एकच्चो हि पुगलो न पच्चयिको होति । ‘इदं केन वुत्तं? असुकेना’ति वुत्ते ‘मा तस्स वचनं सद्दहथा’ति वत्तव्वतं आपज्जति । एको पच्चयिको होति । ‘इदं केन वुत्तं? असुकेना’ति वुत्ते ‘यदि तेन वुत्तं, इदमेव पमाणं, इदानी उपपरिक्खितव्वं नत्थि, एवमेव इदं’ति वत्तव्वतं आपज्जति । अयं वुच्चति पच्चयिको । **अविसंवादको लोकस्साति** ताय सच्चवादिताय लोकं न विसंवादेतीति अत्थो ।

**इमेसं भेदायाति** येसं इतो सुत्वाति वृत्तानं सन्तिके सुत्तं, तेसं भेदाय । **भिन्नानं वा सन्धाताति** द्विन्नं मित्तानं वा समानुपज्जायकादीनं वा केनचिदेव कारणेन भिन्नानं एकमेकं उपसङ्गमित्वा — ‘तुम्हाकं ईदिसे कुले जातानं, एवं बहुस्सुतानं इदं न युत्तं’ न्ति आदीनि वत्वा सन्धानं कत्ता । **अनुप्पदाताति** सन्धानानुप्पदाता । द्वे जने समग्गे दिस्वा — ‘तुम्हाकं एवरूपे कुले जातानं, एवरूपेहि गुणेहि समन्नागतानं अनुच्छविकमेतं’ न्ति आदीनि वत्वा दळ्हीकम्मं कत्ताति अत्थो । समग्गो आरामो अस्साति **समगारामो** । यत्थ समग्गा नत्थि, तत्थ वसितुम्पि न इच्छतीति अत्थो । समगगरामोतिपि पाळि । अयमेव अत्थो । **समगगरतोति** समग्गेसु रतो । ते पहाय अज्जत्र गन्तुम्पि न इच्छतीति अत्थो । समग्गे दिस्वापि सुत्वापि नन्दतीति **समगगनन्दी** । **समगगरणि वाचं भासिताति** या वाचा सत्ते समग्गेयेव करोति, तं सामग्गीगुणपरिदीपकमेव वाचं भासति, न इतरन्ति ।

कालेन वदतीति **कालवादी** । वत्तव्वयुत्तकालं सल्लक्खेत्वा वदतीति अत्थो । भूतं तथं तच्छं सभावमेव वदतीति **भूतवादी** । दिट्ठधम्मिकसम्परायिकत्थसन्निस्सितमेव कत्वा वदतीति **अत्थवादी** । नवलोकुत्तरधम्मसन्निस्सितं कत्वा वदतीति **धम्मवादी** । संवरविनयपहानविनयसन्निस्सितं कत्वा वदतीति **विनयवादी** । निधानं वुच्चति ठपनोकासो । निधानमस्स अत्थीति **निधानवती** । हृदये निधातव्वयुत्तकं वाचं भासिताति अत्थो । **कालेनाति** एवरूपिं भासमानोपि च “अहं निधानवतीं वाचं भासिस्सामी”ति न अकालेन भासति । युत्तकालं पन सल्लक्खेत्वा भासतीति अत्थो । **सापदेसन्ति** सउपमं, सकारणन्ति अत्थो । **परियन्तवतिन्ति** परिच्छेदं दस्सेत्वा । यथास्सा परिच्छेदो पज्जायति, एवं भासतीति अत्थो । **अत्थसंहितन्ति** अनेकेहिपि नयेहि विभजन्तेन परियादातुं असक्कुण्येयताय अत्थसम्पन्नं भासति । यं वा सो अत्थवादी अत्थं वदति, तेन अत्थेन संहितत्ता अत्थसंहितं वाचं भासति । न अज्जं निक्खिपित्वा अज्जं भासतीति वुत्तं होति ।

**१७९. बीजगामभूतगामसमारम्भाति** मूलबीजं, खन्धबीजं, फळुबीजं, अगगबीजं बीजबीजन्ति पञ्चविधस्स बीजगामस्स चेव यस्स कस्सचि नीलतिणरुक्खादिकस्स भूतगामस्स च समारम्भा । छेदनभेदनपचनादिभावेन विकोपना पटिविरतोति अत्थो । **एकभत्तिको**ति पातरासभत्तं, सायमासभत्तन्ति द्वे भत्तानि । तेसु पातरासभत्तं अन्तोमज्झन्धिकेन परिच्छिन्नं । इतरं मज्झन्धिकतो उद्धं अन्तोअरुणेन । तस्मा अन्तोमज्झन्धिके दसक्खत्तुं भुज्जमानोपि एकभत्तिकोव होति । तं सन्धाय वुत्तं — एकभत्तिकोति । रत्तिया भोजनं रत्ति, ततो उपरतोति **रत्तुपरतो** । अतिक्कन्ते मज्झन्धिके याव सूरियसत्थङ्गमना भोजनं विकालभोजनं नाम, ततो विरतत्ता **विरतो विकालभोजना** । सासनस्स अननुलोमत्ता विसूकं पटाणीभूतं दस्सनन्ति विसूकदस्सनं । अत्तना नच्चननच्चापनादिवसेन नच्चा च गीता च वादिता च अन्तमसो मयूरनच्चनपनादिवसेनपि पवत्तानं नच्चादीनं विसूकभूता दस्सना चाति **नच्चगीतवादितविसूकदस्सना** । नच्चादीनि हि अत्तना पयोजेतुं वा परेहि पयोजापेतुं वा युत्तानि पस्सितुं वा नेव भिक्खून् न भिक्खुनीनं वट्ठन्ति । मालादीसु — **मालाति** यंकिज्जि पुप्फं । **गन्थन्ति** यंकिज्जि गन्धजातं । **विलेपन्ति** छविरागकरणं । तत्थ पिळन्धन्तो धारेति नाम । ऊनट्टानं पूरेतो मण्डेति नाम । गन्धवसेन छविरागवसेन च सादियन्तो विभूसेति नाम । **ठानं** वुच्चति कारणं । तस्मा याय दुस्सील्यचेतनाय तानि मालाधारणादीनि महाजानो करोति, ततो पटिविरतोति अत्थो । **उच्चासयनं** वुच्चति पमाणानिक्कन्तं । **महासयनं** अकप्पियसन्थतं, ततो पटिविरतोति अत्थो । **जातरूपन्ति** सुवण्णं । **रजतन्ति** कहापणो, लोहमासको, जतुमासको, दारुमासकोति ये वोहारं गच्छन्ति । तस्स उभयस्सापि पटिग्गहणा पटिविरतो, नेव न उग्गहणाति, न उग्गहणापेति, न उपनिक्खितं सादियतीति अत्थो ।

**आमकधज्जपटिग्गहणाति** सालिवीहियवगोधुमकङ्कुवरकट्टुदूसकसङ्घातस्स सत्तविधस्सापि आमकधज्जस्स पटिग्गहणा । न केवलज्ज एतेसं पटिग्गहणमेव, आमसनम्पि भिक्खून् न वट्ठितियेव । **आमकमंसपटिग्गहणाति** एत्थ अज्जत्र ओदिसस् अनुज्जाता आमकमच्छमंसानं पटिग्गहणमेव भिक्खून् न वट्ठिति, नो आमसनं ।

**इत्थिकुमारिकपटिग्गहणाति** एत्थ **इत्थीति** पुरिसन्तरगता । इतरा कुमारिका नाम । तासं पटिग्गहणम्मि आमसनम्मि अकप्पियमेव । **दासिदासपटिग्गहणाति** एत्थ दासिदासवसेनेव तेसं पटिग्गहणं न वट्ठति । ‘कप्पियकारकं दम्मि’, ‘आरामिकं दम्मी’ति एवं वुत्ते पन वट्ठति । **अजेळकादीसुपि खेत्तवत्थु**परियोसानेसु कप्पियाकप्पियनयो विनयवसेन उपपरिक्खितब्बो । तत्थ **खेत्तं** नाम यस्मिं पुब्बण्णं रुहति । **वत्थु** नाम यस्मिं अपरण्णं रुहति । यत्थ वा उभयम्मि रुहति तं खेत्तं । तदत्थाय अकतभूमिभागो वत्थु । खेत्तवत्थुसीसेन चेत्थ वापितळाकादीनिपि सङ्गहितानेव ।

**दूतेय्यं** वुच्चति दूतकम्मं । गिहीनं पहितं पण्णं वा सासनं वा गहेत्वा तत्थ तत्थ गमनं । **पहीणगमनं** वुच्चति परघरं पेसितस्स खुद्दकगमनं । **अनुयोगो** नाम तदुभयकरणं । तस्मा दूतेय्यपहीणगमनानं अनुगोति एवमेत्थ अत्थो दट्ठब्बो । **कयविककयाति** कया च विककया च । तुलाकूटादीसु — **कूटन्ति** वञ्चनं । तत्थ तुलाकूटं नाम रूपकूटं, अङ्गकूटं गहणकूटं, पटिच्छन्नकूटन्ति चतुब्बिधं होति । तत्थ **रूपकूटं** नाम द्वे तुला समरूपा कत्वा गणहन्तो महतिया गणहाति, ददन्तो खुद्दिकाय देति । **अङ्गकूटं** नाम गणहन्तो पच्छाभागे हत्थेन तुलं अक्कमति, ददन्तो पुब्बभागे । **गहणकूटं** नाम गणहन्तो मूले रज्जुं गणहाति, ददन्तो अगगे । **पटिच्छन्नकूटं** नाम तुलं सुसिरं कत्वा अन्तो अयचुण्णं पक्खिपित्वा गणहन्तो तं पच्छाभागे करोति, ददन्तो अग्गभागे ।

**कंसो** वुच्चति सुवण्णपाति । ताव वञ्चनं **कंसकूटं** । कथं? एकं सुवण्णपातिं कत्वा अज्जा द्वे तिस्रो लोहपातियो सुवण्णवण्णा करोन्ति, ततो जनपदं गत्वा किञ्चिदेव अङ्गकुलं पविसित्वा सुवण्णभाजनानि किण्था<sup>१</sup>ति वत्वा अग्गे पुच्छिते समग्घतरं दातुकामा होन्ति । ततो तेहि ‘कथं इमेसं सुवण्णभावो जानितब्बो’ति वुत्ते ‘वीमंसित्वा गणहथा’ति सुवण्णपातिं पासाणे घंसित्वा सब्बपातियो दत्वा गच्छन्ति ।

**मानकूटं** नाम हृदयभेदसिखाभेदरज्जुभेदवसेन तिविधं होति । तत्थ **हृदयभेदो** सप्पितेलादिमिननकाले लब्धति । तानि हि गणहन्तो हेट्ठा छिदेन मानेन ‘सणिकं आसिज्जा’ति वत्वा अन्तोभाजने बहुं पग्घरापेत्वा गणहाति । ददन्तो छिद्दं पिधाय सीधं पूरेत्वा देति । **सिखाभेदो** तिलतण्डुलादिमिननकाले लब्धति । तानि हि गणहन्तो सणिकं सिखं उस्सापेत्वा गणहाति । ददन्तो वेगेन पूरेत्वा सिखं छिन्दन्तो देति । **रज्जुभेदो** खेत्तवत्थुमिननकाले लब्धति । लज्जं अलभन्ता हि खेत्तं अमहन्तम्मि महन्तं कत्वा मिनन्ति ।

उक्कोटनादीसु — **उक्कोटन्ति** अस्सामिके सामिके कातुं लज्जग्गहणं । **वञ्चन्ति** तेहि तेहि उपायेहि परेसं वञ्चनं । तन्निदमेकं वत्थु — एको किर लुद्दको मिगज्ज मिगपोतकज्ज गहेत्वा आगच्छति । तमेको धुत्तो — ‘किं भो मिगो अग्घति, किं मिगपोतको’ति आह । ‘मिगो द्वे कहापणे, मिगपोतको एक’न्ति च वुत्ते कहापणं दत्वा मिगपोतकं गहेत्वा थोकं गत्वा निवत्तो, ‘न मे भो मिगपोतकेन अत्थो, मिगं मे देही’ति आह । तेन हि ‘द्वे कहापणे देही’ति । सो आह — ‘ननु ते, भो, मया पठमं एको कहापणो दिन्नो’ति? ‘आम दिन्नो’ति । इदम्मि मिगपोतकं गणह, एवं सो च कहापणो अयज्ज कहापणग्घणको मिगपोतकोति द्वे कहापणा भविस्सन्तीति । सो ‘कारणं वदती’ति सल्लक्खेत्वा मिगपोतकं गहेत्वा मिगं अदासीति ।

**निकतीति** योगवसेन वा मायावसेन वा अपामङ्गं पामङ्गन्ति, अमणिं मणीति, असुवण्णं सुवण्णन्ति कत्वा पतिरूपकेन वञ्चनं । **साचियोगो**ति कुटिलयोगो । एतेसंयेव उक्कोटनादीनमेतं नामं । तस्मा उक्कोटनसाचियोगो वञ्चनसाचियोगो निकतिसाचियोगोति एवमेत्थ अत्थो दट्ठब्बो । केचि अज्जं दस्सेत्वा अज्जस्स परिवत्तनं ‘साचियोगो’ति वदन्ति । तं पन वञ्चनेनेव सङ्गहितं ।

छेदनादीसु — **छेदन्ति** हत्थच्छेदनादि । **वधोति** मारणं । **बन्धोति** रज्जुबन्धनादीहि बन्धनं । **विपरामोसो**ति हिमविपरामोसो, गुम्बविपरामोसोति दुविधो । यज्जि हिमपातसमये हिमेन पटिच्छन्ना हुत्वा मग्गप्पटिपन्नं जनं मुसन्ति, अयं **हिमविपरामोसो** । यं गुम्बादीहि पटिच्छन्ना मुसन्ति, अयं **गुम्बविपरामोसो** । **आलोपो** वुच्चति गामनिगमादीनं विलोपकरणं । **सहसाकारो**ति साहसिककिरिया । गेहं पविसित्वा मनुस्सानं उरे सत्थं ठपेत्वा इच्छितभण्डग्गहणं । एवमेतस्मा छेदन...पे... सहसाकारा पटिविरतो होति ।

**१८०. सो सन्नुट्ठो** होतीति सो चतूसु पच्चयेसु द्वादसविधेन इतरीतरपच्चयसन्तोसेन समन्नागतो होति । **कायपरिहारिकेनाति** कायं परिहरणमत्तकेन । **कुच्छिपरिहारिकेनाति** कुच्छिपरिहरणमत्तकेन । **समादायेव पक्कमतीति** अट्ठविधं भिक्खु परिक्रारमत्तकं सब्बं गहेत्वाव कायपटिबद्धं कत्वाव गच्छति । ‘मम विहारो परिवेणं उपट्ठाको’ति सङ्गो वा बद्धो वा न होति । सो जिया मुत्तसरो विय यूथा पक्कन्तो, मत्तहत्थी विय इच्छितिच्छितं सेनासनं वनसण्डं रुक्खमूलं वनपत्थं पब्भारं परिभुज्जन्तो एकोव तिट्ठति, एकोव निसीदति । सब्बिरियापथेसु एकोव अदुत्तियो ।

“चातुहिसो अप्पटिघो च होति,  
सन्तुस्समानो इतरीतरेन ।  
परिस्सयानं सहिता अछम्भी,  
एको चरे खग्गविसाणकप्पो”ति ॥ (सु० नि० ४२) ।

एवं वणिणतं खग्गविसाणकप्पतं आपज्जति ।

इदानीं तमत्थं उपमाय साधेन्तो, “**सेय्यथापी**”ति आदिमाह । तत्थ **पक्खी सकुणोति** पक्खयुत्तो सकुणो । **डेतीति** उपपत्ति । अयं पनेत्थ सङ्केपत्थो — सकुणो नाम “असुकस्मिं पदेसे रुक्खो परिपक्कफलो”ति जत्वा नानादिसाहि आगन्त्वा नखपक्खतुण्डादीहि तस्स फलानि विज्झन्ता विधुनन्ता खादन्ति । “इदं अज्जतनाय, इदं स्वातनाय भविस्सती”ति तेसं न होति । फले पन खीणे नेव रुक्खस्स आरक्खं ठपेन्ति, न तत्थ पत्तं वा नखं वा तुण्डं वा ठपेन्ति । अथ खो तस्मिं रुक्खे अनपेक्खो हुत्वा यो यं दिसाभागं इच्छति, सो तेन सपत्तभारोव उपपत्तिवत्ता गच्छति । एवमेव अयं **भिक्खु निस्सङ्गो** निरपेक्खोयेव पक्कमति, तेन वुत्तं समादायेव पक्कमतीति । **अरियेनाति** निद्दोसेन । **अज्झत्तन्ति** सके अत्तभावे । **अनवज्जसुखन्ति** निद्दोससुखं ।

**१८१. सो चक्खुना रूपं दिस्वाति** सो इमिना अरियेन सीलक्खन्धेन समन्नागतो भिक्खु चक्खुविज्जाणेन रूपं पस्सित्वाति अत्थो । सेसपदेसुपि यं वत्तब्बं, तं सब्बं हेट्ठा वुत्तमेव । **अव्यासेकसुखन्ति** किलेसेहि अनवसित्तसुखं । अविकिण्णसुखन्तिपि वुत्तं । इन्द्रियसंवरसुखज्जि दिट्ठादीसु दिट्ठमत्तादिवसेन पवत्तताय अविकिण्णं होति ।

**१८२. सो अभिवक्न्ते पटिवक्न्ते**ति सो मनच्छद्धानं इन्द्रियानं संवरेन समन्नागतो भिक्खु इमेसु अभिवक्न्तपटिवक्न्तादीसु सत्तसु ठानेसु सतिसम्पज्जवसेन सम्पजानकारी होति। तत्थ यं वत्तब्बं सिया, तं **ज्ञानविभङ्गे** वुत्तमेव।

**सो इमिना चाति**आदिना किं दस्सेति? अरञ्जवासस्स पच्चयसम्पत्तिं दस्सेति। यस्स हि इमे चत्तारो पच्चया नत्थि, तस्स अरञ्जवासो न इज्झति, तिरच्छानगतेहि वा वनचरकेहि वा सद्धिं वत्तब्बतं आपज्जति। अरञ्जे अधिवत्था देवता “किं एवरूपस्स पापभिक्खुनो अरञ्जवासेना”ति भेरवं सद्धं सावेन्ति। हत्थेहि सीसं पहरित्वा पलायनाकारं करोन्ति। “असुको भिक्खु अरञ्जं पविसित्वा इदञ्चिदञ्च पापकम्मं अकासी”ति अयसो पत्थरति। यस्स पनेते चत्तारो पच्चया अत्थि, तस्स अरञ्जवासो इज्झति। सो हि अत्तनो सीलं पच्चवेक्खन्तो किञ्चि काळकं वा तिलकं वा अपस्सन्तो पीतिं उपादेत्वा तं खयतो वयतो सम्मसन्तो अरियभूमिं ओक्कमति। अरञ्जे अधिवत्था देवता अत्तमना वण्णं भासन्ति। इतिस्स उदके पक्खित्ततेलबिन्दु विय यसो वित्थारिको होति। **विवित्तन्ति**आदीनि हेट्ठा वुत्तत्थानेव। **सो एवं समाहिते चित्ते...पे०... यथाकम्मपूणे सत्ते पजानातीति** एतके ठाने यं वत्तब्बं सिया, तं सब्बं **विसुद्धिमगगे** वुत्तमेव।

**१८५. ततियविज्जाय सो एवं समाहिते चित्ते**ति विपस्सनापादकं चतुत्थज्ज्ञानचित्तं वेदितब्बं। **आसवानं खयजाणायाति** अरहत्तमगजाणत्थाय। अरहत्तमगो हि आसवानं विनासनतो आसवानं खयोति वुच्चति। तत्र चेत्तं जाणं तप्परियापन्नत्ताति। **चित्तं अभिनिन्नामेतीति** विपस्सनाचित्तं अभिनीहरति। **सो इदं दुक्खन्ति** एवमादीसु — “एतकं दुक्खं, न इतो भिय्यो”ति सब्बम्पि दुक्खसच्चं सरसलक्खणपटिवेधेन यथाभूतं पजानाति, पटिविज्झति। तस्स च दुक्खस्स निब्बत्तिकं तण्हं — अयं दुक्खसमुदयोति; तदुभयम्पि यं ठानं पत्वा निरुज्झति, तं तेसं अप्पवत्तिं निब्बानं — अयं दुक्खनिरोधोति; तस्स च सम्पापकं अरियमगं — अयं दुक्खनिरोधगामिनी पटिपदाति सरसलक्खणपटिवेधेन यथाभूतं पजानाति, पटिविज्झतीति — एवमत्थो वेदितब्बो।

एवं सरूपतो सच्चानि दस्सेत्वा इदानी किलेसवसेन परियायतो दस्सेन्तो **इमे आसवाति**आदिमाह। **तस्स एवं जानतो एवं पस्सतो**ति तस्स एवं जानन्तस्स एवं पस्सन्तस्स सह विपस्सनाय कोटिप्पत्तं मगं कथेति। **कामासवाति** कामासवतो। **विमुच्चतीति** इमिना मगगखणं दस्सेति। **विमुत्तस्मिन्ति** इमिना फलक्खणं दस्सेति। मगगखणे हि चित्तं विमुच्चति, फलक्खणे विमुत्तं होति। **विमुत्तस्मिं विमुत्तमिति जाणन्ति** इमिना पच्चवेक्खणजाणं दस्सेति। **खीणा जाती**तिआदीहि तस्स भूमिं। तेन हि जाणेन सो पच्चवेक्खन्तो “खीणा जाती”तिआदीनि पजानाति। **वुसितन्ति** वुट्ठं परिवुट्ठं कतं चरितं निट्ठितन्ति अत्थो। **ब्रह्मचरियन्ति** मग्गब्रह्मचरियं। पुत्थुज्जनकल्याणकेन हि सद्धिं सत्त सेक्खा ब्रह्मचरियवासं वसन्ति नाम। खीणासवो वुट्ठवासो। तस्मा सो अत्तनो ब्रह्मचरियवासं पच्चवेक्खन्तो **वुसितं ब्रह्मचरियन्ति** पजानाति। **कतं करणीयन्ति** चतूसु सच्चेसु चतूहि मग्गेहि परिज्जापहानसच्छिकिरियाभावनावसेन सोळसविधम्पि किच्चं निट्ठापितन्ति अत्थो। पुत्थुज्जनकल्याणकादयो हि तं किच्चं करोन्ति; खीणासवो कतकरणीयो। तस्मा सो अत्तनो करणीयं पच्चवेक्खन्तो। “कतं करणीय”न्ति पजानाति। **नापरं इत्थत्तायाति** “इदानी पुन एत्थभावाय एवं सोळसकिच्चभावाय किलेसक्खयाय वा मग्गभावनाकिच्चं नत्थी”ति पजानाति।

**१८६. सरागादीसु — अप्पहीनोति** विक्खम्भनप्पहानेन वा तदङ्गप्पहानेन वा समुच्छेदप्पहानेन वा अप्पहीनो।

**१८७. लाभी होतीति**आदीसु — **लाभीति** लाभवा पटिलभित्वा ठितो। **अज्झत्तं चेतोसमथस्साति** नियकज्झत्तसङ्घाते अत्तनो चित्ते उप्पन्नस्स चेतोसमथस्स। **अधिपज्जाधम्मविपस्सनायाति** अधिपज्जासङ्घाताय खन्थधम्मो अनिच्चादिवसेन पवत्ताय विपस्सनाय। **रूपसहगतानन्ति** रूपनिमित्तारम्मणानं रूपावचरसमापत्तीनं। **अरूपसहगतानन्ति** न रूपनिमित्तारम्मणानं अरूपसमापत्तीनं। एत्थ च पठमो अट्ठसमापत्तिलाभी पुत्थुज्जनो। दुतियो सुक्खविपस्सकअरियसावको। ततियो अट्ठसमापत्तिलाभी अरियसावको। चतुत्थो लोकियमहाजानो वेदितब्बो।

**१८८. अनुसोतगामी**आदीसु — **अनुसोतगामीति** वट्ठसोत्तं अनुगतो, वट्ठसोत्ते निमुगो पुत्थुज्जनो वेदितब्बो। **पटिसोतगामीति** पटिसोतगमनो। अनुसोत्तं अगन्त्वा पटिसोत्तं गच्छन्तस्सेत्तं अधिवचनं। **पापञ्च कम्मं न करोतीति** पज्जत्तं वीतिककमन्तो न करोति। **सहापि दुक्खेन सहापि दोमनस्सेनाति** किलेसपरियुट्ठाने सति उप्पन्नेन दुक्खदोमनस्सेन सद्धिम्पि। **परिपुण्णन्ति** तिस्सन्नं सिक्खानं एकायपि अनूनं। **परिसुद्धन्ति** निरुपक्विकलेसं। **ब्रह्मचरियन्ति** सेट्ठचरियं। इमिना वारेन सोतापन्नसकदागामिनो कथिता। किं पन ते रुदन्ता ब्रह्मचरियं चरन्तीति? आम। किलेसरोदनेन रुदन्ता चरन्ति नाम। सीलसम्पन्नो पुत्थुज्जनभिक्खुपि एत्थेव सङ्गहितो।

**ठितत्तोति** ठितसभावो। **अनागामीति** कामरागव्यापादेहि अकम्पनीयचित्तताय च तम्हा लोका अनावत्तिधम्मताय च ठितसभावो नाम। **तिण्णोति** तण्हासोत्तं उत्तिण्णो। **पारङ्गतोति** निब्बानपारं गतो। **थले तिट्ठतीति** अरहत्तफलसमापत्तिथले तिट्ठति। **चेतोविमुत्तिन्ति** फलसमाधिं। **पज्जाविमुत्तिन्ति** फलजाणं। **अयं वुच्चतीति** अयं खीणासवो “तिण्णो पारङ्गतो थले तिट्ठति ब्राह्मणो”ति वुच्चति। बाहितपापताय हि एस **ब्राह्मणो** नाम।

**१८९. अप्पस्सुतादीसु — अप्पकं सुत्तं होतीति** नवङ्गे सत्थुसासने किञ्चिदेव थोकं सुत्तं होति। **न अत्थमज्जाय, न धम्ममज्जाय धम्मानुधम्मपटिपन्नो होतीति** अट्ठकथञ्च पाळिञ्च जानित्वा लोकुत्तरधम्मस्स अनुरूपधम्मं पुब्बभागपटिपदं पटिपन्नो न होति। इमिना नयेन सब्बत्थ अत्थो वेदितब्बो।

**१९०. समणमचलादीसु — समणमचलोति** समणअचलो, मकारो पदसन्धिकरो। निच्चलसमणो, थिरसमणोति अत्थो। **अयं वुच्चतीति** अयं सोतापन्नो सासने मूलजाताय सद्धाय पतिट्ठितत्ता “समणमचलो”ति वुच्चति। सकदागामी पन रज्जनकिलेसस्स अत्थिताय **समणपदुमोति** वुत्तो। रत्तट्ठो हि इध पदुमट्ठो नामाति वुत्तं। अनागामी कामरागसङ्घातस्स रज्जनकिलेसस्स नत्थिताय **समणपुण्डरीकोति** वुत्तो। पुण्डरीट्ठो हि इध पुण्डरीकट्ठो नामाति वुत्तं। खीणासवो च थद्धभावकरानं किलेसानं अभावेन **समणेसु समणसुखुमालो** नामाति वुत्तो। अप्पदुक्खट्टेनपि चेस समणसुखुमालोयेवाति।

चतुक्कनिहेसवणणा।

#### ५. पञ्चकनिहेसवणणा

**१९१. पञ्चके — तत्राति** तेसु “आरभति च विष्पटिसारी च होती”तिआदिना नयेन हेट्ठा उट्ठिपुग्गलेसु। **व्यायन्ति** यो अयं। **आरभतीति** एत्थ आरम्भसद्धो

कम्मकिरियाहिंसनवीरियविकोपनापत्तिवीतिक्कमेसु वत्तति। तथा हेस “यंकिञ्च दुक्खं सम्भोति, सब्बं आरम्भपच्चया”ति (सु० नि० ७४८) कम्मे आगतो। “महायज्जा महारम्भा, न ते होन्ति महफला”ति (अ० नि० ४.३९) किरियायं। “समणं गोतमं उद्दिस्स पाणं आरभन्ती”ति (म० नि० २.५१-५२) हिंसने। “आरभथ, निक्खमथ, युज्जथ बुद्धसासने”ति (सं० नि० १.१८५) वीरिये। “बीजगामभूतगामसमारम्भा पटिवरतो होती”ति (दी० नि० १.१०, १९४; म० नि० १.२९३) विकोपने। “आरभति च विष्पटिसारी च होती”ति (अ० नि० ५.१४२) अयं पन आपत्तिवीतिक्कमे आगतो। तस्मा आपत्तिवीतिक्कमेवसेन आरभति चेव तप्पच्चया विष्पटिसारी च होतीति अयमेत्थ अत्थो।

**यथाभूतं नप्पजानातीति** अनधिगतत्ता यथासभावतो न जानाति। **यत्थस्साति** यस्मिं अस्स, यं ठानं पत्वा एतस्स पुगलस्स उप्पन्ना पापका अकुसला धम्मा अपरिसेसा निरुज्झन्तीति अत्थो। किं पन पत्वा ते निरुज्झन्तीति? अरहत्तमग्गं। फलप्पत्तस्स पन निरुद्धा नाम होन्ति। एवं सन्तोपि इध मग्गकिच्चवसेन फलमेव वुत्तन्ति वेदितब्बं। **आरम्भजाति** आपत्तिवीतिक्कमसम्भवा। **विष्पटिसारजाति** विष्पटिसारतो जाता। **पवड्डन्तीति** पुनप्पुनं उप्पज्जनेन वड्डन्ति। **साधूति** आयाचनसाधु। इदं वुत्तं होति — याव अपरद्वज्ज वत आयस्मता, एवं सन्तोपि मयं आयस्मन्तं याचाम — “देसेतब्बयुत्तकस्स देसनाय, वुद्धातब्बयुत्तकस्स वुद्धानेन, आविकातब्बयुत्तकस्स आविकिरियाय, आरम्भजे आसवे पहाय, सुदुन्ते ठितभावपच्चवेक्खणेन विष्पटिसारजे आसवे पटिविनोदेत्वा नीहरित्वा विपस्सनाचित्तज्जेव विपस्सनापज्जञ्च भावेतू”ति। **अमुना पच्चमेन पुगलेनाति** एतेन पच्चमेन खीणासवपुगलेन। **समसमो भविस्सतीति** लोकुत्तरगुणेहि समभावेनेव समो भविस्सतीति एवं खीणासवेन ओवदितब्बोति अत्थो।

**आरभति न विष्पटिसारी होतीति** आपत्तिं आपज्जति। तं पन देसेतुं सभागपुगलं परियेसति। तस्मा न विष्पटिसारी होति। अङ्गुत्तरद्वकथायं पन “वुद्धितत्ता न विष्पटिसारी होती”ति वुत्तं। **न आरभति विष्पटिसारी होतीति** आपत्तिं नापज्जति, विनयपज्जत्तियं पन अकोविदत्ता अनापत्तियं आपत्तिसञ्जी हुत्वा विष्पटिसारी होति। अङ्गुत्तरद्वकथायं पन “सकिं आपत्तिं आपज्जित्वा ततो वुद्ध्य पच्छा किञ्चापि नापज्जति, विष्पटिसारं पन विनोदेतुं न सक्कोती”ति वुत्तं। **न आरभति न विष्पटिसारी होतीति** नेव आपत्तिं आपज्जति, न विष्पटिसारी होति। कतमो पनेस पुगलोति? ओस्सद्ववीरियपुगलो। सो हि “किं मे इमस्मिं बुद्धकाले परिनिब्बनेन, अनागते मेतेय्यसम्मासम्बुद्धकाले परिनिब्बायिस्सामी”ति विसुद्धसीलोपि पटिपत्तिं न पूरति। सोपि “किमत्थं आयस्मा पमत्तो विहरति पुथुज्जनस्स नाम गति अनिबद्धा। आयस्मा हि मेतेय्यसम्मासम्बुद्धस्स सम्मुखभावं लभेय्यपि न लभेय्यापीति अरहत्तत्थाय विपस्सनं भावेही”ति ओवदितब्बोव। सेसं सब्बत्थ वुत्तनयेनेव वेदितब्बं।

**१९२.** दत्त्वा अवजानातीति आदीसु — एको भिक्खु महापुज्जो चतुपच्चयलाभी होति। सो चीवरादीनि लभित्वा अज्जं अप्पपुज्जं आपुच्छति। सोपि तस्मिं पुनप्पुनं आपुच्छन्तेपि गण्हातियेव। अथस्स इतरो थोकं कुपितो हुत्वा मङ्कुभावं उप्पादेतुकामो वदति — “अयं अत्तनो धम्मताय चीवरादीनि न लभति, अम्हे निस्साय लभती”ति। एवं पुगलो **दत्त्वा अवजानाति** नाम। एको पन एकेन सद्धिं द्वे तीणि वस्सानि वसन्तो पुब्बे तं पुगलं गरं कत्वा पच्छा गच्छन्ते गच्छन्ते काले चित्तीकारं न करोति, आसनापि न वुद्ध्यति, उपद्धानम्पि न गच्छति। एवं पुगलो **संवासेन अवजानाति** नाम।

**आधेय्यमुखोति** आदितो धेय्यमुखो। पठमवचनस्मियेव ठपितमुखोति अत्थो। **अधिमुच्चिता होतीति** सद्धाता होति। तत्रायं नयो — एको पुगलो सारुण्येव भिक्खुं ‘असारुण्यो एसो’ति कथेति, तं सुत्वा एस निट्ठं गच्छति। पुन अज्जेन सभागेन भिक्खुना ‘सारुण्यो अयं’न्ति वुत्तेपि तस्स वचनं न गण्हाति “असुकेन नाम ‘असारुण्यो अयं’न्ति अम्हाकं कथित”न्ति पुरिमभिक्खुनोव कथं गण्हाति। अपरोपिस्स दुस्सीलं ‘सीलवा’ति कथेति। तस्स वचनं सद्दहित्वा पुन अज्जेन “असारुण्यो एस भिक्खु, नायं तुम्हाकं सन्तिकं उपसङ्कमितुं युत्तो”ति वुत्तोपि तस्स वचनं अग्गहेत्वा पुरिमस्सेव कथं गण्हाति। अपरो वण्णम्पि कथितं गण्हाति, अवण्णम्पि कथितं गण्हातियेव। अयम्पि आधेय्यमुखोयेव नाम। आधातब्बमुखो यं यं सुणाति, तत्थ तत्थ ठपितमुखोति अत्थो।

**लोलोति** सद्धादीनं इत्तरकालडिटिकत्ता अस्सद्धियादीहि लुलितभावेन लोलो। **इत्तरसद्धोति** परित्तसद्धो, अपरिपुण्णसद्धो। सेसेसुपि एसेव नयो। एत्थ पन पुनप्पुनं भजनवसेन सद्धाव **भत्ति**। **पेमं** सद्धापेमं गेहसितपेमम्पि वड्ढति। **पसादो** सद्धापसादोव। **एवं पुगलो लोलो होतीति** एवं इत्तरसद्धादिताय पुगलो लोलो नाम होति। हलिद्विरागो विय, थुसरासिम्हि कोट्टित्खाणुको विय, अस्सपिट्ठियं ठपितकुम्भण्डं विय च अनिबद्धानो मुहुत्तेन पसीदति, मुहुत्तेन कुप्पति।

**मन्दो मोमूहोति** अज्जाणभावेन मन्दो अविसदताय मोमूहो। महामूहोति अत्थो।

**१९३.** योधाजीवूपमेसु — **योधाजीवाति** युद्धपजीविनो। **रजग्गन्ति** हत्थिअस्सादीनं पादप्पहारभिन्नाय भूमिया उग्गतं रजक्खन्धं। **न सन्थम्भतीति** सन्थम्भित्वा ठातुं न सक्कोति। **सहति रजग्गन्ति** रजक्खन्धं दिस्वापि अधिवासेति। **धजग्गन्ति** हत्थिअस्सादिपिट्टेसु वा रथेसु वा उस्सापितानं धजानं अग्गं। **उस्सारणन्ति** हत्थिअस्सरथादीनज्जेव बलकायस्स च उच्चासद्दमहासद्दं। **सम्पहारेति** समागते अप्पमत्तकेपि पहारे। **हज्जतीति** विहज्जति, विघातं आपज्जति। **ब्यापज्जतीति** विपत्तिं आपज्जति, पकतिभावं जहति। **सहति सम्पहारन्ति** द्वे तयो पहारे पत्वापि सहति, अधिवासेति। **तमेव सङ्गामसीसन्ति** तमेव जयखन्धावारद्धानं। **अज्झावसतीति** सत्ताहमत्तं अभिभवित्वा आवसति। किं कारणा? लद्धप्पहारानं पहारजग्गनत्थज्जेव कतकम्मानं विसेसं जत्वा ठानन्तरदानत्थज्ज इस्सरियसुखानुभवनत्थज्ज।

**१९४.** इदानी यस्मा सत्थु योधाजीवेहि किच्चं नत्थि, इमस्मिं पन सासने तथारूपे पच्च पुगले दस्सेतुं इदं ओपम्मं आभत्तं, तस्मा ते पुगले दस्सेन्तो **एवमेवन्ति** आदिमाह।

तत्थ **संसीदतीति** मिच्छावितक्कस्मिं विसीदति, अनुपविसति। **न सक्कोति ब्रह्मचरियं सन्धारेतुन्ति** ब्रह्मचरियवासं अनुपच्छिज्जमानं गोपेतुं न सक्कोति। **सिक्खादुब्बल्यं आविकत्वाति** सिक्खाय दुब्बलभावं पकासेत्वा। **किमस्स रजग्गस्मिन्ति** किं तस्स पुगलस्स रजग्गं नामाति वदति। **अभिरूपाति** अभिरूपवती। **दस्सनीयाति** दस्सनयोग्गा। **पासादिकाति** दस्सनेनेव चित्तप्पसादावहा। **परमायाति** उत्तमाय। **वण्णपोक्खरतायाति** सरीरवण्णेन चेव अङ्गसण्णानेन च।

**१९६.** ऊहसतीति अवहसति। **उल्लपतीति** कथेति। **उज्जग्घतीति** पाणिं पहरित्वा महाहसितं हसति। **उप्पण्डेतीति** उप्पण्डनकथं कथेति।

**१९७.** अभिनिसीदतीति अभिभवित्वा सन्तिके वा एकासने वा निसीदति। दुतियपदेपि एसेव नयो। **अज्झोत्थरतीति** अवत्थरति।

**१९८.** विनिवेठेत्वा विनिमोचेत्वाति गहितद्धानतो तस्स हत्थं विनिवेठेत्वा चेव, मोचेत्वा च। सेसमेत्थ उत्तानत्थमेव।

१९९. पिण्डपातिकेसु — **मन्दत्ता मोमूहत्ता**ति नेव समादानं जानाति, न आनिसंसं; अत्तनो पन मन्दत्ता मोमूहत्ता अज्जाणेनेव पिण्डपातिको होति । **पापिच्छो** **इच्छापकतो**ति पिण्डपातिकेसु मे सतो “अयं पिण्डपातिको”ति चतुपच्चयसक्कारं करिस्सन्ति । लज्जी, अप्पिच्छोतिआदीहि च गुणेहि सम्भावेस्सन्तीति । एवं पापिकाय इच्छाय उत्वा ताय पापिच्छाय अभिभूतो हुत्वा पिण्डपातिको होति । उम्मादवसेन पिण्डाय चरन्तो पन **उम्मादा चित्तविकखेपा पिण्डपातिको** नाम होति । **वण्णितन्ति** इदं पिण्डपातिकङ्गं नाम बुद्धेहि च बुद्धसावकेहि च वण्णितं पसत्थन्ति पिण्डपातिको होति । **अप्पिच्छतंयेव निस्सायाति**आदीसु — “इति अप्पिच्छो भविस्सामि, इदं मे पिण्डपातिकङ्गं अप्पिच्छताय संवत्तिस्सति; ‘इति सन्तुडो भविस्सामि इदं मे पिण्डपातिकङ्गं सन्तुडिया संवत्तिस्सति’; ‘इति किलेसे संलिखिस्सामि’, इदं मे पिण्डपातिकङ्गं किलेससल्लेखनत्थाय संवत्तिस्सती”ति पिण्डपातिको होति । **इदमत्थितन्ति** इमाय कल्याणाय पटिपत्तिया अत्थिकभावं, इमिना वा पिण्डपातमत्तेन अत्थिकभावं । यं यं लब्धं तेन तेनेव यापनभावं निस्सायाति अत्थो । **अग्गो**ति जेड्डको । सेसानि तस्सेव वेवचनानि ।

**गवा खीरन्ति** गावितो खीरं नाम होति, न विना गाविया । **खीरम्हा दधी**तिआदीसुपि एसेव नयो । **एवमेवन्ति** यथा एतेसु पञ्चसु गोरसेसु सप्पिमण्डो अग्गो; एवमेवं इमेसु पञ्चसु पिण्डपातिकेसु ख्यायं अप्पिच्छतादीनि निस्साय पिण्डपातिको होति । अयं अग्गो च सेट्ठो च पामोक्खो च उत्तमो च पवरो च । इमेसु पन पञ्चसु पिण्डपातिकेसु द्वेव जना पिण्डपातिका, तयो न पिण्डपातिका । नाममत्तेन पन पिण्डपातिकाति वेदितव्वा । **खलुपच्छाभत्तिका**दीसुपि एसेव नयोति ।

पञ्चकनिद्देसवण्णना ।

#### ६. छक्कनिद्देसवण्णना

२०२. छक्के — **तत्राति** तेसु छसु पुग्गलेसु । **सम्मासम्बुद्धो तेन दट्ठब्बो**ति सो पुग्गलो तेन अनाचरियकेन अत्तना उप्पादितेन सब्बज्जुतज्जाणेन सब्बज्जुबुद्धो दट्ठब्बो ।

**पच्चेकसम्बुद्धो तेनाति**आदीसुपि तेन पच्चेकसम्बोधिजाणेन सो पुग्गलो पच्चेकसम्बुद्धो । तेन सावकपारमीजाणेन ते पुग्गला सरिपुत्तमोगल्लाना । तेन दुक्खस्स अन्तकरणेन ते पुग्गला अवसेसा अरहन्तो । तेन इत्थत्तं अनागमनेन सो पुग्गलो अनागामी । तेन इत्थत्तं आगमनेन ते पुग्गला सोतापन्नसकदागामिनो दट्ठब्बाति ।

छक्कनिद्देसवण्णना ।

#### ७. सत्तकनिद्देसवण्णना

२०३. सत्तके — **सक्किं निमुग्गो**ति एकवारं निमुग्गो । **एकन्तकाळकेही**ति एकन्तेनेव काळकेहि नत्थिकवादअहेतुकवादअकिरियवादसङ्घातेहि नियतमिच्छादिद्विधम्मेहि । **एवं पुग्गलो**ति इमिना कारणेन पुग्गलो एकवारं निमुग्गो तथा निमुग्गोव होति । एतस्स हि पुन भवतो वुड्ढानं नाम नत्थीति वदन्ति । मक्खलिगोसालादयो विय हेट्ठा नरकगीनयेव आहारो होति ।

**साहु सद्धा कुसलेसु धम्मेसूति** कुसलधम्मेसु सद्धा नाम साधुलद्धिकाति उम्मुज्जति । सो तावतकेनेव कुसलेन उम्मुज्जति नाम । **साधु हिरी**तिआदीसुपि एसेव नयो । **हायतियेवाति** चङ्खवारे आसित्तउदकं विय एकन्तेन परिहायतेव । **एवं पुग्गलो**ति एवं साहु सद्धाति । इमेसं सद्धादीनं वसेन एकवारं उम्मुज्जित्वा तेसं परिहानिया पुन निमुज्जतियेव, देवदत्तादयो विय । देवदत्तो हि अट्ठ समापत्तियो, पञ्च च अभिज्जायो निब्बत्तेत्वापि पुन बुद्धानं पटिकण्टकताय तेहि गुणेहि परिहीनो रुहिरुप्पादकम्मं सङ्गभेदकम्मञ्च कत्वा कायस्स भेदा दुतियचित्तवारेन निरये निब्बत्ति । कोकालिको द्वे अग्गसावके उपवदित्वा पदुमनिरये निब्बत्तो ।

**नेव हायति नो वड्ढतीति** अप्पहोनककालेपि न हायति, पहोनककालेपि न वड्ढति । उभयम्पि पनेतं अगारिकेनपि अनगारिकेनपि दीपेतब्बं । एकच्चो हि अगारिको अप्पहोनककाले पक्खिकभत्तं वा सलाकभत्तं वा वस्सावासिकं वा उपनिबन्धापेति । सो पच्छा पहोनककालेपि पक्खिकभत्तादिमत्तमेव पवत्तेति । अनगारिकोपि आदिमिह अप्पहोनककाले उद्देसं वा धुतङ्गं वा गण्हाति, मेधाबलवीरियसम्पत्तिया पहोनककालेपि ततो उत्तरिं न करोति । **एवं पुग्गलो**ति एवं इमाय सद्धादीनं ठितिया पुग्गलो उम्मुज्जित्वा ठितो नाम होति ।

**उम्मुज्जित्वा विपस्सति विलोकेतीति** सोतापन्नो पुग्गलो उड्ढित्वा गमनमगं गन्तब्बं दिसं वा आलोकेति नाम ।

**उम्मुज्जित्वा पतरतीति** सकदागामिपुग्गलो किलेसतनुताय उड्ढित्वा गन्तब्बदिसाभिमुखो पतरति नाम ।

**पतिगाधप्पत्तो होतीति** अनागामिपुग्गलो उड्ढाय विलोकेत्वा पतरित्वा गन्त्वा एकस्मिं ठाने पतिट्ठापत्तो नाम होति, तिड्ढति, न पुनागच्छति ।

**तिण्णो पारङ्गतो थले तिड्ढतीति** सब्बकिलेसोयं तरित्वा परतीरं गन्त्वा निब्बानथले ठितो नाम होति । इमे पन सत्त पुग्गला उदकोपमेन दीपिता ।

सत्त किर जङ्घवाणिजा अद्धानमग्गपटिपन्ना अन्तरामग्गे एकं पुण्णनदिं पापुणिसु । तेसु पठमं ओतिण्णो उदकभीरुको पुरिसो ओतिण्णद्वानेयेव निमुज्जित्वा पुन उड्ढातुं नासक्खि, अन्तोयेव मच्छकच्छपभक्खो जातो । दुतियो ओतिण्णद्वाने निमुज्जित्वा सक्किं उड्ढित्वा पुन निमुग्गो उड्ढातुं नासक्खि, अन्तोयेव मच्छकच्छपभक्खो जातो । ततियो निमुज्जित्वा उड्ढहि । सो मज्जे नदिया उत्वा नेव ओरतो आगन्तुं, न परतो गन्तुं असक्खि । चतुत्थो उड्ढाय ठितो उत्तरणतित्थं ओलोकेसि । पञ्चमो ओतरणतित्थं ओलोकेत्वा पतरि । छट्ठो तरित्वा पारिमतीरं गन्त्वा कटिप्पमाणे उदके ठितो । सत्तमो पारिमतीरं गन्त्वा गन्धचुण्णादीहि न्हात्वा वरवत्थानि निवासेत्वा सुरभिविलेपनं विलिम्पित्वा नीलुप्पलादीनि पिळ्ळित्वा नानालङ्कारपटिमण्डितो महानगरं पविसित्वा पासादवरमारुह उत्तमभोजनं भुज्जि ।

तत्थ सत्त जङ्घवाणिजा विय इमे सत्त पुग्गला । नदी विय वट्ठं । पठमस्स उदकभीरुकस्स पुरिसस्स ओतिण्णद्वानेयेव निमुज्जनं विय मिच्छादिद्विकस्स वट्ठे निमुज्जनं । उम्मुज्जित्वा निमुग्गपुरिसो विय सद्धादीनं उप्पत्तिमत्तकेन उम्मुज्जित्वा तेसं परिहानिया निमुग्गपुग्गलो । मज्जे नदिया ठितो विय सद्धादीनं ठितिया ठितपुग्गलो । उत्तरणतित्थं

ओलोकेन्तो विय गन्तब्बमगं गन्तब्बदिसं वा ओलोकेन्तो सोतापन्नो । पतरितपुरिसो विय किलेसतनुताय पतरन्तो सकदागामी । तरित्वा कटिमत्ते उदके ठितपुरिसो विय अनावत्तितधम्मताय ठितो अनागामी । न्हत्वा पारिमतीरं उत्तरित्वा थले ठितपुरिसो विय चत्तारो ओधे अतिक्कमित्वा निब्बानथले ठितो खीणासवब्राह्मणो । थले ठितपुरिसस्स नगरं पविसित्वा पासादवरं आरुह्य उत्तमभोजनभुञ्जनं विय खीणासवस्स निब्बानारम्मणं फलसमापत्तिं अप्पेत्वा वीतिनामनं वेदितब्बं । उभतोभागविमुत्तादयो हेट्ठा पकासितायेवाति ।

सत्तकनिद्देसवण्णना ।

२०७. अट्ठकनवकनिद्देसापि हेट्ठा वुत्तनयेनेव वेदितब्बा ।

## १०. दसकनिद्देसवण्णना

२०९. दसकनिद्देसे — इधाति कामावचरभूमियं । कामावचरभूमियज्झि सत्तक्खत्तुपरमादीनं कामावचरभूमियज्जेव निट्ठा होति । कामावचरत्तभावेनेव अरहत्तप्पत्तिं च अनुपादिसेसनिब्बानप्पत्तिं च होतीति अत्थो ।

इध विहायाति इध कामावचरे अत्तभावे विहाय सुद्धावासत्तभावे ठितानं निट्ठा होतीति अत्थो । अन्तरापरिनिब्बायिआदयो हि इध अनागामिफलं पत्त्वा इतो चुता सुद्धावासेसु उप्पज्जित्वा तेन अत्तभावेन अरहत्तज्जेव अनुपादिसेसनिब्बानधातुञ्च पापुणन्ति । तेन वुत्तं — “इमेसं पञ्चन्नं इध विहाय निट्ठा”ति ।

दसकनिद्देसवण्णना ।

## निगमनकथा

एत्तावता च —

यं वे पुग्गलपञ्जत्तिं, लोके अप्पटिपुग्गलो ।  
नातिसङ्खेपतो सत्था, देसेसि तिदसालये ॥

तस्सा अट्ठकथज्जेव, दीपभासाय सङ्कत्तं ।  
आगमट्ठकथायो च, ओगाहेत्वा असेसतो ॥

सुविभत्तो अर्सकिण्णो, यो यो अत्थो यहिं यहिं ।  
ततो ततो तं गहेत्वा, पहाय अतिवित्थारं ॥

विसुद्धिमग्गे यं वुत्तं, तं अनादाय सङ्कत्ता ।  
नातिसङ्खेपवित्थार-नयेनट्ठकथा अयं ॥

तं एतं सत्तमत्तेहि, भाणवारेहि तन्तिया ।  
चिरट्ठितत्थं धम्मस्स, सङ्खारोत्तेन यं मया ॥

सम्पत्तं कुसलं तेन, सद्धम्मं सुखुमं सिवं ।  
ओलोकेन्तु विसुद्धेन, पाणयो धम्मचक्खुनाति ॥

पुग्गलपञ्जत्ति-अट्ठकथा निट्ठिता ।

॥ नमो तस्स भगवतो अरहतो सम्मासम्बुद्धस्स ॥

## अभिधम्मपिटके

### कथावत्थु-अट्ठकथा

निसिन्नो देवलोकस्मिं, देवसङ्घपुरक्खतो ।  
सदेवकस्स लोकस्स, सत्था अप्पटिपुग्गलो ॥

सब्बपञ्जत्तिकुसलो, पञ्जत्तिपरिदीपनं ।  
वत्त्वा पुग्गलपञ्जत्तिं, लोके उत्तमपुग्गलो ॥



यं पुगलकथादीनं, कथानं वत्थुभावतो।  
कथावत्थुप्पकरणं, सङ्खेपेन अदेसयी॥

मातिकाठपनेनेव, ठपितस्स सुरालये।  
तस्स मोग्गलिपुत्तेन, विभत्तस्स महीतले॥

इदानीं यस्मा सम्पत्तो, अत्थसंवण्णनाक्कमो।  
तस्मा नं वण्णयिस्सामि, तं सुणाथ समाहिताति॥

## निदानकथा

यमकपाटिहीरावसानस्मिज्झि भगवा त्तिदसपुरे पारिच्छत्तकमूले पण्डुकम्बलसिलायं वस्सं उपगन्त्वा मातरं कायसक्खिं कत्वा देवपरिसाय अभिधम्मकथं कथेन्तो धम्मसङ्गणीविभङ्गधातुकथापुगलपञ्जत्तिप्पकरणानि देसयित्वा कथावत्थुदेसनाय वारे सम्पत्ते “अनागते मम सावको महापज्जो **मोग्गलिपुत्तत्तिस्सत्थेरो** नाम उप्पन्नं सासनमलं सोधेत्वा तत्तियसङ्गीतिं करोन्तो भिक्खुसङ्घस्स मज्झे निसिन्नो सकवादे पञ्च सुत्तसतानि परवादे पञ्चाति सुत्तसहस्सं समोधानेत्वा इमं पकरणं भाजेस्सती” त्ति तस्सोकासं करोन्तो या चेसा पुगलवादे ताव चतूसु पज्जेसु द्विन्नं पञ्चकानं वसेन अट्टमुखा वादयुत्ति, तं आदिं कत्वा सब्बकथामग्गेसु असम्पुण्णभाणवारमत्ताय तन्तिना मात्तिकं ठपेसि। अथावसेसं अभिधम्मकथं वित्थारनयेनेव कथेत्वा वुत्थवस्सो सुवण्णरजतसोपानमज्जे मणिमयेन सोपानेन देवलोकतो सङ्कस्सनगरे ओरुह सत्तहितं सम्पादेन्तो यावतायुक्कं ठत्वा अनुपादिसेसाय निब्बानधातुया परिनिब्बायि।

अथस्स महाकस्सपप्पमुखो वसीगणो अजातसत्तुराजानं सहायं गहेत्वा धम्मविनयसरीरं सङ्गहं आरोपेसि। ततो वस्ससतस्स अच्चयेन वज्जिपुत्तका भिक्खू दस वत्थूनि दीपयिंसु। तानि सुत्वा काकण्डकस्स ब्राह्मणस्स पुत्तो यसत्थेरो सुसुनागपुत्तं कालासोकं नाम राजानं सहायं गहेत्वा द्वादसन्नं भिक्खुसतसहस्सानं अन्तरे सत्तथेरसतानि उच्चिनित्वा तानि दसवत्थूनि मद्दित्वा धम्मविनयसरीरं सङ्गहं आरोपेसि।

तेहि पन धम्मसङ्गाहकत्थेरेहि निग्गहिता दससहस्सा वज्जिपुत्तका भिक्खू पक्खं परियेसमाना अत्तनो अनुरूपं दुब्बलपक्खं लभित्वा विसुं महासङ्घिकाचरियकुलं नाम अकंसु। ततो भिज्जित्वा अपरानि द्वे आचरियकुलानि जातानि — गोकुलिका च एकब्बोहारिका च। गोकुलिकनिकायतो भिज्जित्वा अपरानि द्वे आचरियकुलानि जातानि — पण्णत्तिवादा च बाहुलिया च। बहुस्सुत्तिकातिपि तेसंयेव नामं। तेसंयेव अन्तरे चेतियवादा नाम अपरे आचरियवादा उप्पन्ना। एवं महासङ्घिकाचरियकुलतो दुतिये वस्ससते पञ्चाचरियकुलानि उप्पन्नानि। तानि महासङ्घिकेहि सङ्घि छ होन्ति।

तस्मिंयेव दुतिये वस्ससते थेरवादतो भिज्जित्वा द्वे आचरियवादा उप्पन्ना — महिसासका च वज्जिपुत्तका च। तत्थ वज्जिपुत्तकवादतो भिज्जित्वा अपरे चत्तारो आचरियवादा उप्पन्ना — धम्मत्तरिया, भद्रयानिका, छन्नागारिका, समित्तियाति। पुन तस्मिंयेव दुतिये वस्ससते महिसासकवादतो भिज्जित्वा सब्बत्थिवादा धम्मगुत्तिकाति द्वे आचरियवादा उप्पन्ना। पुन सब्बत्थिवादकुलतो भिज्जित्वा कस्सपिका नाम जाता। कस्सपिकेसु भिन्नेसु अपरे सङ्कन्तिका नाम जाता। सङ्कन्तिकेसु भिन्नेसु सुत्तवादा नाम जाताति थेरवादतो भिज्जित्वा इमे एकादस आचरियवादा उप्पन्ना। ते थेरवादेहि सङ्घि द्वादस होन्ति। इति इमे च द्वादस, महासङ्घिकानञ्च छ आचरियवादाति सब्बेव अट्टारस आचरियवादा दुतिये वस्ससते उप्पन्ना। अट्टारस निकायातिपि, अट्टारसाचरियकुलानीतिपि एतेसंयेव नामं। एतेसु पन सत्तरस वादा भिन्नका, थेरवादो असम्भिन्नकोति वेदितब्बो। वुत्तम्पि चेत्तं **दीपवंसे** —

“निककङ्किता पापभिक्खू, थेरेहि वज्जिपुत्तका।  
अज्जं पक्खं लभित्वान, अधम्मवादी बहू जना॥

“दससहस्सा समागन्त्वा, अकंसु धम्मसङ्गहं।  
तस्मायं धम्मसङ्गीति, महासङ्गीति वुच्चति॥

“महासङ्गीतिका भिक्खू, विलोमं अकंसु सासने।  
भिन्दित्वा मूलसङ्गहं, अज्जं अकंसु सङ्गहं॥

“अज्जत्र सङ्गहिता सुत्तं, अज्जत्र अकरिंसु ते।  
अत्थं धम्मञ्च भिन्दिंसु, विनये निकायेसु च पञ्चसु॥

“परियायदेसितञ्चापि, अथो निप्परियायदेसितं।  
नीतत्थञ्चेव नेय्यत्थं, अजानित्वान भिक्खवो॥

“अज्जं सन्थाय भणितं, अज्जं अत्थं ठपयिंसु ते।  
व्यज्जनच्छायाय ते भिक्खू, बहू अत्थं विनासयुं॥

“छट्ठेत्तान एकदेसं, सुत्तं विनयगम्भीरं।  
पतिरूपं सुत्तं विनयं, तज्ज अज्जं करिंसु ते॥

“परिवारं अत्युद्धारं, अभिधम्मं छप्पकरणं ।  
पटिसम्भदञ्च निदेसं, एकदेसञ्च जातकं ॥

“एतकं विस्सज्जित्वान, अज्जानि अकरिंसु ते ।  
नामं लिङ्गं परिखारं, आकप्पकरणानि च ॥

“पकतिभावं जहित्वा, तञ्च अज्जं अकंसु ते ।  
पुब्बङ्गमा भिन्नवादा, महासङ्गीतिकारका ॥

“तेसञ्च अनुकारेन, भिन्नवादा बहू अहु ।  
ततो अपरकालमिह, तस्मिं भेदो अजायथ ॥

“गोकुलिका एकव्योहारि, द्विधा भिज्जित्थ भिक्खवो ।  
गोकुलिकानं द्वे भेदा, अपरकालमिह जायथ ॥

“बहुस्सुतिका च पज्जति, द्विधा भिज्जित्थ भिक्खवो ।  
चेतिया च पुनवादी, महासङ्गीतिभेदका ॥

“पञ्चवादा इमे सब्बे, महासङ्गीतिमूलका ।  
अत्थं धम्मञ्च भिन्दिंसु, एकदेसञ्च सङ्गहं ॥

“गन्थञ्च एकदेसज्झि, छुट्टेत्वा अज्जं अकंसु ते ।  
नामं लिङ्गं परिखारं, आकप्पकरणानि च ॥

“पकतिभावं जहित्वा, तञ्च अज्जं अकंसु ते ।  
विसुद्धत्थेरवादमिह, पुन भेदो अजायथ ॥

“महिसासका वज्जिपुत्तका, द्विधा भिज्जित्थ भिक्खवो ।  
वज्जिपुत्तकवादमिह, चतुधा भेदो अजायथ ॥

“धम्मत्तरिका भदयानिका, छन्नागारिका च समिति ।  
महिसासकानं द्वे भेदा, अपरकालमिह अजायथ ॥

“सब्बत्थिवादा धम्मगुत्ता, द्विधा भिज्जित्थ भिक्खवो ।  
सब्बत्थिवादानं कस्सपिका, सङ्कन्तिकस्सपिकेन च ॥

“सङ्कन्तिकानं सुत्तवादी, अनुपुब्बेन भिज्जथ ।  
इमे एकादस वादा, सम्भिन्ना थेरवादतो ॥

“अत्थं धम्मञ्च भिन्दिंसु, एकदेसञ्च सङ्गहं ।  
गन्थञ्च एकदेसज्झि, छुट्टेत्वा अज्जं अकंसु ते ॥

“नामं लिङ्गं परिखारं, आकप्पकरणानि च ।  
पकतिभावं जहित्वा, तञ्च अज्जं अकंसु ते ॥

“सत्तरस भिन्नवादा, एकवादो अभिन्नको ।  
सब्बेवद्धारस होन्ति, भिन्नवादेन ते सह ॥

“निग्रोधोव महारुक्खो, थेर वादानमुत्तमो ।  
अनूनं अनधिकञ्च, केवलं जिनसासने ॥

“सन्तका विय रुक्खमिह, निब्बत्ता वादसेसका ।  
पठमे वस्ससते नत्थि, दुतिये वस्ससतन्तरे ।  
भिन्ना सत्तरस वादा, उप्पन्ना जिनसासने”ति ॥

अपरापरं पन हेमवतिका, राजगिरिका, सिद्धत्थिका, पुब्बसेलिया, अपरसेलिया, वाजिरियाति अज्जेपि छ आचरियवादा उप्पन्ना। ते इध अनधिपेता। पुरिमकानं पन अट्टारसन्नं आचरियवादानं वसेन पवत्तमाने सासने पटिलद्धसद्धो असोको धम्मराजा दिवसे दिवसे बुद्धपूजाय सतसहस्सं, धम्मपूजाय सतसहस्सं, सङ्खपूजाय सतसहस्सं, अत्तनो आचरियस्स निग्रोधत्थेरस्स सतसहस्सं, चतूसु द्वारेसु भेसज्जत्थाय सतसहस्सन्ति पञ्चसतसहस्सानि परिच्चजन्तो सासने उळारं लाभसक्कारं पवत्तेसि।

तित्थिया हतलाभसक्कारा अन्तमसो घासच्छादनमत्तम्पि अलभन्ता लाभसक्कारं पत्थयमाना भिक्खूसु पब्बजित्वा सकानि सकानि दिट्ठिगतानि — “अयं धम्मो, अयं विनयो, इदं सत्थुसासनं”न्ति दीपेन्ति। पब्बज्जं अलभमानापि सयमेव केसे छिन्दित्वा कासायानि वत्थानि अच्छादेत्वा विहारेसु विचरन्ता उपोसथकम्मादिकरणकाले सङ्खमज्झं पविसन्ति। ते भिक्खुसङ्घेन धम्मेन विनयेन सत्थुसासनेन निगगहमानापि धम्मविनयानुलोमाय पटिपत्तिया असण्ठहन्ता अनेकरूपं सासनस्स अब्बुदञ्च मलञ्च कण्टकञ्च समुट्ठापेन्ति। केचि अग्गिं परिचरन्ति, केचि पञ्चातपे तपन्ति, केचि आदिच्चं अनुपरिवत्तन्ति, केचि “धम्मञ्च विनयञ्च वोभिन्दिस्सामा”ति तथा तथा पग्गण्हेंसु। तदा भिक्खुसङ्घो न तेहि सद्धिं उपोसथं वा पवारणं वा अकासि। असोकारामे सत्त वस्सानि उपोसथो उपच्छिज्जि।

राजा “आणाय कारेस्सामी”ति वायमन्तोपि कारेतुं नासक्खि, अज्जदत्थु दुग्गहितगाहिना बालेन अमच्चेन अनेकेसु भिक्खूसु जीविता वोरोंपितेसु विप्पटिसारी अहोसि। सो तञ्च विप्पटिसारं तञ्च सासने उप्पन्नं अब्बुदं वूपसमेतुकामो “को नु खो इमस्मिं अत्थे पटिबलो”ति सङ्खं पुच्छित्वा “मोग्गलिपुत्ततित्थेरों, महाराजा”ति सुत्वा सङ्खस्स वचनेन अहोगङ्गापब्बततो थेरं पक्कोसापेत्वा इद्धिपाटिहारियदस्सनेन थेरस्स आनुभावे निब्बिचिकिच्छो अत्तनो कुक्कुच्चं पुच्छित्वा विप्पटिसारं वूपसमेसि। थेरोपि तं राजुय्यानेयेव वसन्तो सत्त दिवसानि समयं उग्गण्हापेसि। सो उग्गहितसमयो सत्तमे दिवसे असोकारामे भिक्खुसङ्खं सन्निपातापेत्वा साणिपाकारं परिक्रिपापेत्वा साणिपाकारन्तरे निसिन्नो एकलद्धिके एकलद्धिके भिक्खू एकतो एकतो कारेत्वा एकमेकं भिक्खुसमूहं पक्कोसापेत्वा पुच्छि — “भन्ते, किवादी सम्मासम्बुद्धो”ति? ततो सस्सतवादिनो — “सस्सतवादी”ति आहंसु। एकच्चसस्सतिका, अन्तान्तिका, अमराविकखेपिका, अधिच्चसमुप्पन्निका, सज्जीवादा, असज्जीवादा, नेवसज्जीनासज्जीवादा, उच्छेदवादा, दिट्ठधम्मनिब्बानवादा — “दिट्ठधम्मनिब्बानवादी”ति आहंसु। राजा पठममेव समयस्स उग्गहितत्ता नयिमे भिक्खू अज्जतित्थिया इमेति जत्वा तेसं सेतकानि वत्थानि दत्वा उप्पब्बाजेसि। ते सब्बेपि सद्धिसहस्सा अहेसुं।

अथज्जे भिक्खू पक्कोसापेत्वा पुच्छि — “किवादी, भन्ते, सम्मासम्बुद्धो”ति? “विभज्जवादी, महाराजा”ति। एवं वुत्ते राजा थेरं पुच्छि — “विभज्जवादी, भन्ते, सम्मासम्बुद्धो”ति? “आम, महाराजा”ति। ततो राजा “सुद्धं दानि, भन्ते, सासनं, करोतु भिक्खुसङ्घो उपोसथं”न्ति आरक्खं दत्वा नगरं पाविसि। समग्गो सङ्घो सन्निपत्तित्वा उपोसथं अकासि। तस्मिं सन्निपाते सद्धिभिक्खुसतसहस्सानि अहेसुं। तस्मिं समागमे मोग्गलिपुत्ततित्थेरों यानि च तदा उप्पन्नानि वत्थूनि, यानि च आर्याति उप्पज्जिस्सन्ति, सब्बेसम्पि तेसं पटिबाहनत्थं सत्थारा दिन्ननयवसेनेव तथागतेन ठपितमातिकं विभजन्तो सकवादे पञ्च सुत्तसतानि परवादे पञ्चाति सुत्तसहस्सं आहरित्वा इमं परप्पवादमथनं आयतिलक्खणं कथावत्थुप्पकरणं अभासि।

ततो सद्धिसतसहस्ससङ्ख्येसु भिक्खू उच्चिनित्वा तिपिटकपरियत्तिधरानं पभिन्नपटिसम्भिदानं भिक्खूनं सहस्समेकं गहेत्वा यथा महाकस्सपत्थेरो च यस्सत्थेरो च धम्मञ्च विनयञ्च सङ्गायिंसु; एवमेव सङ्गायन्तो सासनमलं विसोधेत्वा ततियसङ्गीतिं अकासि। तत्थ अभिधम्मं सङ्गायन्तो इमं यथाभासितं पकरणं सङ्गहं आरोपेसि। तेन वुत्तं —

“यं पुग्गलकथादीनं, कथानं वत्थुभावतो।  
कथावत्थुप्पकरणं, सङ्खेपेन अदेसयी॥

“मातिकाठपनेनेव, ठपितस्स सुरालये।  
तस्स मोग्गलिपुत्तेन, विभत्तस्स महीतले॥

“इदानि यस्मा सम्पत्तो, अत्थसंवण्णनावकमो।  
तस्मा नं वण्णयिस्सामि, तं सुणाथ समाहिता”ति॥

निदानकथा निट्ठिता।

महावग्गो

## १. पुग्गलकथा

### १. सुद्धसच्चिकट्टो

#### १. अनुलोमपच्चनीकवण्णना

१. तत्थ पुग्गलो उपलब्धति सच्चिकट्टपरमत्थेनाति अयं पुच्छा। आमन्ताति अयं पटिजानना। कस्स पनायं पुच्छा, कस्स पटिजाननाति? असुकस्साति न वत्तब्बा। भगवता हि इमस्मिं पकरणे नानप्पकारानं लद्धीनं विसोधनत्थं तन्तिवसेन मातिका ठपिता। सा थेरेन सत्थारा दिन्ननये ठत्वा तन्तिवसेन विभत्ता। न हि थेरो यत्तका एत्थ वादमग्गा दस्सिता, तत्तकेहि वादीहि सद्धिं वादेन विग्गाहिककथं कथेसि। एवं सन्तोपि पन तासं तासं कथानं अत्थस्स सुखावधारणत्थं सकवादीपुच्छा, परवादीपुच्छा, सकवादीपटिज्जा, परवादीपटिज्जाति एवं विभागं दस्सेत्वाव अत्थवण्णनं करिस्सामि।

पुग्गलो उपलब्धति सच्चिकट्टपरमत्थेनाति हि अयं सकवादीपुच्छा। ताय “ये अत्थि पुग्गलोति एवंलद्धिका पुग्गलवादिनो, ते एवं पुच्छितब्बा”ति दीपेति। के पन पुग्गलवादिनोति? सासने वज्जिपुत्तका चेव समितिया च बहिद्धा च बहू अज्जतित्थिया। तत्थ पुग्गलोति अत्ता, सत्तो जीवो। उपलब्धतीति पज्जाय उपगन्त्वा लब्धति,

जायतीति अत्थो। **सच्चिकट्टुपरमत्थेनाति** एत्थ **सच्चिकट्टो**ति मायामरीचिआदयो विय अभूताकारेन अगगहेतब्बो भूतट्ठो। **परमत्थो**ति अनुस्सवादिक्सेन अगगहेतब्बो उत्तमत्थो। उभयेनापि यो परतो “पुग्गलो उपलब्धति सच्चिकट्टुपरमत्थेन, रूपञ्च उपलब्धती”ति आदिना खन्धायतनधातुइन्द्रियवसेन सत्तपञ्जासविधो धम्मपभेदो दस्सितो। यथा सो भूतेन सभावट्ठेन उपलब्धति, एवं तव पुग्गलो उपलब्धतीति पुच्छति। परवादी **आमन्ता**ति पटिजानाति। पटिजाननञ्चि कत्थचि “आम, भन्ते”ति आगच्छति, कत्थचि “आमो”ति पटिजाननं आगच्छति। इध पन “आमन्ता”ति आगतं। तत्रायं अधिप्पायो — सो हि यं तं परतो वुत्तं भगवता — “अत्थि पुग्गलो अत्तहिताय पटिपन्नो”ति सुत्तं आगतं, तं गहेत्वा यस्मा पन भगवा सच्चवादी न विसंवादनपुरेक्खारो वाचं भासति, नापि अनुस्सवादिक्सेन धम्मं देसेति, सदेवकं पन लोकं सयं अभिञ्जा सच्चिकत्वा पवेदेति, तस्मा यो तेन वुत्तो “अत्थि पुग्गलो अत्तहिताय पटिपन्नो”ति, सो सच्चिकट्टुपरमत्थेनेव अत्थीति लद्धि गहेत्वा “आमन्ता”ति पटिजानाति।

अथस्स तादिसस्स लेसवचनस्स छलवादस्स ओकासं अददमानो सकवादी **यो सच्चिकट्टो**तिआदिमाह। तत्रायं अधिप्पायो — ख्यायं परतो “सप्पच्चयो अप्पच्चयो, सङ्कतो असङ्कतो, सस्सतो, असस्सतो सनिमित्तो अनिमित्तो”ति एवं परिदीपितो रूपादिसत्तपञ्जासविधो धम्मपभेदो आगतो; न सम्मुतिसच्चवसेन, नापि अनुस्सवादिक्सेन गहेतब्बो। अत्तनो पन भूतताय एव सच्चिकट्टो, अत्तपच्चक्खताय च परमत्थो। तं सन्धायाह — “यो सच्चिकट्टो परमत्थो, ततो सो पुग्गलो उपलब्धति सच्चिकट्टुपरमत्थेना”ति।

**ततो**ति करणवचनमेतं, तस्मा तेन सच्चिकट्टुपरमत्थेन सो पुग्गलो उपलब्धतीति अयमेत्थ अत्थो। इदं वुत्तं होति — रुप्पनादिभेदेन वा सप्पच्चयादिभेदेन वा आकारेन यो सच्चिकट्टुपरमत्थो उपलब्धति, किं ते पुग्गलोपि तेनाकारेन उपलब्धतीति? **न हेवं वत्तब्बे**ति अवजानना परवादस्स। सो हि तथारूपं पुग्गलं अनिच्छन्तो अवजानाति। तत्रायं पदच्छेदो — **न हि एवं वत्तब्बे**ति, न हि एवन्तिपि वड्ढति। द्विन्मिपि एवं न वत्तब्बोति अत्थो।

**आजानाहि निग्गहन्ति** सकवादिवचनं। यस्मा ते पुरिमाय वत्तब्बपटिञ्जाय पच्छिमा नवत्तब्बपटिञ्जा, पच्छिमाय च पुरिमा न सन्धियति, तस्मापि निग्गहं पत्तो। तं निग्गहं दोसं अपराधं सम्पटिच्छाहीति अत्थो। एवं निग्गहं आजानापेत्वा इदानीं तं ठपनाय चेव अनुलोमपटिलोमतो पापनारोपनानञ्च वसेन पाकटं करोन्तो **हञ्चि पुग्गलो**तिआदिमाह। तत्थ **हञ्चि पुग्गलो उपलब्धतीति** यदि पुग्गलो उपलब्धति, सचे पुग्गलो उपलब्धति सच्चिकट्टुपरमत्थेनाति अत्थो। अयं ताव परवादीपक्खस्स ठपनतो निग्गहपापनारोपनानं लक्खणभूता अनुलोमठपना नाम। **तेन वत रेति**आदि अनुलोमपक्खे निग्गहस्स पापितत्ता अनुलोमपापना नाम। तत्थ **तेनाति** कारणवचनं। **वताति** ओकप्पनवचनं। **रेति** आमन्तनवचनं। इदं वुत्तं होति — तेन, रे वत्तब्बे वत, रे हम्मो, भद्रमुख, तेन कारणेन वत्तब्बोयेवाति। **यं तत्थ वदेसीति**आदि अनुलोमपक्खे निग्गहस्स आरोपितत्ता अनुलोमरोपना नाम। यं तस्स परियोसाने मिच्छातिपदं तस्स पुरतो इदं तेति आहरितब्बं। इदं ते मिच्छाति अयञ्हेत्थ अत्थो। परतो च पाळियं एतं आगतमेव।

**नो चे पन वत्तब्बे**तिआदि “न हेवं वत्तब्बे”ति पटिक्खित्तपक्खस्स ठपितत्ता पटिलोमतो निग्गहपापनारोपनानं लक्खणभूता पटिलोमठपना नाम। **नो च वत रेति**आदि पटिलोमपक्खे निग्गहस्स पापितत्ता पटिलोमपापना नाम। पुन **यं तत्थ वदेसीति**आदि पटिलोमपक्खे निग्गहस्स आरोपितत्ता पटिलोमरोपना नाम। इथापि परियोसाने मिच्छातिपदस्स पुरतो इदं तेति आहरितब्बमेव। परतोपि एवरूपेसु ठानेसु एसेव नयो।

तत्रायं आदितो पट्टाय सङ्केपत्थो — यदि पुग्गलो उपलब्धति सच्चिकट्टुपरमत्थेन, तेन वत भो सो उपलब्धतीति वत्तब्बो। यं पन तत्थ वदेसि “वत्तब्बो खो पुरिमपञ्जे ‘सच्चिकट्टुपरमत्थेन उपलब्धती’ति, नो च वत्तब्बो दुतियपञ्जे ‘ततो सो पुग्गलो उपलब्धती’”ति, इदं ते मिच्छाति एवं ताव अनुलोमतो ठपनापापनारोपना होन्ति। अथ न वत्तब्बो दुतियपञ्जे “ततो सो उपलब्धती”ति, पुरिमपञ्जेपि न वत्तब्बोव। यं पनेत्थ वदेसि “वत्तब्बो खो पुरिमपञ्जे ‘सच्चिकट्टुपरमत्थेन उपलब्धती’ति, नो च वत्तब्बो दुतियपञ्जे ‘ततो सो पुग्गलो उपलब्धती’”ति, इदं ते मिच्छाति एवं पटिलोमतो ठपनापापनारोपना होन्ति। एवमेतं निग्गहस्स च अनुलोमपटिलोमतो चतुन्नं पापनारोपनानञ्च वुत्तत्ता उपलब्धतीतिआदिकं अनुलोमपञ्चकं नाम। एत्थ च किञ्चापि अनुलोमतो पापनारोपनाहि एको, पटिलोमतो पापनारोपनाहि एकोति द्वे निग्गहा कता। ‘आजानाहि निग्गहन्ति एतस्सेव पनेत्थ पुग्गलो उपलब्धतीति पठमं वादं निस्साय पठमस्स निग्गहस्स द्वीहाकारेहि आरोपितत्ता एकोवायं निग्गहोति पठमो निग्गहो।

२. इदानीं पच्चनीकनयो होति। तत्थ पुच्छा परवादस्स। सो हि “अत्थि पुग्गलो अत्तहिताय पटिपन्नो”ति गहितत्ता “नुपलब्धती”ति असम्पटिच्छन्तो एवं पुच्छति। सकवादी यथा रूपादिधम्मा उपलब्धन्ति, एवं अनुपलब्धनीयतो **आमन्ता**ति पटिजानाति। पुन इतो अत्तना अधिप्पेतं सच्चिकट्टुयेव सन्धाय **यो सच्चिकट्टो**तिआदिमाह। सम्मुतिसच्चपरमत्थसच्चानि वा एकतो कत्वापि एवमाह। सकवादी ‘पुग्गलो’ति उपादापञ्जितसम्भावतोपि द्विन्नं सच्चानं एकतो कत्वा पुच्छितत्तापि न हेवन्ति पटिक्खित्तापि।

इदानीं किञ्चापि तेन पठमं परमत्थसच्चवसेन नुपलब्धनीयता सम्पटिच्छिता, पच्छा सम्मुतिसच्चवसेन वोमिस्सकवसेन वा पटिक्खिता। परवादी पन ‘नुपलब्धती’ति वचनसामञ्जसत्तं छलवादं निस्साय यं तथा पठमं पटिञ्जातं, तं पच्छा पटिक्खित्तन्ति भण्डनस्स पटिभण्डनं विय अत्तनो कतस्स निग्गहकम्मस्स पटिकम्मं करोन्तो **आजानाहि पटिकम्मन्ति** आह। इदानीं यथास्स अनुलोमपञ्चके सकवादिना वादट्टपनं कत्वा अनुलोमपटिलोमतो पापनारोपनाहि निग्गहो पाकटो कतो, एवं पटिकम्मं पाकटं करोन्तो **हञ्चि पुग्गलो**तिआदिमाह। तं हेट्ठा वुत्तनयेनेव अत्थतो वेदितब्बं। यस्मा पनेत्थ ठपना नाम परवादीपक्खस्स ठपनतो “अयं तव दोसो”ति दस्सेतुं ठपनमत्तमेव होति, न निग्गहस्स वा पटिकम्मस्स वा पाकटभावकरणं, पापनारोपनाहि पनस्स पाकटकरणं होति। तस्मा इदं अनुलोमपटिलोमतो पापनारोपनानं वसेन चतूहाकारेहि। पटिकम्मस्स कतत्ता पटिकम्मचतुक्कं नामाति एकं चतुक्कं वेदितब्बं।

३. एवं पटिकम्मं कत्वा इदानीं ख्यास्स अनुलोमपञ्चके सकवादिना निग्गहो कतो, तस्स तमेव छलवादं निस्साय दुक्कटभावं दस्सेन्तो **त्वञ्चे पन मञ्जसीति**आदिमाह। तत्थ **त्वं चे पन मञ्जसीति** यदि त्वं मञ्जसि। **वत्तब्बे खोति** इदं पच्चनीके आमन्ताति पटिञ्जं सन्धाय वुत्तं। **नो च वत्तब्बे**ति इदं पन न हेवाति अवजाननं सन्धाय वुत्तं। **तेन तव तत्थाति** तेन कारणेन त्वयेव तस्मिं नुपलब्धतीति पक्खे — “हेवं पटिजानन्तन्ति आमन्ता”ति एवं पटिजानन्तो। **हेवं निग्गहेतब्बे**ति पुन न हेवाति अवजानन्तो एवं निग्गहेतब्बो। **अथ तं निग्गहणामाति** अथेवं निग्गहारहं तं निग्गहणाम। **सुनिग्गहितो च होसीति** सकेन मतेन निग्गहितत्ता सुनिग्गहितो च भवसि।

एवमस्स निग्गहेतब्बभावं दस्सेत्वा इदानीं तं निग्गहन्तो **हञ्चीति**आदिमाह। तत्थ ठपनापापनारोपना हेट्ठा वुत्तनयेनेव वेदितब्बा। परियोसाने पन **इदं ते मिच्छाति** इदं तव वचनं मिच्छा होतीति अत्थो। इदं छलवादेन चतूहि आकारेहि निग्गहस्स कतत्ता निग्गहचतुक्कं नाम।

४. एवं निग्गहं कत्वापि इदानीं “यदि अयं मया तव मतेन कतो निग्गहो दुनिग्गहो, यो मम तथा हेट्ठा अनुलोमपञ्चके कतो निग्गहो, सोपि दुनिग्गहो”ति दस्सेन्तो **एसे चे**

दुन्निग्गहिंतेतिआदिमाह । तत्थ एसे चे दुन्निग्गहिंतेति एसो चे तव वादो मया दुन्निग्गहितो । अथ वा एसो चे तव मया कतो निग्गहो दुन्निग्गहो । हेवमेवं तत्थ दक्खाति तत्थापि तया मम हेट्ठा कते निग्गहे एवमेवं पस्स । इदानीं ख्यास्स हेट्ठा सकवादिना निग्गहो कतो, तं “वत्तब्बे खो”तिआदिवचनेन दस्सेत्वा पुन तं निग्गहं अनिग्गहभावं उपनेन्तो नो च मयं तयातिआदिमाह । तत्थ नो च मयं तया तत्थ हेताय पटिञ्जायातिआदीसु अयमत्थो — यस्मा सो तया मम कतो निग्गहो दुन्निग्गहो, तस्मा मयं तया तत्थ अनुलोमपञ्चके आमन्ताति एताय पटिञ्जाय एवं पटिजानन्ता पुन न हेवाति पटिक्खेपे कतेपि “आजानाहि निग्गह”न्ति एवं न निग्गहेतब्बोयेव । एवं अनिग्गहेतब्बम्मि मं निग्गण्हासि, ईदिसेन पन निग्गहेन दुन्निग्गहिता मयं होम ।

इदानीं यं निग्गहं सन्धाय “दुन्निग्गहिता च होमा”ति अवोच, तं दस्सेतुं हञ्चि पुग्गलो...पे०... इदं ते मिच्छातिआह । एवमिदं अनुलोमपटिलोमतो चतूहि पापनारोपनाहि निग्गहस्स उपनीतत्ता उपनयनचतुक्कं नाम होति ।

५. इदानीं “न हेवं निग्गहेतब्बे”तिआदिकं निग्गमनचतुक्कं नाम होति । तत्थ न हेवं निग्गहेतब्बेति यथाहं तया निग्गहितो, न हि एवं निग्गहेतब्बो । एतस्स हि निग्गहस्स दुन्निग्गहभावो मया साधितो । तेन हीति तेन कारणेन, यस्मा एस निग्गहो दुन्निग्गहो, तस्मा यं मं निग्गण्हासि हञ्चि पुग्गलो...पे०... इदं ते मिच्छाति, इदं निग्गण्हनं तव मिच्छाति अत्थो । तेन हि ये कते निग्गहेति येन कारणेन इदं मिच्छा, तेन कारणेन यो तया निग्गहो कतो, सो दुक्कटो । यं मया पटिकम्मं कतं, तदेव सुकतं । यापि चेसा पटिकम्मचतुक्कादिवसेन कथामगसम्पटिपादना कता, सापि सुकता । एवमेतं पुग्गलो उपलब्धतीतिआदिकस्स अनुलोमपञ्चकस्स नुपलब्धतीतिआदिकानं पटिकम्मनिग्गहोपनयननिग्गमनचतुक्कानं वसेन अनुलोमपञ्चनीकपञ्चकं नाम निहिट्टन्ति वेदितब्बं । एतावता सकवादिनो पुब्बपक्खे सति परवादिनो वचनसामञ्जमत्तेन छलवादेन जयो होति ।

## २. पच्चनीकानुलोमवण्णना

६. इदानीं यथा परवादिनो पुब्बपक्खे सति सकवादिनो धम्मेनेव तथेन सुजयो होति, तथा वादुप्पत्तिं दस्सेतुं पुग्गलो नुपलब्धतीति पच्चनीकानुलोमपञ्चकं आरब्धं । तत्थ पच्चनीके पुच्छा परवादस्स, रूपादिभेदं सच्चिकट्टुपरमत्थं सन्धाय पटिञ्जा सकवादस्स । सुद्धसम्मुतिसच्चं वा परमत्थमिस्सकं वा सम्मुतिसच्चं सन्धाय यो सच्चिकट्टोति पुन अनुयोगो परवादस्स, सम्मुतिवसेन नुपलब्धतीति नवत्तब्बत्ता मिस्सकवसेन वा अनुयोगस्स संकिण्णत्ता न हेवन्ति पटिक्खेपो सकवादस्स । पटिञ्जातं पटिक्खिपतीति वचनसामञ्जमत्तेन आजानाहि निग्गहन्तिआदिवचनं परवादस्स । एवमयं पुग्गलो नुपलब्धतीति दुतियवादं निस्साय दुतियो निग्गहो होतीति वेदितब्बो । एवं तेन छलेन निग्गहो आरोपितो ।

७-१०. इदानीं धम्मेन समेन अत्तनो वादे जयं दस्सेतुं अनुलोमनये पुच्छा सकवादस्स, अत्तनो लद्धिं निस्साय पटिञ्जा परवादस्स । लद्धिया ओकासं अदत्त्वा परमत्थवसेन पुन अनुयोगो सकवादस्स, परमत्थवसेन पुग्गलस्स अभावतो पटिक्खेपो परवादस्स । ततो परं धम्मेन समेन अत्तनो जयदस्सनत्थं आजानाहि पटिकम्मन्तिआदि सब्बं सकवादीवचनमेव होति । तत्थ सब्बेसं पटिकम्मनिग्गहोपनयननिग्गमनचतुक्कानं हेट्ठा वुत्तनयेनेव अत्थो वेदितब्बो । एवमिदं पुग्गलो नुपलब्धतीतिआदिकस्स पच्चनीकपञ्चकस्स उपलब्धतीतिआदीनं पटिकम्मनिग्गहोपनयननिग्गमनचतुक्कानञ्च वसेन पच्चनीकानुलोमपञ्चकं नाम निहिट्टं होति । एवमेतानि पठमसच्चिकट्टे द्वे पञ्चकानि निहिट्टानि । तत्थ पुरिमपञ्चके परवादस्स सकवादिना कतो निग्गहो सुनिग्गहो । सकवादस्स पन परवादिना छलवादं निस्साय पटिकम्मं कत्वा अत्तना साधितो जयो दुज्जयो । दुतियपञ्चके सकवादस्स परवादिना कतो निग्गहो दुन्निग्गहो । परवादस्स पन सकवादिना धम्मवादं निस्साय पटिकम्मं कत्वा अत्तना साधितो जयो सुजयोति पठमसच्चिकट्टो । तत्थेतं वुच्चाति —

“निग्गहो परवादस्स, सुद्धो पठमपञ्चके ।  
असुद्धो पन तस्सेव, पटिकम्मजयो तहिं ॥

“निग्गहो सकवादस्स, असुद्धो दुतियपञ्चके ।  
विसुद्धो पन तस्सेव, पटिकम्मजयो तहिं ॥

“तस्मा द्वीसुपि ठानेसु, जयोव सकवादिनो ।  
धम्मेन हि जयो नाम, अधम्मेन कुतो जयो ॥

“सच्चिकट्टे यथा चेत्थ, पञ्चकद्वयमण्डिते ।  
धम्माधम्मवसेनेव, वुत्तो जयपराजयो ॥

“इतो परेसु सब्बेसु, सच्चिकट्टेसु पण्डितो ।  
एवमेव विभावेय्य, उभो जयपराजये”ति ॥

## २. ओकाससच्चिकट्टो

### १. अनुलोमपच्चनीकवण्णना

११. एवं सुद्धिकसच्चिकट्टं वित्थारेत्वा इदानीं तमेव अपरेहि ओकासादीहि नयेहि वित्थारेतुं पुन पुग्गलो उपलब्धतीतिआदि आरब्धं । तत्थ पुच्छा सकवादस्स, पटिञ्जा परवादस्स । पुन सब्बत्थाति सरीरं सन्धाय अनुयोगो सकवादस्स, रूपस्मिं अत्तनं समनुपस्सनादोसञ्च ‘अञ्जं जीवं अञ्जं सरीरं’न्ति आपज्जनदोसञ्च दिस्वा पटिक्खेपो परवादस्स । सेसमेत्थ अनुलोमपच्चनीकपञ्चके हेट्ठा वुत्तनयेनेव वेदितब्बं । पाठो पन सङ्घित्तो । तत्थ यस्मा सरीरं सन्धाय “सब्बत्थ न उपलब्धती”ति वुत्ते सरीरतो बहि

उपलब्धतीति आपज्जति । तस्मा पच्चनीके पटिक्खेपो सकवादस्स, पठमं अनुजानित्वा पच्छा अवजानातीति छलवादस्स वसेन पटिकम्मं परवादस्स । सेसं पाकटमेव ।

### ३. कालसच्चिकट्टो

#### १. अनुलोमपच्चनीकवण्णना

१२. दुतियनये **सब्बेदा**ति पुरिमपच्छिमजातिकालञ्च धरमानपरिनिब्बुतकालञ्च सन्धाय अनुयोगो सकवादस्स, स्वेव खत्तियो सो ब्राह्मणोतिआदीनं आपत्तिदोसञ्च धरमानपरिनिब्बुतानं विसेसाभावदोसञ्च दिस्वा पटिक्खेपो परवादस्स । सेसं पठमनये वुत्तसदिसमेव ।

### ४. अवयवसच्चिकट्टो

#### १. अनुलोमपच्चनीकवण्णना

१३. ततियनये **सब्बेसू**ति खन्धायतनादीनं सन्धाय अनुयोगो सकवादस्स, रूपस्मिं अत्ता, चक्खुस्मिं अत्तातिआदिदोसभयेन पटिक्खेपो परवादस्स । सेसं तादिसमेवाति ।

### ओकासदिसच्चिकट्टादि

#### २. पच्चनीकानुलोमवण्णना

१४. एवमेतानि तीणि अनुलोमपच्चनीकपञ्चके अनुलोममत्तवसेनेव ताव पटिपाटिया भाजेत्वा पुन पच्चनीकानुलोमपञ्चके पच्चनीकमत्तवसेनेव भाजेतुं **पुग्गलो नुपलब्धती**तिआदि आरब्धं । तत्थ अनुलोमपञ्चकस्स पाळियं सङ्घिपित्वा आगते पच्चनीके वुत्तनयेनेव पच्चनीकस्स च पाळियं सङ्घिपित्वा आगते अनुलोमे वुत्तनयेनेव अत्थो वेदितब्बो । एतावता सुद्धिकस्स चेव इमेसञ्च तिण्णन्ति चतुन्नं सच्चिकट्टानं एकेकस्मिं सच्चिकट्टे अनुलोमपच्चनीकस्स पच्चनीकानुलोमस्स चाति द्विन्नं द्विन्नं पच्चनीकानं वसेन अयं अट्टमुखा नाम वादयुत्ति निद्धिडा होतीति वेदितब्बा । या एकेकस्मिं मुखे एकेकस्स निग्गहस्स वसेन **अट्टकनिग्गहो**ति पाळियं लिखयति । तत्थेतं वुच्चति —

“एवं चतुब्बिधे पञ्हे, पञ्चकद्वयभेदतो ।

एसा अट्टमुखा नाम, वादयुत्ति पकासिता ॥

“अट्टेव निग्गहा तत्थ, चत्तारो तेसु धम्मिका ।

अधम्मिका च चत्तारो, सब्बत्थ सकवादिनो ।

जयो पराजयो चेव, सब्बत्थ परवादिनो”ति ॥

सच्चिकट्टवण्णना निद्धिता ।

#### ५. सुद्धिकसंसन्दनवण्णना

१७-२७. इदानि रूपादीहि सद्धि सच्चिकट्टसंसन्दनं होति । तत्थ **रूपञ्चा**ति यथा रूपं परमत्थतो उपलब्धति, किं ते पुग्गलोपि तथेव उपलब्धतीति सन्धाय पुच्छा सकवादस्स, अत्थि पुग्गलोति वचनमत्तं गहेत्वा पटिञ्जा परवादस्स । यदि ते रूपं विय परमत्थतो पुग्गलो अत्थि, रूपतो वेदनादीनं विय पुग्गलस्सापि अञ्जत्तं आपज्जतीति अनुयोगो सकवादस्स, समयसुत्तविरोधं दिस्वा पटिक्खेपो परवादस्स । सेसं अत्थतो पाकटमेव । धम्मतो पनेत्थ सत्तपञ्जासभेदस्स सच्चिकट्टपरमत्थस्स वसेन सकवादीपक्खमूलके अनुलोमपच्चनीके सत्तपञ्जास अनुलोमपञ्चकानि दस्सितानि । पटिकम्मचतुक्कादीनि सङ्घित्तानि । परवादीपक्खमूलकेपि पच्चनीकानुलोमे सत्तपञ्जास पटिलोमपञ्चकानि दस्सितानि । पटिकम्मचतुक्कादीनि सङ्घित्तानि । तत्थ “वुत्तं भगवता”ति वचनमत्तेन पुग्गलस्स अत्थितं रूपस्स च सच्चिकट्टपरमत्थवसेन उपलब्धनीयतं दस्सेत्वा उभिनं अञ्जत्तं पटिजानापनत्थं **वुत्तं भगवता**ति अनुयोगो परवादस्स, सम्मुतिपरमत्थानं एकत्तनानत्तपञ्हस्स ठपनीयत्ता पटिक्खेपो सकवादस्स । सेसमिधापि अत्थतो पाकटमेवाति ।

सुद्धिकसंसन्दनवण्णना ।

#### ६. ओपम्मसंसन्दनवण्णना

२८-३६. इदानि रूपादीहेव सद्धि ओपम्मवसेन सच्चिकट्टसंसन्दनं होति । तत्थ रूपवेदानं उपलद्धिसामञ्जेन अञ्जत्तपुच्छा च पुग्गलरूपानं उपलद्धिसामञ्जपुच्छा चाति पुच्छाद्वयम्पि सकवादस्स, उभोपि पटिञ्जा परवादस्स । परवादिना अनुञ्जातेन उपलद्धिसामञ्जेन रूपवेदानं विय रूपपुग्गलानं अञ्जत्तानुयोगो सकवादस्स, पटिक्खेपो इतरस्स । सेसमिधापि अत्थतो पाकटमेव । धम्मतो पनेत्थ रूपमूलकादीनं चक्कानञ्च वसेन सकवादीपक्खे वीसाधिकानि नव निग्गहपञ्चकसतानि दस्सितानि । कथं? खन्धेसु ताव रूपमूलके चक्के चत्तारि, तथा वेदनादिमूलकेसूति वीसति । आयतनेसु चक्खायतनमूलके चक्के एकादस, तथा सेसेसूति द्वितिससत्तं । धातूसु चक्खुधातुमूलके चक्के सत्तरस, तथा सेसेसूति छाधिकानि तीणि सतानि । इन्द्रियेसु चक्खुन्द्रियमूलके चक्के एकवीसति, तथा सेसेसूति द्वासट्ठाधिकानि चत्तारि सतानि । एवं सब्बानिपि वीसाधिकानि नव निग्गहपञ्चकसतानि होन्ति ।

३७-४५. परवादीपक्खेपि **रूपं उपलब्धती**ति अनुलोमवसेनेव रूपवेदनादीनं अञ्जत्तपटिञ्जं कारेत्वा पुन अत्थि पुग्गलोति सुत्तं निस्साय छलवसेन पुग्गलस्स रूपादीहि उपलद्धिसामञ्जं आरोपेत्वा अञ्जत्तानुयोगो कतो । सेसमिधापि अत्थतो उत्तानमेव । धम्मतोपि सकवादीपक्खे वुत्तनयेन वीसाधिकानि नव पटिकम्मपञ्चकसतानि दस्सितानि ।

रूपादीहि सद्धि ओपम्मवसेन सच्चिकट्टसंसन्दनं।

### ७. चतुक्कनयसंसन्दनवण्णना

४६-५२. इदानीं यं सच्चिकट्टपरमत्थेन उपलब्धति, तेन यस्मा रूपादीसु सत्तपञ्चासाय सच्चिकट्टपरमत्थेसु अज्जतरेन भवितव्यं; रूपादिनिस्सितेन वा, अज्जत्र वा रूपादीहि, रूपादीनं वा निस्सयेन, तस्मा इमिना चतुक्कनयेन सच्चिकट्टसंसन्दनं आरद्धं। तत्थ **रूपं पुग्गलो**ति अनुयोगो सकवादिसस, उच्छेददिट्ठिभयेन न हेवाति पटिक्खेपो परवादिसस, निग्गहारोपनं सकवादिसस। किं पनेतं युत्तं, ननु रूपं वेदनाति वुत्तम्पि पटिक्खिपितव्वमेवाति? आम पटिक्खिपितव्वं। तं पन रूपतो वेदनाय अज्जसभावसम्भावतो, न अज्जत्ताभावतो। अयच्च रूपादीसु एकधम्मतोपि पुग्गलस्स अज्जत्तं न इच्छति, तस्मा युत्तं। अयच्च अनुयोगो रूपं पुग्गलो... पे०... अज्जाताविन्द्रियं पुग्गलोति सकलं परमत्थसच्चं सन्थाय आरद्धो। सकलं पन पच्चत्तलक्खणवसेन एकतो वत्तुं न सककाति तन्तिवसेन अनुयोगलक्खणमत्तमेतं ठपितं। तेन विज्जू अत्थं विभावेन्ति। वादकामेन पन इमं लक्खणं गहेत्वा यथा यथा परवादिसस ओकासो न होति, तथा तथा वत्तव्वं। इति तन्तिवसेन अनुयोगलक्खणस्स ठपितत्तापि युत्तमेव। इमिना नयेन सम्भानुयोगेसु अत्थो वेदितव्वो।

अयं पन विसेसो — **रूपस्मिं पुग्गलो**तिआदीसु यथा एकं महाभूतं निस्साय तयो महाभूता, वत्थुरूपं निस्साय विज्जाणं रूपस्मिन्ति वत्तुं वट्ठति, किं ते एवं रूपस्मिं पुग्गलो? यथा च सभागविनिम्भोगतो वेदनादयो सब्बधम्मा, अरूपा वा पन चत्तारो खन्था, निब्बानमेव वा “अज्जत्र रूपा”ति वत्तुं वट्ठति, किं ते एवं पुग्गलो? यथा च चित्तसमुद्धानानं रूपानं निस्सयवसेन “वेदनाय रूपं... पे०... विज्जाणस्मिं रूपं”न्ति वत्तुं वट्ठति, किं ते एवं पुग्गलोति? सम्भानुयोगेसु पन उच्छेददिट्ठिभयेन चैव समयविरोधेन च पटिक्खेपो परवादिसस। सेसमेत्थ अत्थतो पाकटमेव। धम्मतो पनेत्थ सत्तपञ्चासाय सच्चिकट्टेसु एकेकस्मिं चत्तारि चत्तारि कत्वा निग्गहवसेन अट्ठवीसाधिकानि द्वे पच्चकसतानि दस्सितानि। परवादीपक्खेपि पटिकम्मवसेन तत्तकानेव। या पनेत्थ अत्थि पुग्गलोति वुत्ते सकवादिसस पटिज्जा, सा सुत्ते आगतेन सम्मुतिवसेन। यो रूपं पुग्गलोतिआदीसु पटिक्खेपो, सो सककायदिट्ठिपञ्चस्स ठपनीयत्ता। परवादिसस पटिकम्मं छलवसेनेवाति।

चतुक्कनयसंसन्दनं।

निट्ठिता च संसन्दनकथा।

### ८. लक्खणयुत्तिवण्णना

५३. इदानीं लक्खणयुत्ति नाम होति। तत्थ यस्मा ठपेत्वा निब्बानं सेसो सच्चिकट्टपरमत्थो पच्चयपटिबद्धताय सप्पच्चयो, पच्चयेहि समागम्म कतत्ता सङ्गतो, उप्पज्जित्वा निरुज्जनतो सदा अभावतो असस्सतो, उप्पत्तिकारणसङ्घातस्स निमित्तस्स अत्थिताय सनिमित्तो, निब्बानं वुत्तप्पकाराभावतो अप्पच्चयं असङ्गतं सस्सतं अनिमित्तन्ति इदं सच्चिकट्टस्स लक्खणं। तस्मा यदि पुग्गलोपि सच्चिकट्टपरमत्थोव तस्सापि इमिना लक्खणेन भवितव्वन्ति सन्थाय **पुग्गलो सप्पच्चयो**तिआदयो अट्ठपि अनुयोगा सकवादिसस, पटिक्खेपो परवादिसस। आजानाहि निग्गहन्तिआदि पनेत्थ सङ्गित्तं। एवमेतानि सकवादीपक्खे अनुलोमपच्चनीके अनुलोममत्तवसेन अट्ठ पच्चकानि वेदितव्वानि।

५४. परवादीपक्खेपि पच्चनीकानुलोमे पच्चनीकमत्तवसेन अट्ठेव। तत्थ यस्मा परवादिना सुत्तवसेन सम्मुतिसच्चं साधितं, सम्मुतिया च सप्पच्चयादिभावो नत्थि, तस्मा याथावतो च पटिक्खेपो सकवादिसस। छलवसेन पन वत्तव्वं “आजानाहि पटिकम्म”न्तिआदि सब्बं इधापि सङ्गित्तमेव।

लक्खणयुत्तिकथावण्णना निट्ठिता।

### ९. वचनसोधनवण्णना

५५-५९. इदानीं वचनसोधनं होति। तत्थ यदेतं पुग्गलो उपलब्धतीति वचनं, तं सोधेतुं **पुग्गलो उपलब्धति, उपलब्धति पुग्गलो**ति। पुच्छ सकवादिसस। तस्सत्थो — यदेतं पुग्गलो उपलब्धतीति पदद्वयं, तं एकत्थं वा भवेय्य नानत्थं वा। यदि ताव नानत्थं, यथा अज्जं रूपं, अज्जा वेदना, एवं अज्जो पुग्गलो, अज्जो उपलब्धतीति आपज्जति। अथेकत्थं, यथा यं चित्तं तं मनो, एवं स्वेव पुग्गलो, सो उपलब्धतीति आपज्जति। तेन तं वदामि “यदि ते यो पुग्गलो, सो उपलब्धति, एवं सन्ते यो यो उपलब्धति, सो सो पुग्गलोति आपज्जति, किं सम्पटिच्छसि एतं”न्ति? ततो पुग्गलवादी यस्मा पुग्गलस्स उपलब्धतं इच्छति, न उपलब्धमानानम्पि रूपादीनं पुग्गलभावं, तस्मा **पुग्गलो उपलब्धति, उपलब्धति के हि चि पुग्गलो के हि चि न पुग्गलो**तिआदिमाह। तस्सत्थो — मम पुग्गलो अत्थि पुग्गलोति सत्थु वचनतो उपलब्धति। यो पन उपलब्धति, न सो सब्बो पुग्गलो, अथ खो के हि चि पुग्गलो के हि चि न पुग्गलोति। तत्थ **को-**कारत्थे **के-**कारो, **हि-**कारो च निपातमत्तो। कोचि पुग्गलो, कोचि न पुग्गलोति अयं पनेत्थ अत्थो। इदं वुत्तं होति — पुग्गलोपि हि रूपादीसुपि यो कोचि धम्मो उपलब्धतियेव, तत्थ पुग्गलोव पुग्गलो। रूपादीसु पन कोचिपि न पुग्गलोति। ततो तं सकवादी आह — **पुग्गलो के हि चि उपलब्धति के हि चि न उपलब्धतीति**। तस्सत्थो — पुग्गलो उपलब्धतीति पदद्वयस्स अत्थतो एकत्ते यदि उपलब्धतीति अनुज्जातो धम्मो पुग्गलतो अनज्जोपि कोचि पुग्गलो कोचि न पुग्गलो, पुग्गलोपि ते कोचि उपलब्धति, कोचि न उपलब्धतीति आपज्जति, किं सम्पटिच्छसि एतन्ति? सो पुग्गलस्स अनुपलब्धिं अनिच्छन्तो न हेवन्ति पटिक्खिपति। इतो परं “आजानाहि निग्गह”न्तिआदि सब्बं सङ्गित्तं। वित्थारतो पन वेदितव्वं। **पुग्गलो सच्चिकट्टो**तिआदीसुपि एसेव नयो। सम्भानि हेतानि उपलब्धतिवेवचनानेव, अपिच यस्मा “पुग्गलो उपलब्धतिसच्चिकट्टपरमत्थेना”ति अयं पुग्गलवादिनो पटिज्जा, तस्मास्स यथेव पुग्गलो उपलब्धतीति लद्धि, एवमेवं पुग्गलो सच्चिकट्टोतिपि आपज्जति। या पनस्स पुग्गलो अत्थीति लद्धि, तस्सा विज्जमानोतिवेवचनमेव, तस्मा सम्भानिपेतानि वचनानि सोधितानि।

६०. तत्थ यं अवसाने “**पुग्गलो अत्थि, अत्थि न सब्बो पुग्गलो**”तिआदि वुत्तं, तत्रायमधिष्णायो — यज्जेतं परवादिना “पुग्गलो अत्थि, अत्थि केहिचि पुग्गलो, केहिचि न पुग्गलो”ति वुत्तं, तं यस्मा अत्थतो पुग्गलो अत्थि, अत्थि न सब्बो पुग्गलोति एतकं होति, तस्मा नं सकवादी सम्पटिच्छापेत्वा इदानीं नं एवं अनुयुज्जति। तथा हि “अत्थि पुग्गलो अत्तहिताय पटिपन्नो”ति वचनमत्तं निस्साय “पुग्गलो अत्थी”ति लद्धि गहिता, यथा च भगवता एतं वुत्तं, तथा “सुज्जतो लोकं अवेक्खस्सु, मोघराजा, सदा

सतो'तिआदिना (सु० नि० ११२५) नयेन “नत्थी”तिपि वुत्तं, तस्मा यथेव ते “पुगलो अत्थि, अत्थि न सब्बो पुगलो”ति लद्धि, तथा पुगलो नत्थि, नत्थि न सब्बो पुगलोतिपि आपज्जति, किं एतं सम्पटिच्छसीति? अथ नं असम्पटिच्छन्तो न हेवाति पटिक्खपति। सेसमेत्थ निग्गहादिविधानं वुत्तनयेनेव वेदितव्वन्ति।

वचनसोधनवण्णना निड्ढिता।

## १०. पञ्जत्तानुयोगवण्णना

६१-६६. इदानीं पञ्जत्तानुयोगो नाम होति। रूपधातुया हि पुगलवादी रूपिं पुगलं पञ्जपेति, तथा अरूपधातुया अरूपिं। तस्स तं लद्धिं भिन्दितुं सब्बापि पुच्छा सकवादिस्स, पटिञ्जा च पटिक्खेपो च इतरस्स। सो हि रूपीति वुत्ते रूपकायसम्भावतो चेव तथारूपाय च पञ्जत्तिया अत्थिताय पटिजानाति। कामीति वुत्ते वीतरागसम्भावतो चेव तथारूपाय च पञ्जत्तिया नत्थिताय पटिक्खपति। अरूपीति वुत्तेपि अरूपकखन्धसम्भावतो चेव तथारूपाय च पञ्जत्तिया अत्थिताय पटिजानाति। द्वीसुपि नयेसु सत्तोति पुगलस्स वेवचनवसेन वुत्तं।

६७. इदानीं यस्मा सो “काये कायानुपस्सी”ति आगतद्धाने अञ्जो कायो अञ्जो पुगलोति इच्छति, तस्मा तं लद्धिं भिन्दितुं कायोति वा सरीरन्ति वातिआदि सकवादीपुच्छा होति। तत्थ कायं अप्पियं करित्वाति कायं अप्पेतव्वं अल्लीयापेतव्वं एकीभावं उपनेतव्वं अविभजितव्वं कत्वा पुच्छामीति अत्थो। एसेसेति एसो सोयेव। एसे एसेतिपि पाठो। एसो एसोयेवाति अत्थो। एकट्ठेति एकट्ठो। समे समभागे तज्जातेति समो समभागे तज्जातिको। वचनमत्तेयेवेत्थ भेदो। अत्थतो पन कायो एसोति पुच्छति। परवादी नानत्तं अपस्सन्तो आमन्ताति पटिजानाति। पुगलोति वा जीवोति वाति पुच्छायपि एसेव नयो। अञ्जो कायोति पुट्ठो पन कायानुपस्सनाय एवंलद्धिकत्ता पटिजानाति। अञ्जं जीवन्ति पुट्ठो पन आहच्च भासितं सुत्तं पटिक्खपितुं असक्कोन्तो अवजानाति। ततो परं “आजानाहि निग्गह”न्तिआदि उत्तानत्थमेव।

६८. परवादीपक्खे पन अञ्जो कायो अञ्जो पुगलोति पुट्ठो सकवादी ठपनीयपज्जत्ता पटिक्खपति, परवादी छलवसेन पटिकम्मं करोति। तम्पि उत्तानत्थमेवाति।

पञ्जत्तानुयोगवण्णना निड्ढिता।

## ११. गतिअनुयोगवण्णना

६१-७२. इदानीं गतिपरिवत्तनमुखेन चूतिपटिसन्धिअनुयोगो होति। तत्थ यस्मा पुगलवादी “स सत्तक्खत्तुपरमं सन्धावित्वान पुगलो”तिआदीनि (सं० नि० २.१३३; इतिवु० २४) सुत्तानि निस्साय पुगलो सन्धावतीति लद्धिं गहेत्वा वोहरति, तस्मास्स तं लद्धिं भिन्दितुं सन्धावतीति पुच्छा सकवादिस्स। तत्थ सन्धावतीति संसरति गमनागमनं करोति। अत्तनो लद्धिवसेन पटिञ्जा परवादिस्स। सो पुगलोतिआदयो अनुयोगोपि सकवादिस्स, पटिक्खेपो इतरस्स। तत्थ सोति सोयेवाति अत्थो। एवं पन अनुयुत्तो सस्सतदिट्ठिभयेन पटिक्खपति। अञ्जोति पुट्ठो उच्छेददिट्ठिभयेन। सो च अञ्जो चाति पुट्ठो एकच्चसस्सतदिट्ठिभयेन। नेव सो न अञ्जोति पुट्ठो अमराविकखेपदिट्ठिभयेन। पुन चत्तारोपि पज्जे एकतो पुट्ठो चतुन्नम्पि दिट्ठिनं भयेन पटिक्खपित्वा पुन यानिस्स सुत्तानि निस्साय लद्धिं उप्पन्ना तानि दस्सेन्तो तेन हि पुगलो सन्धावतीतिआदिमाह।

७६. पुन सकवादिना “खायं तव लद्धिया सन्धावति, किं सो अस्मिञ्च परस्मिञ्च लोके एकोयेवा”ति अधिप्पायेन स्वेवाति नियमेत्वा पुट्ठो सस्सतभया पटिक्खपित्वा पुन दळ्हं कत्वा तथेव पुट्ठो यस्मा सो पुगलोव न अञ्जो भावो, “सो ततो चुतो इधूपपन्नो”तिआदिसुत्तम्पि (पारा० १२; दी० नि० १.२४५) अत्थि, तस्मा पटिजानाति। स्वेव मनुस्सोति पुट्ठो मनुस्सस्सेव देवत्ताभावतो पटिक्खपति।

७७. पुन पुट्ठो “अहं तेन समयेन सुनेत्तो नाम सत्था अहोसि”न्तिआदिसुत्तवसेन (अ० नि० ७.६६ अत्थतो समानं) पटिजानाति। अथस्स सकवादी देवमनुस्सुपपत्तीनं नानत्ततो वचनं मिच्छाति पकासेन्तो मनुस्सो हुत्वातिआदिमाह।

७८. तत्थ हेवं मरणं न हेहितीति एवं सन्ते मरणं न भविस्सतीति अत्थो। इतो परं यक्खो पेतोति अत्तभावानानत्तवसेन अनुयोगानानत्तं वेदितव्वं।

८२. खत्तियोतिआदीनि जातिवसेन चेव अङ्गवेकल्लादिवसेन च वुत्तानि।

८७. पुन न वत्तव्वन्ति परवादिना पुट्ठो इधट्ठकस्स उपपत्तिवसेन परलोकस्स गमनाभावतो पटिञ्जा सकवादिस्स पुन सोतापन्नस्स भवन्तरेपि सोतापन्नभावविजहनतो दुतियपटिञ्जापि तस्सेव। हज्जीतिआदिवचनं परवादिस्स।

८८. पुन देवलोके उपपन्नस्स मनुस्सत्ताभावदस्सनेन अनुयोगो सकवादिस्स।

८९. ततो परं अनञ्जो अविगतोति एत्थ अनञ्जोति सब्बाकारेन एकसदिसो। अविगतोति एकेनापि आकारेन अविगतोति अत्थो। न हेवन्ति देवलोके उपपन्नस्स मनुस्सभावाभावतो एवमाह।

९०. पुन दळ्हं कत्वा अनुयुत्तो “स्वेव पुगलो सन्धावती”ति लद्धिया अनुजानाति। हत्थच्छिन्नोतिआदि आकारविगमनदस्सनेन अविगतो सन्धावतीति लद्धिभिन्दनत्थं वुत्तं। तत्थ अळच्छिन्नोति यस्स अङ्गुट्ठका छिन्ना। कण्डरच्छिन्नोति यस्स महान्हारु छिन्ना।

९१. सरूपोतिआदीसु पठमे पज्जे इमिना रूपकायेन सद्धिं अगमनं सन्धाय पटिक्खपति। दुतिये अन्तराभवपुगलं सन्धाय पटिजानाति। सो हि तस्स लद्धिया सरूपोव गन्त्वा मातुकुच्छिं पविसति। अथस्स तं रूपं भिज्जति। तं जीवन्ति येन रूपसङ्घातेन सरीरेन सद्धिं गच्छति, किमस्स तदेव जीवं तं सरीरन्ति पुच्छति। परवादी इध सरीरनिक्खेपा सुत्तविरोधा च पटिक्खपति।



सवेदनोतिआदीसु असञ्जूपपत्तिं सन्धाय पटिक्खपति, तदञ्जं उपपत्तिं सन्धाय पटिजानाति । तं जीवन्ति येन वेदनादिसङ्घातेन सरीरेन सङ्घि गच्छति । किमस्स तदेव जीवं तं सरीरन्ति पुच्छति । तं जीवं तं सरीरं, अञ्जं जीवं अञ्जं सरीरन्ति एतिस्सा हि लद्धिया पञ्चपि खन्धा सरीरन्ति अधिप्पेता । परवादी सुत्तविरोधा पटिक्खपति ।

१२. अरूपोतिआदीसु पठमे पङ्के अन्तराभवं सन्धाय पटिक्खपति । दुतिये अरूपा रूपं उपपज्जमानं सन्धाय पटिजानाति । अञ्जं, जीवन्ति यं रूपसङ्घातं सरीरं पहाय अरूपो सन्धावति, किं ते तं सरीरं अञ्जं, अञ्जं जीवन्ति पुच्छति । इतरो सुत्तविरोधा पटिक्खपति ।

अवेदनोतिआदीसु सञ्जीभवं सन्धाय पटिक्खपति, तदञ्जं उपपत्तिं सन्धाय पटिजानाति । अञ्जं जीवन्ति यं वेदनादिसङ्घातं सरीरं पहाय अवेदनो अविज्जाणो सन्धावति, किं ते तं अञ्जं सरीरं, अञ्जं जीवन्ति पुच्छति । इतरो सुत्तविरोधा पटिक्खपति ।

१३. रूपं सन्धावतीतिआदीसु ये रूपादयो खन्धे उपादाय पुगगलं पञ्जपेति, किं ते तस्मिं पुगगले सन्धावन्ते तम्पि रूपं सन्धावतीति पुच्छति । परवादी “अविज्जानीवरणानं सत्तानं तण्हासंयोजनानं सन्धावतं संसरत”न्ति सत्तस्सेव सन्धावनवचनतो पटिक्खपति । पुन पुट्ठो यस्मा रूपादिधम्मे विना पुगगलो नत्थि, तस्मा तस्मिं सन्धावन्ते तेनपि रूपेन सन्धावितव्वन्ति सञ्जाय पटिजानाति । वेदनादीसुपि एसेव नयो ।

१४. रूपं न सन्धावतीतिआदीसु यस्मा ते रूपं पुगगलो न होति, स्वेव च सन्धावतीति वदेसि, तस्मा तं पुच्छामि, किं ते रूपं न सन्धावतीति अत्थो । इतरो पुगगले सन्धावन्ते न सक्का तस्स उपादानभूतेन रूपेन सन्धावितुन्ति सञ्जाय पटिक्खपति । पुन पुट्ठो सत्तानञ्जेव सन्धावनवचनतो पटिजानाति । सेसमेत्थ उत्तानमेव ।

गाथानं पन अयमत्थो — आयस्मतो मतेन रुक्खं उपादाय छाया विय, इन्धनं उपादाय अग्नि विय च, खन्धे उपादाय पुगगलो; रूपादीनं सन्धावने असति तेसु खन्धेसु भिज्जमानेसु सो तव पुगगलो भिज्जति चे, एवं सन्ते उच्छेदा भवति दिट्ठि, उच्छेददिट्ठि ते आपज्जति । कतरा या बुद्धेन विवज्जिता अकुसलदिट्ठि । या पन “उच्छेदवादी समणो गोतमो”ति परियायभासिता, न तं वदामाति दस्सेति । अथापि तेसु खन्धेसु भिज्जमानेसु सो पुगगलो न भिज्जति, एवं सन्ते सस्सतो पुगगलो होति । ततो सो निब्बानेन समसमो आपज्जति । समसमोति अतिविय समो, समेन वा समो, समभावेनेव समो । यथेव निब्बानं नुप्पज्जति न भिज्जति, एवं ते पुगगलोपि तेन समसमोति ।

गतिपरिवत्तनमुखेन चूतिपटिसन्धानुयोगो निट्ठितो ।

अनुयोगवण्णना ।

## १२. उपादापञ्जत्तानुयोगवण्णना

१५. इदानीं उपादापञ्जत्तानुयोगो होति । तत्थ पुच्छा सकवादस्स, पटिज्जापटिक्खेपो परवादस्स । सो हि रुक्खं उपादाय छायाय विय, इन्धनं उपादाय अग्निस्स विय च, रूपादीनि उपादाय पुगगलस्स पञ्जत्तिं पञ्जापनं अवबोधनं इच्छति, तस्मा “रूपं उपादाया”ति पुट्ठो पटिजानाति । पुन यथा रुक्खुपादाना छाया रुक्खो विय, इन्धनुपादानो च अग्नि इन्धनं विय अनिच्चादिधम्मो, एवं ते रूपादिउपादानो पुगगलो रूपादयो विय अनिच्चोति इममत्थं पुट्ठो अत्तनो लद्धियं ठत्वा पटिक्खपति ।

१७. नीलं रूपं उपादाय नीलोतिआदीसु नीलरूपेन सङ्घि पुगगलस्स एकत्तं, एकसरीरे नीलादीनं बहून् वसेन बहुभावञ्च अनिच्छन्तो पटिक्खपति ।

१८. कुसलं वेदनन्ति एत्थापि वेदनाय सङ्घि एकत्तं एकसन्ताने बहून् कुसलवेदनानं वसेन बहुभावञ्च अनिच्छन्तो पटिक्खपति । दुतियनये मग्गकुसलोतिआदिवचनसम्भावतो छेकट्ठं सन्धाय पटिजानाति । सफलोतिआदीनि पुट्ठो तथारूपस्स वोहारस्स अभावतो पटिक्खपति ।

१९. अकुसलपक्खे अछेकट्ठं सन्धाय पटिजानाति ।

१००. अब्याकतपक्खे सस्सतादिवसेन अब्याकतभावं सन्धाय पटिजानाति । सेसमेत्थ हेट्ठा वुत्तनयेनेव वेदितव्वं ।

१०४. चक्खुं उपादायातिआदीसु “चक्खुमा विसमानीव...पे०... पापानि परिवज्जये”ति(उदा० ४३) आदिवोहारसम्भावतो पटिजानाति । चक्खुमत्तादिनिरोधेन पुगगलनिरोधं अनिच्छन्तो पटिक्खपति ।

१०७. रूपं उपादाय वेदनं उपादायाति एत्थ अज्जेपि रूपमूलका दुक्कतिकचतुक्का वेदितव्वा । यस्मा पन खन्धे उपादाय पुगगलस्स पञ्जत्ति, तस्मा द्वेपि तयोपि चत्तारोपि पञ्चपि उपादाय पञ्जत्तिं पटिजानाति । एकसन्ताने पन द्विन्नं पञ्चन्नं वा अभावा पटिक्खपति । आयतनादीसुपि एसेव नयो ।

११२. इदानीं यं उपादाय यस्स पञ्जत्ति, यथा तस्स अनिच्चताय तस्सापि अनिच्चता, ततो च अञ्जत्तं सिद्धं, एवं तस्स पुगगलस्सापि आपज्जतीति दस्सेतुं यथा रुक्खन्तिआदिमाह । तत्थ उपादायाति पटिच्च आगम्म, न विना तन्ति अत्थो । परवादी पन तथा अनिच्छन्तो लद्धियं ठत्वा पटिक्खपति ।

११५. निगळोति सङ्कलिकबन्धनं । नेगळिकोति तेन बन्धको यस्स रूपं सो रूपवाति यस्मा यस्स रूपं सो रूपवा होति, तस्मा यथा न निगळो...पे०... अज्जो रूपवाति अत्थो ।

११६. चित्ते चित्तेतिआदीसु सरागादिचित्तवसेन सरागादितं सन्धाय चित्तानुपस्सनावसेन पटिजानाति । जायतीतिआदिना नयेन पुट्ठो पुगगलस्स खणिकभावं अनिच्छन्तो पटिक्खपति । “सो”ति वा “अज्जो”ति वा पुट्ठो सस्सतुच्छेदभयेन पटिक्खपति । पुन न वत्तव्वं “कुमारको”ति वा “कुमारिका”ति वा पुट्ठो लोकवोहारसमुच्छेदभयेन वत्तव्वन्ति पटिजानाति । सेसमेत्थ पाकटमेव ।

११८. इदानीं परवादी अज्जेनाकारेण लद्धिं पटिद्वापेतुकामो न वत्तब्बं पुग्गलो उपलब्धतीति आदिमाह । तत्थ न वत्तब्बन्ति किं ते इमिना एवं बहुना उपादापज्जत्तानुयोगेन, इदं ताव वदेहि, किं न वत्तब्बं “पुग्गलो उपलब्धति सच्चिकट्टपरमत्थेना”ति । ततो सकवादिना आमन्ताति वुत्ते ननु यो पस्सतीति आदिमाह । तत्थ योति पुग्गलो । यन्ति रूपं । येनाति चक्खुना । सोति पुग्गलो । तन्ति रूपं । तेनाति चक्खुना । इदं वुत्तं होति — ननु यो यं रूपं येन चक्खुना पस्सति, सो तं रूपं तेन चक्खुना पस्सन्तो पुग्गलोति । सकवादी किञ्चापि चक्खुविज्जाणस्स निस्सयभावं गच्छन्तं चक्खुमेव रूपं पस्सति, तथा सोतमेव सद्दं सुणाति...पे०... विज्जाणमेव धम्मं विजानाति, “अत्थि अरहतो चक्खु, पस्सति अरहा चक्खुना रूपं”न्ति आदिसम्भुतिवसेन पन आमन्ताति पटिजानाति ।

१२०. ततो छलवादं निस्साय परवादिना पुग्गलस्स वत्तब्बताय साधिताय तमेव वादं परिवत्तेत्वा पुग्गलो उपलब्धतीति आदिमाह । तत्थ यो न पस्सतीति अन्धो असज्जसत्तो अरूपं उपपन्नो निरोधं समापन्नो, अनन्धोपि च अज्जत्र दस्सनसमया न पस्सति नाम । सेसवारेसुपि एसेव नयो । सेसं पाळिवसेनेव अत्थतो वेदितब्बं ।

१२२. सुत्तसंसन्दनार्यं दिब्बस्स चक्खुनो रूपगोचरत्ता रूपं पस्सतीति आह । द्रुतियवारे “सत्ते पस्सामी”ति वचनतो पुग्गलं पस्सतीति आह । ततियवारे “रूपं दिस्वा पुग्गलं विभावेती”ति लद्धितो उभो पस्सतीति आह । यस्मा पन पस्सितब्बं नाम दिट्ठं सुत्तं मुत्तं विज्जातन्ति चतुब्बिधे रूपसङ्गहे रूपायतनमेव सङ्गहितं, तस्मा सकवादी “रूपं पुग्गलो, पुग्गलो रूपं, उभो रूपं”न्ति अनुयोगं करोति । तस्सत्थो पाकटोयेवाति ।

उपादापज्जत्तानुयोगवण्णना ।

### १३. पुरिसकारानुयोगवण्णना

१२३. इदानीं पुरिसकारानुयोगो होति । तत्थ कम्मे सति नियमतो तस्स कारकेनपि भवितव्वन्ति लद्धिया पुच्छा परवादस्स, तथारूपानं कम्मानं अत्थिताय पटिज्जा सकवादस्स । पुन कत्ता कारेताति पुच्छा परवादस्स । तत्थ कत्ताति तेसं कम्मानं कारको । कारेताति आणत्तिदेसनादीहि उपायेहि कारापको । इदानीं यस्मा परवादी पुग्गलं सन्धाय कत्ताति पुच्छति, न करणमत्तं, तस्मा पटिक्खेपो सकवादस्स ।

१२४. तस्स कत्ता कारेताति एत्थ यदि यं यं उपलब्धति, तस्स तस्स कत्ता पुग्गलो ते उपलब्धति, किं तस्सापि कारको च कारापको च अज्जो पुग्गलो उपलब्धतीति अत्थो । परवादी तथा अनिच्छन्तो इस्सरनिम्मानवादभयेन पटिक्खिपति । पुन पुट्ठो यस्मा पुग्गलं मातापितरो जनेन्ति नामं करोन्ति पोसेन्ति, तस्मास्स ते कारका । ये च पन तं कल्याणमिक्का वा आचरिया वा तानि तानि विज्जाड्डानसिप्पायतनानि सिक्खापेन्ति, ते कारापका नामाति इममत्थं सन्धाय पटिजानाति । पुरिमकम्ममेव तस्स कत्ता चेव कारापेता चाति अधिप्पेतं ।

१२५. तस्स तस्सेवाति इमिना इदं पुच्छति — यदि कम्मानं कारकस्स कत्ता तस्सापि कत्ता तस्सापि कत्ता अत्थेव, एवं सन्ते पुरिमेन पुरिमेन अवस्सं पच्छा पच्छा पुग्गलो कातब्बोति इमिनापि ते कम्मानं कारकेन पुग्गलेन आयतिं अज्जो पुग्गलो कातब्बो, तेनापि अज्जोति नत्थि दुक्खस्स अन्तकिरिया, नत्थि वट्टस्स उपच्छेदो, नत्थि अप्पच्चयपरिनिब्बानं । पच्चयाभावेन पच्चयपटिबद्धस्स दुक्खस्स अभावा यं निब्बानं वुत्तं, नत्थि ते तन्ति । अथ वा तस्स तस्सेवाति यदि कम्मं कम्ममत्तं न होति, तस्स पन कारको पुग्गलो, तस्सापि कारको, तस्सापि कारकोति एवं पुग्गलपरम्परा अत्थि । एवं सन्ते या एसा कम्मवट्टस्स अप्पवत्तिकरणेन दुक्खस्स अन्तकिरिया वुत्ता, सा नत्थीति अत्थो । परवादी तं अनिच्छन्तो पटिक्खिपति । इतो अपरासुपि उपलब्धति सामज्जेन कारकपुच्छासु पुग्गलयेव सन्धाय “कत्ता कारेता”ति वुत्तं, न पच्चये । न हि महापथवीआदीनं पच्चया नत्थि ।

१३५. अज्जो कल्याणपापकानं कम्मानं कत्ताति पज्जो “सङ्गारवन्तं वा अत्तान”न्ति आदिदिट्ठिभया पटिक्खित्तो ।

१३६. विपाको उपलब्धतीति आदि विपाकपटिसंवेदीवसेन पुग्गलं दस्सेन्तस्स लद्धिभिन्दनत्थं वुत्तं । तत्थ विपाकपटिसंवेदीति अनुयोगो परवादस्स, विपाकपवत्तितो अज्जस्स वेदकस्स अभावा पटिक्खेपो सकवादस्स । पुन पुच्छा सकवादस्स, पटिज्जा इतरस्स ।

१३८. तस्स पटिसंवेदीति तस्स विपाकपटिसंवेदकस्स पटिसंवेदी यस्मा पन पटिसंवेदितब्बो नाम विपाको, न च पुग्गलो विपाको, तस्मा पटिक्खेपो परवादस्स । पुन पुट्ठो यस्मा पुज्जविपाके ठितत्ता विपाकपटिसंवेदी पुत्तं वा पत्तिं वा माता वा जाया वा परिचुम्बति परिसज्जति, तस्मा तथारूपं पटिसंवेदितं सन्धाय पटिजानाति परवादी ।

तस्स तस्सेवाति यदि विपाको विपाकमत्तं न होति, तस्स पन पटिसंवेदी पुग्गलो, तस्सापि पटिसंवेदी तस्सापि पटिसंवेदीति एवं पुग्गलपरम्परा अत्थि । एवं सन्ते या एसा विपाकवट्टस्स अप्पवत्तिकरणेन दुक्खस्स अन्तकिरिया वुत्ता, सा नत्थीति अत्थो । इतो परं उपलब्धतिसामज्जेन पटिसंवेदीपुच्छासु हेट्ठा वुत्तनयेनेव अत्थो वेदितव्वो ।

१४२. अज्जो कल्याणपापकानं कम्मानं विपाकपटिसंवेदीति पज्जो “वेदनवन्तं वा अत्तान”न्ति आदिदिट्ठिभया पटिक्खित्तो ।

१४३. दिब्बं सुखन्ति आदि कल्याणपापकानं कम्मानं विपाकं भाजेत्वा दस्सनवसेन आरद्धं । तं सब्बं हेट्ठा वुत्तनयेनेव वेदितव्वं । सकवादिनो चेत्थ पुग्गलवसेनेव पटिसंवेदीपटिक्खेपो वेदितव्वो, न वेदयितवसेन ।

१४८. महापथवीआदीनि हि आरम्मणं कत्वा वेदयितानं उप्पत्ति अप्पटिसिद्धा ।

१७०. कत्ता कारेता विपाकपटिसंवेदीति आदि वोमिस्सकनयवसेन आरद्धं । तत्थ सो करोतीति यं त्वं कत्ताति च पटिसंवेदीति च वदेसि, किं सोयेव करोति, सो पटिसंवेदीति । अयमनुयोगो सकवादस्स, सुत्तविरोधभयेन पटिक्खेपो परवादस्स ।

१७१. पुन पुट्ठो “इध नन्दति पेच्च नन्दती”ति आदिसुत्तवसेन (ध० प० १८) पटिज्जा तस्सेव । अथस्स वचनोकासं पटिबाहन्तो सकवादी सयंकत्तं सुखदुक्खन्ति आह ।

१७२. तत्थ अज्जो करोतीति कारकवेदकानं अज्जत्तपुच्छावसेन वुत्तं। ततो परवादी सुत्तविरोधभयेन पटिक्खिपित्वा पुन पुट्ठो “मनुस्सभूतो कत्वा देवभूतो पटिसंवेदेती”ति मज्जमानो पटिजानाति। एवंवादिनो पन परंकतं सुखदुक्खं आपज्जतीति तस्स वसेन पुट्ठो पुन पटिक्खिपति।

१७४. सो च अज्जो चाति कारकवेदकानं एकत्तअज्जत्तपुच्छावसेन वुत्तं। ततो परवादी सुत्तविरोधभयेनेव पटिक्खिपित्वा पुन पुट्ठो पुरिमे द्वेपि नये एकतो कत्वा पटिजानाति। एवंवादिनो पन सयंकतज्ज परंकतज्ज सुखदुक्खं आपज्जतीति तस्स वसेन पुट्ठो पुन पटिक्खिपति।

१७६. नेव सो करोतीति कारकवेदकानं एकत्तअज्जत्तपटिक्खेपवसेन वुत्तं। ततो परवादी सुत्तविरोधवसेनेव पटिक्खिपित्वा पुन पुट्ठो यस्मा मनुस्सो देवलोक्कपपत्तिया कम्मं कत्वा न मनुस्सभूतोव पटिसंवेदेति, नापि येन कम्मं कतं, ततो अज्जोव पटिसंवेदेति, तस्मा कारकतो वेदको नेव सो होति, न अज्जोति मज्जमानो पटिजानाति। लद्धिमत्तमेवेतं? एवंवादिनो पन असयंकारं अपरंकारं अधिच्चसमुप्पन्नं सुखदुक्खं आपज्जतीति तस्स वसेन पुट्ठो पुन पटिक्खिपति। अपिच इमस्मिं वोमिस्सकनये आदितो पट्ठाय इमिनापि नयेन अत्थो वेदितब्बो। यस्मा हि अयं पुग्गलवादी कम्मनं कारकज्जेव वेदकज्ज इच्छति, तस्मास्स यो कारको, तेनेव वा वेदकेन भवितब्बं, अज्जेन वा उभोहि वा भवितब्बं, उभोहि वापि न भवितब्बन्ति इदमापन्नं होति। एवमापन्नमेव अनुयोगं अनुयुज्जन्तो सकवादी “सो करोती”तिआदयो चत्तारोपि विकप्पे आह। सेसं वुत्तप्पकारमेव।

परियोसाने पन चत्तारोपि पज्हा एकतो पुट्ठो। तत्थ पटिक्खेपो च पटिजानना च सयंकतादिदोसप्पत्ति च पुरिमनयेनेव वेदितब्बा। इतो परं “कल्याणपापकानी”ति अवत्वा हेट्ठा वुत्तनया एव “कम्मं अत्थी”तिआदिना विकप्पेन दस्सिता। तेसम्पि हेट्ठा वुत्तनयेनेव अत्थो वेदितब्बो।

पुरिसकारानुयोगवण्णना।

कल्याणवग्गोतिपि एतस्सेव नामं।

#### १४. अभिज्जानुयोगवण्णना

१९३. इतो परं अभिज्जानुयोगादिवसेन अरहत्तसाधना होति। तत्थ आमन्ताति सकवादिना पटिज्जाते परवादी “बहिद्धा अनिन्द्रियबद्धरूपे इद्धिविधादिवसेसाधिगमो नत्थि, अज्झत्तं अत्थि, तस्मा इद्धादिनिब्बत्तकेन पुग्गलेन भवितब्बं”न्ति मज्जमानो ननु अत्थि कोचि इद्धि विकुब्बतीतिआदिमाह। तं सब्बं उत्तानत्थमेव।

अभिज्जानुयोगवण्णना।

#### १५-१८. जातकानुयोगादिवण्णना

१९७. इदानीं मातातिआदिको जातकानुयोगो। खत्तियोतिआदिको जातिअनुयोगो। गहट्ठो पब्बजितोति पटिपत्तिअनुयोगो। देवो मनुस्सोति उपपत्तिअनुयोगो। सोतापन्नोतिआदिको पटिवेधानुयोगो, अरियानुयोगोतिपि वुच्चति। ते सब्बे उत्तानत्थायेव। “अरहा हुत्वा न अरहा”ति पनेत्थ मोघपज्जत्ता न वुत्तं।

२०६. चत्तारो पुरिसयुगातिआदि संघानुयोगो, सोपि उत्तानत्थोयेव।

२०९. सङ्खतोतिआदि सच्चिकट्टसभावानुयोगो। तत्थ ततिया कोटीति पुच्छा सकवादिसस। तथारूपस्स सच्चिकट्टस्स अभावतो पटिक्खेपो परवादिसस। पुन पुट्ठो पुग्गलं सन्धाय पटिज्जा तस्सेव।

२११. अज्जो पुग्गलोतिपज्हेपि सङ्खतेहि खन्धेहि अज्जत्तं अनिच्छन्तो पटिक्खेपो तस्सेव।

२१२. खन्धा सङ्खतातिआदि सङ्खतासङ्खतानि सरूपेन दस्सेत्वा अज्जत्तपुच्छनत्थं वुत्तं।

२१३. रूपं सङ्खतन्तिआदि खन्धे विभागतो दस्सेत्वा अज्जत्तपुच्छनत्थं वुत्तं।

२१४. पुग्गलस्स उप्पादोति पुच्छा सकवादिसस, “जातिधम्मा जराधम्मा, अथो मरणधम्मिनो”तिआदिसुत्तवसेन पटिज्जा परवादिसस। सङ्खतभावं पनस्स सो न इच्छति, तस्मा पटिक्खिपति।

२१५. पुन न उप्पादो पज्जायतीतिआदिना नयेन पुट्ठो “दुक्खमेव हि सम्भोति, दुक्खं तिट्ठति वेति चा”तिआदिवचनतो (सं० नि० १.१७१) पुग्गलस्स उप्पादादयो नाम न युज्जन्तीति पटिजानाति।

२१६. अत्थत्थम्हीति अत्थं वुच्चति निब्बानं। तत्थ अत्थीति पुच्छति। तस्स अत्थिताय सस्सतं, नत्थिताय। उच्छेदो आपज्जति। तदुभयम्पि अनिच्छन्तो पच्छा पटिक्खिपति।

जातकानुयोगादिवण्णना।

#### १९. पटिवेधानुयोगादिवण्णना

२१७. भवं निस्साय पज्जे भवन्ति उपपत्तिभवं ।

२१८. वेदनं वेदियमानपज्जे वेदनं वेदियमानो परिग्गहितवेदनो योगावचरोव पजानाति, बालपुथुज्जनो नप्पजानाति ।

२२४. कायानुपस्सनादिपज्जा उत्तानत्थायेव ।

२२६. पारायनगाथाय सुञ्जतो लोकं अवेक्खस्सूति सत्तसुञ्जतवसेन खन्धलोकं ओलोकेहीति अत्थो ।

२२८. पुगलो अवेक्खतीति सकवादिपुच्छा । परवादिस्स हि “सुञ्जतो लोकं अवेक्खस्सू”ति गाथाय यो अवेक्खति, सो पुगलोति लब्धि, तस्मा नं एवं पुच्छति । सह रूपेनाति रूपकायेन सद्धि । ततो अनिस्सटो हुत्वाति अत्थो । इदं पञ्चवोकारवसेन अनुजानित्वा पुन तं जीवन्ति पुट्ठो सुत्तविरोधभयेन पटिक्खिपति । विना रूपेनाति इदं चतुवोकारवसेन अनुजानित्वा पुन अञ्जं जीवन्ति पुट्ठो सुत्तविरोधभयेनेव पटिक्खिपति । “अब्भन्तरगतो”ति च “बहिद्धा निक्खमित्वा”ति च इदं “सह रूपेन विना रूपेना”ति हेट्ठा वुत्तस्स लक्खणवचनं । तत्थ अब्भन्तरगतोति रूपस्स अन्तोगतो, इतो वा एतो वा अनिक्खमित्वा रूपपरिच्छेदवसेनेव ठितो हुत्वाति अत्थो । निक्खमित्वाति रूपपरिच्छेदं अतिक्कमित्वा । रूपं अनिस्सितो हुत्वाति अत्थो ।

२३१. अनत्ताति अत्तना जीवेन पुगलेन रहितो । एकधम्मपि पुगलो नत्थीति अत्थो । एवं सब्बसुत्तानं आगमडुकथासु वुत्तनयेनेव अत्थो वेदितब्बो । इध पन सन्धायभासितमत्तमेव वक्खाम ।

२३७. वुत्तं भगवता सप्पिकुम्भोतिआदि “सब्बाव देसना यथारुतवसेनेव अत्थतो न गहेतब्बा”ति दस्सनत्थं आभतं । यथा हि सुवण्णं गहेत्वा कतो सुवण्णविकारो कुम्भो सुवण्णकुम्भोति वुच्चति, न एवं सप्पिं गहेत्वा कतो सप्पिस्स विकारो सप्पिकुम्भो नाम अत्थि । यस्मिं पन कुम्भे सप्पि पक्खित्तं, सो सप्पिकुम्भो नामाति अयमेत्थ अत्थो । तेलकुम्भादीसुपि एसेव नयो । यथा च निब्बानं निच्चं धुवं, न एवं भत्तं वा यागु वा अत्थि । कालपरिच्छेदं पन अक्त्वा दिवसे दिवसे दस्सामाति पञ्जतवसेन “निच्चभत्तं धुवयागू”ति वुच्चतीति अयमेत्थ अत्थो ।

“अत्थि पुगलो अत्तहिताय पटिपन्नो”ति आदीसुपि यथा रूपादयो धम्मा पच्चत्तलक्खणसामञ्जलक्खणवसेन अत्थि, न एवं पुगलो । रूपादीसु पन सति ‘एवंनामो’ ‘एवंगोत्तो’ति वोहारो होति । इति इमिना लोकवोहारेन लोकसम्मृतिा लोकनिरुत्तिया अत्थि पुगलोति अयमेत्थ अत्थो । वुत्तप्पि चेतं भगवता — “इमा खो चित्त, लोकसमञ्जा लोकनिरुत्तियो लोकवोहारा लोकपञ्जत्तियो”ति (दी० नि० १.४४०) । रूपादिधम्मा पन विनापि लोकसम्मृतिं पच्चत्तसामञ्जलक्खणवसेन पञ्जापनतो अत्थीति अयमेत्थ अत्थो ।

बुद्धानं पन द्वे कथा सम्मुतिकथा च परमत्थकथा च । तत्थ सत्तो, पुगलो, देवो, ब्रह्मातिआदिका सम्मुतिकथा नाम । अनिच्चं, दुक्खं, अनत्ता, खन्धा, धातुयो, आयतनानि, सतिपट्टाना, सम्मप्यधानातिआदिका परमत्थकथा नाम ।

तत्थ यो सम्मुतिदेसनाय सत्तोति वा...पे०... ब्रह्माति वाति वुत्ते जानितुं पटिविज्झितुं नित्यातुं अरहत्तजयग्गाहं गहेतुं सक्कोति, तस्स भगवा आदितोव सत्तोति वा पुगलोति वा पोसोति वा देवोति वा ब्रह्माति वा कथेति । यो परमत्थदेसनाय अनिच्चन्ति वा दुक्खन्ति वातिआदीसु अञ्जतरं सुत्वाव जानितुं पटिविज्झितुं नित्यातुं अरहत्तजयग्गाहं गहेतुं सक्कोति । तस्स अनिच्चन्तिआदीसु अञ्जतरं कथेति । तथा सम्मुतिकथाय बुज्झनकसत्तस्स न पठमं परमत्थकथं कथेति । सम्मुतिकथाय पन बोधेत्वा पच्छा परमत्थकथं कथेति । परमत्थकथाय बुज्झनकसत्तस्सापि न पठमं सम्मुतिकथं कथेति । परमत्थकथाय पन बोधेत्वा पच्छा सम्मुतिकथं कथेति । पकतिया पन पठममेव परमत्थकथं कथेन्तस्स देसना लूखाकारा होति । तस्मा बुद्धा पठमं सम्मुतिकथं कथेत्वा पच्छा परमत्थकथं कथेन्ति । ते सम्मुतिकथं कथेन्तापि सच्चमेव सभावमेव अमुसाव कथेन्ति । परमत्थकथं कथेन्तापि सच्चमेव सभावमेव अमुसाव कथेन्ति । अयञ्चि —

“दुवे सच्चानि अक्खासि, सम्बुद्धो वदतं वरो ।

सम्मृतिं परमत्थञ्च, ततियं नुपलब्धति” ॥

तत्थ —

“सङ्केतवचनं सच्चं, लोकसम्मृतिकारणं ।

परमत्थवचनं सच्चं, धम्मानं तथलक्खण”न्ति ॥

अपरो नयो — द्वे भगवतो देसना परमत्थदेसना च खन्धादिवसेन, सम्मुतिदेसना च सप्पिकुम्भादिवसेन । न हि भगवा समञ्जं अतिधावति । तस्मा “अत्थि पुगलो”ति वचनमत्ततो अभिनिवेसो न कातब्बो । सत्थारा हि —

“पञ्जत्तिं अनतिक्कम्म, परमत्थो पकासितो ।

समञ्जं नातिधावेय्य, तस्मा अञ्जोपि पण्डितो ।

परमत्थं पकासेन्तो, समञ्जं नातिधावये” ॥

सेसं सब्बत्थ उत्तानत्थमेवाति ।

पुगलकथा निट्ठिता ।

## २. परिहानिकथा

### १. वादयुत्तिपरिहानिवण्णना

२३९. इदानीं परिहानिकथा होति। परिहानिधम्मो अपरिहानिधम्मो, “द्वेमे, भिक्खवे, धम्मा सेक्खस्स, भिक्खुनो परिहानाय संवत्तन्ति” (अ० नि० २.१८५), “पञ्चिमे, भिक्खवे, धम्मा समयविमुत्तस्स भिक्खुनो परिहानाय संवत्तन्ती”ति (अ० नि० ५.१४९) एवमादीनि हि सुत्तानि निस्साय सम्मिताया वज्जिपुत्तका सब्बत्थिवादिनो एकच्चे च महासङ्घिका अरहतोपि परिहानिं इच्छन्ति, तस्मा ते वा होन्तु अञ्जेयेव वा, येसं अयं लद्धि, तेसं लद्धिभिन्दनत्थं **परिहायति अरहा अरहत्ताति** पुच्छा सकवादस्स। तत्र **परिहायतीति** द्वे परिहानियो पत्तपरिहानि च अप्पत्तपरिहानि च। तत्थ “दुतियम्पि खो आयस्मा गोधिको तम्हा सामयिकाय चेतोविमुत्तिया परिहायी”ति (सं० नि० १.१५९) अयं पत्तपरिहानि नाम। “मा वो सामञ्जत्थिकानं सतं सामञ्जत्थो परिहायी”ति (मं० नि० १.४१६-४१८) अयं अप्पत्तपरिहानि। तासु इध पत्तपरिहानि अधिप्पेता। तज्झि सन्धाय **आमन्ताति** पटिज्जा परवादस्स। सकसमये पन इमं पत्तपरिहानिं नाम लोकियसमापत्तियाव इच्छन्ति, न अरहत्तादीहि सामञ्जफलेहि। परसमयेपि नं सब्बसामञ्जफलेसु सब्बभवेसु सब्बकालेसु सब्बेसञ्च पुगलानं न इच्छन्ति। तं पन तेसं लद्धिमत्तमेवाति सब्बं लद्धिजालं भिन्दितुं पुन **सब्बत्थाति** आदिना नयेन देसना वड्डिता।

तत्थ यस्मा परवादी कमेन परिहायित्वा सोतापत्तिफले ठितस्स अरहतो परिहानिं न इच्छति, उपरिफलेसु ठितस्सेव इच्छति। यस्मा च रूपारूपभवेसु ठितस्स न इच्छति, कम्मरामतादीनं पन परिहानियधम्मानं भावतो कामभवे ठितस्सेव इच्छति, तस्मा “सब्बत्था”ति पुट्ठो पटिक्खिपति। पुन दळ्हं कत्वा पुट्ठो कामभवं सन्धाय पटिजानाति। सब्बस्मिम्पि हि कामभवे परिहानिकरा कामगुणा अत्थि, तस्मा तत्थ परिहायतीति तस्स लद्धि।

ततियपुच्छाय **परिहानीति** परिहानिकरे धम्मे पुच्छति। तत्थ यस्मा परिहानि नाम कम्मरामतादिधम्मा, विससेतो वा कामरागव्यापादा एव, ते च रूपारूपभवे नत्थि, तस्मा “न हेव”न्ति पटिक्खेपो परवादस्स।

**सब्बदाति** कालपुच्छा। तत्थ पठमपज्जे योनिमोमनसिकारकाले अपरिहायनतो पटिक्खिपति। दुतिये अयोनिमोमनसिकरोतो रत्तिभागे वा दिवसभागे वा सब्बदा परिहायनतो पटिजानाति। ततिये परिहानिकरधम्मसमायोगे सति मुहुत्तमेव परिहानि नाम होति, ततो पुब्बे अपरिहीनस्स पच्छा परिहीनस्स च परिहानि नाम नत्थीति पटिक्खिपति।

**सब्बेव अरहन्तोति** पज्जानं पठमस्मिं तिक्खिन्द्रिये सन्धाय पटिक्खिपति। दुतियस्मिं मुदिन्द्रिये सन्धाय पटिजानाति। ततियस्मिम्पि तिक्खिन्द्रियाव अधिप्पेता। तेसज्झि सब्बेसम्पि परिहानि न होतीति तस्स लद्धि।

**सेट्ठिउदाहरणे** पठमपुच्छा परवादस्स, दुतिया सकवादस्स। तत्रायं अधिप्पायो — यं मं तुम्हे पुच्छथ — “अरहा अरहत्ता परिहायन्तो चतूहि फलेहि परिहायती”ति, तत्र वो पटिपुच्छामि — “चतूहि सतसहस्सेहि सेट्ठी सेट्ठितं करोन्तो सतसहस्सेहि परिहीने सेट्ठी सेट्ठिता परिहीनो होती”ति। ततो सकवादिना एकदेसेन परिहानिं सन्धाय “आमन्ता”ति वुत्ते **सब्बसापतेय्या परिहीनो होतीति** पुच्छति। तथा अपरिहीनता सकवादी न हेवाति वत्त्वा अथ नं “एवमेव अरहापि परिहायति च। न च चतूहि फलेही”ति उप्पन्नलद्धिकं दुतियं भव्वपज्जं पुच्छति। परवादी सेट्ठिनो अभव्वताय नियमं अपस्सन्तो पटिजानित्वा अरहतो चतूहि फलेहि परिहानिभव्वतं पुट्ठो “नियतो सम्बोधिपरायणो”ति (अ० नि० ३.८७) वचनस्स अयोनिमो अत्थं गहेत्वा लद्धियं ठितो सोतापत्तिफलतो परिहायितुं अभव्वतं सन्धाय पटिक्खिपति। तं पनस्स लद्धिमत्तमेवाति।

एत्तावता वादयुत्ति नाम निड्डिता होति।

### २. अरियपुगलसंसन्दनपरिहानिवण्णना

२४०. इदानीं अरियपुगलसंसन्दना आरब्धा। तत्थ यस्मा केचि अरहतोव परिहानिं इच्छन्ति, केचि अनागामिनोपि, केचि सकदागामिस्सपि। सोतापन्नस्स पन सब्बेपि न इच्छन्तियेव। ये अरहत्ता परिहायित्वा अनागामिसकदागामिभावे ठिता, तेसं परिहानिं इच्छन्ति, न इतरेसं अनागामिसकदागामीनं। सोतापन्नस्स पन तेपि सब्बत्थापि न इच्छन्तियेव, तस्मा पेय्यालमुखेन पुच्छा कता। तत्थ तेसं लद्धिवसेन पटिज्जा च पटिक्खेपो च वेदितव्वा। “परिहायति अनागामी अनागामिफला”ति हि पज्झस्मिं ये अनागामिनो परिहानिं न इच्छन्ति, तेसं वसेन पटिक्खेपो। ये पकतिअनागामिनो वा अरहत्ता परिहायित्वा ठितअनागामिनो वा परिहानिं इच्छन्ति, तेसं वसेन पटिज्जाति इदमेत्थ नयमुखं। तस्सानुसारेन सब्बपेय्याला अत्थतो वेदितव्वा।

२४१. यं पनेत्थ “सोतापत्तिफलस्स अनन्तरा अरहत्तयेव सच्छिकरोती”ति वुत्तं, तं परिहीनस्स पुन वायमतो अरहत्तप्पत्तिं सन्धाय वुत्तं। इतरो सोतापत्तिफलानन्तरं अरहत्तस्स अभावा पटिक्खिपति।

२४२. ततो परं “परिहानि नामेसा किलेसप्पहानस्स वा मन्दताय भवेय्य, मग्गभावनादीनं वा अनधिमत्तताय, सच्चानं वा अदस्सनेना”ति एवमादीनं वसेन अनुयुज्जितुं **कस्स बहुतरा किलेसा पहीनाति** आदि वुत्तं। तं सब्बं उत्तानाधिप्पायमेव सुत्तानं पनत्थो आगमट्ठकथासु वुत्तनयेनेव वेदितव्वो।

२६२. **समयविमुत्तो अरहा अरहत्ता परिहायतीति** एत्थ मुदिन्द्रियो समयविमुत्तो, तिक्खिन्द्रियो असमयविमुत्तोति तेसं लद्धि। सकसमये पन अवसिप्पतो ज्ञानलाभी समयविमुत्तो, वसिप्पतो ज्ञानलाभी चेव सब्बे च अरियपुगला अरिये विमोक्खे असमयविमुत्ताति सन्निट्ठानं। सो पन तं अत्तनो लद्धि गहेत्वा समयविमुत्तो परिहायति, इतरो न परिहायती”ति आह। सेसमेत्थ उत्तानत्थमेव।

अरियपुगलसंसन्दनपरिहानिवण्णना।

### ३. सुत्तसाधनपरिहानिवण्णना

२६५. इदानीं सुत्तसाधना होति । तत्थ उच्चावचाति उत्तमहीनभेदतो उच्चा च अवचा च । पटिपादाति पटिपदा । समणेन पकासिताति बुद्धसमणेन जोतिता । सुखापटिपदा हि खिप्पाभिज्जा उच्चा । दुक्खापटिपदा दन्धाभिज्जा अवचा । इतरा द्वे एकेनङ्गेन उच्चा, एकेन अवचा । पठमं वुत्ता एव वा उच्चा, इतरो तिस्सोपि अवचा । तां चेत्याय उच्चावचाय पटिपदाय न पारं दिगुणं यन्ति, एकमग्गेन द्विक्खत्तुं निब्बानं न गच्छन्तीति अत्थो । कस्मा? येन मग्गेन ये किलेसा पहीना, तेन तेसं पुन अप्पहातब्बतो । एतेन परिहानिधम्माभावं दीपेति । नयिदं एकगुणं मुतन्ति तच्च इदं पारं एकवारंयेव फुसनारहं न होति । कस्मा? एकेन मग्गेन सब्बकिलेसानं अप्पहानतो । एतेन एकमग्गेनेव अरहताभावं दीपेति ।

अत्थि छिन्नस्स छेदियन्ति छिन्नस्स किलेसवट्टस्स पुन छिन्दितब्बं किञ्चि अत्थीति पुच्छति । इतरो तिकिञ्चन्द्रियं सन्धाय पटिकिञ्चपित्वा पुन पुट्टो मुदिन्द्रियं सन्धाय पटिजानाति । सकवादी सुत्तं आहरित्वा नत्थिभावं दस्सेति । तत्थ ओघपासोति किलेसोघो चैव किलेसपासो च ।

२६६. कतस्स पटिचयोति भावितस्स मग्गस्स पुन भावना । इथापि पटिकखेपपटिजानानां पुरिमानयेनेव वेदितब्बानि ।

२६७. परिहानाय संवत्तन्तीति परवादिना आभते सुत्ते पञ्च धम्मा अप्पत्तपरिहानाय चैव लोकियसमापत्तिपरिहानाय च संवत्तन्ति । सो पन पत्तस्स अरहत्तफलस्स परिहानाय सल्लक्खेति । तेनेव अत्थि अरहतो कम्मारापताति आह । इतरापि असमयविमुत्तं सन्धाय पटिकिञ्चपित्वा इतरं सन्धाय पटिजानाति । कामरागवसेन वा पवत्तमानं तं पटिकिञ्चपित्वा इतरथा पवत्तमानं पटिजानाति । रागादीनं पन अत्थितं पुट्टो पटिजानितुं न सककोति ।

२६८. किं परियुट्ठितोति केन परियुट्ठितो अनुबद्धो अज्झोत्थतो वा हुत्वाति अत्थो । अनुसयपुच्छायपि तिकिञ्चन्द्रियमुदिन्द्रियवसेनेव पटिकखेपपटिजानानां वेदितब्बानि । कल्याणानुसयोति वचनमत्तसामज्जेन वा पटिजानाति । रागो उपचयं गच्छतीति भावनाय पहीनं सन्धाय आह । परतो दोसमोहेसुपि एसेव नयो । सकवायदिट्ठिआदीनं पन दस्सनेन पहीनत्ता उपचयं न इच्छति । सेसं सब्बत्थ उत्तानत्थमेवाति ।

सुत्तसाधना ।

परिहानिकथा निट्ठिता ।

## ३. ब्रह्मचरियकथा

### १. सुद्धब्रह्मचरियकथावण्णना

२६९. इदानीं ब्रह्मचरियकथा होति । तत्थ द्वे ब्रह्मचरियवासा, मग्गभावना च पब्बज्जा च । पब्बज्जा सब्बदेवेसु नत्थि । मग्गभावना ठपेत्वा असज्जसत्ते सेसेसु अप्पटिसिद्धा । तत्थ ये परनिमित्तवसवत्तिदेवे उपादाय तदुपरिदेवेसु मग्गभावनामपि न इच्छन्ति सेय्यथापि सम्मितिआ, ते सन्धाय नत्थि देवेसूति पुच्छा सकवादिस्स । “तीहि, भिक्खवे, ठानेहि जम्बुदीपका मनुस्सा उत्तरकुरुके च मनुस्से अधिगणहन्ति देवे च तावत्तिसे । कतमेहि तीहि? सूरा सतिमन्तो इध ब्रह्मचरियवासो”ति (अ० नि० ९.२१) इदं सुत्तं निस्साय द्वेपि ब्रह्मचरियवासा नत्थि देवेसूति उप्पन्नलद्धिवसेन पटिज्जा परवादिस्स । पुन द्विन्मपि ब्रह्मचरियानं अन्तरायिकधम्मवसेनेव सब्बे देवा जज्झाति पुच्छा सकवादिस्स । तत्थ हत्थसंवाचिकाति मूगा विय हत्थमुद्धाय वत्तारो । परतो अत्थि देवेसूति पुच्छा परवादिस्स, मग्गभावनं सन्धाय पटिज्जा सकवादिस्स । पटिज्जाय अधिप्पायं असल्लक्खेत्वा पब्बज्जावसेन अनुयोगो परवादिस्स ।

२७०. यत्थ नत्थि पब्बज्जाति पज्हे गहीनज्जेव एकच्चावज्ज देवानं मग्गपटिलाभं सन्धाय पटिकखेपो तस्सेव । पुन पुट्टो पच्चन्तवासिनो चैव असज्जसत्ते च सन्धाय पटिज्जा तस्सेव । यो पब्बजतीतिआदीसु पुच्छासुपि एसेव नयो । पुन “अत्थि देवेसू”ति पज्हेपि मग्गभावनं सन्धायैव पटिज्जा सकवादिस्स, “सब्बदेवेसू”ति वुत्ते असज्जसत्ते सन्धाय पटिकखेपो तस्सेव ।

२७१. मनुस्सेसूति पज्हेद्वये जम्बुदीपके सन्धाय पटिज्जा । पच्चन्तवासिनो सन्धाय पटिकखेपो वेदितब्बो ।

अत्थि यत्थ अत्थीति अत्थि ते देवा, अत्थि वा सो पदेसो, यत्थ अत्थीति एवं सत्तपदेसविभागमुखेन विस्सज्जनं सकवादिस्स । इमिना नयेन सब्बे एकन्तरिकपज्हा वेदितब्बा ।

२७२. सुत्तानुयोगे कुहिं फलुप्पतीति तस्स अनागामिनो अरहत्तफलुप्पत्तिं कुहन्ति पुच्छा सकवादिस्स । तत्थेवाति सुद्धावासेसूति अत्थो ।

हन्द हीति कारणत्थे निपातो । इदं वुत्तं होति — यस्मा अनागामिपुग्गलो इध लोके भावितेन मग्गेन तत्थ सुद्धावासेसु फलं सच्छिकरोति, न तत्थ अज्जं मग्गं भावेति, तस्मा नत्थि देवेसु ब्रह्मचरियवासोति ।

### २. संसन्दनब्रह्मचरियवण्णना

२७३. इदानीं यदि अज्जत्थ भावितेन मग्गेन अज्जत्थ फलसच्छिकरिया होति, सोतापन्नादीनमपि सियाति एतमत्थं दस्सेतुं पुन अनागामीतिआदीनं संसन्दनपुच्छा सकवादिस्स । तत्थ अनागामिस्स फलसच्छिकरियाय पटिज्जा, सेसानं फलसच्छिकरियाय पटिकखेपो परवादिस्स । इध भावितमग्गो हि अनागामी इधविहायनिट्ठो नाम होति । सो इध अनागामिमग्गं भावेत्वा “ओपपातिको तत्थपरिनिब्बायी”ति वचनतो “पुन मग्गभावनं विना उपपत्तिवसेनेव अरहत्तफलं सच्छिकरोती”ति तस्स लद्धि ।

सोतापन्नसकदागामिनो पन तत्थ मग्गं भावेत्वा तत्तुपपत्तिका नाम होन्तीति तेसं इधगमनञ्जेव नत्थि । इति सो अनागामिस्स फलसच्छिकिरियं पुट्टो पटिजानाति । इतरेसं पटिक्खपति ।

**अनागामी पुग्गलो तत्थ भावितेन मग्गेनाति** पज्जे “अनागामिनो तत्थ मग्गभावनाव नत्थी”ति लद्धिया पटिक्खपति । **मग्गो च भावीयति, न च किलेसा पहीयन्तीति** पुच्छा सकवादस्स, रूपावचरमग्गं सन्धाय पटिज्जा इतरस्स । रूपावचरमग्गेन हि सो इधविहायनिट्ठो नाम जातो ।

**अनागामी पुग्गलो कतकरणीयो**ति पज्जे “ओपपातिको तत्थपरिनिब्बायी”ति वचनतो उपपत्तियावस्स कतकरणीयादिभावं सन्धाय पटिजानाति । **अरहाति** पज्जे इधपरिनिब्बायिनो अरहतो वसेनेव पटिक्खपति । पुन पुट्टो तत्थपरिनिब्बायिनो वसेन पटिजानाति ।

**अत्थि अरहतो पुनब्भवो**ति आदीसुपि तत्थपरिनिब्बायी इधपरिनिब्बायीनं वसेनेव अत्थो वेदितब्बो । **अप्पटिविद्धाकुप्पोव तत्थपरिनिब्बायतीति** पुट्टो इधेव भावितेन मग्गेन तस्स अकुप्पपटिवेधं इच्छन्तो पटिक्खपति ।

**यथा मिगो**ति पठमं उदाहरणं परवादस्स, दुतियं सकवादस्स । सेसं सब्बत्थ उत्तानत्थमेवाति ।

ब्रह्मचरियकथा निट्ठिता ।

### ३. ओधिसोकथावण्णना

२७४. इदानी ओधिसोकथा नाम होति । तत्थ ये सोतापन्नादीनं नानाभिसमयवसेन दुक्खदस्सनादीहि ओधिसो ओधिसो एकदेसेन एकदेसेन किलेसप्पहानं इच्छन्ति सेय्यथापि एतरहि सम्मतियादयो, तेसं तं लद्धिं भिन्दितुं **ओधिसो**ति पुच्छा सकवादस्स, पटिज्जा परवादस्स । पुन अनुयोगो सकवादस्स, एकदेसेन सोतापन्नादिभावस्स अभावतो पटिक्खेपो परवादस्स । इमिना उपायेन सब्बवारेसु अत्थो वेदितब्बोति ।

ओधिसोकथावण्णना ।

## ४. जहतिकथा

### १. नसुत्ताहरणकथावण्णना

२७९. इदानी जहतिकथा नाम होति । तत्थ येसं “ज्ञानलाभी पुथुज्जनो सह सच्चाभिसमया अनागामी नाम होति, तस्स पुथुज्जनकालेयेव कामरागव्यापादा पहीना”ति लद्धिं सेय्यथापि एतरहि सम्मितियानं, तेसं तं लद्धिं भिन्दितुं **जहति पुथुज्जनो**ति पुच्छा सकवादस्स, ज्ञानविकखम्भितानं पन तेसं परियुट्ठानं अपस्सन्तस्स पटिज्जा परवादस्स । यस्मा पन तेसं ज्ञानविकखम्भितानम्पि अनागामिमग्गेनेव अच्चन्तं पहानं होति, तस्मा पुन **अच्चन्तन्ति** आदिअनुयोगो सकवादस्स, तथारूपस्स पहानस्स अभावतो पटिक्खेपो इतरस्स । विकखम्भेतीति अच्चन्तविकखम्भनमेव सन्धाय पुच्छा सकवादस्स । ततो परं अनागामिमग्गट्ठेन सद्धिं पुथुज्जनसंसन्दनं होति । तं उत्तानत्थमेव ।

२८०. ततो परं **अनागामिफले सण्ठातीति** पुट्टो ज्ञानानागामितं सन्धाय पटिजानाति । **अरहत्ते सण्ठातीति** पुट्टो दस्सनमग्गेन उद्धम्भागियानं पहानाभावतो पटिक्खपति ।

**अपुब्बं अचरिमं तयो मग्गे**ति पुट्टो तथारूपाय भावनाय अभावा पटिक्खपति । पुन पुट्टो तिण्णं मग्गानं किच्चसब्भावं सन्धाय पटिजानाति । सामञ्जफलपुच्छासुपि एसेव नयो । **कतमेन मग्गेनाति** पुट्टो **अनागामिमग्गेनाति** ज्ञानानागामितं सन्धाय वदति । पुन संयोजनप्पहानं पुट्टो तिण्णं अनागामिमग्गेन तेसं किलेसानं अप्पहेय्यत्ता पटिक्खपति । दुतियं पुट्टो पठममग्गस्सेव ज्ञानानागामिमग्गभावं सन्धाय पटिजानाति । सेसमेत्थ उत्तानत्थमेवाति ।

जहतिकथा ।

## ५. सब्बमत्थीतिकथा

### १. वादयुत्तिवण्णना

२८२. इदानी सब्बमत्थीतिवादकथा नाम होति । तत्थ येसं “यं किञ्चि रूपं अतीतानागतपच्चुप्पन्नं...पे०... अयं वुच्चति रूपक्खन्थो”ति आदिवचनतो (विभ० २) “सब्बेपि अतीतादिभेदा धम्मा खन्धसभावं न विजहन्ति, तस्मा सब्बं अत्थियेव नामा”ति लद्धिं, सेय्यथापि एतरहि सब्बमत्थिवादानं, तेसं लद्धिविसोधनत्थं **सब्बमत्थीति** पुच्छा सकवादस्स, वुत्तप्पकाराय लद्धिया ठत्वा पटिज्जा इतरस्स । **सब्बथाति** सब्बस्मिं सरीरे सब्बमत्थीति पुच्छति । **सब्बदाति** सब्बस्मिं काले सब्बमत्थीति पुच्छति । **सब्बेन सब्बन्ति** सब्बेनाकारेन सब्बमत्थीति पुच्छति । **सब्बेसूति** सब्बेसु धम्मेसु सब्बमत्थीति पुच्छति । **अयोगन्ति** अयुत्तं । नानासभावानज्झि योगो होति, न एकसभावस्स । इति इमस्मिं पज्जे रूपं वेदनाय, वेदनं वा रूपेन अनानं एकलक्खणमेव कत्वा सब्बमत्थीति पुच्छति । **यम्पि नत्थि तम्पत्थीति** यम्पि छट्ठखन्धादिकं ससविसाणादिकं वा किञ्चि नत्थीति सिद्धं, तम्पि ते अत्थीति पुच्छति । **सब्बमत्थीति या दिट्ठि सा दिट्ठि मिच्छादिट्ठीति, या दिट्ठि सा दिट्ठि सम्मादिट्ठीति हेवमत्थीति** इमिना इदं पुच्छति — या ते एसा सब्बमत्थीति दिट्ठि, सा दिट्ठि अयाथावकत्ता मिच्छादिट्ठीति एवं या अम्हाकं दिट्ठि, सा दिट्ठि याथावकत्ता सम्मादिट्ठीति एवं तव समये अत्थीति पुच्छति । इतरो सब्बेसुपि एतेसु नयेसु वुत्तप्पकाराय अत्थिताय अभावतो पटिक्खपति । इमेसु पुन सब्बेसुपि नयेसु “आजानाहि निग्गह”न्ति आदिं कत्वा सब्बो कथामग्गभेदो वित्थारतो वेदितब्बोति अयं तावेत्थ वादयुत्ति ।

## २. कालसंसन्दनवण्णना

२८३-२८४. इदानीं अतीतं अत्थीति कालसंसन्दनं होति । तत्थ अतीतं अत्थीतिआदिकं सुद्धिकसंसन्दनं । अतीतं रूपं अत्थीतिआदिकं खन्धवसेन कालसंसन्दनं ।

२८५. पच्चुप्पन्नं रूपं अप्पियं करित्वाति अतीतानागतं पहाय पच्चुप्पन्नरूपमेव अप्पियं अविभजितब्बं करित्वा । रूपभावं जहतीतिपञ्हे निरुद्धस्सापि रूपस्स रूपक्खन्धसङ्गहितत्ता पटिक्खपति । रूपभावं न जहतीति पटिलोमपञ्हेपि रूपक्खन्धेन सङ्गहितत्ताव पटिजानाति । ओदातं वत्थं अप्पियं करित्वाति एत्थ किञ्चापि न सब्बं वत्थं ओदातं, इमिना पन वत्थन्ति अवत्ता “ओदातं वत्थं अप्पियं करित्वा”ति वुत्ते सकवादिना एकत्थता अनुज्जाता । ओदातभावं जहतीति पञ्हे वण्णविगमं सन्धाय पटिज्जा सकवादिस्स । वत्थभावं जहतीति एत्थ पन पञ्जत्तिया अविगतत्ता पटिक्खेपो तस्सेव । पटिलोमेपि एसेव नयो ।

२८६. अतीतं अतीतभावं न जहतीति पुट्ठो “यदि जहेय्य, अनागतं वा पच्चुप्पन्नं वा सिया”ति मज्झमानो पटिजानाति । अनागतं अनागतभावं न जहतीति पुट्ठो पन “यदि न जहेय्य, अनागतमेवस्स, पच्चुप्पन्नभावं न पापुणेय्या”ति मज्झमानो पटिक्खपति । पच्चुप्पन्नपञ्हेपि अतीतभावं अनापज्जनदोसो सियाति पटिक्खपति । अनुलोमपञ्हेसुपि इमिनाव नयेन अत्थो वेदितब्बो ।

२८७. एवं सुद्धिकनयं वत्ता पुन खन्धवसेन दस्सेतुं अतीतं रूपन्तिआदि वुत्तं । तं सब्बं पाळिअनुसारेनेव सक्का जानितुं ।

## वचनसोधनवण्णना

२८८. इदानीं “अतीतं न्वत्थी”तिआदि वचनसोधना होति । तत्थ हज्जि अतीतं न्वत्थीति यदि अतीतं नो अत्थीति अत्थो । अतीतं अत्थीति मिच्छाति अतीतञ्च तं अत्थि चाति मिच्छा एव । तज्जेव अनागतं तं पच्चुप्पन्नन्ति पुट्ठो अनागतक्खणयेवस्स पच्चुप्पन्ताय अभावं सन्धाय कालानानत्तेन पटिक्खपति ।

दुतियं पुट्ठो यं उप्पादतो पुब्बे अनागतं अहोसि, तस्स उप्पन्नकाले पच्चुप्पन्ता पटिजानाति । हुत्वा होति हुत्वा होतीति यदेतं तथा “अनागतं हुत्वा पच्चुप्पन्नं होती”ति वदता तज्जेव अनागतं तं पच्चुप्पन्नन्ति लद्धिवसेन “अनागतं वा पच्चुप्पन्नं वा हुत्वा होती”ति वुत्तं । किं ते तम्पि हुत्वा होतीति? इतरो हुत्वा भूतस्स पुन हुत्वा अभावतो न हेवन्ति पटिक्खपति ।

दुतियं पुट्ठो यस्मा तं अनागतं हुत्वा पच्चुप्पन्नं होन्तं “हुत्वा होती”ति सङ्खं गतं, तस्मा पटिजानाति । अथ नं सकवादी “यदि ते तं अनागतं हुत्वा पच्चुप्पन्नं होन्तं ‘हुत्वा होती’ति सङ्खं गतं, पुन हुत्वा होति, यं अनागतं न हुत्वा पच्चुप्पन्नं न होन्तं ‘न हुत्वा न होती’ति सङ्खं गतं ससविसाणं, किं ते तम्पि पुन न हुत्वा न होती”ति अधिप्पायेन न हुत्वा न होति न हुत्वा न होतीति पञ्हे पुच्छति । इतरो “यं नत्थि, तं नत्थिताय, एव अनागतं न हुत्वा पच्चुप्पन्नं न होतीति नहुत्वानहोति नाम ताव होतु, पुन नहुत्वानहोतिभावो पनस्स कुतो”ति मज्झमानो पटिक्खपति । तज्जेव पच्चुप्पन्नं तं अतीतन्ति पञ्हेपि पच्चुप्पन्नक्खणयेवस्स अतीतताय अभावं सन्धाय कालानानत्ता पटिक्खपति ।

दुतियपञ्हे पुट्ठो यं अतीतभावतो पुब्बे पच्चुप्पन्नं अहोसि, तस्सेव अतीतत्ता पटिजानाति । हुत्वा होति हुत्वा होतीति यदेतं तथा “पच्चुप्पन्नं हुत्वा अतीतं होती”ति वदता “तज्जेव पच्चुप्पन्नं तं अतीत”न्ति लद्धिवसेन “पच्चुप्पन्नं वा अतीतं वा हुत्वा होती”ति वुत्तं, किं ते तम्पि हुत्वा होतीति? इतरो हुत्वा भूतस्स पुन हुत्वा अभावतो न हेवन्ति पटिक्खपति ।

दुतियपञ्हे यस्मा तं पच्चुप्पन्नं हुत्वा अतीतं होन्तं “हुत्वा होती”ति सङ्खं गतं, तस्मा पटिजानाति । अथ नं सकवादी “यदि ते तज्जेव पच्चुप्पन्नं हुत्वा अतीतं होन्तं ‘हुत्वा होती’ति सङ्खं गतं, पुन हुत्वा होति, यं पच्चुप्पन्नं न हुत्वा अतीतं न होन्तं ‘न हुत्वा न होती’ति सङ्खं गतं ससविसाणं, किं ते तम्पि पुन न हुत्वा न होती”ति अधिप्पायेन न हुत्वा न होति न हुत्वा न होतीति पञ्हे पुच्छति । इतरो “यं नत्थि, तं नत्थिताय एव पच्चुप्पन्नं न हुत्वा अतीतं न होतीति नहुत्वानहोति नाम ताव होतु । पुन नहुत्वानहोतिभावो पनस्स कुतो”ति मज्झमानो पटिक्खपति । उभयं एकतो कत्वा आगते ततियपञ्हेपि इमिनावुपायेन योजना कातब्बा ।

अपरो नयो — यदि तज्जेव अनागतं तं पच्चुप्पन्नं, अनागतस्स पच्चुप्पन्ने वुत्तो होतिभावो, पच्चुप्पन्नस्स च अनागते वुत्तो हुत्वाभावो आपज्जति । एवं सन्ते अनागतम्पि हुत्वाहोति नाम । पच्चुप्पन्नम्पि हुत्वाहोतियेव नाम । तेन तं पुच्छाम — “किं ते एतेसु एकेकं हुत्वा होति हुत्वा होती”ति? इतरो — “तज्जेव अनागतं तं पच्चुप्पन्न”न्ति पञ्हे पटिक्खित्तनयेनेव पटिक्खपित्वा पुन पुट्ठो दुतिये पञ्हे पटिज्जातनयेनेव पटिजानाति । अथ नं सकवादी “तज्जेव अनागतं तं पच्चुप्पन्न”न्ति पञ्हावसेन तेसु एकेकं हुत्वा होति हुत्वा होतीति पटिजानन्तं पुरिमं पटिक्खित्तपञ्हे परिवत्तित्वा पुच्छन्तो न हुत्वा न होति न हुत्वा न होतीति पुच्छति । तस्सत्थो — ननु “तथा तज्जेव अनागतं तं पच्चुप्पन्न”न्ति वुत्ते पठमपञ्हे पटिक्खपन्तेन अनागतस्स होतिभावो पच्चुप्पन्नस्स च हुत्वाभावो पटिक्खित्तोति । तेन अनागतं न होति नाम, पच्चुप्पन्नं न हुत्वा नाम ।

दुतियपञ्हे च तज्जेव अनागतं तं पच्चुप्पन्नन्ति पटिज्जातं । एवं सन्ते अनागतम्पि न हुत्वा न होति नाम । पच्चुप्पन्नम्पि न हुत्वा न होतियेव नाम । तेन तं पुच्छाम — “किं ते एतेसु एकेकं न हुत्वा न होति न हुत्वा न होती”ति? परवादी सब्बतो अन्धकारेन परियोन्द्धो विय तेसं नहुत्वानहोतिभावं अपस्सन्तो न हेवन्ति पटिक्खपति ।

दुतियवारपि यदि तज्जेव पच्चुप्पन्नं तं अतीतं, पच्चुप्पन्नस्स अतीते वुत्तो होतिभावो, अतीतस्स च पच्चुप्पन्ने वुत्तो हुत्वाभावो आपज्जति, एवं सन्ते पच्चुप्पन्नम्पि हुत्वाहोति नाम, अतीतम्पि हुत्वाहोतियेव नाम । तेन तं पुच्छाम — “किं ते एतेसु एकेकं हुत्वा होति हुत्वा होती”ति? इतरो तज्जेव पच्चुप्पन्नं तं अतीतन्तिपञ्हे पटिक्खित्तनयेनेव पटिक्खपित्वा पुन पुट्ठो दुतियपञ्हे पटिज्जातनयेनेव पटिजानाति । अथ नं सकवादी “तज्जेव पच्चुप्पन्नं तं अतीत”न्ति पञ्हावसेन तेसु एकेकं हुत्वा होति हुत्वा होतीति पटिजानन्तं पुरिमं पटिक्खित्तपञ्हे परिवत्तित्वा पुच्छन्तो न हुत्वा न होति न हुत्वा न होतीति पुच्छति । तस्सत्थो — ननु तथा तज्जेव पच्चुप्पन्नं तं अतीतन्ति वुत्ते पठमपञ्हे पटिक्खपन्तेन पच्चुप्पन्नस्स होतिभावो, अतीतस्स च हुत्वाभावो पटिक्खित्तोति । तेन पच्चुप्पन्नं नहोति नाम । अतीतं नहुत्वा नाम ।

दुतियपञ्हे च ते “तज्जेव पच्चुप्पन्नं तं अतीत”न्ति पटिज्जातं । एवं सन्ते पच्चुप्पन्नम्पि न हुत्वा न होति नाम, अतीतम्पि न हुत्वा न होतियेव नाम । तेन तं पुच्छाम — “किं ते एतेसु एकेकं न हुत्वा न होति, न हुत्वा न होती”ति । परवादी सब्बतो अन्धकारेन परियोन्द्धो विय तेसं नहुत्वानहोतिभावं अपस्सन्तो न हेवन्ति पटिक्खपति ।



ततियवारिपि यदि तज्जेव अनागतं तं पच्चुप्पन्नं तं अतीतं; अनागतपच्चुप्पन्नानं पच्चुप्पन्नातीतेसु वुत्तो होतिभावो, पच्चुप्पन्नातीतानञ्च अनागतपच्चुप्पन्नेसु वुत्तो हुत्वाभावो आपज्जति। एवं सन्ते अनागतमिपि हुत्वाहोति नाम। पच्चुप्पन्नमिपि अतीतमिपि हुत्वा होतियेव नाम। तेन तं पुच्छाम — “किं ते तीसुपि एतेसु एकेकं हुत्वा होति हुत्वा होती”ति? इतरो “तज्जेव अनागतं, तं पच्चुप्पन्नं, तं अतीतं”न्तिपज्जे पटिक्खित्तनयेनेव पटिक्खित्वा पुन पुट्ठो दुतियपज्जे पटिज्जातनयेनेव पटिजानाति। अथ नं सकवादी “तज्जेव अनागतं, तं पच्चुप्पन्नं, तं अतीतं”न्ति पज्जावसेन तेसु एकेकं हुत्वा होति, हुत्वा होतीति पटिजानन्तं पुरिमं पटिक्खित्तपज्जं परिवत्तित्वा पुच्छन्तो न हुत्वा न होति न हुत्वा न होतीति पुच्छति। तस्सत्थो — ननु तथा तज्जेव अनागतं, तं पच्चुप्पन्नं, तं अतीतन्ति वुत्ते पठमपज्जं पटिक्खित्तनयेनेव अनागतपच्चुप्पन्नानं होतिभावो; पच्चुप्पन्नातीतानञ्च हुत्वाभावो पटिक्खित्तोति? तेन अनागतं पच्चुप्पन्नञ्च न होति नाम। पच्चुप्पन्नञ्च अतीतञ्च न हुत्वा नाम।

दुतियपज्जे च ते “तज्जेव अनागतं, तं पच्चुप्पन्नं, तं अतीतं”न्ति पटिज्जातं। एवं सन्ते अनागतमिपि न हुत्वा न होति नाम, पच्चुप्पन्नमिपि अतीतमिपि न हुत्वा न होतियेव नाम। तेन तं पुच्छाम — “किं ते एतेसु एकेकं न हुत्वा न होति न हुत्वा न होती”ति? परवादी सब्बतो अन्धकारेण परियोनद्धो विय तेसं न हुत्वा न होतिभावं अपस्सन्तो न हेवन्ति पटिक्खित्तोति। निग्गहादीनि पनेत्थ हेट्ठा वुत्तनयेनेव योजेतब्बानि।

वचनसोधनवण्णना निड्डिता।

### अतीतचक्खुरूपादिकथावण्णना

२८९. अतीतं चक्खु अत्थीतिआदीसुपि चक्खादिभावाविजहनेनेव अत्थितं पटिजानाति। पस्सतीतिआदीनि पुट्ठो पन तेसं विज्जाणानं किच्चाभाववसेन पटिक्खित्तपति।

### अतीतजाणादिकथावण्णना

२९०. तेन जाणेन जाणकरणीयं करोतीति पज्जे तस्स जाणस्स निरुद्धत्ता किच्चभावमस्स अपस्सन्तो पटिक्खित्तपति। पुन पुट्ठो अतीतारम्मणं पच्चुप्पन्नं जाणं अतीतानं धम्मानं जाननतो अतीतं जाणन्ति लेसेन पच्चुप्पन्नमेव “अतीतं जाण”न्ति कत्वा तेन जाणेन जाणकरणीयस्स अत्थिताय पटिजानाति। अथस्स सकवादी लेसोकासं अदत्त्वा तेन जाणेन दुक्खं परिजानातीतिआदिमाह। इतरो अतीतारम्मणेनेव जाणेन इमेसं चतुन्नं किच्चानं अभावा पटिक्खित्तपति। अनागतपज्जेपि एसेव नयो। पच्चुप्पन्नपज्जे चो व संसन्दनपज्जे च उत्तानत्थायेव।

### अरहन्तादिकथावण्णना

२९१. अरहतो अतीतो रागो अत्थीतिआदीसुपि रागादिभावाविजहन्तो एवं पटिजानाति। सरागोतिआदीसु सुत्तविरोधभयेन चो व युत्तिविरोधभयेन च पटिक्खित्तपति।

### पदसोधनकथावण्णना

२९५. एवं सब्बमिपि पाळिअनुसारेनेव विदित्वा परतो अत्थि सिया अतीतं, सिया न्वातीतन्ति एत्थ एवमत्थो वेदितब्बो। यं अतीतमेव अत्थि, तं अतीतं। यं पच्चुप्पन्नानागतं अत्थि, तं नो अत्थि, तं नो अतीतं। तेनातीतं न्वातीतं, न्वातीतं अतीतन्ति तेन कारणेन अतीतं नो अतीतं, नो अतीतं अतीतन्ति। अनागतपच्चुप्पन्नपुच्छासुपि एसेव नयो।

### सुत्तसाधनवण्णना

२९६. न वत्तब्बं “अतीतं अत्थि अनागतं अत्थी”ति सुत्तसाधनाय पुच्छा परवादस्स, पटिज्जा सकवादस्स। पुन अत्तनो लद्धि निस्साय यंकिञ्चि, भिक्खवे, रूपन्ति अनुयोगो परवादस्सेव। दुतियनये पुच्छा सकवादस्स, पटिज्जा इतरस्स। एवं सब्बत्थ पुच्छा च पटिज्जा च वेदितब्बा। यं पनेतं परवादिना अनागतस्स अत्थिभावसाधनत्थं “ननु वुत्तं भगवता कबळीकारे, चे, भिक्खवे”ति सुत्तस्स परियोसाने अत्थि तत्थ आर्याति पुनब्भवाभिनिब्बत्तीतिआदि दस्सितं न तं अनागतस्स अत्थिभावसाधकं। तज्जि हेतून् परिनिड्डितत्ता अवस्सं भावितं सन्धाय तत्थ वुत्तं। अयं सुत्ताधिप्पायो। सेसं सब्बत्थ उत्तानत्थमेवाति।

सब्बमत्थीतिकथावण्णना निड्डिता।

## ६. अतीतखन्धादिकथा

### १. नसुत्तसाधनकथावण्णना

२९७. इदानी “अतीतं खन्धा”तिआदिकथा होति। तत्थ खन्धादिभावाविजहन्तो अतीतानागतानं अत्थितं इच्छन्तस्स अतीतं खन्धाति पुच्छा परवादस्स, अतीतस्स खन्धसङ्गहितत्ता आमन्ताति पटिज्जा सकवादस्स। पुन अतीतं नत्थीति पुच्छा परवादस्स, तस्स निरुत्तिपथसुत्तेन अत्थिताय वारितत्ता पटिक्खेपो सकवादस्स। आयतनधातुपुच्छासुपि अनागतपज्जेसुपि पच्चुप्पन्नेन सद्धि संसन्दित्वा अनुलोमपटिलोमतो आगतपज्जेसुपि “अतीतं रूप”न्तिआदिपज्जेसुपि इमिनावुपायेन अत्थो वेदितब्बो।

### २. सुत्तसाधनवण्णना

२९८. सुत्तसाधने पन न वत्तब्बन्ति पुच्छा सकवादस्स। तत्थ नत्थि चेतेति नत्थि च एते धम्माति अत्थो। खन्धादिभावे सति नत्थितं अनिच्छन्तस्स आमन्ताति पटिज्जा परवादस्स, अथ नेसं नत्थिभावसाधनत्थं सुत्ताहरणं सकवादस्स। दुतियपुच्छापि परवादस्स, पटिज्जा सकवादस्स, सुत्ताहरणं परवादस्स। तं पन नेसं खन्धादिभावमेव सार्थेति, न अत्थिभावन्ति आहट्ठमिपि अनाहट्ठसदिसमेवाति।

अतीतं खन्धातिआदिकथावण्णना ।

## ७. एकच्चंअत्थीतिकथा

### १. अतीतादिअकच्चकथावण्णना

१९९. इदानीं एकच्चं अत्थीति कथा होति । तत्थ ये “एकच्चं अतीतं अत्थी”ति मज्झन्ति, सेय्यथापि कस्सपिका; तेसं लद्धिभिन्दनत्थं अतीतं अत्थीति पुच्छा सकवादिस्स, एकच्चं अत्थीति विस्सज्जनं परवादिस्स । अयञ्हि अधिप्पायो — अविपक्कविपाकं अत्थि, विपक्कविपाकं नत्थीति । एकच्चं निरुद्धन्ति अनुयोगो सकवादिस्स । तस्सत्थो — यदि ते अतीतं एकच्चं अत्थि एकच्चं नत्थि, एवं सन्ते एकच्चं अतीतं निरुद्धं, एकच्चं अतीतं अनिरुद्धं, तथेव ठितन्ति आपज्जति । विगतन्तिआदीसुपि एसेव नयो ।

अविपक्कविपाकधम्मा एकच्चेति इदं यस्मा येसं सो अविपक्कविपाकानं अत्थितं इच्छति, तेपि अतीतायेव । तस्मा यथा ते अतीतं एकच्चं अत्थि, किं तथा अविपक्कविपाकापि धम्मा एकच्चे अत्थी एकच्चे नत्थीति चोदेतुं वुत्तं । विपक्कविपाकाति इदं येसं सो नत्थितं इच्छति, तेसं वसेन चोदेतुं वुत्तं । अविपाकाति इदं अब्बाकतानं वसेन चोदेतुं वुत्तं । इति इमेसं तिण्णं रासीनं वसेन सब्बेसु अनुलोमपटिलोमेसु पटिज्जा च पटिक्खेपो च वेदितब्बा । अतीता एकदेसं विपक्कविपाका, एकदेसं अविपक्कविपाकाति विपक्कविपाका वुच्चन्ति । येन हि कम्मन पटिसन्धि निब्बत्तिता, भवङ्गम्पि चुतिपि तस्सेव विपाको । तस्मा पटिसन्धितो याव चुति, ताव तं विपक्कविपाकं नाम होति । तथारूपे धम्मे सन्धायेतं वुत्तं ।

विपच्चिस्सन्तीति कत्वा ते अत्थीति पुच्छा सकवादिस्स । यथा धम्मधरस्स पुगलस्स निद्वायन्तस्सापि बहुपवत्तिनो धम्मा अत्थीति वुच्चन्ति, एवं लोकवोहारवसेन अत्थितं सन्धाय पटिज्जा परवादिस्स । विपच्चिस्सन्तीति कत्वा पच्चुपन्नाति दुतियपञ्जे “कम्मानं अविनाससङ्घातो कम्मूपचयो नामेको अत्थी”ति लद्धियं ठत्वा पटिज्जा परवादिस्स ।

### २. अनागतादिअकच्चकथावण्णना

३००. अनागतं अत्थीति आदीसुपि एकच्चं अत्थीति उप्पादिनो धम्मे सन्धाय वदति । सेसं सब्बत्थ हेट्ठा वुत्तनयत्ता उत्तानत्थमेवाति ।

एकच्चंअत्थीतिकथावण्णना ।

## ८. सतिपट्टानकथावण्णना

३०१. इदानीं सतिपट्टानकथा होति । “तत्थ — चतुन्नं, भिक्खवे, सतिपट्टानानं समुदयञ्च अत्थङ्गमञ्च देसेस्सामी”ति (सं० नि० ५.४०८) सतिपट्टानसंयुते वुत्तनयेनेव येसं कायादयो सतिया आरम्भणधम्मे गहेत्वा “सब्बे धम्मा सतिपट्टाना”ति लद्धि, सेय्यथापि एतरहि अन्धकानं । अन्धका नाम पुब्बसेलिया, अपरसेलिया, राजगिरिया, सिद्धत्थिकाति इमे पच्छा उप्पन्निकाया । तेसं लद्धिविवेचनत्थं पुच्छा सकवादिस्स, पटिज्जा परवादिस्स । तत्थ यस्मा “पटिट्ठाति एतेसूति पट्टाना । का पटिट्ठाति? सति । सतिया पट्टाना सतिपट्टाना”ति इमिना अत्थेन सतिगोचरापि सतिपट्टाना । “पटिट्ठहन्तीति पट्टाना । का पटिट्ठहन्ति? सतियो । सतियोव पट्टाना सतिपट्टाना”ति इमिना अत्थेन सतियोव सतिपट्टाना । तस्मा द्वेपि वादा परियायेन युज्जन्ति । ये पन तं परियायं पहाय एकन्तेनेव “सब्बे धम्मा सतिपट्टाना”ति वदन्ति, ते सन्धाय पुच्छा सकवादिस्स, आरम्भणवसेन पटिज्जा परवादिस्स । सब्बे धम्मा सतीति अनुयुत्तस्स पन सब्बेसं सतिसभावाभावतो पटिक्खेपो तस्सेव । तत्थ खयगामीति आदीनि मग्गविसेसनानि । एकायनमग्गो हि किलेसानं खयभूतं निब्बानं गच्छतीति खयगामी । चत्तारि सच्चानि बुज्झन्तो गच्छतीति बोधगामी । वट्टं अपचिनन्तो गच्छतीति अपचयगामी । एवमेतेहि पदेहि “किं ते सब्बे धम्मा एवरूपो ते एकायनो मग्गो होती”ति पुच्छति । अनासवा असंयोजनियाति आदीनिपि लोकुत्तरभावं पुच्छनत्थाय वुत्तानि । बुद्धानुस्सतीति आदीनि पभेदपुच्छावसेन वुत्तानि ।

चक्खायतनं सतिपट्टानन्तिआदि सब्बधम्मानं पभेदपुच्छावसेन वुत्तं । तत्थापि सतिवसेन पटिक्खेपो, आरम्भणवसेन पटिज्जाति । एवं सब्बपञ्हेसु अत्थो वेदितब्बो । सुत्तसाधना उत्तानत्थायेवाति ।

सतिपट्टानकथावण्णना निट्ठिता ।

## ९. हेवत्थिकथावण्णना

३०४. इदानीं हेवत्थिकथा नाम होति । तत्थ येसं “सब्बेपि अतीतादिभेदा धम्मा रूपादिवसेन अत्थि, अतीतं अनागतपच्चुप्पन्नवसेन, अनागतपच्चुप्पन्नानि वा अतीतादिवसेन नत्थि; तस्मा सब्बमेविदं एवं अत्थि एवं नत्थी”ति लद्धि, सेय्यथापि एतरहि वुत्तपभेदानं अन्धकानं; ते सन्धाय अतीतं अत्थीति पुच्छा सकवादिस्स । हेवत्थि हेव नत्थीति विस्सज्जनं परवादिस्स । तत्थ हेवाति एवं । अथ नं सकवादी “यदि अतीतोव एवं अत्थि, एवं नत्थीति लद्धि, एवं सन्ते सोयेव अत्थि, सोयेव नत्थि नामा”ति पुच्छन्तो सेवत्थि, सेव नत्थीति आह । इतरो तेनेव सभावेन अत्थितं, तेनेव नत्थितं सन्धाय पटिक्खिपति । दुतियं पुट्टो सकभावेनेव अत्थितं, परभावेनेव नत्थितं सन्धाय पटिज्जानाति । ततो परं अत्थट्ठो नत्थट्ठोति अत्थिसभावो नत्थिसभावो नाम होतीति पुच्छति । इमिनावुपायेन सब्बवारेसु अत्थो वेदितब्बो । परियोसाने पन “तेन हि अतीतं हेवत्थि, हेव नत्थी”ति च “तेन हि रूपं हेवत्थि, हेव नत्थी”ति चातिआदीनि वत्त्वा किञ्चापि परवादिना लद्धि पटिट्ठापिता, अयोनिस्सो पटिट्ठापितत्ता पनेसा अप्पत्तिट्ठापितायेवाति ।

हेवत्थिकथावण्णना ।

महावग्गो निड्ढितो ।

## २. दुतियवग्गो

### १. परूपहारवण्णना

३०७. इदानीं परूपहारकथा नाम होति । तत्थ ये अरहत्तं पटिजानन्तानं अप्पत्ते पत्तसज्जीनं अधिमानिकानं कुहकानं वा अरहत्तं पटिजानन्तानं सुक्कविस्सट्ठिं दिस्वा “मारकायिका देवता अरहतो असुचिं उपसंहरन्ती”ति मज्झन्ति; सेय्यथापि एतरहि पुब्बसेलिया च अपरसेलिया च; ते सन्धाय अत्थि अरहतोति पुच्छा सकवादिसस, पटिज्जा इतरस्स । इदानीं यस्मा सुक्कविस्सट्ठि नाम रागसमुद्धाना होति, तस्मा अत्थि अरहतो रागोति अनुयोगो आरद्धो । सो सब्बोपि उत्तानत्थोयेव ।

मारकायिका देवता अत्तनोतिआदिपच्चे यस्मा तासं देवतानं सुक्कविस्सट्ठि नाम नत्थि, अज्जेसम्पि सुक्कं गहेत्वा न उपसंहरन्ति, अरहतो पन सुक्कमेव नत्थि, तस्मा न हेवन्ति पटिक्खपति ।

नेव अत्तनोतिपच्चे पन निम्मिनित्वा उपसंहरन्तीति लद्धिया पटिजानाति । लोमकूपेहीतिपच्चे सप्पितेलानं विय लोमकूपेहि उपसंहरणाभावं दिस्वा पटिक्खपति ।

३०८. हन्द हीति वचसायत्थे निपातो । “अरहा नु खो अहं, नो”ति एवं विमतिं गाहयिस्सामाति एवं वचसायं कत्वा उपसंहरन्तीति अत्थो । अत्थि अरहतो विमतीति पुट्ठो अट्ठवत्थुकं विचिकिच्छं सन्धाय पटिक्खपति, दुतियं पुट्ठो इत्थिपुरिसानं नामगोत्तादीसु सन्निट्ठानाभावं सन्धाय पटिजानाति ।

३०९. अत्थि तस्स आसयोति तस्स सुक्कस्स उच्चारपस्सावानं विय पतिट्ठानोकासो अत्थीति पुच्छति ।

३१२. सधम्मकुसलस्साति अत्तनो अरहत्तधम्ममत्तेयेव कुसलस्स । पज्जाविमुत्तं सन्धायेवं वदति । परधम्मकुसलस्साति सधम्मतो परस्मिं अट्ठसमापत्तिधम्मोपि कुसलस्स । उभतोभागविमुत्तं सन्धायेवं वदति । सेसमेत्थ पाळिअनुसारेनेव वेदितव्वन्ति ।

परूपहारकथावण्णना ।

### २-३-४. अज्जाणादिकथावण्णना

३१४. इदानीं अज्जाणं, कङ्कहा, परवितरणाति तिस्सो कथा नाम होन्ति । तत्थ येसं “अरहतो इत्थिपुरिसादीनं नामगोत्तादीसु जाणप्पवत्तिया अभावेन अत्थि अज्जाणं, तत्थेव सन्निट्ठानाभावेन अत्थि कङ्कहा । यस्मा च नेसं तानि वत्थूनि परे वितरन्ति पकासेन्ति आचिकखन्ति, तस्मा नेसं अत्थि परवितरणा”ति इमा लद्धियो, सेय्यथापि एतरहि पुब्बसेलियादीनं; तेसं ता लद्धियो भिन्दितुं तीसुपि कथासु पुच्छा सकवादिसस, पटिज्जा च पटिक्खेपो च इतरस्स । तत्थ सब्बेसुपि पच्चेसु चेव विस्सज्जनेसु च पाळिं अनुगन्त्वाव अत्थो वेदितव्वोति ।

अज्जाणादिकथावण्णना ।

### ५. वचीभेदकथावण्णना

३१६. इदानीं वचीभेदकथा नाम होति । तत्थ येसं “सोतापत्तिमग्गकखणे पठमं ज्ञानं समापन्नस्स दुक्खन्ति वाचा भिज्जती”ति लद्धि, सेय्यथापि एतरहि पुब्बसेलियादीनं; ते सन्धाय समापन्नस्स अत्थि वचीभेदोति पुच्छा सकवादिसस, लद्धियं ठत्वा पटिज्जा परवादिसस । पुन सब्बत्थाति तयो भवे सन्धाय पुट्ठो अरूपं सन्धाय पटिक्खपति । सब्बदाति कालवसेन पुट्ठो पठममग्गकखणे पठमज्झानिकसमापत्तितो अज्जं सब्बं समापत्तिकालं सन्धाय पटिक्खपति । सब्बेसं समापन्नानन्ति पुट्ठो लोकियसमापत्तियो समापन्ने सन्धाय पटिक्खपति । सब्बसमापत्तीसूति पुट्ठो दुतियज्झानादिकं लोकुत्तरं सब्बज्ज लोकियसमापत्तिं सन्धाय पटिक्खपति ।

कायभेदोति अभिक्कमादिवसेन पवत्तकायविज्जति । इदं “यानि चित्तानि वचीविज्जतिं समुट्ठापेन्ति, तानेव कायविज्जतिं । एवं सन्ते कस्मा कायभेदोपि न होती”ति चोदनत्थं पुच्छति । इतरो लद्धिवसेन पटिक्खपति चेव पटिजानाति च । इदानीं यदि सो मग्गकखणे “दुक्ख”न्ति वाचं भासति, “समुदयो”तिआदिकम्पि भासेय्य । यदि वा तं न भासति, इतरम्पि न भासेय्याति चोदनत्थं दुक्खन्ति जानन्तोतिआदयो पच्चा वुत्ता । इतरो पन अत्तनो लद्धिवसेनेव पटिजानाति चेव पटिक्खपति च । लोकुत्तरं पठमज्झानं समापन्नो दुक्खदुक्खन्ति विपस्सतीति हिस्स लद्धि ।

३१८. जाणन्ति लोकुत्तरं चतुसच्चजाणं । सोतन्ति सोतविज्जाणं अधिपेत्तं, येन तं सद्दं सुणाति । द्विन्नं फस्सानन्ति सोतसम्फस्समनोसम्फस्सानं ।

३१९. नो वत रे वत्तव्वेति यदि अविसेसेन यंकिज्जि समापन्नस्स नत्थि वचीभेदो, न अविसेसेन वत्तव्वं “समापन्नस्स अत्थि वचीभेदो”ति । सेसमेत्थ उत्तानत्थमेव सद्धिं सुत्तसाधनाय । यं पनेतेन “सिखिस्स आनन्द, भगवतो”ति परियोसाने सुत्तं आभत्तं, तत्थ येन समापत्तिचित्तेन सो वचीभेदो समुट्ठितो, कायभेदोपि तेन समुट्ठातियेव, न च तं लोकुत्तरं पठमज्झानचित्तं, तस्मा असाधकन्ति ।

वचीभेदकथावण्णना ।

#### ६. दुःखाहारकथावण्णना

३३४. इदानीं दुःखाहारकथा नाम होति । तत्थ “दुःखं दुःखन्ति वाचं भासन्तो दुःखे जाणं आहरति, तं दुःखाहारो नाम वुच्चति । तच्च पनेतं मग्गङ्गं मग्गपरियापन्नं” न्ति येसं लद्धि, सेय्यथापि एतरहि पुब्बसेलियानं; ते सन्धाय **दुःखाहारो**ति पुच्छा सकवादस्स, पटिज्जा परवादस्स । **ये केची**ति पठमपञ्चे अविपस्सके सन्धाय पटिक्खपति, दुतियपञ्चे विपस्सके सन्धाय पटिजानाति, तं पनस्स लद्धिमत्तमेव । तस्मा “सब्बे ते”ति वादस्स भिन्दनत्थं **बालपुथुज्जना**तिआदिमाह । तं उत्तानत्थमेवाति ।

दुःखाहारकथावण्णना ।

#### ७. चित्तद्वितिकथावण्णना

३३५. इदानीं चित्तद्वितिकथा नाम होति । तत्थ येसं समापत्तिचित्तञ्चेव भवङ्गचित्तञ्च अनुप्पबन्धेन पवत्तमानं दिस्वा “एकमेव चित्तं चिरं तिड्ढती”ति लद्धि सेय्यथापि एतरहि हेट्ठा वुत्तप्पभेदानं अन्धकानं, तंलद्धिविसोधनत्थं **एकं, चित्तं दिवसं तिड्ढती**ति पुच्छा सकवादस्स, पटिज्जा परवादस्स । **उपड्ढदिवसो उप्पादक्खणो**ति एत्थ ठितिकखणं अनामसित्वा “अनिच्चा वत सङ्खारा, उप्पादवयधम्मिनो”ति (सं० नि० १.१८६; २.१४३) देसनानयेन उप्पादवयवसेनेव पुच्छा कता ।

**ते धम्मा चित्तेन लहुपरिवत्ता**ति पुट्ठो चित्ततो लहुतरपरिवत्तिनो धम्मे अपस्सन्तो पटिक्खपति । दुतियं पुट्ठो यस्स चित्तस्स दीघद्विंतिं इच्छति, तं सन्धाय पटिजानाति । **यावतायुक्ं तिड्ढती**ति पञ्चे “चुल्लासीतिसहस्सानि, कप्पा तिड्ढन्ति ये मरू”तिआदिवचनवसेन (महानि० १०) आरुप्पतो अज्जत्र पटिक्खपति, आरुप्पे पटिजानाति । **मुहुत्तं मुहुत्तं उप्पज्जती**ति पञ्चे परवादस्स “उप्पादवयधम्मिनो”तिआदिसुत्तविरोधभयेन पटिजानाति । ठितिं पनस्स लद्धिवसेन इच्छति । सेसमेत्थ उत्तानत्थमेवाति ।

चित्तद्वितिकथावण्णना ।

#### ८. कुक्कुळकथावण्णना

३३८. इदानीं कुक्कुळकथा नाम होति । तत्थ येसं “सब्बं, भिक्खवे, आदित्तं (सं० नि० ४.२८; महाव० ५४) सब्बे सङ्खारा दुःखा”तिआदीनि (ध० प० २७८) सुत्तानि अयोनिसो गहेत्वा “निप्परियायेनेव सब्बे सङ्खारा कुक्कुळा वीतच्चित्तङ्गारसम्मिस्सा छारिकनिरयसदिसा”ति लद्धि, सेय्यथापि एतरहि गोकुलिकानं; तेसं नानप्पकारसुखसन्दस्सनेन तं लद्धिं विवेचेतुं पुच्छा सकवादस्स, पटिज्जा परवादस्स । तत्थ **अनोधिं कत्वा**ति ओधिं मरियादं कोट्ठासं अकरित्वा, अविसेसेन सब्बेयेवाति अत्थो । सेसं सब्बं पाळिनयेनेव वेदितब्बं सद्धिं सुत्तसाधनायाति ।

कुक्कुळकथावण्णना ।

#### ९. अनुपुब्बाभिसमयकथावण्णना

३३९. इदानीं अनुपुब्बाभिसमयकथा नाम होति । तत्थ येसं —

“अनुपुब्बेन मेधावी, थोकं थोकं खणे खणे ।

कम्ममारो रजतस्सेव, निद्धमे मलमत्तनो”ति ॥ (ध० प० २३९) —

आदीनि सुत्तानि अयोनिसो गहेत्वा “सोतापत्तिफलसच्छिकिरियाय पटिपन्नो एकच्चे किलेसे दुःखदस्सनेन पजहति, एकच्चे समुदयनिरोधमग्गदस्सनेन, तथा सेसापीति एवं सोळसहि कोट्ठासेहि अनुपुब्बेन किलेसप्पहानं कत्वा अरहत्तपटिलाभो होती”ति एवरूपा नानाभिसमयलद्धि उप्पन्ना, सेय्यथापि एतरहि अन्धकसब्बत्थिकसम्मितिभद्रयानिकानं; तेसं लद्धिविवेचनत्थं **अनुपुब्बाभिसमयो**ति पुच्छा सकवादस्स, पटिज्जा इतरस्स । **अनुपुब्बेन सोतापत्तिमग्गन्ति** पुट्ठो पन एकस्स मग्गस्स बहुभावापत्तिभयेन पटिक्खपति । दुतियं पुट्ठो दुःखदस्सनादिवसेन पटिजानाति । तानि वा चत्तारिपि जाणानि एको सोतापत्तिमग्गोयेवाति पटिजानाति, फलं पन एकमेव इच्छति, तस्मा पटिक्खपति । सकदागामिमग्गादीसुपि एसेव नयो ।

३४४. **मग्गे दिट्ठे फले ठितो**ति पञ्चे यस्मा दुःखदस्सनादीहि दस्सन् अपरिनिड्ढितं, मग्गदस्सनेन परिनिड्ढितं नाम होति, तदा सो फले ठितोति सङ्गं गच्छति, तस्मा पटिजानाति ।

३४५. **दुःखे दिट्ठे चत्तारि सच्चानी**ति पुच्छा परवादस्स, एकाभिसमयवसेन पटिज्जा सकवादस्स । पुन **दुःखसच्चं चत्तारि सच्चानी**ति अनुयोगे चतुन्मप्पि नानासभावत्ता पटिक्खेपो तस्सेव ।

**रूपक्खन्धे अनिच्चतो दिट्ठे**ति पुच्छा सकवादस्स, समुद्वतो एकविन्दुस्स रसे पटिविद्धे सेसउदकस्स पटिवेधो विय एकधम्मे अनिच्चादितो पटिविद्धे सब्बेपि पटिविद्धा होन्तीति लद्धिया पटिज्जा परवादस्स ।

**चतूहि जाणेही**ति दुःखे जाणादीहि । **अट्ठहि जाणेही**ति सावकानं साधारणेहि सच्चजाणेहि चैव पटिसम्भिदाजाणेहि च । **द्वादसहि जाणेही**ति द्वादसङ्गपटिच्चसमुप्पादजाणेहि । **चतुचत्तारीसाय जाणेही**ति “जरामरणे जाणं, जरामरणसमुदये जाण”न्ति एवं निदानवग्गे वुत्तजाणेहि । **सत्तसत्ततिया जाणेही**ति “जरामरणं, भिक्खवे, अनिच्चं सङ्गत्तं पटिच्चसमुप्पन्नं खयधम्मं वयधम्मं विरागधम्मं निरोधधम्म”न्ति (सं० नि० २.२०) एवं तत्थेव वुत्तजाणेहि । सेसमेत्थ पाळिनयेनेव वेदितब्बं सद्धिं सुत्तसाधनेनाति ।

अनुपुब्बाभिसमयकथावण्णना ।

### १०. वोहारकथावण्णना

३४७. इदानीं वोहारकथा नाम होति । तत्थ बुद्धो भगवा लोकोत्तरेण वोहारेण वोहरतीति येसं लद्धि, सेय्यथापि एतरहि अन्धकानं; ते सन्धाय पुच्छा सकवादिस्स, लद्धिवसेन पटिज्जा परवादिस्स । **लोकोत्तरे सोते**तिआदीनि तस्स अयुत्तवादीभावदीपनत्थं वुत्तानि । अयञ्हेत्थ अधिप्पायो — “सदायतनमेव ते लोकोत्तरं, उदाहु सोतादीनिपी”ति ।

**हज्जि बुद्धस्स भगवतो वोहारो लोकिये सोते पटिहज्जतीति** एत्थ यदि सो लोकोत्तरे पटिहज्जेय्य । लोकोत्तरो सियाति एवमत्थो न गहेतब्बो । लोकिये पटिहज्जमानस्स पन लोकोत्तरता नाम नत्थीति अयमेत्थाधिप्पायो । **लोकियेन विज्जाणेनाति** एत्थापि लोकियेनेवाति अत्थो । इतरथा अनेकन्तता सिया । लोकोत्तरज्जि लोकियेनपि जाणेन जायती । एवं सब्बं यथानुरूपतो वेदितब्बं । **सब्बे ते मगं भावेन्तीति** पज्हेसु ये मगं नपटिलभन्ति, ते सन्धाय पटिक्खपति । ये पटिलभन्ति, ते सन्धाय पटिजानाति ।

३५१. **सोवण्णमयायाति** सुवण्णमयाय । इदं परवादिस्स उदाहरणं ।

**एळण्डयायाति** एळण्डमयाय । इदं सकवादिस्स उदाहरणं । लोकियं वोहरन्तस्स लोकियोति अयम्पि एका लद्धि । सा एतरहि एकच्चानं अन्धकानं लद्धि । सेसमेत्थ उत्तानत्थमेवाति ।

वोहारकथावण्णना ।

### ११. निरोधकथावण्णना

३५३. इदानीं निरोधकथा नाम होति । तत्थ येसं अप्पटिसङ्खानिरोधज्ज पटिसङ्खानिरोधज्ज द्वेपि एकतो कत्वा निरोधसच्चन्ति लद्धि, सेय्यथापि एतरहि महिसासकानञ्चेव अन्धकानञ्च; ते सन्धाय **द्वे निरोधाति** पुच्छा सकवादिस्स, पटिज्जा परवादिस्स । **द्वे दुक्खनिरोधाति** पज्हेसु यस्मा द्वे दुक्खसच्चानि न इच्छति, तस्मा पटिक्खपति । यस्मा द्वीहाकारेहि दुक्खं निरुज्जतीति इच्छति, तस्मा पटिजानाति । **द्वे निरोधसच्चानीति**पज्हेसु द्विन्नं दुक्खसच्चानं निरोधवसेन अनिच्छन्तो पटिक्खपति । द्वीहाकारेहि दुक्खस्स निरुज्जनतो पटिजानाति । **द्वे ताणानीति**आदीसुपि एसेव नयो ।

**अत्थि द्विन्नं निब्बानानन्ति**आदीसु पुच्छासु उच्चनीचतादीनि अपस्सन्तो पटिक्खपति ।

**अप्पटिसङ्खानिरुद्धेति** ये पटिसङ्खाय लोकोत्तरेण जाणेन अनिरुद्धा सुद्धपकतिकता वा उद्देसपरिपुच्छादीनं वा वसेन न समुदाचरणतो निरुद्धाति वुच्चन्ति, ते सङ्खारे । **पटिसङ्खा निरोधेन्तीति** । लोकोत्तरजाणेन निरोधेन्ति अनुप्पत्तिभावं गमेन्ति । **ननु अप्पटिसङ्खानिरुद्धा सङ्खाराति** पुच्छा परवादिस्स । तत्थ भग्गानं पुन अभज्जनतो अप्पटिसङ्खानिरुद्धानं वा अरियमगो उपपन्ने तथा निरुज्जनतोव सकवादी अच्चन्तभगगतं पटिजानाति । सेसमेत्थ उत्तानत्थमेवाति ।

निरोधकथावण्णना ।

दुतियो वग्गो ।

## ३. ततियवग्गो

### १. बलकथावण्णना

३५४. इदानीं बलकथा नाम होति । तत्थ येसं अनुरुद्धसंयुते “इमेसञ्च पनाहं, आवुसो, चतुन्नं सतिपड्डानानं भावितत्ता बहुलीकतत्ता ठानञ्च ठानतो अट्टानञ्च अट्टानतो यथाभूतं पजानामी”तिआदीनि (सं० नि० ५.११३) दससुत्तानि अयोनिंसो गहेत्वा “तथागतबलं सावकसाधारणं”न्ति लद्धि, सेय्यथापि एतरहि अन्धकानं; ते सन्धाय पुच्छा सकवादिस्स, लद्धियं ठत्वा पटिज्जा परवादिस्स । तथागतबलञ्च नामेतं सावकेहि साधारणम्पि अत्थि असाधारणम्पि साधारणासाधारणम्पि । तत्थ आसवानं खये जाणं साधारणं । इन्द्रियपरोपरियत्तिजाणं असाधारणं । सेसं साधारणञ्च असाधारणञ्च । ठानाट्टानादीनि हि सावका पदेसेन जानन्ति, तथागता निप्पदेसेन । इति तानि उद्देसतो साधारणानि, न निद्देसतो । अयं पन अविसेसेन सब्बम्पि साधारणन्ति आह । तमेनं ततो विवेचेतुं **तथागतबलं सावकबलन्ति** पुन अनुयोगो आरुद्धो । तत्थ पठमपज्हे निद्देसतो सब्बाकारविसयतं सन्धाय पटिक्खपति । दुतियपज्हे उद्देसतो ठानाट्टानमत्तादिजाननवसेन पटिजानाति । **तज्जेवाति**आदिपज्हेसु सब्बाकारेण निन्नानाकरणताय अभावेन पटिक्खपति । **पुब्बयोगो च पुब्बचरिया च** अत्थतो एकं, तथा **धम्मक्खानञ्च धम्मदेसना च** ।

इन्द्रियपरोपरियत्तिपज्हे एकदेसेन साधारणतं सन्धाय सावकविसये पटिजानाति ।

३५५. इदानीं यस्मा उद्देसतो ठानाट्टानादीनि सावको जानाति, तस्मा सावकस्स तथा जाननं पकासेत्वा तेन जाननमत्तसामञ्जेन तेसं सावकसाधारणत्तं पटिद्वापेतुं **सावको ठानाट्टानं जानातीति**आदयो परवादिपज्हा होन्ति । तत्थ इन्द्रियपरोपरियत्तिजाणं छन्नं असाधारणजाणानं अज्जतरन्ति न गहितं । **आसवक्खयेन वा आसवक्खयन्ति** यं तथागतस्स आसवक्खयेन सद्धिं सावकस्स आसवक्खयं पटिच्च वत्तब्बं सिया नानाकरणं, तं नत्थि । **विमुत्तिता वा विमुत्तिन्ति** पदेपि एसेव नयो । सेसमेत्थ उत्तानत्थमेव ।

३५६. इदानीं यं सकवादिना “आसवानं खये जाणं साधारणं”न्ति अनुज्जातं, तेन सद्धिं संसन्दित्वा सेसानम्पि साधारणभावं पुच्छितुं पुन **आसवानं खयेति**आदयो

परवादिपञ्चाव होन्ति । तेसं विस्सज्जने सकवादिना आसवकखये विसेसाभावेन तं जाणं साधारणन्ति अनुज्जातं । इतरेसुपि विसेसाभावेन साधारणता पटिक्खिता । पुन ठानाट्टानादीनं आसवकखयेनेव सद्धि संसन्दित्वा असाधारणपुच्छा परवादिससेव । तत्थ आसवकखयजाणे पटिक्खेपो, सेसेसु च पटिज्जा सकवादिसस । ततो इन्द्रियपरोपरियत्तेन सद्धि संसन्दित्वा असाधारणपुच्छा परवादिसस । सा सद्धिपित्वा दस्सिता । तथापि इन्द्रियपरोपरियत्ते पटिज्जा, सेसेसु च पटिक्खेपो सकवादिसस । ततो ठानाट्टानादीहि सद्धि संसन्दित्वा इन्द्रियपरोपरियत्तस्स साधारणपुच्छा परवादिसस । सापि सद्धिपित्वाव दस्सिता । तत्थ इन्द्रियपरोपरियत्ते पटिक्खेपो । सेसेसु च पटिज्जा सकवादिससाति ।

बलकथावण्णना ।

## २. अरियन्तिकथावण्णना

३५७. इदानीं अरियन्तिकथा नाम होति । तत्थ येसं “न केवलं आसवकखयजाणमेव अरियं, अथ खो पुरिमानिपि नव बलानि अरियानि” च्चेव लद्धि, सेय्यथापि एतरहि अन्धकानं; ते सन्थाय अरियन्ति पुच्छा सकवादिसस, पटिज्जा इतरस्स । पुन यदि तं अरियं, मग्गादीसु तेन अज्जतरेन भवितव्वन्ति मग्गादिवसेन पुच्छा सकवादिसस, पटिक्खेपो इतरस्स ।

पुन सुज्जतारम्मणादिवसेन पुच्छा सकवादिसस । तत्थ द्वे सुज्जता — सत्तसुज्जता च सङ्खारसुज्जता च । सत्तसुज्जता नाम दिट्ठिया परिकप्पितेन सत्तेन सुज्जा पञ्चकखन्था । सङ्खारसुज्जता नाम सब्बसङ्खारेहि सुज्जं विवित्तं निस्सटं निब्बानं । तत्थ परवादी निब्बानारम्मणतं सन्थाय पटिक्खपति, सङ्खारारम्मणतं सन्थाय पटिज्जानाति । **मनसि करोतीति** पुट्ठोपि निब्बानमेव सन्थाय पटिक्खपति, सङ्खारे सन्थाय पटिज्जानाति । ततो सकवादिना “ठानाट्टानादिमनसिकारो सङ्खारारम्मणो, सुज्जतमनसिकारो निब्बानारम्मणो”ति इमं नयं गहेत्वा “द्विन्नं फस्सानं द्विन्नं चित्तानं समोधानं होती”ति पुट्ठो लेसोकासं अलभन्तो पटिक्खपति । अनिमित्तापणिहितेसुपि एसेव नयो । सत्तनिमित्ताभावतो हि खन्था अनिमित्ता । सङ्खारनिमित्ताभावतो निब्बानं । एकधम्मस्मिम्पि आरोपेत्वा ठपेतव्वसङ्खतेन च पणिदहितव्वडेन पणिहितसङ्खं गतेन सत्तपणिधिना अप्पणिहिता खन्था । तण्हापणिधिना तण्हाय वा आरम्मणभूतेन सब्बसङ्खारपणिधिना अप्पणिहितं निब्बानं । तस्मा इथापि पटिक्खेपो च पटिज्जा च पुरिमनयेनेव वेदितव्वा ।

३५८. ततो “यथा सतिपट्टानादयो लोकुत्तरधम्मा अरिया चेव सुज्जतादिआरम्मणा च, किं ते एवं ठानाट्टानजाण”न्ति अनुलोमपटिलोमपुच्छा होन्ति । तत्थ सब्बापि पटिज्जा सब्बे च पटिक्खेपा परवादिससेव । इमिनावुपायेन सेसजाणेसुपि पुच्छाविस्सज्जनं वेदितव्वं । पाळियं पन सेसानि सद्धिपित्वा अवसाने चुतूपपातजाणमेव विभत्तं । ततो परं सकसमयेपि “अरिय”न्ति सिद्धेन आसवानं खयजाणेन सद्धि संसन्दित्वा सेसजाणानं अनुलोमतो च पटिलोमतो च अरियभावपुच्छा होन्ति । ता सब्बा परवादिसस, पटिज्जा पटिक्खेपो च सकवादिसस । ते उत्तानत्थायेव । पाळियं पनेत्थ पठमनवमानेव दस्सेत्वा सत्त जाणानि सद्धित्तानीति ।

अरियन्तिकथावण्णना ।

## ३. विमुत्तिकथावण्णना

३६३. इदानीं विमुत्तिकथा नाम होति । तत्थ येसं “वीतरागचित्तानं विमुत्तिपयोजनं नाम नत्थि । यथा पन मलीनं वत्थं धोवियमानं मला विमुच्चति, एवं सरागं चित्तं रागतो विमुच्चती”ति लद्धि, सेय्यथापि एतरहि अन्धकानं; ते सन्थाय **सरागन्ति** पुच्छा सकवादिसस, पटिज्जा इतरस्स । ततो **रागसहगतन्ति** आदिना नयेन पुट्ठो मग्गकखणे चित्तं विमुच्चति नाम । तदा च एवरूपं चित्तं नत्थीति पटिक्खपति ।

सफस्सन्ति आदिना नयेन पुट्ठोपि यथा फस्सो च चित्तञ्च उभो रागतो विमुच्चन्ति, एवं रागस्स विमुत्तिं अपस्समानो पटिक्खपति । सदोसादीसुपि इमिनावुपायेन अत्थो वेदितव्वो ।

विमुत्तिकथावण्णना ।

## ४. विमुच्चमानकथावण्णना

३६६. इदानीं विमुच्चमानकथा नाम होति । तत्थ येसं “ज्ञानेन विक्खम्भनविमुत्तिया विमुत्तं, मग्गकखणे समुच्छेदविमुत्तिया विमुच्चमानं नाम होती”ति लद्धि, ते सन्थाय **विमुत्तं विमुच्चमानन्ति** पुच्छा सकवादिसस, पटिज्जा इतरस ।

पुन **एकदेसन्ति** पुच्छा सकवादिसस । तत्थ **एकदेसन्ति** भावनपुंसकं । यथा विमुत्तं, एकदेसेन वा एकदेसे वा अविमुत्तं होति किं एवं एकदेसं विमुत्तं, एकदेसं अविमुत्तन्ति पुच्छति । किं कारणे एवं पुच्छतीति? “विमुत्तं विमुच्चमान”न्ति विष्पकतभावेन वुत्तत्ता । यथा हि करियमाना कटादयो विष्पकतत्ता एकदेसेन कता एकदेसेन अकता होन्ति, तथा इदम्पि एकदेसं विमुत्तं एकदेसं अविमुत्तन्ति आपज्जति । ततो परवादी कटादीनं विय चित्तस्स एकदेसाभावा पठमपञ्चे पटिक्खपित्वा दुतिये विमुच्चमानस्स अपरिनिट्ठितविमुत्तिया पटिज्जानाति । लोकियज्ज्ञानकखणं वा सन्थाय पटिक्खपति । न हि तं तदा समुच्छेदविमुत्तिया विमुच्चमानं । लोकुत्तरज्ज्ञानकखणं सन्थाय पटिज्जानाति । तज्हि तदा समुच्छेदविमुत्तिया विमुत्तेकदेसेन विमुच्चमानन्तिस्स लद्धि । ततो सकवादी “यदि ते एकमेव चित्तं एकदेसं विमुत्तं एकदेसं अविमुत्तं, एवं सन्ते यो एकेनेव चित्तेन सोतापन्नो होति, सोपि ते एकदेसं सोतापन्नो, एकदेसं न सोतापन्नो आपज्जती”ति चोदनत्थं **एकदेसं सोतापन्नो**ति आदिमाह । इतरो तं विधानं अपस्सन्तो पटिक्खपति । सेसवारेसुपि एसेव नयो ।

उप्पादकखणपञ्चे यदि एकमेव चित्तं विमुत्तञ्च विमुच्चमानञ्च, एकस्मिं खणे विमुत्तं एकस्मिं विमुच्चमानं आपज्जति । किं ते एवरूपं चित्तन्ति अत्थो ।

३६७. सुत्तसाधने पठमसुत्तं परवादिसस । तत्रास्सायमधिष्णायो — **विमुच्चतीति** विष्पकतनिद्देशो । तस्मा यं तस्स योगिनो एवं जानतो एवं परस्सतो एतेहि आसवेहि चित्तं विमुच्चति, तं विमुच्चमानं नाम होतीति । दुतियसुत्तं सकवादिसस । तत्रास्सायमधिष्णायो — यदि ते विमुच्चतीति वचनतो विमुत्तं विमुच्चमानं, इध विमुच्चतीति वचनाभावतो

विमुत्तमेव सिया, न विमुच्चमानन्ति ।

इदानीं “यथा ते विष्पकतविमुत्तिताय विमुच्चमानं, किं एवं विष्पकतरागादिताय रज्जमानादीनिपि अत्थी”ति चोदनत्थं पुन **अत्थि चित्तन्ति** आदि आरब्धं । परवादिनापि तथारूपं चित्तं अपस्सन्तेन सब्बं पटिक्खित्तं । अथ नं सकवादी “द्वेयेव कोटियो, ततिया नत्थी”ति अनुबोधेन्तो **ननु रत्तञ्चेव अरत्तञ्चाति** आदिमाह । तस्सत्थो — ननु भद्रमुख, रागसम्पयुत्तं चित्तं रत्तं विष्पयुत्तं अरत्तन्ति द्वेव कोटियो, रज्जमानं नाम ततिया कोटि नत्थीति? दुट्ठादीसुपि एसेव नयो । अथ नं आमन्ताति पटिजानित्वा ठितं । विमुत्तिपक्खेपि द्वेयेव कोटियो दस्सेतुं **हञ्चि रत्तञ्चेवाति** आदिमाह । तस्सत्थो — यदि एता द्वे कोटियो सम्पटिच्छासि, अविमुत्तञ्चेव विमुत्तञ्चा ति इमापि सम्पटिच्छ । किलेससम्पयुत्तञ्हि चित्तं अविमुत्तं, विष्पयुत्तं विमुत्तं । विमुच्चमानं नामाति परमत्थतो ततिया कोटि नत्थीति ।

विमुच्चमानकथावण्णना ।

#### ५. अट्टमककथावण्णना

**३६८.** इदानीं अट्टमककथा नाम होति । तत्थ येसं अनुलोमगोत्रभुमग्गकखणे किलेसानं समुदाचाराभावतो अट्टमकस्स सोतापत्तिमग्गदुपुग्गलस्स द्वे परियुट्ठाना पहीनाति लद्धि, सेय्यथापि एतरहि अन्धकानञ्चेव सम्मितियानञ्च; तेसं अञ्जतरं सन्थाय पुच्छा सकवादस्स, मग्गकखणतो पट्ठाया दिट्ठिया अनुपत्तिं सन्थाय पटिज्जा इतरस्स । ततो यस्मा दिट्ठि नामेसा सोतापन्नस्सेव पहीना, न मग्गदुस्स, तस्मा **अट्टमको पुग्गलो सोतापन्नो**ति अनुयोगो सकवादस्स । विचिकिच्छापञ्हेपि एसेव नयो । अनुसयपञ्हे परियुट्ठानतो अञ्जो अनुसयोति तेसं लद्धि, तस्मा “न हेव”न्ति पटिक्खित्तं ।

सीलब्बतपरामासपञ्हेपि सीलब्बतपरामासपरियुट्ठानन्ति वोहारं न पस्सति, तस्मा पटिक्खपति । परियुट्ठानमेवस्स पहीनन्ति लद्धि ।

**३६९. मग्गो भावितो**ति पञ्हे तस्मिं खणे भावेति, न भावितो । तस्मा पटिक्खपति । **अमग्गेनाति** आदिअनुयोगे पठममग्गेनेव पहीनभावं सन्थाय पटिक्खपति । यदि हि अमग्गेन पहीयेथ, गोत्रभुपुग्गलादीनम्पि पहीयेथाति आपज्जनतो । **उप्पज्जिस्सतीति** पुच्छा परवादस्स, विस्सज्जनं सकवादस्स । सेसं सब्बत्थ उत्तानत्थमेवाति ।

अट्टमककथावण्णना ।

#### ६. अट्टमकस्स इन्द्रियकथावण्णना

**३७१.** इदानीं अट्टमकस्स इन्द्रियकथा नाम होति । तत्थ येसं “अट्टमको मग्गकखणे इन्द्रियानि पटिलभति नाम, नो चस्स पटिलद्धानि होन्ती”ति लद्धि, सेय्यथापि एतरहि अन्धकानं; ते सन्थाय **नत्थि सद्धिन्द्रियन्ति** पुच्छा सकवादस्स, पटिज्जा इतरस्स । **नत्थि सद्धाति** पुट्ठो पन सद्धिन्द्रियतो सद्धाय नानत्तं सल्लक्खेत्वा पटिक्खपति । सेसेसुपि एसेव नयो । यथा पन यस्स अत्थि मनो, तस्स मनिन्द्रियम्पि अत्थि; एवं यस्स सद्धादयो अत्थि, तस्स अत्थि सद्धिन्द्रियादीनिपीति दीपनत्थं **अत्थि मनो अत्थि मनिन्द्रियन्ति** आदि आरब्धं । तं सब्बं उत्तानत्थमेव सद्धि सुत्तसाधनेनाति ।

अट्टमकस्स इन्द्रियकथावण्णना ।

#### ७. दिब्बचक्खुकथावण्णना

**३७३.** इदानीं दिब्बचक्खुकथा नाम होति । तत्थ येसं चतुत्थज्झानधम्मूपत्थद्धं मंसचक्खुमेव दिब्बचक्खु नाम होतीति लद्धि, सेय्यथापि एतरहि अन्धकानञ्चेव सम्मितियानञ्च; ते सन्थाय **मंसचक्खुन्ति** पुच्छा सकवादस्स, पटिज्जा इतरस्स ।

पुन “मंसचक्खु दिब्बचक्खु, दिब्बचक्खु मंसचक्खू”ति पुट्ठो तं मत्तमेव तं न होतीति पटिक्खपति । **यादिसन्ति** आदिपुच्छासुपि उभिन्नं एकसभावाभावेनेव पटिक्खपति ।

**विसयो**ति आदीसु उभिन्नम्पि रूपायतनमेव विसयो । मंसचक्खु पन आपाथगतमेव पस्सति । इतरं अनापाथगतं तिरोपब्बतादिगतम्पि । दिब्बचक्खुस्स च अतिसुखुमम्पि रूपं गोचरो, न तादिसं इतरस्साति एवमेतेसं आनुभावगोचरा असदिसा ।

**उपादिण्णं हुत्वा अनुपादिण्णं होतीति** पुट्ठो यस्मा मंसचक्खु उपादिण्णं, दिब्बचक्खु अनुपादिण्णं, न च मंसचक्खुमेव दिब्बचक्खूति इच्छति, तस्मा पटिक्खपति । दुतियं पुट्ठो यस्मा “मंसचक्खुस्स उपादो, मग्गो दिब्बस्स चक्खुनो”ति वचनं निस्साय मंसचक्खुपच्चया दिब्बचक्खु उप्पज्जाति, तज्ज्य रूपावचरिकानं चतुन्नं महाभूतानं पसादोति इच्छति, तस्मा पटिजानाति । **कामावचरं हुत्वा**ति पुट्ठोपि यस्मा न मंसचक्खुमेव दिब्बचक्खूति इच्छति, तस्मा पटिक्खपति । दुतियं पुट्ठो रूपावचरज्झानपच्चयेन उप्पन्नत्ता रूपावचरं नाम जातन्ति पटिजानाति ।

**रूपावचरं हुत्वा अरूपावचरन्ति** पुट्ठोपि ततो परं भावनाय अरूपावचरकखणे रूपावचरचित्तस्स अभावा पटिक्खपति । दुतियं पुट्ठो अरूपावचरिकानं चतुन्नं महाभूतानं पसादो हुत्वा उप्पज्जतीति लद्धिया पटिजानाति । अपरियापन्नभावं पनस्स न इच्छति, तस्मा पटिक्खपतियेव ।

**३७४. दिब्बचक्खुं धम्मपत्थद्धन्ति** कामावचरधम्मेन उपत्थम्भितं हुत्वा । पुन **धम्मपत्थद्धन्ति** लोकुत्तरधम्मेन उपत्थद्धं । **द्वेव चक्खूनीति** पुट्ठो किञ्चापि दिब्बचक्खुनो धम्मपत्थद्धस्स पज्जाचक्खुभावं न इच्छति, पज्जाचक्खुस्स पन अत्थिताय पटिक्खपति । पुन पुट्ठो मंसचक्खु धम्मपत्थद्धं दिब्बचक्खु होतीति लद्धिवसेन पटिजानाति । सेसमेत्थ उत्तानत्थमेवाति ।

दिब्बचक्खुकथावण्णना ।

## ८. दिब्बसोतकथावण्णना

३७५. इदानीं दिब्बसोतकथा नाम होति । तत्थ एकंयेव सोतन्ति पुट्टो द्विन्नं अत्थिताय पटिक्खिपति । पुन पुट्टो यस्मा तदेव धम्मपत्थद्धं दिब्बसोतं नाम होति, तस्मा पटिजानाति । सेसं हेट्ठा वुत्तनयमेवाति ।

दिब्बसोतकथावण्णना ।

## ९. यथाकम्मूपगतजाणकथावण्णना

३७७. इदानीं यथाकम्मूपगतजाणकथा नाम होति । तत्थ येसं “इति दिब्बेन चक्खुना विसुद्धेन...पे०... यथाकम्मूपगे सत्ते पजानाती”ति (दी० नि० १.२४६; पटि० म० १.१०६) सुत्तं अयोनिसो गहेत्वा यथाकम्मूपगतजाणमेव दिब्बचक्खुन्ति लद्धि, ते सन्धाय पुच्छा सकवादिस्स, पटिज्जा इतरस्स । पुन यथाकम्मूपगतञ्च मनसि करोतीति पुट्टो एकचित्तस्स आरम्मणद्वयाभावा पटिक्खिपति । दुतियं पुट्टो नानाचित्तवसेन पटिजानाति । पुन लेसोकासं अदत्वा द्विन्नं फस्सानन्ति पुट्टो पटिक्खिपति । इति यथा इमिना यथाकम्मूपगतपदेन, एवमेव इमे वत भोन्तो, सत्तातिआदिपदेहिपि सद्धिं योजनासु अत्थो वेदितब्बो ।

३७८. आयस्मा सारिपुत्तो यथाकम्मूपगतं जाणं जानातीति इदं सकवादी यस्मा थेरो अपिच्छताय अभिज्जाजाणानि न वळ्ळेतीति एकच्चे न जानन्ति, तानि पनस्स नेव अत्थीति मज्जन्ति, तस्मा तं “दिब्बचक्खुनो अलाभी थेरो”ति मज्जमानं पुच्छति । तेनेव कारणेन “अत्थायस्मतो सारिपुत्तस्स दिब्बचक्खू”ति परतो पुट्टो पटिक्खिपति । दुतियं पुट्टो यंकिञ्चि सावकेन पत्तब्बं, सब्बं तं थेरेन अनुप्पत्तन्ति पटिजानाति । इदानीस्स विक्खेपं करोन्तो सकवादी ननु आयस्मा सारिपुत्तोतिआदिमाह । इमज्झि गाथं थेरो वळ्ळनपणिधिया एव अभावेन आह, न अभिज्जाजाणस्स अभावेन । परवादी पन अभावेनेवाति अत्थं सल्लक्खेति । तस्मा तस्स लद्धिया थेरस्स यथाकम्मूपगतजाणमेव अत्थि, नो दिब्बचक्खु । तेन वुत्तं “तेन हि न वत्तब्बं यथाकम्मूपगतजाणं दिब्बचक्खू”ति ।

यथाकम्मूपगतजाणकथावण्णना ।

## १०. संवरकथावण्णना

३७९. इदानीं संवरकथा नाम होति । तत्थ येसं तावतिसे देवे उपादाय ततुत्तरि देवेसु यस्मा ते पञ्च वेरानि न समाचरन्ति, तस्मा संवरो अत्थीति लद्धि, ते सन्धाय पुच्छा सकवादिस्स, वेरसमुदाचारं अपस्सतो पटिज्जा इतरस्स । ततो यस्मा संवरो नाम संवरितब्बे असंवरे सति होति, तस्मा असंवरपुच्छा सकवादिस्स, देवेसु पाणातिपातादीनं अभावेन पटिक्खेपो इतरस्स ।

अत्थि मनुस्सेसूतिआदि संवरे सति असंवरस्स असंवरे च सति संवरस्स पवत्तिदस्सनत्थं वुत्तं ।

३८०. पाणातिपाता वेरमणीति आदिपज्जेसु पाणातिपातादीनं असमाचरणवसेन पटिज्जा, पाणातिपातादीनं नत्थिताय पटिक्खेपो वेदितब्बो । पटिलोमपज्हा उत्तानत्थायेव ।

अवसाने नत्थि देवेसु संवरोतिपज्जे पाणातिपातादीनि कत्वा पुन ततो संवराभावं सन्धाय पटिज्जा सकवादिस्स । ततो छलवसेन यदि संवरो नत्थि, सब्बे देवा पाणातिपातिनोतिआदिपुच्छा परवादिस्स । देवानं वेरसमुदाचारस्स अभावेन पटिक्खेपो सकवादिस्स । नहेवन्ति वचनमत्तं गहेत्वा लद्धिपतिट्ठापनं परवादिस्स । एवं पतिट्ठिता पन लद्धि अप्पतिट्ठिताव होतीति ।

संवरकथावण्णना ।

## ११. असज्जकथावण्णना

३८१. इदानीं असज्जकथा नाम होति । तत्थ येसं “सङ्खारपच्चया विज्जाण”न्ति वचनतो विना विज्जाणेन पटिसन्धि नाम नत्थि । “सज्जुप्पादा च पन ते देवा तम्हा काया चवन्ती”ति वचनतो असज्जसत्तानम्पि चुतिपटिसन्धिक्खणे सज्जा अत्थीति लद्धि, सेय्यथापि एतरहि अन्धकानं; ते सन्धाय पुच्छा सकवादिस्स, पटिज्जा इतरस्स । ततो नं सकवादी “किं ते तं ठानं सज्जाभवो”तिआदीहि चोदेतुं सज्जाभवो सज्जागतीतिआदिमाह । तं सब्बं ततो परञ्च पाळिनयेनेव वेदितब्बन्ति ।

असज्जकथावण्णना ।

## १२. नेवसज्जानासज्जायतनकथावण्णना

३८४. इदानीं नेवसज्जानासज्जायतनकथा नाम होति । तत्थ येसं “नेवसज्जानासज्जायतन”न्ति वचनतो न वत्तब्बं “तस्मिं भवे सज्जा अत्थी”ति लद्धि, सेय्यथापि एतरहि अन्धकानं; ते सन्धाय पुच्छा सकवादिस्स, पटिज्जा इतरस्स । सेसमेत्थ सब्बं पाळिनयेनेव वेदितब्बन्ति ।

नेवसज्जानासज्जायतनकथावण्णना ।

तत्थियो वग्गो ।



## ४. चतुर्थवग्गो

### १. गिहिस्स अरहातिकथावण्णना

३८७. इदानीं गिहिस्स अरहाति कथा नाम होति । तत्थ येसं यसकुलपुत्तादीनं गिहिब्यञ्जने ठितानं अरहत्तप्पत्तिं दिस्वा “गिहि अस्स अरहा”ति लद्धि, सेय्यथापि एतरहि उत्तरापथकानं; ते सन्धाय पुच्छा सकवादिसस । तत्थ गिहिस्साति यो गिहिसंयोजनसम्पयुत्तताय गिहि, सो अरहं अस्साति अत्थो । परवादी पन अधिप्पायं असल्लक्खेत्वा गिहिब्यञ्जनमत्तमेव पस्सन्तो पटिजानाति । इदानीस्स “गिहि नाम गिहिसंयोजनेन होति, न ब्यञ्जनमत्तेन । यथाह भगवा —

‘अलङ्कृतो चेपि समं चरेय्य,  
सन्तो दन्तो नियतो ब्रह्मचारी ।  
सब्बेसु भूतेसु निधाय दण्डं,  
सो ब्राह्मणो सो समणो स भिक्खू”ति ॥ (ध० प० १४२) ।

इमं नयं दस्सेतुं अत्थि अरहतोतिआदि आरद्धं । तं सब्बं उत्तानत्थमेवाति ।

गिहिस्स अरहातिकथावण्णना ।

### २. उपपत्तिकथावण्णना

३८८. इदानीं उपपत्तिकथा नाम होति । तत्थ येसं “ओपपातिको होति तत्थपरिनिब्बायी”तिवचनानि (पु० प० ३५-४०) अयोनिसो गहेत्वा सुद्धावासेसु उपपत्तिया अरहाति लद्धि, “येसं वा उपहच्चपरिनिब्बायी”ति पदं परिवर्त्तित्वा “उपपज्जपरिनिब्बायी”ति परियापुण्णन्तानं सह उपपत्तिया अरहा होतीति लद्धि, सेय्यथापि एतरहि उत्तरापथकानं; ते सन्धाय पुच्छा सकवादिसस, पटिज्जा इतरस्स । तत्थ यस्मा उपपत्तिचित्तं नाम लोकियं, तेन सोतापन्नादयोपि न होन्ति, पगेव अरहा । तस्मास्स इमं नयं दस्सेतुं सह उपपत्तिया सोतापन्नोतिआदि आरद्धं ।

३८९. सारिपुत्तोतिआदि इमेसु महाथेरेसु को एकोपि सह उपपत्तिया अरहा नामाति चोदनत्थं वुत्तं ।

३९०. उपपत्तेसियेनाति पटिसन्धिचित्तेन । तज्झि उपपत्तिं एसति गवेसति, तस्मा उपपत्तेसियन्ति वुच्चति । सेसमेत्थ उत्तानत्थमेवाति ।

उपपत्तिकथावण्णना ।

### ३. अनासवकथावण्णना

३९१. इदानीं अनासवकथा नाम होति । तत्थ ये धम्मा अनासवस्स अरहतो, सब्बे ते अनासवाति येसं लद्धि, सेय्यथापि एतरहि उत्तरापथकानं; ते सन्धाय अरहतोति पुच्छा सकवादिसस, पटिज्जा इतरस्स । अथ नं अनासवा नाम मग्गादयो, किं तस्स तेयेव उपपज्जन्तीति चोदनत्थं मग्गो फलन्तिआदि आरद्धं । चक्खु अनासवन्ति पुट्ठो तस्स सासवत्ता पटिक्खिपति । दुतियं पुट्ठो अनासवस्सेतन्ति पटिजानाति ।

३९२. चीवरपज्जे एकोव धम्मो अनासवो सासवो च होतीति लक्खणविरोधभया पटिक्खिपति । दुतियं पुट्ठो अनासवस्स हुत्वा सासवस्स होतीति पटिजानाति । तज्जेव अनासवन्ति पज्जाद्वयेपि एसेव नयो । सकवादी पन तज्जेवाति अनुज्जातत्ता “मग्गो अनासवो हुत्वा”तिआदीहि चोदेति । इमिना उपायेन सब्बत्थ अत्थो वेदितब्बोति ।

अनासवकथावण्णना ।

### ४. समन्नागतकथावण्णना

३९३. इदानीं समन्नागतकथा नाम होति । तत्थ द्वे समन्नागमा पच्चुप्पन्नक्खणे समङ्गीभावसमन्नागमो च रूपावचरादीसु अज्जतरभूमिप्पत्तितो पटिलाभसमन्नागमो च । सो याव अधिगतविसेसा न परिहायति, तावदेव लब्धति । येसं पन ठपेत्वा इमे द्वे समन्नागमे अज्जो उपपत्तिधम्मवसेन एको समन्नागमो नाम होतीति लद्धि, सेय्यथापि एतरहि उत्तरापथकानं, तेसं पत्तिधम्मो नाम कोचि नत्थीति अनुबोधनत्थं अरहा चतूहि फलेहि समन्नागतोति पुच्छा सकवादिसस, पत्ति सन्धाय पटिज्जा इतरस्स । अथस्स “यदि ते अरहा चतूहि खन्धेहि विय चतूहि फलेहि समन्नागतो, एवं सन्ते ये चतूसु फलेसु चत्तारो फस्सादयो, तेहि ते अरहतो समन्नागतता पापुणाती”ति चोदनत्थं अरहा चतूहि फस्सेहीतिआदि आरद्धं । तं सब्बं परवादिना एकक्खणे चतुन्नं फस्सादीनं अभावा पटिक्खित्तं । अनागामिपज्जादीसुपि एसेव नयो ।

३९५. सोतापत्तिफलं वीतिवत्तोति न पठमज्झानं विय दुतियज्झानलाभी; पुन अनुपत्तिया पन वीतिवत्तोति पुच्छति । सोतापत्तिमग्गन्तिआदि यं वीतिवत्तो, तेनस्स पुन असमन्नागमं दस्सेतुं आरद्धं ।

३९६. तेहि च अपरिहीनोति पज्जे यस्मा यथा पच्चनीकसमुदाचारेन लोकियज्झानधम्मा परिहायन्ति, न एवं लोकुत्तरा । मग्गेन हि ये किलेसा पहीयन्ति, फलेन च पटिप्पस्सम्भन्ति, ते तथा पहीनाव तथा पटिप्पस्सद्वायेव च होन्ति, तस्मा सकवादिना आमन्ताति पटिज्जातं । स्वायमत्थो परतो “अरहता चत्तारो मग्गा पटिलद्धा”तिआदीसु पकासितोयेव । सेसं उत्तानत्थमेवाति ।

समन्नागतकथावण्णना ।

#### ५. उपेक्खासमन्नागतकथावण्णना

३९७. अरहा छहि उपेक्खाहीति कथायपि इमिनाव नयेन अत्थो वेदितव्वो । अरहा हि छसु द्वारेसु उपेक्खानं उप्पत्तिभब्बताय ताहि समन्नागतोति वुच्चति, न एकक्खणे सब्बासं उप्पत्तिभावेनाति ।

उपेक्खासमन्नागतकथावण्णना ।

#### ६. बोधियाबुद्धोतिकथावण्णना

३९८. इदानीं बोधिया बुद्धोतिकथा नाम होति । तत्थ बोधीति चतुमग्गजाणस्सापि सब्बज्जुतज्जाणस्सापि अधिवचनं । तस्मा येसं यथा ओदातेन वण्णेन ओदातो, सामेन वण्णेन सामो, एवं बोधिया बुद्धोति लद्धि, सेय्यथापि एतरहि उत्तरापथकानंयेव; ते सन्धाय पुच्छा च अनुयोगो च सकवादिस्स, पटिज्जा च पटिक्खेपो च इतरस्स ।

अतीतायाति पज्हे तस्मिं खणे अभावतो पटिक्खिपति । दूतियं पुट्ठो पटिलाभं सन्धाय पटिजानाति । पुन किच्चवसेन पुट्ठो किच्चाभावतो पटिक्खिपति । दूतियं पुट्ठो यं तेन ताय करणीयं कतं, तत्थ सम्मोहाभावं पटिजानाति । लेसोकासं पन अदत्त्वा दुक्खं परिजानातीति आदिना नयेन पुट्ठो तस्स किच्चस्स अभावा पटिक्खिपति ।

अनागतपज्हे तस्मिं खणे मग्गजाणस्स अभावा पटिक्खिपति । दूतियं पुट्ठो “अग्मा राजगहं बुद्धो”ति (सु० नि० ४१०) अनागताय बोधिया बुद्धभावं मज्जमानो पटिजानाति । बोधिकरणीयं करोतीति पुट्ठो तस्मिं खणे किच्चाभावेन पटिक्खिपति । दूतियं पुट्ठो यदि न करेय्य, बुद्धोति न वुच्चेय्य । यस्मा अवस्सं करिस्सति, तस्मा करोतियेव नामाति पटिजानाति । पुन लेसोकासं अदत्त्वा पुट्ठो पटिक्खिपति । पच्चुप्पन्नपज्हे सद्धिं संसन्दनाय उत्तानत्थोव ।

३९९. तस्सो बोधियो एकतो कत्वा पुट्ठो सब्बज्जुतज्जाणं सन्धाय तीहिपि बुद्धोति वत्तब्बभावतो पटिजानाति । पुन तीहिपि पुट्ठो सब्बासं एकक्खणे अभावा पटिक्खिपति । दूतियं पुट्ठो अतीतानागतपच्चुप्पन्नस्स सब्बज्जुतज्जाणस्स वसेन पटिजानाति । पुन लेसोकासं अदत्त्वा सततं समितन्ति पुट्ठो पटिक्खिपति ।

न वत्तब्बं बोधियाति पुच्छा परवादस्स, बोधिया अभावक्खणे अबुद्धभावापत्तितो पटिज्जा सकवादिस्स । ननु बोधिपटिलाभाति पज्हे पन यस्मिं सन्ताने बोधिसङ्घातं मग्गजाणं उप्पन्नं, तत्थ बुद्धोति सम्मुतिसम्भावतो पटिज्जा तस्सेव । तस्स अधिप्पायं अजानित्वा हज्जीति लद्धिदुपना परवादस्स । इदानीस्स असल्लक्खणं पाकटं कातुं बोधिपटिलाभा बुद्धोति बोधिया बुद्धोति पुच्छा सकवादिस्स । तस्सत्थो — “किं ते यस्मा बोधिपटिलाभा बुद्धो, तस्मा बोधिया बुद्धो”ति । इतरो “बोधिपटिलाभो नाम बोधिया उप्पज्जित्वा निरुद्धायपि सन्ताने उप्पन्नभावोयेव । बोधि नाम मग्गक्खणे जाण”न्ति इमं विभागं असल्लक्खेन्तोव पुन पटिजानाति । ततो सकवादिना बोधिपटिलाभा बोधीति पुट्ठो वचनोकासं अलभन्तो पटिक्खिपतीति ।

बोधियाबुद्धोतिकथावण्णना ।

इति इमा तस्सोपि कथा उत्तरापथकानंयेव ।

#### ७. लक्खणकथावण्णना

४००. इदानीं लक्खणकथा नाम होति । तत्थ “येहि समन्नागतस्स महापुरिसस्स द्वेव गतियो भवन्ती”ति (दी० नि० १.२५८) इमं सुत्तं अयोनिसो गहेत्वा लक्खणसमन्नागतो बोधिसत्तोव होतीति येसं लद्धि, सेय्यथापि एतरहि उत्तरापथकानं; ते सन्धाय पुच्छा सकवादिस्स, पटिज्जा इतरस्स ।

चक्कवत्तिसत्तोति पज्हेसु यस्मा चक्कवत्ती सत्तोपि च बोधिसत्तोपि, तस्मा अबोधिसत्तं सन्धाय पटिक्खिपति । बोधिसत्तं सन्धाय पटिजानाति ।

४०१. द्वत्तिसिमानीति सुत्तं बोधिसत्तमेव सन्धाय वुत्तं । सो हि पच्छिमे भवे बुद्धो होति, इतरेसु चक्कवत्ती, तस्मा आभतम्पि अनाभतसदिसमेवाति ।

लक्खणकथावण्णना ।

#### ८. नियामोक्कन्तिकथावण्णना

४०३. इदानीं नियामोक्कन्तिकथा नाम होति । तत्थ येसं घटिकारसुत्ते जोतिपालस्स पब्बज्जं सन्धाय “बोधिसत्तो कस्सपभगवतो पावचने ओक्कन्तनियामो चरितब्रह्मचरियो”ति लद्धि, सेय्यथापि एतरहि अन्धकानं; ते सन्धाय बोधिसत्तोति पुच्छा सकवादिस्स, लद्धियं ठत्वा पटिज्जा इतरस्स । ततो यस्मा नियामोति वा ब्रह्मचरियन्ति वा अरियमग्गस्स नामं, बोधिसत्तानञ्च ठपेत्वा पारमीपूरणं अज्जा नियामोक्कन्ति नाम नत्थि । यदि भवेय्य, बोधिसत्तो सोतापन्नो सावको भवेय्य । न चेतमेवं । केवलज्झि नं बुद्धा अत्तनो जाणबले ठत्वा — “अयं बुद्धो भविस्सती”ति व्याकरोन्ति, तस्मा पुन बोधिसत्तोति अनुयोगो सकवादिस्स । पच्छिमभवं सन्धाय पटिक्खेपो इतरस्स । दूतियपज्हे जोतिपालकालं सन्धाय पटिज्जा तस्सेव । सावको हुत्वाति आदीसुपि एसेव नयो । अनुस्सवियोति अनुस्सवेन पटिविद्धधम्मो । पच्छिमभवं सन्धाय पटिक्खिपित्वा जोतिपालकाले अनुस्सवं सन्धाय पटिजानाति ।

४०४. अज्जं सत्थारन्ति आळारञ्च रामपुत्तञ्च सन्धाय वुत्तं । आयस्मा आनन्दोति आदि “ओक्कन्तनियामाव सावका होन्ति, न इतरे ओक्कन्तनियामा एवरूपा होन्ती”ति दस्सेतुं वुत्तं ।

**सावको जातिं वीतिवत्तो**ति याय जातिया सावको, तं वीतिवत्तो अञ्जस्मिं भवे असावको होतीति पुच्छति । इतरो सोतापन्नादीनं सोतापन्नादिसावकभावतो पटिक्खपति । सेसमेत्थ उत्तानत्थमेवाति ।

नियामोक्कन्तिकथावण्णना ।

## ९. अपरापि समन्नागतकथावण्णना

४०६. इदानीं अपरापि समन्नागतकथा नाम होति । तत्थ येसं “चतुत्थमग्गड्डो पुगलो पत्तिधम्मवसेन तीहि फलेहि समन्नागतो”ति लद्धि, सेय्यथापि एतरहि अन्धकानं; ते सन्धाय पुच्छा सकवादिस्स, पटिञ्जा इतरस्स । सेसमेत्थ हेड्डा चतूहि फलेहि समन्नागतकथायं वुत्तनयेनेव वेदितव्वन्ति ।

अपरापि समन्नागतकथावण्णना ।

## १०. सब्बसंयोजनप्पहानकथावण्णना

४१३. इदानीं संयोजनप्पहानकथा नाम होति । तत्थ येसं “निप्परियायेनेव सब्बसंयोजनप्पहानं अरहत्त”न्ति लद्धि, सेय्यथापि एतरहि अन्धकानं; ते सन्धाय पुच्छा सकवादिस्स, पटिञ्जा इतरस्स । पुन **सब्बे संयोजना**ति पुड्डो हेड्डा वुत्तमग्गतयेन पहीने सन्धाय पटिक्खपति । दुतियं पुड्डो तेन मग्गेन अप्पहीनस्स अभावा पटिजानाति । **सक्कायदिट्ठि**आदीसुपि पठममग्गेन पहीनभावं सन्धाय पटिक्खपति, चतुत्थमग्गेन अनवसेसप्पहानं सन्धाय पटिजानाति । एसेव नयो सब्बत्थाति ।

सब्बसंयोजनप्पहानकथावण्णना ।

चतुत्थो वग्गो ।

## ५. पञ्चमवग्गो

### १. विमुत्तिकथावण्णना

४१८. इदानीं विमुत्तिकथा नाम होति । तत्थ विपस्सना, मग्गो, फलं, पच्चवेक्खणन्ति चतुन्नं जाणानं विमुत्तिजाणन्ति नामं । तेसु विपस्सनाजाणं निच्चनिमित्तादीहि विमुत्तत्ता, तदङ्गविमुत्तिभावेन वा विमुत्तत्ता विमुत्तिजाणं । मग्गो समुच्छेदविमुत्ति, फलं पटिप्पस्सद्धि विमुत्ति, पच्चवेक्खणजाणं पन विमुत्ति जानातीति **विमुत्तिजाणं** । एवं चतुब्बिधे विमुत्तिजाणे निप्परियायेन फलजाणमेव विमुत्ति । सेसानि “विमुत्तानी”ति वा “अविमुत्तानी”ति वा न वत्तव्वानि । तस्मा “इदं नाम विमुत्तिजाणं विमुत्त”न्ति अवत्त्वा अविसेसेनेव “विमुत्तिजाणं विमुत्त”न्ति येसं लद्धि, सेय्यथापि अन्धकानं; ते सन्धाय पुच्छा सकवादिस्स, पटिञ्जा परवादिस्स । पुन **यंकिञ्ची**ति पुड्डो पच्चवेक्खणादीनि सन्धाय पटिक्खपति । **पटिपन्नस्सा**ति पुड्डो मग्गजाणस्स अनासवतं सन्धाय पटिजानाति । यस्मा पन तं सोतापन्नस्स फले ठितस्स जाणं न होति, तस्मा विमुत्तं नाम न होतीति चोदनत्थं पुन सकवादी **सोतापन्नस्सा**तिआदिमाह । इमिना उपायेन सब्बत्थ अत्थो वेदितव्वो ।

विमुत्तिकथावण्णना ।

### २. असेखजाणकथावण्णना

४२१. इदानीं असेखकथा नाम होति । तत्थ यस्मा आनन्दत्थेरादयो सेखा “उळारो भग्वा”तिआदिना नयेन असेखे जानन्ति, तस्मा “सेखस्स असेखजाणं अत्थी”ति येसं लद्धि, सेय्यथापि उत्तरापथकानं; ते सन्धाय पुच्छा सकवादिस्स, पटिञ्जा इतरस्स । **जानाति पस्सतीति** इदं अत्तना अधिगतस्स जाननवसेन वुत्तं । **गोत्रभुनो**तिआदि हेड्डिमाय भूमियं ठितस्स उपरूपपथजाणस्स अभावदस्सनत्थं वुत्तं । **ननु आयस्मा आनन्दो सेखो “उळारो भग्वा”ति जानातीति** परवादी असेखे भगवति पवत्तत्ता तं असेखजाणन्ति इच्छति, न पनेतं असेखं । तस्मा एवं पतिट्ठापितापि लद्धि अप्पतिट्ठापिताव होतीति ।

असेखजाणकथावण्णना ।

### ३. विपरीतकथावण्णना

४२४. इदानीं विपरीतकथा नाम होति । तत्थ “य्वायं पथवीकसिणे पथवीसज्जी समापज्जति, तस्स तं जाणं विपरीतजाण”न्ति येसं लद्धि, सेय्यथापि अन्धकानं, ते सन्धाय पुच्छा सकवादिस्स, पटिञ्जा इतरस्स । पथविं निस्साय उप्पन्ननिमित्तज्झि न पथवीयेव, तत्र चायं पथवीसज्जी । तस्मा विपरीतजाणन्ति अयमेतस्स अधिप्पायो । ततो सकवादी “लक्खणपथवीपि ससम्भारपथवीपि निमित्तपथवीपि पथवीदेवतापि सब्बा पथवीयेव, तासु पथवीति जाणं विपरीतं न होति । अनिच्चे निच्चन्तिआदिविपरियेसो पन विपरीतजाणं नाम । किं ते इदं एतेसु अञ्जतर”न्ति चोदेतुं **अनिच्चे निच्चन्ति**आदिमाह । इतरो विपल्लासलक्खणाभावं सन्धाय पटिक्खपति, पथवीनिमित्तं सन्धाय पटिजानाति ।

**कुसलन्ति** सेक्खपुथुज्जनानं जाणं सन्धाय वुत्तं । **अत्थि अरहतो**ति पज्जेसुपि विपल्लासलक्खणाभावेन पटिक्खपति । पथवीनिमित्तं सन्धाय पटिजानाति । **सब्बेव पथवी**ति सब्बं तं पथवीकसिणं लक्खणपथवीयेव होतीति पुच्छति । सकवादी तथा अभावतो पटिक्खपति । **ननु पथवी अत्थि, अत्थि च कोचि पथविं पथवितो समापज्जतीति** पुच्छा सकवादिस्स । तस्सत्थो — ननु निमित्तपथवी अत्थि, अत्थि च कोचि तं पथविं पथवितोयेव समापज्जति, न आपतो वा तेजतो वाति । **पथवी**

अत्थीतिआदि “यदि यं यथा अत्थि, तं तथा समापज्जन्तस्स जाणं विपरीतं होति, निब्बानं अत्थि, तम्पि समापज्जन्तस्स सब्बविपरियेससमुग्धातनं मग्गजाणम्पि ते विपरीतं होतू”ति दस्सनत्थं वुत्तन्ति ।

विपरीतकथावण्णना ।

#### ४. नियामकथावण्णना

४२८-४३१. इदानीं नियामकथा नाम होति । तत्थ यो पुग्गलो सम्मत्तनियामं ओक्कमिस्सति, तं “भब्बो एस धम्मं अभिसमेतु”न्ति यस्मा भगवा जानाति, तस्मा “अनियतस्स पुथुज्जनस्सेव सतो पुग्गलस्स नियामगमनाय जाणं अत्थी”ति येसं लद्धि, सेय्यथापि एतरहि उत्तरापथकानं; ते सन्धाय **अनियतस्साति** पुच्छा सकवादस्स । तत्थ **नियामगमनायाति** नियामो वुच्चति मग्गो, मग्गगमनाय मग्गोक्कमनायाति अत्थो । यं पनस्स जाणं दिस्वा भगवा “भब्बो अयं”न्ति जानाति, तं सन्धाय पटिज्जा परवादस्स ।

अथस्स सकवादी अयुत्तवादिदं दीपेतुं **नियतस्साति** विपरीतानुयोगमाह । तत्थ पठमपज्हे मग्गेन नियतस्स अनियामगमनाय जाणं नाम नत्थीति पटिक्खपति । द्दुतिये नत्थिभावेन पटिजानाति । ततिये अनियतस्स नत्थीति पुट्टता लद्धिविरोधेन पटिक्खपति । पुन पठमपज्हेमेव चतुत्थं कत्वा नियतस्स नियामगमनादिवसेन तयो पज्हा कता । तेसु पठमे यस्मा आदिमग्गेन नियतस्स पुन तदत्थाय जाणं नत्थि, तस्मा पटिक्खपति । द्दुतिये नत्थिभावेनेव पटिजानाति । ततिये लद्धिविरोधेनेव पटिक्खपति । पुन पठमपज्हे अट्ठमं कत्वा अनियतस्स अनियामगमनादिवसेन तयो पज्हा कता । तेसं अत्थो वुत्तनयेनेव वेदितब्बो । पुन पठमपज्हेमेव द्वादसमं कत्वा तंमूलका **अत्थि नियामोति** आदयो पज्हा कता । तत्थ यस्मा नियामगमनाय जाणं नाम मग्गजाणमेव होति, तस्मा तं सन्धाय **अत्थि नियामोति** वुत्तं । इतरो पन नियामोति वुत्ते पटिक्खपति, जाणन्ति वुत्ते पटिजानाति । **सतिपट्टानादीसुपि** एसेव नयो । पच्चनीकं उत्तानत्थमेव । **गोत्रभुनोति** आदि येन यं अप्पत्तं, तस्स तं नत्थीति दस्सनत्थं वुत्तं । **भगवा जानातीति** अत्तनो जाणबलेन जानाति, न तस्स नियामगमनजाणसम्भावतो । तस्मा इमिना कारणेन पतिट्ठितापिस्स लद्धि अप्पतिट्ठितायेवाति ।

नियामकथावण्णना ।

#### ५. पटिसम्भिदाकथावण्णना

४३२-४३३. इदानीं पटिसम्भिदाकथा नाम होति । तत्थ येसं “यंकिञ्चि अरियानं जाणं, सब्बं लोकुत्तरमेवा”ति गहेत्वा “सब्बं जाणं पटिसम्भिदा”ति लद्धि, सेय्यथापि अन्धकानं; ते सन्धाय पुच्छा सकवादस्स, पटिज्जा इतरस्स । **सम्मुतिजाणपज्हेसु** पथवीकसिणसम्मुतियं समापत्तिजाणं सन्धाय पटिक्खपति, निरुत्तिजाणं सन्धाय पटिजानाति । ये केचि सम्मुतिन्ति पज्हे पुथुज्जने सन्धाय पटिक्खपति । चेतोपरियायपज्हेसु पुथुज्जनस्स जाणं सन्धाय पटिक्खपति, अरियस्स जाणं सन्धाय पटिजानाति । **सब्बा पज्जातिपज्हेसु** कसिणसमापत्तिपज्हे सन्धाय पटिक्खपति, लोकुत्तरं सन्धाय पटिजानाति । **पथवीकसिणसमापत्तिन्ति** आदि “या एतेसु एत्तकेसु ठानेसु पज्जा, किं सब्बा सा पटिसम्भिदा”ति पुच्छनत्थं वुत्तं । **तेन हि सब्बं जाणन्ति** यस्मा सब्बा लोकुत्तरपज्जा पटिसम्भिदा, तस्मा सब्बन्ति वचनं सामञ्जस्येन सद्धि पतिट्ठापेतीति ।

पटिसम्भिदाकथावण्णना ।

#### ६. सम्मुतिजाणकथावण्णना

४३४-४३५. इदानीं सम्मुतिजाणकथा नाम होति । तत्थ सम्मुतिसच्चं परमत्थसच्चन्ति द्वे सच्चानि । ये पन एवं विभागं अकत्वा सच्चन्ति वचनसामञ्जेन सम्मुतिजाणम्पि “सच्चारम्मणमेवा”ति वदन्ति, सेय्यथापि अन्धका; ते अयुत्तवादिनोति तेसं वादविसोधनत्थं अयं कथा आरद्धा । तत्थ **न वत्तब्बन्ति** पुच्छा परवादस्स, परमत्थसच्चं सन्धाय पटिज्जा सकवादस्स । **सम्मुतिसच्चम्हीति** सम्मुतिं अनुपविट्ठे सच्चम्हि । पच्चत्ते वा भुम्मवचनं, सम्मुतिसच्चन्ति अत्थो । **सम्मुतिजाणं सच्चारम्मणज्जेवाति** पुच्छा सकवादस्स, पटिज्जा इतरस्स । ततो नं “यदि तं अविसेसेन सच्चारम्मणज्जेव, तेन जाणेन दुक्खपरिज्जादीनि करेय्या”ति चोदेतुं **तेन जाणेनाति** आदिमाह ।

सम्मुतिजाणकथावण्णना ।

#### ७. चित्तारम्मणकथावण्णना

४३६-४३८. इदानीं चित्तारम्मणकथा नाम होति । तत्थ चेतोपरियाये जाणन्ति वचनमत्तमेव गहेत्वा “तं जाणं चित्तारम्मणमेवा”ति येसं लद्धि, सेय्यथापि एतरहि अन्धकानं; ते सन्धाय पुच्छा सकवादस्स, पटिज्जा इतरस्स । अथस्स “यो सरागादिवसेन चित्तं जानाति, तस्स रागादयोपि आरम्मणा होन्ति, तस्मा न वत्तब्बं तं चित्तारम्मणज्जेवा”ति चोदनत्थं **ननु अत्थि कोचीति** आदि आरद्धं । **फस्सारम्मणेति** फस्ससङ्घाते आरम्मणे । **वेदनारम्मणेति** आदीसुपि एसेव नयो । पुन **फस्सारम्मणे जाणं न वत्तब्बन्ति** पुट्टो फस्सस्स फुसनलक्खणं मनसिकरोतो फस्सोवारम्मणं होतीति पटिजानाति । **किं पनेतं फस्सपरियाये जाणन्ति** पुट्टो पन तादिसस्स सुत्तपदस्स अभावा पटिक्खपति । वेदनादीसुपि एसेव नयो । इदानीं यं निस्साय लद्धि, तदेव दस्सेत्वा लद्धि पतिट्ठापेतुं **ननु चेतोपरियाये जाणन्ति** आदिमाह । सा पनेसा वचनमत्ताभिनिवेसेन पतिट्ठापितापि अप्पतिट्ठापिताव होतीति ।

चित्तारम्मणकथावण्णना ।

#### ८. अनागतजाणकथावण्णना

४३९-४४०. इदानीं अनागतजाणकथा नाम होति । तत्थ अनागतं नाम अन्तरम्पि अत्थि, अनन्तरम्पि । तेसु अनन्तरे एकन्तेनेव जाणं नत्थि । यथा च अनन्तरे, तथा

एकवीथिएकजवनपरियापन्नेपि। तत्थ ये सब्बस्मिम्पि अनागते जाणं इच्छन्ति, सेय्यथापि अन्धका; ते सन्धाय पुच्छा सकवादिस्स, पटिज्जा इतरस्स। अथ नं “यं ते अनागते जाणं, किं तेन अनन्तरं अनागतं मूलादिवसेन जानाती”ति चोदेतुं **अनागतं मूलतोति**आदिमाह। तत्थ **मूलतोति**आदीनि सब्बानि कारणवेवचनानेव। कारणज्झि यं अत्तनो फलं करोति, तं तत्थ मूलयति पटिज्जातीति **मूलं**। ततो च तं हिनोति पवत्तयतीति **हेतु**। तदेव तं निदेति “हन्द नं गणहथा”ति। निव्यातेति वियाति **निदानं**। ततो तं सम्भवतीति **सम्भवो**। पभवतीति **पभवो**। तत्थ च तं समुद्गाति, तं वा नं समुद्गापेतीति **समुद्धानं**। तदेव नं आहरतीति **आहारो**। तज्जस्स अपरिच्छजितब्बट्टेन **आरम्भणं**। तदेव चेत्तं पटिच्च एतीति **पच्चयो**। ततो नं समुदेतीति **समुदयो**ति वुच्चति। यस्मा पन अनन्तरं चित्तं एतेहाकारेहि न सक्का जानितुं, तस्मा न हेवन्ति पटिक्खपति। **अनागतं हेतुपच्चयतन्ति** या अनन्तरानागते चित्ते हेतुपच्चयता, तं जानाति। ये तत्थ धम्मा हेतुपच्चया होन्ति, ते जानातीति अत्थो। सेसपदेसुपि एसेव नयो। **गोत्रभुनोति**आदि यस्मिं अनागते जाणं न उप्पज्जति, तं सरूपतो दस्सेतुं वुत्तं। **पाटलिपुत्तस्सा**ति सुत्तं यस्मिं अनागते जाणं उप्पज्जति, तं दस्सेतुं आहटं। यस्मा पनेतं न सब्बस्मिं अनागते जाणस्स साधकं; तस्मा अनाहटमेवाति।

अनागतजाणकथावण्णना।

## ९. पटुप्पन्नजाणकथावण्णना

४४१-४४२. इदानीं पटुप्पन्नजाणकथा नाम होति। तत्थ येसं “सब्बसङ्खारेसु अनिच्चतो दिट्ठेसु तस्मिं जाणं अनिच्चतो दिट्ठं होती”ति वचनं निस्साय “अविसेसेन सब्बस्मिं पच्चुप्पन्ने जाणं अत्थी”ति लद्धि, सेय्यथापि अन्धकानं; ते सन्धाय **पटुप्पन्ने**ति पुच्छा सकवादिस्स, पटिज्जा इतरस्स। अथ नं “यदि अविसेसेन पटुप्पन्ने जाणं अत्थि, खणपच्चुप्पन्नेपि तेन भवितब्बं। एवं सन्ते द्विन्नं जाणानं एकतो अभावा तेनेव जाणेन तं जानितब्बं होती”ति चोदनत्थं **तेनाति** अनुयोगो सकवादिस्स। तत्थ पठमपञ्चे तेनेव तं जानितुं न सक्काति पटिक्खेपो इतरस्स। दुतियपञ्चे सन्ततिं सन्धाय पटिज्जा तस्सेव। पटिपाटितो भङ्गं पस्सन्तो भङ्गानुपस्सनेनेव भङ्गानुपस्सनाजाणं पस्सतीति अधिप्पायो। **तेन जाणेन तं जाणं जानातीति**आदीसुपि एसेव नयो। **तेन फस्सेन तं फस्सन्ति**आदीनिस्स लेसोकासनिवारणत्थं वुत्तानि। यं पनेतेन लद्धिपटिट्ठापनत्थं **ननु सब्बसङ्खारेति**आदि वुत्तं। तत्थ नयतो तं जाणं दिट्ठं होति, न आरम्भणतोति अधिप्पायेन पटिज्जा सकवादिस्स। तस्मा एवं पतिट्ठितापिस्स लद्धि अप्पतिट्ठिताव होति।

पटुप्पन्नजाणकथावण्णना।

## १०. फलजाणकथावण्णना

४४३-४४४. इदानीं फले जाणकथा नाम होति। तत्थ “बुद्धापि सत्तानं अरियफलपत्तिया धम्मं देसेन्ति सावकापि, इति इमिना सामज्जेन बुद्धानं विय सावकानम्पि तेन तेन सत्तेन पत्तब्बे फले जाणं अत्थी”ति येसं लद्धि, सेय्यथापि अन्धकानं; ते सन्धाय **सावकस्सा**ति पुच्छा सकवादिस्स, पटिज्जा इतरस्स। अथ नं “यदि सावकस्स फले जाणं अत्थि, यथा बुद्धा समानेपि सोतापत्तिफले अत्तनो जाणबलेन ‘अयं एकबीजी, अयं कोलंकोलो, अयं सत्तक्खत्तुपरमो’ति फलस्सकत्तं पज्जपेन्ति, किं ते एवं सावकोपी”ति चोदेतुं **सावको फलस्स कत्तं पज्जपेतीति** आह। इतरो पटिक्खपति।

**अत्थि सावकस्स फलपरोपरियत्तीति**आदि फले जाणस्स अत्थिताय पच्चयपुच्छनत्थं वुत्तं। अयज्जेत्थ अधिप्पायो — बुद्धानं “इदं फलं परं, इदं ओपरं”न्ति एवं फलानं उच्चावचभावजाननसङ्घाता फले परोपरियत्ति नाम अत्थि। तथा इन्द्रियपुग्गलपरोपरियत्तियो, तासं अत्थिताय तस्स तस्स पुग्गलस्स तेसं तेसं इन्द्रियानं वसेन तं तं फलं जानन्ति, किं ते सावकस्सापि एता परोपरियत्तियो अत्थीति।

**अत्थि सावकस्स खन्धपज्जत्तीति**आदीनिपि “यदि ते सावकस्स बुद्धानं विय फले जाणं अत्थि, इमा हि पिस्स पज्जत्तीहि भवितब्बं। किमस्स ता अत्थि, सक्कोति सो एता पज्जत्तियो अत्तनो बलेन जानितुं वा पज्जपेत्तुं वा”ति चोदनत्थं वुत्तानि। **सावको जिनोति**आदि “यदि सावकस्स बुद्धानं विय फले जाणं अत्थि, एवं सन्ते स्वेव जिनो”ति चोदनत्थं वुत्तं। **सावको अनुप्पन्नस्साति** पञ्हेपि अयमेव नयो। **अज्जाणीति** पञ्हे अविज्जासङ्घातस्स अज्जाणस्स विहतत्ता पटिक्खित्तो, न पनस्स बुद्धानं विय फले जाणं अत्थि। तस्मा अप्पतिट्ठितोव परवादीवादोति।

फलजाणकथावण्णना।

पज्जमो वग्गो।

महापण्णासको समत्तो।

## ६. छट्ठवग्गो

### १. नियामकथावण्णना

४४५-४४७. इदानीं नियामकथा नाम होति। तत्थ **नियामो**ति “भब्बो नियामं ओक्कमितुं कुसलेसु धम्मेषु सम्मत्त”न्ति (पु० प० १३) वचनतो अरियमग्गो वुच्चति। यस्मा पन तस्मिं उप्पज्जित्वा निरुद्धेपि पुग्गलो अनियतो नाम न होति, तस्मा “सो नियामो निच्चट्टेन असङ्गतो”ति येसं लद्धि, सेय्यथापि अन्धकानं; ते सन्धाय पुच्छा सकवादिस्स, पटिज्जा इतरस्स। ततो “यदि सो असङ्गतो, एवरूपेन तेन भवितब्बं”न्ति दीपेन्तो **निब्बानन्ति**आदिमाह। संसन्दनपुच्छा उत्तानत्थायेव।

**अत्थि केचीति**आदि नियामस्स सङ्गतभावदीपनत्थं वुत्तं। **मग्गो असङ्गतोति**पञ्हे तस्स उप्पादिनरोधभावतो पटिक्खपतीति। **नियामो सङ्गतोति**पञ्हे निरुद्धेपि मग्गे नियामस्स अत्थितं सन्धाय पटिक्खपति। **सोतापत्तिनियामो**तिआदिपञ्हेसुपि अनुलोमतो च पटिलोमतो च इमिनाव नयेन अत्थो वेदितब्बो। **पज्ज असङ्गतानीति** पुट्ठो पज्जनं

असङ्गतानं आगतद्वानं अपरस्सन्तो पटिक्खिपति। दुतियं पुट्टो चतुन्नं सम्मत्तनियामानं नियामवचनतो निब्बानस्स च असङ्गतभावतो पटिजानाति। मिच्छत्तनियामपज्जो नियामवचनमत्तेन असङ्गतताय अयुत्तभावदीपनत्थं वुत्तोति।

नियामकथावण्णना।

## २. पटिच्चसमुप्पादकथावण्णना

४४८. इदानीं पटिच्चसमुप्पादकथा नाम होति। तत्थ येसं निदानवग्गे “उप्पादा वा तथागतानं अनुप्पादा वा तथागतानं ठिताव सा धातु धम्मट्ठिता”ति आदिवचनतो (सं० नि० २.२०) “पटिच्चसमुप्पादो असङ्गतो”ति लद्धि, सेय्यथापि पुब्बसेलियानञ्च महिसासकानञ्च; ते सन्धाय पुच्छा सकवादिस्स, पटिज्जा इतरस्स।

४४९. अविज्जा असङ्गताति आदयो पज्जा अविज्जादीनंयेव पटिच्चसमुप्पादभावदस्सनत्थं वुत्ता। येन पनत्थेन तत्थ एकेकं अङ्गं “पटिच्चसमुप्पादो”ति वुच्चति, सो पटिच्चसमुप्पादविभङ्गं वुत्तोयेव।

४५१. अविज्जापच्चया सङ्गाराति या तत्थ धम्मट्ठिताति आदि येन सुत्तेन लद्धि पटिद्धापिता, तस्सेव अत्थदस्सनेन लद्धिभिन्दनत्थं वुत्तं। अयज्हेत्थ अत्थो — या अयं हेट्ठा “ठिताव सा धातु धम्मट्ठिता धम्मनियामता”ति वुत्ता न सा अज्जत्र अविज्जादीहि विसुं एका अत्थि। अविज्जादीनं पन पच्चयानंयेवेतं नामं। उप्पन्नेपि हि तथागते अनुप्पन्नेपि अविज्जातो सङ्गारा सम्भवन्ति, सङ्गारादीहि च विज्जाणादीनि, तस्मा “अविज्जापच्चया सङ्गारा”ति या एतस्मिं पदे सङ्गारधम्मानं कारणट्ठेन ठितताति धम्मट्ठिता। तेसंयेव च धम्मानं कारणट्ठेनेव नियामताति धम्मनियामताति अविज्जा वुच्चति। सा च असङ्गता, निब्बानञ्च असङ्गतन्ति पुच्छति। परवादी लद्धिवसेन पटिजानित्वा पुन द्वे असङ्गतानीति पुट्टो सुत्ताभावेन पटिक्खिपित्वा लद्धिवसेनेव पटिजानाति। सेसपदेसुपि एसेव नयो। हेट्ठा वुत्तसदिसं पन तत्थ वुत्तनयेनेव वेदितव्वन्ति।

पटिच्चसमुप्पादकथावण्णना।

## ३. सच्चकथावण्णना

४५२-४५४. इदानीं सच्चकथा नाम होति। तत्थ येसं “चत्तारिमानि, भिक्खवे, तथानि अवितथानी”ति (सं० नि० ५.१०९०) सुत्तं निस्साय “चत्तारि सच्चानि निच्चानि असङ्गतानी”ति लद्धि, सेय्यथापि पुब्बसेलियानं; ते सन्धाय पुच्छा सकवादिस्स, पटिज्जा इतरस्स। अयज्हेत्थ अधिप्पायो — दुक्खसमुदयमग्गेसु वत्थुसच्चं सङ्गतं, लक्खणसच्चं असङ्गतं। निरोधे वत्थुसच्चं नाम नत्थि असङ्गतमेव तन्ति। तस्मा आमन्ताति आह। तं पनस्स लद्धिमत्तमेव। सो हि दुक्खं वत्थुसच्चं इच्छति, तथा समुदयं मग्गञ्च। यानि पन नेसं बाधनपभवनिन्यानिकलक्खणानि, तानि लक्खणसच्चं नामाति, न च बाधनलक्खणादीहि अज्जानि दुक्खादीनि नाम अत्थीति। ताणानीति आदीसु अधिप्पायो वुत्तनयेनेव वेदितव्वो।

दुक्खसच्चन्ति पज्जे लद्धिवसेन लक्खणं सन्धाय पटिजानाति। दुक्खन्ति पज्जे वत्थुं सन्धाय पटिक्खिपति। इतो परं सुद्धिकपज्जा च संसन्दनपज्जा च सव्वे पाळिअनुसारेनेव वेदितव्वो। अवसाने लद्धिपटिद्धापनत्थं आहटसुत्तं अत्थस्स मिच्छा गहितत्ता अनाहटसदिसमेवाति।

सच्चकथावण्णना।

## ४. आरुप्पकथावण्णना

४५५-४५६. इदानीं आरुप्पकथा नाम होति। तत्थ येसं “चत्तारो आरुप्पा आनेज्जा”ति वचनं निस्साय “सव्वेपि ते धम्मा असङ्गता”ति लद्धि, ते सन्धाय आकासानज्जायतन्ति पुच्छा सकवादिस्स, पटिज्जा इतरस्स। सेसमेत्थ उत्तानत्थमेवाति। साधकसुत्तम्पि अत्थं अजानित्वा आहटत्ता अनाहटसदिसमेवाति।

आरुप्पकथावण्णना।

## ५. निरोधसमापत्तिकथावण्णना

४५७-४५९. इदानीं निरोधसमापत्तिकथा नाम होति। तत्थ निरोधसमापत्तीति चतुन्नं खन्धानं अप्पवत्ति। यस्मा पन सा करियमाना करियति, समापज्जियमाना समापज्जियति, तस्मा निष्फन्नाति वुच्चति। सङ्गतासङ्गतलक्खणानं पन अभावेन न वत्तव्वा “सङ्गताति वा असङ्गता”ति वा। तत्थ येसं “यस्मा सङ्गता न होति, तस्मा असङ्गता”ति लद्धि, सेय्यथापि अन्धकानञ्चेव उत्तरापथकानञ्च; ते सन्धाय निरोधसमापत्तीति पुच्छा सकवादिस्स, पटिज्जा इतरस्स। उप्पादेन्तीति आदि समापज्जनपटिलाभवसेनेव वुत्तं। यथा पन रूपादयो असङ्गतधम्मे उप्पादेन्ति; न तथा तं केचि उप्पादेन्ति नाम। निरोधा वोदानं वुट्ठानन्ति फलसमापत्ति वेदितव्वो। असङ्गता पन तं नत्थियेव, तस्मा पटिक्खिपति। तेन हीति यस्मा सङ्गता न होति, तस्मा असङ्गताति लद्धि। इदं पन असङ्गतभावे कारणं न होतीति वुत्तम्पि अवुत्तसदिसमेवाति।

निरोधसमापत्तिकथावण्णना।

## ६. आकासकथावण्णना

४६०-४६२. इदानीं आकासकथा नाम होति। तत्थ तिविधो आकासो — परिच्छेदाकासो, कसिणगुग्घाटिमाकासो, अजटाकासो। “तुच्छाकासो”तिपि तस्सेव नामं। तेसु परिच्छेदाकासो सङ्गतो, इतरे द्वे पज्जत्तिमत्ता। येसं पन “दुविधोपि यस्मा सङ्गतो न होति, तस्मा असङ्गतो”ति लद्धि, सेय्यथापि उत्तरापथकानं महिसासकानञ्च; ते सन्धाय आकासोति पुच्छा सकवादिस्स, पटिज्जा इतरस्स। सेसमेत्थ उत्तानत्थमेवाति।

आकासकथावण्णना ।

### ७. आकासो सनिदस्सनोतिकथावण्णना

४६३-४६४. इदानी आकासो सनिदस्सनोतिकथा नाम होति । तत्थ येसं ताळच्छिद्वादीसु जाणप्पवत्ति निस्साय “सब्बोपि अजटाकासो सनिदस्सनो”ति लद्धि, सेय्यथापि अन्धकानं; ते सन्धाय आकासो सनिदस्सनोति पुच्छा सकवादिस्स, पटिज्जा इतरस्स । अथ नं “यदि सनिदस्सनो, एवंविधो भवेय्या”ति चोदनत्थं रूपन्तिआदि वुत्तं । चक्खुञ्च पटिच्चातिपज्हेसु एवरूपस्स सुत्तस्स अभावेन पटिक्खिपित्वा तुलन्तरिकादीनं उपलद्धि निस्साय पटिजानाति । द्विन्नं रुक्खानं अन्तरन्ति एत्थ रुक्खरूपं चक्खुना दिस्वा अन्तरे रूपाभावतो आकासन्ति मनोद्वारविज्जाणं उप्पज्जति, न चक्खुविज्जाणं । सेसेसुपि एसेव नयो । तस्मा असाधकमेतन्ति ।

आकासो सनिदस्सनोतिकथावण्णना ।

### १०. पथवीधातुसनिदस्सनातिआदिकथावण्णना

४६५-४७०. इदानी पथवीधातु सनिदस्सनातिआदिकथा नाम होति । तत्थ येसं पासाणउदकजालरुक्खचलनानञ्चेव पञ्चिन्द्रियपतिट्ठोकासानञ्च वण्णायतनं कायविज्जत्तिकाले हत्थपादादिरूपञ्च दिस्वा “पथवीधातुआदयो सनिदस्सना”ति लद्धि, सेय्यथापि अन्धकानं; ते सन्धाय सब्बकथासु आदिपुच्छा सकवादिस्स, पटिज्जा इतरस्स । सेसं सब्बत्थ पाळिअनुसारेण च वेद्वा वुत्तनयेन च वेदितव्वन्ति । पथवीधातु सनिदस्सनाति आदिं कत्वा कायकम्मं सनिदस्सनन्ति परियोसानकथा निद्धिता ।

छट्ठो वग्गो ।

## ७. सत्तमवग्गो

### १. सङ्गहितकथावण्णना

४७१-४७२. इदानी सङ्गहितकथा नाम होति । तत्थ यस्मा दामादीहि बलिबद्धादयो विय केचि धम्मा केहिचि धम्मोहि सङ्गहिता नाम नत्थि, तस्मा “नत्थि केचि धम्मा केहिचि धम्मोहि सङ्गहिता, एवं सन्ते एकविधेन रूपसङ्गहोतिआदि निरत्थक”न्ति येसं लद्धि, सेय्यथापि राजगिरिकानञ्चेव सिद्धत्थिकानञ्च; ते सन्धाय अज्जेनेवत्थेन सङ्गहभावं दस्सेतुं पुच्छा सकवादिस्स, अत्तनो लद्धिवसेन पटिज्जा इतरस्स । इदानी येनत्थेन सङ्गहो लब्धति, तं दस्सेतुं ननु अत्थि केचि धम्मातिआदि आरब्धं । तं सब्बं हेद्वा वुत्तनयत्ता उत्तानत्थमेव । या पनेसा परवादिना लद्धिपतिट्ठापनत्थं यथा दामेन वातिआदिका उपमा आहटा, सकवादिना तं अनभिनन्दित्वा अप्पटिक्कोसित्वा “हज्जि दामेन वा”ति तस्स लद्धि भिन्नाति वेदितव्वा । अयञ्हेत्थ अत्थो — यदि ते दामादीहि बलिबद्धादयो सङ्गहिता नाम, अत्थि केचि धम्मा केहिचि धम्मोहि सङ्गहिताति ।

सङ्गहितकथावण्णना ।

### २. सम्पयुत्तकथावण्णना

४७३-४७४. इदानी सम्पयुत्तकथा नाम होति । तत्थ यस्मा तिलम्हि तेलं विय न वेदनादयो सज्जादीसु अनुपविट्ठा, तस्मा “नत्थि केचि धम्मा केहिचि धम्मोहि सम्पयुत्ता, एवं सन्ते जाणसम्पयुत्तन्तिआदि निरत्थकं होती”ति येसं लद्धि, सेय्यथापि राजगिरिकसिद्धत्थिकानञ्चेव; ते सन्धाय अज्जेनेवत्थेन सम्पयुत्ततं दस्सेतुं पुच्छा सकवादिस्स, अत्तनो लद्धिवसेन पटिज्जा इतरस्स । सेसमिथापि हेद्वा वुत्तनयत्ता उत्तानत्थमेव । यो पनेस परवादिना “यथा तिलम्हि तेल”न्तिआदिको उपमापज्जो आहटो, सो यस्मा वेदनासज्जानं विय तिलतेलानं लक्खणतो नानत्तववत्थानं नत्थि । सब्बेसुपि हि तिलअट्ठित्तेसु तिलोति वोहारमत्तं, तेनेव तिलं निब्बत्तेत्वा गहिते पुरिमसण्ठानेन तिलो नाम न पज्जायति, तस्मा अनाहटसदिसोव होतीति ।

सम्पयुत्तकथावण्णना ।

### ३. चेतसिककथावण्णना

४७५-४७७. इदानी चेतसिककथा नाम होति । तत्थ यस्मा फस्सिकादयो नाम नत्थि, तस्मा “चेतसिकेनापि न भवितव्वं, इति नत्थि चेतसिको धम्मो”ति येसं लद्धि, सेय्यथापि राजगिरिकसिद्धत्थिकानं; ते सन्धाय पुच्छा सकवादिस्स, पटिज्जा इतरस्स । सहजातोति सम्पयुत्तसहजातं सन्धाय वुत्तं । फस्सिकाति तादिसं वोहारं अपस्सन्तस्स पुच्छा परवादिस्स । किं वोहारेण, यथा चित्तनिस्सितकोति चेतसिको, एवं सोपि फस्सनिस्सितत्ता फस्सिकाति वुत्ते दोसो नत्थीति पटिज्जा सकवादिस्स । सेसं उत्तानत्थमेवाति ।

चेतसिककथावण्णना ।

### ४. दानकथावण्णना

४७८. इदानी दानकथा नाम होति । तत्थ दानं नाम तिविधं — चागचेतनापि, विरतिपि, देय्यधम्मोपि । “सद्धा हिरियं कुसलञ्च दान”न्ति (अ० नि० ८.३०) आगतद्धाने चागचेतना दानं । “अभयं देती”ति (अ० नि० ८.३१) आगतद्धाने विरति । “दानं देति अन्नं पान”न्ति आगतद्धाने देय्यधम्मो । तत्थ चागचेतना “देति वा देय्यधम्मं, देन्ति वा एताय देय्यधम्म”न्ति दानं । विरति अवखण्डनद्वेन लवनद्वेन वा दानं । सा हि उप्पज्जमाना भयभेरवादिसङ्घातं दुस्सील्यचेतनं दाति खण्डेति लुनाति वाति दानं । देय्यधम्मो दिव्यतीति दानं । एवमेतं तिविधम्पि अत्थतो चेतसिको चैव धम्मो देय्यधम्मो चाति दुविधं होति । तत्थ येसं “चेतसिकोव धम्मो दानं, न देय्यधम्मो”ति लद्धि, सेय्यथापि राजगिरिकसिद्धत्थिकानं; ते सन्धाय चेतसिकोति पुच्छा सकवादिस्स, पटिज्जा इतरस्स । अथ नं देय्यधम्मवसेन चोदेतुं लब्धाति पुच्छा सकवादिस्स, अन्नादीनि विय सो न

सकवा दातुन्ति पटिक्खेपो इतरस्स। पुन दब्बं कत्वा पुट्ठे “अभयं देती”ति सुत्तवसेन पटिज्जा तस्सेव। फस्सपज्हादीसु पन फस्सं देतीतिआदिवोहारं अपस्सन्तो पटिक्खिपतेव।

**४७९. अनिट्ठफलन्ति**आदि अचेतसिकस्स धम्मस्स दानभावदीपनत्थं वुत्तं। न हि अचेतसिको अन्नादिधम्मो आयतिं विपाकं देति, इट्ठफलभावनियमनत्थं पनेतं वुत्तन्ति वेदितव्वं। अयम्पि हेत्थ अधिष्णायो — यदि अचेतसिको अन्नादिधम्मो दानं भवेय्य, हितचित्तेन अनिट्ठं अकन्तं भेसज्जं देन्तस्स निम्बबीजादीहि विय निम्बादयो अनिट्ठमेव फलं निम्बत्तेय्य। यस्मा पनेत्थ हितफरणचागचेतना दानं, तस्मा अनिट्ठेपि देय्यधम्मो दानं इट्ठफलमेव होतीति।

एवं परवादिना चेतसिकधम्मस्स दानभावे पटिहुपिते सकवादी इतरेन परियायेन देय्यधम्मस्स दानभावं साधेतुं **दानं इट्ठफलं वुत्तं भगवता**तिआदिमाह। परवादी पन चीवरादीनं इट्ठविपाकतं अपस्सन्तो पटिक्खिपति। सुत्तसाधनं परवादीवादेपि युज्जति सकवादीवादेपि, न पन एकेनत्थेन। देय्यधम्मो इट्ठफलोति इट्ठफलभावमतमेव पटिक्खित्तं। तस्मा **तेन हि न वत्तव्वन्ति** इट्ठफलभावेनेव न वत्तव्वता युज्जति। दातव्वट्टेन पन देय्यधम्मो दानमेव। दिन्नजिह दानानं सङ्करभावमोचनत्थमेव अयं कथाति।

दानकथावण्णना।

#### ५. परिभोगमयपुज्जकथावण्णना

**४८३.** इदानी परिभोगमयपुज्जकथा नाम होति। तत्थ “तेसं दिवा च रत्तो च, सदा पुज्जं पवड्ढती”ति (सं० नि० १.४७) च “यस्स भिक्खवे, भिक्खु चीवरं परिभुज्जमानो”ति (अ० नि० ४.५१) च एवमादीनि सुत्तानि अयोनिसो गहेत्वा येसं परिभोगमयं नाम पुज्जं अत्थी”ति लद्धि, सेय्यथापि राजगिरिकसिद्धत्थिकसम्मितियानं; ते सन्थाय **परिभोगमयन्ति** पुच्छा सकवादिसस, पटिज्जा इतरस्स। अथ नं “पुज्जं नाम फस्सादयो कुसला धम्मा, न ततो परं, तस्मा फस्सादीहि ते वड्ढितव्व”न्ति चोदेतुं **परिभोगमयो फस्सो**तिआदि आरब्धं। तं सब्बं इतरेन तेसं अवड्ढनतो पटिक्खित्तं। **लताविया**तिआदीनि “किरियाय वा भावनाय वा विनापि यथा लतादीनि सयमेव वड्ढन्ति, किं ते एवं वड्ढन्ती”ति चोदनत्थं वुत्तानि। तथा पनस्स अवड्ढनतो न **हेवा**ति पटिक्खित्तं।

**४८४. न समन्नाहरतीति** पज्जे पटिग्गाहकानं परिभोगेन पुरिमचेतना वड्ढति, एवं तं होति पुज्जन्ति लद्धिवसेन पटिजानाति। ततो **अनावट्टेन्तस्सा**तिआदीहि पुट्ठो दायकस्स चागचेतनं सन्थाय पटिक्खिपति। तत्थ **अनावट्टेन्तस्सा**ति दानचेतनाय पुरेचारिकेन आवज्जनेन भवङ्गं अनावट्टेन्तस्स अपरिवट्टेन्तस्स। **अनाभोगस्सा**ति निराभोगस्स। **असमन्नाहरन्तस्सा**ति न समन्नाहरन्तस्स। आवज्जनजिह भवङ्गं विच्छिन्दित्वा अत्तनो गतमग्गे उप्पज्जमानं दानचेतनं समन्नाहरति नाम। एवंकिच्चेन इमिना चित्तेन असमन्नाहरन्तस्स पुज्जं होतीति पुच्छति। **अमनसिकरोन्तस्सा**ति मनं अकरोन्तस्स। आवज्जनेन हि तदनन्तरं उप्पज्जमानं मनं करोति नाम। एवं अकरोन्तस्साति अत्थो। उपयोगवचनस्मिजिह एतं भुम्मं। **अचेतयन्तस्सा**ति चेतनं अनुप्पादेन्तस्स। **अपत्थेन्तस्सा**ति पत्थनासङ्घातं कुसलच्छन्दं अकरोन्तस्स। **अप्पणिदहन्तस्सा**ति दानचेतनावसेन चित्तं अट्टपेन्तस्साति अत्थो। **ननु आवट्टेन्तस्सा**ति वारे **आभोगस्सा**ति आभोगवतो। अथ वा आभोगा अस्स, आभोगस्स वा अनन्तरं तं पुज्जं होतीति अत्थो।

**४८५. द्विन्नं फस्सान्ति**आदीसुपि एकक्खणे दायकस्स द्विन्नं फस्सादीनं अभावा पटिक्खिपति, दायकस्स च परिभुज्जन्तस्स चाति उभिन्नं फस्सादयो सन्थाय पटिजानाति। अपिचस्स पज्जन्तं विज्जानानं समोधानं होतीति लद्धि, तस्सापि वसेन पटिजानाति। अथ नं सकवादी परियायस्स द्वारंपिदहित्वा उज्जुविपचचीकवसेन चोदेतुं **कुसलादिपज्जं** पुच्छति। तत्रापि कुसलाकुसलानं एकस्सेकक्खणे सम्पयोगाभावं सन्थाय पटिक्खिपति। परिभोगमयं पन चित्तविप्पयुत्तं उप्पज्जतीति लद्धिया पटिजानाति। अथ नं सकवादी सुत्तेन निग्गहति।

**४८६.** सुत्तसाधने आरामरोपकादीनं अनुस्सरणपटिसङ्खरणादिवसेन अन्तरन्तरा उप्पज्जमानं पुज्जं सन्थाय **सदा पुज्जं पवड्ढती**ति वुत्तं। **अप्पमाणो तस्स पुज्जाभिसन्दो**ति इदं अप्पमाणविहारिनो दिन्नपच्चयत्ता च “एवरूपो मे चीवरं परिभुज्जती”ति अनुमोदनवसेन च वुत्तं। तं सो **परिभोगमयन्ति** सल्लक्खेति। यस्मा पन पटिग्गाहकेन पटिग्गहेत्वा अपरिभुत्तेपि देय्यधम्मो पुज्जं होतियेव, तस्मा सकवादीवादो बलवा, तत्थ पटिग्गाहकेन पटिग्गहितेति अत्थो दट्टव्वो। सेसं उत्तानत्थमेवाति।

परिभोगमयपुज्जकथावण्णना।

#### ६. इतोदिन्नकथावण्णना

**४८८-४९१.** इदानी इतो दिन्नकथा नाम होति। तत्थ येसं “इतो दिन्नेन यापेन्ति, पेता कालङ्कता तहि”न्ति (पे० व० १९) वचनं निस्साय “यं इतो चीवरादि दिन्नं तेनेव यापेन्ती”ति लद्धि, सेय्यथापि राजगिरिकसिद्धत्थिकानं; ते सन्थाय **इतो दिन्नेना**ति पुच्छा सकवादिसस, पटिज्जा इतरस्स। पुन चीवरादिवसेन अनुयुत्तो पटिक्खिपति। **अज्जो अज्जस्स कारको**ति अज्जस्स विपाकदायकानं कम्मानं अज्जो कारको, न अत्तनाव अत्तनो कम्मं करोतीति वुत्तं होति। एवं पुट्ठो पन इतरो सुत्तविरोधभयेन पटिक्खिपति। **दानं देन्तन्ति** दानं ददमानं दिस्वाति अत्थो। तत्थ यस्मा अत्तनो अनुमोदितत्ता च तेसं तत्थ भोगा उप्पज्जन्ति, तस्मास्स इमिना कारणेन लद्धि पटिहुपेन्तस्सापि अप्पतिट्ठिताव होति। न हि ते इतो दिन्नेनेव वत्थुना यापेन्ति। सेसेसुपि सुत्तसाधनेसु एसेव नयोति।

इतो दिन्नकथावण्णना।

#### ७. पथवीकम्मविपाकोतिकथावण्णना

**४९२.** इदानी पथवी कम्मविपाकोतिकथा नाम होति। तत्थ यस्मा “अत्थि इस्सरियसंवत्तनियं कम्मं, आधिपच्चसंवत्तनियं कम्म”न्ति एत्थ इस्सरानं भावो इस्सरियं नाम, अधिपतीनञ्च भावो आधिपच्चं नाम, पथविस्सरियआधिपच्चसंवत्तनिकञ्च कम्मं अत्थीति वुत्तं। तस्मा येसं “पथवी कम्मविपाको”ति लद्धि, सेय्यथापि अन्धकानं; ते सन्थाय **पथवी**ति पुच्छा सकवादिसस, पटिज्जा इतरस्स। **सुखवेदनीया**तिआदि कम्मविपाकसभावदस्सनवसेन वुत्तं। “फस्सो होती”तिआदिना नयेन निद्धिट्टेसु विपाकेसु फस्सो सुखवेदनीयादिभेदो होति। सो च सज्जादयो च सुखवेदनादीहि सम्पयुत्ता, वेदनादयो सज्जादीहि, सब्बेपि सारम्मणा, अत्थि च नेसं पुरेचारिकआवट्टनादिसङ्घातं आवज्जनं,



कम्मपच्चयभूता चेतना, यो तत्थ इडुविपाको, तस्स पत्थना, पणिधानवसेन पवत्ता मूलतण्हा, किं ते एवरूपा पथवीति पुच्छति। इतरो पटिक्खिपति। पटिलोमपुच्छादीनि उत्तानत्थानेव।

**४९३. कम्मविपाको परेसं साधारणोति** पज्जे फस्सादयो सन्धाय पटिक्खिपति, कम्मसमुद्धानं रूपञ्च पथवीआदीनयेव च साधारणभावं सन्धाय पटिजानाति। **असाधारणमज्जेसन्ति** सुत्तं परसमयतो आहरित्वा दस्सितं। **सब्बे सत्ता पथवि परिभुञ्जन्तीति** पज्जे पथवि अनिस्सिते सन्धाय पटिक्खिपति, निस्सिते सन्धाय पटिजानाति। **पथवि अपरिभुञ्जित्वा परिनिब्बायन्तीति** पज्जे आरुप्पे परिनिब्बायन्तानं वसेन पटिजानाति। **कम्मविपाकं अखेपेत्वा** इदं परसमयवसेन वुत्तं। कम्मविपाकज्झि खेपेत्वाव परिनिब्बायन्तीति तेसं लद्धि। सकसमये पन कतोकासस्स कम्मस्स उप्पन्नं विपाकं अखेपेत्वा परिनिब्बानं नत्थि। तेसञ्च लद्धिया पथवी साधारणविपाकत्ता उप्पन्नविपाकोयेव होति। तं विपाकभावेन ठितं अखेपेत्वा परिनिब्बानं न युज्जतीति चोदेतुं वट्टति। इतरो लद्धिवसेन पटिक्खिपति। **चक्कवत्तिसत्तस्स कम्मविपाकन्ति** पज्जे असाधारणं फस्सादि सन्धाय पटिक्खिपति, साधारणं सन्धाय पटिजानाति। पथवीसमुद्दसूरियचन्दिमादयो हि सब्बेसं साधारणकम्मविपाकोति तेसं लद्धि।

**४९४. इस्सरियसंवत्तनियन्ति** एत्थ इस्सरियं नाम बहुधनता। आधिपच्चं नाम सेसजने अत्तनो वसे वत्तेत्वा तेहि गरुकातब्बट्टेन अधिपतिभावो। तत्थ कम्मं पटिलाभवसेन तंसंवत्तनिकं नाम होति, न जनकवसेन। तस्मा विपाकभावे असाधकमेतन्ति।

पथवी कम्मविपाकोतिकथावण्णना।

## ८. जरामरणं विपाकोतिकथावण्णना

**४९५.** इदानीं जरामरणं विपाकोतिकथा नाम होति। तत्थ येसं “अत्थि दुब्बण्णसंवत्तनियं कम्मं अप्पायुकसंवत्तनियं कम्मं”न्ति एत्थ दुब्बण्णता नाम जरा। अप्पायुकता नाम मरणं। तंसंवत्तनियञ्च कम्मं अत्थि। तस्मा जरामरणं विपाकोति लद्धि, सेय्यथापि अन्धकानं; ते सन्धाय पुच्छा सकवादस्स, पटिज्जा इतरस्स। पटिलोमपज्जे **अनारम्भणन्ति** रूपधम्मानं ताव अनारम्भणमेव, अरूपानं पन जरामरणं सम्पयोगलक्खणाभावा अनारम्भणमेव।

**४९६. अकुसलानं धम्मानं जरामरणं अकुसलानं धम्मानं विपाकोति** पज्जे जरामरणेन नाम अनिडुविपाकेन भवितव्वन्ति लद्धिया पटिजानाति। तेनेव कारणेन कुसलानं धम्मानं जरामरणस्स कुसलविपाकतं पटिक्खिपति। परतो चस्स अकुसलविपाकतज्जेव पटिजानाति।

**कुसलानञ्च अकुसलानञ्चाति** पुच्छावसेन एकतो कतं, एकक्खणे पन तं नत्थि। अब्याकतानं अविपाकानं जरामरणं विपाकोति वत्तव्वताय परियायो नत्थि, तस्मा अब्याकतवसेन **पुच्छा न कता**।

**४९७. दुब्बण्णसंवत्तनियन्ति** एत्थ दुब्बण्णिणं नाम अपरिसुद्धवण्णता। अप्पायुकता नाम आयुनो चिरं पवत्तितुं असमत्थता। तत्थ अकुसलकम्मं कम्मसमुद्धानस्स दुब्बण्णरूपस्स कम्मपच्चयो होति, असदिसत्ता पनस्स तंविपाको न होति। उतुसमुद्धानादिनो पन तंपटिलाभवसेन आयुनो च उपच्छेदकवसेन पच्चयो होति। एवमेतं परियायेन तंसंवत्तनिकं नाम होति, न विपाकफस्सादीनं विय जनकवसेन, तस्मा विपाकभावे असाधकं। सेसमेत्थ हेट्ठा वुत्तसदिसमेवाति।

जरामरणं विपाकोतिकथावण्णना।

## ९. अरियधम्मविपाककथावण्णना

**४९८.** इदानीं अरियधम्मविपाककथा नाम होति। तत्थ येसं किलेसप्पहानमत्तमेव सामञ्जफलं, न चित्तचेतसिका धम्माति लद्धि, सेय्यथापि अन्धकानं; ते सन्धाय **नत्थि अरियधम्मविपाकोति** पुच्छा सकवादस्स। तत्थ **अरियधम्मविपाकोति** मग्गसङ्घातस्स अरियधम्मस्स विपाको। किलेसक्खयमत्तं अरियफलन्ति लद्धिया पटिज्जा इतरस्स। **सामञ्जन्ति** समणभावो, मग्गस्सेतं नामं। “सामञ्जञ्च वो, भिक्खवे, देसेस्सामि सामञ्जफलञ्चा”ति हि वुत्तं। ब्रह्मज्जेपि एसेव नयो।

**सोतापत्तिफलं न विपाकोति** आदीसु सोतापत्तिमग्गादीनं अपचयगामितं सन्धाय अरियफलानं नविपाकभावं पटिजानाति, दानफलादीनं पटिक्खिपति। सो हि आचयगामितिकस्स एवं अत्थं धारेति — विपाकसङ्घातं आचयं गच्छन्ति, तं वा आचिनन्ता गच्छन्तीति आचयगामिनो, विपाकं अपचिनन्ता गच्छन्तीति अपचयगामिनोति। तस्मा एवं पटिजानाति च पटिक्खिपति च।

**५००. कामावचरं कुसलं सविपाकं आचयगामीति** आदिका पुच्छा परवादस्स, पटिज्जा च पटिक्खेपो च सकवादस्स। लोकियज्झि कुसलं विपाकचुतिपटिसन्धियो चेव वट्टञ्च आचिनन्तं गच्छतीति आचयगामि। लोकुत्तरकुसलं चुतिपटिसन्धियो चेव वट्टञ्च अपचिनन्तं गच्छतीति अपचयगामि। एवमेतं सविपाकमेव होति, न अपचयगामिवचनमत्तेन अविपाकं। इममत्थं सन्धायेत्थ सकवादिनो पटिज्जा च पटिक्खेपो च वेदितव्वति।

अरियधम्मविपाककथावण्णना।

## १०. विपाको विपाकधम्मधम्मोतिकथावण्णना

**५०१.** इदानीं विपाको विपाकधम्मधम्मोतिकथा नाम होति। तत्थ यस्मा विपाको विपाकस्स अज्जमज्जादिपच्चयवसेन पच्चयो होति, तस्मा विपाकोपि विपाकधम्मधम्मोति येसं लद्धि, सेय्यथापि अन्धकानं; ते सन्धाय पुच्छा सकवादस्स, पटिज्जा इतरस्स। **तस्स विपाकोति** तस्स विपाकधम्मधम्मस्स विपाकस्स यो विपाको, सोपि ते विपाकधम्मधम्मो होतीति पुच्छति। इतरो आर्याति विपाकदानाभावं सन्धाय पटिक्खिपति। दुतियं पुट्टो तप्पच्चयापि अज्जस्स विपाकस्स उप्पत्तिं सन्धाय पटिजानाति। एवं सन्ते पनस्स कुसलाकुसलस्स विय तस्सापि विपाकस्स विपाको, तस्सापि विपाकोति वट्टानुपच्छेदो आपज्जतीति पुट्टो समयविरोधभयेन पटिक्खिपति।

**विपाकोति** वातिआदिमि वचनसाधने पन यदि विपाकस्स विपाकधम्मधम्मेन एकत्थता भवेय्य, कुसलाकुसलव्याकतानं एकत्थतं आपज्जेय्याति पटिक्खिपति । **विपाको च विपाकधम्मधम्मो चाति** एत्थ अयं अधिप्पायो — सो हि चतूसु विपाककखन्धेसु एकेकं अज्जमज्जपच्चयादीसु पच्चयङ्गेन विपाकधम्मधम्मत्तं पच्चयुप्पन्नङ्गेन च विपाकं मज्जमानो “विपाको विपाकधम्मधम्मो”ति पुट्ठो आमन्ताति पटिजानाति । अथ नं सकवादी “यस्मा तथा एककखणे चतूसु खन्धेसु विपाको विपाकधम्मधम्मोपि अनुज्जातो, तस्मा तेसं सहगतादिभावो आपज्जती”ति चोदेतुं एवमाह । इतरो कुसलाकुसलसङ्घातं विपाकधम्मधम्मं सन्धाय पटिक्खिपति । **तज्जेव अकुसलन्ति** यदि ते विपाको विपाकधम्मधम्मो, यो अकुसलविपाको, सो अकुसलं आपज्जति । कस्मा? विपाकधम्मधम्मेन एकता । **तज्जेव कुसलन्ति** आदीसुपि एसेव नयो ।

**५०२. अज्जमज्जपच्चयाति** इदं सहजातानं पच्चयमत्तवसेन वुत्तं, तस्मा असाधकं । महाभूतानम्पि च अज्जमज्जपच्चयता वुत्ता, न च तानि विपाकानि, न च विपाकधम्मधम्मानि ।

विपाको विपाकधम्मधम्मोतिकथावण्णना ।

सत्तमो वग्गो ।

## ८. अट्टमवग्गो

### १. छगतिकथावण्णना

**५०३-५०४.** इदानीं छगतिकथा नाम होति । तत्थ असुरकायेन सद्धिं छगतियोति येसं लद्धिं, सेय्यथापि अन्धकानज्जेव उत्तरापथकानज्ज; ते सन्धाय पुच्छा सकवादिस्स, पटिज्जा इतरस्स । अथ नं सकवादी “पञ्च खो पनिमा, सारिपुत्त, गतियो”ति (म० नि० १.१५३) लोमहंसनपरियाये परिच्छिन्नानं गतीनं वसेन चोदेतुं **ननु पञ्च गतियो**ति आदिमाह । इतरो सुत्तविरोधभयेन पटिजानाति । कस्मा पन सकवादी छ गतियो न सम्पटिच्छति, ननु “चतूहापायेहि च विष्णुमुत्तो”ति एत्थ असुरकायोपि गहितोति । सच्चं गहितो, न पनेसा गति । कस्मा? विसुं अभावतो । असुरकायस्मिहि कालकज्जिका असुरा पेतगतिया सङ्गहिता, वेपचित्तिपरिसा देवगतिया, असुरकायोति विसुं एका गति नाम नत्थि ।

इदानीं एतमेव अर्थं दस्सेतुं **ननु कालकज्जिका**ति आदि आरद्धं । तत्थ **समानवण्णाति** सदिसरूपसण्ठाना बीभच्छा विरूपा दुद्दस्सिका । **समानभोगाति** सदिसमेथुनसमाचारा । **समानाहाराति** सदिसखेळसिङ्घाणिकपुब्बलोहितादिआहारा । **समानायुकाति** सदिसआयुपरिच्छेदा । **आवाहविवाहन्ति** कज्जागहणज्जेव कज्जादानज्ज । सुक्कपक्खे **समानवण्णाति** सदिसरूपसण्ठाना अभिरूपा पासादिका दस्सनीया पभासम्पन्ना । **समानभोगाति** सदिसपञ्चकआमगुणभोगा । **समानाहाराति** सदिससुधाभोजनादिआहारा । सेसं वुत्तनयमेव । **ननु अत्थि असुरकायोति** इदं असुरकायस्सेव साधकं । तस्स पन विसुं गतिपरिच्छेदाभावेन न गतिसाधकन्ति ।

छगतिकथावण्णना ।

### २. अन्तराभवकथावण्णना

**५०५.** इदानीं अन्तराभवकथा नाम होति । तत्थ येसं “अन्तरा परिनिब्बायी”ति सुत्तपदं अयोनि सो गहेत्वा “अन्तराभवो नाम अत्थि, यत्थ सत्तो दिब्बचक्खुको विय अदिब्बचक्खुको, इद्धिमा विय अनिद्धिमा मातापितिसमागमज्जेव उतुसमयज्ज ओलोकयमानो सत्ताहं वा अतिरेकसत्ताहं वा तिद्धती”ति लद्धिं, सेय्यथापि पुब्बसेलियानज्जेव सम्मितियानज्ज; ते सन्धाय **अत्थीति** पुच्छा सकवादिस्स, लद्धियं ठत्वा पटिज्जा इतरस्स । अथ नं ये च भगवता तयो भवा वुत्ता, तेसं वसेन चोदेतुं **कामभवो**ति आदिमाह । तत्रायं अधिप्पायो — यदि ते अन्तराभवो नाम कोचि भवो अत्थि, तेन कामभवादीनयेव अज्जतरेन भवितव्वं पञ्चवोकारभवादिना विय, तेन तं पुच्छामि — “किं ते अयं अन्तराभवो नाम कामभवो, उदाहु रूपभवो अरूपभवो वा”ति? इतरो तथा अनिच्छन्तो सब्बं पटिक्खिपति । **कामभवस्स चाति** आदि यदि अन्तराभवो नाम अत्थि, इमेसं भवानं अन्तरा द्विन्नं सीमानं सीमन्तरिका विय भवेय्याति चोदेतुं आरद्धं । परवादी पन तथा अनिच्छन्तो सब्बपज्जे पटिक्खिपति केवलं लद्धिया, न सहधम्मेन । तेनेव नं सकवादी “नो वत रे”ति पटिसेधेति ।

**५०६. पञ्चमी सा योनीति** आदीनिपि यथापरिच्छिन्नयोनिआदीसु सो समोधानं न गच्छति, अथ तेन ततो अतिरेकेन भवितव्वन्ति चोदेतुं वुत्तानि । **अन्तराभवूपगं कम्मन्ति** यदि सोपि एको भवो, यथा कामभवूपगादीनि कम्मनि अत्थीति सत्थारा विभजित्वा दस्सितानि, एवं तदुपगेनापि कम्मेन भवितव्वन्ति चोदनत्थं वुत्तं । यस्मा पन परसमये अन्तराभवूपगं नाम पाटियेक्कं कम्मं नत्थि, यं यं भवं उपपज्जिस्सति, तदुपगेनेव कम्मेन अन्तराभवे निब्बत्ततीति तेसं लद्धिं, तस्मा “नहेव”न्ति पटिक्खिपत्तं । **अत्थि अन्तराभवूपगा सत्ताति** पुट्ठोपि कामभवूपगायेव नाम तेति लद्धिया पटिक्खिपति । **जायन्तीति** आदीनि पुट्ठोपि तत्थ जातिजरामरणानि चेव चुत्तिपटिसन्धिपरम्परज्ज अनिच्छन्तो पटिक्खिपति । रूपादिवसेन पुट्ठोपि यस्मा अन्तराभवसत्तस्स अनिदस्सनं रूपं, वेदनादयोपि अज्जेसं विय न ओळारिकाति तस्स लद्धिं, तस्मा पटिक्खिपति । इमिनाव कारणेन पञ्चवोकारभवभावेपि पटिक्खेपो वेदितव्वो ।

**५०७.** इदानीं **कामभवो भवो गतीति** आदि भवसंसन्दनं नाम होति । तत्रायं अधिप्पायो — यदि ते अन्तराभवो नाम कोचि भवो भवेय्य, यथा कामभवादीसु भवगतिआदिभेदो लब्धति, तथा तत्रापि लब्धेय्य । यथा वा तत्थ न लब्धति, तथा इमेसुपि न लब्धेय्य । समानस्मिहि भवभावे एतेस्वेवेस विभागो अत्थि, न इतरस्मिन्ति को एत्थ विसेसहेतूति । इतरो पुन लद्धिमत्तवसेन तं तं पटिजानाति चेव पटिक्खिपति च ।

**५०८. सब्बेसज्जेव सत्तानं अत्थि अन्तराभवोति** पुट्ठो यस्मा निरयूपगअसज्जसत्तूपगारूपूपगानं अन्तराभवं न इच्छति, तस्मा पटिक्खिपति । तेनेव कारणेन पटिलोमे पटिजानाति । **आनन्तरियस्साति** आदि येसं सो अन्तराभवं न इच्छति, ते ताव विभजित्वा दस्सेतुं वुत्तं । तं सब्बं पाळिअनुसारेनेव वेदितव्वं सद्धिं सुत्तसाधनेनाति ।

अन्तराभवकथावण्णना ।

### ३. कामगुणकथावण्णना

५१०. इदानीं कामगुणकथा नाम होति । तत्थ सकसमये ताव कामधातूति वत्थुकामापि वुच्चन्ति — किलेसकामापि कामभवोपि । एतेसु हि वत्थुकामा कमनीयद्वेन कामा, सभावनिस्सत्तसुज्जतद्वेन धातूति कामधातु । किलेसकामा कमनीयद्वेन च कामा, यथावुत्तेनेवत्थेन धातूति कामधातु । कामभवो कमनीयद्वेन कमनद्वेन वत्थुकामपवत्तिदेसद्वेनाति तीहि कारणेहि कामो, यथावुत्तेनेवत्थेन धातूति कामधातु । परसमये पन — “पञ्चिमे, भिक्खवे, कामगुणा”ति वचनमत्तं निस्साय पञ्चेव कामगुणा कामधातूति गहितं । तस्मा येसं अयं लद्धि, सेय्यथापि एतरहि पुब्बसेलियानं; ते सन्धाय कामधातुनानत्तं बोधेतुं पञ्चेवाति पुच्छा सकवादिसस, लद्धिवसेन पटिज्जा इतरस्स । ननु अत्थीतिआदि किलेसकामदस्सनत्थं वुत्तं । तत्थ तप्पटिसंयुत्तोति कामगुणपटिसंयुत्तो, कामगुणारम्मणोति अत्थो । नो च वत रे वत्तब्बे पञ्चेवाति इमेसु तप्पटिसंयुत्तछन्दादीसु सति पञ्चेव कामगुणा कामधातूति न वत्तब्बं । एतेपि हि छन्दादयो कमनीयद्वेन कामा च धातु चातिपि कामधातु । कमनद्वेन कामसङ्घाता धातूतिपि कामधातूति अत्थो ।

मनुस्सानं चक्खुन्तिआदि वत्थुकामदस्सनत्थं वुत्तं । तत्थ परवादी छन्नम्पि आयतनानं वत्थुकामभावेन नकामधातुभावं पटिक्खपित्वा पुन मनोति पुट्टो महग्गतलोकुत्तरं सन्धाय नकामधातुभावं पटिजानाति । यस्मा पन सब्बोपि तेभूमकमनो कामधातुयेव, तस्मा नं सकवादी सुत्तेन निगगण्हाति ।

५११. कामगुणा भवोतिआदि भवस्स कामधातुभावदस्सनत्थं वुत्तं । यस्मा पन कामगुणमत्ते भवोति वोहारो नत्थि, तस्मा परवादी नहेवाति पटिक्खपति । कामगुणपूपां कम्मन्तिआदि सब्बं कामगुणमत्तस्स नकामधातुभावदस्सनत्थं वुत्तं । कामधातुसङ्घातकामभवूपगमेव हि कम्मं अत्थि, कामभवूपगा एव च सत्ता होन्ति । तत्थ जायन्ति जियन्ति मियन्ति चवन्ति उपपज्जन्ति, न कामगुणेषूति इमिना उपायेन सब्बत्थ अत्थो वेदितब्बोति ।

कामगुणकथावण्णना ।

### ४. कामकथावण्णना

५१३-५१४. इदानीं कामकथा नाम होति । तत्थ येसं “पञ्चिमे, भिक्खवे, कामगुणा”ति वचनमत्तं निस्साय रूपायतनादीनि पञ्चेवायतनानि कामाति लद्धि, सेय्यथापि पुब्बसेलियानं; तेसं किलेसकामस्सेव निप्परियायेन कामभावं दस्सेतुं पञ्चेवाति पुच्छा सकवादिसस, पटिज्जा इतरस्स । सेसमेत्थ उत्तानत्थमेवाति ।

कामकथावण्णना ।

### ५. रूपधातुकथावण्णना

५१५-५१६. इदानीं रूपधातुकथा नाम होति । तत्थ “रूपिनो धम्मा रूपधातु नामा”ति येसं लद्धि, सेय्यथापि अन्धकानं; ते सन्धाय रूपिनोति पुच्छा सकवादिसस, पटिज्जा इतरस्स । अथ नं सकवादी यस्मा रूपधातु नाम रूपभवो, न रूपमत्तमेव, तस्मा तेनत्थेन चोदेतुं रूपधातूतिआदिमाह । तं सब्बं कामगुणकथायं वुत्तनयेनेव वेदितब्बं । साव कामधातूति पुट्टो भूमिपरिच्छेदेन विरोधं पस्समानो पटिक्खपति । पुन दब्बं कत्वा पुट्टो अत्तनो लद्धिवसेन पटिजानाति । एवं सन्ते पन द्वीहि भवेहि समन्नागतता आपज्जति, तेन तं सकवादी कामभवेन चाति आदिमाह । इतरो एकस्स द्वीहि समन्नागताभावतो पटिक्खपतीति ।

रूपधातुकथावण्णना ।

### ६. अरूपधातुकथावण्णना

५१७-५१८. अरूपधातुकथायपि इमिनावुपायेन अत्थो वेदितब्बो । अरूपधम्मेषु पन वेदनाकण्ठमेव गहेत्वा वेदना भवोतिआदिना नयेनेत्थ देसना कता । तत्थ किं ते अरूपिनो धम्माति सङ्घं गता वेदनादीसु अज्जतरा होतीति एवमत्थो दट्ठब्बो । सेसं हेट्ठा वुत्तनयेनेव वेदितब्बन्ति ।

अरूपधातुकथावण्णना ।

### ७. रूपधातुया आयतनकथावण्णना

५१९. इदानीं रूपधातुया आयतनकथा नाम होति । तत्थ येसं “रूपी मनोमयो सब्बङ्गपच्चङ्गी अहीनिन्द्रियो”ति (दी० नि० १.८७) सुत्तं निस्साय ब्रह्मकायिकानं घानादिनिमित्तानिपि आयतनानेवाति कप्पेत्वा सळायतनिको तेसं अत्तभावोति लद्धि, सेय्यथापि अन्धकानञ्चेव सम्मितियानञ्च; ते सन्धाय सळायतनिकोति पुच्छा सकवादिसस, लद्धिवसेन पटिज्जा इतरस्स । अथ नं यं तत्थ आयतनं नत्थि, तस्स वसेन चोदेतुं अत्थि तत्थ घानायतनन्तिआदि आरब्धं । ततो परवादी यं तत्थ अज्झत्तिकानं तिण्णं आयतनानं घानादिकं सण्ठाननिमित्तं तदेव आयतनन्ति लद्धिया पटिजानाति । बाहिरानं गन्धायतनादीनं वसेन पुट्टो घानप्पसादादयो तत्थ न इच्छति, तस्मा तेसं गोचरं पटिसेधेन्तो पटिक्खपति । पटिलोमपज्जसंसन्दनपज्जेसुपि इमिनावुपायेन अत्थो वेदितब्बो ।

५२१. अत्थि तत्थ घानायतनं अत्थि गन्धायतनं तेन घानेन तं गन्धं घायतीति तस्मिंयेव परसमये एकच्चे आचरिये सन्धाय वुत्तं । ते किर तत्थ छ अज्झत्तिकानि आयतनानि परिपुण्णानि इच्छन्ति, आयतनेन च नाम सकिच्चकेन भवितब्बन्ति तेहि घानादीहि ते गन्धादयो घायन्ति सायन्ति फुसन्तीतिपि इच्छन्ति । तं लद्धि सन्धाय परवादी आमन्ताति पटिजानाति ।

**५२२. अत्थि तत्थ मूलगन्धो**तिआदीनि पन पुट्ठो अत्थिभावं साधेतुं असक्कोन्तो पटिक्खपति । **ननु अत्थि तत्थ घाननिमित्तन्ति**आदि सण्ठानमत्तस्सेव साधकं, न आयतनस्स, तस्मा उदाहट्ठमि अनुदाहट्ठसदिसमेवाति ।

रूपधातुया आयतनकथावण्णना ।

#### ८. अरूपे रूपकथावण्णना

**५२४-५२६.** इदानी अरूपे रूपकथा नाम होति । तत्थ येसं “विज्जाणपच्चया नामरूपं”न्ति वचनतो आरुप्पभवेपि ओळारिकरूपा निस्सटं सुखुमरूपं अत्थीति लद्धि, सेय्यथापि अन्धकानं; ते सन्धाय **अत्थि रूपन्ति** पुच्छा सकवादिसस्स, पटिज्जा इतरस्स । सेसमेत्थ उत्तानत्थमेवाति ।

अरूपे रूपकथावण्णना ।

#### ९. रूपं कम्मन्तिकथावण्णना

**५२७-५३७.** इदानी रूपं कम्मन्तिकथा नाम होति । तत्थ येसं कायवचीविज्जत्तिसङ्घातं रूपमेव कायकम्मं वचीकम्मं नाम, तज्ज कुसलसमुद्धानं कुसलं, अकुसलसमुद्धानं अकुसलन्ति लद्धि, सेय्यथापि महिसासकानञ्चेव सम्मितियानञ्च; ते सन्धाय **कुसलेन चित्तेन समुट्ठितन्ति** पुच्छा सकवादिसस्स, पटिज्जा इतरस्स । अथ नं सचे तं कुसलं, ख्यायं सारम्मणादिभेदो कुसलस्स लब्धति, अत्थि ते सो तस्साति चोदेतुं **सारम्मणन्ति**आदि आरद्धं । तत्थ **पत्थना पणिधीति** चेतनायेवेतं वेवचनं । कुसलचेतनायेव हि पक्कपयमाना पत्थनाति । पक्कपनवसेन ठितत्ता पणिधीति च वुच्चति । परतो पन **कुसलेन चित्तेन समुट्ठिता वेदना सज्जा चेतना सद्धा**तिआदीसु वेदनादीनञ्जेव चेत्य पत्थना पणिधीति लब्धति, न चेतनाय । कस्मा? द्विन्नं चेतनानं एकतो अभावा, सोतपतितत्ता पन एवं तन्ति गताति वेदितब्बा । **रूपायतनन्ति**आदि पुरिमवारे “सब्बन्तं कुसलं”न्ति संखित्तस्स पभेददस्सनत्थं वुत्तं । सेसा संसन्दनया, वचीकम्मकथा “अकुसलेन चित्तेन समुट्ठितं”न्तिआदिविधानञ्च सब्बं पाळिअनुसारेनेव वेदितब्बं । **असुचीति** पनेत्थ सुक्कं अधिप्पेतं । सुत्तसाधनं उत्तानत्थमेव ।

रूपं कम्मन्तिकथावण्णना ।

#### १०. जीवितिन्द्रियकथावण्णना

**५४०.** इदानी जीवितिन्द्रियकथा नाम होति । तत्थ येसं जीवितिन्द्रियं नाम चित्तविषययुत्तं अरूपधम्मो, तस्मा रूपजीवितिन्द्रियं नत्थीति लद्धि, सेय्यथापि पुब्बसेलियानञ्चेव सम्मितियानञ्च; ते सन्धाय पुच्छा सकवादिसस्स, पटिज्जा इतरस्स । **नत्थि रूपीनं धम्मानं आयूति** पज्जे उपादिन्नरूपानम्पि तिणकट्ठादीनम्पि सन्तानवसेन पवत्तिमेव आयु ठिति यपना यापना इरियना वत्तना पालनाति इच्छति, तस्मा पटिक्खपति । **अत्थीति** पज्जेपि इमिना कारणेन पटिजानाति । **अत्थि अरूपजीवितिन्द्रियन्ति** पज्जे अरूपधम्मानं चित्तविषययुत्तं जीवितिन्द्रियसन्तानं नाम अत्थीति इच्छति, तस्मा पटिजानाति ।

**५४१. रूपीनं धम्मानं आयु अरूपजीवितिन्द्रियन्ति** पज्जे सत्तसन्ताने रूपिनो वा होन्तु अरूपिनो वा, सब्बेसं चित्तविषययुत्तं अरूपजीवितिन्द्रियमेव इच्छति, तस्मा पटिजानाति ।

**५४२.** निरोधसमापन्नपज्जेसुपि चित्तविषययुत्तं अरूपजीवितमेव सन्धाय पटिक्खपति च पटिजानाति च । सकवादी पन तं असम्पटिच्छन्तो यं अरूपपवत्ते असति अत्थि, रूपेन तेन भवितव्वन्ति चोदेतुं **हज्जीति**आदिमाह । सङ्खारक्खन्धपज्जे फस्सादिसङ्खारक्खन्धं सन्धाय पटिक्खपति, कायकम्मादिसङ्खारक्खन्धं सन्धाय पटिजानाति । कायविज्जत्तं वचीविज्जत्तं सम्मावाचा सम्माकम्मन्तो जीवितिन्द्रियन्ति एवमादयोपि धम्मा सङ्खारक्खन्धपरियापन्नातिस्स लद्धि । सकवादी पन तं असम्पटिच्छन्तो यदि निरुद्धेपि अरूपपवत्ते सङ्खारक्खन्धो अत्थि, चतुन्मि खन्धानं अत्थिता होतूति चोदेतुं **अत्थि वेदनाक्खन्धो**ति आदिमाह । इतरो अन्तोसमापत्तिं सन्धाय पटिक्खपति, समापज्जन्तस्स च वुट्ठहन्तस्स च पुब्बापरभागं सन्धाय पटिजानाति ।

**५४३.** असज्जसत्तवारेपि एसेव नयो । तस्स हि लद्धिया असज्जसत्तानं पटिसन्धिकाले चित्तं उप्पज्जित्वा निरुज्झति, तेन सह चित्तविषययुत्तं अरूपजीवितिन्द्रियं उप्पज्जित्वा यावतायुक्कं पवत्तति । तस्मा तेसं जीवितिन्द्रियं नत्थीति पुट्ठो पटिक्खपति, अत्थीति पुट्ठो पटिजानाति । वेदनाक्खन्धादयोपि तेसं पवत्तिवसेन पटिक्खपति, चुत्तिपटिसन्धिवसेन पटिजानाति । सकवादी पन तं अनिच्छन्तो “सचे तत्थ एकक्खणेपि वेदनादयो अत्थि, पञ्चवोकारभवत्तं पापुणाती”ति चोदेतुं **पञ्चवोकारभवो**ति आह । इतरो सुत्तविरोधभया पटिक्खपति ।

**५४४-५४५. एकदेसं भिज्जतीति** पज्जे सम्पयुत्तं भिज्जति, विषययुत्तं तिट्ठतीति तस्स लद्धि, तस्मा पटिजानाति । **द्वे जीवितिन्द्रियानीति** पुच्छा परवादिसस्स, पटिज्जा सकवादिसस्स । रूपारूपवसेन हि द्वे जीवितिन्द्रियानि, तेहियेव सत्तो जीवति, तेसं भङ्गेन मरतीति वुच्चति । चुत्तिकखणस्मिज्जि द्वेपि जीवितानि सहेव भिज्जन्ति ।

जीवितिन्द्रियकथावण्णना ।

#### ११. कम्महेतुकथावण्णना

**५४६.** इदानी कम्महेतुकथा नाम होति । तत्थ येन अरहता पुरिमभवे अरहा अब्भाचिक्खितपुब्बो, सो तस्स कम्मस्स हेतु अरहता परिहायतीति येसं लद्धि, सेय्यथापि पुब्बसेलियानञ्चेव सम्मितियानञ्च; ते सन्धाय **कम्महेतूति** पुच्छा सकवादिसस्स, पटिज्जा इतरस्स । सेसं परिहानिकथायं वुत्तनयमेव ।

हन्द हि अरहन्तानं अब्भाचिक्खतीति इदं यस्स कम्मस्स हेतु परिहायति, तं सम्पटिच्छापेतुं वदति। अथ नं सकवादी तं पक्खं पटिजानापेत्वा “यदि एवं येहि अरहन्तो न अब्भाचिक्खितपुब्बा, ते सब्बे अरहत्तं पापुण्येयु”न्ति चोदेतुं ये केचीतिआदिमाह। इतरो तस्स कम्मस्स अरहत्तं सम्पापुणने नियामं अपस्सन्तो पटिक्खपति।

कम्महेतुकथावण्णना।

अट्टमो वग्गो।

## ९. नवमवग्गो

### १. आनिसंसदस्सावीकथावण्णना

५४७. इदानी आनिसंसदस्सावीकथा नाम होति। तत्थ सकसमये सङ्घारे आदीनवतो निब्बानञ्च आनिसंसतो पस्सन्तस्स संयोजनपहानं होतीति निच्छयो। येसं पन तेसु द्वीसुपि एकंसिकवादं गहेत्वा “आनिसंसदस्साविनोव संयोजनपहानं होती”ति लद्धि, सेय्यथापि अन्धकानं; ते सन्धाय पुच्छा सकवादस्स, पटिज्जा इतरस्स। अथस्स “एकंसिकवादो तथा गहितो, आदीनवोपि दट्टब्बोयेवा”ति विभागदस्सनत्थं सकवादी सङ्घारेतिआदिमाह।

सङ्घारे च अनिच्चतो मनसिकरोति, निब्बाने च आनिसंसदस्सावी होतीति पञ्चस्मिं अयमधिप्पायो — आनिसंसदस्साविस्स संयोजनानं पहानं होतीति तेसं लद्धि। ननु सङ्घारे अनिच्चतो मनसिकरोतो संयोजना पहीयन्तीति च पुट्टो आमन्ताति पटिजानाति। तेन ते सङ्घारे च अनिच्चतो मनसिकरोति, निब्बाने च आनिसंसदस्सावी होतीति इदं आपज्जति, किं सम्पटिच्छसि एतन्ति। ततो परवादी एकचित्तक्खणं सन्धाय पटिक्खपति, दुतियं पुट्टो नानाचित्तवसेन पटिजानाति। सकवादी पनस्स अधिप्पायं महित्वा अनिच्चमनसिकारस्स आनिसंसदस्साविताय च एकतो पटिज्जातत्ता द्विन्नं फस्सानं द्विन्नं चित्तानं समोधानं होतीति पुच्छति। इतरो द्विन्नं समोधानं अपस्सन्तो पटिक्खपति। दुक्खतोतिआदिपञ्हेसुपि एसेव नयो। किं पनेत्थ सन्निट्ठानं, किं अनिच्चादितो मनसिकरोतो संयोजना पहीयन्ति, उदाहु निब्बाने आनिसंसदस्साविस्स, उदाहु द्वेपि एकतो करोन्तस्साति। यदि ताव अनिच्चादितो मनसिकरोतो पहानं भवेय्य, विपस्सनाचित्तेनेव भवेय्य। अथ आनिसंसदस्साविनो, अनुस्सववसेन निब्बाने आनिसंसं पस्सन्तस्स विपस्सनाचित्तेनेव भवेय्य, अथ द्वेपि एकतो करोन्तस्स भवेय्य, द्विन्नं फस्सादीनं समोधानं भवेय्य। यस्मा पन अरियमग्गक्खणे अनिच्चादिमनसिकारस्स किच्चं निष्फत्तिं गच्छति पुन निच्चतोतिआदिगहणस्स अनुप्पत्तिधम्मभावतो, निब्बाने च पच्चक्खतोव आनिसंसदस्सं इज्झति, तस्मा किच्चनिष्फत्तिवसेन अनिच्चादितो मनसिकरोतो आरम्भणं कत्वा पवत्तिवसेन च निब्बाने आनिसंसदस्साविस्स संयोजनानं पहानं होतीति वेदितब्बं।

५४८. निब्बाने सुखानुपस्सीति सुत्तं निब्बाने सुखानुपस्सनादिभावमेव साधेति, न आनिसंसदस्सावितामत्तेन संयोजनानं पहानं। तस्मा आभतम्मि आनाभतसदिसमेवाति।

आनिसंसदस्सावीकथावण्णना।

### २. अमतारम्मणकथावण्णना

५४९. इदानी अमतारम्मणकथा नाम होति। तत्थ येसं “निब्बानं मज्जती”तिआदीनं अयोनिस्सो अत्थं गहेत्वा अमतारम्मणं संयोजनं होतीति लद्धि, सेय्यथापि पुब्बसेलियानं, ते सन्धाय पुच्छा सकवादस्स, पटिज्जा इतरस्स। अथ नं सचे अमतारम्मणं संयोजनं, अमतस्स संयोजनयादिभावो आपज्जतीति चोदेतुं अमतं संयोजनियन्तिआदिमाह। इतरो सुत्तविरोधभयेन सब्बं पटिक्खपति। इमिना उपायेन सब्बवारेसु अत्थो वेदितब्बो। निब्बानं निब्बानतोति आहटसुत्तं पन दिट्ठधम्मनिब्बानं सन्धाय भासितं, तस्मा असाधकन्ति।

अमतारम्मणकथावण्णना।

### ३. रूपं सारम्मणन्तिकथावण्णना

५५२-५५३. इदानी रूपं सारम्मणन्तिकथा नाम होति। तत्थ रूपं सप्पच्चयट्ठेन सारम्मणं नाम होति, न अज्जं आरम्मणं करोतीति आरम्मणपच्चयवसेन। येसं पन अविसेसेन रूपं सारम्मणन्ति लद्धि, सेय्यथापि उत्तरापथकानं; ते सन्धाय आरम्मणत्थस्स विभागदस्सनत्थं पुच्छा सकवादस्स, पटिज्जा इतरस्स। सेसमेत्थ पाळिअनुसारेनेव वेदितब्बं। न वत्तब्बन्ति पञ्हे ओलुब्भारम्मणं सन्धाय पटिज्जा सकवादस्स। दुतियपञ्हेपि पच्चयारम्मणं सन्धाय पटिज्जा तस्सेव। इति सप्पच्चयट्ठेनेवेत्थ सारम्मणता सिद्धाति।

रूपं सारम्मणन्तिकथावण्णना।

### ४. अनुसया अनारम्मणकथावण्णना

५५४-५५६. इदानी अनुसया अनारम्मणातिकथा नाम होति। तत्थ येसं अनुसया नाम चित्तविषयुत्ता अहेतुका अब्याकता, तेनेव च अनारम्मणाति लद्धि, सेय्यथापि अन्धकानञ्चेव एकच्चाञ्च उत्तरापथकानं; ते सन्धाय अनुसयाति पुच्छा सकवादस्स, पटिज्जा इतरस्स। अथ नं अनारम्मणेन नाम एवंविधेन भवितव्वन्ति चोदेतुं रूपन्तिआदिमाह। कामरागोतिआदि कामरागानुसयतो अनज्जता दस्सितं। सङ्घारक्खन्धो अनारम्मणोति पञ्हे चित्तसम्पयुत्तसङ्घारक्खन्धं सन्धाय पटिक्खपति। अनुसयं जीवितन्द्रियं कायकम्मादिरूपञ्च सङ्घारक्खन्धपरियापन्नं, तं सन्धाय पटिजानाति। इमिनावुपायेन सब्बवारेसु अत्थो वेदितब्बो। सानुसयोति पञ्हे पन अप्पहीनानुसयत्ता सानुसयता अनुज्जाता। न अनुसयानं पवत्तिस्सम्भावा। यो हि अप्पहीनो, न सो अतीतो, नानागतो, न पच्चुप्पन्नो च। मग्गवज्झकिलेसो पनेस अप्पहीनत्ताव अत्थीति वुच्चति।

एवरूपस्स च इदं नाम आरम्भणन्ति न वत्तब्बं। तस्मा तं पटिक्खित्तं। तं पनेतं न केवलं अनुसयस्स, रागादीनम्मि तादिसमेव, तस्मा अनुसयानं अनारम्भणतासाधकं न होतीति।

अनुसया अनारम्भणतिकथावण्णना।

#### ५. जाणं अनारम्भणन्तिकथावण्णना

५५७-५५८. इदानीं जाणं अनारम्भणन्तिकथा नाम होती। तत्थ यस्मा अरहा चक्खुविज्जाणसमङ्गी जाणीति वुच्चति, तस्स जाणस्स तस्मिं खणे आरम्भणं नत्थि, तस्मा जाणं अनारम्भणन्ति येसं लद्धि, सेय्यथापि अन्धकानं; ते सन्धाय पुच्छा सकवादस्स, पटिज्जा इतरस्स। सेसमेत्थ अनुसयकथायं वुत्तनयेनेव वेदितव्वन्ति।

जाणं अनारम्भणन्तिकथावण्णना।

#### ६. अतीतानागतारम्भणकथावण्णना

५५९-५६१. इदानीं अतीतानागतारम्भणकथा नाम होती। तत्थ यस्मा अतीतानागतारम्भणं नाम नत्थि, तस्मा तदारम्भणेन चित्तेन आरम्भणस्स नत्थिताय अनारम्भणेन भवितव्वन्ति अतीतं अनारम्भणन्ति येसं लद्धि, सेय्यथापि उत्तरापथकानं, ते सन्धाय अतीतारम्भणन्ति पुच्छा सकवादस्स, पटिज्जा इतरस्स। सेसमेत्थ यथापाळिमेव निव्यातीति।

अतीतानागतारम्भणकथावण्णना।

#### ७. वितक्कानुपतितकथावण्णना

५६२. इदानीं वितक्कानुपतितकथा नाम होती। तत्थ वितक्कानुपतिता नाम दुविधा — आरम्भणतो च सम्पयोगतो च। तत्थ असुकचित्तं नाम वितक्कस्सारम्भणं न होतीति नियमाभावतो सिया सब्बं चित्तं वितक्कानुपतितं, वितक्कविप्पयुत्तचित्तसम्भावतो पन न सब्बं चित्तं वितक्कानुपतितं। इति इमं विभागं अकत्वा अविसेसेनेव सब्बं चित्तं वितक्कानुपतितन्ति येसं लद्धि, सेय्यथापि उत्तरापथकानं, ते सन्धाय पुच्छा सकवादस्स, पटिज्जा इतरस्स। सेसमेत्थ पाळिवसेनेव निव्यातीति।

वितक्कानुपतितकथावण्णना।

#### ८. वितक्कविप्फारसद्वकथावण्णना

५६३. इदानीं वितक्कविप्फारसद्वकथा नाम होती। तत्थ यस्मा “वितक्कविचारा वचीसङ्गारा”ति वुत्ता, तस्मा सब्बसो वितक्कयतो विचारयतो अन्तमसो मनोधातुपवत्तिकालेपि वितक्कविप्फारो सद्वोयेवाति येसं लद्धि, सेय्यथापि पुब्बसेलियानं; ते सन्धाय सब्बसोति पुच्छा सकवादस्स पटिज्जा इतरस्स। अथ नं यदि वितक्कविप्फारमत्तं सद्वो, फस्सादिविप्फारोपि सद्वो भवेय्यति चोदेतुं सब्बसो फुसयतोतिआदिमाह। इतरो तादिसं सुत्तलेसं अपस्सन्तो पटिक्खपति। वितक्कविप्फारो सद्वो सोतविज्जेय्योति वितक्कस्स विप्फारमत्तमेव सद्वोति कत्वा पुच्छति, न वितक्कविप्फारसमुद्धितं सुत्तपमत्तानं सद्वं, इतरो पटिक्खपति। ननु वितक्कविप्फारसद्वो न सोतविज्जेय्योति इदं तस्सेव लद्धिया दस्सेति। सो हि वितक्कविप्फारमत्तमेव सद्वं वदति, सो न सोतविज्जेय्योति। इतरो पन “वितक्कविप्फारसद्वं सुत्वा आदिसती” ति (दी० नि० ३.१४८) वचनतो सोतविज्जेय्योवाति वदति।

वितक्कविप्फारसद्वकथावण्णना।

#### ९. नयथाचित्तस्स वाचातिकथावण्णना

५६४. इदानीं नयथाचित्तस्स वाचातिकथा नाम होती। तत्थ यस्मा कोचि अज्जं भणिस्सामीति अज्जं भणति, तस्मा नयथाचित्तस्स वाचा चित्तानुरूपा चित्तानुगतिका न होती, विनापि चित्तेन पवत्ततीति येसं लद्धि; सेय्यथापि पुब्बसेलियानं; ते सन्धाय पुच्छा सकवादस्स, पटिज्जा इतरस्स। अथ नं “यदि तंसमुद्गापकं चित्तं न सिया, फस्सादयोपि तस्मिं खणे न सियु”न्ति चोदेतुं अफस्सकस्सातिआदिमाह। न भणितुकामोतिआदीसु यस्मा अज्जं भणिस्सामीति अज्जं भणन्तोपि भणितुकामोयेव नाम होती, तस्मा न हेवाति पटिक्खपति।

५६५. ननु अत्थि कोचि अज्जं भणिस्सामीतिआदीसु चीवरन्ति भणितुकामो चीरन्ति भणेय्य। तत्थ अज्जं भणितुकामताचित्तं, अज्जं भणनचित्तं, इति पुब्बभागेन चित्तेन अरसदिसत्ता अयथाचित्तो नाम होती, तेनस्स केवलं अनापत्ति नाम होती, न पन चीरन्ति वचनसमुद्गापकचित्तं नत्थि, इति अचित्तका सा वाचाति अत्थं सन्धाय इमिना उदाहरणेन “नयथाचित्तस्स वाचा”ति पटिद्धापितापि अप्पटिद्धापिताव होतीति।

नयथाचित्तस्स वाचातिकथावण्णना।

#### १०. नयथाचित्तस्स कायकम्मन्तिकथावण्णना

५६६-५६७. इदानीं नयथाचित्तस्स कायकम्मन्तिकथा नाम होती। तत्थ यस्मा कोचि अज्जत्र गच्छिस्सामीति अज्जत्र गच्छति, तस्मा नयथाचित्तस्स कायकम्मं चित्तानुरूपं चित्तानुगतिकं न होती, विनापि चित्तेन पवत्ततीति येसं लद्धि, सेय्यथापि पुब्बसेलियानंयेव, ते सन्धाय पुच्छा सकवादस्स, पटिज्जा इतरस्स। सेसमेत्थ हेद्वा

वृत्तनयेनेव वेदितव्यंति ।

नयथाचित्तस्स कायकम्मन्तिकथावण्णना ।

### ११. अतीतानागतसमन्नागतकथावण्णना

५६८-५७०. इदानीं अतीतानागतेहि समन्नागतकथा नाम होति । तत्थ समन्नागतपज्जति पटिलाभपज्जतीति द्वे पज्जत्तियो वेदितव्वा । तासु पच्चुप्पन्नधम्मसमङ्गी समन्नागतोति वुच्चति । अट्ट समापत्तिलाभिनो पन समापत्तियो किञ्चापि न एकखणे पवत्तन्ति, अज्जा अतीता होन्ति, अज्जा अनागता, अज्जा पच्चुप्पन्ना, पटिविज्झित्वा अपरिहीनताय पन लाभीति वुच्चति । तत्थ येसं इमं विभागं अगगहेत्वा यस्मा झानलाभीनं अतीतानागतानि झानानिपि अत्थि, तस्मा “ते अतीतेनपि अनागतेनपि समन्नागता”ति लद्धि, सेय्यथापि अन्धकानं । ते सन्धाय पुच्छा सकवादिसस्स, पटिज्जा इतरस्स । सेसमेत्थ उत्तानत्थमेवाति । “अट्टविमोक्खझायी”तिआदि पन लाभीभावस्स साधकं, न समन्नागतभावस्साति ।

अतीतानागतसमन्नागतकथावण्णना ।

नवमो वग्गो ।

## १०. दसमवग्गो

### १. निरोधकथावण्णना

५७१-५७२. इदानीं निरोधकथा नाम होति । तत्थ येसं “उपपत्तेसियन्ति सङ्खं गतस्स भवङ्गचित्तस्स भङ्गखणेन सहेव किरियाति सङ्खं गता कुसला वा अकुसला वा चत्तारो खन्धा चित्तसमुद्धानरूपज्जाति पज्जखन्धा उपपज्जन्ति । तेसु हि अनुप्पन्नेसु भवङ्गे निरुद्धे सन्ततिविच्छेदो भवेय्या”ति लद्धि, सेय्यथापि अन्धकानं; ते सन्धाय उपपत्तेसियेति पुच्छा सकवादिसस्स, पटिज्जा इतरस्स । तत्थ उपपत्तेसियेति चतूसुपि पदेसु बहुवचनभुम्मत्थे एकवचनभुम्मं । उपपत्तेसियेसु पज्जसु खन्धेसु अनिरुद्धेसूति अयज्हेत्थ अत्थो । दसन्नन्ति उपपत्तेसियखन्धानञ्च किरियखन्धानञ्च वसेन वुत्तं । तत्थ पठमपज्जे खन्धलखणवसेन किरियवसेन च पज्जेव नाम ते खन्धाति पटिक्खपति । दुतियपज्जे पुरिमपच्छिमवसेन उपपत्तेसियकिरियवसेन च नानत्तं सन्धाय पटिजानाति । द्विन्नं पन फस्सानं चित्तानञ्च समोधानं पुट्टो सुत्तलेसाभावेन पटिक्खपति ।

किरिया चत्तारोति रूपेन विना कुसला अकुसला वा चत्तारो गहिता । किरियाज्जान्ति परवादिना चक्खुविज्जाणसमङ्गिखणे अरहतो अनुज्जातं अनारम्मणजाणं । निरुद्धे मग्गो उपपज्जतीति पुच्छा परवादिसस्स, अनिरुद्धे अनुप्पज्जनतो पटिज्जा सकवादिसस्स । मतो मग्गं भावेतीति छलेन पुच्छा परवादिसस्स । यस्मा पन पटिसन्धितो याव चुतिचिता सत्तो जीवतियेव नाम, तस्मा सकवादी न हेवन्ति पटिक्खपति ।

निरोधकथावण्णना ।

### २. रूपमग्गोतिकथावण्णना

५७३-५७५. इदानीं रूपं मग्गोतिकथा नाम होति । तत्थ येसं “सम्मावाचाकम्मन्ताजीवा रूपं”न्ति लद्धि, सेय्यथापि महिसासकसम्मितियमहासंधिकानं; ते सन्धाय मग्गसमङ्गिस्साति पुच्छा सकवादिसस्स, पटिज्जा इतरस्स । अथ नं “यदि ते सम्मावाचादयो रूपं, न विरतियो, यथा सम्मादिट्ठादिमग्गो सारम्मणादिसभावो, एवं तम्पि रूपं सिया”ति चोदेतुं सारम्मणोतिआदिमाह । तत्थ पटिक्खेपो च पटिज्जा च परवादिनो लद्धिअनुरूपेन वेदितव्वा । सेसमेत्थ उत्तानत्थमेवाति ।

रूपं मग्गोतिकथावण्णना ।

### ३. पज्जविज्जाणसमङ्गिस्स मग्गकथावण्णना

५७६. इदानीं पज्जविज्जाणसमङ्गिस्स मग्गकथा नाम होति । तत्थ येसं “चक्खुना रूपं दिस्वा न निमित्तग्गाही होती”ति सुत्तं निस्साय “पज्जविज्जाणसमङ्गिस्स अत्थि मग्गभावना”ति लद्धि, सेय्यथापि महासंधिकानं, ते सन्धाय पुच्छा सकवादिसस्स, पटिज्जा इतरस्स । अथ नं “सचे तस्स मग्गभावना अत्थि, पज्जविज्जाणगतिकेन वा मग्गेन, मग्गगतिकेहि वा पज्जविज्जाणेहि भवितव्वं, न च तानि मग्गगतिकानि अनिब्बानारम्मणत्ता अलोकुत्तरत्ता च, न मग्गो पज्जविज्जाणगतिको तेसं लक्खणेन असङ्गहितत्ता”ति चोदेतुं ननु पज्जविज्जाणा उपपन्नवत्थुकातिआदिमाह । तत्रायं अधिप्पायो — यदि पज्जविज्जाणसमङ्गिस्स मग्गभावना सिया, येन मनोविज्जाणेन मग्गो सम्पयुत्तो, तम्पि पज्जविज्जाणसमङ्गिस्स सिया । एवं सन्ते यदिदं “पज्जविज्जाणा उपपन्नवत्थुका”तिआदि लक्खणं वुत्तं, तं एवं अवत्वा “छ विज्जाणा”ति वत्तव्वं सिया । तथा पन अवत्वा “पज्जविज्जाणा”त्वेव वुत्तं, तस्मा न वत्तव्वं “पज्जविज्जाणसमङ्गिस्स अत्थि मग्गभावना”ति । यस्मा चेत्य अयमेव अधिप्पायो, तस्मा सकवादी तं लक्खणं परवादिं सम्पटिच्छापेत्वा नो च वत रे वत्तव्वे पज्जविज्जाणसमङ्गिस्स अत्थि मग्गभावनाति आह ।

अपरो नयो — पज्जविज्जाणा उपपन्नवत्थुका, मग्गो अवत्थुकोपि होति । ते च उपपन्नारम्मणा, मग्गो नवत्तब्बारम्मणो । ते पुरेजातवत्थुकाव मग्गो अवत्थुकोपि । ते पुरेजातारम्मणा, मग्गो अपुरेजातारम्मणो । ते अज्झत्तिकवत्थुकाव मग्गो अवत्थुकोपि होति । ते च रूपादिवसेन बाहिरारम्मणा, मग्गो निब्बानारम्मणो । ते अनिरुद्धं वत्थुं निस्सयं कत्वा पवत्तनतो असम्भिन्नवत्थुका, मग्गो अवत्थुकोपि । ते अनिरुद्धानेव रूपादीनि आरब्ध पवत्तनतो असम्भिन्नारम्मणा, मग्गो निब्बानारम्मणो । ते नानावत्थुका, मग्गो अवत्थुको वा एकवत्थुको वा । ते नानारम्मणा मग्गो एकारम्मणो । ते अत्तनो अत्तनोव रूपादिगोचरे पवत्तनतो न अज्जमज्जस्स गोचरविसयं पच्चनुभोन्ति, मग्गो रूपादीसु एकम्पि गोचरं न करोति । ते किरियमनोधातुं पुरेचारिकं कत्वा उपपज्जनतो न असमन्नाहारा न अमनसिकारा उपपज्जन्ति, मग्गो निरावज्जनोव । ते सम्पटिच्छनादीहि वोकिण्णा

उपपज्जन्ति, मग्गस्स वोकारोयेव नत्थि । ते अज्जमज्जं पुब्बचरिमभावेन उपपज्जन्ति, मग्गस्स तेहि सद्धि पुरिमपच्छिमताव नत्थि, तेसं अनुपत्तिकाले तिक्खविपस्सनासमये, तेसं अनुपत्तिदेसे आरुप्पेपि च उपपज्जनतो । ते सम्पटिच्छनादीहि अन्तरितत्ता न अज्जमज्जस्स समनन्तरा उपपज्जन्ति, मग्गस्स सम्पटिच्छनादीहि अन्तरितभावोव नत्थि । तेसं अज्जत्र अभिनिपाता आभोगमत्तम्पि किच्चं नत्थि, मग्गस्स किलेससमुग्घातनं किच्चन्ति । यस्मा चेत्थ अयम्पि अधिप्पायो, तस्मा सकवादी इमेहाकारेहि परवादिं मग्गस्स अपज्जविज्जाणगतिकभावं सम्पटिच्छापेत्वा नो च वत रे वत्तब्बे पज्जविज्जाणसमङ्गिस्स अत्थि मग्गभावनाति आह ।

**५७७. सुज्जतं आरब्धाति** “यथा लोकुत्तरमग्गो सुज्जतं निब्बानं आरब्ध, लोकियो सुद्धसङ्खारपुज्जं आरब्ध उपपज्जति, किं ते एवं चक्खुविज्जाण”न्ति पुच्छति । इतरो “चक्खुञ्च पटिच्च रूपे चा”ति वचनतो पटिक्खपति । दुतियं पुट्ठो “न निमित्तग्गाही”ति वचनतो यं तत्थ अनिमित्तं, तदेव सुज्जतन्ति सन्धाय पटिजानाति । **चक्खुञ्च पटिच्चाति** पज्जद्वयेपि एसेव नयो ।

**५७८-५७९. चक्खुविज्जाणं अतीतानागतं आरब्धाति** एत्थ अयमधिप्पायो — मनोविज्जाणसमङ्गिस्स अत्थि मग्गभावना, मनोविज्जाणञ्च अतीतानागतम्पि आरब्ध उपपज्जति, किं ते एवं चक्खुविज्जाणम्पीति । **फस्सं आरब्धाति** आदीसुपि एसेव नयो । **चक्खुना रूपं दिस्वा न निमित्तग्गाहीति** एत्थ जवनक्खणे न निमित्तग्गाहिता वुत्ता, न चक्खुविज्जाणक्खणे । तस्मा लोकियमग्गम्पि सन्धायेतं असाधकन्ति ।

पज्जविज्जाणसमङ्गिस्स मग्गकथावण्णना ।

#### ४. पज्जविज्जाणा कुसलापीतिकथावण्णना

**५८०-५८३.** इदानीं पज्जविज्जाणा कुसलापीतिकथा नाम होति । सा हेट्ठा वुत्तनयेनेव अत्थतो वेदितब्बाति ।

पज्जविज्जाणा कुसलापीतिकथावण्णना ।

#### ५. पज्जविज्जाणा साभोगातिकथावण्णना

**५८४-५८६.** इदानीं पज्जविज्जाणा साभोगातिकथा नाम होति । तत्थ आभोगो नाम कुसलाकुसलवसेन होति सत्थारा च “चक्खुना रूपं दिस्वा निमित्तग्गाही होति, न निमित्तग्गाही होती”ति आदि वुत्तं, तं अयोनिस्सो गहेत्वा “पज्जविज्जाणा साभोगा”ति येसं लद्धि, सेय्यथापि महासंधिकानं, ते सन्धाय पुच्छा सकवादिसस्स, पटिज्जा इतरस्स । सेसमेत्थ पुरिमकथासदिसमेवाति ।

पज्जविज्जाणा साभोगातिकथावण्णना ।

#### ६. द्वीहि सीलेहीतिकथावण्णना

**५८७-५८९.** इदानीं द्वीहि सीलेहीतिकथा नाम होति । तत्थ “सीले पतिट्ठापनं नरो सपज्जो”ति आदिवचनतो (सं० नि० १.२३) यस्मा लोकियेन सीलेन सीलवा लोकुत्तरं मग्गं भावेति, तस्मा “पुरिमेन च लोकियेन मग्गक्खणे लोकुत्तरेन चाति द्वीहि सीलेहि समन्नागतो नाम होती”ति येसं लद्धि, सेय्यथापि महासंधिकानंयेव, ते सन्धाय **मग्गसमङ्गीति** पुच्छा सकवादिसस्स, पटिज्जा इतरस्स । अथ नं “यदि सो एकक्खणे लोकियलोकुत्तरेहि द्वीहि सीलेहि समन्नागतो, द्वीहि फस्सादीहिपि तेन समन्नागतेन भवितब्ब”न्ति चोदेतुं **द्वीहि फस्सेहीति** आदिमाह । इतरो तथारूपं नयं अपस्सन्तो पटिक्खपति । **लोकियेन च लोकुत्तरेन चाति** पज्जे पुब्बे समादिन्नञ्च मग्गक्खणे उपपन्नसम्मावाचादीनि च सन्धाय पटिजानाति ।

**लोकिये सीले निरुद्धेति** पुच्छा परवादिसस्स, खणभङ्गनिरोधं सन्धाय पटिज्जा सकवादिसस्स । इतरो पन तं वीतिकमं विय सल्लक्खेन्तो **दुस्सीलोति** आदिमाह । लद्धिपतिट्ठापनं पनस्स पुब्बे अभिन्नसीलतंयेव दीपेति, न द्वीहि समन्नागततं । तस्मा अप्पतिट्ठिताव लद्धीति ।

द्वीहि सीलेहीतिकथावण्णना ।

#### ७. सीलं अचेतसिकन्तिकथावण्णना

**५९०-५९४.** इदानीं सीलं अचेतसिकन्तिकथा नाम होति । तत्थ यस्मा सीले उपपज्जित्वा निरुद्धेपि समादानहेतुको सीलोपचयो नाम अत्थि, येन सो सीलवायेव नाम होति, तस्मा “सीलं अचेतसिक”न्ति येसं लद्धि, सेय्यथापि महासंधिकानं, ते सन्धाय पुच्छा सकवादिसस्स, पटिज्जा इतरस्स । सेसमेत्थ “दानं अचेतसिक”न्तिकथायं वुत्तनयेनेव वेदितब्बं । लद्धिपतिट्ठापनम्पि अयोनिस्सो गहितत्ता अप्पतिट्ठापनमेवाति ।

सीलं अचेतसिकन्तिकथावण्णना ।

#### ८. सीलं न चित्तानुपरिवत्तीतिकथावण्णना

**५९५-५९७.** इदानीं सीलं न चित्तानुपरिवत्तीतिकथा नाम होति । तत्थ न **चित्तानुपरिवत्तीति** भासन्तरमेव नानं, सेसं पुरिमकथासदिसमेवाति ।

सीलं न चित्तानुपरिवत्तीतिकथावण्णना ।



## ९. समादानहेतुकथावण्णना

५९८-६००. इदानीं समादानहेतुकथा नाम होति । तत्थ “आरामरोपा”ति गाथाय अत्थं अयोनिस्सो गहेत्वा “सदा पुञ्जं पवड्ढती”ति वचनतो “समादानहेतुकं सीलं वड्ढती”ति येसं लद्धि, सेय्यथापि महासंधिकानञ्जेव, ते सन्धाय पुच्छा सकवादिस्स, चित्तविप्पयुत्तं सीलोपचयं सन्धाय पटिञ्जा परवादिस्स । सेसं पुरिमकथासदिसमेवाति ।

समादानहेतुकथावण्णना ।

## १०. विञ्जति सीलन्तिकथावण्णना

६०१-६०२. इदानीं विञ्जति सीलन्तिकथा नाम होति । तत्थ कायविञ्जति कायकम्मं, वचीविञ्जति वचीकम्मन्ति गहितत्ता “विञ्जति सील”न्ति येसं लद्धि, सेय्यथापि महासंधिकानञ्जेव सम्मितियानञ्ज; ते सन्धाय **विञ्जती**ति पुच्छा सकवादिस्स, पटिञ्जा इतरस्स । अथ नं यस्मा सीलं नाम विरति, न रूपधम्मो, तस्मा तेनत्थेन चोदेतुं **पाणातिपाता वेरमणी**ति आदिमाह । **अभिवादनं सीलन्ति** आदि यथारूपं विञ्जतिं सो “सील”न्ति मञ्जति तं उद्धरित्वा दस्सेतुं वुत्तं । यस्मा पन सा विरति न होति, तस्मा पुन **पाणातिपाता**ति आदिमाह । लद्धि पनस्स छलेन पतिट्ठितत्ता अप्पतिट्ठितायेवाति ।

विञ्जति सीलन्तिकथावण्णना ।

## ११. अविञ्जति दुस्सील्यन्तिकथावण्णना

६०३-६०४. इदानीं अविञ्जति दुस्सील्यन्तिकथा नाम होति । तत्थ चित्तविप्पयुत्तं अपुञ्जपचयञ्जेव आणत्तिया च पाणातिपातादीसु अङ्गपारिपूरं सन्धाय “अविञ्जति दुस्सील्य”न्ति येसं लद्धि, सेय्यथापि महासंधिकानं, ते सन्धाय पुच्छा सकवादिस्स, पटिञ्जा इतरस्स । अथ नं “सचे सा दुस्सील्यं, पाणातिपातादीसु अञ्जतरा सिया”ति चोदेतुं **पाणातिपातो**ति आदिमाह । **पापकम्मं समादियित्वा**ति “असुकं नाम घातेस्सामि, असुकं भण्डं अवहरिस्सामी”ति एवं पापसमादानं कत्वा । **उभो वड्ढन्ती**ति पुट्टो दानकखणे पापस्स अनुपत्तिं सन्धाय पटिक्खपति । द्रुतियं पुट्टो चित्तविप्पयुत्तं पापपचयं सन्धाय पटिजानाति । सेसमेत्थ परिभोगमयकथायं वुत्तनयेनेव वेदितव्वं । लद्धिपटिट्ठापनम्पिस्स पापसमादिन्नपुब्बभागमेव साधेति; न अविञ्जत्तिया दुस्सीलभावन्ति ।

अविञ्जति दुस्सील्यन्तिकथावण्णना ।

दसमो वग्गो ।

द्रुतियपण्णासको समत्तो ।

## ११. एकादसमवग्गो

### १-३. तिस्सोपि अनुसयकथावण्णना

६०५-६१३. इदानीं अनुसया अब्याकता, अहेतुका, चित्तविप्पयुत्ताति तिस्सोपि अनुसयकथा नाम होन्ति । तत्थ यस्मा पुथुज्जनो कुसलाब्याकते चित्ते वत्तमाने “सानुसयो”ति वत्तब्बो, यो चस्स तस्मिं खणे हेतु, न तेन हेतुना अनुसया सहेतुका, न तेन चित्तेन सम्पयुत्ता, तस्मा “ते अब्याकता, अहेतुका, चित्तविप्पयुत्ता”ति येसं लद्धि, सेय्यथापि महासंधिकानञ्जेव सम्मितियानञ्ज; ते सन्धाय तीसुपि कथासु पुच्छा सकवादिस्स, पटिञ्जा इतरस्स । सेसं हेट्टा वुत्तनयत्ता सक्का पाळिमग्गेनेव जानितुन्ति, तस्मा न वित्थारितन्ति ।

तिस्सोपि अनुसयकथावण्णना ।

### ४. जाणकथावण्णना

६१४-६१५. इदानीं जाणकथा नाम होति । तत्थ मग्गजाणेन अञ्जाणे विगतेपि पुन चक्खुविञ्जाणादिवसेन जाणविप्पयुत्तचित्ते वत्तमाने यस्मा तं मग्गचित्तं न पवत्तति, तस्मा “न वत्तब्बं जाणी”ति येसं लद्धि, सेय्यथापि महासंधिकानं; ते सन्धाय पुच्छा सकवादिस्स, पटिञ्जा इतरस्स । अथ नं “यदि अञ्जाणे विगते ‘जाणी’ति पञ्जति न सिया, रागादीसु विगतेसु वीतरागादिपञ्जत्तिपि न सियाति पुग्गलपञ्जत्तियं अकोविदोसी”ति चोदेतुं **रागे विगते**ति आदिमाह । इतरो तेसु विगतेसु सरागादिभावे युत्तिं अपस्सन्तो पटिक्खपति । परियोसाने यस्मा जाणपटिलाभेन सो जाणीति वत्तब्बतं अरहति, तस्मा **न हेवन्ति** पटिक्खेपो सकवादिस्साति ।

जाणकथावण्णना ।

### ५. जाणं चित्तविप्पयुत्तन्तिकथावण्णना

६१६-६१७. इदानीं जाणं चित्तविप्पयुत्तन्तिकथा नाम होति । तत्थ यस्मा अरहा चक्खुविञ्जाणादिसमङ्गी पटिलद्धं मग्गजाणं सन्धाय “जाणी”ति वुच्चति, न चस्स तं तेन चित्तेन सम्पयुत्तं, तस्मा “जाणं चित्तविप्पयुत्त”न्ति येसं लद्धि, सेय्यथापि पुब्बसेलियानं; ते सन्धाय पुच्छा सकवादिस्स, पटिञ्जा इतरस्स । अथ नं “यदि ते जाणं चित्तविप्पयुत्तं चित्तविप्पयुत्तेसु रूपादीसु अञ्जतरं सिया”ति चोदेतुं **रूपन्ति** आदिमाह । इतरो पटिक्खपति । सेसं हेट्टा वुत्तनयमेव । परियोसाने पन **पञ्जवाति** पुट्टो पटिलाभवसेन तं पवत्ति इच्छति, तस्मा पटिजानातीति ।

जाणं चित्तविषययुत्तन्तिकथावण्णना ।

#### ६. इदं दुक्खन्तिकथावण्णना

६१८-८२०. इदानीं इदं दुक्खन्तिकथा नाम होति । तत्थ येसं “लोकुत्तरमग्गखणे योगावचरो इदं दुक्खन्ति वाचं भासति, एवमस्स इदं दुक्खन्ति वाचं भासतो च इदं दुक्खन्ति जाणं पवत्तती”ति लद्धि, सेय्यथापि अन्धकानं; ते सन्धाय पुच्छा सकवादिस्स, मग्गखणे तथा वाचाभासनं जाणप्पवत्तिञ्च सन्धाय पटिञ्जा इतरस्स । यस्मा पन सो सेससच्चपटिसंयुत्तं वाचं पुथुज्जनोव भासति, न च तस्स तथा जाणप्पवत्तीति इच्छति, तस्मा समुदयादिपञ्हेसु पटिक्खिपति । **रूपं अनिच्चन्ति**आदि दुक्खपरियायदस्सनवसेन वुत्तं । इतरो पन सकसमये तादिसं वोहारं अपस्सन्तो पटिक्खिपति । **इति च दन्ति चाति**आदि यदि तस्स दुक्खे जाणं पवत्तति, इ-कार दं-कार दु-कार ख-कारेसु पटिपाटिया चतूहि जाणेहि पवत्तितब्बन्ति दस्सेतुं वुत्तं । इतरो पन तथा न इच्छति, तस्मा पटिक्खिपति ।

इदं दुक्खन्तिकथावण्णना ।

#### ७. इद्धिबलकथावण्णना

६२१-६२४. इदानीं इद्धिबलकथा नाम होति । तत्थ इद्धिपादभावनानिसंस्स अत्थं अयोनिस्सो गहेत्वा “इद्धिबलेन समन्नागतो कप्पं तिट्ठेय्या”ति येसं लद्धि, सेय्यथापि महासंधिकानं; ते सन्धाय **इद्धिबलेन समन्नागतो कप्पं तिट्ठेय्या**ति पुच्छा सकवादिस्स । तत्थ कप्पो नाम महाकप्पो, कप्पेकदेसो, आयुकप्पोति तिविधो । “चत्तारिमानि, भिक्खवे, कप्पस्स असङ्ख्येय्यानी”ति (अ० नि० ४.१५६) एत्थ हि महाकप्पोव कप्पोति वुत्तो । “ब्रह्मकायिकानं देवानं कप्पो आयुप्पमाण”न्ति (अ० नि० ४.१२३) एत्थ कप्पेकदेसा । “कप्पं निरयम्हि पच्चति, कप्पं सग्गम्हि मोदती”ति (चूळव० ३५४) एत्थ आयुकप्पो । आयुकप्पनं आयुविधानं कम्मस्स विपाकवसेन वा वस्सगणनाय वा आयुपरिच्छेदोति अत्थो । तेसु महाकप्पं सन्धाय पुच्छति, इतरो पटिजानाति ।

अथ नं सकवादी “सचे ते इद्धिबलेन समन्नागतो, ‘यो चिरं जीवति, सो वस्ससत्तं अप्पं वा भिय्यो’ति (सं० नि० २.१४३) एवं परिच्छिन्ना आयुकप्पा उद्धं महाकप्पं वा महाकप्पेकदेसं वा जीवेय्य इद्धिमयिकेनस्स आयुना भवितव्व”न्ति चोदेतुं **इद्धिमयिको सो आयू**तिआदिमाह । इतरो “जीवितिन्द्रियं नाम इद्धिमयिकं नत्थि, कम्मसमुद्धानमेवा”ति वुत्तता पटिक्खिपति । को पनेत्थ इद्धिमतो विसेसो, ननु अनिद्धिमापि आयुकप्पं तिट्ठेय्याति? अयं विसेसो — इद्धिमा हि यावतायुक्तं जीवितप्पवत्तिया अन्तरायकरे धम्मे इद्धिबलेन पटिबाहिक्वा अन्तरा अकालमरणं निवारेतुं सककोति, अनिद्धिमतो एतं बलं नत्थि । अयमेतेसं विसेसो ।

**अतीतं अनागतन्ति** इदं अविसेसेन कप्पं तिट्ठेय्याति पटिञ्जातता चोदेति । द्वे **कप्पे**तिआदि “यदि इद्धिमा जीवितपरिच्छेदं अतिक्कमितुं सककोति, न केवलं एकं अनेकेपि कप्पे तिट्ठेय्या”ति चोदनत्थं वुत्तं । **उप्पन्नो फस्सो**तिआदि न सब्बं इद्धिया लब्धति, इद्धिया अविसेसोपि अत्थीति दस्सेतुं वुत्तं । सेसमेत्थ उत्तानत्थमेवाति ।

इद्धिबलकथावण्णना ।

#### ८. समाधिकथावण्णना

६२५-६२६. इदानीं समाधिकथा नाम होति । तत्थ येसं एकचित्तखणे उप्पन्नापि एकगता समाधानद्वेन समाधीति अगहेत्वा “सत्त रत्तिन्दिवाणि एकन्तसुखपटिसंवेदी विहरितुं”न्तिआदिवचनं (म० नि० १.१८०) निस्साय “चित्तसन्तति समाधी”ति लद्धि, सेय्यथापि सब्बत्थिवादानञ्चेव उत्तरापथकानञ्च; ते सन्धाय **चित्तसन्तती**ति पुच्छा सकवादिस्स, पटिञ्जा इतरस्स । अथ नं “यदि चित्तसन्तति समाधि, चित्तसन्तति नाम अतीतापि अत्थि, अनागतापि अत्थि । न हि एकं पच्चुप्पन्नचित्तमेव चित्तसन्तति नाम होति, किं ते सब्बापि सा समाधी”ति चोदेतुं **अतीता**तिआदिमाह, इतरो तथा अनिच्छन्तो पटिक्खिपति ।

**ननु अतीतं निरुद्धन्ति**आदि “चित्तसन्ततियं पच्चुप्पन्नमेव चित्तं किच्चकरं, अतीतानागतं निरुद्धता अनुप्पन्नता च नत्थि, कथं तं समाधि नाम होती”ति दस्सेतुं वुत्तं । **एकचित्तखणि**कोति पुच्छा परवादिस्स । ततो या सकसमये “समाधिं, भिक्खवे, भावेथा”तिआदीसु पच्चुप्पन्नकुसलचित्तसम्पयुत्ता एकगता समाधीति वुत्ता, तं सन्धाय पटिञ्जा सकवादिस्स । **चक्खुविज्जाणसमङ्गी**तिआदि “एकचित्तखणिको”ति वचनमत्तं गहेत्वा छलेन वुत्तं, तेनेव सकवादिना पटिक्खितं । **ननु वुत्तं भगवता**ति सुत्तं पुरिमपच्छिमवसेन पवत्तमानस्स समाधिस्स अब्बोकिण्णतं सार्थेति, न सन्ततिया समाधिभावं, तस्मा असाधकन्ति ।

समाधिकथावण्णना ।

#### ९. धम्मट्ठिताकथावण्णना

६२७. इदानीं धम्मट्ठिताकथा नाम होति । तत्थ “ठिताव सा धातू”ति वचनं निस्साय “पटिच्चसमुप्पादसङ्घाता धम्मट्ठिता नाम एका अत्थि, सा च परिनिष्फन्ना”ति येसं लद्धि, सेय्यथापि अन्धकानं; ते सन्धाय पुच्छा सकवादिस्स, पटिञ्जा इतरस्स । अथ नं “यदि परिनिष्फन्नानं अविज्जादीनं अज्जा धम्मट्ठिता नाम परिनिष्फन्ना अत्थि, तायापि च ते धम्मट्ठिताय अज्जा ठिताता परिनिष्फन्ना आपज्जती”ति चोदेतुं **ताय ठितता**तिआदिमाह । परवादी एवरूपाय लद्धिया अभावेन पटिक्खिपति । दुतियं पुट्टो अनन्तरपच्चयतञ्चेव अज्जमज्जपच्चयतञ्च सन्धाय पटिजानाति । सेसं हेट्ठा वुत्तनयता उत्तानत्थमेवाति ।

धम्मट्ठिताकथावण्णना ।

#### १०. अनिच्चताकथावण्णना

६२८. इदानीं अनिच्चताकथा नाम होति । तत्थ “अनिच्चानं रूपादीनं अनिच्चतापि रूपादयो विय परिनिष्फन्ना”ति येसं लद्धि, सेय्यथापि अन्धकानं; ते सन्धाय पुच्छा

सकवादस्स, पटिज्जा इतरस्स। अथ नं “यदि ते रूपादयो विय अनिच्चता परिनिष्फन्ना, तस्सापि अज्जाय परिनिष्फन्नाय अनिच्चताय भवितब्ब”न्ति चोदेतुं **ताय अनिच्चतायाति** आदिमाह। इतरो द्विन्नं अनिच्चताय एकतो अभावेन पटिक्खपित्वा पुन यस्मा सा अनिच्चता निच्चा न होति, तेनेव अनिच्चेन सद्धिं अन्तरधायति, तस्मा पटिजानाति। अथस्स सकवादी लेसोकासं अदत्त्वा या तेन दुतिया अनिच्चता पटिज्जाता, तायापि ततो परायपीति परम्परवसेन अनुपच्छेददोसं आरोपेन्तो **ताय तायेवाति** आदिमाह। जरा **परिनिष्फन्नाति** आदि यस्मा उप्पन्नस्स जरामरणतो अज्जा अनिच्चता नाम नत्थि, तस्मा अनिच्चताविभागानुयुज्जनवसेन वुत्तं। तत्रापि परवादिनो पुरिमनयेनेव पटिज्जा च पटिक्खेपो च वेदितब्बो।

**६२९. रूपं परिनिष्फन्नाति** आदि येसं सा अनिच्चता, तेहि सद्धिं संसन्दनत्थं वुत्तं। तत्थ “यथा परिनिष्फन्नानं रूपादीनं अनिच्चताजरामरणानि अत्थि, एवं परिनिष्फन्नानं अनिच्चतादीनं तानि नत्थी”ति मज्जमानो एकन्तेन पटिक्खपितयेवाति।

अनिच्चताकथावण्णना।

एकादसमो वग्गो।

## १२. द्वादसमवग्गो

### १. संवरो कम्मन्तिकथावण्णना

**६३०-६३२.** इदानीं संवरो कम्मन्तिकथा नाम होति। तत्थ “चक्खुना रूपं दिस्वा निमित्तग्गाही होति, न निमित्तग्गाही होती”ति सुत्तं निस्साय “संवरोपि असंवरोपि कम्म”न्ति येसं लद्धि, सेय्यथापि महासंधिकानं; ते सन्धाय पुच्छा सकवादस्स, पटिज्जा इतरस्स।

अथ नं या सकसमये चेतना “कम्म”न्ति वुत्ता यथा सा कायवचीमनोद्वारेसु पवत्तमाना कायकम्मादिनामं लभति, तथा “यदि ते संवरो कम्मं, सोपि चक्खुन्द्रियादीसु पवत्तमानो चक्खुकम्मादिनामं लभेय्या”ति चोदेतुं **चक्खुन्द्रियसंवरो चक्खुकम्मन्ति** आदिमाह। इतरो तादिसं सुत्तपदं अपस्सन्तो चतूसु द्वारेसु पटिक्खपित्वा पञ्चमे कायद्वारे पसादकायं सन्धाय पटिक्खपति, विज्जत्तिकायं सन्धाय पटिजानाति। सो हि पसादकायम्पि विज्जत्तिकायम्पि कायिन्द्रियन्त्वेव इच्छति। मनोद्वारेपि विपाकद्वारं सन्धाय पटिक्खपति, कम्मद्वारं सन्धाय पटिजानाति। असंवरोपि एसेव नयो। “चक्खुना रूपं दिस्वा”ति सुत्तं तेसु द्वारेसु संवरासंवरमेव दीपति, न तस्स कम्मभावं, तस्मा असाधकन्ति।

संवरो कम्मन्तिकथावण्णना।

### २. कम्मकथावण्णना

**६३३-६३५.** इदानीं कम्मकथा नाम होति। तत्थ “नाहं, भिक्खवे, सज्चेतनिकानं कम्मान”न्ति (अ० नि० १०.२१७) सुत्तपदं निस्साय “सब्बं कम्मं सविपाक”न्ति येसं लद्धि, सेय्यथापि महासंधिकानं; तेसं “चेतनाहं, भिक्खवे, कम्मं वदामी”ति (अ० नि० ६.६३) सत्थारा अविसेसेन चेतना “कम्म”न्ति वुत्ता; सा च कुसलाकुसलाव सविपाका, अब्बाकता अविपाकाति इमं विभागं दस्सेतुं **सब्बं कम्मन्ति** पुच्छा सकवादस्स, पटिज्जा इतरस्स। पुन **सब्बा चेतनाति** पञ्चेसु अब्बाकतं सन्धाय पटिक्खेपो, कुसलाकुसले सन्धाय पटिज्जा वेदितब्बा। **विपाकाब्बाकताति** आदि सविपाकाविपाकचेतनं सरूपेन दस्सेतुं वुत्तं। सेसमेत्थ उत्तानत्थमेव। “नाहं, भिक्खवे”ति सुत्तं सति पच्चये दिट्ठधम्मादीसु विपाकपटिसंवेदनं सन्धाय वुत्तं, तस्मा असाधकन्ति।

कम्मकथावण्णना।

### ३. सद्दो विपाकोतिकथावण्णना

**६३६-६३७.** इदानीं सद्दो विपाकोतिकथा नाम होति। तत्थ “सो तस्स कम्मस्स कतत्ता उपचितत्ता उस्सन्नत्ता विपुलत्ता ब्रह्मस्सरो होती”ति आदीनि (दी० नि० ३.२३६) अयोनिस्सो गहेत्वा “सद्दो विपाको”ति येसं लद्धि, सेय्यथापि महासंधिकानं; तेसं “कम्मसमुद्धाना अरूपधम्माव विपाकाति नामं लभन्ति। रूपधम्मेसु पनायं वोहारो नत्थी”ति दस्सेतुं पुच्छा सकवादस्स, पटिज्जा इतरस्स। **सुखवेदनीयोति** आदि “विपाको नाम एवरूपो होती”ति दस्सनत्थं वुत्तं। “सो तस्स कम्मस्सा”ति सुत्तं लक्खणपटिलाभदस्सनत्थं वुत्तं। महापुरिसो हि कम्मस्स कतत्ता सुचिपरिवारोपि होति, न च परिवारो विपाको, तस्मा असाधकमेतन्ति।

सद्दो विपाकोतिकथावण्णना।

### ४. सळायतनकथावण्णना

**६३८-६४०.** इदानीं सळायतनकथा नाम होति। तत्थ यस्मा सळायतनं कम्मस्स कतत्ता उप्पन्नं, तस्मा “विपाको”ति येसं लद्धि, सेय्यथापि महासंधिकानं; ते सन्धाय **चक्खायतनं विपाकोति** पुच्छा सकवादस्स, पटिज्जा इतरस्स। सेसं हेट्ठा वुत्तनयमेव। **सळायतनं विपाकोति** एत्थ मनायतनं सिया विपाको। सेसानि केवलं कम्मसमुद्धानानि, न विपाको। तस्मा असाधकमेतन्ति।

सळायतनकथावण्णना।

### ५. सत्तक्खत्तुपरमकथावण्णना

५४१-५४५. इदानीं सत्तखत्तुपरमकथा नाम होति, तत्थ यस्मा “सत्तखत्तुपरमो”ति वुत्तं, तस्मा “सत्तखत्तुपरमो पुग्गलो सत्तखत्तुपरमताय नियतो”ति येसं लद्धि, सेय्यथापि उत्तरापथकानं; तेसं ठपेत्वा “अरियमग्गं अज्जो तस्स नियमो नत्थि, येन सो सत्तखत्तुपरमताय नियतो भवेय्या”ति इमं विभागं दस्सेतुं पुच्छा सकवादिस्स, पटिज्जा इतरस्स ।

**माता जीविताति** आदीसु अयमधिष्णायो — द्वे नियामा सम्मत्तनियामो च मिच्छत्तनियामो च । सम्मत्तनियामो अरियमग्गो । सो अविनिपातधम्मतज्जेव फलुप्पत्तिज्ज नियमेति । मिच्छत्तनियामो आनन्तरियकम्मं । तं अनन्तरा निरयूपपत्तिं नियमेति । तत्थ सत्तखत्तुपरमो सोतापत्तिमग्गेन अविनिपातधम्मताय च फलुप्पत्तिया च नियमितो । सेसमग्गनियामो पनस्स नत्थि अनधिगतत्ता, आनन्तरियम्पि कातुं सो अभब्बो । त्वं पनस्स नियामं इच्छासि, तेन तं वदाम — “किं ते सो इमिना मिच्छत्तनियामेन नियमितो”ति ।

**अभब्बो अन्तराति** पज्हेसु आनन्तरियाभावं सन्धाय पटिक्खपति, सत्तखत्तुपरमं सन्धाय पटिजानाति । **अत्थि सो नियामो**ति पज्हे सत्तखत्तुपरमताय नियामं अपस्सन्तो पटिक्खपति । **अत्थि ते सतिपट्टानाति** आदि नियामसङ्घाते मग्गधम्मे दस्सेतुं वुत्तं । तस्स पन पुन पठममग्गानुप्पत्तितो तेपि नत्थि, तस्मा पटिक्खपति । सेसमेत्थ उत्तानत्थमेव । **ननु सो सत्तखत्तुपरमो**ति एत्थ भगवा “अयं पुग्गलो एतके भवे सन्धावित्वा परिनिब्बायिस्सति, अयं एतके”ति अत्तनो जाणबलेन ब्याकरोति, न भवनिायमं नाम किञ्चि तेन सत्तखत्तुपरमो, कोलंकोलो, एकबीजी वाति वुत्तं, तस्मा असाधकमेतन्ति ।

सत्तखत्तुपरमकथावण्णना ।

६४६-६४७. कोलंकोलएकबीजिकथायोपि इमिनावुपायेन वेदितब्बा ।

कोलंकोलएकबीजिकथावण्णना ।

#### ८. जीवितावोरोपनकथावण्णना

६४८-६४९. इदानीं जीवितावोरोपनकथा नाम होति । तत्थ यस्मा दोससम्पयुत्तेन चित्तेन पाणातिपातो होति, दोसो च दिट्ठिसम्पन्नस्स अप्पहीनो, तस्मा “दिट्ठिसम्पन्नो सज्जिच्च पाणं जीविता वोरोपेय्या”ति येसं लद्धि, सेय्यथापि पुब्बसेलियापरसेलियानं; ते सन्धाय **दिट्ठिसम्पन्नो**ति पुच्छा सकवादिस्स, पटिज्जा इतरस्स । **सज्जिच्च मातरन्ति** आदिपज्हेसु पन “अट्टानमेतं अनवकासो”ति सुत्तभयेन पटिक्खपति । **सत्थरि अगारवो**ति आदि सत्थारादीसु सगारवस्स सिक्खापदस्स वीतिककमाभावदस्सनत्थं वुत्तं । इतरो पन अकुसलवसेन तस्स अगारवो नाम नत्थीति पटिक्खपित्वा सगारवभावज्ज सम्पटिच्छित्वा पुन **अगारवो**ति पुट्ठो तेसु तेसु किच्चेसु पसुतताय विक्खित्तानं असत्तिया अमनसिकारेन चेतिये अभिवादनपदक्खिणकरणाभावं सन्धाय पटिजानाति । पुन **ओहदेय्या**ति आदिना नयेन पुट्ठो तादिषाय किरियाय सज्जिच्च अकरणतो पटिक्खपति । सेसमेत्थ उत्तानत्थमेवाति ।

जीवितावोरोपनकथावण्णना ।

#### ९. दुग्गतिकथावण्णना

६५०-६५२. इदानीं दुग्गतिकथा नाम होति । तत्थ ये दुग्गतिज्ज दुग्गतिसत्तानं रूपादिआरम्भणं तण्हज्जाति उभयम्पि दुग्गतीति गहेत्वा पुन तथा अविभजित्वा अविसेसेनेव “दिट्ठिसम्पन्नस्स पहीना दुग्गती”ति वदन्ति, सेय्यथापि उत्तरापथका; ते सन्धाय पुच्छा सकवादिस्स, पटिज्जा इतरस्स । **आपायिके रूपे रज्जेय्या**ति आदि परवादिनो लद्धिया दिट्ठिसम्पन्नस्स दुग्गति अप्पहीना, तस्स वसेन चोदेतुं वुत्तं । सेसमेत्थ उत्तानत्थमेव । **निरयं उपपज्जेय्या**ति आदि दुग्गतिपहानमेव दुग्गतिगामिनितण्हापहानं वा दीपेति, न दुग्गतिसत्तानं रूपादिआरम्भणाय तण्हाय पहानं, तस्मा असाधकन्ति ।

दुग्गतिकथावण्णना ।

६५३. सत्तमभविक्कथायपि एसेव नयोति ।

द्वादसमो वग्गो ।

### १३. तेरसमवग्गो

#### १. कप्पट्टकथावण्णना

६५४-६५७. इदानीं कप्पट्टकथा नाम होति । तत्थ येसं “सङ्गं समग्गं भेत्वान, कपं निरयम्हि पच्चती”ति “सकलम्पि कपं सङ्गभेदको निरये तिट्ठती”ति लद्धि, सेय्यथापि राजगिरिकानं; ते सन्धाय **कप्पट्टो**ति पुच्छा सकवादिस्स, पटिज्जा इतरस्स । **बुद्धो च लोकेति** इदं विना बुद्धुप्पादेन सङ्गभेदस्स अभावदस्सनत्थं वुत्तं । **कप्पो च सण्ठाति सङ्गो च भिज्जतीति** आदि “यदि सो सकलं कपं तिट्ठति, सण्ठहनतो पट्टाय तं कम्मं कत्वा तत्थ उप्पज्जित्वा तिट्ठेय्या”ति दस्सेतुं वुत्तं । **अतीतन्ति** आदि हेट्ठा वुत्ताधिष्णायमेव । **कप्पट्टो इद्धिमाति** पज्हे भावनामयं सन्धाय पटिक्खपति, परसमये पनस्स जातिमयं इद्धिं इच्छन्ति, तं सन्धाय पटिजानाति । **छन्दिद्धिपादो**ति आदि “जातिमयाय इद्धिया इद्धिमाति लद्धिमत्तमेतं, किं तेन, यदि पनस्स इद्धि अत्थि, इमिना नयेन इद्धिपादा भाविता भवेय्यु”न्ति चोदनत्थं वुत्तं । **आपायिको नेरयिको**ति सुत्तं यं सो एकं कपं असीतिभागे कत्वा ततो एकभागमत्तं कालं तिट्ठेय्य, तं आयुकपं सन्धाय वुत्तं, तस्मा असाधकन्ति ।

कप्पट्टकथावण्णना ।

## २. कुसलपटिलाभकथावण्णना

६५८-६५९. इदानी कुसलपटिलाभकथा नाम होति । तत्थ कप्पडो सकसमये कामावचरकुसलमेव पटिलभति । येन पन तं उपपत्तिं पटिबाहेय्य, तं महग्गतं लोकुत्तरं वा न पटिलभति । येसं पन इमं विभागं अकत्वा अविसेसेनेव “सो कुसलचित्तं न पटिलभती”ति लद्धि, सेय्यथापि उत्तरापथकानं; तेसं विभागदस्सनेन तं लद्धि भिन्दितुं पुच्छा सकवादिस्स, पटिञ्जा इतरस्स । सेसमेत्थ उत्तानत्थमेवाति ।

कुसलपटिलाभकथावण्णना ।

## ३. अनन्तरापयुत्तकथावण्णना

६६०-६६२. इदानी अनन्तरापयुत्तकथा नाम होति । तत्थ अनन्तरापयुत्तो नाम येन खन्धभेदतो अनन्तरा विपाकदायकं मातुघातादि आनन्तरियकम्मं आणत्तं । तत्थ यस्स नियताय आणत्तिया आणत्तो तं कम्मं करिस्सति, सो अत्थसाधिकाय चेतनाय उप्पादितत्ता मिच्छत्तनियतो होति, अभब्बो सम्मत्तनियामं ओक्कमितुं । यस्स अनियताय आणत्तिया आणत्तो तं कम्मं करिस्सति, सो अत्थसाधिकाय चेतनाय अनुप्पादितत्ता न मिच्छत्तनियतो, भब्बो सम्मत्तनियामं ओक्कमितुं इदं सकसमये सन्निधानं । येसं पन “अनियतायपि आणत्तिया अभब्बोयेव सम्मत्तनियामं ओक्कमितुं”ति लद्धि, सेय्यथापि उत्तरापथकानं; तेसं तं लद्धि भिन्दितुं सकवादी पुब्बपक्खं दत्वा **अनन्तरापयुत्तो**ति परवादिना अत्तानं पुच्छापेति । तेनेत्थ पठमपुच्छा परवादिस्स, अत्थसाधिकचेतनाय अभावं सन्धाय पटिञ्जा सकवादिस्स । ततो परवादी मातुघातादिकम्मस्स आणत्तत्ताव “सो मिच्छत्तनियतो”ति मज्जति । तस्मा **मिच्छत्तनियामञ्चा**ति पज्जं पुच्छति । सकवादी पन एकस्स पुगलस्स द्विन्नं नियामानं अनोक्कन्तिमत्तमेव सन्धाय **न हेवन्ति** पटिक्खपति ।

**ननु तं कम्मन्ति** मातुघातादिकम्मं । तत्थ अनियताणत्तिं सन्धाय “आमन्ता”ति पटिञ्जा सकवादिस्स । अनियतम्पि हि आणत्तिं पयोजेत्वा ठितस्स “अननुच्छविकं मया कत”ति कुक्कुच्चं उप्पज्जतेव, विष्पटिसारो जायतेव । **हज्जी**तिआदि कुक्कुच्चुप्पत्तिमत्तं गहेत्वा परवादिना लद्धिपतिट्ठापनत्थं वुत्तं ।

६६१. इदानी यस्स अनियताणत्तिकस्सापि अनन्तरापयुत्तस्स परवादिना सम्मत्तनियामोक्कमनं पटिसिद्धं, तमेव पुगलं गहेत्वा **अनन्तरापयुत्तो पुगलो अभब्बो**ति पुच्छा सकवादिस्स, अत्तनो लद्धिवसेन पटिञ्जा इतरस्स । अथ नं सकवादी “अभब्बो नाम मातुघातादिकम्मानं कारको, किं ते तेन तानि कम्मानि कतानी”ति चोदेतुं **माता जीविता वोरपिता**तिआदिमाह । इतरो तेसं वत्थूनं अरोगताय तथारूपं किरियं अपस्सन्तो “न हेव”ति पटिक्खपति ।

**तं कम्मं पटिसंहरित्वा**ति अनियताणत्तिकम्मं सन्धाय वुत्तं । तज्झि “मा खो मया आणत्तं आकासी”ति आणत्तं निवारन्तेन पटिसंहटं नाम होति । पटिसंहटत्तायेव चेत्थ कुक्कुच्चं पटिविनोदितं, विष्पटिसारो पटिविनीतो नाम होति । एवं सन्तेपि पनेत्थ पुरिमाणत्तियायेव नियतभावं मज्जमानो परवादी “आमन्ता”ति पटिजानाति । अथ नं सकवादी तस्स कम्मस्स पटिसंहटभावं सम्पटिच्छापेत्वा अत्तनो लद्धि पतिट्ठापेत्वा **हज्जी**तिआदिमाह ।

६६२. पुन **अनन्तरापयुत्तो**ति परियोसानपज्जे पठमपज्जे विय पुच्छा परवादिस्स, पटिञ्जा सकवादिस्स । **ननु तं कम्मन्ति** अनुयोगो परवादिस्स, पटिसंहटकालतो पुब्बे पयुत्तकालं सन्धाय पटिञ्जा सकवादिस्स । पयुत्तपुब्बतामत्तं गहेत्वा अनियताणत्तिवसेन हज्जीति लद्धिपतिट्ठापनं परवादिस्स । अयं पन लद्धि अयोनिस्सो पतिट्ठितत्ता अप्पत्तिट्ठिताव होतीति ।

अनन्तरापयुत्तकथावण्णना ।

## ४. नियतस्स नियामकथावण्णना

६६३-६६४. इदानी नियतस्स नियामकथा नाम होति । तत्थ दुविधो नियामो — मिच्छत्तनियामो च आनन्तरियकम्मं, सम्मत्तनियामो च अरियमग्गो । इमे द्वे नियामे ठपेत्वा अज्जो नियामो नाम नत्थि । सब्बेपि हि सेसा तेभूमकधम्मा अनियता नाम । तेहि समन्नागतोपि अनियतोयेव । बुद्धेहि पन अत्तनो जाणबलेन “अयं सत्तो अनागते बोधि पापुणस्सती”ति ब्याकतो बोधिसत्तो पुञ्जुस्सदत्ता नियतोति वुच्चति । इति इमं वोहारमत्तं गहेत्वा “पच्छिमभविको बोधिसत्तो ताव जातिया भब्बो धम्मं अभिसमेतु”ति अधिष्ठायेन “नियतो नियामं ओक्कमती”ति येसं लद्धि, सेय्यथापि पुब्बसेलियापरसेलियानं; ते सन्धाय पुच्छा सकवादिस्स, पटिञ्जा इतरस्स । **मिच्छत्तनियतो**तिआदि अज्जेन नियामेन नियतस्स अज्जनियामाभावदस्सनत्थं वुत्तं । **पुब्बे मग्गं भावेत्वा**तिआदि नियामप्पभेददस्सनत्थं वुत्तं । **सतिपट्ठानन्ति**आदि एकस्मिन्पि नियामे धम्मप्पभेददस्सनत्थं वुत्तं । **भब्बो बोधिसत्तो**ति वचनं केवलं बोधिसत्तस्स भब्बतं दीपेति, न नियतस्स नियामोक्कमनं, तस्मा असाधकं । सो हि पुब्बे एकेनपि नियतधम्मेन अनियतो बोधिमूले सच्चदस्सनेन नियामं ओक्कन्तोति ।

नियतस्स नियामकथावण्णना ।

## ५. निवुत्तकथावण्णना

६६५-६६७. इदानी निवुत्तकथा नाम होति । तत्थ सुद्धस्स सुद्धकिच्चाभावतो नीवरणेहि निवुत्तो ओफुटो परियोनद्धो च नीवरणं जहतीति येसं लद्धि, सेय्यथापि उत्तरापथकानं; ते सन्धाय **निवुत्तो**तिपुच्छा सकवादिस्स, पटिञ्जा इतरस्स । **रत्तो रागन्ति**आदि निवुत्तस्स नीवरणजहने दोसदस्सनत्थं वुत्तं । **परिसुद्धे परियोदाते**तिआदि विक्खम्भनविसुद्धिया विसुद्धस्स समुच्छेदविसुद्धिदस्सनत्थं वुत्तं । **तस्स एवं जानतो**तिआदि जानतो पस्सतो आसवक्खयं दीपेति, न निवुत्तस्स नीवरणजहनं, तस्मा असाधकन्ति ।

निवुत्तकथावण्णना ।

## ६. सम्मुखीभूतकथावण्णना

६६८-६७०. इदानीं सम्मुखीभूतकथा नाम होति । तत्थ सम्मुखीभूतोति संयोजनानं सम्मुखीभावं तेहि समङ्गीभावं उपगतो । सेसमेत्थ निवुत्तकथासदिसमेवाति ।

सम्मुखीभूतकथावण्णना ।

## ७. समापन्नो अस्सादेतीतिकथावण्णना

६७१-६७३. इदानीं समापन्नो अस्सादेतीतिकथा नाम होति । तत्थ “पठमं ज्ञानं उपसम्पज्ज विहरति, सो तदस्सादेती”तिआदिवचनं (अ० नि० ४.१२३) निस्साय “समापन्नो अस्सादेति, सा चस्स ज्ञाननिकन्ति ज्ञानारम्भणा होती”ति येसं लद्धि, सेय्यथापि अन्धकानं, ते सन्धाय **समापन्नो**ति पुच्छा सकवादस्स, पटिज्जा इतरस्स । तं **ज्ञानं तस्स ज्ञानस्स आरम्भणं**ति पज्हेसु तस्सेव तदारम्भणतं अपस्सन्तो सुत्तविरोधभयेन पटिक्खिपति, “तदस्सादेती”तिवचनमत्तेन पटिजानाति । **सो तदस्सादेती**ति सुत्तं ज्ञानलाभिनो ज्ञाना वुड्ढाय ज्ञानस्सादं साधेति, न अन्तोसमापत्तियंयेव ज्ञाननिकन्तिया ज्ञानारम्भणतं, तस्मा असाधकन्ति ।

समापन्नो अस्सादेतीतिकथावण्णना ।

## ८. असातरागकथावण्णना

६७४. इदानीं असातरागकथा नाम होति । तत्थ “यंकिञ्च वेदनं वेदेति सुखं वा दुक्खं वा अदुक्खमसुखं वा, सो तं वेदनं अभिनन्दति अभिवदती”ति (म० नि० १.४०९) सुत्ते दिट्ठाभिनन्दनवसेन वुत्तं । “अभिनन्दती”तिवचनं निस्साय “दुक्खवेदनायपि रागस्सादवसेन अभिनन्दना होति । तस्मा अत्थि असातरागो”ति येसं लद्धि, सेय्यथापि उत्तरापथकानं; ते सन्धाय **अत्थि असातरागो**ति पुच्छा सकवादस्स । तत्थ **असातरागो**ति असाते दुक्खवेदयिते “अहो वत मे एतदेव भवेय्या”ति रज्जना । **आमन्ता**ति लद्धिवसेन पटिज्जा इतरस्स । सेसमेत्थ उत्तानत्थमेव ।

६७५. **सो तं वेदनं अभिनन्दती**ति सुत्ते पन विनिवट्टेत्वा दुक्खवेदनमेव आरब्ध रागुप्पत्ति नाम नत्थि, समूहगहणेन पन वेदयितलक्खणं धम्मं दुक्खवेदनमेव वा अत्ततो समनुपस्सन्तो दिट्ठिमज्जनासङ्घाताय दिट्ठाभिनन्दनाय वेदनं अभिनन्दति, दुक्खाय वेदनाय विपरिणामं अभिनन्दति, दुक्खाय वेदनाय अभिभूतो तस्सा पटिपक्खं कामसुखं पत्थयन्तोपि दुक्खवेदनं अभिनन्दति नाम । एवं दुक्खवेदनाय अभिनन्दना होतीति अधिप्पायो । तस्मा असाधकमेतं असातरागस्साति ।

असातरागकथावण्णना ।

## ९. धम्मतण्हा अब्याकतातिकथावण्णना

६७६-६८०. इदानीं धम्मतण्हा अब्याकतातिकथा नाम होति । तत्थ रूपतण्हा...पे०... धम्मतण्हाति इमासु छसु तण्हासु यस्मा सब्बपच्छिमा तण्हा धम्मतण्हाति वुत्ता, तस्मा सा अब्याकताति येसं लद्धि, सेय्यथापि पुब्बसेलियानं; ते सन्धाय पुच्छा सकवादस्स, पटिज्जा इतरस्स । सेसपज्ज्ञानं पाळिया अत्थो निर्याति । **कामतण्हा**तिआदीहि तीहि कोट्टासेहि छपि तण्हा सङ्घिपित्वा दस्सिता । रूपादीसु हि छसु आरम्भणेषु कामस्सादवसेन पवत्ता तण्हा कामतण्हा । “भविस्सति अत्ता च लोको चा”ति सस्सतदिट्ठिसहगता तण्हा भवतण्हा । “न भविस्सती”ति उच्छेददिट्ठिसहगता तण्हा विभवतण्हाति । **ननु सा धम्मतण्हा**ति पदं तण्हाय धम्मराम्भणं आरब्ध पवत्ति दीपेति, न अब्याकतभावं तस्मा असाधकन्ति ।

धम्मतण्हा अब्याकतातिकथावण्णना ।

## १०. धम्मतण्हानदुक्खसमुदयोतिकथावण्णना

६८१-६८५. इदानीं धम्मतण्हा नदुक्खसमुदयोतिकथा नाम होति । तत्रापि यस्मा सा धम्मतण्हाति वुत्ता, तस्मा न दुक्खसमुदयोति येसं लद्धि, सेय्यथापि पुब्बसेलियानंयेव; ते सन्धाय पुच्छा सकवादस्स, पटिज्जा इतरस्स । सेसं पुरिमकथासदिसमेवाति ।

धम्मतण्हा नदुक्खसमुदयोतिकथावण्णना ।

तेरसमो वग्गो ।

## १४. चुट्टसमवग्गो

### १. कुसलाकुसलपटिसन्दहनकथावण्णना

६८६-६९०. इदानीं कुसलाकुसलपटिसन्दहनकथा नाम होति । तत्थ कुसलं वा अकुसलस्स, अकुसलं वा कुसलस्स अनन्तरा उपपज्जनकं नाम नत्थीति तेसं अज्जमज्जं पटिसन्धानं न युज्जति । ये पन यस्मा एकवत्थुस्मिज्जेव रज्जति विरज्जति च, तस्मा तं अज्जमज्जं पटिसन्दहतीति लद्धि गहेत्वा ठिता, सेय्यथापि महासङ्घिका; ते सन्धाय पुच्छा सकवादस्स; पटिज्जा इतरस्स । **आवट्टना पणिधी**ति उभयं आवज्जनस्सेव नामं । तज्हि भवङ्गं आवट्टेतीति आवट्टना । भवङ्गारम्भणतो अज्जस्मिं आरम्भणे चित्तं पणिदहति ठपेतीति पणिधि । **कुसलं अनावट्टेन्तस्सा**ति यं तं अकुसलानन्तरं पटिसन्दहन्तं कुसलं उपपज्जति, तं अनावट्टेन्तस्स उपपज्जतीति पुच्छति । इतरो पन विना आवज्जनेन कुसलस्स उप्पत्ति अपस्सन्तो पटिक्खिपति । **कुसलं अयोनि**सो **मनसिकरो**तीति इदं यदि अकुसलानन्तरं कुसलं उपपज्जेय्य, अकुसलस्सेव आवज्जनेन अयोनि

मनसिकरोतो उपपज्जेय्याति चोदनत्थं वुत्तं। सेसं यथापाळिमेव नित्याति। ननु यस्मिंयेव वत्थुस्मिन्ति वचनं एकारम्मणे सरागविरागुप्पत्तिं दीपेति, न कुसलाकुसलानं अनन्तरतं, तस्मा असाधकन्ति।

कुसलाकुसलपटिसन्दहनकथावण्णना।

## २. सळायतनुप्पत्तिकथावण्णना

६९१-६९२. इदानीं सळायतनुप्पत्तिकथा नाम होति। तत्थ उपपत्तिसियेन पटिसन्धिचित्तेन सहेव ओपपातिकानं सळायतनं उपपज्जति। गम्भसेय्यकानं अज्झत्तिकायतनेसु मनायतनकायायतनानेव पटिसन्धिक्खणे उपपज्जन्ति। सेसानि चत्तारि सत्तसत्ततिरत्तिम्हि। तानि च खो येन कम्मुना पटिसन्धि गहिता, तस्सेव अज्जस्स वा कतत्ताति अयं सकसमये वादो। येसं पन एककम्मसम्भवत्ता सम्पन्नसाखाविटपानं रुक्खादीनं अंकुरो विय बीजमतं सळायतनं मातुकुच्छिस्मिं पटिसन्धिक्खणेयेव उपपज्जतीति लद्धि, सेय्यथापि पुब्बसेलियानं; ते सन्धाय सळायतनन्ति पुच्छा सकवादस्स, पटिज्जा इतरस्स। सव्वङ्गपच्चङ्गीतिआदि सळायतने सति एवरूपो हुत्वा ओक्कमेय्याति चोदनत्थं वुत्तं। मातुकुच्छिगतस्साति पुच्छा परवादस्स। परतो मातुकुच्छिगतस्स पच्छा केसाति पुच्छा सकवादस्स। सेसमेत्थ उत्तानत्थमेवाति।

सळायतनुप्पत्तिकथावण्णना।

## ३. अनन्तरपच्चयकथावण्णना

६९३-६९७. इदानीं अनन्तरपच्चयकथा नाम होति। तत्थ नच्चगीतादीसु रूपदस्सनसदसवनादीनं लहुपरिवत्तितं दिस्वा “इमानि विज्जाणानि अज्जमज्जस्स अनन्तरा उपपज्जन्ती”ति येसं लद्धि, सेय्यथापि उत्तरापथकानं; ते सन्धाय चक्खुविज्जाणस्साति पुच्छा सकवादस्स, पटिज्जा इतरस्स। सोतविज्जाणं रूपारम्भणंयेवाति यदि चक्खुविज्जाणस्स अनन्तरा उपपज्जेय्य, विपाकमनोधातु विय रूपारम्भणं सियाति चोदेतुं वुत्तं। चक्खुञ्च पटिच्च रूपे च उपपज्जति सोतविज्जाणन्ति पज्हेसु सुत्ताभावेन पटिक्खपित्वा अनन्तरुप्पत्तिं सल्लक्खेन्तो लद्धिवसेन पटिजानाति। तज्जेव चक्खुविज्जाणं तं सोतविज्जाणन्ति यथा पठमजवनानन्तरं दुतियजवनं मनोविज्जाणभावेन तज्जेव होति, किं ते तथा एतम्पि द्वयं एकमेवाति पुच्छति। इमिना नयेन सव्ववारेसु अत्थो वेदितब्बो। नच्चति गायतीतिआदिवचनं आरम्भणसमोधाने लहुपरिवत्तिताय वोकिण्णभावं दीपेति, न अनन्तरपच्चयतं, तस्मा असाधकन्ति।

अनन्तरपच्चयकथावण्णना।

## ४. अरियरूपकथावण्णना

६९८-६९९. इदानीं अरियरूपकथा नाम होति। तत्थ सम्मावाचाकम्पन्ता रूपं, तज्ज खो “सव्वं रूपं चत्तारि च महाभूतानि चतुन्नञ्च महाभूतानं उपादायरूपं”न्ति (म० नि० ३.६७) वचनतो उपादायरूपन्ति येसं लद्धि, सेय्यथापि उत्तरापथकानं; ते सन्धाय अरियरूपं महाभूतानं उपादायाति पुच्छा सकवादस्स। तत्थ अरियानं रूपं, अरियं वा रूपन्ति अरियरूपं। आमन्ताति लद्धियं ठत्वा पटिज्जा इतरस्स। कुसलन्ति पुट्टो लद्धिवसेनेव पटिजानाति। अनासवपुच्छादीसुपि एसेव नयो। यं किञ्चि रूपन्ति सुत्तं ठपेत्वा भूतानि सेसरूपस्स उपादाभावं दीपेति, न सम्मावाचाकम्पन्तानं। तेसज्हि रूपमत्तज्जेव असिद्धं, कुतो उपादारूपता; तस्मा असाधकन्ति।

अरियरूपकथावण्णना।

## ५. अज्जो अनुसयोतिकथावण्णना

७००-७०१. इदानीं अज्जो अनुसयोतिकथा नाम होति। तत्थ यस्मा पुथुज्जनो कुसलाब्बाकते चित्ते वत्तमाने सानुसयोति वत्तब्बो, न परियुट्ठितोति तस्मा अज्जो अनुसयो, अज्जं परियुट्ठानन्ति येसं लद्धि, सेय्यथापि अन्धकानं; ते सन्धाय अज्जो कामरागानुसयोति पुच्छा सकवादस्स पटिज्जा इतरस्स। सेसं हेट्ठा अनुसयकथायं वुत्तनयेनेव वेदितब्बं। सानुसयोतिआदि पन तस्मिं समये अनुसयस्स अप्पहीनत्ता सानुसयोति वत्तब्बतं, अनुप्पन्नत्ता च परियुट्ठितोति अवत्तब्बतं दीपेति, न अनुसयपरियुट्ठानानं अज्जत्तं, तस्मा असाधकन्ति।

अज्जो अनुसयोतिकथावण्णना।

## ६. परियुट्ठानं चित्तविप्पयुत्तन्तिकथावण्णना

७०२. इदानीं परियुट्ठानं चित्तविप्पयुत्तन्तिकथा नाम होति। तत्थ यस्मा अनिच्चादितो मनसिकरोतोपि रागादयो उपपज्जन्ति। वुत्तम्पि चेत्तं — “अप्पेकदा, भो भारद्वाज, असुभतो मनसिकरिस्सामीति सुभतोव मनसिकरोती”ति (सं० नि० ४.१२७)। तस्मा परियुट्ठानं चित्तविप्पयुत्तन्ति येसं लद्धि, सेय्यथापि अन्धकानंयेव; ते सन्धाय पुच्छा सकवादस्स, पटिज्जा इतरस्स। सेसमेत्थ उत्तानत्थमेवाति।

परियुट्ठानं चित्तविप्पयुत्तन्तिकथावण्णना।

## ७. परियापन्नकथावण्णना

७०३-७०५. इदानीं परियापन्नकथा नाम होति। तत्थ यस्मा कामरागो कामधातुं अनुसेति, कामधातुपरियापन्नोति च वुच्चति, तस्मा रूरागा रूपरागापि रूपधातुअरूपधातुयो अनुसेन्ति। रूपधातुअरूपधातुपरियापन्नायेव च नाम होन्तीति येसं लद्धि, सेय्यथापि अन्धकानज्जेव सम्मितियानञ्च; ते सन्धाय रूपरागोति पुच्छा

सकवादिसस, पटिज्जा इतरस्स। तत्थ अनुसेतीति यथा कामरागो कामवितक्कसङ्घातं कामधातुं सहजातवसेन अनुसेति, किं ते एवं रूपरागो रूपधातुन्ति पुच्छति। **परियापन्नो**ति यथा च सो तिविधाय कामधातुया किलेसकामवसेन परियापन्नत्ता कामधातुपरियापन्नो, किं ते एवं रूपरागोपि रूपधातुपरियापन्नोति पुच्छति। इतरो पनस्स अधिप्पायं असल्लक्खेन्तो केवलं लद्धिवसेन आमन्ताति पटिजानाति। अथ नं तमतथं सल्लक्खापेतुं कुसलविपाककिरियसङ्घातेहि समापत्तेसियादीहि संसन्दित्वा पुच्छितुं **समापत्तेसियो**तिआदिमाह। सेसमेत्थ यथापाळिमेव निय्याति। **ननु कामरागो**तिआदिवचनम्पि कामरागस्सेव कामधातुयं अनुसयभावं परियापन्नतज्ज दीपेति, न इतरेसं इतरधातूसूति।

परियापन्नकथावण्णना।

## ८. अब्याकतकथावण्णना

७०६-७०८. इदानी अब्याकतकथा नाम होति। तत्थ विपाककिरियरूपनिब्बानसङ्घातं चतुब्बिधं अब्याकतं अविपाकत्ता अब्याकतन्ति वुत्तं। दिट्ठिगतं “सस्सतो लोकोति खो, वच्छ, अब्याकतमेत”न्ति (सं० नि० ४.४१६ थोकं विसदिसं) सस्सतादिभावेन अकथितत्ता। येसं पन इमं विभागं अग्गहेत्वा पुरिमाब्याकतं विय दिट्ठिगतम्पि अब्याकतन्ति लद्धि, सेय्यथापि अन्धकानज्जेव उत्तरापथकानज्ज; तेसं तं विभागं दस्सेतुं **दिट्ठिगतं अब्याकतन्ति** पुच्छा सकवादिसस, पटिज्जा इतरस्स। सेसमेत्थ यथापाळिमेव निय्यातीति।

अब्याकतकथावण्णना।

## ९. अपरियापन्नकथावण्णना

७०९-७१०. इदानी अपरियापन्नकथा नाम होति। तत्थ यस्मा पथुज्जनो ज्ञानलाभी कामेसु वीतरागोति वत्तब्बो होति, न पन विगतदिट्ठिकोति, तस्मा दिट्ठिगतं अपरियापन्नन्ति येसं लद्धि, सेय्यथापि पुब्बसेलियानं; ते सन्धाय पुच्छा सकवादिसस, पटिज्जा इतरस्स। सेसमेत्थ यथापाळिमेव निय्यातीति।

अपरियापन्नकथावण्णना।

चुद्धसमो वग्गो।

## १५. पन्नरसमवग्गो

### १. पच्चयताकथावण्णना

७११-७१७. इदानी पच्चयताकथा नाम होति। तत्थ यो धम्मो हेतुपच्चयेन पच्चयो, सो येसं हेतुपच्चयेन पच्चयो, तेसज्जेव यस्मा आरम्माणान्तरसमनन्तरपच्चयेन पच्चयो न होति, यो वा आरम्भणपच्चयेन पच्चयो, सो यस्मा तेसंयेव अनन्तरसमनन्तरपच्चयेन पच्चयो न होति, तस्मा पच्चयता ववत्थिताति येसं लद्धि, सेय्यथापि महासङ्घिकानं; ते सन्धाय पुच्छा सकवादिसस, पटिज्जा इतरस्स। सेसमेत्थ यथापाळिमेव निय्यातीति।

पच्चयताकथावण्णना।

### २. अज्जमज्जपच्चयकथावण्णना

७१८-७१९. इदानी अज्जमज्जपच्चयकथा नाम होति। तत्थ येसं समये “अविज्जापच्चया सङ्गारा”ति अयमेव तन्ति, “सङ्गारपच्चयापि अविज्जा”ति अयं नत्थि, तस्मा अविज्जाव सङ्गारानं पच्चयो, न पन सङ्गारा अविज्जायाति लद्धि, सेय्यथापि महासङ्घिकानं; ते सन्धाय अविज्जासङ्गारादीनं अज्जमज्जपच्चयतापि अत्थीति दस्सेतुं पुच्छा सकवादिसस, पटिज्जा इतरस्स। **अविज्जा सङ्गारेना**ति एत्थ अपुज्जाभिसङ्गारोव गहितो। तस्मा सङ्गारपच्चयापि अविज्जाति एत्थ सहजातअज्जमज्जअत्थिअविगतसम्पयुत्तवसेन पच्चयता वेदितब्बा। **उपादानपच्चयापि तण्हा**ति एत्थ ठपेत्वा कामुपादानं सेसानि तीणि उपादानानि अविज्जाय सङ्गारा विय तण्हाय पच्चया होन्तीति वेदितब्बानि। सेसं यथापाळिमेव निय्याति। **जरामरणपच्चया**ति पुच्छा परवादिसस, **नामरूपं विज्जाणपच्चया**ति सकवादिससाति।

अज्जमज्जपच्चयकथावण्णना।

### ३. अद्धाकथावण्णना

७२०-७२१. इदानी अद्धाकथा नाम होति। तत्थ “तीणिमानि, भिक्खवे, कथावत्थूनी”ति (अ० नि० ३.६८) सुत्तं निस्साय कालसङ्घातो अद्धा नाम परिनिष्फन्नो अत्थीति येसं लद्धि; तेसं “अद्धा नाम कोचि परिनिष्फन्नो नत्थि अज्जत्र कालपज्जत्तिमत्ता। रूपादयो पन खन्धाव परिनिष्फन्ना”ति विभागं दस्सेतुं **अद्धा परिनिष्फन्नो**ति पुच्छा सकवादिसस, पटिज्जा इतरस्स। अथ नं “सचे सो परिनिष्फन्नो, रूपादीसु अनेन अज्जतरेन भवितब्ब”न्ति चोदेतुं **रूपन्ति**आदिमाह। इतरो पटिक्खपति। सेसं यथापाळिमेव निय्यातीति।

अद्धाकथावण्णना।

### ४. खणलयमुहत्तकथावण्णना



७२२-७२३. खणलयमुहुत्तकथासुपि एसेव नयो । सब्बेपि हेते खणादयो अद्भापरियाया एवाति ।

खणलयमुहुत्तकथावण्णना ।

#### ५. आसवकथावण्णना

७२४-७२५. इदानी आसवकथा नाम होति । तत्थ यस्मा चतूहि आसवेहि उत्तरि अज्जो आसवो नाम नत्थि, येन चत्तारो आसवा सासवा सियुं, तस्मा चत्तारो आसवा अनासवाति येसं लद्धि, सेय्यथापि हेतुवादानं; ते सन्धाय पुच्छा सकवादिस्स, पटिज्जा इतरस्स । अथ नं “यदि ते आसवा अनासवा, एवं सन्ते तेहि मग्गादिलक्खणप्पत्तेहि भवितब्ब”न्ति चोदेतुं मग्गातिआदिमाह । सेसमेत्थ उत्तानत्थमेवाति ।

आसवकथावण्णना ।

#### ६. जरामरणकथावण्णना

७२६-७२७. इदानी जरामरणकथा नाम होति । तत्थ जरामरणं नाम अपरिनिष्फन्नत्ता लोकियन्ति वा लोकुत्तरन्ति वा न वत्तब्बं । “लोकिया धम्मा लोकुत्तरा धम्मा”ति हि दुके जरामरणं नेव लोकियपदे, न लोकुत्तरपदे निहिट्ठं । तत्थ येसं इमं लक्खणं अनादियित्वा लोकुत्तरानं धम्मानं जरामरणं लोकुत्तरन्ति लद्धि, सेय्यथापि महासङ्घिकानं, ते सन्धाय पुच्छा सकवादिस्स, पटिज्जा इतरस्स । सेसमेत्थ यथापाळिमेव निव्यातीति ।

जरामरणकथावण्णना ।

#### ७. सज्जावेदयितकथावण्णना

७२८-७२९. इदानी सज्जावेदयितकथा नाम होति । तत्थ सज्जावेदयितनिरोधसमापत्ति नाम न कोचि धम्मो, चतुन्नं पन खन्धानं निरोधो । इति सा नेव लोकिया न लोकुत्तरा । यस्मा पन लोकिया न होति, तस्मा लोकुत्तराति येसं लद्धि, सेय्यथापि हेतुवादानं; ते सन्धाय पुच्छा सकवादिस्स, पटिज्जा इतरस्स । सेसं पुरिमकथासदिसमेवाति ।

सज्जावेदयितकथावण्णना ।

#### ८. दुतियसज्जावेदयितकथावण्णना

७३०-७३१. इदानी यस्मा सा लोकुत्तरा न होति, तस्मा लोकियाति येसं लद्धि, सेय्यथापि हेतुवादानं, ते सन्धाय पुच्छा सकवादिस्स, पटिज्जा इतरस्स । सेसं पुरिमसदिसमेवाति ।

दुतियसज्जावेदयितकथावण्णना ।

#### ९. ततियसज्जावेदयितकथावण्णना

७३२. इदानी यस्मा “असुको मरणधम्मो, असुको न मरणधम्मो”ति सत्तानं मरणधम्मताय नियामो नत्थीति सज्जावेदयितनिरोधं समापन्नोपि कालं करेय्याति येसं लद्धि, सेय्यथापि राजगिरिकानं; तेसं समापन्नार्थपि मरणधम्मताय मरणसमयज्ज अमरणसमयज्ज दस्सेतुं पुच्छा सकवादिस्स, पटिज्जा इतरस्स । अथ नं यस्मा कालं करोन्तस्स नाम मरणन्तिकेहि फस्सादीहि भवितब्बं, तस्मा तेनाकारेन चोदेतुं अत्थीतिआदिमाह ।

अफस्सकस्स कालकिरियातिआदीनि पुट्ठो सेससत्ते सन्धाय पटिक्खिपति विसं कमेय्यातिआदीनि पुट्ठो समापत्तिआनुभावं सन्धाय पटिक्खिपति । दुतियवारे सरिरपकत्तिं सन्धाय पटिज्जानाति । एवं सन्ते पन समापत्तिआनुभावो नाम न होति, तेनेव न निरोधसमापन्नोति अनुयुज्जति ।

७३३-७३४. न कालं करेय्याति पुच्छा परवादिस्स । अत्थि सो नियामोति परवादिस्स पज्जे पन यस्मा एवरूपो नियामो नाम नत्थि, तस्मा पटिक्खिपति । चक्खुविज्जाणसमङ्गीतिआदि सकवादिना “नियामे असन्तेपि मरणसमयेनेव मरति, नासमयेना”ति दस्सेतुं वुत्तं । तत्रायमधिप्पायो — यदि नियामाभावेन कालकिरिया भवेय्य, चक्खुविज्जाणसमङ्गिनोपि भवेय्य । ततो “पज्जहि विज्जाणेहि न चवति, न उपपज्जती”ति सुत्तविरोधो सिया । यथा पन चक्खुविज्जाणसमङ्गिस्स कालकिरिया न होति, तथा निरोधसमापन्नस्सापीति ।

ततियसज्जावेदयितकथावण्णना ।

#### १०. असज्जसत्तुपिकाकथावण्णना

७३५. इदानी असज्जसत्तुपिकाकथा नाम होति । तत्थ सज्जाविरागवसेन पवत्तभावना असज्जसमापत्तिपि निरोधसमापत्तिपि सज्जावेदयितनिरोधसमापत्ति नाम । इति द्वे सज्जावेदयितनिरोधसमापत्तियो लोकिया च लोकुत्तरा च । तत्थ लोकिया पुथुज्जनस्स असज्जसत्तुपिका होति, लोकुत्तरा अरियानं, सा च नासज्जसत्तुपिका । इमं पन विभागं अकत्वा अविसेसेन सज्जावेदयितनिरोधसमापत्ति असज्जसत्तुपिकाति येसं लद्धि, सेय्यथापि हेतुवादानं; ते सन्धाय पुच्छा सकवादिस्स, पटिज्जा इतरस्स । अथ नं यस्मा असज्जसमापत्तिं समापन्नस्स अलोभादयो अत्थि, न निरोधसमापत्तिं, तस्मा तेसं वसेन चोदेतुं अत्थीतिआदिमाह ।

**७३६. इधापि असञ्जीति** पञ्हे इध सञ्जाविरागवसेन समापन्नता असञ्जिता अनुञ्जाता, **तत्रापि** असञ्जसत्तेनेव । तस्मा इमं पटिञ्जं गहेत्वा लद्धि पतिट्ठपेन्तेन छलेन पतिट्ठापिता होति । इध वा निरोधसमापत्तिं सन्धाय असञ्जिता अनुञ्जाता । तत्रापि इतो चुतस्स अनागामिनो निरोधसमापत्तिमेव तस्मापि इमाय पटिञ्जाय पतिट्ठापिता लद्धि अप्पतिट्ठितायेवाति ।

असञ्जसत्तुपिकाकथावण्णना ।

### ११. कम्मूपचयकथावण्णना

**७३७.** इदानि कम्मूपचयकथा नाम होति । तत्थ येसं कम्मूपचयो नाम कम्मतो अञ्जो चित्तविप्पयुत्तो अब्बाकतो अनारम्मणोति लद्धि, सेय्यथापि अन्धकानञ्चेव सम्मितियानञ्च; ते सन्धाय **अञ्जं कम्मन्ति** पुच्छा सकवादस्स, पटिञ्जा इतरस्स । अथ नं “यदि कम्मतो अञ्जो कम्मूपचयो, फस्सादितोपि अञ्जेन फस्सूपचयादिना भवितव्व”न्ति चोदेतुं **अञ्जो फस्सो**तिआदिमाह । इतरो लद्धिया अभावेन पटिक्खपति ।

**७३८-७३९. कम्मेन सहजातोति** पञ्हेसु चित्तविप्पयुत्तं सन्धाय पटिक्खपति, चित्तसम्पयुत्तं सन्धाय पटिजानाति । **कुसलो**ति पञ्हेसुपि चित्तविप्पयुत्तं सन्धाय पटिजानाति । परतो **अकुसलो**तिपञ्हेसुपि एसेव नयो ।

**७४०. सारम्मणोति** पुट्ठो पन एकन्तं अनारम्मणमेव इच्छति, तस्मा पटिक्खपति । **चित्तं भिज्जमानन्ति** यदा चित्तं भिज्जमानं होति, तदा कम्मं भिज्जतीति अत्थो । भुम्मत्थे वा पच्चत्तं, चित्ते भिज्जमानेति अत्थो । अयमेव वा पाठो । तत्थ यस्मा सम्पयुत्तो भिज्जति, विप्पयुत्तो न भिज्जति, तस्मा पटिजानाति चेव पटिक्खपति च ।

**७४१. कम्महि कम्मूपचयो**ति कम्मे सति कम्मूपचयो, कम्मे वा पतिट्ठिते कम्मूपचयो, कम्मूपचयतोव विपाको निब्बत्तति । तस्मिं पन कम्मे निरुद्धे याव अंकुरुप्पादा बीजं विय याव विपाकुप्पादा कम्मूपचयो तिट्ठतीतिस्स लद्धि, तस्मा पटिजानाति । **तञ्जेव कम्मं, सो कम्मूपचयो, सो कम्मविपाको**ति यस्मा कम्महि कम्मूपचयो, सो च याव विपाकुप्पादा तिट्ठतीतिस्स लद्धि, तस्मा नं तेसं तिण्णम्मि एकत्तं पुच्छति **विपाको सारम्मणोति** इदं विपाको विय विपाकधम्मधम्मोपि आरम्मणपटिबद्धोयेवाति चोदनत्थं पुच्छति । इतरो पन लद्धिवसेनेकं पटिजानाति, एकं पटिक्खपति । पटिलोमेपि एसेव नयो । सेसमेत्थ यथापाळिमेव निर्यातीति ।

कम्मूपचयकथावण्णना ।

पन्नरसमो वग्गो ।

ततियपण्णासको समत्तो ।

## १६. सोळसमवग्गो

### १. निग्गहकथावण्णना

**७४३-७४४.** इदानि निग्गहकथा नाम होति । तत्थ ये लोके बलप्पत्ता वसीभूता, ते यदि परस्स चित्तं निग्गण्हितुं न सक्कुण्ण्युं, का तेसं बलप्पत्ति, को वसीभावो । बलप्पत्तिया पन वसीभावेन च अद्धा ते परस्स चित्तं निग्गण्हन्तीति येसं लद्धि, सेय्यथापि महासङ्घिकानं; ते सन्धाय **परो परस्साति** पुच्छा सकवादस्स, पटिञ्जा इतरस्स । तत्थ **निग्गण्हातीति** संकिलेसापत्तितो निवारेति । सेसमेत्थ यथापाळिमेव निर्यातीति । पग्गहकथायपि एसेव नयो ।

निग्गहकथावण्णना ।

### ३. सुखानुप्पदानकथावण्णना

**७४७-७४८.** इदानि सुखानुप्पदानकथा नाम होति । तत्थ “बहून् वत नो भगवा सुखधम्मानं उपहत्ता”ति (म० नि० २.१४८) सुत्तं निस्साय परो परस्स सुखं अनुप्पदेतीति येसं लद्धि, सेय्यथापि हेतुवादानं; ते सन्धाय पुच्छा सकवादस्स, पटिञ्जा इतरस्स । **दुक्खं अनुप्पदेतीति** पुट्ठो पन तादिसं सुत्तपदं अपस्सन्तो पटिक्खपति । **अत्तनो सुखन्ति**आदिपञ्हे यं अत्तनो परस्स वा, तं अनुप्पदातुं न सक्का । यं तस्सेव, किं तत्थ अनुप्पदानं नामाति पटिक्खपति । **नेवत्तनो**तिआदिपञ्हे पन यं एवरूपं, न तं अनुप्पदिन्नं नाम भवितुमरहतीति लद्धियापटिजानाति । **नो च वत** रेततादिसस्स सुखस्स अभावा वुत्तं । **सुखधम्मानं उपहत्ता**तिवचनं भगवतो परेसं सुखुप्पत्तिया पच्चयभावं दीपेति, न अन्नादीनं विय सुखस्स अनुप्पदानं, तस्मा असाधकन्ति ।

सुखानुप्पदानकथावण्णना ।

### ४. अधिगहमनसिकारकथावण्णना

**७४९-७५३.** इदानि अधिगह मनसिकारकथा नाम होति । तत्थ दुविधो मनसिकारो नयतो च आरम्मणतो च । तत्थ एकसङ्गारस्सापि अनिच्चताय दिट्ठाय सब्बे सङ्गारा अनिच्चाति अवसेसेसु नयतो मनसिकारो होति । अतीते पन सङ्गारे मनसिकरोन्तो न अनागते मनसिकातुं सक्कोति । अतीतादीसु अञ्जतरं मनसिकरोतो आरम्मणतो मनसिकारो होति । तत्थ पच्चुप्पन्ने मनसिकरोन्तो येन चित्तेन ते मनसिकरोति, तं पच्चुप्पन्नक्खणे मनसिकातुं न सक्कोति । तत्थ येसं “सब्बे सङ्गारा अनिच्चा”तिआदिवचनं निस्साय “मनसिकरोन्तो नाम अधिगह अधिगण्हित्वा सङ्गण्हित्वा सब्बे सङ्गारे एकतो मनसिकरोती”ति लद्धि, सेय्यथापि पुब्बसेलियापरसेलियानं; ते सन्धाय पुच्छा

सकवादिस्स, पटिञ्जा इतरस्स ।

अथ नं यस्मा सब्बे एकतो मनसिकरोन्तेन येन चित्तेन ते मनसिकरोति, तम्पि मनसिकातब्बं होति । तस्मा तंचित्ताय चोदेतुं तेन चित्तेनाति आह । इतरो आरम्भणं कत्वा न सकका जानितुन्ति सन्धाय पटिक्खिपति । एवंलक्खणं चित्तन्ति जातत्ता पन तम्पि चित्तं जातमेव होतीति सन्धाय पटिजानाति । अथ वा तज्जेव तस्स आरम्भणं न होतीति पटिक्खिपति । “सब्बे सङ्खारा अनिच्चा, यदा पञ्जाय पस्सती”तिआदीनि निस्साय उप्पन्नलद्धिवसेन पटिजानाति । सेसपज्जद्वयेपि एसेव नयो । तेन फस्सेनातिआदीसु पन तथारूपं सुत्तं अपस्सन्तो पटिक्खिपतेव । अतीतादिपज्जेसु हेट्ठा वुत्तनयेनेव पटिक्खेपपटिञ्जा वेदितब्बा । सेसं यथापाळिमेव निव्यातीति । सब्बे सङ्खारातिआदिवचनं नयतो दस्सनं सन्धाय वुत्तं, न एकक्खणे आरम्भणतो, तस्मा असाधकन्ति ।

अधिगह्मनसिकारकथावण्णना ।

#### ५. रूपं हेतूतिकथावण्णना

७५४-७५६. इदानीं रूपं हेतूति कथानाम होति । तत्थ हेतूति कुसलमूलादिनो हेतुहेतुस्सापि नामं, यस्स कस्सचि पच्चयस्सापि । इमं पन विभागं अकत्वा “चत्तारो महाभूता हेतू”ति वचनमत्तं निस्साय अविसेसेनेव रूपं हेतूति येसं लद्धि, सेय्यथापि उत्तरापथकानं; ते सन्धाय पुच्छा सकवादिस्स, पटिञ्जा इतरस्स । अलोभो हेतूति किं ते रूपं अलोभसङ्घातो हेतूति पुच्छति, इतरो पटिक्खिपति । सेसेसुपि एसेव नयो । महाभूता उपादायरूपानं उपादायहेतूति एत्थ पच्चयट्ठेन हेतुभावो वुत्तो, न मूलट्ठेन, तस्मा असाधकन्ति ।

रूपं हेतूतिकथावण्णना ।

७५७-७५९. सहेतुककथायम्पि इमिनाव नयेन अत्थो वेदितब्बोति ।

रूपं सहेतुकन्तिकथावण्णना ।

#### ७. रूपं कुसलाकुसलन्तिकथावण्णना

७६०-७६४. इदानीं रूपं कुसलाकुसलन्तिकथा नाम होति । तत्थ “कायकम्मं वचीकम्मं कुसलम्पि अकुसलम्पी”तिवचनं निस्साय कायवचीकम्मसङ्घातं कायविज्जत्तिवचीविज्जत्तिरूपं कुसलम्पि अकुसलम्पीति येसं लद्धि, सेय्यथापि महिसासकानज्जेव सम्मितियानज्ज; ते सन्धाय रूपं कुसलन्ति पुच्छा सकवादिस्स पटिञ्जा इतरस्स । अथ नं “यदि ते रूपं कुसलं, एवंविधेन अनेन भवितब्ब”न्ति चोदेतुं सारम्मणन्ति आदिमाह । परतो अकुसलपज्जेपि एसेव नयो । सेसमेत्थ उत्तानत्थमेवाति ।

रूपं कुसलाकुसलन्तिकथावण्णना ।

#### ८. रूपं विपाकोतिकथावण्णना

७६५-७६७. इदानीं रूपं विपाकोतिकथा नाम होति । तत्थ यं कम्मस्स कतत्ता उप्पन्ना चित्तचेतसिका विय कम्मस्स कतत्ता उप्पन्नं तं रूपम्पि विपाकोति येसं लद्धि, सेय्यथापि अन्धकानज्जेव सम्मितियानज्ज; ते सन्धाय पुच्छा सकवादिस्स, पटिञ्जा इतरस्स । अथ नं “यदि ते रूपं विपाको, एवंविधेन अनेन भवितब्ब”न्ति चोदेतुं सुखवेदनीयन्तिआदिमाह । सेसं यथापाळिमेव निव्यातीति ।

रूपं विपाकोतिकथावण्णना ।

#### ९. रूपं रूपावचरारूपावचरन्तिकथावण्णना

७६८-७७०. इदानीं रूपं रूपावचरारूपावचरन्तिकथा नाम होति । तत्थ यं कामावचरकम्मस्स कतत्ता रूपं, तं यस्मा कामावचरं, तस्मा रूपावचरारूपावचरकम्मानम्पि कतत्ता रूपेन रूपावचरारूपावचरेन भवितब्बन्ति येसं लद्धि, सेय्यथापि अन्धकानं; ते सन्धाय अत्थि रूपं रूपावचरारूपावचरन्ति पुच्छा सकवादिस्स, पटिञ्जा इतरस्स । सेसमेत्थ हेट्ठा वुत्तनयेवाति ।

रूपं रूपावचरारूपावचरन्तिकथावण्णना ।

#### १०. रूपारूपधातुपरियापन्नकथावण्णना

७७१-७७५. इदानीं रूपरागो रूपधातुपरियापन्नो अरूपरागो अरूपधातुपरियापन्नोति कथा नाम होति । तत्थ यस्मा कामरागो कामधातुपरियापन्नो, तस्मा रूपरागारूपरागोहिपि रूपधातुअरूपधातुपरियापन्नोहि भवितब्बन्ति येसं लद्धि, सेय्यथापि अन्धकानं, ते सन्धाय पुच्छा सकवादिस्स, पटिञ्जा इतरस्स । सेसं हेट्ठा वुत्तनयेनेव वेदितब्बं । केवलज्झि तत्थ “रूपधातुं अनुसेति, अरूपधातुं अनुसेती”ति पदं विसेसो । सा च लद्धि अन्धकानज्जेव सम्मितियानज्ज । अयं अन्धकानयेवाति ।

रूपरागो रूपधातुपरियापन्नो अरूपरागो अरूपधातुपरियापन्नोतिकथावण्णना ।

रूपारूपधातुपरियापन्नकथावण्णना ।

सोळसमो वगो।

## १७. सत्तरसमवगो

### १. अत्थि अरहतो पुञ्जूपचयकथावण्णना

७७६-७७९. इदानी अत्थि अरहतो पुञ्जूपचयोतिकथा नाम होति। तत्थ येसं अरहतो दानसंविभागचेतियवन्दनादीनि कम्मानि दिस्वा अत्थि अरहतो पुञ्जूपचयोति लद्धि, सेय्यथापि अन्धकानं; ते सन्धाय पुच्छा सकवादिसस, पटिज्जा इतरस्स। अथ नं “अरहा नाम पहीनपुञ्जपापो, सो यदि पुज्जं करेय्य, पापम्पि करेय्या”ति चोदेतुं **अपुञ्जूपचयोति** आह। इतरो पाणातिपातादिकिरियं अपस्सन्तो पटिक्खिपति। **पुज्जाभिसङ्गारन्ति**आदीसु भवगामिकम्मं अरहतो नत्थीति पटिक्खिपति। **दानं ददेय्या**तिआदीसु किरियचित्तेन दानादिपवत्तिसम्भावतो सकवादी पटिजानाति। इतरो चित्तं अनादियित्वा किरियापवत्तिमत्तदस्सनेनेव लद्धि पटिटुपेति। सा पन अयोनिस्सो पटिद्वापितत्ता अप्पटिद्वापिता होतीति।

अत्थि अरहतो पुञ्जूपचयोतिकथावण्णना।

### २. नत्थि अरहतो अकालमच्चूतिकथावण्णना

७८०. इदानी नत्थि अरहतो अकालमच्चूतिकथा नाम होति। तत्थ “नाहं, भिक्खवे, सञ्चेतनिकानं कम्मानं कतानं उपचितानं अपटिसंवेदित्वा ब्यन्तीभावं वदामी”ति (अ० नि० १०.२१७) सुत्तस्स अत्थं अयोनिस्सो गहेत्वा “अरहता नाम सब्बकम्मविपाकं पटिसंवेदयित्वा परिनिब्बायितव्वं, तस्मा नत्थि, अरहतो अकालमच्चू”ति येसं लद्धि, सेय्यथापि राजगिरिकानञ्चेव सिद्धत्थिकानञ्च; ते सन्धाय पुच्छा सकवादिसस, पटिज्जा इतरस्स। अथ नं “सचे तस्स नत्थि अकालमच्चू, अरहन्तघातकेन नाम न भवितव्व”न्ति चोदेतुं **नत्थि अरहन्तघातकोति** आह। इतरो आनन्तरियकम्मस्स चेव तादिसानञ्च पुग्गलानं सम्भावतो पटिक्खिपति।

७८१. विसं न कमेय्याति पजे “याव पुब्बे कतकम्मं परिकख्यं न गच्छति, ताव न कमती”ति लद्धिया पटिक्खिपति। सेसमेत्थ यथापाळिमेव निर्याति।

७८२. नाहं, भिक्खवेति सुत्तं इदं सन्धाय वुत्तं — सञ्चेतनिकानं कम्मानं कतानं विपाकं अपटिसंवेदित्वा अविन्दित्वा अननुभवित्वा ब्यन्तीभावं तेसं कम्मानं परिवट्टमपरिच्छिन्नभावं न वदामि, तञ्च खो दिट्ठधम्मवेदनीयानं दिट्ठेव धम्मे, न ततो परं, उपपज्जवेदनीयानं अनन्तरं उपपत्तिं उपपज्जित्वाव न ततो परं, अपरापरियवेदनीयानं यदा विपाकोकासं लभन्ति, तथारूपे अपरापरे वा परियाये। एवं सब्बथापि संसारपवत्ते सति लद्धविपाकवारे कम्मे न विज्जतेसो जगतिप्पदेसो, यत्थड्डितो मुच्चेय्य पापकम्माति। एवं सन्ते यदेतं “अलद्धविपाकवारम्पि कम्मं अवस्सं अरहतो पटिसंवेदितव्व”न्ति कप्पनावसेन “नत्थि अरहतो अकालमच्चू”ति लद्धिपटिद्वापनं कतं, तं दुक्कटमेवाति।

नत्थि अरहतो अकालमच्चूतिकथावण्णना।

### ३. सब्बमिदं कम्मतोतिकथावण्णना

७८३. इदानी सब्बमिदं कम्मतोतिकथा नाम होति। तत्थ “कम्मुना वत्तति लोको”ति सुत्तं निस्साय “सब्बमिदं कम्मकिलेसविपाकवट्टं कम्मतोव होती”ति येसं लद्धि, सेय्यथापि राजगिरिकानञ्चेव सिद्धत्थिकानञ्च; ते सन्धाय **सब्बमिदन्ति** पुच्छा सकवादिसस, पटिज्जा इतरस्स। अथ नं “एवं सन्ते कम्मम्पि कम्मतो आपज्जती”ति चोदेतुं **कम्मम्पि कम्मतोति** आह। इतरो यदि कम्मम्पि कम्मतोव नाम तं कम्मं विपाकोयेव सियाति पटिक्खिपति। **पुब्बेकतहेतूति** “यदि सब्बमिदं कम्मतो, पुब्बेकतहेतुना तेन भवितव्व”न्ति चोदेतुं पुच्छति, इतरो पुब्बेकतहेतुवादभयेन पटिक्खिपति।

७८४. **कम्मविपाकतोति** “यदि सब्बमिदं कम्मतो, यं अतीतभवे पवत्तस्स हेतुभूतं कम्मं, तम्पि पुरिमतरे भवे कम्मतोति कम्मविपाको सम्पज्जति, तेन ते सब्बमिदं कम्मविपाकतो आपज्जती”ति चोदेतुं पुच्छति। इतरो बीजतो अंकुरस्सेव पच्चुप्पन्नपवत्तस्स कम्मतो निब्बन्ति सन्धाय पटिक्खिपति। दुतियं पुट्ठो तस्सापि कम्मस्स बीजस्स पुरिमबीजतो विय पुरिमकम्मतो पवत्तत्ता पटिजानाति। **पाणं हनेय्या**तिआदि “यदि सब्बं कम्मविपाकतो, पाणातिपातादीनि कम्मविपाकेनेव करेय्या”ति चोदेतुं वुत्तं। इतरो दुस्सील्यचेतनापि पुरिमकम्मनिब्बत्ता एकेन परियायेन विपाकोयेवाति लद्धिया पटिजानाति। अथ नं “यदि ते पाणातिपातो कम्मविपाकतो निब्बत्तति, पाणातिपातो विय विपाकोपि सफलो आपज्जती”ति चोदेतुं **सफलोति** आह। इतरो पाणातिपातस्स निरयसंवत्तनिकादिभावतो सफलतं पस्सन्तो पटिजानाति। कम्मविपाकस्स पन इदं नाम फलन्ति वुत्तद्धानं अपस्सन्तो पटिक्खिपति। अदिन्नादानादीसुपि एसेव नयो। **गिलानपच्चयभेसज्जपरिक्खारो सफलोति** देय्यधम्मवसेन दानफलं पुच्छति। **कम्मुना वत्ततीति** सुत्तं “नत्थि कम्म”न्ति अकम्मवादितं पटिक्खिपित्वा “अत्थि कम्म”न्ति कम्मवादितं कम्मस्सकतं दीपेति। न सब्बस्सेव कम्मतो निब्बन्ति, तस्मा असाधकन्ति।

सब्बमिदं कम्मतोतिकथावण्णना।

### ४. इन्द्रियबद्धकथावण्णना

७८६-७८७. इदानी इन्द्रियबद्धकथा नाम होति। तत्थ दुविधं दुक्खं — इन्द्रियबद्धं, अनिन्द्रियबद्धञ्च। इन्द्रियबद्धं दुक्खवत्थुताय दुक्खं, अनिन्द्रियबद्धं उदयब्यपटिपीठनट्टेन “यदनिच्चं तं दुक्खं”न्ति सङ्गहितत्ता दुक्खं। इमं विभागं अगगहेत्वा “यस्स परिज्जाय भगवति ब्रह्मचरियं वुस्सति, तं इन्द्रियबद्धमेव दुक्खं, न इतर”न्ति येसं लद्धि, सेय्यथापि हेतुवादानं, तेसं इतरस्सापि दुक्खभावं दस्सेतुं **इन्द्रियबद्धञ्जेवाति** पुच्छा सकवादिसस, पटिज्जा इतरस्स। अथ नं “यस्मा भगवता ‘यदनिच्चं तं दुक्खं’न्ति वुत्तं, तस्मा इन्द्रियबद्धेनेव तेन अनिच्चेन भवितव्व”न्ति चोदेतुं **इन्द्रियबद्धञ्जेव अनिच्चन्ति**आदिमाह। ननु **अनिन्द्रियबद्धं अनिच्चन्ति** ननु पथवीपब्बतपासाणादि अनिन्द्रियबद्धम्पि अनिच्चन्ति अत्थो।

**७८८. न वत्तब्बं इन्द्रियबद्धञ्चेव दुक्खन्ति** पञ्हे आमन्ताति पटिञ्जा सकवादिस्स। अनिन्द्रियबद्धञ्चि दुक्खदोमनस्सानं आरम्मणं होति। उण्हकालस्मिञ्चि अग्गि सीतकाले च वातो दुक्खस्स आरम्मणं, निच्चम्पि भोगविनासादयो दोमनस्सस्स। तस्मा विनापि अनिच्चद्वेन अनिन्द्रियबद्धं दुक्खन्ति वत्तब्बं। कम्मकिलेसेहि पन अनिब्बत्तता दुक्खं अरियसच्चन्ति न वत्तब्बं, तथा मग्गेन अपरिञ्जेय्यत्ता। यस्मा पन तिणकट्टादिनिरोधो वा उतुबीजादिनिरोधो वा दुक्खनिरोधं अरियसच्चं नाम न होति, तस्मा इन्द्रियबद्धं दुक्खञ्चेव अरियसच्चञ्च, इतरं पन दुक्खमेवाति इदं नानत्तं दस्सेतुं पटिजानाति। **यथा इन्द्रियबद्धस्साति** आदिवचनं इन्द्रियबद्धस्स परिञ्जाय ब्रह्मचरियवासं परिञ्जातस्स पुन अनुपत्तिं दीपेति। तेनेवेत्थ सकवादिना पटिक्खेपो कतो। “यदनिच्चं तं दुक्खं”न्ति वचनेन पन सङ्गहितस्स अनिन्द्रियबद्धस्स दुक्खभावं पटिसेधेतुं न सकवाति, तस्मा असाधकन्ति।

इन्द्रियबद्धकथावण्णना।

#### ५. ठपेत्वा अरियमग्गन्तिकथावण्णना

**७८९-७९०.** इदानीं ठपेत्वा अरियमग्गन्तिकथा नाम होति। तत्थ “यस्मा अरियमग्गे ‘दुक्खनिरोधगामिनिपटिपदा’ति वुत्तो, तस्मा ठपेत्वा अरियमग्गं अवसेसा सङ्गारा दुक्खा”ति येसं लद्धि, सेय्यथापि हेतुवादानं; ते सन्थाय पुच्छा सकवादिस्स, पटिञ्जा इतरस्स। अथ नं “यदि एवं समुदयस्सापि दुक्खभावो आपज्जती”ति चोदेतुं **दुक्खसमुदयोपीति** आह। इतरो हेतुलक्खणं सन्थाय पटिक्खिपति। पुन पुट्टो पवत्तपरियापन्नभावं सन्थाय पटिजानाति। **तीणेवाति** पञ्हेसु सुत्तविरोधभयेन पटिक्खिपति, लद्धिवसेन पटिजानाति। सेसमेत्थ उत्तानत्थमेवाति।

ठपेत्वा अरियमग्गन्तिकथावण्णना।

#### ६. न वत्तब्बं सङ्खो दक्खिणं पटिग्गणहातीतिकथावण्णना

**७९१-७९२.** इदानीं न वत्तब्बं सङ्खो दक्खिणं पटिग्गणहातीतिकथा नाम होति। तत्थ “परमत्थतो मग्गफलानेव सङ्खो, मग्गफलेहि अञ्जो सङ्खो नाम नत्थि, मग्गफलानि च न किञ्चि पटिग्गणहन्ति, तस्मा न वत्तब्बं सङ्खो दक्खिणं पटिग्गणहाती”ति येसं लद्धि, सेय्यथापि एतरहि महापुञ्जवादीसङ्गातानं वेतुल्लकानं; ते सन्थाय **न वत्तब्बन्ति** पुच्छा सकवादिस्स, पटिञ्जा इतरस्स। अथ नं “यदि सङ्खो न पटिग्गणहेय्य, न नं सत्था आहुनेय्यातिआदीहि थोमेय्या”ति चोदेतुं **ननु सङ्खो आहुनेय्योति** आदिमाह। **सङ्खस्स दानं देन्तीति** “ये ते सङ्खस्स देन्ति, ते पटिग्गाहकेसु असति कस्स ददेय्यु”न्ति चोदनत्थं वुत्तं। **आहुतिं जातवेदो वाति** सुत्तं परसमयतो आगतं। तत्थ **महामेघन्ति** मेघवुट्ठिं सन्थाय वुत्तं। वुट्ठिञ्चि मेदनी पटिग्गणहाति, न मेघमेव। मग्गे पटिग्गणहातीति “मग्गफलानि सङ्खो”ति लद्धिया वदति, न च मग्गफलानेव सङ्खो। मग्गफलपातुभावपरिसुद्धे पन खन्धे उपादाय पञ्जत्ता अट्ट पुग्गला सङ्खो, तस्मा असाधकमेतन्ति।

न वत्तब्बं सङ्खो दक्खिणं पटिग्गणहातीतिकथावण्णना।

#### ७. न वत्तब्बं सङ्खो दक्खिणं विसोधेतीतिकथावण्णना

**७९३-७९४.** इदानीं न वत्तब्बं सङ्खो दक्खिणं विसोधेतीतिकथा नाम होति। तत्थ “मग्गफलानेव सङ्खो नाम, न च तानि दक्खिणं विसोधेतुं सककोन्ति, तस्मा न वत्तब्बं सङ्खो दक्खिणं विसोधेती”ति येसं लद्धि, सेय्यथापि तेसञ्जेव; ते सन्थाय पुच्छा सकवादिस्स, पटिञ्जा इतरस्स। **आहुनेय्योति** आदि “यदि सङ्खो दक्खिणं विसोधेतुं न सककुणेय्य, न नं सत्था एवं थोमेय्या”ति दस्सनत्थं वुत्तं। **विसोधेतीति** महफलं करोति। सङ्खस्मिञ्चि अपं दिन्नं बहु होति, बहु दिन्नं बहुतरं। **दक्खिणेय्याति** दक्खिणारहा दक्खिणाय अनुच्छविका, दक्खिणं विसोधेतुं समत्थाति अत्थो। **दक्खिणं आराधेन्तीति** सम्पादेन्ति, अप्पमत्तिकायपि दक्खिणाय महन्तं फलं पापुणन्तीति अत्थो। सेसं हेट्टा वुत्तनयमेवाति।

न वत्तब्बं सङ्खो दक्खिणं विसोधेतीतिकथावण्णना।

#### ८. न वत्तब्बं सङ्खो भुज्जतीतिकथावण्णना

**७९५-७९६.** इदानीं न वत्तब्बं सङ्खो भुज्जतीतिकथा नाम होति। तत्रापि “मग्गफलानेव सङ्खो नाम, न च तानि किञ्चि भुज्जन्ति, तस्मा न वत्तब्बं सङ्खो भुज्जति, पिवति, खादति, सायती”ति येसं लद्धि, सेय्यथापि तेसंयेव; ते सन्थाय पुच्छा सकवादिस्स, पटिञ्जा इतरस्स। अथ नं “यदि सङ्खो न भुज्जेय्य, सङ्खभत्तादिकरणं निरत्थकं भवेय्या”ति चोदेतुं **ननु अत्थि केचि सङ्खभत्तानि करोन्तीति** आदिमाह। **गणभोजनन्ति** आदि “यदि सङ्खो न भुज्जेय्य, कस्स गणभोजनादीनि सियु”न्ति चोदनत्थं वुत्तं। **अट्ट पानानीति** इदम्पि “यदि सङ्खो न पिवेय्य, कस्सेतानि पानानि सत्था अनुजानेय्या”ति चोदनत्थं वुत्तं। सेसमिधापि हेट्टा वुत्तनयेनेव वेदितव्वन्ति।

न वत्तब्बं सङ्खो भुज्जतीतिकथावण्णना।

#### ९. न वत्तब्बं सङ्खस्स दिन्नं महफलन्तिकथावण्णना

**७९७-७९८.** इदानीं न वत्तब्बं सङ्खस्स दिन्नं महफलन्तिकथा नाम होति। तत्रापि “मग्गफलानेव सङ्खो नाम, न च सकका तेसं किञ्चि दातुं, न च तेहि पटिग्गणितुं, नापि तेसं दानेन कोचि उपकारो इज्जति, तस्मा न वत्तब्बं सङ्खस्स दिन्नं महफलं”न्ति येसं लद्धि, सेय्यथापि तेसंयेव; ते सन्थाय पुच्छा सकवादिस्स, पटिञ्जा इतरस्स। **आहुनेय्योति** आदि “यदि सङ्खस्स दिन्नं महफलं न भवेय्य, न नं सत्था एवं थोमेय्या”ति दस्सनत्थं वुत्तं। सेसं यथापाळिमेव निव्यातीति।

न वत्तब्बं सङ्खस्स दिन्नं महफलन्तिकथावण्णना।

## १०. न वत्तब्बं बुद्धस्स दिन्नं महप्फलन्तिकथावण्णना

७९९. इदानीं न वत्तब्बं बुद्धस्स दिन्नं महप्फलन्तिकथा नाम होति । तत्थ “बुद्धो भगवा न किञ्चि परिभुज्जति, लोकानुवत्तनत्थं पन परिभुज्जमानं विय अत्तानं दस्सेति, तस्मा निरुपकारत्ता न वत्तब्बं तस्मिं दिन्नं महप्फलं”न्ति येसं लद्धि, सेय्यथापि तेसंयेव; ते सन्धाय पुच्छा सकवादिस्स, पटिज्जा इतरस्स । **द्विपदानं अग्गोति**आदि “मनुस्सदुस्सीलेपि दानं सहस्सगुणं होति, किमङ्गं पन एवरूपे अग्गपुग्गले”ति दस्सनत्थं वुत्तं । सेसमेत्थ यथापाळिमेव निव्यातीति ।

न वत्तब्बं बुद्धस्स दिन्नं महप्फलन्तिकथावण्णना ।

## ११. दक्खिणाविसुद्धिकथावण्णना

८००-८०१. इदानीं दक्खिणाविसुद्धिकथा नाम होति । तत्थ “यदि पटिग्गाहकतो दक्खिणा विसुज्जेय्य, महप्फला भवेय्य । दायकेन दानं दिन्नं, पटिग्गाहकेन विपाको निब्बत्तितोति अज्जो अज्जस्स कारको भवेय्य, परंकत्तं सुखदुक्खं आपज्जेय्य, अज्जो करेय्य, अज्जो पटिसंवेदेय्य । तस्मा दायकतोव दानं विसुज्जति, नो पटिग्गाहकतो, दायकस्सेव चित्तविसुद्धि विपाकदायिका होती”ति येसं लद्धि, सेय्यथापि उत्तरापथकानं; ते सन्धाय पुच्छा सकवादिस्स, पटिज्जा इतरस्स । **आहुनेय्याति**आदि “यदि पटिग्गाहकतो दानं न विसुज्जेय्य, किमस्स आहुनेय्यादिभावो करेय्या”ति दस्सनत्थं वुत्तं । **अज्जो अज्जस्स कारको**ति यदि दायकस्स दानचेतना पटिग्गाहकेन कता भवेय्य, युत्तरूपं सिया । तस्स पन दानचेतना परिसुद्धा पटिग्गाहकसङ्घातं वत्थुं पटिच्च महाविपाकट्टेन विसुज्जति, तस्मा अचोदना एसा “पटिग्गाहकतो दानं विसुज्जती”ति ।

दक्खिणाविसुद्धिकथावण्णना ।

सत्तरसमो वग्गो ।

## १८. अट्टारसमवग्गो

### १. मनुस्सलोककथावण्णना

८०२-८०३. इदानीं मनुस्सलोककथा नाम होति । तत्थ “तथागतो लोके, जातो लोके संवड्ढो, लोकं अभिभुय्य विहरति अनुपलित्तो लोकेना”ति (सं० नि० ३.९४) सुत्तं अयोनिंसो गहेत्वा “भगवा तुसितभवने निब्बत्तो तत्थेव वसति, न मनुस्सलोकं आगच्छति, निम्मितरूपमत्तकं पनेत्थ दस्सेती”ति येसं लद्धि, सेय्यथापि एतरहि वेतुल्लकानंयेव, ते सन्धाय पुच्छा सकवादिस्स, पटिज्जा इतरस्स । अथ नं पुट्टोकासेन चेव सुत्तसाधनेन च सज्जापेतुं **ननु अत्थीति**आदिमाह । **लोके जातो**ति परवादी तुसितपुरं सन्धाय वदति । सत्थारा पनेतं मनुस्सलोकज्जेव सन्धाय लोकं वुत्तं । **लोकं अभिभुय्याति** परवादी मनुस्सलोकं अभिभवित्वाति दिट्ठिया वदति, सत्था पन आरम्मणलोकं अभिभवित्वा विहासि । **अनुपलित्तो लोकेना**ति परवादी मनुस्सलोकेन अनुपलित्ततं सन्धाय वदति, सत्था पन लोकधम्मेषु किलेसेहि अनुपलित्तो विहासि । तस्मा असाधकमेतन्ति ।

मनुस्सलोककथावण्णना ।

### २. धम्मदेसनाकथावण्णना

८०४-८०६. इदानीं धम्मदेसनाकथा नाम होति । तत्थ “तुसितपुरे ठितो भगवा धम्मदेसनत्थाय अभिनिम्मितं पेसेसि, तेन चेव तस्स च देसनं सम्पटिच्छित्वा आयस्मता आनन्देन धम्मो देसितो, न बुद्धेन भगवता”ति येसं लद्धि, सेय्यथापि वेतुल्लकानज्जेव; ते सन्धाय पुच्छा सकवादिस्स, पटिज्जा इतरस्स । अथ नं “यदि तेन धम्मो देसितो, स्वेव सत्था भवेय्या”ति चोदेतुं **अभिनिम्मितो जिनो**तिआदिमाह । इतरो तथा असम्पटिच्छन्तो पटिक्खिपति । सेसमेत्थ उत्तानत्थमेवाति ।

धम्मदेसनाकथावण्णना ।

### ३. करुणाकथावण्णना

८०७-८०८. इदानीं करुणाकथा नाम होति । तत्थ पियायितानं वत्थूनं विपत्तिया सरागानं रागवसेन करुणापतिरूपिकं पवत्ति दिस्वा “रागोव करुणा नाम, सो च भगवतो नत्थि, तस्मा नत्थि बुद्धस्स भगवतो करुणा”ति येसं लद्धि, सेय्यथापि उत्तरापथकानं; ते सन्धाय पुच्छा सकवादिस्स, पटिज्जा इतरस्स । अथ नं “करुणा नामेसा निक्किलेसताय चेव सत्तारम्मणताय च चेतोविमुत्तिताय च एकादसानिंसंसाय च मेत्तादीहि समानजातिका, तस्मा यदि भगवतो करुणा नत्थि, मेत्तादयोपिस्स न सियु”न्ति चोदनत्थं **नत्थि बुद्धस्स भगवतो मेत्ता**तिआदिमाह । **आकारुणिको**ति पज्जे तथारूपं वोहारं अपस्सन्तो पटिक्खिपति । सेसमेत्थ उत्तानत्थमेवाति ।

करुणाकथावण्णना ।

### ४. गन्धजातकथावण्णना

८०९. इदानीं गन्धजातकथा नाम होति । तत्थ येसं बुद्धे भगवति अयोनिंसो पेमवसेन “भगवतो उच्चारपस्सावो अज्जे गन्धजाते अतिविय अधिगण्हाति, नत्थि ततो च सुगन्धतरं गन्धजातं”न्ति लद्धि, सेय्यथापि एकच्चानं अन्धकानज्जेव उत्तरापथकानज्ज; ते सन्धाय पुच्छा सकवादिस्स, पटिज्जा इतरस्स । सेसमेत्थ यथापाळिमेव निव्यातीति ।

गन्धजातकथावण्णना ।

#### ५. एकमगकथावण्णना

८१०-८११. इदानी एकमगकथा नाम होति । तत्थ येसं बुद्धे भगवति अयोनिस्सो पेमवसेनेव “भगवा सोतापन्नो हुत्वा सकदागामी, सकदागामी हुत्वा अनागामी, अनागामी हुत्वा अरहत्तं सच्छाकासि, एकेनेव पन अरियमग्गेन चत्तारि फलानि सच्छाकासी”ति लद्धि, सेय्यथापि तेसज्जेव; ते सन्धाय पुच्छा सकवादिस्स, पटिज्जा इतरस्स । अथ नं चतुहि फलेहि सद्धि उप्पन्नानं चतुन्नं फस्सादीनं एकतो समोधानवसेन चोदेतुं **चतुन्नं फस्सानन्ति**आदिमाह । **सोतापत्तिमग्गेना**तिआदि “कतरमग्गेन सच्छिकरोती”ति पुच्छनत्थं वुत्तं । **अरहत्तमग्गेना**ति च वुत्ते तेन सककायदिद्धिआदीनं पहानाभाववसेन चोदेति । **भगवा सोतापन्नो**ति बुद्धभूतस्स सोतापन्नभावो नत्थीति पटिक्खपति । परतो पन्हद्वयेपि एसेव नयो । सेसमेत्थ यथापाळिमेव निव्यातीति ।

एकमगकथावण्णना ।

#### ६. ज्ञानसङ्कन्तिकथावण्णना

८१३-८१६. इदानी ज्ञानसङ्कन्तिकथा नाम होति । तत्थ येसं “इध, भिक्खवे, भिक्खु विविच्चेव कामेहि पठमं ज्ञानं उपसम्पज्ज विहरति, वितक्कविचारानं वूपसमा दुतियं ज्ञानं, ततियं ज्ञानं, चतुत्थं ज्ञानं उपसम्पज्ज विहरती”ति (सं० नि० ५.९२३-९३४) इमं पटिपाटिदेसनं निस्साय “तस्स तस्स ज्ञानस्स उपचारप्पवत्तिं विनाव ज्ञाना ज्ञानं सङ्कमती”ति लद्धि, सेय्यथापि महिसासकानज्जेव एकच्चानज्ज अन्धकानं; ते सन्धाय पुच्छा सकवादिस्स, पटिज्जा इतरस्स । अथ नं “यदि ते दुतियज्ज्ञानूपचारं अप्पत्वा उप्पटिपाटिया पठमज्ज्ञाना दुतियज्ज्ञानमेव सङ्कमति, पठमतो ततियं, दुतियतो चतुत्थमि सङ्कमेय्या”ति चोदेतुं **पठमा ज्ञाना**तिआदिमाह । **या पठमस्सा**तिआदि “यदि पठमतो अनन्तरं दुतियं, दुतियादीहि वा ततियादीनि समापज्जति, एकावज्जनेन समापज्जेय्या”ति चोदनत्थं वुत्तं । **कामे आदीनवतो**ति पठमं कामे आदीनवतो मनसि करोतो पच्छा उप्पज्जति । ज्ञानक्खणे पनेस निमित्तमेव मनसि करोति । **तज्जेव पठमन्ति** “यदि पुरिमजवनतो पच्छिमजवनं विय अनन्तरं उप्पज्जेय्य, ठपेत्वा पुरिमपच्छिमभावं लक्खणतो तज्जेव तं भवेय्या”ति चोदेतुं पुच्छति । इमिना उपायेन सब्बत्थ अत्थो वेदितब्बो । **विविच्चेव कामेही**तिआदीहि पटिपाटिया ज्ञानानं देसितभावं दीपेति, न अनन्तरुप्पत्तिं, तस्मा असाधकन्ति ।

ज्ञानसङ्कन्तिकथावण्णना ।

#### ७. ज्ञानन्तरिकथावण्णना

८१७-८१८. इदानी ज्ञानन्तरिककथा नाम होति । तत्थ येसं समये “पञ्चकनये पञ्च ज्ञानानि विभत्तानि, केवलं तयो समाधी उद्दिट्ठा”ति अवितक्कविचारमत्तस्स समाधिनो ओकासं अजानन्तानं “पठमस्स च दुतियस्स च ज्ञानस्स अन्तरे ज्ञानन्तरिका नाम एसा”ति लद्धि, सेय्यथापि सम्मितियानज्जेव एकच्चानज्ज अन्धकानं; ते सन्धाय पुच्छा सकवादिस्स, पटिज्जा इतरस्स । अथ नं “ज्ञानमि चेतसिका धम्मा, फस्सादयोपि, तस्मा यदि ज्ञानन्तरिका नाम भवेय्य, फस्सन्तरिकादीहिपि भवितब्ब”न्ति चोदनत्थं **अत्थि फस्सन्तरिका**तिआदिमाह ।

**दुतियस्स च ज्ञानस्सा**ति “यदि ज्ञानन्तरिका नाम भवेय्य, दुतियततियादीनिपि ज्ञानानेव, तेसमि अन्तरिकाय भवितब्ब”न्ति चोदनत्थं वुत्तं । सो केवलं लद्धिया अभावेन पटिक्खपति चेव पटिज्जानाति च । **पठमस्स चा**ति पुट्ठो लद्धिवसेन पटिज्जानाति ।

८१९. **सवितक्को सविचारो**तिआदि “तिण्णमि समाधीनं समाधिभावे समाने अवितक्को विचारमत्तोव समाधि ज्ञानन्तरिको, न इतरोति को एत्थ विसेसहेतू”ति चोदनत्थं वुत्तं ।

८२०-८२२. **द्विन्नं ज्ञानानं पटुप्पन्नानन्ति** पठमदुतियानि सन्धाय पुच्छति । इतरो “तेसं पच्चुप्पन्नानयेव अन्तरे अवितक्को विचारमत्तो समाधि ज्ञानन्तरिको नाम होती”ति लद्धिया पटिज्जानाति । **पठमं ज्ञानं निरुद्धन्ति** पुट्ठो तिण्णं एकक्खणे पवत्ति न युत्ताति पटिज्जानाति । **अवितक्को विचारमत्तो समाधि पठमं ज्ञानन्ति** चतुक्कनयवसेन पुच्छति । सकवादी तस्मिं नये तस्स अभावा पटिक्खपति । **ननु तयो समाधी**ति एत्थायमधिप्पायो — यथा तेसु तीसु समाधीसु द्वे समाधी ज्ञानानेव, न ज्ञानन्तरिका, एवं इतरेनपि ज्ञानेनेव भवितब्बं, न ज्ञानन्तरिकायाति ।

ज्ञानन्तरिककथावण्णना ।

#### ८. समापन्नो सद्धं सुणातीतिकथावण्णना

८२३-८२५. इदानी समापन्नो सद्धं सुणातीतिकथा नाम होति । तत्थ “यस्मा पठमस्स ज्ञानस्स सद्धो कण्डको वुत्तो भगवता, यदि च समापन्नो तं न सुणेय्य, कथं कण्डको सिया । तस्मा समापन्नो सद्धं, सुणाती”ति येसं लद्धि, सेय्यथापि पुब्बसेलियानं; ते सन्धाय पुच्छा सकवादिस्स, पटिज्जा इतरस्स । **चक्खुना रूपं पस्सती**तिआदि “समापन्नस्स ताव पञ्चद्वारप्पवत्तं नत्थि, तस्मिं असति यदि सो सद्धं सुणेय्य, रूपमि पस्सेय्या”ति चोदनत्थं वुत्तं । **सद्धो कण्डको**ति विक्खेपकरत्ता वुत्तं । ओळारिकेन हि सद्धेन सोते घट्टिते पठमज्ज्ञानतो वुड्डानं होति, तेनेतं वुत्तं, तस्मा असाधकं । **दुतियस्स ज्ञानस्सा**तिआदि “यथा अज्जोपि कण्डको अन्तोसमापत्तियं नत्थि, एवं सद्धस्सवनम्पी”ति बोधनत्थं वुत्तं, तं सब्बं उत्तानत्थमेवाति ।

समापन्नो सद्धं सुणातीतिकथावण्णना ।

#### ९. चक्खुनारूपपस्सतीतिकथावण्णना

८२६-८२७. इदानीं चक्खुना रूपं पस्सतीतिकथा नाम होति । तत्थ “चक्खुना रूपं दिस्वा”ति वचनं निस्साय “पसादचक्खुमेव रूपं पस्सती”ति येसं लद्धि, सेय्यथापि महासङ्घिकानं, ते सन्धाय पुच्छा सकवादिसस, पटिज्जा इतरस्स । अथ नं “यदि चक्खुना रूपं पस्सेय्य, रूपेण रूपं पस्सेय्याती”ति चोदेतुं **रूपेण रूपं पस्सतीति** आह । इतरो रूपायतनं सन्धाय पटिक्खिपित्वा पुन पुट्ठो चक्खुमेव सन्धाय पटिजानाति । **पटिजिजानातीति** एत्थ अयमधिप्पायो — पस्सतीति हि मयं पटिजाननं सन्धाय पुच्छाम, न चक्खूपसंहारमत्तं । तस्मा वदेहि ताव “किं ते चक्खुमा रूपेण रूपं पटिजिजानाती”ति । इतरो पुरिमनयेनेव पटिक्खिपति चेव पटिजानाति च । अथ नं “एवं सन्ते रूपं मनोविज्जाणं आपज्जति, तज्झि पटिजिजानाति नामा”ति चोदेतुं **रूपं मनोविज्जाणन्ति** आह । इतरो लेसं अलभन्तो पटिक्खिपतेव । **अत्थि चक्खुस्स आवट्टनाति** आदि “यदि चक्खु पटिजिजाननट्टेन पस्सति, चक्खुविज्जाणस्स विय तस्सापि आवज्जनाय भवितव्व”न्ति चोदेतुं पुच्छति । इतरो यस्मा न आवज्जनपटिबद्धं चक्खु, न तं आवज्जनानन्तरं उपपज्जति, तस्मा **न हेवन्ति** पटिक्खिपति । **सोतेन सद्धन्ति** आदीसुपि एसेव नयो । **इध, भिक्खवे, भिक्खु चक्खुना रूपं पस्सतीति** ससम्भारकथानयेन वुत्तं । यथा हि उसुना विज्जन्तोपि “धनुना विज्जती”ति वुच्चति, एवं चक्खुविज्जाणेन पस्सन्तोपि “चक्खुना पस्सती”ति वुत्तो, तस्मा असाधकमेतं । सेसेसुपि एसेव नयोपि ।

चक्खुना रूपं पस्सतीतिकथावण्णना ।

अट्टारसमो वग्गो ।

## १९. एकूनवीसतिमवग्गो

### १. किलेसपजहनकथावण्णना

८२८-८३१. इदानीं किलेसपजहनकथा नाम होति । तत्थ “यस्मा किलेसपहानं नाम अत्थि, पहीनकिलेसस्स च अतीतापि किलेसा पहीनाव होन्ति, अनागतापि, पच्चुप्पन्नापि, तस्मा अतीतेपि किलेसे पजहति, अनागतेपि, पच्चुप्पन्नेपी”ति येसं लद्धि, सेय्यथापि एकच्चानं उत्तरापथकानं; ते सन्धाय **अतीतेति** आदिपुच्छा सकवादिसस, पटिज्जा इतरस्स । सेसं यथापाळिमेव निव्याति । **नत्थि किलेसे जहतीति** इमस्मिं पन परवादिसस पज्जे यस्मा कचवरं पजहन्तस्स कचवरे छडुनवायामो विय किलेसे पजहन्तस्स न अतीतादिभेदेसु किलेसेसु वायामो अत्थि, निब्बानारम्मणे पन अरियमग्गे पवत्ति ते किलेसा अनुप्पन्नायेव नुप्पज्जन्तीति पहीना नाम होन्ति, तस्मा **न हेवन्ति** पटिक्खिपति । **तेन हि अतीते किलेसे पजहतीति** आदि पन यस्मा “नत्थि किलेसपजहना”ति न वत्तब्बं, तस्मा अतीतादिभेदे पजहतीति छलेन वुत्तं ।

किलेसपजहनकथावण्णना ।

### २. सुज्जतकथावण्णना

८३२. इदानीं सुज्जतकथा नाम होति । तत्थ **सुज्जताति** द्वे सुज्जता खन्धानञ्च अनत्तलक्खणं निब्बानञ्च । तेसु अनत्तलक्खणं ताव एकच्चं एकेन परियायेन सिया सङ्खारक्खन्धपरियापन्नं, निब्बानं, अपरियापन्नमेव । इमं पन विभागं अगहेत्वा “सुज्जता सङ्खारक्खन्धपरियापन्ना”ति येसं लद्धि, सेय्यथापि अन्धकानं, ते सन्धाय पुच्छा सकवादिसस, पटिज्जा इतरस्स । **अनिमित्तन्ति** सब्बनिमित्तरहितं निब्बानं । “अप्पणिहितो”तिपि तस्सेव नामं । कस्मा पनेतं आभतन्ति? अविभज्जवादीवादे दोसारोपनत्थं । यस्स हि अविभज्जित्वा “एकदेसेनेव सुज्जता सङ्खारक्खन्धपरियापन्ना”ति लद्धि, तस्स निब्बानमपि सङ्खारक्खन्धपरियापन्नन्ति आपज्जति । इमस्स दोसस्सारोपनत्थं “अनिमित्तं अप्पणिहित”न्ति आभतं । इतरो तस्स परियापन्नभावं अनिच्छन्तो पटिक्खिपति । **सङ्खारक्खन्धो न अनिच्चोति** आदि निब्बानसङ्गाताय सुज्जताय अनिच्चभावापत्तिदोसदस्सनत्थं वुत्तं ।

८३३. **सङ्खारक्खन्धस्स सुज्जताति** “यदि अज्जस्स खन्धस्स सुज्जता अज्जक्खन्धपरियापन्ना, सङ्खारक्खन्धसुज्जतायपि सेसक्खन्धपरियापन्नाय भवितव्व”न्ति चोदनत्थं वुत्तं । **सङ्खारक्खन्धस्स सुज्जता न वत्तब्बाति** आदि “यदि सङ्खारक्खन्धसुज्जता सेसक्खन्धपरियापन्ना न होति, सेसक्खन्धसुज्जतापि सङ्खारक्खन्धपरियापन्ना न होती”ति पटिलोमदस्सनत्थं वुत्तं ।

८३४. **सुज्जमिदं, भिक्खवे, सङ्खाराति** सुत्तं परसमयतो आभतं । तत्थ **सङ्खाराति** “सब्बे सङ्खारा अनिच्चा”ति आगतट्टाने विय पञ्चक्खन्धा, ते च अत्तत्तनियसुज्जता सुज्जताति सासनावाचरं होति, न विरुज्जति, तस्मा अनुज्जातं । यस्मा पनेतं न सुज्जताय सङ्खारक्खन्धपरियापन्नभावं दीपेति, तस्मा असाधकन्ति ।

सुज्जतकथावण्णना ।

### ३. सामज्जफलकथावण्णना

८३५-८३६. इदानीं सामज्जफलकथा नाम होति । तत्थ मग्गवीथियमि फलसमापत्तिवीथियमि अरियमग्गस्स विपाकचित्तं सामज्जफलं नामाति सकसमये सन्निट्ठानं । येसं पन तथा अगहेत्वा “किलेसपहानञ्चेव फलुप्पति च सामज्जफलं, तस्मा असङ्कत”न्ति लद्धि, सेय्यथापि पुब्बसेलियानं; ते सन्धाय पुच्छा सकवादिसस, पटिज्जा इतरस्स । सेसमेत्थ हेट्ठा वुत्तनयत्ता यथा पाळिमेव निव्यातीति ।

सामज्जफलकथावण्णना ।

### ४. पत्तिकथावण्णना

८३७-८४०. इदानीं पत्तिकथा नाम होति । तत्थ “यं यं पटिलब्भति, तस्स तस्स पटिलाभो पत्ति नाम । सा च असङ्कता”ति येसं लद्धि, सेय्यथापि पुब्बसेलियानञ्जेव; ते सन्धाय पुच्छा सकवादिसस, पटिज्जा इतरस्स । सेसमिधापि हेट्ठा वुत्तनयत्ता यथापाळिमेव निव्यातीति । **न वत्तब्बन्ति** आदि याय लद्धिया पत्ति असङ्कताति मज्जति, तं पकासेतुं



वुत्तं। तत्थ सकवादी “न हेवं वत्तब्बे”ति पटिक्खिपन्तो केवलं पत्तिया रूपादिभावं न सम्पटिच्छति। न हि पत्ति नाम कोचि धम्मो अत्थि, न पन असङ्खतभावं अनुजानाति। इतरो पन पटिक्खेपमत्तेनेव असङ्खताति लद्धि पतिट्ठपेति, सा अयोनिस्सो पतिट्ठापितत्ता अप्पतिट्ठितायेवाति।

पत्तिकथावण्णना।

#### ५. तथताकथावण्णना

८४१-८४३. इदानीं तथताकथा नाम होति। तत्थ येसं “रूपादीनं सब्बधम्मानं रूपादिसभावतासङ्घाता तथता नाम अत्थि, सा च सङ्खतेसु रूपादीसु अपरियापन्नता असङ्खता”ति लद्धि, सेय्यथापि एकच्चानं उत्तरापथकानं, ते सन्धाय पुच्छा सकवादिसस्, पटिञ्जा इतरस्स। सेसमिथापि हेट्ठा वुत्तनयत्ता पाकटमेवाति।

तथताकथावण्णना।

#### ६. कुसलकथावण्णना

८४४-८४६. इदानीं कुसलकथा नाम होति। तत्थ अनवज्जम्पि कुसलं इट्ठपाकम्पि। अनवज्जं नाम किलेसविप्पयुत्तं। अयं नयो ठपेत्वा अकुसलं सब्बधम्मे भजति। इट्ठविपाकं नाम आर्याति उपपत्तिपवत्तेसु इट्ठफलनिष्पादकं पुञ्जं। अयं नयो कुसलत्तिके आदिपदमेव भजति। येसं पन इमं विभागं अगगहेत्वा अनवज्जभावमत्तेनेव निब्बानं कुसलन्ति लद्धि, सेय्यथापि अन्धकानं, तेसं इट्ठविपाकट्ठेन निब्बानस्स कुसलताभावं दीपेतुं पुच्छा सकवादिसस्, अत्तनो लद्धिवसेन पटिञ्जा इतरस्स। सेसमिथापि हेट्ठा वुत्तनयत्ता उत्तानत्थमेवाति।

कुसलकथावण्णना।

#### ७. अच्यन्तनियामकथावण्णना

८४७. इदानीं अच्यन्तनियामकथा नाम होति। तत्थ येसं “सकिं निमुग्गो निमुग्गोव होती”ति (अ० नि० ७.१५) सुत्तं निस्साय “अत्थि पुथुज्जनस्स अच्यन्तनियामता”ति लद्धि, सेय्यथापि एकच्चानं उत्तरापथकानं, ते सन्धाय पुच्छा सकवादिसस्, पटिञ्जा इतरस्स। मातुघातकोतिआदि “नियतमिच्छादिट्ठिकस्स च मातुघातकादीनञ्च समाने मिच्छन्तनियामे मातुघातकादीहिपि ते अच्यन्तनियतेहि भवितव्व”न्ति चोदनत्थं वुत्तं। इतरो “नियतमिच्छादिट्ठिको संसारखाणुको भवन्तरेपि नियतोव इमे पन एकस्मिञ्जेव अत्तभावे”ति लद्धि या न हेवन्ति पटिक्खिपति।

८४८. विचिकिच्छा उप्पज्जेय्याति “अयं नियतो वा नो वा”ति एवं उप्पज्जेय्याति पुच्छति। इतरो अनुप्पत्तिकारणं अपस्सन्तो पटिजानाति। नुप्पज्जेय्याति पुट्ठो पन यं दिट्ठि आसेवन्तो नियामं ओक्कन्तो, तत्थ अनुप्पत्तिं सन्धाय पटिजानाति। ततो पहीनाति पुट्ठो मग्गेन अप्पहीनत्ता पटिक्खिपति, तं दिट्ठि आरब्ध असमुदाचारतो पटिजानाति। अथ नं यस्मा पहानं नाम विना अरियमग्गेन नत्थि, तस्मा तस्स वसेन चोदेतुं सोतापत्तिमग्गेनातिआदिमाह। सो एकमग्गेनापि अप्पहीनत्ता पटिक्खिपति। पुन कतमेनाति पुट्ठो मिच्छामग्गं सन्धाय अकुसलेनातिआदिमाह।

८४९. उच्छेददिट्ठि उप्पज्जेय्याति दुतियनियामुप्पत्तिं पुच्छति। इतरो यस्मा “थेपि ते ओक्कला वयभिञ्जा नत्थिकवादा अकिरियवादा अहेतुकवादा”ति (म० नि० ३.१४३) वचनतो तिस्सोपि नियतमिच्छादिट्ठियो एकस्स उप्पज्जन्ति, तस्मा पटिजानाति।

८५०. अथ नं “न च नाम सो अच्यन्तनियामो”ति चोदेतुं हज्जीतिआदिमाह। अच्यन्तनियतस्स हि दुतियनियामो निरत्थको। नुप्पज्जेय्याति पञ्हे यं सस्सतदिट्ठिया सस्सतन्ति गहितं, तदेव उच्छिज्जिस्सतीति गहेत्वा अनुप्पत्तिं सन्धाय पटिजानाति। पहीनाति पुट्ठो मग्गेन अप्पहीनत्ता पटिक्खिपति, वुत्तनयेन अनुप्पज्जनतो पटिजानाति। सस्सतदिट्ठि उप्पज्जेय्यातिआदीसुपि एसेव नयो। सेसं विचिकिच्छावारे वुत्तनयमेव।

८५१-८५२. न वत्तब्बन्ति पुच्छा परवादिसस्, सुत्तस्स अत्थिताय पटिञ्जा सकवादिसस्। न पन सो भवन्तरेपि निमुग्गोव। इमस्मिञ्जेव हि भवे अभब्बो सो तं दिट्ठि पज्जितुन्ति अयमेत्थ अधिप्पायो, तस्मा असाधकमेतन्ति। सब्बकालं उम्मुज्जित्वा निमुज्जतीतिआदि वचनमत्ते अभिनिवेसं अकत्वा अत्थो परियेसितब्बोति दस्सनत्थं वुत्तन्ति।

अच्यन्तनियामकथावण्णना।

#### ८. इन्द्रियकथावण्णना

८५३-८५६. इदानीं इन्द्रियकथा नाम होति। तत्थ लोकिया सद्धा सद्धा एव नाम, न सद्धिन्द्रियं। तथा लोकियं वीरियं...पे०... सति... समाधि... पञ्जा पञ्जायेव नाम, न पञ्जिन्द्रियन्ति येसं लद्धि, सेय्यथापि हेतुवादानञ्चेव महिसासकानञ्च; ते सन्धाय पुच्छा सकवादिसस्, पटिञ्जा इतरस्स। नत्थि लोकिया सद्धातिआदि यस्मा लोकियापि सद्धादयोव धम्मा अधिपतियट्ठेन इन्द्रियं, न सद्धादीहि अज्जं सद्धिन्द्रियादि नाम अत्थि, तस्मा लोकियानम्पि सद्धादीनञ्जेव सद्धिन्द्रियादिभावदस्सनत्थं वुत्तं। अत्थि लोकियो मनोतिआदि यथा ते लोकियापि मनादयो धम्मा मनिन्द्रियादीनि, एवं लोकिया सद्धादयोपि सद्धिन्द्रियानीति उपमाय तस्सत्थस्स विभावनत्थं वुत्तं। सेसमेत्थ यथापाळिमेव निर्यातीति।

इन्द्रियकथावण्णना।

एकूनवीसतिमो वग्गो।

## २०. वीसतिमवग्गो

### १. असञ्चिच्चकथावण्णना

८५७-८६२. इदानी असञ्चिच्चकथा नाम होति। तत्थ “आनन्तरियवत्थूनि नाम गरूनि भारियानि, तस्मा असञ्चिच्चापि तेसु वत्थूसु विकोपितेसु आनन्तरिको होती”ति येसं लद्धि, सेय्यथापि एकच्चानं उत्तरापथकानं; ते सन्थाय असञ्चिच्चाति पुच्छा सकवादस्स, लद्धिवसेन पटिज्जा इतरस्स। अथ नं “यस्मा आनन्तरिककम्मं नाम कम्मपथपत्तं। यदि च असञ्चिच्च कम्मपथभेदो सिया, अवसेसा पाणातिपातादयोपि असञ्चिच्च भवेय्यु”न्ति चोदनत्थं असञ्चिच्चपाणं हन्त्वातिआदिमाह। इतरो तथारूपाय लद्धिया अभावेन पटिक्खिपति। सेसं यथापाळिमेव निव्याति। न वत्तब्बं मातुघातकोति पुच्छा परवादस्स, रोगपटिकारादिकाले असञ्चिच्च घातं सन्थाय पटिज्जा सकवादस्स। ननु माता जीविता वोरोपिताति पज्हेपि असञ्चिच्च वोरोपितं सन्थाय पटिज्जा सकवादस्सेव। एवं अधिप्पायं पन अग्गहेत्वा हञ्चीति लद्धिपतिट्ठापनं इतरस्स। तं अयोनिस्सो पतिट्ठापितत्ता अप्पतिट्ठितमेव। पितुघातकादीसुपि एसेव नयो। सङ्गभेदके पन धम्मसज्जिं सन्थाय सङ्गभेदो आनन्तरिकोति पुच्छा सकवादस्स, “सङ्गं समगं भेतवान, कप्पं निरयमिह पच्चती”ति वचनं अयोनिस्सो गहेत्वा पटिज्जा परवादस्स। पुन सब्बेति पुट्ठो सकपक्खे धम्मसज्जिं सन्थाय पटिक्खिपति, परपक्खे धम्मसज्जिं सन्थाय पटिज्जानाति। धम्मसज्जीति पज्हेद्वयेपि एसेव नयो। ननु वुत्तं भगवताति सुत्तं एकन्तेनेव धम्मवादस्स आनन्तरिकभावदस्सनत्थं वुत्तं। आपायिको नेरयिकोति गाथायपि अधम्मवादीयेव अधिप्पेतो। इतरो पन अधिप्पायं अग्गहेत्वा लद्धि पतिट्ठपेति। सा अयोनिस्सो पतिट्ठापितत्ता अप्पतिट्ठितायेवाति।

असञ्चिच्चकथावण्णना।

### २. जाणकथावण्णना

८६३-८६५. इदानी जाणकथा नाम होति। तत्थ दुविधं जाणं — लोकियञ्च लोकुत्तरञ्च। लोकियं समापत्तिजाणम्पि होति दानादिवसेन पवत्तं कम्मस्सकतजाणम्पि; लोकुत्तरं सच्चपरिच्छेदकं मग्गजाणम्पि फलजाणम्पि। इमं पन विभागं अकत्वा “सच्चपरिच्छेदकमेव जाणं न इतरं, तस्मा नत्थि पुथुज्जनस्स जाणं”न्ति येसं लद्धि, सेय्यथापि हेतुवादानं, ते सन्थाय पुच्छा सकवादस्स, पटिज्जा इतरस्स। पज्जातिआदि जाणवेवचनदस्सनत्थं वुत्तं। तेनेतं दीपेति — यदि तस्स जाणं नत्थि, पज्जादयोपि नत्थि। अथ पज्जादयो अत्थि, जाणम्पि अत्थि। कस्मा? पज्जादीनं जाणतो अनज्जत्ताति। पठमं ज्ञानन्तिआदि समापत्तिजाणस्स दस्सनत्थं वुत्तं। दानं ददेय्यातिआदि कम्मस्सकतजाणस्स। दुक्खं परिजानातीति लोकुत्तरमग्गजाणमेव दीपेति, न च लोकुत्तरमेव जाणन्ति।

जाणकथावण्णना।

### ३. निरयपालकथावण्णना

८६६. इदानी निरयपालकथा नाम होति। तत्थ “निरये नेरयिककम्मानेव निरयपालरूपवसेन वधेन्ति, नत्थि निरयपाला नाम सत्ता”ति येसं लद्धि, सेय्यथापि अन्धकानं; ते सन्थाय पुच्छा सकवादस्स, पटिज्जा इतरस्स। अथ नं “यदि तत्थ निरयपाला न सियुं, कम्मकारणापि न भवेय्युं। कारणिकेसु हि सति कारणा”ति चोदेतुं नत्थि निरयेसूतिआदिमाह।

८६७-८६८. अत्थि मनुस्सेसूति पच्चक्खेन आपनत्थं। यथा हि मनुस्सेसु सति कारणिकेसु कारणा, एवं तत्थापीति अयमेत्थ अधिप्पायो। अत्थि निरयेसूति पुच्छा परवादस्स, पटिज्जा इतरस्स। न वेस्सभू नोपि च पेत्तिराजाति परवादिना सकसमयतो सुत्तं आभतं। तं पन सासनावचरिकन्ति सकवादिना अनुज्जातं। तत्थ वेस्सभूति एको देवो। पेत्तिराजाति पेत्तिविसये पेतमहिद्धिको। सोमादयो पाकटा एव। इदं वुत्तं होति — अत्तनो कम्मेहि इतो पणुन्नं परलोकं पत्तं पुरिसं न एते वेस्सभूआदयो हनन्ति। येहि पन सो कम्मेहि तत्थ पणुन्नो, तानि सकानि कम्मनियेव नं तत्थ हनन्तीति कम्मस्सकतं दीपेति, न निरयपालानं अभावं। सकवादिना पन तमेनं, भिक्खवेति आभतानि सुत्तपदानि नीतत्थानेवाति।

निरयपालकथावण्णना।

### ४. तिरच्छानकथावण्णना

८६९-८७१. इदानी तिरच्छानकथा नाम होति। तत्थ देवेसु एरावणादयो देवपुत्ता हत्थिवण्णं अस्सवण्णं विकुब्बन्ति, नत्थि तत्थ तिरच्छानगता। येसं पन तिरच्छानवण्णिनो देवपुत्ते दिस्वा “अत्थि देवेसु तिरच्छानगता”ति लद्धि, सेय्यथापि अन्धकानं; ते सन्थाय पुच्छा सकवादस्स, पटिज्जा इतरस्स। अथ नं “यदि देवयोनियं तिरच्छानगता सियुं, तिरच्छानयोनियम्पि देवा सियु”न्ति चोदेतुं अत्थि तिरच्छानगतेसूतिआदिमाह। कीटातिआदि येसं सो अभावं इच्छति, ते दस्सेतुं वुत्तं। एरावणोति पज्हे तस्स अत्थिताय पटिज्जा सकवादस्स, न तिरच्छानगतस्स। हत्थिबन्धातिआदि “यदि तत्थ हत्थिआदयो सियुं, हत्थिबन्धादयोपि सियु”न्ति चोदनत्थं वुत्तं। तत्थ यावसिकाति यवस्स दायका। कारणिकाति हत्थाचरियादयो, येहि ते नानाविधं कारणं करेय्युं। भत्तकारकाति हत्थिआदीनं भत्तरन्धका। न हेवन्ति तथा अनिच्छन्तो पटिक्खिपतीति।

तिरच्छानकथावण्णना।

### ५. मग्गकथावण्णना

८७२-८७५. इदानी मग्गकथा नाम होति। तत्थ येसं “पुब्बेव खो पनस्स कायकम्मं वचीकम्मं आजीवो सुपरिसुद्धो होती”ति (अ० नि० ३.४३१) इदञ्चेव सुत्तं

सम्मावाचाकम्मन्ताजीवानञ्च चित्तविषयुत्ततं निस्साय “निप्परियायेन पञ्चङ्गिकोव मग्गो”ति लद्धि, सेय्यथापि महिस्सासकानं, ते सन्धाय **पञ्चङ्गिको**ति पुच्छा सकवादिस्स, पटिञ्जा इतरस्स। **सम्मावाचा मग्गङ्गं, सा च न मग्गो**तिआदि परसमयवसेन वुत्तं। परसमयस्मिहि सम्मावाचादयो मग्गङ्गन्ति आगता। रूपत्ता पन मग्गो न होतीति वण्णिता। **सम्मादिट्ठि मग्गङ्गन्ति**आदि मग्गङ्गस्स अमग्गता नाम नत्थीति दस्सनत्थं वुत्तं। **पुब्बेव खो पनस्सा**ति सुत्ते परिसुद्धसीलस्स मग्गभावना नाम होति, न इतरस्साति आगमनियपटिपदाय विसुद्धिभावदस्सनत्थं “कायकम्मं वचीकम्मं आजीवो सुपरिसुद्धो होती”ति वुत्तं, न इमेहि विना पञ्चङ्गिकभावदस्सनत्थं। तेनेवाह “एवमस्सायं अरियो अट्ठङ्गिको मग्गो भावनापारिपूर्णिं गच्छती”ति। सकवादिना आभतसुत्तं नीतत्थमेवाति।

मग्गकथावण्णना।

#### ६. जाणकथावण्णना

८७६-८७७. इदानीं जाणकथा नाम होति। तत्थ धम्मचक्कपवत्तने द्वादसाकारजाणं सन्धाय “द्वादसवत्थुकं जाणं लोकुत्तर”न्ति येसं लद्धि, सेय्यथापि पुब्बसेलियानं, ते सन्धाय पुच्छा सकवादिस्स, पटिञ्जा इतरस्स। अथ नं “सचे तं द्वादसवत्थुकं, द्वादसहि मग्गजाणेहि भवितव्व”न्ति चोदेतुं **द्वादसा**तिआदिमाह। इतरो मग्गस्स एकत्तं सन्धाय पटिक्खिपति, एकेकस्मिं सच्चे सच्चजाणकिच्चजाणकतजाणानं वसेन जाणनानत्तं सन्धाय पटिजानाति। **द्वादस सोतापत्तिमग्गा**तिआदीसुपि एसेव नयो। **ननु वुत्तं भगवता**ति सुत्तं सद्धि पुब्बभागपरभागेहि जाणनानत्तं दीपेति, न अरियमग्गस्स द्वादस जाणतं। तस्मा असाधकन्ति।

जाणकथावण्णना।

वीसतिमो वग्गो।

चतुत्थपण्णासको समत्तो।

## २१. एकवीसतिमवग्गो

#### १. सासनकथावण्णना

८७८. इदानीं सासनकथा नाम होति। तत्थ तिस्रो सङ्गीतियो सन्धाय “सासनं नवं कत”न्ति च “अत्थि कोचि तथागतस्स सासनं नवं करोती”ति च “लब्भा तथागतस्स सासनं नवं कातु”न्ति च येसं लद्धि, सेय्यथापि एकच्चानं उत्तरापथकानं; ते सन्धाय तीसुपि कथासु पुच्छा सकवादिस्स, पटिञ्जा इतरस्स। **सतिपट्टाना**तिआदि सासनं नाम सतिपट्टानादयो चेव अरियधम्मा, कुसलादीनञ्च देसना। तत्थ येसं भगवता देसिता सतिपट्टानादयो, उपेत्वा ते अज्जेसं वा सतिपट्टानादीनं करणेन अकुसलादीनं वा कुसलादिभावकरणेन सासनं नवंकतं नाम भवेय्य, किं तं एवं कतं केनचि, अत्थि वा कोचि एवं करोति, लब्भा वा एवं कातुन्ति तीसुपि पुच्छासु चोदनत्थं वुत्तं। सेसं सब्बत्थ यथापाळिमेव निर्यातीति।

सासनकथावण्णना।

#### २. अविविक्तकथावण्णना

८७९-८८०. इदानीं अविविक्तकथा नाम होति। तत्थ यस्स पुग्गलस्स यो धम्मो पच्चुप्पन्नो, सो तेन अविविक्तो नामाति इदं सकसमये सन्निट्ठानं। यस्मा पन पुथुज्जनेन तेधातुका धम्मा अपरिञ्जाता, तस्मा सो एकक्खणेयेव सब्बेहिपि तेधातुकेहि धम्मेहि अविविक्तोति येसं लद्धि, सेय्यथापि तेसज्जेव, ते सन्धाय पुच्छा सकवादिस्स, पटिञ्जा इतरस्स। **फस्सेही**तिआदि सब्बेसं फस्सादीनं एकक्खणे पवत्तिदोसदस्सनत्थं वुत्तं। सेसं सब्बत्थ उत्तानत्थमेवाति।

अविविक्तकथावण्णना।

#### ३. सज्जोजनकथावण्णना

८८१-८८२. इदानीं सज्जोजनकथा नाम होति। तत्थ यस्मा अरहा सब्बं बुद्धविसयं न जानाति, तस्मा तस्स तत्थ अविज्जाविचिकिच्छाहि अप्पहीनाहि भवितव्वन्ति सज्जाय “अत्थि किञ्चि सज्जोजनं अप्पहाय अरहत्तप्पत्ती”ति येसं लद्धि, सेय्यथापि महासङ्घिकानं, ते सन्धाय पुच्छा सकवादिस्स, पटिञ्जा इतरस्स। **अत्थि किञ्चि सककायदिट्ठी**तिआदि अरहतो सब्बसंयोजनप्पहानदस्सनत्थं वुत्तं। **सब्बं बुद्धविसयन्ति** पण्डित्ये अरहतो सब्बज्जुतज्जाणाभावेन पटिसेधो कतो, न अविज्जाविचिकिच्छानं अप्पहानेन। इतरो पन तेसं अप्पहीनत्तं सन्धाय **तेन ही**ति लद्धि पटिट्ठपेति। सा अयानिसो पटिट्ठापितत्ता अप्पतिट्ठिताव होतीति।

सज्जोजनकथावण्णना।

#### ४. इद्धिकथावण्णना

८८३-८८४. इदानीं इद्धिकथा नाम होति। तत्थ इद्धि नामेसा कत्थचि इज्झति, कत्थचि न इज्झति, अनिच्चादीनं निच्चादिकरणे एकन्तेनेव न इज्झति। सभागसन्ततिं पन परिवत्तेत्वा विसभागसन्ततिकरणे वा सभागसन्ततिवसेनेव चिरतरप्पवत्तने वा येसं अत्थाय करियति, तेसं पुज्जादीन कारणानि निस्साय कत्थचि इज्झति, भिक्खूनं अत्थाय पानीयस्स सप्पिखीरादिकरणे विय महाधातुनिधाने दीपादीनं चिरसन्तानप्पवत्तने विय चाति इदं सकसमये सन्निट्ठानं। यं पन आयस्मा पिलिन्दवच्छो रज्जो पासादं सुवण्णत्वेव

अधिमुच्चि, तं निस्साय येसं “अत्थि अधिप्पायइद्धी”ति लद्धि, सेय्यथापि अन्धकानं; ते सन्धाय अत्थि अधिप्पायइद्धीति पुच्छा सकवादिसस। तत्थ अधिप्पायइद्धीति अधिप्पायइद्धि, यथाधिप्पायं इज्झनइद्धीति अत्थो। आमन्ताति लद्धिमत्ते ठत्वा पटिज्जा परवादिसस। अथ नं अनिच्चादीनं निच्चादिताय अनुयुज्जितुं निच्चपण्णा रुक्खा होन्तुतिआदिमाह। सेसमेत्थ उत्तानत्थमेव। लद्धिपतिट्ठापने सुवण्णो च पनासीति रज्जो पुज्जूपनिस्सयेन आसि, न केवलं धेरस्स अधिप्पायेनेव। तस्मा असाधकमेतन्ति।

इद्धिकथावण्णना।

#### ५. बुद्धकथावण्णना

८८५. इदानीं बुद्धकथा नाम होति। तत्थ ठपेत्वा तस्मिं तस्मिं काले सरीरवेमत्ततं आयुवेमत्ततं पभावेमत्ततज्ज सेसेहि बुद्धधम्महि बुद्धानं बुद्धेहि हीनातिरेकता नाम नत्थि। येसं पन अविसेसेनेव अत्थीति लद्धि, सेय्यथापि अन्धकानं; ते सन्धाय अत्थि बुद्धानन्ति पुच्छा सकवादिसस, पटिज्जा इतरस्स। अथ नं बुद्धधम्महि अनुयुज्जितुं सतिपट्टानतोतिआदिमाह। इतरो तेसं वसेन हीनातिरेकतं अपस्सन्तो पटिक्खपतियेवाति।

बुद्धकथावण्णना।

#### ६. सब्बदिसाकथावण्णना

८८६. इदानीं सब्बदिसाकथा नाम होति। तत्थ चतूसु दिसासु हेट्ठा उपरीति समन्ततो लोकधातुसन्निवासं, सब्बलोकधातूसु च बुद्धा अत्थीति अत्तनो विकप्पसिप्पं उप्पादेत्वा “सब्बदिसासु बुद्धा तिट्ठन्ती”ति येसं लद्धि, सेय्यथापि महासङ्घिकानं; ते सन्धाय पुच्छा सकवादिसस, पटिज्जा इतरस्स। पुरत्थिमायाति पुट्ठो सक्कमुनिं सन्धाय पटिक्खपति। पुन पुट्ठो लद्धिवसेन अज्जलोकधातुयं ठितं सन्धाय पटिजानाति। किन्नामो सो भगवातिआदि “सचे त्वं जानासि, नामादिवसेन नं कथेही”ति चोदनत्थं वुत्तं। इमिना उपायेन सब्बत्थ अत्थो वेदितब्बोति।

सब्बदिसाकथावण्णना।

#### ७. धम्मकथावण्णना

८८७-८८८. इदानीं धम्मकथा नाम होति। तत्थ यस्मा रूपादयो रूपादिसभावेन नियता न तं सभावं विजहन्ति, तस्मा सब्बधम्मा नियताति येसं लद्धि, सेय्यथापि अन्धकानञ्चेव एकच्चानञ्च उत्तरापथकानं; ते सन्धाय सब्बे धम्माति पुच्छा सकवादिसस, पटिज्जा इतरस्स। अथ नं “सचे ते नियता, मिच्छत्तनियता वा सियुं सम्मत्तनियता वा, इतो अज्जो नियामो नाम नत्थी”ति चोदेतुं मिच्छत्तनियतातिआदिमाह। तत्थ पटिक्खेपो च पटिज्जा च परवादिसस। रूपं रूपट्ठेनातिआदि येनत्थेन नियताति वदति, तस्स वसेन चोदेतुं वुत्तं। तत्रायं अधिप्पायो — रूपज्झि रूपट्ठेन नियतन्ति रूपं रूपमेव, न वेदनादिसभावन्ति अधिप्पायेन वत्तब्बं, इतो अज्जथा न वत्तब्बं। कस्मा? रूपट्ठतो अज्जस्स रूपस्स अभावा। रूपसभावो हि रूपट्ठो, रूपसभावो च रूपमेव, न रूपतो अज्जो। वेदनादीहि पनस्स नानत्तपज्जापनत्थं एस वोहारो होतीति। तस्मा “रूपं रूपट्ठेन नियत”न्ति वदन्तेन रूपं नियतन्ति वुत्तं होति। नियतज्ज नाम मिच्छत्तनियतं वा सिया सम्मत्तनियतं वा, इतो अज्जो नियामो नाम नत्थीति। अथ कस्मा पटिजानातीति? अत्थन्तरवसेन। रूपं रूपट्ठेन नियतन्ति एत्थ हि रूपं रूपमेव, न वेदनादिसभावन्ति अयमत्थो। तस्मा पटिजानाति। इतो अज्जथा पनस्स नियतत्तं नत्थीति पुन तेनेव नयेन चोदेतुं मिच्छत्तनियतन्तिआदिमाह। तं सब्बं उत्तानत्थमेव। तेन हि रूपन्ति लद्धिपि अयोनिस्सो पतिट्ठापितत्ता अप्पतिट्ठिताव होतीति।

धम्मकथावण्णना।

#### ८. कम्मकथावण्णना

८८९-८९१. इदानीं कम्मकथा नाम होति। तत्थ “यस्मा दिट्ठधम्मवेदनीयादीनि दिट्ठधम्मवेदनीयद्वादीहि नियतानि, तस्मा सब्बे कम्मा नियता”ति येसं लद्धि, सेय्यथापि तेसज्जेव; ते सन्धाय पुच्छा सकवादिसस, पटिज्जा इतरस्स। दिट्ठधम्मवेदनीयट्ठेन नियतन्ति एत्थ दिट्ठधम्मवेदनीयं दिट्ठधम्मवेदनीयड्डमेव। सचे दिट्ठेव धम्मे विपाकं दातुं सक्कोति देति, नो चे अहोसिकम्मं नाम होतीति इममत्थं सन्धाय पटिज्जा सकवादिसस। मिच्छत्तसम्मत्तनियामवसेन पनेतं अनियतमेवाति सब्बं हेट्ठा वुत्तनयेनेव वेदितब्बन्ति।

कम्मकथावण्णना।

एकवीसतिमो वग्गो।

## २२. बावीसतिमवग्गो

### १. परिनिब्बानकथावण्णना

८९२. इदानीं परिनिब्बानकथा नाम होति। तत्थ “यस्मा अरहा सब्बज्जुविसये अप्पहीनसंयोजनोव परिनिब्बायति, तस्मा अत्थि किञ्चि संयोजनं अप्पहाय परिनिब्बान”न्ति येसं लद्धि, सेय्यथापि अन्धकानं; ते सन्धाय पुच्छा सकवादिसस, पटिज्जा इतरस्स। सेसमेत्थ हेट्ठा वुत्तनयमेवाति।

परिनिब्बानकथावण्णना।

### २. कुसलचित्तकथावण्णना

८९४-८९५. इदानीं कुसलचित्तकथा नाम होति । तत्थ यस्मा अरहा सतिवेपुल्लप्पतो परिनिब्बायन्तोपि सतो सम्पजानोव परिनिब्बाति, तस्मा कुसलचित्तो परिनिब्बायतीति येसं लद्धि, सेय्यथापि अन्धकानं; ते सन्धाय पुच्छा सकवादिस्स, पटिज्जा इतरस्स । अथ नं यस्मा कुसलचित्तो नाम पुज्जाभिसङ्गाराभिसङ्करणादिवसेन होति, तस्मा तेनत्थेन चोदेतुं **अरहा पुज्जाभिसङ्गारन्ति** आदिमाह । सेसमेत्थ यथापाळिमेव निव्याति । **सतो सम्पजानो**ति इदं जवनक्खणे किरियसतिसम्पजज्जानं वसेन असम्मोहमरणदीपनत्थं वुत्तं, न कुसलचित्तदीपनत्थं । तस्मा असाधकन्ति ।

कुसलचित्तकथावण्णना ।

### ३. आनेज्जकथावण्णना

८९६. इदानीं आनेज्जकथा नाम होति । तत्थ भगवा चतुत्थज्झाने ठितो परिनिब्बायीति सल्लक्खेत्वा “अरहा आनेज्जे ठितो परिनिब्बायती”ति येसं लद्धि, सेय्यथापि एकच्चानं उत्तरापथकानं, ते सन्धाय पुच्छा सकवादिस्स, पटिज्जा इतरस्स । **पकतिचित्ते**ति भवङ्गचित्ते । सब्बे हि सज्जिनो सत्ता भवङ्गचित्ते ठत्वा भवङ्गपरियोसानेन चुतिचित्तेन कालं करोन्ति । इति नं इमिना अत्थेन चोदेतुं एवमाह । तत्थ किञ्चापि चतुवोकारभवे अरहतो पकतिचित्तम्पि आनेज्जं होति, अयं पन पञ्चो पञ्चवोकारभववसेन उद्धटो । तस्मा **नो च वत रे वत्तब्बे**ति आह । सेसमेत्थ उत्तानत्थमेवाति ।

आनेज्जकथावण्णना ।

### ४. धम्माभिसमयकथावण्णना

८९७. इदानीं धम्माभिसमयकथा नाम होति । तत्थ अतीतभवे सोतापन्नं मातुकुच्छियं वसित्वा निक्खन्तं दिस्वा “अत्थि गम्भसेय्याय धम्माभिसमयो”ति येसं लद्धि, सेय्यथापि एकच्चानं उत्तरापथकानं, ते सन्धाय पुच्छा सकवादिस्स, पटिज्जा इतरस्स । अथ नं “यदि तत्थ धम्माभिसमयो अत्थि, धम्माभिसमयस्स कारणेहि धम्मदेसनादीहि भवितब्ब”न्ति चोदेतुं **अत्थि गम्भसेय्याय धम्मदेसना**ति आदिमाह । **सुत्तस्सा**ति आदि भवङ्गवारं सन्धाय वुत्तं । गम्भसेय्याय हि येभुय्येन भवङ्गमेव पवत्तति । तेनेव सत्तो किरियमयप्पवत्ताभावा सुत्तो, भावनानुयोगस्स अभावा पमत्तो, कम्मट्ठानपरिग्गाहकानं सतिसम्पजज्जानं अभावा मुट्ठस्सति असम्पजानो नाम होति, तथारूपस्स कुतो धम्माभिसमयोति?

धम्माभिसमयकथावण्णना ।

### ५-७. तिस्सोपिकथावण्णना

८९८-९००. इदानीं तिस्सोपिकथा नाम होन्ति । तत्थ अचिरजातानं पन सोतापन्नानं अरहतत्पत्तिं सुप्पवासाय च उपासिकाय सत्तवस्सिकं गम्भं दिस्वा “अत्थि गम्भसेय्याय अरहतत्पत्ती”ति च सुपिने आकासगमनादीनि दिस्वा “अत्थि धम्माभिसमयो”ति च “अत्थि तत्थ अरहतत्पत्ती”ति च इथापि येसं लद्धियो, सेय्यथापि तेसज्जेव; ते सन्धाय पुच्छा सकवादिस्स, पटिज्जा इतरस्स । सेसमेत्थ पुरिमकथा सदिसमेवाति ।

तिस्सोपिकथावण्णना ।

### ६. अब्याकतकथावण्णना

९०१-९०२. इदानीं अब्याकतकथा नाम होति । तत्थ “अत्थेसा, भिक्खवे, चेतना, सा च खो अब्बोहारिका”ति (पारा० २३५) वचनतो “सब्बं सुपिनगतस्स चित्तं अब्याकत”न्ति येसं लद्धि, सेय्यथापि एकच्चानं उत्तरापथकानज्जेव, ते सन्धाय पुच्छा सकवादिस्स, पटिज्जा इतरस्स । सेसमेत्थ यथा पाळिमेव निव्याति । **सुपिनगतस्स चित्तं अब्बोहारिकन्ति** इदं आपत्तिं सन्धाय वुत्तं । सुपिनगतस्स हि पाणातिपातादिवसेन किञ्चापि अकुसलचित्तं पवत्तति, वत्थुविकोपनं पन नत्थीति न सकका तत्थ आपत्तिं पज्जपेतुं । इमिना कारणेन तं अब्बोहारिकं, न अब्याकतत्ताति ।

अब्याकतकथावण्णना ।

### ९. आसेवनपच्चयकथावण्णना

९०३-९०५. इदानीं आसेवनपच्चयकथा नाम होति । तत्थ यस्मा सब्बे धम्मा खणिका, न कोचि मुहुत्तम्पि ठत्वा आसेवनपच्चयं आसेवति नाम । तस्मा नत्थि किञ्चि आसेवनपच्चयता । आसेवनपच्चयताय उप्पन्नं पन न किञ्चि अत्थीति येसं लद्धि, सेय्यथापि तेसज्जेव; ते सन्धाय पुच्छा सकवादिस्स, पटिज्जा इतरस्स । अथ नं सुत्तवसेनेव पज्जापेतुं **ननु वुत्तं भगवता पाणातिपातो**ति आदि आभतं । तं सब्बं उत्तानत्थमेवाति ।

आसेवनपच्चयकथावण्णना ।

### १०. खणिककथावण्णना

९०६-९०७. इदानीं खणिककथा नाम होति । तत्थ यस्मा सब्बसङ्गतधम्मा अनिच्चा, तस्मा एकचित्तक्खणिकायेव । समानाय हि अनिच्चताय एको लहुं भिज्जति, एको चिरेनाति को एत्थ नियामोति येसं लद्धि, सेय्यथापि पुब्बसेलियापरसेलियानं; ते सन्धाय **एकचित्तक्खणिका**ति पुच्छा सकवादिस्स, पटिज्जा इतरस्स । **चित्ते महापथवी**ति आदीसु तेसं तथा सण्ठानं अपस्सन्तो पटिक्खपति । **चक्खायतनन्ति** आदि “यदि सब्बे एकचित्तक्खणिका भवेय्युं, चक्खायतनादीनि चक्खुविज्जाणादीहि

सद्धियेव उप्पज्जित्वा निरुज्जेय्युं”न्ति चोदनत्थं वुत्तं। इतरो पन अन्तोमातुकुच्छिगतस्स विज्जाणुप्पत्तिं सन्धाय पटिक्खिपति, पवत्तं सन्धाय लद्धिवसेन पटिजानाति। सेसमेत्थ उत्तानत्थमेवाति। तेन हि एकचित्तक्खणिकाति यस्मा निच्चा न होन्ति, तस्मा एकचित्तक्खणिकाति अत्तनो रुचिया कारणं वदति। तं अवुत्तसदिसमेवाति।

खणिककथावण्णना।

बावीसतिमो वग्गो।

## २३. तेवीसतिमवग्गो

### १. एकाधिप्पायकथावण्णना

१०८. इदानी एकाधिप्पायकथा नाम होति। तत्थ कारुज्जेन वा एकेन अधिप्पायेन एकाधिप्पायो, संसारे वा एकतो भविस्सामाति इत्थिया सद्धि बुद्धपूजादीनि कत्वा पणिधिवसेन एको अधिप्पायो अस्साति एकाधिप्पायो। एवरूपो द्विन्मि जनानं एकाधिप्पायो मेथुनो धम्मो पटिसेवितब्बोति येसं लद्धि, सेय्यथापि अन्धकानज्चेव वेतुल्लकानज्च; ते सन्धाय पुच्छा सकवादस्स, पटिज्जा इतरस्स। सेसमेत्थ यथापाळमेव निच्चातीति।

एकाधिप्पायकथावण्णना।

### २. अरहन्तवण्णकथावण्णना

१०९. इदानी अरहन्तवण्णकथा नाम होति। तत्थ इरियापथसम्पन्ने आकप्पसम्पन्ने पापभिक्षू दिस्वा “अरहन्तानं वण्णेन अमनुस्सा मेथुनं धम्मं पटिसेवन्ती”ति येसं लद्धि, सेय्यथापि एकच्चां उत्तरापथकानं; ते सन्धाय पुच्छा सकवादस्स, पटिज्जा इतरस्स। सेसमेत्थ उत्तानत्थमेवाति।

अरहन्तवण्णकथावण्णना।

### ३-७. इस्सरियकामकारिकाकथावण्णना

११०-११४. इदानी इस्सरियकामकारिकाकथा नाम होति। छद्दन्तजातकादीनि सन्धाय “बोधिसत्तो इस्सरियकामकारिकाहेतु विनिपातं गच्छति, गम्भसेय्यं ओक्कमति, दुक्करकारिकं अकासि, अपरन्तपं अकासि, अज्जं सत्थारं उद्दिसी”ति येसं लद्धि, सेय्यथापि अन्धकानं, ते सन्धाय पुच्छा सकवादस्स, पटिज्जा इतरस्स। सेसं पठमकथायं उत्तानत्थमेव। दुतियकथायं इद्धिमाति यदि इस्सरियकामकारिकाहेतु गच्छेय्य, इद्धिया गच्छेय्य, न कम्मवसेनाति चोदनत्थं वुत्तं। इतरो पन पठमपज्जे भावनामयं सन्धाय पटिक्खिपति। दुतियपज्जे पुज्जिद्धि सन्धाय पटिजानाति। ततियकथायं इस्सरियकामकारिकाहेतु नाम दुक्करकारिका मिच्छादिद्धिया करियति। यदि च सो तं करेय्य, सस्सतादीनिपि गण्हेय्याति चोदनत्थं सस्सतो लोकोतिआदि वुत्तं। चतुत्थकथायम्पि एसेव नयोति।

इस्सरियकामकारिकाकथावण्णना।

### ८. पतिरूपकथावण्णना

११५-११६. इदानी रागपतिरूपकथा नाम होति। तत्थ मेत्ताकरुणामुदितायो सन्धाय “न रागो रागपतिरूपको”ति च इस्सामच्छरियकुक्कुच्चाणि सन्धाय “न दोसो दोसपतिरूपको”ति च हसितुप्पादं सन्धाय “न मोहो मोहपतिरूपको”ति च दुम्मङ्कनं पुगलानं निग्गहं पेसलानं भिक्षून् अनुग्गहं पापगरहितं कल्याणपसंसं आयस्सतो पिलिन्दवच्छस्स वसलवादं भगवतो खेळासकवादं मोघपुरिसवादज्च सन्धाय “न किलेसो किलेसपतिरूपको”ति च येसं लद्धि, सेय्यथापि अन्धकानं; ते सन्धाय सब्बकथासु पुच्छा सकवादस्स, पटिज्जा इतरस्स। अथ नं यस्मा फस्सादिपतिरूपका नफस्सादयो नाम नत्थि, तस्मा रागादिपतिरूपका नरागादयोपि नत्थीति चोदेतुं अत्थि न फस्सोतिआदिमाह। इतरो तेसं अभावा पटिक्खिपति। सेसं सब्बत्थ उत्तानत्थमेवाति।

पतिरूपकथावण्णना।

### ९. अपरिनिष्फन्नकथावण्णना

११७-११८. इदानी अपरिनिष्फन्नकथा नाम होति। तत्थ —

“दुक्खमेव हि सम्भोति, दुक्खं तिष्ठति वेति च।

नाज्जत्र दुक्खा सम्भोति, नाज्जं दुक्खा निरुज्झती”ति॥ (सं० नि० १.१७१) —

वचनं निस्साय दुक्खज्जेव परिनिष्फन्नं, सेसा खन्धायतनधातुइन्द्रियधम्मा अपरिनिष्फन्नाति येसं लद्धि, सेय्यथापि एकच्चां उत्तरपथकानज्चेव हेतुवादानज्च; ते सन्धाय रूपं अपरिनिष्फन्नन्ति पुच्छा सकवादस्स, पटिज्जा इतरस्स। अथ नं “सच्चे रूपं अपरिनिष्फन्नं, न अनिच्चादिसभावं सिया”ति चोदेतुं रूपं न अनिच्चन्तिआदिमाह। इतरो तथारूपं रूपं अपस्सन्तो पटिक्खिपति। सकवादी ननु रूपं अनिच्चन्तिआदि वचनेन तस्स एकं लद्धि पटिसेधेत्वा दुतियं पुच्छन्तो दुक्खज्जेव परिनिष्फन्नन्तिआदिमाह। अथस्स तम्पि लद्धि पटिसेधेत्तुं न यदनिच्चन्तिआदिमाह। तत्रायं अधिप्पायो — न केवलज्हि पठमसच्चमेव दुक्खं। यं पन किज्चि अनिच्चं, तं दुक्खमेव। रूपज्च अनिच्चं, तस्मा तम्पि परिनिष्फन्नं। इति यं त्वं वदेसि “रूपं अपरिनिष्फन्नं, दुक्खज्जेव परिनिष्फन्नं”न्ति, तं नो वत रे वत्तब्बे “दुक्खज्जेव परिनिष्फन्नं”न्ति। वेदनादिमूलिकादीसुपि

योजनासु एसेव नयो । धम्मायतनधम्मधातूसु पन ठपेत्वा निब्बानं सेसधम्मानं वसेन अनिच्चता वेदितब्बा । इन्द्रियानि अनिच्चानेवाति ।

अपरिनिष्फन्नकथावण्णना ।

तेवीसतिमो वग्गो ।

### निगमनकथा

एत्तावता च —

पण्णासकेहि चतूहि, तीहि वग्गेहि चेव च ।  
सङ्गहेत्वा कथा सब्बा, ऊनतिसतभेदना ॥

कथावत्थुप्पकरणं, कथामग्गेसु कोविदो ।  
यं जिनो देसयि तस्स, निड्डिता अत्थवण्णना ॥

इमं तेरसमत्तेहि, भाणवारेहि तन्तिया ।  
चिरड्डितत्थं धम्मस्स, सङ्खरोत्तेन यं मया ॥

यं पत्तं कुसलं तेन, लोकोयं सनरामरो ।  
धम्मराजस्स सद्धम्म-रसमेवाधिगच्छतूति ॥

कथावत्थु-अट्टकथा निड्डिता ।

॥ नमो तस्स भगवतो अरहतो सम्मासम्बुद्धस्स ॥

## अभिधम्मपिटके

### यमकप्पकरण-अट्टकथा

सङ्खेपेनेव देवानं, देवदेवो सुरालये ।  
कथावत्थुप्पकरणं, देसयित्वा रणञ्जहो ॥

यमस्स विसयातीतो, नानायमकमण्डितं ।  
अभिधम्मप्पकरणं, छट्ठं छट्ठान देसको ॥

यमकं अयमावत्त-नीलामलतनूरुहो ।  
यं देसयि अनुप्पत्तो, तस्स संवण्णनाक्कमो ।  
इदानी यस्मा तस्मास्स, होति संवण्णना अयन्ति ॥

## १. मूलयमकं

### उद्देसवारवण्णना

१. मूलयमकं, खन्धयमकं, आयतनयमकं, धातुयमकं, सच्चयमकं, सङ्खारयमकं, अनुसययमकं, चित्तयमकं, धम्मयमकं, इन्द्रिययमकन्ति इमेसं दसन्नं यमकानं वसेन इदं पकरणं दसविधेन विभक्तन्ति हि वुत्तं । तत्थ येसं दसन्नं यमकानं वसेन इदं पकरणं दसविधेन विभक्तं, तेसञ्चेव इमस्स च पकरणस्स नामत्थो ताव एवं वेदितब्बो — केनट्ठेन यमकन्ति? युगळट्ठेन । युगळञ्चि यमकन्ति वुच्चति — ‘यमकपाटिहारियं, यमकसाला’तिआदीसु विय । इति युगळसङ्ख्यातानं यमकानं वसेन देसितत्ता इमेसु दससु एकेकं यमकं नाम । इमेसं पन यमकानं समूहभावतो सब्बप्पेतं पकरणं यमकन्ति वेदितब्बं ।

तत्थ मूलवसेन पुच्छाविस्सज्जनं कत्वा देसितत्ता दसन्नं ताव सब्बपठमं मूलयमकन्ति वुत्तं । तस्स उद्देसवारो, निद्देसवारोति द्वे वारा होन्ति । तेसु उद्दिट्ठानुक्कमेन निद्दिसितब्बत्ता उद्देसवारो पठमो । तस्स ये केचि कुसला धम्मा, सब्बे ते कुसलमूला; ये वा पन कुसलमूला, सब्बे ते धम्मा कुसलाति इदं यमकं आदि । तस्स कुसलाकुसलमूलसङ्ख्यातानं द्विन्नं अत्थानं वसेन अत्थयमकन्ति वा, तेसञ्चेव अत्थानं वसेन अनुलोमपटिलोमतो पवत्तपाळिधम्मवसेन धम्मयमकन्ति वा, अनुलोमपटिलोमतो पवत्तपुच्छावसेन पुच्छायमकन्ति वा तिथा यमकभावो वेदितब्बो । सेसेसुपि एसेव नयो ।

इदानीं इमेसं यमकानं वसेन देसिते इमस्मिं मूलयमके उद्देसवारस्स ताव नययमकपुच्छा अत्थवारप्पभेदवसेन पाळिववत्थानमेव एवं वेदितब्बं — कुसलत्तिकमात्तिकाय हि ‘कुसला धम्मा’ति इदं आदिपदं निस्साय मूलनयो, मूलमूलनयो, मूलकनयो, मूलमूलकनयोति इमे चत्तारो नया होन्ति । तेसं एकेकस्मिं नये मूलयमकं, एकमूलयमकं, अञ्जमञ्जमूलयमकन्ति तीणि तीणि यमकानि । एवं चतूसु नयेसु द्वादस यमकानि, एकेकस्मिं यमके अनुलोमपटिलोमवसेन द्वे द्वे पुच्छाति चतुर्वीसति पुच्छा, एकेकाय पुच्छाय सन्निधानसंसयवसेन द्वे द्वे अत्थाति अट्टचत्तालीस अत्थाति ।

तत्थ ये केचि कुसला धम्माति कुसलेसु “कुसला नु खो, न कुसला नु खो”ति सन्देहाभावतो इमस्मिं पदे सन्निधानत्थो वेदितब्बो । **सब्बे ते कुसलमूलाति** “सब्बे ते कुसला धम्मा कुसलमूला नु खो, ननु खो”ति एवं विमर्तितवसेन पुच्छितत्ता इमस्मिं पदे संसयत्थो वेदितब्बो । सो च खो वेनेय्यानं संसयद्धाने संसयदीपनत्थं वुत्तो, तथागतस्स पन संसयो नाम नत्थि । इतो परेसुपि पुच्छापदेसु एसेव नयो ।

यथा च कुसलपदं निस्साय इमे चत्तारो नया, एकेकस्मिं नये तिण्णं तिण्णं यमकानं वसेन द्वादस यमकानि, एकेकस्मिं यमके द्विन्नं द्विन्नं पुच्छानं वसेन चतुर्वीसति पुच्छा; एकेकाय पुच्छाय द्विन्नं द्विन्नं अत्थानं वसेन अट्टचत्तालीस अत्था च होन्ति । अकुसलपदं निस्सायपि तथेव । अब्बाकतपदं निस्सायपि तथेव । तीणिपि पदानि एकतो कत्वा निद्विद्वं नामपदं निस्सायपि तथेवाति कुसलत्तिकमात्तिकाय चतूसु पदेसु सब्बेपि सोळस नया, अट्टचत्तालीस यमकानि, छन्नवुत्ति पुच्छा, द्वेनवुत्तिसत्तं अत्था च उद्देसवसेन वुत्ताति वेदितब्बा । एत्तावता मूलवारो नाम पठमं उद्विद्धो होति ।

ततो परं ये केचि कुसला धम्मा, सब्बे ते कुसलहेतूतिआदयो तस्सेव मूलवारस्स वेवचनवसेन नव वारा उद्विद्धा । इति मूलवारो, हेतुवारो, निदानवारो, सम्भववारो, पभववारो, समुद्धानवारो, आहारवारो, आरम्भणवारो, पच्चयवारो, समुदयवारोति सब्बेपि दस वारा होन्ति । तत्थ मूलवारे आगतपरिच्छेदेनेव सेसेसुपि नयादयो वेदितब्बाति सब्बेसुपि दससु वारेसु सट्ठिसतनया, असीतिअधिकानि चत्तारि यमकसत्तानि, सट्ठिअधिकानि नवपुच्छासत्तानि, वीसाधिकानि एकूनवीसति अत्थसत्तानि च उद्विद्धानीति वेदितब्बाति । एवं ताव उद्देसवारे नययमकपुच्छाअत्थवारप्पभेदवसेन पाळिववत्थानमेव वेदितब्बं ।

**मूलं हेतु निदानञ्चाति** गाथा दसन्नम्पि वारानं उद्धानगाथा नाम । तत्थ मूलादीनि सब्बानिपि कारणवेवचनानेव । कारणञ्चि पटिद्धानेन मूलं । अत्तनो फलनिष्फादनत्थं हिनीति पवत्ततीति हेतु । ‘हन्द, नं गण्हाथा’ति दस्सेन्तं विय अत्तनो फलं निदेतीति निदानं । एतस्मा फलं सम्भोतीति सम्भवो । पभवतीति पभवो । समुद्धानि एत्थ फलं, एतेन वा समुद्धानि समुद्धानं । अत्तनो फलं आहरतीति आहारो । अप्पटिक्खिपितब्बेन अत्तनो फलेन आलम्बियतीति आलम्बणं । एतं पटिच्च अप्पटिक्खिपित्वा फलं एति पवत्ततीति पच्चयो । एतस्मा फलं समुदेतीति समुदयो । एवमेतेसं पदानं वचनत्थो वेदितब्बो ।

उद्देसवारवण्णना ।

निद्देसवारवण्णना

५०. इदानीं **येकेचि कुसला धम्मा**तिआदिना नयेन निद्देसवारो आरब्धो । तत्थ **ये केचीति** अनवसेसवचनं । **कुसला धम्मा**ति कुसलत्तिकस्स पदभाजने वुत्तलक्खणा अनवज्जसुखविपाका कुसलसभावा । **सब्बे ते कुसलमूलाति** किं ते सब्बेयेव कुसलमूलाति पुच्छति । **तीणेव कुसलमूलानीति** न ते सब्बे कुसलमूलानि, अलोभादीनि पन तीणि एव कुसलमूलानीति अत्थो । **अवसेसा कुसला धम्मा न कुसलमूलाति** अवसेसा फस्सादयो कुसला धम्मा कुसलमूलानि नाम न होन्ति । अथ वा अवसेसा फस्सादयो कुसला धम्मायेव नाम, न कुसलमूलानीतिपि अत्थो । **ये वा पन कुसलमूलाति** ये वा पन पठमपुच्छाय दुतियपदेन कुसलमूलाति तयो अलोभादयो गहिता । **सब्बे ते धम्मा कुसलाति** किं ते सब्बे तयोपि धम्मा कुसलाति पुच्छति । **आमन्ताति** सब्बेसम्पि कुसलमूलानं कुसलभावं सम्पटिच्छन्तो आह । अयं ताव मूलनये मूलयमकस्स अत्थो । इमिना उपायेन सब्बपुच्छासु विस्सज्जननयो वेदितब्बो । यं पन यत्थ विसेसमत्तं अत्थि, तदेव वण्णयिस्साम ।

५१. एकमूलयमके ताव **सब्बे ते कुसलमूलेन एकमूलाति** गणनद्देन एकमूलकं अगहेत्वा समानद्देन गहेतब्बा । अयञ्हेत्थ अत्थो — सब्बे ते कुसलमूलेन समानमूला । यं फस्सस्स मूलं, तदेव वेदनादीनन्ति । अथ नेसं तथाभावं सम्पटिच्छन्तो **आमन्ताति** आह । **कुसलसमुद्धानन्ति** कुसलचित्तसमुद्धानरूपं दस्सितं । **एकमूलन्ति** अलोभादिना कुसलमूलेन समानमूलं । यथेव हि फस्सादीनं अलोभादयो हेतुपच्चयत्ता मूलं, तथा तं समुद्धानरूपस्सापि, कुसललक्खणाभावेन पन तं न कुसलं ।

५२. अञ्जमञ्जयमके ‘येकेचि कुसला’ति अपुच्छित्वा **येकेचि कुसलमूलेन एकमूलाति** पुच्छा कता । कस्मा? इमिनापि ब्यज्जनेन तस्सेवत्थस्स सम्भवतो । **कुसलमूलानीति** इदं पुरिमस्स विसेसनं । ‘मूलानि यानि एकतो उप्पज्जन्ती’ति हि वुत्तं, तानि पन कुसलमूलानिपि होन्ति अकुसलअब्बाकतमूलानिपि, इध कुसलमूलानीति विसेसदस्सनत्थमिदं वुत्तं । **अञ्जमञ्जमूलानि चाति** अञ्जमञ्जं हेतुपच्चयेन पच्चया होन्तीति अत्थो । तस्सेव पटिलोमपुच्छाय ‘सब्बे ते धम्मा कुसलमूलेन एकमूला’ति अवत्वा **सब्बे ते धम्मा कुसलाति** वुत्तं । कस्मा? अत्थविसेसाभावतो । कुसलमूलेन एकमूलाति हि पुच्छाय कताय ‘मूलानि यानि एकतो उप्पज्जन्ती’ति हेत्वा वुत्तनयेनेव विस्सज्जनं कातब्बं भवेय्य, एवञ्च सति अत्थविसेसाभावो होति । तस्मा तथा अकत्वा एवं पुच्छा कता । इमिना उपायेन मूलमूलनयादीसुपि अञ्जमञ्जमूलयमके पुच्छाविसेसो वेदितब्बो ।

५३-५५. मूलमूलनये **सब्बे ते कुसलमूलमूलाति** सब्बे ते कुसलमूलसङ्घाता मूलाति पुच्छति । **एकमूलमूलाति** समानद्देन एकमेव मूलमूलं एतेसन्ति एकमूलमूला । **अञ्जमञ्जमूलमूलाति** अञ्जमञ्जस्स मूलं अञ्जमञ्जमूलं, अञ्जमञ्जमूलं हेतुपच्चयद्देन मूलं एतेसन्ति अञ्जमञ्जमूलमूला ।

५६. मूलकनये **कुसलमूलकाति** हेतुपच्चयद्देन कुसलं मूलं एतेसन्ति कुसलमूलका ।

५७-६१. मूलमूलकनये **कुसलमूलमूलकाति** कुसलानं मूलं कुसलमूलं । हेतुपच्चयद्देनेव कुसलमूलं मूलं एतेसन्ति कुसलमूलमूलकाति । अयं ताव कुसलपदं निस्साय नययमकपुच्छासु विसेसत्थो ।



६२-७३. अकुसलपदादीसुपि एसेव नयो। अयं पन विसेसो, अहेतुकं अकुसलन्ति विचिकिच्छाय चेव उद्धच्चेन च सम्पयुत्तं मोहं सन्धाय वुत्तं।

७४-८५. अहेतुकं अब्याकतन्ति अद्वारस चितुप्पादा रूपं, निब्बानञ्च। अब्याकतमूलेन न एकमूलन्ति इध पन ठपेत्वा सहेतुकअब्याकतसमुद्धानं रूपं, सेसं लब्धति। सहेतुकअब्याकतसमुद्धानं रूपं अब्याकतमूलेन एकमूलं होति, तं अब्बोहारिकं कत्वा एकतो लब्धमानकवसेनेव चेतं विस्सज्जनं कतं।

८६-९७. नामा धम्माति नामसङ्घाता धम्मा। ते अत्थतो चत्तारो अरूपिनो खन्धा, निब्बानञ्च। नवेव नाममूलानीति कुसलाकुसलअब्याकतमूलवसेन नव मूलानि। अहेतुकं नामं नाममूलेन न एकमूलन्ति अहेतुकं सब्बम्पि अद्वारस चितुप्पादविचिकिच्छुद्धच्चसम्पयुत्तमोहनिब्बानसङ्घातं नामं नाममूलेन न एकमूलं। न हि तं तेन सङ्घि उपपज्जति। सहेतुकं नामं नाममूलेनाति पदेपि सहेतुकं नामं नाममूलेनाति अत्थो। सेसं सब्बत्थ उत्तानत्थमेवाति।

मूलवारवण्णना।

९८-९९. हेतुवारादीसुपि इमिनावुपायेन अत्थो वेदितब्बो। मूलं हेतु निदानञ्चातिगाथा यथानिदिद्धानं दसन्मि वारानं पुन उद्धानवसेनेव वुत्ताति।

मूलयमकवण्णना।

## २. खन्धयमकं

### १. पण्णत्तिउद्देसवारवण्णना

१. इदानी मूलयमके देसितेयेव कुसलादिधम्मे खन्धवसेन सङ्गणित्वा मूलयमकान्तरं देसितस्स खन्धयमकस्स वण्णना होति। तत्थ पाळिववत्थानं ताव एवं वेदितब्बं — इमस्मिं खन्धयमके तयो महावारा होन्ति — पण्णत्तिवारो, पवत्तिवारो, परिञ्जावारोति। तेसु पण्णत्तिवारो खन्धानं नामाभिधानसोधनवसेनेव गतता पण्णत्तिवारोति वुच्चति। पवत्तिवारो तेन सोधितनामाभिधानानं खन्धानं उप्पादनरोधवसेन पवत्ति सोधयमानो गतो, तस्मा पवत्तिवारोति वुच्चति। परिञ्जावारो इमिनावुक्कमेन पवत्तानं खन्धानं सङ्केपेनेव तिस्रो परिञ्जा दीपयमानो गतो, तस्मा परिञ्जावारोति वुच्चति। तत्थ पण्णत्तिवारो उद्देसनिद्देसवसेन द्वीहाकारेहि ववत्थितो। इतरेसु विसुं उद्देसवारो नत्थि। आदितो पट्टाय पुच्छाविस्सज्जनवसेन एकथा ववत्थिता। तत्थ पञ्चकखन्धातिपदं आदिं कत्वा याव न खन्धा, न सङ्घाराति पदं ताव पण्णत्तिवारस्स उद्देसवारो वेदितब्बो। पुच्छावारोतिपि तस्सेव नामं। तत्थ पञ्चकखन्धाति अयं यमकवसेन पुच्छितब्बानं खन्धानं उद्देसो। रूपकखन्धो...पे... विञ्जाणकखन्धोति तेसज्जेव पभेदतो नामववत्थानं।

२-३. इदानी इमेसं खन्धानं वसेन पदसोधनवारो, पदसोधनमूलचककवारो, सुद्धखन्धवारो, सुद्धखन्धमूलचककवारोति चत्तारो नयवारा होन्ति। तत्थ रूपं रूपकखन्धो, रूपकखन्धो रूपन्तिआदिना नयेन पदमेव सोधेत्वा गतो पदसोधनवारो नाम। सो अनुलोमपटिलोमवसेन दुविधो होति। तत्थ अनुलोमवारे ‘रूपं रूपकखन्धो, रूपकखन्धो रूपन्तिआदीनि पञ्च यमकानि। पटिलोमवारेपि ‘न रूपं, न रूपकखन्धो; न रूपकखन्धो न रूपन्तिआदीनि पञ्चेव। ततो परं तेसज्जेव पदसोधनवारे सोधितानं खन्धानं ‘रूपं रूपकखन्धो, खन्धा वेदनाकखन्धो’तिआदिना नयेन एकेकखन्धमूलकानि चत्तारि चत्तारि चककानि बन्धित्वा गतो पदसोधनमूलकानं चककानं अत्थिताय पदसोधनमूलचककवारो नाम। सोपि अनुलोमपटिलोमवसेन दुविधो होति। तत्थ अनुलोमवारे ‘रूपं रूपकखन्धो, खन्धा वेदनाकखन्धो’तिआदीनि एकेकखन्धमूलकानि चत्तारि चत्तारि कत्वा वीसति यमकानि। पटिलोमवारेपि ‘न रूपं, न रूपकखन्धो; न खन्धा न वेदनाकखन्धो’तिआदीनि वीसतिमेव।

ततो परं रूपं खन्धो खन्धा रूपन्तिआदिना नयेन सुद्धखन्धवसेनेव गतो सुद्धखन्धवारो नाम। तत्थ खन्धा रूपन्तिआदीसु खन्धा रूपकखन्धो, खन्धा वेदनाकखन्धोति अत्थो गहेतब्बो। कस्मा? निद्देसवारे एवं भाजितत्ता। तत्थ हि ‘रूपं खन्धोति आमन्ता। खन्धा रूपकखन्धोति रूपकखन्धो खन्धो चेव रूपकखन्धो च, अवसेसा खन्धा न रूपकखन्धो’ति एवं ‘खन्धा रूपन्तिआदीनि खन्धा रूपकखन्धोतिआदिना नयेन पदं उद्धरित्वा अत्थो विभत्तो। तेनेव च कारणेनेसे सुद्धखन्धवारोति वुत्तो। वचनसोधने विय हि एत्थ न वचनं पमाणं। यथा यथा पन सुद्धखन्धा लब्धन्ति, तथा तथा अत्थोव पमाणं। परतो आयतनयमकादीसुपि एसेव नयो। एसोपि च सुद्धखन्धवारो अनुलोमपटिलोमवसेन दुविधो होति। तत्थ अनुलोमवारे ‘रूपं खन्धो खन्धा रूपन्तिआदीनि पञ्च यमकानि। पटिलोमवारेपि ‘न रूपं न खन्धो, न खन्धा न रूपन्तिआदीनि पञ्चेव।

ततो परं तेसज्जेव सुद्धखन्धानं रूपं खन्धो, खन्धा वेदनातिआदिना नयेन एकेकखन्धमूलकानि चत्तारि चत्तारि चककानि बन्धित्वा गतो सुद्धखन्धमूलकानं चककानं अत्थिताय सुद्धखन्धमूलचककवारो नाम। तत्थ खन्धा वेदनातिआदीसु खन्धा वेदनाकखन्धोतिआदिना नयेन अत्थो वेदितब्बो। इतरथा निद्देसवारेन सङ्घि विरोधो होति। सोपि अनुलोमपटिलोमवसेन दुविधो होति। तत्थ अनुलोमवारे ‘रूपं खन्धो, खन्धा वेदना’तिआदीनि एकेकखन्धमूलकानि चत्तारि चत्तारि कत्वा वीसति यमकानि। पटिलोमवारेपि ‘न रूपं, न खन्धो, न खन्धा न वेदना’तिआदीनि वीसतिमेव। एवं ताव एकेन यमकसतेन द्वीहि पुच्छासतेहि एकेकपुच्छाय सन्निधानसंसयवसेन द्वे द्वे अत्थे कत्वा चतूहि च अत्थसतेहि पटिमण्डितो पण्णत्तिवारस्स उद्देसवारो वेदितब्बोति।

पण्णत्तिउद्देसवारवण्णना।

### १. पण्णत्तिनिद्देसवारवण्णना

२६. इदानी रूपं रूपकखन्धोतिआदिना नयेन निद्देसवारो आरब्धो। तत्थ रूपं रूपकखन्धोति यंकिञ्च रूपन्ति वुच्चति। सब्बं तं रूपं रूपकखन्धोति वचनसोधनत्थं पुच्छति। पियरूपं सातरूपं, रूपं, न रूपकखन्धोति यं ‘पियरूपं सातरूप’न्ति एत्थ रूपन्ति वुत्तं, तं रूपमेव, न रूपकखन्धोति अत्थो। रूपकखन्धो रूपञ्चेव रूपकखन्धो चाति यो पन रूपकखन्धो, सो रूपन्तिपि रूपकखन्धोतिपि वत्तुं वट्ठतीति अत्थो। रूपकखन्धो रूपन्ति एत्थ पन यस्मा रूपकखन्धो नियमेनेव रूपन्ति वत्तब्बो। तस्मा आमन्ताति आह। इमिना उपायेन सब्बविस्सज्जनेसु अत्थो वेदितब्बो। यो पन यत्थ विसेसो भविस्सति, तथेव तं वण्णयिस्साम। सज्जायमके ताव दिट्ठिसज्जाति ‘पपञ्चसज्जा’तिआदीसु आगता दिट्ठिसज्जा। सङ्घारयमके अवसेसा सङ्घाराति ‘अनिच्चा वत सङ्घारा’तिआदीसु आगता सङ्घारकखन्धो अवसेसा सङ्घतधम्मा। पटिलोमवारेपि एसेव नयोति।

पदसोधनवारो निद्रितो ।

२८. पदसोधनमूलचक्रवारे **खन्धा वेदनाकखन्धो**ति येकेचि खन्धा, सब्बे ते वेदनाकखन्धोति पुच्छति । सेसपुच्छासुपि एसेव नयो । पटिलोमे **न खन्धा न वेदनाकखन्धो**ति एत्थ ये पञ्जत्तिनिब्बानसङ्घाता धम्मा खन्धा न होन्ति, ते यस्मा वेदनाकखन्धोपि न होन्ति, तस्मा **आमन्ता**ति आह । सेसविस्सज्जनेसुपि एसेव नयोति ।

पदसोधनमूलचक्रवारे निद्रितो ।

३८. सुद्धखन्धवारे **रूपं खन्धो**ति यंकज्जि रूपन्ति वुत्तं, सब्बं तं खन्धोति पुच्छति । तत्थ यस्मा पियरूपसातरूपसङ्घातं वा रूपं होतु, भूतपादारूपं वा, सब्बं पञ्चसु खन्धेसु सङ्गहं गच्छतेव । तस्मा **आमन्ता**ति पटिजानाति । द्रुतियपदे ‘खन्धा रूपं’न्ति पुच्छितब्बे यस्मा रूपन्तिवचनेन रूपकखन्धोव अधिप्पेतो, तस्मा वचनं अनादियित्वा अत्थवसेन पुच्छन्तो **खन्धा रूपकखन्धो**ति आह । इमिना नयेन सब्बपदेसु अत्थो वेदितब्बो । परतो आयतनयमकादीनं निद्वेसवारोपि एसेव नयो । **सज्जा खन्धो**ति एत्थापि दिट्ठिसज्जा वा होतु, सज्जा एव वा, सब्बायपि खन्धभावतो आमन्ताति वुत्तं । **सङ्कारा खन्धो**ति पदेपि एसेव नयो । खन्धविनिमुत्तको हि सङ्कारो नाम नत्थि ।

३९. पटिलोमे **न रूपं न खन्धो**ति यं धम्मजातं रूपं न होति, तं खन्धोपि न होतीति पुच्छति । विस्सज्जने पनस्स **रूपं ठपेत्वा अवसेसा खन्धा न रूपं, खन्धा**ति रूपतो अज्जे वेदनादयो खन्धा रूपमेव न होन्ति, खन्धा पन होन्तीति अत्थो । **रूपञ्च खन्धे च ठपेत्वा अवसेसा**ति पञ्चकखन्धविनिमुत्तं निब्बानज्जेव पञ्जति च । इतो परेसुपि ‘अवसेसा’ति पदेसु एसेव नयोति ।

सुद्धखन्धवारो निद्रितो ।

४०-४४. सुद्धखन्धमूलचक्रवारे **रूपं खन्धो**तिआदीनं हेट्ठा वुत्तनयेनेव अत्थो वेदितब्बोति ।

सुद्धखन्धमूलचक्रवारे निद्रितो ।

पणत्तिनिद्वेसवारवण्णना ।

## २. पवत्तिवारवण्णना

५०-२०५. इदानीं **यस्स रूपकखन्धो**तिआदिना नयेन पवत्तिवारो आरद्धो । कस्मा पनेत्थ उद्वेसवारो न वुत्तोति? हेट्ठा दस्सितनयत्ता । पणत्तिवारस्मिञ्च उद्वेसवारे नयो दस्सितो । तेन पन नयेन सक्का सो इध अवुत्तोपि जानितुन्ति तं अवत्ता निद्वेसवारोव आरद्धो । इमस्मिं पन पवत्तिवारसङ्घाते महावारे उप्पादवारो, निरोधवारो, उप्पादनिरोधवारोति तयो अन्तरवारा होन्ति । तेसु पठमो धम्मानं उप्पादलक्खणस्स दीपितत्ता **उप्पादवारो**ति वुच्चति । द्रुतियो तेसज्जेव निरोधलक्खणस्स दीपितत्ता **निरोधवारो**ति वुच्चति । ततियो उभिन्नम्पि लक्खणानं दीपितत्ता **उप्पादनिरोधवारो**ति वुच्चति । उप्पादवारेन चेत्थ धम्मानं उप्पज्जनाकारोव दीपितो । निरोधवारेन ‘उप्पन्नं नाम निच्यं नत्थी’ति तेसज्जेव अनिच्यता दीपिता । उप्पादनिरोधवारेन तदुभयं ।

तत्थ उप्पादवारे ताव तिण्णं अद्धानं वसेन छ कालभेदा होन्ति — पच्चुप्पन्नो, अतीतो, अनागतो, पच्चुप्पन्नेनातीतो, पच्चुप्पन्नेनानागतो, अतीतेनानागतोति । तेसु ‘**यस्स रूपकखन्धो उप्पज्जती**’ति पच्चुप्पन्नाभिधानवसेन पच्चुप्पन्नो वेदितब्बो । सो पच्चुप्पन्नानं धम्मानं पच्चकखतो गहेतब्बत्ता अतिविय सुविज्जेय्योति पठमं वुत्तो । **यस्स रूपकखन्धो उप्पज्जित्था**ति अतीताभिधानवसेन अतीतो वेदितब्बो । सो पच्चकखतो अनुभूतपुब्बानं अतीतधम्मानं अनुमानेन अनागतेहि सुविज्जेय्यतरत्ता द्रुतियं वुत्तो । **यस्स रूपकखन्धो उप्पज्जिस्सती**ति अनागताभिधानवसेन अनागतो वेदितब्बो । सो पच्चकखतो च अनुभूतपुब्बवसेन च गहितधम्मानुमानेन ‘अनागतेपि एवरूपा धम्मा उप्पज्जिस्सन्ती’ति गहेतब्बतो ततियं वुत्तो ।

**यस्स रूपकखन्धो उप्पज्जति, तस्स वेदनाकखन्धो उप्पज्जित्था**ति पच्चुप्पन्नेन सद्धिं अतीताभिधानवसेन पच्चुप्पन्नेनातीतो वेदितब्बो । सो मिस्सकेसु तीसु सुविज्जेय्यतरत्ता चतुर्थं वुत्तो । **यस्स रूपकखन्धो उप्पज्जति तस्स वेदनाकखन्धो उप्पज्जिस्सती**ति पच्चुप्पन्नेन सद्धिं अनागताभिधानवसेन पच्चुप्पन्नेनानागतो वेदितब्बो । सो पच्चकखतो गहेतब्बानं धम्मानं अत्थिताय अत्थतो सुविज्जेय्यतराति पञ्चमं वुत्तो । **यस्स रूपकखन्धो उप्पज्जित्थ, तस्स वेदनाकखन्धो उप्पज्जिस्सती**ति अतीतेन सद्धिं अनागताभिधानवसेन अतीतेनानागतो वेदितब्बो । सो पुरिमेहि दुविज्जेय्योति छट्ठं वुत्तो ।

एवमेतेसु छसु कालभेदेसु ख्यायं पठमो पच्चुप्पन्नो, तत्थ पुगलतो, ओकासतो, पुगलोकासतोति तयो वारा होन्ति । तेसु **यस्सा**ति पुगलवसेन खन्धानं उप्पत्तिदीपनो **पुगलवारो** । **यत्था**ति ओकासवसेन खन्धानं उप्पत्तिदीपनो **ओकासवारो** । **यस्स यत्था**ति पुगलोकासवसेन खन्धानं उप्पत्तिदीपनो **पुगलोकासवारो** । इमे पन तयोपि वारा पठमं अनुलोमनयेन निद्विसित्वा पच्छा पटिलोमनयेन निद्विडा । तेसु ‘उप्पज्जति’ ‘उप्पज्जित्थ,’ ‘उप्पज्जिस्सती’ति वचनतो उप्पत्तिदीपनो अनुलोमनयो । ‘नुप्पज्जति,’ ‘नुप्पज्जित्थ,’ ‘नुप्पज्जिस्सती’ति वचनतो अनुप्पत्तिदीपनो पटिलोमनयो ।

तत्थ पच्चुप्पन्नकाले ताव पुगलवारस्स अनुलोमनये ‘यस्स रूपकखन्धो उप्पज्जति, तस्स वेदनाकखन्धो उप्पज्जति । यस्स वा पन वेदनाकखन्धो उप्पज्जति, तस्स रूपकखन्धो उप्पज्जति । यस्स रूपकखन्धो उप्पज्जति, तस्स सज्जाकखन्धो सङ्कारकखन्धो, विज्जाणकखन्धो, उप्पज्जति । यस्स वा पन विज्जाणकखन्धो उप्पज्जति, तस्स रूपकखन्धो उप्पज्जती’ति एवं रूपकखन्धमूलकानि चत्तारि यमकानि; ‘यस्स वेदनाकखन्धो उप्पज्जति, तस्स सज्जाकखन्धो उप्पज्जती’तिआदिना नयेन वेदनाकखन्धमूलकानि तीणि; सज्जाकखन्धमूलकानि द्वे; सङ्कारकखन्धमूलकं एकन्ति अगहितगहणेन दस यमकानि होन्ति ।

तत्थ रूपकखन्धमूलकेसु चतसु आदितो एकमेव विस्सज्जितं । सेसानि तेन सदिसविस्सज्जनानीति तन्तिया लहुभावत्थं सङ्घित्तानि । वेदनाकखन्धादिमूलकेसुपि ‘आमन्ता’ति एकसदिसमेव विस्सज्जन् । तस्मा तानिपि तन्तिया लहुभावत्थं सङ्घित्तानेवाति एवमेतानि पच्चुप्पन्नकाले पुगलवारे अनुलोमनये एकयमकविस्सज्जनेनेव दस

यमकानि विस्सज्जितानि नाम होन्तीति वेदितव्वानि । यथा च पुग्गलवारे दस, एवं ओकासवारे दस, पुग्गलोकासवारे दसाति पच्चुप्पन्नकाले तीसु वारेसु अनुलोमनये तिसं यमकानि होन्ति । यथा च अनुलोमनये, एवं पटिलोमनयेपीति सब्बानिपि पच्चुप्पन्नकाले सट्ठि यमकानि होन्ति । तेसु वीसपुच्छासत्तं, चत्तारीसानि च द्वे अत्थसतानि होन्तीति वेदितव्वानि । एवं सेसेसुपि पञ्चसु कालभेदेसु पुग्गलादिभेदतो अनुलोमपटिलोमनयवसेन छ छ वारा । एकेकस्मिं वारे दस दस कत्वा सट्ठि सट्ठि यमकानीति तीणि यमकसतानि । तानि पुरिमेहि सट्ठि सट्ठाधिकानि तीणि यमकसतानि, वीसाधिकानि सत्तपुच्छासतानि, चत्तारीसानि च चुट्टस अत्थसतानि होन्ति । इदं ताव उप्पादवारे पाळिववत्थानं । यथा च उप्पादवारे, तथा निरोधवारेपि, उप्पादनरोधवारेपीति सब्बस्मिम्पि पवत्तिमहावारे असीति यमकसहस्सं, सट्ठिसताधिकानि द्वे पुच्छासहस्सानि, वीसं तिसताधिकानि च चत्तारि अत्थसहस्सानि वेदितव्वानि ।

पाळि पन उप्पादवारे निरोधवारे च तीसु असम्मिस्सककालभेदेसु तस्मिं तस्मिं वारे एकेकमेव यमकं विस्सज्जेत्वा सट्ठित्ता । तीसु भिस्सककालभेदेसु ‘यस्स वेदनाक्खन्धो उपपज्जति, तस्स सज्जाक्खन्धो उपपज्जित्था’ति आदिना नयेन वेदनाक्खन्धादिमूलकेसुपि एकं यमकं विस्सज्जितं । उप्पादनरोधवारे पन छसुपि कालभेदेसु तं विस्सज्जितमेव । सेसानि तेन समानविस्सज्जनत्ता सट्ठित्तानीति । इदं सकलेपि पवत्तिमहावारे पाळिववत्थानं ।

अत्थविनिच्छयत्थं पनस्स इदं लक्खणं वेदितव्वं — इमस्मिञ्चि पवत्तिमहावारे चतुन्नं पज्हांनं पञ्च विस्सज्जनानि सत्तवीसतिया ठानेसु पक्खिपित्वा अत्थविनिच्छयो वेदितव्वो । तत्थ पुरेपज्हो, पच्छापज्हो, परिपुण्णपज्हो, मोघपज्होति इमे चत्तारो पज्हा नाम । एकेकस्मिञ्चि यमके द्वे द्वे पुच्छा । एकेकपुच्छायपि द्वे द्वे पदानि । तत्थ याय पुच्छाय विस्सज्जने एकेनेव पदेन गहितक्खन्धस्स उप्पादो वा निरोधो वा लब्भति, अयं **पुरेपज्हो** नाम । याय पन पुच्छाय विस्सज्जने द्वीहिपि पदेहि गहितक्खन्धानं उप्पादो वा निरोधो वा लब्भति, अयं **पच्छापज्हो** नाम । याय पन पुच्छाय विस्सज्जने एकेनपि पदेन गहितक्खन्धस्स द्वीहिपि पदेहि गहितक्खन्धानं उप्पादो वा, निरोधो वा लब्भति, अयं **परिपुण्णपज्हो** नाम । याय पन पुच्छाय विस्सज्जने पटिकखेपो वा, पटिसेधो वा लब्भति, अयं **मोघपज्हो** नाम । यस्मा पनेस अदस्सियमानो न सकका जानितुं, तस्मा नं दस्सयिस्साम ।

‘यत्थ रूपक्खन्धो नुपपज्जति, तत्थ वेदनाक्खन्धो नुपपज्जती’ति पुच्छाय ताव उपपज्जतीति इमस्मिं विस्सज्जने एकेनेव पदेन गहितस्स वेदनाक्खन्धस्स उप्पादो लब्भति, इति अयज्चेव अज्जो च एवरूपो पज्हो पुरेपज्होति वेदितव्वो । ‘यस्स रूपक्खन्धो उपपज्जित्थ, तस्स वेदनाक्खन्धो उपपज्जित्था’ति पुच्छाय पन ‘आमन्ता’ति इमस्मिं विस्सज्जने द्वीहि पदेहि गहितानं रूपवेदनाक्खन्धानं यस्स कस्सचि सत्तस्स अतीते उप्पादो लब्भति । इति अयज्चेव अज्जो च एवरूपो पज्हो पच्छापज्होति वेदितव्वो ।

‘यस्स रूपक्खन्धो उपपज्जति, तस्स वेदनाक्खन्धो उपपज्जती’ति इमाय पन पठमपुच्छाय ‘असज्जसत्तं उपपज्जन्तान’न्ति आदिके इमस्मिं विस्सज्जने ‘असज्जसत्तं उपपज्जन्तानं तेसं रूपक्खन्धो उपपज्जति, नो च तेसं वेदनाक्खन्धो उपपज्जती’ति इमस्मिं कोट्ठासे एकेनेव पदेन गहितस्स रूपक्खन्धस्सपि उप्पादो लब्भति । ‘पञ्चवोकारं उपपज्जन्तानं तेसं रूपक्खन्धो च उपपज्जति वेदनाक्खन्धो च उपपज्जती’ति इमस्मिं कोट्ठासे द्वीहिपि पदेहि सट्ठहितानं रूपवेदनाक्खन्धानमपि उप्पादो लब्भति । इति अयज्चेव अज्जो च एवरूपो पज्हो परिपुण्णपज्होति वेदितव्वो । पुरेपच्छापज्होतिपि एतस्सेव नामं । एतस्स हि विस्सज्जने पुरिमकोट्ठासे एकेन पदेन सट्ठहितस्स रूपक्खन्धस्सेव उप्पादो दस्सितो । दुतियकोट्ठासे द्वीहि पदेहि सट्ठहितानं रूपवेदनाक्खन्धानं । इमिनायेव च लक्खणेन यत्थ एकेन पदेन सट्ठहितस्स खन्धस्स उप्पादो वा निरोधो वा लब्भति, सो पुरेपज्होति वुत्तो । यत्थ द्वीहिपि पदेहि सट्ठहितानं खन्धानं उप्पादो वा निरोधो वा लब्भति, सो पच्छापज्होति वुत्तो ।

‘यस्स रूपक्खन्धो नुपपज्जित्थ, तस्स वेदनाक्खन्धो नुपपज्जित्था’ति इमाय पन पुच्छाय ‘नत्थी’ति इमस्मिं विस्सज्जने पटिकखेपो लब्भति । ‘यस्स रूपक्खन्धो उपपज्जति, तस्स वेदनाक्खन्धो निरुज्झती’ति पुच्छाय ‘नो’ति इमस्मिं विस्सज्जने पटिसेधो लब्भति । तस्मा अयज्चेव दुविधो अज्जो च एवरूपो पज्हो मोघपज्होति वेदितव्वो । तुच्छपज्होतिपि वुच्चति । एवं ताव चत्तारो पज्हा वेदितव्व्या ।

पाळिगतिया विस्सज्जनं, पटिवचनविस्सज्जनं, सरूपदस्सनेन विस्सज्जनं, पटिकखेपेन विस्सज्जनं, पटिसेधेन विस्सज्जनन्ति इमानि पन पञ्च विस्सज्जनानि नाम । तत्थ यं विस्सज्जनं पाळिपदमेव हुत्वा अत्थं विस्सज्जेति, इदं **पाळिगतिया विस्सज्जनं** नाम । तं पुरेपज्हे लब्भति । ‘यत्थ रूपक्खन्धो नुपपज्जति तत्थ वेदनाक्खन्धो नुपपज्जती’ति हि पज्हे ‘उपपज्जती’ति इदं विस्सज्जनं पाळिपदमेव हुत्वा अत्थं विस्सज्जयमानं गतं, तस्मा एवरूपेसु ठानेसु पाळिगतिया विस्सज्जनं वेदितव्वं । यं पन विस्सज्जनं पटिवचनभावेन अत्थं विस्सज्जेति, इदं **पटिवचनविस्सज्जनं** नाम । तं पच्छापज्हे लब्भति । ‘यस्स रूपक्खन्धो उपपज्जित्थ, तस्स वेदनाक्खन्धो उपपज्जित्था’ति हि पज्हे ‘आमन्ता’ति इदं विस्सज्जनं पटिवचनवसेनेन अत्थं विस्सज्जयमानं गतं, तस्मा एवरूपेसु ठानेसु पटिवचनविस्सज्जनं वेदितव्वं । यं विस्सज्जनं सरूपेन दस्सेत्वा अत्थं विस्सज्जेति, इदं **सरूपदस्सनेन विस्सज्जनं** नाम । तं परिपुण्णपज्हे लब्भति । ‘यस्स रूपक्खन्धो उपपज्जति, तस्स वेदनाक्खन्धो उपपज्जती’ति हि पज्हे ‘असज्जसत्तं उपपज्जन्तान’न्ति इदं विस्सज्जनं ‘इमेसं रूपक्खन्धो उपपज्जति, नो च वेदनाक्खन्धो, इमेसं रूपक्खन्धो च उपपज्जति, वेदनाक्खन्धो चा’ति सरूपदस्सनेनेन अत्थं विस्सज्जयमानं गतं । तस्मा एवरूपेसु ठानेसु सरूपदस्सनेन विस्सज्जनं वेदितव्वं । यं पन विस्सज्जनं तथारूपस्स अत्थस्साभावतो अत्थपटिकखेपेन पज्हं विस्सज्जेति, इदं **पटिकखेपेन विस्सज्जनं** नाम । यं तथारूपस्स अत्थस्स एकक्खणे अलाभतो अत्थपटिसेधेनेन पज्हं विस्सज्जेति, इदं **पटिसेधेन विस्सज्जनं** नाम । तं मोघपज्हे लब्भति । ‘यस्स रूपक्खन्धो नुपपज्जित्थ, तस्स वेदनाक्खन्धो नुपपज्जित्था’ति हि पज्हे ‘नत्थी’ति इदं विस्सज्जनं; एवरूपो नाम सत्तो नत्थीति अत्थपटिकखेपेन पज्हं विस्सज्जयमानं गतं; तस्मा एवरूपेसु ठानेसु पटिकखेपेन विस्सज्जनं वेदितव्वं । ‘यस्स रूपक्खन्धो उपपज्जति, तस्स वेदनाक्खन्धो निरुज्झती’ति पज्हे पन ‘नो’ति इदं विस्सज्जनं एकस्मिं पटिसन्धिक्खणे उप्पादेन सट्ठि निरोधो नाम न लब्भतीति अत्थपटिसेधेनेन पज्हं विस्सज्जयमानं गतं, तस्मा एवरूपेसु ठानेसु पटिसेधेन विस्सज्जनं वेदितव्वं ।

इदानीं इमे चत्तारो पज्हा, इमानि च पञ्च विस्सज्जनानि, येसु सत्तवीसतिया ठानेसु पक्खिपितव्वानि, तानि एवं वेदितव्वानि — असज्जसत्तं उपपज्जन्तानन्ति एकं ठानं, असज्जसत्ते तत्थाति एकं, असज्जसत्तानन्ति एकं; असज्जसत्ता चवन्तानन्ति एकं; अरूपं उपपज्जन्तानन्ति एकं, अरूपे तत्थाति एकं, अरूपानन्ति एकं, अरूपा चवन्तानन्ति एकं, अरूपे पच्छिमभविकानन्ति एकं, अरूपे परिनिब्बन्तानन्ति एकं; ये च अरूपं उपपज्जित्वा परिनिब्बायिस्सन्तीति एकं; पञ्चवोकारं उपपज्जन्तानन्ति एकं, पञ्चवोकारे तत्थाति एकं, पञ्चवोकारानन्ति एकं पञ्चवोकारा चवन्तानन्ति एकं, पञ्चवोकारे पच्छिमभविकानन्ति एकं, पञ्चवोकारे परिनिब्बन्तानन्ति एकं; सुद्धावासं उपपज्जन्तानन्ति एकं, सुद्धावासे तत्थाति एकं, सुद्धावासानन्ति एकं, सुद्धावासे परिनिब्बन्तानन्ति एकं; सब्बेसं उपपज्जन्तानन्ति एकं, सब्बेसं चवन्तानन्ति एकं; सब्बासाधारणवसेन पच्छिमभविकानन्ति एकं, परिनिब्बन्तानन्ति एकं, चतुवोकारं पञ्चवोकारं उपपज्जन्तानन्ति एकं, चवन्तानन्ति एकं । एवं इमेसं चतुन्नं पज्हांनं इमानि पञ्च विस्सज्जनानि इमेसु सत्तवीसतिया ठानेसु पक्खिपित्वा इमस्मिं पवत्तिमहावारे अत्थविनिच्छयो वेदितव्वो । एवं विदित्वा हि पज्हं विस्सज्जन्तेन सुविस्सज्जितो होति, अत्थञ्च विनिच्छयन्तेन सुविनिच्छितो होति ।

तथायं नयो — यस्स रूपक्खन्धो उप्पज्जतीति यस्स पुग्गलस्स उप्पादक्खणसमङ्गिताय रूपक्खन्धो उप्पज्जति। तस्स वेदनाक्खन्धो उप्पज्जतीति वेदनाक्खन्धोपि तस्स तस्मिञ्जेव खणे उप्पज्जतीति पुच्छति। असञ्जसत्तं उपपज्जन्तानन्ति अचित्तकपटिसन्धिवसेन असञ्जसत्तभवं उपपज्जन्तानं। तेसं रूपक्खन्धो उप्पज्जतीति तेसं एकन्तेन रूपक्खन्धो उप्पज्जतियेव। पवत्ते उप्पन्नानं रूपक्खन्धो उप्पज्जतिपि निरुज्झतिपि, तस्मा ‘असञ्जसत्तान’न्ति अवत्वा असञ्जसत्तं उपपज्जन्तान’न्ति वुत्तं। नो च तेसं वेदनाक्खन्धो उप्पज्जतीति अचित्तकत्ता पन तेसं वेदनाक्खन्धो नुप्पज्जतेव। इदं सत्तवीसतिया ठानेसु पठमे ठाने परिपुण्णपञ्चस्स पुरिमकोट्टासे सरूपदस्सनेन विस्सज्जनं। पञ्चवोकारं उपपज्जन्तानन्ति रूपारूपमिस्सकपटिसन्धिवसेन पञ्चवोकारभवं उपपज्जन्तानं। तेसं रूपक्खन्धो च उप्पज्जति, वेदनाक्खन्धो चाति तेसं एकन्तेन रूपवेदनाक्खन्धसङ्घाता द्वेपि खन्धा उप्पज्जन्तियेव। पवत्ते पन तत्थ उप्पन्नानं ते खन्धा उप्पज्जन्तिपि निरुज्झन्तिपि, तस्मा ‘पञ्चवोकारान’न्ति अवत्वा ‘पञ्चवोकारं उपपज्जन्तान’न्ति वुत्तं। इदं पञ्चवोकारं उपपज्जन्तानन्ति ठाने परिपुण्णपञ्चस्स पच्छिमकोट्टासे सरूपदस्सनेन विस्सज्जनं। इमिना उपायेन सब्बानि विस्सज्जनानि वेदितब्बानि।

इदं पनेत्थ उप्पादनरोधेसु नियमलक्खणं — सकलेपि हि इमस्मिं खन्धयमके तत्थ तत्थ उप्पन्नानं पवत्ते याव मरणा खन्धानं अपरियन्तेसु उप्पादनरोधेसु विज्जमानेसुपि लहुपरिवत्तानं धम्मानं विनिब्बोगं कत्वा उप्पादनरोधे दस्सेतुं न सुकरन्ति पवत्तियं उप्पादनरोधे अनामसित्वा अभिनवं विपाकवट्टं निष्फादयमानेन नानाकम्मेन निब्बत्तानं पटिसन्धिवखन्धानं उप्पादं दस्सेतुं सुखन्ति पटिसन्धिकाले उप्पादवसेनेव उप्पादवारो कथितो। उप्पन्नस्स पन विपाकवट्टस्स परियोसानेन निरोधं दस्सेतुं सुखन्ति मरणकाले निरोधवसेन निरोधवारो कथितो।

किं पनेत्थ पवत्तियं उप्पादनरोधानं अनामद्वुभावे पमाणन्ति? पाळियेव। पाळियज्झि विसेसेन उप्पादवारस्स अनागतकालवारं ‘पच्छिमभविकानं तेसं रूपक्खन्धो च नुप्पज्जिस्सति, वेदनाक्खन्धो च नुप्पज्जिस्सती’ति अयं पाळि अतिपमाणमेव। पच्छिमभविकानज्झि पवत्ते रूपारूपधम्मानं उप्पज्जितुं युत्तभावे सतिपि ‘रूपक्खन्धो च नुप्पज्जिस्सति, वेदनाक्खन्धो च नुप्पज्जिस्सती’ति सन्निट्ठानं कत्वा वुत्तभावेन पवत्ते उप्पादो न गहितोति वेदितब्बो। ‘सुद्धावासे परिनिब्बन्तानं तेसं तत्थ सञ्जाक्खन्धो न निरुज्झित्थ, नो च तेसं तत्थ वेदनाक्खन्धो न निरुज्झती’ति अयं पन पाळि पवत्ते निरोधस्स अनामद्वुभावे अतिविय पमाणं। सुद्धावासे परिनिब्बन्तानज्झि चुतिचित्तस्स भङ्गक्खणे ठितानं पटिसन्धितो पट्टाय पवत्ते उप्पज्जित्वा निरुद्धसञ्जाक्खन्धानं गणनपथो नत्थि। ‘एवं सन्तेपि तेसं तत्थ सञ्जाक्खन्धो न निरुज्झित्था’ति सन्निट्ठानं कत्वा वुत्तभावेन पवत्ते निरोधो न गहितोति वेदितब्बो।

एवमेत्थ उप्पादनरोधेसु नियमलक्खणं विदित्वा पटिसन्धिउप्पादमेव चुतिनिरोधमेव च गहेत्वा तेसु तेसु ठानेसु आगतानं विस्सज्जनानं अत्थविनिच्छयो वेदितब्बो। सो पन सक्का आदिविस्सज्जने वुत्तनयेन सब्बत्थ विदितुन्ति विस्सज्जनपटिपाटिया न वित्थारितो। इमिना पन एवं दिन्नेनपि नयेन यो एतेसं अत्थविनिच्छयं जानितुं न सक्कोति, तेन आचरिये पयिरुपासित्वा साधुकं सुत्वापि जानितब्बो।

उप्पादस्स निरोधस्स, उप्पन्नञ्चापि एकतो।  
नयस्स अनुलोमस्स, पटिलोमनयस्स च॥

वसेन यानि खन्धेसु, यमकानि च पञ्चसु।  
पुग्गलं अथ ओकासं, पुग्गलोकासमेव च॥

आमसित्वा पवत्तेसु, ठानेसु कथयी जिनो।  
तेसं पाळिववत्थानं, दस्सितं अनुपुब्बतो॥

विनिच्छयत्थं अत्थस्स, पञ्हाविस्सज्जनानि च।  
विस्सज्जनानं ठानानि, यानि तानि च सब्बसो॥

दस्सेत्वा एकपञ्चस्मिं, योजनापि पकासिता।  
वित्थारेन गते एत्थ, पञ्हाविस्सज्जनक्कमे॥

अत्थं वण्णयता कातुं, किं नु सक्का इतो परं।  
नयेन इमिना तस्मा, अत्थं जानन्तु पण्डिताति॥

पवत्तिमहावारवण्णना।

### ३. परिञ्जावारवण्णना

२०६-२०८. तदनन्तरे परिञ्जावारेपि छळेव कालभेदा। अनुलोमपटिलोमतो द्वेयेव नया। पुग्गलवारो, ओकासवारो, पुग्गलोकासवारोति इमेसु पन तीसु पुग्गलवारोव लब्भति, न इतरे द्वे। किं कारणा? सदिसविस्सज्जनताय। यो हि कोचि पुग्गलो यत्थ कत्थाचि ठाने रूपक्खन्धं चे परिजानाति, वेदनाक्खन्धमपि परिजानातियेव। वेदनाक्खन्धं चे परिजानाति, रूपक्खन्धमपि परिजानातियेव। रूपक्खन्धं चे न परिजानाति, वेदनाक्खन्धमपि न परिजानातियेव। वेदनाक्खन्धं चे न परिजानाति, रूपक्खन्धमपि न परिजानातियेव। तस्मा तेसुपि ‘यत्थ रूपक्खन्धं परिजानाति, तत्थ वेदनाक्खन्धं परिजानाती’ति आदिवसेन पुच्छं कत्वा ‘आमन्ता’त्वेव विस्सज्जनं कातब्बं। सियाति सदिसविस्सज्जनताय ते इध न लब्भन्तीति वेदितब्बा।

अथ वा परिञ्जाकिच्चं नाम पुग्गलस्सेव होति, नो ओकासस्स, पुग्गलोव परिजानितुं समत्थो, नो ओकासोति पुग्गलवारोवेत्थ गहितो, न ओकासवारो। तस्स पन

अगगहितत्ता तदनन्तरो पुगलोकासवारो लब्भमानोपि न गहितो । यो पनेस पुगलवारो गहितो, तत्थ पच्चुप्पन्नकाले रूपक्खन्धमूलकानि चत्तारि, वेदनाक्खन्धमूलकानि तीणि, सञ्जाक्खन्धमूलकानि द्वे, सङ्खारक्खन्धमूलकं एकन्ति हेट्ठा वुत्तनयेनेव अनुलोमनये अगगहितगगणेन दस यमकानि । पटिलोमनये दसाति वीसति । तथा सेसेसुपीति एकेकस्मिं काले वीसति वीसति कत्वा छसु कालेसु वीसं यमकसतं, चत्तारीसानि द्वे पुच्छासतानि, असीत्याधिकानि चत्तारि अत्थसतानि च होन्तीति इदमेत्थ पाळिववत्थानं ।

अत्थविनिच्छये पनेत्थ अतीतानागतपच्चुप्पन्नसङ्काता तथो अद्धा पवत्तिवारे विय च्छुतिपटिसन्धिवसेन न लब्भन्ति । पवत्ते चित्तक्खणवसेनेव लब्भन्ति । तेनेवेत्थ ‘यो रूपक्खन्धं परिजानाति, सो वेदनाक्खन्धं परिजानाती’ति आदीसु पुच्छासु ‘आमन्ता’ति विस्सज्जनं कतं । लोकुत्तरमगगक्खणस्मिज्झि निब्बानारम्मणेन चित्तेन पच्चसु खन्धेसु परिज्जाकिच्चनिब्बत्तिया यं किञ्चि एकं खन्धं परिजानन्तो इतरम्पि परिजानातीति वुच्चति । एवमेत्थ ‘परिजानाती’ति पज्हेसु अनुलोमनये परिज्जाकिच्चस्स मत्थकप्पत्तं अगगमगसमङ्गि सन्धाय ‘आमन्ता’ति वुत्तन्ति वेदितब्बं । पटिलोमनये पन ‘न परिजानाती’ति पज्हेसु पुथुज्जनादयो सन्धाय ‘आमन्ता’ति वुत्तं । ‘परिजानित्था’ति इमस्मिं पन अतीतकालवारे मगगानन्तरअगगफले ठितोपि परिज्जाकिच्चस्स निड्डितत्ता परिजानित्थयेव नाम ।

**२०९. यो रूपक्खन्धं परिजानाति, सो वेदनाक्खन्धं परिजानित्थाति** पज्हेन अगगमगसमङ्गि पुच्छति । यस्मा पनेस खन्धपच्चकं परिजानातियेव नाम, न ताव निड्डितपरिज्जाकिच्चो; तस्मा ‘नो’ति पटिसेधो कतो । दुतियपज्हे पन **परिजानित्थाति** अरहन्तं पुच्छति । यस्मा पनेसो निड्डितपरिज्जाकिच्चो । नत्थि तस्स परिज्जेय्यं नाम; तस्मा ‘नो’ति पटिसेधो कतो । पटिलोमनयविस्सज्जने पनेत्थ **अरहा रूपक्खन्धं न परिजानातीति** अरहतो परिज्जाय अभावेन वुत्तं । **अगगमगसमङ्गी वेदनाक्खन्धं न परिजानित्थाति** अरहतमगगड्डस्स अनिड्डितपरिज्जाकिच्चताय वुत्तं । न केवलज्ज वेदनाक्खन्धमेव, एकधम्मम्पि सो न परिजानित्थेव । इदं पन पुच्छावसेन वुत्तं । **नो च रूपक्खन्धं** इदम्पि पुच्छावसेनेव वुत्तं । अज्जम्पि पन सो खन्धं परिजानाति ।

**२१०-२११. यो रूपक्खन्धं परिजानाति, सो वेदनाक्खन्धं परिजानिस्सतीति** एत्थ यस्मा मगगड्डपुगलो एकचित्तक्खणिको, तस्मा सो परिजानिस्सतीति सङ्खं न गच्छति । तेन वुत्तं ‘नो’ति । **ते रूपक्खन्धज्ज न परिजानित्थाति** पुच्छासभागेन वुत्तं, न परिजानिस्सूति पनेत्थ अत्थो । इमिना उपायेन सब्बत्थ अत्थविनिच्छयो वेदितब्बोति ।

परिज्जावारवण्णना ।

खन्धयमकवण्णना निड्डिता ।

### ३. आयतनयमकं

#### १. पण्णत्तिउद्देसवारवण्णना

**१-१.** इदानीं मूलयमके देसितेयेव कुसलादिधम्मे आयतनवसेनापि सङ्गण्हित्वा खन्धयमकानन्तरं देसितस्स आयतनयमकस्स वण्णना होति । तत्थ खन्धयमके वुत्तनयेनेव पाळिववत्थानं वेदितब्बं । यथेव हि तत्थ पण्णत्तिवारो, पवत्तिवारो, परिज्जावारोति तयो महावारा होन्ति, तथा इधापि । वचनत्थोपि नेसं तत्थ वुत्तनयेनेव वेदितब्बो । इधापि च पण्णत्तिवारो उद्देसनिद्देसवसेन द्विधा ववत्थितो । इतरे निद्देसवसेनेन । ‘तत्थ द्वादसायतनानी’ति पदं आदि कत्वा याव **नायतना न मनोति**, ताव पण्णत्तिवारस्स उद्देसवारो वेदितब्बो । तत्थ **द्वादसायतनानीति** अयं यमकवसेन पुच्छितब्बानं आयतनानं उद्देसो । **चक्खायतनं...पे०... धम्मायतनं** तेसज्जेव पभेदतो नामववत्थानं । यमकवसेन पुच्छासुखत्थज्जेत्थ पठमं पटिपाटिया अज्झत्तरूपायतनानि वुत्तानि । पच्छा बाहिररूपायतनानि । परियोसाने मनायतनधम्मायतनानि ।

यथा पन हेट्ठा खन्धवसेन, एवमिध इमेसं आयतनानं वसेन पदसोधनवारो, पदसोधनमूलचक्कवारो, सुद्धायतनवारो, सुद्धायतनमूलचक्कवारोति, चत्तारोव नयवारा होन्ति । एकेको चेत्थ अनुलोमपटिलोमवसेन दुविधोयेव । तेसमत्थो तत्थ वुत्तनयेनेव वेदितब्बो । यथा पन खन्धयमके पदसोधनवारस्स अनुलोमवारे ‘रूपं रूपक्खन्धो, रूपक्खन्धो रूपं’ति आदीनि पच्च यमकानि, तथा इध ‘चक्खु, चक्खायतनं; चक्खायतनं; चक्खु’ति आदीनि द्वादस । पटिलोमवारेपि ‘न चक्खु, न चक्खायतनं; न चक्खायतनं, न चक्खु’ति आदीनि द्वादस, पदसोधनमूलचक्कवारस्स पनेत्थ अनुलोमवारे एकेकायतनमूलकानि एकादस एकादस कत्वा द्वित्ससतं यमकानि । पटिलोमवारेपि द्वित्ससतमेव । सुद्धायतनवारस्सापि अनुलोमवारे द्वादस, पटिलोमवारे द्वादस, सुद्धायतनमूलचक्कवारस्सापि अनुलोमवारे एकेकायतनमूलकानि एकादस एकादस कत्वा द्वित्ससतं यमकानि । पटिलोमवारेपि द्वित्ससतमेवाति एवमिध छसत्तताधिकेहि पच्चहि यमकसतेहि, द्विपज्जासाधिकेहि एकादसहि पुच्छासतेहि, चतुराधिकेहि तेवीसाय अत्थसतेहि च पटिमण्डितो पण्णत्तिवारस्स उद्देसवारो वेदितब्बो ।

पण्णत्तिउद्देसवारवण्णना ।

#### १. पण्णत्तिनिद्देसवारवण्णना

**१०-१७.** निद्देसवारे पन हेट्ठा खन्धयमकस्स पण्णत्तिवारनिद्देसे वुत्तनयेनेव अत्थो वेदितब्बो । अज्जत्र विसेसा । तत्रायं विसेसो — **दिब्बचक्खूति** दुतियविज्जाजाणं । **पज्जाचक्खूति** ततियविज्जाजाणं । **दिब्बसोतन्ति** दुतियअभिज्जाजाणं । **तण्हासोतन्ति** तण्हाव । **अवसेसो कायोति** नामकायो, रूपकायो, हत्थिकायो, अस्सकायोति एवमादि । **अवसेसं रूपन्ति** रूपायतनतो सेसं भूतुपादायरूपज्जेव पियरूपसातरूपज्ज । **सीलगन्धो**ति आदीनि वायनट्टेन सीलादीनयेव नामानि । **अत्थरसो**ति आदीनिपि साधुमधुरट्टेन अत्थादीनज्जेव नामानि । **अवसेसो धम्मोति** परियत्तिधम्मादिअनेकपभेदोति अयमेत्थ विसेसो ।

पण्णत्तिनिद्देसवारवण्णना ।

#### २. पवत्तिवारवण्णना

**१८-२१.** इधापि च पवत्तिवारस्स उप्पादवारादीसु तीसु अन्तरवारेसु एकेकस्मिं छळेव कालभेदा । तेसं एकेकस्मिं काले पुगलवारादयो तयो वारा । ते सब्बेपि अनुलोमपटिलोमनयवसेन दुविधाव होन्ति । तत्थ पच्चुप्पन्नकाले पुगलवारस्स अनुलोमनये यथा खन्धयमके रूपक्खन्धमूलकानि चत्तारि, वेदनाक्खन्धमूलकानि तीणि, सञ्जाक्खन्धमूलकानि द्वे, सङ्खारक्खन्धमूलकं एकन्ति अग्गहितग्गहणेन दस यमकानि होन्ति । एवं “यस्स चक्खायतनं उप्पज्जति, तस्स सोतायतनं उप्पज्जति; यस्स वा पन सोतायतनं उप्पज्जति, तस्स चक्खायतनं उप्पज्जति; यस्स चक्खायतनं उप्पज्जति, तस्स घाणायतनं, जिह्वायतनं, कायायतनं, रूपायतनं, सद्दायतनं, गन्धायतनं, रसायतनं, फोड्डब्बायतनं, मनायतनं, धम्मायतनं, उप्पज्जति; यस्स वा पन धम्मायतनं उप्पज्जति, तस्स चक्खायतनं उप्पज्जति”ति एवं चक्खायतनमूलकानि एकादस । “यस्स सोतायतनं उप्पज्जति, तस्स घानायतनं उप्पज्जति”ति आदिना नयेन सोतायतनमूलकानि दस; घानायतनमूलकानि नव, जिह्वायतनमूलकानि अट्ठ; कायायतनमूलकानि सत्त; रूपायतनमूलकानि छ; सद्दायतनमूलकानि पञ्च; गन्धायतनमूलकानि चत्तारि; रसायतनमूलकानि तीणि; फोड्डब्बायतनमूलकानि द्वे; मनायतनमूलकं एकन्ति अग्गहितग्गहणेन छसट्ठि यमकानि होन्ति ।

तत्थ चक्खायतनमूलकेसु एकादससु “यस्स चक्खायतनं उप्पज्जति, तस्स सोतायतनं, घानायतनं, रूपायतनं, मनायतनं, धम्मायतनं उप्पज्जति”ति इमानि पञ्चेव विस्सज्जितानि । तेसु पठमं विस्सज्जेतब्बं ताव विस्सज्जितं । दुतियं किञ्चापि पठमेन सदिसविस्सज्जनं, चक्खुसोतायतनानं पवत्तिट्ठाने पन घानायतनस्स न एकन्तेन पवत्तितो “कथं नु खो एतं विस्सज्जेतब्बं”न्ति विमतिनिवारणत्थं विस्सज्जितं । रूपायतनमनायतनधम्मायतनेहि सद्धिं तीणि यमकानि असदिसविस्सज्जनत्ता विस्सज्जितानि । सेसेसु जिह्वायतनकायायतनेहि ताव सद्धिं द्वे यमकानि पुरिमेहि द्वीहि सद्धिं सदिसविस्सज्जनानि । सद्दायतनस्स पटिसन्धिकखणे अनुपत्तितो तेन सद्धिं यमकस्स विस्सज्जनमेव नत्थि । गन्धरसफोड्डब्बायतनेहिपि सद्धिं तीणि यमकानि पुरिमेहि द्वीहि सदिसविस्सज्जनानेव होन्तीति तन्तिया लहुभावत्थं सद्धित्तानि । सोतायतनमूलकेसु यं लब्धति, तं पुरिमेहि सदिसविस्सज्जनमेवाति एकम्पि पाळिं नारुहं । घानायतनमूलकेसु रूपायतनेन सद्धिं एकं, मनायतनधम्मायतनेहि सद्धिं द्वेति तीणि यमकानि पाळिं आरुहं । सेसानि घानायतनयमकेन सदिसविस्सज्जनत्ता नारुहं । तथा जिह्वायतनकायायतनमूलकानि । रूपायतनमूलकेसु मनायतनधम्मायतनेहि सद्धिं द्वेयेव विस्सज्जितानि । गन्धरसफोड्डब्बेहि पन सद्धिं तीणि रूपायतनमनायतनेहि सद्धिं सदिसविस्सज्जनानि । यथेव हेत्थ “सरूपकानं अचित्तकानं”न्ति आदि वुत्तं, तथा इधापि “सरूपकानं अगन्धकानं, अरसकानं अफोड्डब्बकानं”न्ति योजना वेदितब्बा । गन्धादीनि चेत्थ आयतनभूतानेव अधिप्पेतानि । तस्मा “सरूपकानं सगन्धायतनानं”न्ति आयतनवसेनेत्थ अत्थो दट्ठब्बो ।

सद्दायतनमूलकानि अत्थाभावतो पाळिं नारुहं । गन्धरसफोड्डब्बमूलकानि चत्तारि तीणि द्वे च हेट्ठिमेहि सदिसविस्सज्जनत्ता पाळिं नारुहं । मनायतनमूलकं विस्सज्जितमेवाति एवमेतानि पच्चुप्पन्नकाले पुगलवारस्स अनुलोमनये कतिपययमकविस्सज्जनेनेव छसट्ठियमकानि विस्सज्जितानि नाम होन्तीति वेदितब्बानि । यथा च पुगलवारे, एवं ओकासवारेपि पुगलोकासवारेपि छसट्ठीति पच्चुप्पन्नकाले तीसु वारेसु अनुलोमनये अट्ठनवुत्तिसत्तं यमकानि होन्ति । यथा च अनुलोमनये, एवं पटिलोमनयेपीति सब्बानिपि पच्चुप्पन्नकाले छन्नवुत्ताधिकानि तीणि यमकसत्तानि होन्ति । तेसु दानवुत्ताधिकानि सत्त पुच्छासत्तानि, चतुरासीताधिकानि च पन्नरस अत्थसत्तानि होन्तीति वेदितब्बानि । एवं सेसेसुपि पञ्चसु कालभेदेसुति सब्बानिपि छसत्तताधिकानि तेवीसति यमकसत्तानि । ततो दिग्गुणा पुच्छा, ततो दिग्गुणा अत्थाति इदमेत्थ उप्पादवारे पाळिववत्थानं । निरोधवारउप्पादनिरोधवारेसुपि एसेव नयोति । सब्बस्मिम्पि पवत्तिवारे अट्ठवीसानि एकसत्तति यमकसत्तानि । ततो दिग्गुणा पुच्छा, ततो दिग्गुणा अत्था वेदितब्बा । पाळि पन मनायतनं धम्मायतनञ्च एकसदिसं, नानं नत्थि । उपरि पन “वारसट्ठेपो होती”ति आदीनि वत्था तत्थ तत्थ सद्धित्ता । तस्मा यं तत्थ तत्थ सद्धित्त्वं, तं सब्बं असम्मुहन्तेहि सल्लक्खेतब्बं ।

अत्थविनिच्छये पनेत्थ इदं नयमुखं । **सचक्खुकानं असोतकानन्ति** अपाये जातिबधिरओपपातिकं सन्धाय वुत्तं । सो हि सचक्खुको असोतको हुत्वा उपपज्जति । यथाह — “कामधातुया उपपत्तिकखणे कस्सचि अपरानि दसायतनानि पातुभवन्ति । ओपपातिकानं पेतानं, ओपपातिकानं असुरानं, ओपपातिकानं तिरच्छानगतानं, ओपपातिकानं नेरयिकानं; जच्चबधिरानं उपपत्तिकखणे दसायतनानि पातुभवन्ति, चक्खायतनं रूपघानगन्धजिह्वारसकायफोड्डब्बायतनं मनायतनं धम्मायतनं”न्ति । **सचक्खुकानं ससोतकानन्ति** सुगतिदुग्गतीसु परिपुण्णायतने च ओपपातिके रूपीब्रह्मानो च सन्धाय वुत्तं । ते हि सचक्खुका ससोतका हुत्वा उपपज्जन्ति । यथाह — “कामधातुया उपपत्तिकखणे कस्सचि एकादसायतनानि पातुभवन्ति; कामावचरानं देवानं, पठमकप्पिकानं मनुस्सानं, ओपपातिकानं पेतानं, ओपपातिकानं असुरानं, ओपपातिकानं तिरच्छानगतानं, ओपपातिकानं नेरयिकानं, परिपुण्णायतनानं । रूपधातुया उपपत्तिकखणे पञ्चायतनानि पातुभवन्ति, चक्खायतनं रूपसोतमनायतनं धम्मायतनं”न्ति ।

**अघानकानन्ति** ब्रह्मपारिसज्जादयो सन्धाय वुत्तं । ते हि सचक्खुका अघानका हुत्वा उपपज्जन्ति । कामधातुयं पन अघानको ओपपातिको नत्थि । यदि भवेय्य “कस्सचि अट्ठायतनानि पातुभवन्ती”ति वेदय्य । यो गम्भसेय्यको पन अघानको सिया, सो “सचक्खुकानं”न्ति वचनतो इध अनधिप्पेतो । **सचक्खुकानं सघानकानन्ति** जच्चबधिरम्पि परिपुण्णायतनम्पि ओपपातिकं सन्धाय वुत्तं । **सघानकानं अचक्खुकानन्ति** जच्चन्धम्पि जच्चबधिरम्पि ओपपातिकं सन्धाय वुत्तमेव । **सघानकानं सचक्खुकानन्ति** परिपुण्णायतनमेव ओपपातिकं सन्धाय वुत्तं ।

**सरूपकानं अचक्खुकानन्ति** एत्थ जच्चन्धजच्चबधिरओपपातिकेसु अज्जतरोपि गम्भसेय्यकोपि लब्धतियेव । **सचित्तकानं अचक्खुकानन्ति** एत्थ हेट्ठा वुत्तेहि जच्चन्धादीहि तीहि सद्धिं अरूपिणोपि लब्धन्ति । **अचक्खुकानन्ति** एत्थ पुरिमपदे वुत्तेहि चतूहि सद्धिं असज्जसत्तापि लब्धन्ति । **सरूपकानं अघानकानन्ति** एत्थ गम्भसेय्यका च असज्जसत्ता च सेसरूपीब्रह्मानो च लब्धन्ति । **सचित्तकानं अघानकानन्ति** एत्थ गम्भसेय्यका च रूपारूपब्रह्मानो च लब्धन्ति । **अचित्तकानं अरूपकानन्ति**पदेसु पन एकवोकारचतुवोकारसत्ताव लब्धन्तीति इमिना नयेन सब्बेसु पुगलवारेसु पुगलविभागो वेदितब्बो ।

**२२-२५४.** ओकासवारे यत्थ चक्खायतनन्ति रूपीब्रह्मलोकं पुच्छति । तेनेव आमन्ताति वुत्तं । तस्मिज्जि तले नियमतो तानि आयतनानि पटिसन्धियं उप्पज्जन्ति । इदमेत्थ नयमुखं । इमिना नयमुखेन सकलेपि पवत्तिवारे अत्थो वेदितब्बो । परिज्जावारो खन्धयमके वुत्तनयोयेवाति ।

पवत्तिवारवण्णना ।

आयतनयमकवण्णना निट्ठिता ।

## ४. धातुयमकं

१-१९. इदानीं तेयेव मूलयमके देसिते कुसलादिधम्मे धातुवसेन सङ्गणित्वा आयतनयमकानन्तरं देसितस्स धातुयमकस्स वण्णना होति । तत्थ आयतनयमके वुत्तनयेनेव पाळिववत्थानं वेदितव्वं । इधापि हि पण्णत्तिवारादयो तयो महावारा, अवसेसा अन्तरवारा च सद्धि कालप्पभेदादीहि आयतनयमके आगतसदिसायेव । इधापि च यमकपुच्छासुखत्थं पटिपाटिया अज्झत्तिकबाहिरा रूपधातुयोव वत्वा विज्जाणधातुयो वुत्ता । धातुं पन बहुत्ता इध आयतनयमकतो बहुतरानि यमकानि, यमकदिगुणा पुच्छा, पुच्छादिगुणा च अत्था होन्ति । तत्थ चक्खुधातुमूलकादीसु यमकेसु लब्भमानानं यमकानं अत्थविनिच्छयो आयतनयमके वुत्तनयेनेव वेदितव्वो । तंसदिसायेव हेत्थ अत्थगति, तेनेव च कारणेन पाळिपि सद्धिन्ता । परिज्जावारो पाकतिकोयेवाति ।

धातुयमकवण्णना निद्धिता ।

## ५. सच्चयमकं

### १. पण्णत्तिवारवण्णना

१-९. इदानीं तेयेव मूलयमके देसिते कुसलादिधम्मे सच्चयमसेन सङ्गणित्वा धातुयमकानन्तरं देसितस्स सच्चयमकस्स वण्णना होति । तत्थापि हेट्ठा वुत्तनयेनेव पण्णत्तिवारादयो तयो महावारा अन्तरवारादयो च अवसेसपभेदा वेदितव्वो । पण्णत्तिवारे पनेत्थ चतुन्नं सच्चानं वसेन पदसोधनवारो, पदसोधनमूलचक्कवारो, सुद्धसच्चवारो, सुद्धसच्चमूलचक्कवारोति इमेसु चतूसु वारेसु यमकगणना वेदितव्वो ।

१०-२६. पण्णत्तिवारनिद्देसे पन अवसेसं दुक्खसच्चन्ति दुक्खवेदनाय चेव तण्हाय च विनिमुत्ता तेभूमकधम्मा वेदितव्वो । अवसेसो समुदयोति सच्चविभङ्गे निद्धिट्टुकामावचरकुसलादिभेदो दुक्खसच्चस्स पच्चयो । अवसेसो निरोधोति तदङ्गविक्रम्भनसमुच्चेदपटिपस्सद्धिनिरोधो चेव खणभङ्गनिरोधो च । अवसेसो मग्गोति “तस्मिं खो पन समये पच्चाङ्गिको मग्गो होति, अट्ठङ्गिको मग्गो, मिच्छामग्गो, जङ्घमग्गो, सकटमग्गो”ति एवमादिको ।

पण्णत्तिवारवण्णना ।

### २. पवत्तिवारवण्णना

२७-१६४. पवत्तिवारे पनेत्थ पच्चुप्पन्नकाले पुगलवारस्स अनुलोमनये “यस्स दुक्खसच्चं उप्पज्जति, तस्स समुदयसच्चं उप्पज्जति; यस्स वा पन समुदयसच्चं उप्पज्जति, तस्स दुक्खसच्चं उप्पज्जती”ति दुक्खसच्चमूलकेहि तीहि, समुदयसच्चमूलकेहि द्वीहि, निरोधसच्चमूलकेन एकेनाति लब्भमानज्ज अलब्भमानज्ज गहेत्वा पाळिवसेन छहि यमकेहि भवितव्वं । तेसु यस्मा निरोधस्स नेव उप्पादो, न निरोधो युज्जति, तस्मा दुक्खसच्चमूलकानि समुदयसच्चमग्गसच्चेहि सद्धिं द्वे, समुदयसच्चमूलकं मग्गसच्चेन सद्धिं एकन्ति तीणि यमकानि आगतानि । तस्स पटिलोमनयेपि ओकासवारादीसुपि एसेव नयो । एवमेत्थ सब्बवारेसु तिण्णं तिण्णं यमकानं वसेन यमकगणना वेदितव्वो । अत्थविनिच्छये पनेत्थ इदं लक्खणं — इमस्स हि सच्चयमकस्स पवत्तिवारे निरोधसच्चं ताव न लब्भतेव । सेसेसु पन तीसु समुदयसच्चमग्गसच्चानि एकन्तेन पवत्तियंयेव लब्भन्ति । दुक्खसच्चं चुतिपटिसन्धीसुपि पवत्तेपि लब्भति । पच्चुप्पन्नादयो पन तयो काला चुतिपटिसन्धीनम्पि पवत्तियापि वसेन लब्भन्ति । एवमेत्थ यं यं लब्भति, तस्स तस्स वसेन अत्थविनिच्छयो वेदितव्वो ।

तत्रिदं नयमुखं — सब्बेसं उपपज्जन्तानन्ति अन्तमसो सुद्धावासानम्पि । तेपि हि दुक्खसच्चेनेव उपपज्जन्ति । तण्हाविप्पयुत्तचित्तस्साति इदं दुक्खसच्चसमुदयसच्चेसु एकोट्ठासस्स उप्पत्तिदस्सनत्थं वुत्तं । तस्मा पच्चवोकारवसेनेव गहेतव्वं । चतुवोकारे पन तण्हाविप्पयुत्तस्स फलसमापत्तिचित्तस्स उप्पादक्खणे एकम्पि सच्चं नुप्पज्जति । इदं इध न गहेतव्वं । तेसं दुक्खसच्चज्जाति तस्मिंहि खणे तण्हं ठपेत्वा सेसं दुक्खसच्चं नाम होतीति सन्थायेतं वुत्तं । मग्गस्स उप्पादक्खणेपि एसेव नयो । तत्थ पन रूपमेव दुक्खसच्चं नाम । सेसा मग्गसम्पयुत्तका धम्मा सच्चविनिमुत्ता । तेनेव कारणेन “अरूपे मग्गस्स उप्पादक्खणे तेसं मग्गसच्चं उप्पज्जति, नो च तेसं दुक्खसच्चं उप्पज्जती”ति वुत्तं । सब्बेसं उपपज्जन्तानं पवत्ते तण्हाविप्पयुत्तचित्तस्स उप्पादक्खणे तेसं तत्थाति तेसं तस्मिं उपपत्तिकखणे तण्हाविप्पयुत्तचित्तुप्पत्तिकखणे चाति एवमेत्थ खणवसेन ओकासो वेदितव्वो । अज्जेसुपि एवरूपेसु एसेव नयो । अनभिसमेतावीनन्ति चतुसच्चपटिवेधसङ्घातं अभिसमयं अप्पत्तसत्तानं । अभिसमेतावीनन्ति अभिसमितसच्चानन्ति । इमिना नयमुखेन सब्बत्थ अत्थविनिच्छयो वेदितव्वो ।

पवत्तिवारवण्णना ।

### ३. परिज्जावारवण्णना

१६५-१७०. परिज्जावारे पन जातपरिज्जा, तीरणपरिज्जा, पहानपरिज्जाति तिस्रोपेत्य परिज्जायो लब्भन्ति । यस्मा च लोकुत्तरधम्मेसु परिज्जा नाम नत्थि; तस्मा इध द्वे सच्चानि गहितानि । तत्थ दुक्खसच्चं परिज्जानातीति जाततीरणपरिज्जावसेनेव वुत्तं । समुदयसच्चं पजहतीति जातपहानपरिज्जावसेन । इति इमासं परिज्जानं वसेन सब्बपदेसु अत्थो वेदितव्वोति ।

परिज्जावारवण्णना ।

सच्चयमकवण्णना निद्धिता ।

## ६. सङ्खारयमकं

### १. पण्णत्तिवारवण्णना

१. इदानीं तेसज्जेव मूलयमके देसितानं कुसलादिधम्मानं लब्धमानवसेन एकदेसं सङ्गृह्णित्वा सच्चयमकानन्तरं देसितस्स सङ्खारयमकस्स वण्णना होति। तत्थापि हेट्ठा वुत्तनयेनेव पण्णत्तिवारादयो तयो महावारा, अन्तरवारादयो च अवसेसपभेदा वेदितव्वा। अयं पनेत्थ विसेसो — पण्णत्तिवारे ताव यथा हेट्ठा खन्धादयो धम्मे उद्दिशित्वा “रूपं रूपक्खन्धो; चक्खु चक्खायतनं; चक्खु चक्खुधातु; दुक्खं दुक्खसच्च”न्ति पदसोधनवारो आरब्धो। तथा अनारभित्वा “अस्सासपस्सासा कायसङ्खारो”ति पठमं तयोपि सङ्खारा विभजित्वा दस्सिता।

तत्थ कायस्स सङ्खारो कायसङ्खारो। “अस्सासपस्सासा कायिका, एते धम्मा कायप्पटिबद्धा”ति (म० नि० १.४६३; सं० नि० ४.३४८ अत्थतो समानं) हि वचनतो कारणभूतस्स करजकायस्स फलभूतो एव सङ्खारोति कायसङ्खारो। अपरो नयो — सङ्खारियतीति सङ्खारो। केन सङ्खारियतीति? कायेन। अयञ्चि वातो विय भस्ताय करजकायेन सङ्खारियतीति। एवम्पि कायस्स सङ्खारोति कायसङ्खारो। कायेन कतो अस्सासपस्सासावातोति अत्थो। “पुब्बेव खो, आवुसो विसाख, वितक्केत्वा विचारेत्वा पच्छा वाचं भिन्दति, तस्मा वितक्कविचारा वचीसङ्खारो”ति (म० नि० १.४६३; सं० नि० ४.३४८) वचनतो पन सङ्खारोति सङ्खारो। किं सङ्खारोति? वचिं। वचिया सङ्खारोति वचीसङ्खारो। वचीभेदसमुद्भापकस्स वितक्कविचारद्वयस्सेतं नामं। “सज्जा च वेदना च चेतसिका एते धम्मा चित्तपटिबद्धा”ति (म० नि० १.४६३; सं० नि० ४.३४८) वचनतोयेव पन ततियपदेपि सङ्खारियतीति सङ्खारो। केन सङ्खारियति? चित्तेन। करणत्थे सामिवचनं कत्वा चित्तस्स सङ्खारोति चित्तसङ्खारो। सब्बेसम्पि चित्तसमुद्धानानं चेतसिकधम्मानमेतं अधिवचनं। वितक्कविचारानं पन वचीसङ्खारभावेन विसुं गहितत्ता “ठपेत्वा वितक्कविचारे”ति वुत्तं।

२-७. इदानीं कायो कायसङ्खारोति पदसोधनवारो आरब्धो। तस्स अनुलोमनये तीणि, पटिलोमनये तीणीति छ यमकानि। पदसोधनमूलचक्कवारे एकेकसङ्खारमूलकानि द्वे द्वे कत्वा अनुलोमनये छ, पटिलोमनये छाति द्वादस यमकानि। सुद्धसङ्खारवारे पन यथा सुद्धखन्धवारादीसु “रूपं खन्धो, खन्धा रूपं; चक्खु आयतनं, आयतना चक्खू”ति आदिना नयेन यमकानि वुत्तानि। एवं “कायो सङ्खारो, सङ्खारा कायो”ति अवत्वा “कायसङ्खारो वचीसङ्खारो, वचीसङ्खारो कायसङ्खारो”ति आदिना नयेन कायसङ्खारमूलकानि द्वे, वचीसङ्खारमूलकं एकन्ति अनुलोमे तीणि, पटिलोमे तीणीति सब्बानिपि सुद्धिकवारे छ यमकानि वुत्तानि। किं कारणा? सुद्धिकएकेकपदवसेन अत्थाभावतो। यथा हि खन्धयमकादीसु रूपादिविसिद्धानं खन्धानं चक्खादिविसिद्धानञ्च आयतनादीनं अधिप्पेतत्ता “रूपं खन्धो, खन्धा रूपं, चक्खु आयतनं, आयतना चक्खू”ति सुद्धिकएकेकपदवसेन अत्थो अत्थि। एवमिध “कायो सङ्खारो, सङ्खारा कायो”ति नत्थि। कायसङ्खारोति पन द्वीहिपि पदेहि एकोव अत्थो लब्धति। अस्सासो वा पस्सासो वाति सुद्धिकएकेकपदवसेन अत्थाभावतो “कायो सङ्खारो, सङ्खारा कायो”ति न वुत्तं। “कायो कायसङ्खारो”ति आदि पन वत्तब्बं सिया। तम्पि कायवचीचित्तपदेहि इध अधिप्पेतानं सङ्खारानं अगगहितत्ता न युज्जति। सुद्धसङ्खारवारे हेस। पदसोधने पन विनापि अत्थेन वचनं युज्जतीति तत्थ सो नयो गहितोव। इध पन कायसङ्खारस्स वचीसङ्खारादीहि, वचीसङ्खारस्स च चित्तसङ्खारादीहि, चित्तसङ्खारस्स च कायसङ्खारादीहि, अज्जत्ता “कायसङ्खारो वचीसङ्खारो, वचीसङ्खारो, कायसङ्खारो”ति एकेकसङ्खारमूलकानि द्वे द्वे कत्वा छ यमकानि युज्जन्ति। तेसु अगगहितगगहेणेन तीणेव लब्धन्ति। तस्मा तानेव दस्सेतुं अनुलोमनये तीणि, पटिलोमनये तीणीति छ यमकानि वुत्तानि। सुद्धसङ्खारमूलचक्कवारे पनेत्थ न गहितोति। एवं पण्णत्तिवारस्स उद्देसवारो वेदितव्वो।

८-१८. निद्देसवारे पनस्स अनुलोमे ताव यस्मा न कायादयोव कायसङ्खारादीनं नामं, तस्मा नोति पटिसेधो कतो। पटिलोमे न कायो न कायसङ्खारोति यो न कायो सो कायसङ्खारोपि न होतीति पुच्छति। कायसङ्खारो न कायो कायसङ्खारोति कायसङ्खारो कायो न होति, कायसङ्खारोयेव पनेसोति अत्थो। अवसेसन्ति न केवलं सेससङ्खारद्वयमेव। कायसङ्खारविनिमुत्तं पन सेसं सब्बम्पि सङ्खत्तासङ्खत्तपण्णत्तिभेदं धम्मजातं नेव कायो, न कायसङ्खारोति इमिना उपायेन सब्बविस्सज्जेनेसु अत्थो वेदितव्वोति।

पण्णत्तिवारवण्णना।

### २. पवत्तिवारवण्णना

११. पवत्तिवारे पनेत्थ पच्चुप्पन्नकाले पुगलवारस्स अनुलोमनये “यस्स कायसङ्खारो उप्पज्जति, तस्स वचीसङ्खारो उप्पज्जती”ति कायसङ्खारमूलकानि द्वे, वचीसङ्खारमूलकं एकन्ति तीणेव यमकानि लब्धन्ति; तानि गहितानेव। तस्स पटिलोमनयेपि ओकासवारादीसुपि एसेव नयो। एवमेत्थ सब्बवारेसु तिण्णं तिण्णं यमकानं वसेन यमकगणना वेदितव्वो।

अत्थविनिच्छये पनेत्थ इदं लक्खणं — इमस्मिञ्चि सङ्खारयमके “अस्सासपस्सासानं उप्पादक्खणे वितक्कविचारानं उप्पादक्खणे”ति आदिवचनतो पच्चुप्पन्नादिकालभेदो पवत्तिवसेनापि गहेतव्वो, न चुतिपटिसन्धिवसेनेव। “दुतियज्झाने ततियज्झाने तत्थ कायसङ्खारो उप्पज्जती”ति आदिवचनतो च झानम्पि ओकासवसेन गहितन्ति वेदितव्वं। एवमेत्थ यं यं लब्धति, तस्स तस्स वसेन अत्थविनिच्छयो वेदितव्वो।

तत्रिदं नयमुखं — विना वितक्कविचारेहीति दुतियततियज्झानवसेन वुत्तं। तेसन्ति तेसं दुतियततियज्झानसमङ्गीनं। कामावचरानन्ति कामावचरे उप्पन्नसत्तानं। रूपावचरदेवानं पन अस्सासपस्सासा नत्थि। अरूपावचरानं रूपमेव नत्थि। विना अस्सासपस्सासेहीति रूपारूपभवेसु निब्बत्तसत्तानं वितक्कविचारुप्पत्ति सन्धाय वुत्तं।

११. पठमज्झाने कामावचरेति कामावचरभूमियं उप्पन्ने पठमज्झाने। अङ्गमत्तवसेन चेत्य पठमज्झानं गहेतव्वं, न अप्पनावसेनेव। अनप्पनापत्तेपि हि सवितक्कसविचारचित्ते इदं सङ्खारद्वयं उप्पज्जतेव।

१४. चित्तस्स भङ्गक्खणेति इदं कायसङ्खारस्स एकन्तचित्तसमुद्धानत्ता वुत्तं। उप्पज्जमानमेव हि चित्तं रूपं वा अरूपं वा समुद्भापेति, न भिज्जमानं।

१७. सुद्धावासानं दुतिये चित्ते वत्तमानेति पटिसन्धितो दुतिये भवङ्गचित्ते। कामज्जेतं पटिसन्धित्तेपि वत्तमाने तेसं तत्थ नुप्पज्जित्थेव। याव पन अब्बोकिण्णं



विपाकचित्तं वृत्ति, ताव नुप्पज्जित्थेव नामाति दस्सनत्थमेतं वुत्तं। यस्स वा झानस्स विपाकचित्तेन ते निब्बत्ता, तं सतसोपि सहस्ससोपि उप्पज्जमानं पठमचित्तमेव। विपाकचित्तेन पन विसदिसं भवनिकन्तिया आवज्जनचित्तं दुतियचित्तं नाम। तं सन्धायेतं वुत्तन्ति वेदितब्बं।

**४४. पच्छिमचित्तसमङ्गीनन्ति** सब्बपच्छिमेन अप्पटिसन्धिकचित्तेन समङ्गीभूतानं खीणासवानं। **अवितक्कअविचारं पच्छिमचित्तन्ति** रूपावचरानं दुतियज्झानिकादिचुतिचित्तवसेन, अरूपावचरानञ्च चतुत्थज्झानिकचुतिचित्तवसेनेतं वुत्तं। तेसन्ति तेसं पच्छिमचित्तसमङ्गीआदीनं।

**७९. यस्स कायसङ्कारो निरुज्झति, तस्स चित्तसङ्कारो निरुज्झतीति** एत्थ नियमतो कायसङ्कारस्स चित्तसङ्कारेन सङ्गि एकक्खणे निरुज्जनतो आमन्ताति पटिवचनं दिन्नं। न चित्तसङ्कारस्स कायसङ्कारेन सङ्गि। किं कारणा? चित्तसङ्कारो हि कायसङ्कारेन विनापि उप्पज्जति च निरुज्झति च। कायसङ्कारो पन चित्तसमुद्धानो अस्सासपस्सासवातो। चित्तसमुद्धानरूपञ्च चित्तस्स उप्पादक्खणे उप्पज्जित्वा याव अज्झानि सोळसचित्तानि उप्पज्जन्ति, ताव तिड्ढति। तेसं सोळसन्नं सब्बपच्छिमेन सङ्गि निरुज्झतीति येन चित्तेन सङ्गि उप्पज्जति, ततो पट्टाय सत्तरसमेन सङ्गि निरुज्झति। न कस्सचि चित्तस्स उप्पादक्खणे वा ठितक्खणे वा निरुज्झति, नापि ठितक्खणे वा भङ्गक्खणे वा उप्पज्जति। एसा चित्तसमुद्धानरूपस्स धम्मताति नियमतो चित्तसङ्कारेन सङ्गि एकक्खणे निरुज्जनतो आमन्ताति वुत्तं। यं पन विभङ्गप्पकरणस्स सीहळडुकथायं “चित्तसमुद्धानं रूपं सत्तरसमस्स चित्तस्स उप्पादक्खणे निरुज्झतीति” वुत्तं, तं इमाय पाळिया विरुज्झति। अडुकथातो च पाळियेव बलवतराति पाळियं वुत्तमेव पमाणं।

**१२८. यस्स कायसङ्कारो उप्पज्जति, तस्स वचीसङ्कारो निरुज्झतीति** एत्थ यस्मा कायसङ्कारो चित्तस्स उप्पादक्खणे उप्पज्जति, न च तस्मिं खणे वितक्कविचारा निरुज्झन्ति, तस्मा नोति पटिसेधो कतोति। इमिना नयमुखेन सब्बत्थ अत्थविनिच्छयो वेदितब्बो। परिज्जावारो पाकतिकोयेवाति।

पवत्तिवारवण्णना।

सङ्कारयमकवण्णना निड्ढिता।

## ७. अनुसययमकं

### परिच्छेदपरिच्छिन्नुद्देसवारवण्णना

१. इदानीं तेसज्जेव मूलयमके देसितानं कुसलादिधम्मानं लब्धमानवसेन एकदेसं सङ्गृहित्वा सङ्कारयमकानन्तरं देसितस्स अनुसययमकस्स अत्थवण्णना होति। तत्थ पाळिववत्थानं ताव वेदितब्बं — इमस्मिज्झि अनुसययमके खन्धयमकादीसु विय देसनं अकत्वा अज्जेन नयेन पाळिदेसना कता। कथं? पठमं ताव परिच्छेदतो, उद्देसतो, उप्पत्तिट्ठानतोति तीहाकारेहि अनुसये गहापेतुं परिच्छेदवारो, परिच्छिन्नुद्देसवारो, उप्पत्तिट्ठानवारोति, तयो वारा देसिता। ततो सत्तन्नं महावारानं वसेन अनुसये योजेत्वा यमकदेसना कता। तत्थ **सत्तानुसयाति** अयं “सत्तेव, न ततो उज्झं, न हेड्डा”ति गणनपरिच्छेदेन परिच्छिन्दित्वा अनुसयानं देसितत्ता परिच्छेदवारो नाम। **कामरागानुसयो...पे०...** **अविज्जानुसयो**ति अयं परिच्छेदवारेन परिच्छिन्नानं नाममत्तं उद्दिसित्वा “इमे नाम ते”ति देसितत्ता परिच्छिन्नुद्देसवारो नाम। **कत्थ कामरागानुसयो अनुसेति...पे०...** **एत्थ अविज्जानुसयो अनुसेतीति** अयं “इमेसु नाम ठानेसु इमे अनुसया अनुसेन्ति”ति एवं तेसंयेव उप्पत्तिट्ठानस्स देसितत्ता उप्पत्तिट्ठानवारो नाम।

येसं पन सत्तन्नं महावारानं वसेन अनुसये योजेत्वा यमकदेसना कता, तेसं इमानि नामानि — अनुसयवारो, सानुसयवारो, पजहनवारो, परिज्जावारो, पहीनवारो, उप्पज्जनवारो धातुवारोति। तेसु पठमो अनुसयवारो। सो अनुलोमपटिलोमनयवसेन दुविधो होति।

तत्थ अनुलोमनये “यस्स अनुसेति, यत्थ अनुसेति, यस्स यत्थ अनुसेती”ति पुग्गलोकासतदुभयवसेन तयो अन्तरवारा होन्ति। तेसु पठमे पुग्गलवारे “यस्स कामरागानुसयो अनुसेति, तस्स पटिधानुसयो अनुसेति; यस्स वा पन पटिधानुसयो अनुसेति, तस्स कामरागानुसयो अनुसेति; यस्स कामरागानुसयो अनुसेति, तस्स मानानुसयो, दिट्ठानुसयो, विचिकिच्छानुसयो, भवरागानुसयो, अविज्जानुसयो अनुसेति। यस्स वा पन अविज्जानुसयो अनुसेति, तस्स कामरागानुसयो अनुसेती”ति कामरागानुसयमूलकानि छ यमकानि। पुन अगहितगहणवसेन पटिधानुसयमूलकानि पञ्च, मानानुसयमूलकानि चत्तारि, दिट्ठानुसयमूलकानि तीणि, विचिकिच्छानुसयमूलकानि द्वे, भवरागानुसयमूलकं एकन्ति एवं सब्बानिपि एकमूलकानि एकवीसति। पुन “यस्स कामरागानुसयो च पटिधानुसयो च अनुसेन्ती”ति एवं आगतानि दुकमूलकानि पञ्च, तिकमूलकानि चत्तारि, चतुक्कमूलकानि तीणि, पञ्चकमूलकानि द्वे, छक्कमूलकं एकन्ति अपरानिपि पन्नरस होन्ति। तानि पुरिमेहि एकवीसतिया सङ्गि छत्तिंसाति पुग्गलवारे छत्तिंस यमकानि। तथा ओकासवारे, तथा पुग्गलोकासवारेति सब्बानिपि अनुलोमनये अडुसतं यमकानि। तथा पटिलोमनयेति अनुसयवारे सोळसाधिकानि द्वे यमकसतानि, ततो दिगुणा पुच्छा, ततो दिगुणा अत्था च वेदितब्बा। यथा चेत्थ, एवं सानुसयवारो, पजहनवारो, परिज्जावारो, पहीनवारो, उप्पज्जनवारोति इमेसमि पञ्चन्नं वारानं, एकेकस्मिं यमकगणना; यमकदिगुणा पुच्छा, पुच्छादिगुणा च अत्था वेदितब्बा। अयं पनेत्थ पुरिमेसु तीसु वारेसु विसेसो। ओकासवारे “यत्थ तत्था”ति अवत्वा **यतो ततो**ति निस्सक्कवचनेन देसना कता। सेसं तादिसमेव।

यो पनायं सब्बपच्छिमो धातुवारो नाम, सो पुच्छावारो, विस्सज्जनवारोति द्विधा ठितो। तस्स पुच्छावारे **कामधातुया चुतस्स कामधातुं उपपज्जन्तस्साति** वत्वा “कामधातुं वा पन उपपज्जन्तस्स कामधातुया चुतस्सा”ति न वुत्तं। किं कारणा? अत्थविसेसाभावतो। द्वेपि हि एता पुच्छा एकत्थायेव, तस्मा एकेकस्मा यमका एकेकमेव पुच्छं पुच्छित्वा सब्बपुच्छावसाने पुच्छानुक्कमेनेव “कामधातुया चुतस्स कामधातुं उपपज्जन्तस्स कस्सचि सत्त अनुसया अनुसेन्ती”तिआदिना नयेन विस्सज्जनं कतं।

तत्थ “कामधातुया चुतस्स कामधातुं उपपज्जन्तस्स, रूपधातुं, अरूपधातुं, नकामधातुं, नरूपधातुं नअरूपधातुं, उपपज्जन्तस्सा”ति छ सुद्धिकपुच्छा; “नकामधातुं, नअरूपधातुं, नरूपधातुं, नअरूपधातुं, नकामधातुं, नरूपधातुं, उपपज्जन्तस्सा”ति तिरस्सो मिरस्सका पुच्छा चाति कामधातुमूलका नव अनुलोमपुच्छा होन्ति। तथा रूपधातुमूलका नव, अरूपधातुमूलका नवाति सत्तवीसति अनुलोमपुच्छा होन्ति। तथा नकामधातुनरूपधातुनअरूपधातुमूलका सत्तवीसति पटिलोमपुच्छा। पुन “नकामधातुया, नअरूपधातुया, नरूपधातुया, नअरूपधातुया, नकामधातुया, नअरूपधातुया”ति सत्तवीसति दुकमूलका पुच्छाति सब्बापि सम्मिण्डिता एकासीति पुच्छा होन्ति। तासं वसेनेत्थ विस्सज्जनं कतन्ति इदं धातुवारे पाळिववत्थानं। एवं ताव सकलेपि अनुसययमके पाळिववत्थानमेतं वेदितब्बं।

आदितो पट्टाय पनेत्थ यं यं अनुत्तानं, तत्थ तत्थ अयं विनिच्छयकथा — अनुसयाति केनट्टेन अनुसया? अनुसयनट्टेन। को एस अनुसयनट्टो नामाति? अप्पहीनट्टो। एते हि अप्पहीनट्टेन तस्स तस्स सन्ताने अनुसेत्ति नाम, तस्मा अनुसयाति वुच्चन्ति। अनुसेत्तीति अनुरूपं कारणं लभित्वा उपपज्जन्तीति अत्थो। अथापि सिया — अनुसयनट्टो नाम अप्पहीनाकारो। अप्पहीनाकारो च उपपज्जतीति वत्तुं न युज्जति, तस्मा न अनुसया उपपज्जन्तीति। तत्रिदं पटिवचनं — अप्पहीनाकारो अनुसयो, अनुसयोति पन अप्पहीनट्टेन थामगतकिलेसो वुच्चति। सो चित्तसम्पयुत्तो सारम्मणो सप्पच्चयट्टेन सहेतुको एकन्ताकुसलो अतीतोपि होति अनागतोपि पच्चुप्पन्तोपि, तस्मा उपपज्जतीति वत्तुं युज्जति।

तत्रिदं पमाणं — अभिधम्मे ताव कथावत्थुस्मिं (कथा० ५५४ आदयो) “अनुसया अब्बाकता, अनुसया अहेतुका, अनुसया चित्तविप्पयुत्ता”ति सब्बे वादा पटिसेधिता। पटिसम्भियमग्गे (पटि० म० ३.२१) “पच्चुप्पन्ने किलेसे पजहती”ति पुच्छं कत्वा अनुसयानं पच्चुप्पन्नभावस्स अत्थिताय “थामगतानुसयं पजहती”ति वुत्तं। धम्मसङ्गहे पन मोहस्स पदभाजने “अविज्जानुसयो अविज्जापरियुट्ठानं अविज्जालङ्गी मोहो अकुसलमूलं, अयं तस्मिं समये मोहो होती”ति (ध० स० ३९०) अकुसलचित्तेन सङ्घि अविज्जानुसयस्स उपपन्नभावो वुत्तो। इमस्मिंयेव अनुसययमके सत्तन्मं महावारानं अज्जतरस्मिं उपपज्जनवारे “यस्स कामरागानुसयो उपपज्जति, तस्स पटिधानुसयो उपपज्जती”ति आदि वुत्तं। तस्मा “अनुसेत्तीति अनुरूपं कारणं लभित्वा उपपज्जन्ती”ति यं वुत्तं, तं इमिना तन्तिप्पमाणेन सुवुत्तन्ति वेदितव्वं। यस्मि “चित्तसम्पयुत्तो सारम्मणो”ति आदि वुत्तं, तस्मि सुवुत्तमेव। अनुसयो हि नामेस परिनिष्कन्तो चित्तसम्पयुत्तो अकुसलधम्मोति निट्ठमेत्थ गन्तव्वं। कामरागानुसयोति आदीसु कामरागो च सो अप्पहीनट्टेन अनुसयो चाति कामरागानुसयो। सेसपदेसुपि एसेव नयो।

परिच्छेदपरिच्छिन्नुहेसवारवण्णना।

### उपत्तिट्ठानवारवण्णना

२. इदानीं तेसं उपत्तिट्ठानं पकासेतुं कत्थ कामरागानुसयो अनुसेतीति आदिमाह। तत्थ कामधातुया द्वीसु वेदनासूति कामावचरभूमियं सुखाय च उपेक्खाय चाति द्वीसु वेदनासु। एत्थ कामरागानुसयो अनुसेतीति इमासु द्वीसु वेदनासु उपपज्जति। सो पनेस अकुसलवेदनासु सहजातवसेन आरम्मणवसेन चाति द्वीहाकारेहि अनुसेति। अकुसलाय सुखाय वेदनाय च उपेक्खाय वेदनाय च सहजातोपि हुत्वा उपपज्जति। ता वेदना आरम्मणं कत्वापि उपपज्जतीति अत्थो। अवसेसा पन कामावचरकुसलविपाककिरियवेदना आरम्मणमेव कत्वा उपपज्जति। कामधातुया द्वीसु वेदनासु अनुसयमानो चेस ताहि वेदनाहि सम्पयुत्तेसु सज्जासङ्गारविज्जाणेषुपि अनुसेतियेव। न हि सक्का वेदनासु अनुसयमानेन तंसम्पयुत्तेहि सज्जादीहि सङ्घि असहजातेन वा भवितुं, तंसम्पयुत्ते वा सज्जादयो आरम्मणं अकत्वा उपपज्जितुं। एवं सन्तेपि पन यस्मा इमा द्वे वेदनाव सातसन्तसुखता अस्सादट्टेन कामरागानुसयस्स उपत्तिया सेससम्पयुत्तधम्मेषु पधाना, तस्मा “द्वीसु वेदनासु एत्थ कामरागानुसयो अनुसेती”ति वुत्तं, ओळारिकवसेन हि बोधनेय्ये सुखं बोधेतुन्ति।

ननु चेस आरम्मणवसेन अनुसयमानो न केवलं इमासु द्वीसु वेदनासु च वेदनासम्पयुत्तधम्मेषु च अनुसेति, इट्ठेसु पन रूपादीसुपि अनुसेतियेव। वुत्तस्मि चेतं विभङ्गप्पकरणे (विभ० ८१६) “यं लोके पियरूपं सातरूपं, एत्थ सत्तानं कामरागानुसयो अनुसेती”ति इमस्मिं पकरणे अनुसयवारस्स पटिलोमनये वुत्तं। “यत्थ कामरागानुसयो नानुसेति तत्थ दिट्ठानुसयो नानुसेतीति दुक्खाय वेदनाय रूपधातुया अरूपधातुया एत्थ कामरागानुसयो नानुसेति, नो च तत्थ दिट्ठानुसयो नानुसेति। अपरियापन्ने एत्थ कामरागानुसयो च नानुसेति, दिट्ठानुसयो च नानुसेती”ति। एत्थ हि दुक्खवेदनाय च रूपधातुआदीसु च नानुसेतीति वुत्तता ससम्पयुत्तधम्मं दुक्खवेदनं सओकासे रूपावरूपावचरधम्मे नव च, लोकुत्तरधम्मे ठपेत्वा अवसेसेसु रूपसद्वगन्धरसफोडुब्बेसु अनुसेतीति वुत्तं होति। तं इत्थ कस्मा न वुत्तन्ति? अनोळारिकता। हेट्ठा वुत्तनयेन हि वेदनाज्जेव ओळारिकता इमेसं पन अनोळारिकता एतेसु रूपादीसु अनुसेतीति न वुत्तं, अत्थतो पन लब्धति। तस्मा एतेसुपि कामरागानुसयो अनुसेतियेवाति वेदितव्वो। न हि सत्था सब्बं सब्बत्थ कथेति। बोधनेय्यसत्तानं पन वसेन कत्थचि यं लब्धति, तं सब्बं कथेति, कत्थचि न कथेति। तथा हि अनेन कत्थचि दिट्ठानुसयो अनुसेतीति पुच्छित्वा “सब्बसक्कायपरियापन्नेसु धम्मेषु एत्थ दिट्ठानुसयो अनुसेती”ति यं लब्धति तं सब्बं कथितं। अपरस्मिं ठाने विस्सज्जन्तेन “रूपधातुया अरूपधातुया एत्थ विचिकिच्छानुसयो च मानानुसयो च दिट्ठानुसयो च अनुसेत्ति, कामधातुया द्वीसु वेदनासु एत्थ विचिकिच्छानुसयो च कामरागानुसयो च मानानुसयो च दिट्ठानुसयो च अनुसेत्ति, दुक्खाय वेदनाय एत्थ विचिकिच्छानुसयो च पटिधानुसयो च दिट्ठानुसयो च अविज्जानुसयो च अनुसेत्ती”ति यं लब्धति तं सब्बं अकथेत्वा रूपधातुअरूपधातूहि सङ्घि तस्सो वेदनाव कथिता। वेदनासम्पयुत्ता पन अरूपधम्मा, सब्बञ्च रूपं न कथितं। किञ्चापि न कथितं, दिट्ठानुसयो पनेत्थ अनुसेतियेव। एवमेव किञ्चापि इत्थ रूपादिइट्ठारम्मणं न कथितं, कामरागानुसयो पनेत्थ अनुसेतियेवाति। एवं ताव कामरागानुसयस्स अनुसयनट्टानं वेदितव्वं।

पटिधानुसयस्स पन “दुक्खाय वेदनाया”ति वचनतो द्वे दोमनस्सवेदना कायविज्जाणसम्पयुत्ता दुक्खवेदनाति तस्सो वेदना अनुसयनट्टानं। सो पनेस दोमनस्सवेदनासु सहजातवसेन आरम्मणवसेन चाति द्वीहाकारेहि अनुसेति। अवसेसदुक्खवेदनाय पन आरम्मणवसेनेव अनुसेति। तासु वेदनासु अनुसयमानो चेस ताहि सम्पयुत्तेसु सज्जासङ्गारविज्जाणेषुपि अनुसेतियेव। याय हि वेदनाय एस सहजातो, तंसम्पयुत्तेहि सज्जादीहिपि सहजातोव। या च वेदना आरम्मणं करोति, ताहि सम्पयुत्ते सज्जादयोपि करोतियेव। एवं सन्तेपि पन यस्मा दुक्खवेदनाव असातदुक्खवेदयितत्ता निरस्सादट्टेन पटिधानुसयस्स उपत्तिया सेससम्पयुत्तधम्मेषु अधिका; तस्मा “दुक्खाय वेदनाय एत्थ पटिधानुसयो अनुसेती”ति वुत्तं, ओळारिकवसेन हि बोधनेय्ये सुखं बोधेतुन्ति।

ननु चेस आरम्मणवसेन अनुसयमानो न केवलं दुक्खवेदनाय च तंसम्पयुत्तधम्मेषु च अनुसेति, अनिट्ठेसु पन रूपादीसुपि अनुसेतियेव? वुत्तस्मि चेतं विभङ्गप्पकरणे (विभ० ८१६) “यं लोके अपियरूपं असातरूपं, एत्थ सत्तानं पटिधानुसयो अनुसेती”ति इमस्मिं पकरणे अनुसयवारस्स पटिलोमनये वुत्तं — “कामधातुया द्वीसु वेदनासु एत्थ पटिधानुसयो नानुसेति, नो च तत्थ कामरागानुसयो नानुसेति। रूपधातुया अरूपधातुया अपरियापन्ने एत्थ पटिधानुसयो च नानुसेति, कामरागानुसयो च नानुसेती”ति। एत्थ हि द्वीसु कामावचरवेदनासु च रूपधातुआदीसु च नानुसेतीति वुत्तता ससम्पयुत्तधम्मा द्वे वेदना सओकासे रूपावरूपावचरधम्मे नव च, लोकुत्तरधम्मे ठपेत्वा अवसेसेसु रूपादीसु अनुसेतीति वुत्तं होति। तं इत्थ कस्मा न वुत्तन्ति? अनोळारिकता। हेट्ठा वुत्तनयेन हि दुक्खवेदनाय एव ओळारिकता इमेसं पन अनोळारिकता एतेसु रूपादीसु अनुसेतीति न वुत्तं। अत्थतो पन लब्धति, तस्मा एतेसुपि पटिधानुसयो अनुसेतियेवाति वेदितव्वो।

किं पन इतरा द्वे वेदना इट्ठारम्मणं वा पटिघस्स आरम्मणं न होन्तीति? नो न होन्ति। परिहीनज्झानस्स विप्पटिसारवसेन ससम्पयुत्तधम्मा ता वेदना आरब्ध दोमनस्सं उपपज्जति। इट्ठारम्मणस्स च पटिलद्धस्स विपरिणामं वा अप्पटिलद्धस्स अप्पटिलाभं वा समनुस्सरतोपि दोमनस्सं उपपज्जति। दोमनस्समत्तमेव पन तं होति, न पटिधानुसयो।

पटिधानुसयो हि अनिद्वारम्मणे पटिहज्जनवसेन उप्पन्नो थामगतो किलेसो, तस्मा एत्थ दोमनस्सेन सङ्खि पटिघो उप्पन्नोपि अत्तनो पटिघकिच्चं अकरणभावेन एव पटिधानुसयो न होति अब्बोहारिकत्तं गच्छति। यथा हि पाणातिपातचेतनाय सङ्खि उप्पन्नोपि व्यापादो मनोकम्मं नाम न होति अब्बोहारिकत्तं गच्छति, एवं पटिधानुसयो न होति, अब्बोहारिकत्तं गच्छति। वुत्तम्पि चेत्तं एकच्चं इद्वारम्मणं नेक्खम्मसितम्पि वा दोमनस्सं सन्थाय “यं एवरूपं दोमनस्सं पटिघं तेन पजहति न तत्थ पटिधानुसयो अनुसेती”ति (म० नि० १.४६५)। एवं पटिधानुसयस्स अनुसयनद्वानं वेदितव्वं।

मानानुसयस्स पन “कामधातुया द्वीसु वेदनासू”तिआदिवचनतो द्वे कामावचरवेदना रूपारूपधातुयो चाति इदं तिविधं अनुसयनद्वानं। तस्स अकुसलासु वेदनासु कामरागानुसयस्स विय सहजातानुसयता वेदितव्वं। ससम्पयुत्तधम्मासु पन सब्बासुपि कामावचरासु सुखअदुक्खमसुखवेदनासु रूपारूपधातूसु च आरम्मणवसेनेव अनुसेति। अनुसयवारस्स पन पटिलोमनये “दुक्खाय वेदनाय अपरियापन्ने एत्थ कामरागानुसयो च नानुसेति, मानानुसयो च नानुसेती”ति वुत्तत्ता ठपेत्वा दुक्खवेदनञ्चेव नवविधं लोकुत्तरधम्मञ्च सेसरूपारूपधम्मेसुपि अयं अनुसेतियेवाति। एवं मानानुसयस्स अनुसयनद्वानं वेदितव्वं।

दिद्वानुसयविचिकिच्छानुसया पन केवलं लोकुत्तरधम्मेस्वेव नानुसेन्ति। तेभूमकेसु पन सब्बेसुपि अनुसेन्तियेव। तेन वुत्तं — “सब्बसक्कायपरियापन्नेसु धम्मेसु एत्थ दिद्वानुसयो अनुसेति, एत्थ विचिकिच्छानुसयो अनुसेती”ति। तत्थ **सब्बसक्कायपरियापन्नेसू**ति संसारवट्टनिस्सितट्टेन सक्कायपरियापन्नेसु सब्बधम्मेसूति अत्थो। तत्थ पनेते पञ्चसु चित्तुप्पादेसु सहजातानुसयनवसेन अनुसेन्ति। ते वा पन पञ्च चित्तुप्पादे अज्जे वा तेभूमकधम्मे आरब्ध पवत्तिकाले आरम्मणानुसयनवसेन अनुसेन्तीति। एवं दिद्वानुसयविचिकिच्छानुसयानं अनुसयनद्वानं वेदितव्वं।

भवरागानुसयो पन किञ्चापि दिद्विषययुत्तेसु चतूसु चित्तेसु उप्पज्जनतो सहजातानुसयनवसेन “कामधातुया द्वीसु वेदनासु अनुसेती”ति वत्तव्वो भवेय्यं। कामधातुयं पनेस द्वीहि वेदनाहि सङ्खि उप्पज्जमानोपि रूपारूपावचरधम्ममेव पटिलभति। कामधातुया परियापन्नं एकधम्मम्पि आरम्मणं न करोति, तस्मा आरम्मणानुसयनवसेन नियमं कत्वा “रूपधातुया अरूपधातुया एत्थ भवरागानुसयो अनुसेती”ति वुत्तं। अपिच रागो नामेस कामरागभवरागवसेन दुविधो। तत्थ कामरागो कामधातुया द्वीसु वेदनासु अनुसेतीति वुत्तो। सचे पन भवरागोपि कामरागो विय एवं वुच्चेय्य, कामरागेन सङ्खि देसना संकिण्णा विय भवेय्याति रागकिलेसं द्विधा भिन्दित्वा कामरागतो भवरागस्स विसेसदस्सनत्थम्पि एवं देसना कताति। एवं भवरागानुसयस्स अनुसयनद्वानं वेदितव्वं।

अविज्जानुसयो पन सब्बेसुपि तेभूमकधम्मेसु अनुसेति। तेन वुत्तं “सब्बसक्कायपरियापन्नेसु धम्मेसु एत्थ अविज्जानुसयो अनुसेती”ति। तस्स द्वादससु चित्तुप्पादेसु सहजातानुसयता वेदितव्वं। आरम्मणकरणवसेन पन न किञ्चि तेभूमकधम्मं आरब्ध न पवत्तीति। एवं अविज्जानुसयस्स अनुसयनद्वानं वेदितव्वं। अयं ताव परिच्छेदवारपरिच्छिन्नुद्देसवारउप्पत्तिद्वानवारेसु विनिच्छयकथा।

उप्पत्तिद्वानवारवण्णना।

महावारे

## १. अनुसयवारवण्णना

३. सत्तन्नं पन महावारानं पठमे अनुसयवारे **यस्स कामरागानुसयो अनुसेति, तस्स पटिधानुसयो अनुसेती**ति एत्थ यदेत्तं “**आमन्ता**”ति पटिवचनं दिन्नं, तं दुद्दिन्नं विय खायति। कस्मा? कामरागपटिधानं एकखणे अनुप्पत्तितो। यथा हि “यस्स मनायतनं उप्पज्जति, तस्स धम्मायतनं उप्पज्जतीति ‘आमन्ता’, अस्सासपस्सासानं उप्पादकखणे तेसं कायसङ्कारो च उप्पज्जति, वचीसङ्कारो च उप्पज्जती”तिआदीसु मनायतनधम्मायतनानि कायसङ्कारवचीसङ्कारा च एकखणे उप्पज्जन्ति, न तथा कामरागपटिघा। कामरागो हि अट्टसु लोभसहगतचित्तुप्पादेसु उप्पज्जति। पटिघो द्वीसु दोमनस्ससहगतेसूति, नत्थि नेसं एकखणे उप्पत्ति; तस्मा एत्थ ‘नो’ति पटिसेधो कत्तव्वो सिया। तं अकत्वा पन ‘आमन्ता’ति पटिवचनस्स दिन्नत्ता हेट्ठायमकेसु विय एत्थ खणपच्चुप्पन्नवसेन वत्तमानवोहारं अग्गहेत्वा अज्जथा गहेत्तव्वो।

कथं? अप्पहीनवसेन। अप्पहीनतज्झि सन्थाय अयं “अनुसेती”ति वत्तमानवोहारो वुत्तो, न खणपच्चुप्पन्नतं। यस्मा च अप्पहीनतं सन्थाय वुत्तो, तस्मा “यस्स कामरागानुसयो अनुसेति, तस्स पटिधानुसयो अनुसेती”ति पुच्छाय यस्स कामरागानुसयो अप्पहीनो, न अनुप्पत्तिधम्मत्तं आपादितो, तस्स पटिधानुसयोपि अप्पहीनोति एवमत्थो दट्टव्वो। यस्मा च तेसु यस्सेको अप्पहीनो, तस्स इतरोपि अप्पहीनोव होति, तस्मा “आमन्ता”ति वुत्तं। यदि एवं, यं उपरि उप्पज्जनवारे “यस्स कामरागानुसयो उप्पज्जति, तस्स पटिधानुसयो उप्पज्जती”ति पुच्छित्वा ‘आमन्ता’ति वुत्तं; तत्थ कथं अत्थो गहेत्तव्वोति? तत्थापि अप्पहीनवसेनेव उप्पत्तिपच्चये सति उप्पत्तिया अनिवारितवसेन वा। यथा हि चित्तकम्मादीनि आरभित्वा अपरिनिद्वितकम्मन्ता चित्तकारादयो तेसं कम्मन्तानं अकरणखणेपि मित्तसुहज्जादीहि दिद्विद्विद्वाने “इमेसु दिवसेसु किं करोथा”ति वुत्ता, “चित्तकम्मं करोम, कट्टकम्मं करोम”ति वदन्ति। ते किञ्चापि तस्मिं खणे न करोन्ति अविच्छिन्नकम्मन्तत्ता पन कतखणञ्च कत्तव्वखणञ्च उपादाय करोन्तियेव नाम होन्ति। एवमेव यस्मिं सन्ताने अनुसया अप्पहीना, यस्मिं वा पन नेसं सन्ताने उप्पत्तिपच्चये सति उप्पत्ति अनिवारिता, तत्थ अनुप्पज्जनकखणेपि उप्पन्नपुब्बञ्चेव कालन्तरे उप्पज्जनकञ्च उपादाय यस्स कामरागानुसयो उप्पज्जति, तस्स पटिधानुसयो उप्पज्जतियेव नामाति एवमत्थो वेदितव्वो। इतो परेसुपि एवरूपेसु विस्सज्जनेसु एसेव नयो। **नो च तस्साति** इदं अनागामिस्स कामरागव्यापादानं अनवसेसतो पहीनता वुत्तं। **तिण्णं पुगलानन्ति** पुथुज्जनसोतापन्नसकदागामीनं। **दिन्नं पुगलानन्ति** सोतापन्नसकदागामीनं। परतोपि एवरूपेसु ठानेसु एसेव नयो।

१४. ओकासवारस्स पठमवुत्तियपुच्छासु यस्मा कामरागानुसयो कामधातुया द्वीसु वेदनासु अनुसेति, पटिधानुसयो दुक्खवेदनाय; तस्मा ‘**नो**’ति पटिसेधो कतो। ततियपुच्छायं उभिन्नम्पि कामधातुया द्वीसु वेदनासु अनुसयनतो **‘आमन्ता’**ति पटिवचनं दिन्नं। रूपधातुअरूपधातुया पन मानानुसयस्स कामरागानुसयेन सङ्खि असाधारणं उप्पत्तिद्वानं। तस्मा **नो च तत्थ कामरागानुसयो**ति वुत्तं। इमिना नयेन सब्बेसं उप्पत्तिद्वानवारं ओलोकेत्वा साधारणासाधारणं उप्पत्तिद्वानं वेदितव्वं।

२०. दुकमूलकपुच्छायं यस्मा कामरागपटिधानुसया नापि एकस्मिं ठाने उप्पज्जन्ति, न एकं धम्मं आरम्मणं करोन्ति, तस्मा **नत्थीति** पटिखेपो कतो। अयज्हेत्थ अधिप्पायो। यस्मिं इमे द्वे अनुसया अनुसयेय्युं, तं ठानमेव नत्थि। तस्मा “कत्थ मानानुसयो अनुसेती”ति अयं पुच्छा अपुच्छायेवाति। अज्जेसुपि एवरूपेसु एसेव नयो।

२७. पुगलोकासवारे चतुन्नन्ति पुथुज्जनसोतापन्नसकदागामिअनागामीनं ।

३६. पटिलोमनये यस्स कामरागानुसयो नानुसेतीति अयं पुच्छा अनागामिं गहेत्वा पुच्छति ।

५६. द्विन्नं पुगलानं सब्बत्थ कामरागानुसयो नानुसेतीति अनागामिअरहन्तानं । कामधातुया तीसु वेदनासूति च वेदनाग्गहणेन वेदनासम्पयुत्तकानम्पि तेसं वत्थारम्मणानम्पीति सब्बेसम्पि कामावचरधम्मानं गहणं वेदितब्बं । अयं अनुसयवारे विनिच्छयकथा ।

अनुसयवारवण्णना ।

## २. सानुसयवारवण्णना

६६-१३१. सानुसयवारे पन यो कामरागानुसयेन सानुसयोति यथा एकन्तरिकजरादिरोगेन आबाधिको याव तम्हा रोगा न मुच्चति, ताव तस्स रोगस्स अनुप्पत्तिकखणेपि सारोगोयेव नाम होति । एवं ससंकिलेसस्स वट्टगामिसत्तस्स याव अरियमग्गेन अनुसया समुघातं न गच्छन्ति, ताव तेसं अनुसयानं अनुप्पत्तिकखणेपि सानुसयोयेव नाम होति । एवरूपं सानुसयतं सन्धाय ‘आमन्ता’ति वुत्तं । सेसमेत्थ अनुसयवारसदिसमेव ।

ओकासवारे पन “रूपधातुया अरूपधातुया एत्थ मानानुसयेन सानुसयो”ति वुत्ते तासु धातूसु पुगलस्स सानुसयता पञ्जायेय्य, अनुसयस्स उप्पत्तिट्ठानं न पञ्जायेय्य । अनुसयस्स च उप्पत्तिट्ठानदस्सनत्थं अयं वारो आरद्धो, तस्मा ततो मानानुसयेन सानुसयोति वुत्तं । एवञ्च सति ततो धातुद्वयतो उप्पन्नेन मानानुसयेन सानुसयोति अनुसयस्स उप्पत्तिट्ठानं दस्सितं होति । इमस्स पन पञ्चस्स अत्थे अवुत्ते आदिपञ्चस्स अत्थो पाकटो न होतीति पठमं न वुत्तो, तस्मा सो एवं वेदितब्बो । यतो कामरागानुसयेनाति यतो उप्पन्नेन कामरागानुसयेन सानुसयो, किं सो ततो उप्पन्नेन पटिघानुसयेनपि सानुसयोति? यस्मा पनेते द्वे एकस्मा ठाना नुप्पज्जन्ति; तस्मा “नो”ति पटिसेधो कतो । अरहा सब्बत्थाति अरहा सब्बधम्मेषु उप्पज्जनकेन केनचि अनुसयेन निरानुसयोति । इमिना अत्थवसेन निप्पदेसट्ठानेसु भुम्मवचनमेव कतन्ति । इमिना उपायेन सब्बत्थ अत्थविनिच्छयो वेदितब्बोति ।

सानुसयवारवण्णना ।

## ३. पजहनवारवण्णना

१३२-१९७. पजहनवारे पजहतीति तेन तेन मग्गेन पहानपरिज्जावसेन पजहति, आयतिं अनुप्पत्तिधम्मतं आपादेति । आमन्ताति अनागामीमग्गट्ठं सन्धाय पटिवचनं । तदेकट्ठं पजहतीति पहानेकट्ठतं सन्धाय वुत्तं । नोति अरहत्तमग्गट्ठं सन्धाय पटिसेधो ।

यतो कामरागानुसयं पजहतीति यतो उप्पज्जनकं कामरागानुसयं पजहतीति अत्थो । अट्टमकोति अरहत्तफलट्ठतो पट्टाय पच्चरोहनगणनाय गणियमानो सोतापत्तिमग्गट्ठो अट्टमको नाम । दक्खिण्येय्यगणनाय हि अरहा अग्गदक्खिण्यत्थता पठमो, अरहत्तमग्गट्ठो दुतियो, अनागामी ततियो...पे०... सोतापत्तिमग्गट्ठो अट्टमो । सो इध “अट्टमको”ति वुत्तो । नामसञ्जायेव वा एसा तस्साति । अनागामिमग्गसमङ्गिञ्च अट्टमकञ्च ठपेत्वा अवसेसाति सङ्घि पुथुज्जनेन सेक्खासेक्खा । तेसु हि पुथुज्जनो पहानपरिज्जाय अभावेन नप्पजहति । सेसा तेसं अनुसयानं पहीनत्ता । द्विन्नं मग्गसमङ्गीनन्ति द्वे मग्गसमङ्गिनो ठपेत्वाति अत्थो । इमिना नयेन सब्बत्थ विनिच्छयो वेदितब्बोति ।

पजहनवारवण्णना ।

## ४. परिज्जावारवण्णना

१९८-२६३. परिज्जावारे परिजानातीति तीहि परिज्जाहि परिजानाति । सेसमेत्थ हेट्ठा वुत्तनयमेव । अयम्पि हि वारो पजहनवारो विय मग्गट्ठानञ्जेव वसेन विस्सज्जितोति ।

परिज्जावारवण्णना ।

## ५. पहीनवारवण्णना

२६४-२७४. पहीनवारे फलट्ठवसेनेव देसना आरद्धा । अनागामिस्स हि उभोपेते अनुसया पहीना, तस्मा “आमन्ता”ति वुत्तं ।

२७५-२९६. ओकासवारे यत्थ कामरागानुसयो पहीनो तत्थ पटिघानुसयो पहीनोति पुच्छित्वा न वत्तब्बो पहीनोति वा अप्पहीनोति वाति वुत्तं तं कस्माति? उप्पत्तिट्ठानस्स असाधारणत्ता । अज्जं हि कामरागानुसयस्स उप्पत्तिट्ठानं, अज्जं पटिघानुसयस्स । अभावितमग्गस्स च यत्थ अनुसयो उप्पज्जति, मग्गे भाविते तत्थेव सो पहीनो नाम होति । तत्थ यस्मा नेव कामरागानुसयट्ठाने पटिघानुसयो उप्पज्जति, न पटिघानुसयट्ठाने कामरागानुसयो, तस्मा तत्थ सो पहीनोति वा अप्पहीनोति वा न वत्तब्बो । सो हि यस्मिं अत्तनो उप्पत्तिट्ठाने कामरागानुसयो पहीनो, तस्मिं अप्पहीनत्ता तत्थ पहीनोति न वत्तब्बो । यं कामरागानुसयस्स उप्पत्तिट्ठानं, तस्मिं अट्ठितत्ता तत्थ अप्पहीनोति न वत्तब्बो ।

यत्थ कामरागानुसयो पहीनो, तत्थ मानानुसयो पहीनोति एत्थ पन साधारणट्ठानं सन्धाय आमन्ताति वुत्तं । कामरागानुसयो हि कामधातुया द्वीसु वेदनासु अनुसेति । मानानुसयो तासु चेव रूपारूपधातूसु च । सो ठपेत्वा असाधारणट्ठानं साधारणट्ठाने तेन सङ्घि पहीनो नाम होति । तस्मा ‘आमन्ता’ति वुत्तं । इमिना नयेन सब्बस्मिम्पि ओकासवारे पहीनत्ता च नवत्तब्बत्ता च वेदितब्बा । ‘नत्थी’ति आगतट्ठानेसु पन हेट्ठा वुत्तसदिसोव विनिच्छयो । पुगलोकासवारो, ओकासवारगतिकोयेव ।

२९७-३०७. पटिलोमनये यस्स कामरागानुसयो अप्पहीनोति पुथुज्जनसोतापन्नसकदागामिवसेन पुच्छति । किञ्चापि हि इमे द्वे अनुसया पुथुज्जनतो पट्टाय याव

अनागामिमग्गद्धा छन्नं पुग्गलानं अप्पहीना । इध पन परतो “तिण्णं पुग्गलानं द्विन्नं पुग्गलानं” न्ति आदिवचनतो मग्गद्धा अनधिप्पेता, तस्मा पुथुज्जनसोतापन्नसकदागामिनोव सन्धाय ‘आमन्ता’ति वुत्तं । **द्विन्नं पुग्गलानं** न्ति सोतापन्नसकदागामीनं । इमिना नयेन पुग्गलवारे विनिच्छयो वेदितव्वो ।

**३०८-३२९.** ओकासवारपुग्गलोकासवारा पन हेट्ठा वुत्तनयेनेव वेदितव्वाति ।

पहीनवारवण्णना ।

#### ६. उप्पज्जनवारवण्णना

**३३०.** उप्पज्जनवारो अनुसयवारसदिसोयेव ।

#### ७. धातुपुच्छावारवण्णना

**३३२-३४०.** धातुवारस्स पुच्छावारे ताव कति अनुसया अनुसेन्तीति कति अनुसया सन्तानं अनुगता हुत्वा सयन्ति । **कति अनुसया नानुसेन्तीति** कति अनुसया सन्तानं न अनुगता हुत्वा सयन्ति । **कति अनुसया भङ्गाति** कति अनुसया अनुसेन्ति नानुसेन्तीति एवं विभजितव्वाति अत्थो । सेसमेत्थ यं वत्तब्बं सिया, तं हेट्ठा पाळिववत्थाने वुत्तमेव ।

#### ७. धातुविस्सज्जनावारवण्णना

**३४१-३४९.** निद्वेसवारे पनस्स कस्सचि सत्त अनुसया अनुसेन्तीति पुथुज्जनवसेन वुत्तं । **कस्सचि पञ्चाति** सोतापन्नसकदागामिवसेन वुत्तं । तेसज्झि दिट्ठानुसयो च विचिकिच्छानुसयो च पहीनाति पञ्चेव अनुसेन्ति । तत्थ यथा अनुसयवारे “अनुसेन्ती”ति पदस्स उप्पज्जन्तीति अत्थो गहितो, एवमिध न गहेतव्वो । कस्मा? तस्मिं खणे अनुप्पज्जनतो । कामधातुं उपपज्जन्तस्स हि विपाकचित्तञ्चेव कम्मसमुद्धानरूपञ्च उप्पज्जति, अकुसलचित्तं नत्थि । अनुसया च अकुसलचित्तकखणे उप्पज्जन्ति, न विपाकचित्तकखणेति तस्मिं खणे अनुप्पज्जनतो तथा अत्थो न गहेतव्वो । कथं पन गहेतव्वोति? यथा लब्भति तथा गहेतव्वो । कथञ्च लब्भति? अप्पहीनट्ठेन । यथा हि रागदोसमोहानं अप्पहीनत्ता । कुसलाब्बाकतचित्तसमङ्गी पुग्गलो “सरागो सदोसो समोहो”ति वुच्चति, एवं मग्गभावनाय अप्पहीनत्ता पटिसन्धिवक्खणेपि तस्स तस्स पुग्गलस्स ते ते अनुसया अनुसेन्तीति वुच्चन्ति । न केवलञ्च वुच्चन्ति, अप्पहीनत्ता पन ते अनुसेन्तियेव नामाति वेदितव्वा ।

**अनुसया भङ्गा नत्थीति** यस्स हि यो अनुसेति, सो अनुसेतियेव; यो नानुसेति, सो नानुसेतियेव । अयं अनुसेति च नानुसेति च, अयं सिया अनुसेति सिया नानुसेतीति, एवं विभजितव्वो अनुसयो नाम नत्थि । **रूपधातुं उपपज्जन्तस्स कस्सचि तयोति** अनागामिवसेन वुत्तं । तस्स हि कामरागपटिघदिट्ठिविचिकिच्छानुसया चत्तारोपि अनवसेसतो पहीना । इतरे तयोव अप्पहीना । तेन वुत्तं — “कस्सचि तयो अनुसया अनुसेन्ती”ति ।

**न कामधातुन्ति** कामधातुया पटिसिद्धत्ता सेसा द्वे धातुयो उपपज्जन्तस्साति अत्थो । **सत्ते वाति** यस्मा अरियसावकस्स रूपधातुया चुतस्स कामधातुयं उपपत्ति नाम नत्थि, पुथुज्जनस्सेव होति, तस्मा सत्तेवाति नियमेत्वा वुत्तं । “अरूपधातुया चुतस्स कामधातुं उपपज्जन्तस्स सत्तेवा”ति एत्थापि एसेव नयो । **रूपधातुया उपपत्ति नत्थीति** कस्मा नत्थि? उपपत्तिनिष्पादकस्स रूपावचरज्झानस्स अभावा । सो हि सब्बसो रूपसज्जानं समतिक्रमा तं धातुं उपपन्नोति नास्स तत्थ रूपावचरज्झानं अत्थि । तदभावा रूपधातुयं उपपत्ति नत्थीति वेदितव्वा । **अरूपधातुया चुतस्स न कामधातुन्ति** एत्थ अरूपधातुयेव अधिप्पेता । इमिना नयेन सब्बविस्सज्जनेसु अत्थो वेदितव्वोति ।

धातुवारवण्णना ।

अनुसययमकवण्णना निड्ढिता ।

## ८. चित्तयमकं

#### उद्वेसवारवण्णना

**१-६२.** इदानि तेसज्जेव मूलयमके देसितानं कुसलादिधम्मानं लब्भमानवसेन एकदेसमेव सङ्गृह्णित्वा अनुसययमकानन्तरं देसितस्स चित्तयमकस्स अत्थवण्णना होति । तत्थ पाळिववत्थानं ताव वेदितव्वं । इमस्मिज्झि चित्तयमके मातिकाठपनं, ठपितमातिकाय विस्सज्जनन्ति द्वे वारा होन्ति । तत्थ मातिकाठपने पुग्गलवारो, धम्मवारो, पुग्गलधम्मवारोति आदितोव तयो सुद्धिकमहावारा होन्ति ।

तत्थ “यस्स चित्तं उप्पज्जति, न निरुज्झती”ति एवं पुग्गलवसेन चित्तस्स उप्पज्जननिरुज्झनादिभेदं दीपेन्तो गतो पुग्गलवारो नाम । “यं चित्तं उप्पज्जति, न निरुज्झती”ति एवं धम्मवसेनेव चित्तस्स उप्पज्जननिरुज्झनादिभेदं दीपेन्तो गतो धम्मवारो नाम । “यस्स यं चित्तं उप्पज्जति, न निरुज्झती”ति एवं उभयवसेन चित्तस्स उप्पज्जननिरुज्झनादिभेदं दीपेन्तो गतो पुग्गलधम्मवारो नाम । ततो “यस्स सरागं चित्तं”न्ति सोळसन्नं पदानं वसेन अपरे सरागादिपदविसेसिता सोळस पुग्गलवारा, सोळस धम्मवारा, सोळस पुग्गलधम्मवाराति अट्ठचत्तालीसं मिस्सकवारा होन्ति । ते सरागादिपदमत्तं दस्सेत्वा सङ्खित्ता । ततो “यस्स कुसलं चित्तं”न्ति आदिना नयेन छसङ्खित्तिसत्तसङ्खानं अभिधम्ममातिकापदानं वसेन अपरे कुसलादिपदविसेसिता छसङ्खित्तिसत्तपुग्गलवारा, छसङ्खित्तिसत्तधम्मवारा छसङ्खित्तिसत्तपुग्गलधम्मवाराति अट्ठनवुत्तिसत्तसत्ता मिस्सकवारा होन्ति । तेपि कुसलादिपदमत्तं दस्सेत्वा सङ्खित्तायेव । यानिपेत्थ सनिदस्सनादीनि पदानि चित्तेन सङ्खित्तं न युज्जन्ति, तानि मोघपुच्छावसेन ठपितानि ।

तेसु पन तीसु वारेसु सब्बपठमे सुद्धिकपुग्गलमहावारे उप्पादनिरोधकालसम्भेदवारो, उप्पादुप्पन्नवारो, निरोधुप्पन्नवारो, उप्पादवारो, निरोधवारो, उप्पादनिरोधवारो

उप्यज्जमाननिरोधवारो, उप्यज्जमानुपपन्नवारो, निरुज्जमानुपपन्नवारो, उप्यनुपपादवारो, अतीतानागतवारो, उप्यनुप्यज्जमानवारो, निरुद्धनिरुज्जमानवारो, अतिवकन्तकालवारोति चुट्टस अन्तरवारा । तेसु उपादवारो, निरोधवारो, उपादनिरोधवारोति इमेसु तीसु वारेसु अनुलोमपटिलोमवसेन छ कत्वा अट्टारस यमकानि । उप्यनुपपादवारो अतीतानागतकालवसेन अनुलोमतो द्वे, पटिलोमतो द्वेति चत्तारि यमकानि । सेसेसु आदितो निदिट्ठेसु तीसु, अनन्तरे निदिट्ठेसु तीसु; अवसाने निदिट्ठेसु चतुसूति दससु वारेसु अनुलोमतो एकं, पटिलोमतो एकन्ति द्वे द्वे कत्वा वीसति यमकानि । एवं सब्बेसुपि चुट्टससु अन्तरवारेसु द्वाचत्तालीस यमकानि, चतुरासीति पुच्छा अट्टसट्ठिअत्थसत्तं होति । यथा च एकस्मिं सुद्धिकपुगलमहावारे, तथा सुद्धिकधम्मवारेपि सुद्धिकपुगलधम्मवारेपीति तीसु महावारेसु छब्बीसतियमकसत्तं, ततो दिगुणा पुच्छा, ततो दिगुणा अत्था च वेदितब्बा । इदं पन वारत्तयं सरागादिवसेन सोळसगुणं, कुसलादिवसेन छसट्ठिद्विसत्तगुणं कत्वा इमस्मिं चित्तयमके अनेकानि यमकसहस्सानि, ततो दिगुणा पुच्छा, ततो दिगुणा अत्था च होन्तीति । पाठो पन संखितोति । एवं ताव इमस्मिं चित्तयमके पाळिववत्थानं वेदितब्बं ।

मातिकाठपनवण्णना ।

निहेसो

## १. पुगलवारवण्णना

६३. इदानीं ठपितानुक्कमेन मातिकं विस्सज्जेतुं यस्स चित्तं उप्यज्जति न निरुज्जतीति आदि आरब्धं । तत्थ उप्यज्जतीति उपादकखणसमङ्गिताय उप्यज्जति न निरुज्जतीति निरोधकखणं अप्यत्ताय न निरुज्जति । तस्स चित्तन्ति तस्स पुगलस्स ततो पट्टाय चित्तं निरुज्जिस्सति नुप्यज्जिस्सतीति पुच्छति । तेसं चित्तन्ति येसं परिच्छिन्नवट्टुक्खानं खीणासवानं सब्बपच्छिमस्स चुतिचित्तस्स उपादकखणो वत्ति, एतेसं तदेव चुतिचित्तं उपादप्यत्ताय उप्यज्जति नाम, भङ्गं अप्यत्ताय न निरुज्जति । इदानीं पन भङ्गं पत्वा तं तेसं चित्तं निरुज्जिस्सति, ततो अप्यटिसन्धिकत्ता अज्जं नुप्यज्जिस्सति । इतरेसन्ति पच्छिमचित्तसमङ्गि खीणासवं ठपेत्वा अवसेसानं सेक्खासेकपुथुज्जनानं निरुज्जिस्सति चेव उप्यज्जिस्सति चाति यं तं उपादकखणप्यत्तं तं निरुज्जिस्सतेव । अज्जं पन तस्मिं वा अज्जस्मिं वा अत्तभावे उप्यज्जिस्सति चेव निरुज्जिस्सति च । दुतियपुच्छाविस्सज्जनेपि तथारूपस्सेव खीणासवस्स चित्तं सन्धाय ‘आमन्ता’ति वुत्तं । नुप्यज्जति निरुज्जतीति भङ्गकखणे अरहतो पच्छिमचित्तम्पि सेसानं भिज्जमानचित्तम्पि । ततो पट्टाय पन अरहतो चित्तं न निरुज्जिस्सतीति सक्का वत्तुं उप्यज्जिस्सतीति पन न सक्का । सेसानं उप्यज्जिस्सतीति सक्का वत्तुं, न निरुज्जिस्सतीति न सक्का । तस्मा ‘नो’ति पटिसेधो कतो । दुतियपज्हे यस्स चित्तं न निरुज्जिस्सति, उप्यज्जिस्सतीति सो पुगलोयेव नत्थि, तस्मा नत्थीति पटिक्खेपो कतो ।

६५-८२. उप्यन्नन्ति उपादसमङ्गिनोपेतं नामं । उपादं पत्वा अनिरुद्धस्सापि । तत्थ उपादसमङ्गितं सन्धाय ‘आमन्ता’ति, उपादं पत्वा अनिरुद्धभावं सन्धाय ‘तेसं चित्तं उप्यन्नन्ति वुत्तं । अनुप्यन्नन्ति उपादं अप्यत्तं । तेसं चित्तं उप्यज्जित्थाति एत्थापि सब्बेसं ताव चित्तं खणपचुप्यन्नमेव हुत्वा उपादकखणं अतीतत्ता उप्यज्जित्थ नाम, निरोधसमापन्नानं निरोधतो पुब्बे उप्यन्नपुब्बत्ता, असज्जसत्तानं सज्जीभावे उप्यन्नपुब्बत्ता । उप्यज्जित्थ चेव उप्यज्जति चाति उपादं पत्तत्ता उप्यज्जित्थ, अनतीतत्ता उप्यज्जति नामाति अत्थो ।

उपादकखणे अनागतज्जाति उपादकखणे च चित्तं अनागतज्ज चित्तन्ति अत्थो ।

८३. अतिवकन्तकालवारे उप्यज्जमानं खणन्ति उपादकखणं । तत्थ किञ्चापि उपादकखणो उप्यज्जमानो नाम न होति, उप्यज्जमानस्स पन खणत्ता एवं वुत्तो । खणं वीतिवकन्तं अतिवकन्तकालन्ति न चिरं वीतिवकन्तं तमेव पन उपादकखणं वीतिवकन्तं हुत्वा अतिवकन्तकालन्ति सङ्गं गच्छति । निरुज्जमानं खणन्ति निरोधकखणं । तत्थ किञ्चापि निरोधकखणो निरुज्जमानो नाम न होति, निरुज्जमानस्स पन खणत्ता एवं वुत्तो । खणं वीतिवकन्तं अतिवकन्तकालन्ति किं तस्स चित्तं एवं निरोधकखणम्पि वीतिवकन्तं हुत्वा अतिवकन्तकालं नाम होतीति पुच्छति । तत्थ यस्मा भङ्गकखणे चित्तं उपादकखणं खणं वीतिवकन्तं हुत्वा अतिवकन्तकालं होति, निरोधकखणं खणं वीतिवकन्तं हुत्वा अतिवकन्तकालं नाम न होति । अतीतं पन चित्तं उभोपि खणे खणं वीतिवकन्तं हुत्वा अतिवकन्तकालं नाम, तस्मा ‘‘भङ्गकखणे चित्तं उपादकखणं वीतिवकन्तं, भङ्गकखणं अवीतिवकन्तं, अतीतं चित्तं उपादकखणज्ज वीतिवकन्तं भङ्गकखणज्ज वीतिवकन्तन्ति विस्सज्जनमाह । दुतियपज्हेस्स विस्सज्जने यस्मा अतीतं चित्तं उभोपि खणे वीतिवकन्तं हुत्वा अतिवकन्तकालं नाम होति, तस्मा अतीतं चित्तन्ति वुत्तं । पटिलोमपज्हेस्स विस्सज्जने यस्मा उपादकखणे च चित्तं अनागतज्ज चित्तं उभोपि खणे खणं वीतिवकन्तं हुत्वा अतिवकन्तकालं नाम न होति, तेसं खणानं अवीतिवकन्तत्ता । तस्मा ‘‘उपादकखणे चित्तं अनागतं चित्तं’’न्ति वुत्तं । दुतियविस्सज्जनं पाकटमेव ।

८४-११३. धम्मवारेपि इमिनावुपायेन सब्बविस्सज्जनेसु अत्थो वेदितब्बो । पुगलधम्मवारो धम्मवारगतिकोयेव ।

११४-११६. सब्बेपि मिस्सकवारा यस्स सरागं चित्तन्ति आदिना नयेन मुखमतं दस्सेत्वा सङ्घित्ता । वित्थारो पन नेसं हेट्ठा वुत्तनयेनेव वेदितब्बो । तेसु पन ‘‘यस्स सरागं चित्तं उप्यज्जति, न निरुज्जति; तस्स चित्तं निरुज्जिस्सति, नुप्यज्जिस्सती’’ति एवं वित्थारेतब्बत्ताय पुच्छाव सदिसा होति । यस्मा पन सरागं चित्तं पच्छिमचित्तं न होति, तस्मा ‘‘यस्स सरागं चित्तं उप्यज्जति, न निरुज्जति; तस्स चित्तं निरुज्जिस्सति, नुप्यज्जिस्सतीति नो’’ति एवं विस्सज्जितब्बत्ता विस्सज्जनं असदिसं होति । तं तं तस्सा तस्सा पुच्छाय अनुरुपवसेन वेदितब्बन्ति ।

चित्तयमकवण्णना निड्ढिता ।

## ९. धम्मयमकं

### १. पण्णत्तिउद्देसवारवण्णना

१-१६. इदानीं तेसज्जेव मूलयमके देसितानं कुसलादिधम्मानं मातिकं ठपेत्वा चित्तयमकानन्तरं देसितस्स धम्मयमकस्स वण्णना होति । तत्थ खन्धयमके वुत्तनयेनेव पाळिववत्थानं वेदितब्बं । यथा हि तत्थ पण्णत्तिवारादयो तयो महावारा, अवसेसा अन्तरवारा च होन्ति, तथा इधापि । ‘‘यो कुसलं धम्मं भावेति, सो अकुसलं धम्मं पजहती’’ति

आगतता पनेत्थ परिज्जावारो, भावनावारो नामाति वेदितब्बो। तत्थ यस्मा अब्बाकतो धम्मो नेव भावेतब्बो, न पहातब्बो, तस्मा तं पदमेव न उद्धटं। पण्णत्तिवारो पनेत्थ तिण्णं कुसलादिधम्मानं वसेन पदसोधनवारो, पदसोधनमूलचक्कवारो, सुद्धधम्मवारो, सुद्धधम्ममूलचक्कवारोति इमेसु चतूसु वारेसु यमकगणना वेदितब्बा।

## १. पण्णत्तिनिद्देसवारवण्णना

१७-३२. पण्णत्तिवारनिद्देसे पन कुसला कुसलधम्माति कुसलानं एकन्तेन कुसलधम्मत्ता “आमन्ता”ति वुत्तं। सेसविस्सज्जनेसुपि एसेव नयो। अवसेसा धम्मा न अकुसला धम्माति अवसेसा धम्मा अकुसला न होन्ति, धम्मा पन होन्तीति अत्थो। इमिना नयेन सब्बविस्सज्जनानि वेदितब्बानि।

पण्णत्तिवारवण्णना।

## २. पवत्तिवारवण्णना

३३-३४. पवत्तिवारो पनेत्थ पच्चुप्पन्नकाले पुग्गलवारस्स अनुलोमनये “यस्स कुसला धम्मा उप्पज्जन्ति, तस्स अकुसला धम्मा उप्पज्जन्ति; यस्स वा पन अकुसला धम्मा उप्पज्जन्ति, तस्स कुसला धम्मा उप्पज्जन्ती”ति कुसलधम्ममूलकानि द्वे यमकानि, अकुसलधम्ममूलकं एकन्ति तीणि यमकानि होन्ति। तस्स पटिलोमनयेपि ओकासवारादीसुपि एसेव नयो। एवमेत्थ सब्बवारेसु तिण्णं तिण्णं यमकानं वसेन यमकगणना वेदितब्बा। अत्थविनिच्छये पनेत्थ इदं लक्खणं — इमस्स हि धम्मयमकस्स पवत्तिमहावारे “उप्पज्जन्ति निरुज्झन्ती”ति इमेसु उप्पादनरोधेसु कुसलाकुसलधम्मा ताव एकन्तेन पवत्तिरयमेव लब्धन्ति, न चुत्तिपटिसन्धीसु। अब्बाकतधम्मा पन पवते च चुत्तिपटिसन्धीसु चाति तीसुपि कालेसु लब्धन्ति। एवमेत्थ यं यत्थ यत्थ लब्धन्ति, तस्स वसेन तत्थ तत्थ विनिच्छयो वेदितब्बो।

तत्रिदं नयमुखं — कुसलाकुसलानं ताव एकक्खणे अनुप्पज्जनतो “नो”ति पटिसेधो कतो। अब्बाकता चाति चित्तसमुद्धानरूपवसेन वुत्तं।

३५-३६. यत्थ कुसला धम्मा नुप्पज्जन्तीति असज्जभवं सन्धाय वुत्तं। तेनेवेत्थ “आमन्ता”ति विस्सज्जनं कतं। उप्पज्जन्तीति इदम्पि असज्जभवंयेव सन्धाय वुत्तं। अब्बाकतानं पन अनुप्पत्तिद्धानस्स अभावा “नत्थी”ति पटिक्खेपो कतो।

४९. दुत्तिये अकुसलेति भवं अस्सादेत्वा उप्पन्नेसु निकन्तिजवनेसु दुत्तिये जवनचित्ते। दुत्तिये चित्ते वत्तमानेति पटिसन्धितो दुत्तिये भवङ्गचित्ते वत्तमाने सह वा पटिसन्धिया भवङ्गं विपाकवसेन एकमेव कत्वा भवनिकन्तिया आवज्जनचित्ते। तज्झि किरियचित्तता अब्बाकतजातियं विपाकतो दुत्तियं नाम होति।

५७. यस्स चित्तस्स अनन्तरा अग्गमग्गन्ति गोत्रभुचित्तं सन्धाय वुत्तं। कुसला धम्मा उप्पज्जिस्सन्तीति ते अग्गमग्गधम्मेयेव सन्धाय वुत्तं।

७९. यस्स चित्तस्स अनन्तरा अग्गमग्गं पटिलभिससन्ति, तस्स चित्तस्स उप्पादक्खणेति इदं चित्तजातिवसेन वुत्तं। तज्जातिकस्स हि एकावज्जनेन उप्पन्नस्स ततो ओरिमचित्तस्स उप्पादक्खणेपि एतं लक्खणं लब्धतेव।

९९. निरोधवारेपि कुसलाकुसलानं एकतो अनिरुज्झनतो “नो”ति वुत्तं। इमिना नयमुखेन सब्बत्थ विनिच्छयो वेदितब्बोति।

धम्मयमकवण्णना निद्धिता।

## १०. इन्द्रिययमकं

इदानि तेसज्जेव मूलयमके देसितानं कुसलादिधम्मानं लब्धमानवसेन एकदेसं संगणित्वा धम्मयमकानन्तरं देसितस्स इन्द्रिययमकस्स वण्णना होति। तत्थ खन्धयमकादीसु वुत्तनयेनेव पाळिववत्थानं वेदितब्बं। इधापि हि पण्णत्तिवारादयो तयो महावारा अवसेसा अन्तरवारा च सद्धि कालप्पभेदादीहि खन्धयमकादीसु आगतसदिसाव। इन्द्रियानं पन बहुताय धातुयमकतोपि बहुतरानि यमकानि होन्ति। यथा पन हेट्ठा पुग्गलवारादीसु चक्खायतनचक्खुधातुमूलके नये चक्खायतनचक्खुधातूहि सद्धि जिक्खायतनकायायतनानि न योजितानि। जिक्खायतनकायायतनमूलकानि च यमकानेव न गहितानि, तथा इधापि चक्खुन्द्रियमूलके नये जिक्खिन्द्रियकायिन्द्रियानि न योजितानि, जिक्खिन्द्रियकायिन्द्रियमूलकानि च यमकानेव न गहितानि। तेसं अग्गहणे कारणं तत्थ वुत्तनयेनेव वेदितब्बं। मर्निन्द्रियं पन यथा चक्खुन्द्रियादिमूलकेहि तथेव इत्थिन्द्रियादिमूलकेहिपि सद्धि यस्मा योजनं गच्छति, तस्मा निक्खित्तपटिपाटिया अयोजेत्वा सब्बेहिपि चक्खुन्द्रियमूलकादीहि सद्धि परियोसाने योजितन्ति वेदितब्बं। चक्खुन्द्रियेन सद्धि इत्थिन्द्रियपुरिसिन्द्रियजीवितिन्द्रियानि योजितानि सुखिन्द्रियदुक्खिन्द्रियदोमनस्सिन्द्रियानि पटिसन्धियं नत्थीति न गहितानि। सोमनस्सिन्द्रियउपेक्खिन्द्रियानि पटिसन्धियं उप्पत्तिसम्भावतो गहितानि। तथा सद्धिन्द्रियादीनि पञ्च। लोकुत्तरानि तीणि पटिसन्धियं अभावेनेव न गहितानि। इति यानि गहितानि, तेसं वसेनेत्थ चक्खुन्द्रियमूलके नये यमकगणना वेदितब्बा। यथा चेत्थ, एवं सब्बत्थ। यानि पन न गहितानि, तेसं वसेन यमकानि न गणेतब्बानि। गणन्तेन वा मोघपुच्छावसेन गणेतब्बानीति एवं ताव सब्बवारेसु पाळिववत्थानमेव वेदितब्बं।

## पवत्तिवारवण्णना

१-८६. अत्थविनिच्छये पनेत्थ इदं नयमुखं — सचक्खुकानं न इत्थीनन्ति ब्रह्मपारिसज्जादीनज्जेव रूपीनं पुरिसनपुंसकानज्ज वसेन वुत्तं। तेसज्झि इत्थिन्द्रियं नुप्पज्जति। सचक्खुकानं न पुरिसानन्ति रूपीब्रह्मानज्जेव इत्थिनपुंसकानज्ज वसेन वुत्तं। तेसज्झि पुरिसिन्द्रियं नुप्पज्जति। अचक्खुकानं उपपज्जन्तानं तेसं जीवितिन्द्रियं उप्पज्जतीति एकवोकारचतुवोकारकामधातुसते सन्धाय वुत्तं। सचक्खुकानं विना सोमनस्सेनाति उपेक्खासहगतानं चतुन्नं महाविपाकपटिसन्धीनं वसेन वुत्तं। सचक्खुकानं विना उपेक्खायाति सोमनस्ससहगतपटिसन्धिकानं वसेन वुत्तं। उपेक्खाय अचक्खुकानन्ति अहेतुकपटिसन्धिवसेन वुत्तं। अहेतुकानन्ति अहेतुकपटिसन्धिचित्तेन सद्धि सद्धिन्द्रियादीनं अभावतो वुत्तं। तत्थ हि एकन्तेनेव सद्धासतिपज्जायो नत्थि। समाधिवीरियानि पन इन्द्रियप्पत्तानि न होन्ति। सहेतुकानं अचक्खुकानन्ति गम्भसेय्यकवसेन चेव

अरूपीवसेन च वुत्तं । अज्जो हि सहेतुको अचक्खुको नाम नत्थि । **सचक्खुकानं अहेतुकानन्ति** अपाये ओपपातिकवसेन वुत्तं । **सचक्खुकानं जाणविप्पयुत्तानन्ति** कामधातुयं दुहेतुकपटिसन्धिकानं वसेन वुत्तं । **सचक्खुकानं जाणसम्पयुत्तानन्ति** रूपीब्रह्मानो चेव कामावचरदेवमनुस्से च सन्धाय वुत्तं । **जाणसम्पयुत्तानं अचक्खुकानन्ति** अरूपिनो च तिहेतुकगम्भसेय्यके च सन्धाय वुत्तं ।

**१९०.** जीवितिन्द्रियमूलके **विना सोमनस्सेन उपपज्जन्तानन्ति** द्वेपि जीवितिन्द्रियानि सन्धाय वुत्तं । **पवत्ते सोमनस्सविप्पयुत्तचित्तस्स उप्पादक्खणेति** अरूपजीवितिन्द्रियं सन्धाय वुत्तं । इमिना नयेन सब्बत्थापि पटिसन्धिपवत्तिवसेन जीवितिन्द्रिययोजना वेदितब्बा । सोमनस्सिन्द्रियादिमूलकेसुपि पटिसन्धिपवत्तिवसेनेवत्थो गहेतब्बो । पटिलोमनये पन निरोधवारे च एतेसज्जेव अज्जेसज्ज धम्मानं यथालाभवसेन चुतिपटिसन्धिपवत्तेसु तीसुपि अनुप्पादनरोधा वेदितब्बा ।

**२८१.** अनागतवारे **एतेनेव भावेनाति** एतेन पुरिसभावेनेव, अन्तरा इत्थिभावं अनापज्जित्वा पुरिसपटिसन्धिगगहणेनेवाति अत्थो । **कतिचि भवे दस्सेत्वा परिनिब्बायिस्सन्तीति** कतिचि पटिसन्धियो गहेत्वा इत्थिभावं अप्पत्वाव परिनिब्बायिस्सन्तीति अत्थो । दुतियपुच्छायपि एसेव नयो ।

**३६१.** पच्चुप्पन्नेन अतीतवारे **सुद्धावासानं उपपत्तिचित्तस्स भङ्गक्खणे मनिन्द्रियज्ज नुप्पज्जित्थाति** चित्तयमके विय उप्पादक्खणातिक्कमवसेन अत्थं अगहेत्वा तस्मिं भवे अनुप्पन्नपुब्बवसेन गहेतब्बोति । इमिना नयमुखेन सब्बस्मिम्पि पवत्तिवारे अत्थविनिच्छयो वेदितब्बो ।

पवत्तिवारवण्णना ।

### परिज्जावारवण्णना

**४३५-४८२.** परिज्जावारे पन चक्खुमूलकादीसु एकमेव चक्खुसोतयमकं दस्सितं । यस्मा पन सेसानिपि लोकियअब्बाकतानि चेव लोकियअब्बाकतमिस्सकानि च परिज्जेय्यानेव, तस्मा तानि अनुपदिट्ठानिपि इमिनाव दस्सितानि होन्ति । यस्मा पन अकुसलं एकन्ततो पहातब्बमेव, एकन्तं कुसलं भावेतब्बमेव, लोकुत्तराब्बाकतं सच्छिकातब्बं, तस्मा “दोमनस्सिन्द्रियं पजहती”ति “अनज्जातज्जस्सामीतिन्द्रियं भावेती”ति “अज्जाताविन्द्रियं सच्छिकरोती”ति वुत्तं । अज्जिन्द्रियं पन भावेतब्बम्पि अत्थि सच्छिकातब्बम्पि, तं भावनावसेनेव गहितं । तत्थ **द्वे पुगगलाति** सकदागामिमगसमङ्गी च, अरहत्तमगसमङ्गी च । तेसु एको समुच्छिन्दितुं असमत्थत्ता दोमनस्सिन्द्रियं न पजहति नाम । एको पहीनदोसत्ता **चक्खुन्द्रियं न परिजानातीति** अनुप्पादं आपादेतुं असमत्थत्ताय न परिजानाति । इमिना नयेन सब्बविस्सज्जनेसु अत्थो वेदितब्बोति ।

परिज्जावारवण्णना ।

इन्द्रिययमकवण्णना निट्ठिता ।

### निगमनकथा

एत्तावता च —

यस्सोवादे ठत्वा, निट्ठितकिच्चस्स किच्चसम्पन्नो ।  
युवतिजनोपि अतीतो, सुविहितनियमो यमस्साणं ॥

देवपरिसाय मज्झे, देवपुरे सब्बदेवदेवेन ।  
यमकं नाम पकासितं, यमामललोमेन यं तेन ॥

पाळिववत्थानविधिं, पुच्छाविस्सज्जने च अत्थनयं ।  
दस्सेतुं आरद्धा, यमकअट्ठकथा मया तस्स ॥

सा सुबहुअन्तराये, लोकम्हि यथा अनन्तरायेन ।  
अयमज्ज पञ्चमत्तेहि, तन्तिया भाणवारेहि ॥

निट्ठं पत्ता एवं, निट्ठानं पापुणन्तु सब्बेपि ।  
हितसुखनिब्बत्तिकरा, मनोरथा सब्बसत्तानन्ति ॥

यमकप्पकरण-अट्ठकथा निट्ठिता ।

॥ नमो तस्स भगवतो अरहतो सम्मासम्बुद्धस्स ॥

## अभिधम्मपिटके

### पट्टानप्पकरण-अट्ठकथा



देवातिदेवो देवानं, देवदानवपूजितो,  
देसयित्वा पकरणं, यमकं सुद्धसंयमो ॥

अत्थतो धम्मतो चेव, गम्भीरस्साथ तस्स यं,  
अनन्तरं महावीरो, सत्तमं इसिसत्तमो ॥

पट्टानं नाम नामेन, नामरूपनिरोधनो,  
देसेसि अतिगम्भीर-नयमण्डितदेसनं ॥

इदानीं तस्स सम्पत्तो, यस्मा संवण्णनाक्कमो,  
तस्मा नं वण्णयिस्सामि, तं सुणाथ समाहिताति ॥

## पच्चयुद्देसवण्णना

सम्मासम्बुद्धेन हि अनुलोमपट्टाने द्वावीसति तिके निस्साय तिकपट्टानं नाम निद्धिं, सतं दुके निस्साय दुकपट्टानं नाम निद्धिं । ततो परं द्वावीसति तिके गहेत्वा दुकसते पक्खिपित्वा दुकतिकपट्टानं नाम दस्सितं । ततो परं दुकसतं गहेत्वा द्वावीसतिया तिकेसु पक्खिपित्वा तिकदुकपट्टानं नाम दस्सितं । तिके पन तिकेसुयेव पक्खिपित्वा तिकतिकपट्टानं नाम दस्सितं । दुके च दुकेसुयेव पक्खिपित्वा दुकदुकपट्टानं नाम दस्सितं । एवं —

तिकञ्च पट्टानवरं दुकुत्तमं,  
दुकं तिकञ्चेव तिकं दुकञ्च ।  
तिकं तिकञ्चेव दुकं दुकञ्च,  
छ **अनुलोमहि** नया सुगम्भीराति ॥

पच्चनीयपट्टानेपि द्वावीसति तिके निस्साय तिकपट्टानं नाम । दुकसतं निस्साय दुकपट्टानं नाम । द्वावीसति तिके दुकसते पक्खिपित्वा दुकतिकपट्टानं नाम । दुकसतं द्वावीसतिया तिकेसु पक्खिपित्वा तिकदुकपट्टानं नाम । तिके तिकेसुयेव पक्खिपित्वा तिकतिकपट्टानं नाम । दुके दुकेसुयेव पक्खिपित्वा दुकदुकपट्टानं नामाति एवं पच्चनीयेपि छहि नयेहि पट्टानं निद्धिं । तेन वुत्तं —

“तिकञ्च पट्टानवरं दुकुत्तमं,  
दुकं तिकञ्चेव तिकं दुकञ्च ।  
तिकं तिकञ्चेव दुकं दुकञ्च,  
छ **पच्चनीयहि** नया सुगम्भीरा”ति ॥

ततो परं अनुलोमपच्चनीयेपि एतेनेवुपायेन छ नया दस्सिता । तेनाह —

“तिकञ्च पट्टानवरं दुकुत्तमं,  
दुकं तिकञ्चेव तिकं दुकञ्च ।  
तिकं तिकञ्चेव दुकं दुकञ्च,  
छ **अनुलोमपच्चनीयहि** नया सुगम्भीरा”ति ॥

तदनन्तरं पच्चनीयानुलोमहि एतेहेव छहि नयेहि निद्धिं । तेनाह —

“तिकञ्च पट्टानवरं दुकुत्तमं,  
दुकं तिकञ्चेव तिकं दुकञ्च ।  
तिकं तिकञ्चेव दुकं दुकञ्च,  
छ **पच्चनीयानुलोमहि** नया सुगम्भीरा”ति ॥

एवं अनुलोमे छ पट्टानानि, पच्चनीये छ, अनुलोमपच्चनीये छ, पच्चनीयानुलोमे छ पट्टानानीति इदं “चतुवीसतिसमन्तपट्टानसमोधानपट्टानमहापकरणं नामा”ति हि वुत्तं ।

तत्थ येसं चतुवीसतिया समन्तपट्टानानं समोधानवसेनेतं चतुवीसतिसमन्तपट्टानसमोधानं पट्टानमहापकरणं नामाति वुत्तं, तेसञ्चेव इमस्स च पकरणस्स नामत्थो ताव एवं वेदितब्बो । केनट्ठेन पट्टानन्ति? नानप्पकारपच्चयट्ठेन । ‘प-कारो’ हि नानप्पकारत्थं दीपेति, ठानसद्धो पच्चयत्थं । ठानाट्ठानकुसलतातिआदीसु हि पच्चयो ठानन्ति वुत्तो । इति नानप्पकारानं पच्चयानं वसेन देसितत्ता इमेसु चतुवीसतिया पट्टानेसु एकेकं पट्टानं नाम । इमेसं पन पट्टानानं समूहतो सब्बम्पेतं पकरणं पट्टानन्ति वेदितब्बं ।

अपरो नयो — केनट्ठेन पट्टानन्ति? विभजनट्ठेन । “पञ्जापना पट्टपना विवरणा विभजना उत्तानीकम्म”न्ति (म० नि० १.३७१) आगतट्ठानस्मिहि विभजनट्ठेन पट्टानं पञ्जायति । इति कुसलादीनं धम्मानं हेतुपच्चयादिवसेन विभजत्ता इमेसु चतुवीसतिया पट्टानेसु एकेकं पट्टानं नाम । इमेसं पन पट्टानानं समूहतो सब्बम्पेतं पकरणं पट्टानं नामाति

वेदितव्यं ।

अपरो नयो — केनङ्गेन पट्टानन्ति? पट्टितत्थेन । गमनङ्गेनाति अत्थो । “गोड्डा पट्टितगावो”ति (म० नि० १.१५६) आगतट्टानस्मिञ्च येन पट्टानेन पट्टितगावोति वुत्तो, तं अत्थतो गमनं होति । इति नातिवित्थारितनयेसु धम्मसङ्गणीआदीसु अनिस्सङ्गगमनस्स सब्बञ्जुतञ्जाणस्स हेतुपच्चयादिभेदभिन्नेसु कुसलादीसु वित्थारितनयलाभतो निस्सङ्गवसेन पवत्तगमनत्ता इमेसु चतुर्वीसतिया पट्टानेसु एकेकं पट्टानं नाम । इमेसं पन पट्टानानं समूहतो सब्बम्पेतं पकरणं पट्टानं नामाति वेदितव्यं ।

तत्थ अनुलोमहि ताव पठमं तिकवसेन देसितत्ता तिकपट्टानं नाम । तस्स पदच्छेदो — तिकानं पट्टानं एत्थ अत्थीति **तिकपट्टानं** । तिकानं नानपकारका पच्चया एतस्सा देसनाय अत्थीति अत्थो । दुतियविकप्पेपि तिकानं पट्टानन्त्वेव तिकपट्टानं । हेतुपच्चयादिवसेन तिकानं विभजनाति अत्थो । ततियविकप्पे हेतुपच्चयादिभेदभिन्नताय लद्धवित्थारा तिका एव पट्टानं तिकपट्टानं । सब्बञ्जुतञ्जाणस्स निस्सङ्गगमनभूमीति अत्थो । दुकपट्टानादीसुपि एसेव नयो । एवं अनुलोमे छपट्टानानि विदित्वा पच्चनीयादीसुपि इमिनावुपायेन वेदितव्वानि ।

यस्मा पनेतानि अनुलोमे, पच्चनीये, अनुलोमपच्चनीये, पच्चनीयानुलोमेति समन्ता छ हत्वा चतुर्वीसति होन्ति; तस्मा “चतुर्वीसति समन्तपट्टानानी”ति वुच्चन्ति । इति इमेसं चतुर्वीसतिया खुदकपट्टानसङ्घातानं समन्तपट्टानानं समोधानवसेनेतं चतुर्वीसतिसमन्तपट्टानसमोधानं पट्टानमहापकरणं नाम ।

तं पनेतं ये तिकादयो निस्साय निहिट्ता “तिकपट्टानं दुकपट्टानं...पे०... दुकदुकपट्टानं”ति वुत्तं, ते अनामसित्वा येसं पच्चयानं वसेन ते तिकादयो विभत्ता ते पच्चये दस्सेतुं आदितो तावस्स मातिकानिकखेपवारो नाम वुत्तो; पच्चयविभङ्गवारोतिपि तस्सेव नामं । सो उदेसनिदेसतो दुविधो । तस्स हेतुपच्चयो...पे०... **अविगतपच्चयो**ति अयं उदेसो ।

तत्थ हेतु च सो पच्चयो चाति **हेतुपच्चयो** । हेतु हत्वा पच्चयो, हेतुभावेन पच्चयोति वुत्तं होति । आरम्मणपच्चयादीसुपि एसेव नयो । तत्थ हेतूति वचनावयवकारणमूलानमेतं अधिवचनं । “पटिञ्जा हेतू”तिआदीसु हि लोके वचनावयवो हेतूति, वुच्चति । सासने पन “ये धम्मा हेतुप्पभवा”तिआदीसु (महाव० ६०) कारणं । “तयो कुसला हेतू, तयो अकुसला हेतू”तिआदीसु (ध० स० १०५९) मूलं हेतूति वुच्चति । तं इध अधिपेतं । **पच्चयो**ति एत्थ पन अयं वचनत्थो — पटिच्च एतस्मा एतीति पच्चयो, अप्पच्चकखाय नं वत्ततीति अत्थो । यो हि धम्मो यं धम्मं अप्पच्चकखाय तिड्ढति वा उपपज्जति वा, सो तस्स पच्चयोति वुत्तं होति ।

लक्खणतो पन उपकारकलक्खणो पच्चयो, यो हि धम्मो यस्स धम्मस्स ठितिया वा उपत्तिया वा उपकारको होति, सो तस्स पच्चयोति वुच्चति । पच्चयो, हेतु; कारणं निदानं सम्भवो, पभवोति अत्थतो एकं, व्यञ्जनतो नानं । इति मूलङ्गेन हेतु, उपकारकङ्गेन पच्चयोति सङ्घेपतो मूलङ्गेन उपकारको धम्मो हेतुपच्चयो । सो हि सालिआदीनं सालिबीजादीनि विय, मणिप्पभादीनं विय च मणिवण्णादयो कुसलादीनं कुसलादिभावसाधकोति आचरियानं अधिप्पायो । एवं सन्ते पन तंसमुद्धानरूपेसु हेतुपच्चयता न सम्पज्जति । न हि सो तेसं कुसलादिभावं साधेति, न च पच्चयो न होतीति । वुत्तज्जेतं “हेतु हेतुसम्पयुत्तकानं धम्मानं तंसमुद्धानानञ्च रूपानं हेतुपच्चयेन पच्चयो”ति । अहेतुकचित्तानञ्च विना एतेन अब्याकतभावो सिद्धो ।

सहेतुकानम्पि च योनिमोमनसिकारादिपटिबद्धो कुसलादिभावो न सम्पयुत्तहेतुपटिबद्धो । यदि च सम्पयुत्तहेतुसु सभावतोव कुसलादिभावो सिया, तंसम्पयुत्तेसु हेतुपटिबद्धो अलोभो कुसलो वा सिया अब्याकतो वा । यस्मा पन उभयथापि होति, तस्मा यथा सम्पयुत्तेसु, एवं हेतुसुपि कुसलादिता परियेसितव्वा । कुसलादिभावसाधनवसेन पन हेतूतं मूलङ्गे अगगहेत्वा सुप्पतिट्ठितभावसाधनवसेन गग्गमाने न किञ्चि विरुज्झति । लद्धहेतुपच्चया हि धम्मा विरुज्झमूला विय पादपा थिरा होन्ति सुप्पतिट्ठिता, अहेतुका पन तिलबीजाकादिसेवाला विय न सुप्पतिट्ठिता । इति मूलङ्गेन उपकारकोति सुप्पतिट्ठितभावसाधनेन उपकारको धम्मो हेतुपच्चयोति वेदितव्वो ।

ततो परेसु आरम्मणवसेन उपकारको धम्मो **आरम्मणपच्चयो** । सो “रूपायतनं चक्खुविञ्जाणधातुया”ति आरभित्वापि “यं यं धम्मं आरब्भ ये ये धम्मा उपपज्जन्ति चित्तचेतसिका धम्मा, ते ते धम्मा तेसं तेसं धम्मानं आरम्मणपच्चयेन पच्चयो”ति ओसापितत्ता न कोचि धम्मो न होति । यथा हि दुब्बलो पुरिसो दण्डं वा रज्जुं वा आलम्बित्वा उड्ढति चेव तिड्ढति च, एवं चित्तचेतसिका धम्मा रूपादिआरम्मणं आरब्भेव उपपज्जन्ति चेव तिड्ढन्ति च । तस्मा सब्बेपि चित्तचेतसिकानं धम्मानं आरम्मणभूता धम्मा आरम्मणपच्चयोति वेदितव्वा ।

जेड्ढकङ्गेन उपकारको धम्मो **अधिपतिपच्चयो** । सो सहजातारम्मणवसेन दुविधो । तत्थ “छन्दाधिपति छन्दसम्पयुत्तकानं धम्मानं तंसमुद्धानानञ्च रूपानं अधिपतिपच्चयेन पच्चयो”तिआदिवचनतो छन्दवीरियचित्तवीमंससङ्घाता चत्तारो धम्मा सहजाताधिपतिपच्चयोति वेदितव्वा, नो च खो एकतो । यदा हि छन्दं धुरं जेड्ढकं कत्वा चित्तं पवत्तति, तदा छन्दोव अधिपति, न इतरे । एस नयो सेसेसुपि । यं पन धम्मं गरुं कत्वा अरूपधम्मा पवत्तन्ति, सो नेसं आरम्मणाधिपति । तेन वुत्तं — “यं यं धम्मं गरुं कत्वा ये ये धम्मा उपपज्जन्ति चित्तचेतसिका धम्मा, ते ते धम्मा तेसं तेसं धम्मानं अधिपतिपच्चयेन पच्चयो”ति ।

अनन्तरभावेन उपकारको धम्मो **अनन्तरपच्चयो** । समनन्तरभावेन उपकारको धम्मो **समनन्तरपच्चयो** । इदञ्च पच्चयद्वयं बहुधा पपञ्चयन्ति । अयं पनेत्थ सारो — यो हि एस चक्खुविञ्जाणानन्तरा मनोधातु, मनोधातुअनन्तरा मनोविञ्जाणधातुतिआदि चित्तनियमो, सो यस्मा पुरिमचित्तवसेनेव इज्झति, न अज्झता । तस्मा अत्तनो अत्तनो अनन्तरं अनुरूपस्स चित्तुप्पादस्स उप्पादनसमत्थोव धम्मो अनन्तरपच्चयो । तेनेवाह — “अनन्तरपच्चयोति चक्खुविञ्जाणधातु तंसम्पयुत्तका च धम्मा मनोधातुया तंसम्पयुत्तकानञ्च धम्मानं अनन्तरपच्चयेन पच्चयो”तिआदि ।

यो अनन्तरपच्चयो, स्वेव समनन्तरपच्चयो । व्यञ्जनमत्तमेव हेत्थ नानं, उपचयसन्ततिआदीसु विय, अधिवचननिरुत्तिदुकादीसु विय च, अत्थतो पन नानं नत्थि । यम्पि “अब्धानन्तरताय अनन्तरपच्चयो, कालानन्तरताय समनन्तरपच्चयो”ति आचरियानं मतं, तं “निरोधा वुड्ढन्तस्स नेवसञ्जानासञ्जायतनकुसलं फलसमापत्तिया समनन्तरपच्चयेन पच्चयो”तिआदीहि विरुज्झति । यम्पि तत्थ वदन्ति — “धम्मानं समुद्धानपनसमत्थता न परिहायति, भावनाबलेन पन वारितत्ता धम्मा समनन्तरं नुप्पज्जन्ती”ति, तम्पि कालानन्तरताय अभावमेव साधेति । भावनाबलेन हि तत्थ कालानन्तरता नत्थीति, मयम्पि एतदेव वदाम । यस्मा च कालानन्तरता नत्थि, तस्मा समनन्तरपच्चयता न युज्जति । कालानन्तरताय हि तेसं समनन्तरपच्चयो होतीति लद्धि । तस्मा अभिनिवेसं अकत्वा व्यञ्जनमत्ततोवेत्थ नानाकरणं पच्चेतव्वं, न अत्थतो । कथं? नत्थि एतेसं अन्तरन्ति हि अनन्तरा । सण्ठानाभावतो सुड्ढ अनन्तराति समनन्तरा ।

उपपज्जमानो सह उपपज्जमानभावेन उपकारको धम्मो **सहजातपच्चयो**, पकासस्स पदीपो विय । सो अरूपकखन्धादिवसेन छब्बिधो होति । यथाह — चत्तारो खन्धा अरूपिनो अज्जमज्जं सहजातपच्चयेन पच्चयो । चत्तारो महाभूता अज्जमज्जं...पे०... ओक्कन्तिकखणे नामरूपं अज्जमज्जं...पे०... चित्तचेतसिका धम्मा चित्तसमुद्धानानं रूपानं... पे०... महाभूता उपादारूपानं...पे०... रूपिनो धम्मा अरूपीनं धम्मानं किञ्चिकाले सहजातपच्चयेन पच्चयो; किञ्चिकाले न सहजातपच्चयेन पच्चयोति । इदं हृदयवत्थुमेव सन्धाय वुत्तं ।

अज्जमज्जं उपादानुपत्थम्भनभावेन उपकारको धम्मो **अज्जमज्जपच्चयो** । अज्जमज्जुपत्थम्भकं तिदण्डं विय । सो अरूपकखन्धादिवसेन तिविधो होति । यथाह — चत्तारो खन्धा अरूपिनो अज्जमज्जपच्चयेन पच्चयो । चत्तारो महाभूता...पे०... ओक्कन्तिकखणे नामरूपं अज्जमज्जपच्चयेन पच्चयोति ।

अधिष्ठानाकारेण निस्सयाकारेण च उपकारको धम्मो **निस्सयपच्चयो**, तरुचित्तकम्मादीनं पथवीपटादयो विय । सो “चत्तारो खन्धा अरूपिनो अज्जमज्जं निस्सयपच्चयेन पच्चयो”ति एवं सहजाते वुत्तनेयेन वेदितव्वो । छट्ठो पनेत्थ कोट्टासो “चक्खयायतनं चक्खुविज्जाणधातुया, सोतधानजिक्काकायायतनं कायविज्जाणधातुया तंसम्पयुत्तकानञ्च धम्मानं निस्सयपच्चयेन पच्चयो । यं रूपं निस्साय मनोधातु च मनोविज्जाणधातु च वत्तन्ति, तं रूपं मनोधातुया च मनोविज्जाणधातुया च तंसम्पयुत्तकानञ्च धम्मानं निस्सयपच्चयेन पच्चयो”ति एवं विभक्तो ।

**उपनिस्सयपच्चयो**ति इध पन अयं ताव वचनत्थो — तदधीनवुत्तिताय अत्तनो फलेन निस्सितो, न पटिक्खित्तोति निस्सयो । यथा पन भुसो आयासो उपायासो, एवं भुसो निस्सयो उपनिस्सयो । बलवकारणस्सेतं अधिवचनं । तस्मा बलवकारणभावेन उपकारको धम्मो उपनिस्सयपच्चयोति वेदितव्वो । सो आरम्मणूपनिस्सयो, अनन्तरूपनिस्सयो पकतूपनिस्सयोति तिविधो होति । तत्थ “दानं दत्त्वा सीलं समादियित्वा उपोसथकम्मं कत्वा तं गरुं कत्वा पच्चवेक्खति, पुब्बे सुचिण्णानि गरुं कत्वा पच्चवेक्खति, ज्ञाना वुड्ढित्वा ज्ञानं गरुं कत्वा पच्चवेक्खति, सेक्खा गोत्रभुं गरुं कत्वा पच्चवेक्खन्ति, वोदानं गरुं कत्वा पच्चवेक्खन्ति, सेक्खा मग्गा वुड्ढित्वा मग्गं गरुं कत्वा पच्चवेक्खन्ती”ति एवमादिना नयेन **आरम्मणूपनिस्सयो** ताव आरम्मणाधिपतिना सद्धिं नानत्तं अकत्वा विभक्तो । तत्थ यं आरम्मणं गरुं कत्वा चित्तचेतसिका उपपज्जन्ति, तं नियमतो तेसं आरम्मणेसु बलवारम्मणं होति । इति गरुकातब्बमत्तट्टेन आरम्मणाधिपति, बलवकारणट्टेन आरम्मणूपनिस्सयोति एवमेतेसं नानत्तं वेदितव्वं ।

**अनन्तरूपनिस्सयो**पि “पुरिमा पुरिमा कुसला खन्धा पच्छिमानं पच्छिमानं कुसलानं खन्धानं उपनिस्सयपच्चयेन पच्चयो”तिआदिना नयेन अनन्तरपच्चयेन सद्धिं नानत्तं अकत्वा विभक्तो । मातिकानिक्खेपे पन नेसं “चक्खुविज्जाणधातु तंसम्पयुत्तका च धम्मा मनोधातुया तंसम्पयुत्तकानञ्च धम्मानं अनन्तरपच्चयेन पच्चयो”तिआदिना नयेन अनन्तरस्स च “पुरिमा पुरिमा कुसला धम्मा पच्छिमानं पच्छिमानं कुसलानं धम्मानं उपनिस्सयपच्चयेन पच्चयो”तिआदिना नयेन उपनिस्सयस्स च आगतत्ता निक्खेपविसेसो अत्थि, सोपि अत्थतो एकीभावमेव गच्छति । एवं सन्तेपि अत्तनो अत्तनो अनन्तरं अनुरूपस्स चित्तुप्पादस्स पवत्तनसमत्थताय अनन्तरता पुरिमचित्तस्स च पच्छिमचित्तुप्पादने बलवताय अनन्तरूपनिस्सयता वेदितव्वो । यथा हि हेतुपच्चयादीसु कञ्चि धम्मं विनापि चित्तं उपपज्जति, न एवं अनन्तरचित्तं, विना चित्तस्स उप्पत्ति नाम अत्थि, तस्मा बलवपच्चयो होति । इति अत्तनो अत्तनो अनन्तरं अनुरूपचित्तुप्पादवसेन अनन्तरपच्चयो, बलवकारणवसेन अनन्तरूपनिस्सयोति एवमेतेसं नानत्तं वेदितव्वं ।

**पकतूपनिस्सयो** पन पकतो उपनिस्सयो पकतूपनिस्सयो । पकतो नाम अत्तनो सन्ताने निष्पादितो वा सद्धासीलादि; उपसेवितो वा उतुभोजनादि । पकतियायेव वा उपनिस्सयो पकतूपनिस्सयो, आरम्मणानन्तरेहि असम्मिस्सोति अत्थो । तस्स “पकतूपनिस्सयो — सद्धं उपनिस्साय दानं देति, सीलं समादियति, उपोसथकम्मं करोति, ज्ञानं उप्पादेति, विपस्सनं उप्पादेति, मग्गं उप्पादेति, अभिज्जं उप्पादेति, समापत्तिं उप्पादेति, सीलं... सुतं... चागं... पज्जं उपनिस्साय दानं देति...पे०... समापत्तिं उप्पादेति । सद्धा... सीलं... सुतं... चागं... पज्जा सद्धाय... सीलस्स... सुतस्स... चागस्स... पज्जाय उपनिस्सयपच्चयेन पच्चयो”तिआदिना नयेन अनेकपकारको पभेदो वेदितव्वो । इति इमे सद्धादयो पकता चेव बलवकारणट्टेन उपनिस्सया चाति पकतूपनिस्सयोति ।

पठमतरं उपपज्जित्वा वत्तमानभावेन उपकारको धम्मो **पुरेजातपच्चयो** । सो पञ्चद्वारे वत्थारम्मणहृदयवत्थुवसेन एकादसविधो होति । यथाह — चक्खयायतनं चक्खुविज्जाणधातुया तंसम्पयुत्तकानञ्च धम्मानं पुरेजातपच्चयेन पच्चयो । सोत... धान... जिक्का... कायायतनं, रूपायतनं, सद्द... गन्ध... रस... फोडुब्बायतनं, कायविज्जाणधातुया तंसम्पयुत्तकानञ्च धम्मानं पुरेजातपच्चयेन पच्चयो । रूपसद्दगन्धरसफोडुब्बायतनं मनोधातुया तंसम्पयुत्तकानञ्च धम्मानं पुरेजातपच्चयेन पच्चयो । यं रूपं निस्साय मनोधातु च मनोविज्जाणधातु च वत्तन्ति, तं रूपं मनोधातुया तंसम्पयुत्तकानञ्च धम्मानं पुरेजातपच्चयेन पच्चयो, मनोविज्जाणधातुया तंसम्पयुत्तकानञ्च धम्मानं किञ्चिकाले पुरेजातपच्चयेन पच्चयो, किञ्चिकाले न पुरेजातपच्चयेन पच्चयोति ।

पुरेजातानं रूपधम्मानं उपत्थम्भकट्टेन उपकारको धम्मो **पच्छाजातपच्चयो**, गिज्झपोतकसरीरानं आहारासाचेतना विय । तेन वुत्तं — “पच्छाजाता चित्तचेतसिका धम्मा पुरेजातस्स इमस्स कायस्स पच्छाजातपच्चयेन पच्चयो”ति ।

आसेवनट्टेन अनन्तरानं पगुणबलवभावाय उपकारको धम्मो **आसेवनपच्चयो**, गन्धादीसु पुरिमापुरिमाभियोगो विय । सो कुसलाकुसलकिरियजवनवसेन तिविधो होति । यथाह — पुरिमा पुरिमा कुसला धम्मा पच्छिमानं पच्छिमानं कुसलानं धम्मानं आसेवनपच्चयेन पच्चयो । पुरिमा पुरिमा अकुसला...पे०... किरियाब्बाकता धम्मा पच्छिमानं पच्छिमानं किरियाब्बाकतानं धम्मानं आसेवनपच्चयेन पच्चयोति ।

चित्तपयोगसद्धातेन किरियाभावेन उपकारको धम्मो **कम्मपच्चयो** । सो नानाकखणिकाय चेव कुसलाकुसलचेतनाय सहजाताय च सब्बायपि चेतनाय वसेन दुविधो होति । यथाह — कुसलाकुसलं कम्मं विपाकानं खन्धानं कटत्ता च रूपानं कम्मपच्चयेन पच्चयो । चेतना सम्पयुत्तकानं धम्मानं तं समुद्धानानञ्च रूपानं कम्मपच्चयेन पच्चयोति ।

निरुस्साहसन्तभावेन निरुस्साहसन्तभावाय उपकारको विपाकधम्मो **विपाकपच्चयो** । सो पवत्ते चित्तसमुद्धानानं, पटिसन्धियं कटत्ता च रूपानं, सब्बत्थ च सम्पयुत्तधम्मानं विपाकपच्चयो होति । यथाह — विपाकाब्बाकतो एको खन्धो तिण्णं खन्धानं, चित्तसमुद्धानानञ्च रूपानं, विपाकपच्चयेन पच्चयो...पे०... पटिसन्धिकखणे विपाकाब्बाकतो एको खन्धो...पे०... द्वे खन्धा द्विन्नं खन्धानं कटत्ता च रूपानं विपाकपच्चयेन पच्चयो । खन्धा वत्थुस्स विपाकपच्चयेन पच्चयोति ।

रूपारूपानं उपत्थम्भकट्टेन उपकारका चत्तारो आहारा **आहारपच्चयो** । यथाह — कबळीकारो आहारो इमस्स कायस्स आहारपच्चयेन पच्चयो । अरूपिनो आहारा

सम्पयुक्तकानं धम्मानं तंसमुद्धानानञ्च रूपानं आहारपच्चयेन पच्चयोति । पञ्चावारे पन “पटिसन्धिकखणे विपाकाब्याकता आहारा सम्पयुक्तकानं खन्धानं कटत्ता च रूपानं आहारपच्चयेन पच्चयो”तिपि वुत्तं ।

अधिपतियट्ठेन उपकारका इत्थिन्द्रियपुरिसिन्द्रियवज्जा वीसतिन्द्रिया **इन्द्रियपच्चयो** । तत्थ चक्खुन्द्रियादयो पञ्च अरूपधम्मानंयेव, सेसा रूपारूपानं पच्चया होन्ति । यथाह — चक्खुन्द्रियं चक्खुविज्जाणधातुया, सोत... घान... जिह्वा... कायिन्द्रियं कायविज्जाणधातुया तंसम्पयुक्तकानञ्च धम्मानं इन्द्रियपच्चयेन पच्चयो । रूपजीवितिन्द्रियं कटत्तारूपानं इन्द्रियपच्चयेन पच्चयो । अरूपिनो इन्द्रिया सम्पयुक्तकानं धम्मानं तंसमुद्धानानञ्च रूपानं इन्द्रियपच्चयेन पच्चयोति । पञ्चावारे पन “पटिसन्धिकखणे विपाकाब्याकता इन्द्रिया सम्पयुक्तकानं खन्धानं कटत्ता च रूपानं इन्द्रियपच्चयेन पच्चयो”तिपि वुत्तं ।

उपनिज्झायनट्ठेन उपकारकानि ठपेत्वा द्विपञ्चविज्जाणेषु कायिकसुखदुःखवेदानद्वयं सब्बानिपि कुसलादिभेदानि सत्त ज्ञानज्ञानि **ज्ञानपच्चयो** । यथाह — ज्ञानज्ञानि ज्ञानसम्पयुक्तकानं धम्मानं तंसमुद्धानानञ्च रूपानं ज्ञानपच्चयेन पच्चयोति । पञ्चावारे पन पटिसन्धिकखणे विपाकाब्याकतानि ज्ञानज्ञानि सम्पयुक्तकानं खन्धानं कटत्ता च रूपानं ज्ञानपच्चयेन पच्चयो”तिपि वुत्तं ।

यतो ततो वा नित्यानट्ठेन उपकारकानि कुसलादिभेदानि द्वादस मग्गज्ञानि **मग्गपच्चयो** । यथाह — “मग्गज्ञानि मग्गसम्पयुक्तकानं धम्मानं तंसमुद्धानानञ्च रूपानं मग्गपच्चयेन पच्चयो”ति । पञ्चावारे पन “पटिसन्धिकखणे विपाकाब्याकतानि मग्गज्ञानि सम्पयुक्तकानं खन्धानं कटत्ता च रूपानं मग्गपच्चयेन पच्चयो”ति वुत्तं । न एते पन द्वेपि ज्ञानमग्गपच्चया यथासङ्ख्यं द्विपञ्चविज्जाणाहेतुकचित्तेसु लब्धन्तीति वेदितब्बा ।

एकवत्थुकाएकारम्मणएकुप्पादेकनिरोधसङ्घातेन सम्पयुक्तभावेन उपकारका अरूपधम्मा **सम्पयुक्तपच्चयो** । यथाह — “चत्तारो खन्धा अरूपिनो अञ्जमञ्जं सम्पयुक्तपच्चयेन पच्चयो”ति ।

एकवत्थुकादिभावानुपगमेन उपकारका रूपिनो धम्मा अरूपीनं, अरूपिनो धम्मा रूपीनं **विष्ययुत्तपच्चयेन** पच्चयो । सो सहजातपच्छाजातपुरेजातवसेन तिविधो होति । वुत्तहेतं — सहजाता कुसला खन्धा चित्तसमुद्धानानं रूपानं विष्ययुत्तपच्चयेन पच्चयो । पच्छाजाता कुसला खन्धा पुरेजातस्स इमस्स कायस्स विष्ययुत्तपच्चयेन पच्चयोति । अब्याकतपदस्स पन सहजातविभङ्गे “पटिसन्धिकखणे विपाकाब्याकता खन्धा कटत्तारूपानं विष्ययुत्तपच्चयेन पच्चयो । खन्धा वत्थुस्स, वत्थु खन्धानं विष्ययुत्तपच्चयेन पच्चयो”ति वुत्तं । पुरेजातं पन चक्खुन्द्रियादिवत्थुवसेनेव वेदितब्बं । यथाह — पुरेजातं चक्खायतनं चक्खुविज्जाणस्स...पे०... कायायतनं कायविज्जाणस्स विष्ययुत्तपच्चयेन पच्चयो । वत्थु विपाकाब्याकतानं किरियाब्याकतानं खन्धानं वत्थु कुसलानं खन्धानं, वत्थु अकुसलानं खन्धानं विष्ययुत्तपच्चयेन पच्चयोति ।

पच्चुप्पन्नलक्खणेन अत्थिभावेन तादिसस्सेव धम्मस्स उपत्थम्भकट्ठेन उपकारको धम्मो **अत्थिपच्चयो** । तस्स अरूपकखन्धमहाभूतानामरूपचित्तचेतसिकमहाभूतायतनवत्थुवसेन सत्तथा मातिका निक्खित्ता । यथाह — चत्तारो खन्धा अरूपिनो अञ्जमञ्जं अत्थिपच्चयेन पच्चयो; चत्तारो महाभूता अञ्जमञ्जं, ओक्कन्तिकखणे नामरूपं अञ्जमञ्जं, चित्तचेतसिका धम्मा चित्तसमुद्धानानं रूपानं महाभूता उपादारूपानं, चक्खायतनं चक्खुविज्जाणधातुया...पे०... कायायतनं...पे०... रूपायतनं...पे०... फोडुब्बायतनं कायविज्जाणधातुया तंसम्पयुक्तकानञ्च धम्मानं अत्थिपच्चयेन पच्चयो । रूपायतनं...पे०... फोडुब्बायतनं मनोधातुया तंसम्पयुक्तकानञ्च धम्मानं अत्थिपच्चयेन पच्चयो । यं रूपं निस्साय मनोधातु च मनोविज्जाणधातु च वत्तन्ति, तं रूपं मनोधातुया च मनोविज्जाणधातुया च तंसम्पयुक्तकानञ्च धम्मानं अत्थिपच्चयेन पच्चयोति । पञ्चावारे पन सहजातं, पुरेजातं, पच्छाजातं, आहारं, इन्द्रियन्तिपि निक्खिपित्वा सहजाते ताव “एको खन्धो तिण्णं खन्धानं चित्तसमुद्धानानञ्च रूपानं अत्थिपच्चयेन पच्चयो”तिआदिना नयेन निद्देसो कतो । पुरेजाते पुरेजातानं चक्खादीनं वसेन निद्देसो कतो । पच्छाजाते पुरेजातस्स इमस्स कायस्स पच्छाजातानं चित्तचेतसिकानं पच्चयवसेन निद्देसो कतो । आहारिन्द्रियेसु पन “कबळीकारो आहारो इमस्स कायस्स अत्थिपच्चयेन पच्चयो । रूपजीवितिन्द्रियं कटत्तारूपानं अत्थिपच्चयेन पच्चयो”ति एवं निद्देसो कतोति ।

अत्तनो अनन्तरं उपपज्जमानानं अरूपधम्मानं पवत्तिओकासस्स दानेन उपकारका समनन्तरनिरुद्धा अरूपधम्मा **नत्थिपच्चयो** । यथाह — समनन्तरनिरुद्धा चित्तचेतसिका धम्मा पटुप्पन्नानं चित्तचेतसिकानं धम्मानं नत्थिपच्चयेन पच्चयोति ।

ते एव विगतभावेन उपकारकत्ता **विगतपच्चयो** । यथाह — समनन्तरविगता चित्तचेतसिका धम्मा पटुप्पन्नानं चित्तचेतसिकानं धम्मानं विगतपच्चयेन पच्चयोति ।

अत्थिपच्चयधम्मा एव अविगतभावेन उपकारकत्ता **अविगतपच्चयो**ति वेदितब्बा । देसनाविलासेन पन तथा विनेतब्बवेनेव्यवसेन वा अयं दुको वुत्तो; सहेतुकदुक्कं वत्तापि हेतुसम्पयुत्तदुको वियाति ।

इमेसु पन चतुर्वीसतिया पच्चयेसु असम्मोहत्यं —

धम्मतो कालतो चेव, नानप्पकारभेदतो ।  
पच्चयुप्पन्नतो चेव, विज्जातब्बो विनिच्छयो ॥

तत्थ **धम्मतो**ति — इमेसु हि पच्चयेसु हेतुपच्चयो ताव नामरूपधम्मेसु नामधम्मेकदेसो । आरम्मणपच्चयो सद्धिं पज्जितिया च अभावेन सब्बेपि नामरूपधम्मा । अधिपतिपच्चये सहजाताधिपति नामधम्मेकदेसो, तथा कम्मज्ञानमग्गपच्चया । आरम्मणाधिपति सब्बेपि गरुकातब्बा आरम्मणधम्मा । अनन्तरसमनन्तरपच्छाजातआसेवनविपाकसम्पयुत्तनत्थिविगतपच्चया नामधम्माव । निब्बानस्स असङ्गहितत्ता नामधम्मेकदेसोतिपि वत्तुं वट्ठति । पुरेजातपच्चयो रूपेकदेसो । सेसा यथालाभवसेन नामरूपधम्माति एवं तावेत्थ धम्मतो विज्जातब्बो विनिच्छयो ।

**कालतो**ति —

पच्युप्पन्नाव होन्तेत्थ, पच्यया दस पञ्च च ।  
अतीता एव पञ्चेको, ते काले द्वेपि निस्सितो ।  
तयो तिकालिका चेव, विमुत्ता चापि कालतोति ॥

एतेसु हि हेतुपच्ययो सहजातअज्जमज्जनस्सयपुरेजातपच्छाजातविपाकआहारइन्द्रियज्ञानमगगसम्पयुत्तविष्ययुत्तअत्थिअविगतपच्ययोति इमे पन्नरस पच्यया पच्युप्पन्नधम्माव होन्ति । अनन्तरपच्ययो समनन्तरआसेवननत्थिविगतपच्ययोति इमे पञ्च अतीतायेव होन्ति । एको पन कम्मपच्ययो, सो पच्युप्पन्नातीते द्वेपि काले निस्सितो होति । सेसा आरम्भणपच्ययो अधिपतिपच्ययो उपनिस्सयपच्ययोति इमे तयो पच्यया तेकालिकापि होन्ति, पञ्चत्तिया सद्धिं निब्बानस्स सङ्गहितत्ता कालविमुत्तापीति । एवमेत्थ कालतोपि विज्जातब्बो विनिच्छयो ।

**नानप्यकारभेदतो पच्ययुप्पन्नतोति इमेसं पन द्विन्नं पदानं अत्थो निदेसवारे आविभवस्सतीति ।**

पच्ययुद्देसवण्णना ।

## पच्ययनिदेसो

### १. हेतुपच्ययनिदेसवण्णना

१. इदानीं सब्बेपि ते पच्यये उद्दिष्टपटिपाटिया निद्विसित्वा दस्सेतुं हेतुपच्ययोति हेतू हेतुसम्पयुत्तकानं धम्मानं तंसमुद्धानानञ्च रूपानं हेतुपच्ययेन पच्ययोतिआदिमाह । तत्थ हेतुपच्ययोति चतुर्वीसत्तिया पच्ययेसु निक्खित्तपटिपाटिया सब्बपठमं भाजेतब्बस्स पदुद्धारो । सेसपच्ययेसुपि इमिनाव नयेन पठमं भाजेतब्बपदं उद्धारित्वा विस्सज्जनं कतन्ति वेदितब्बं । अयं पनेत्थ सम्बन्धो — यो पच्ययुद्देसे हेतुपच्ययोति उद्दिष्टो, सो निदेसतो “हेतू हेतुसम्पयुत्तकानं धम्मानं तंसमुद्धानानञ्च रूपानं हेतुपच्ययेन पच्ययो”ति एवं वेदितब्बो । इमिना उपायेन सब्बपच्ययेसु भाजेतब्बस्स पदस्स विस्सज्जनेन सद्धिं सम्बन्धो वेदितब्बो ।

इदानीं हेतू हेतुसम्पयुत्तकानन्ति एत्थ “हेतुसम्पयुत्तकान”न्ति अवत्वा “हेतू हेतुसम्पयुत्तकान”न्ति कस्मा वुत्तन्ति? पच्ययस्स चेव पच्ययुप्पन्नानञ्च ववत्थापनतो । हेतुसम्पयुत्तकानन्ति हि वुत्ते हेतुना सम्पयुत्तकानं हेतुपच्ययेन पच्ययोति अत्थो भवेय्य । एवं सन्ते असुको नाम धम्मो हेतुपच्ययेन पच्ययोति पच्ययववत्थानं न पञ्चायेय्य । अथापि हेतुना सम्पयुत्तकानं हेतुसम्पयुत्तकानन्ति अत्थं अगगहेत्वाव येसं केसज्जि सम्पयुत्तकानं हेतू हेतुपच्ययेन पच्ययोति अत्थो भवेय्य, एवं सन्ते हेतुना विषययुत्ता चक्खुविज्जाणादयोपि सम्पयुत्तकायेव, हेतुना सम्पयुत्ता कुसलादयोपि । तत्थ अयं हेतु असुकस्स नाम सम्पयुत्तकधम्मस्स पच्ययोति पच्ययुप्पन्नववत्थानं न पञ्चायेय्य । तस्मा पच्ययञ्चेव पच्ययुप्पन्नञ्च ववत्थापेत्तो “हेतू हेतुसम्पयुत्तकान”न्ति आह । तस्सत्थो — हेतुसम्पयुत्तकानं कुसलादिधम्मानं यो हेतु सम्पयुत्तको, सो हेतुपच्ययेन पच्ययोति । तत्रापि “पच्ययो”ति अवत्वा “हेतुपच्ययेना”ति वचनं हेतुनो अज्जथा पच्ययभावपटिसेधनत्थं । अयञ्च हेतु हेतुपच्ययेनापि पच्ययो होति, सहजातादिपच्ययेनापि । तत्रास्स व्यायं सहजातादिपच्ययवसेन अज्जथापि पच्ययभावो, तस्स पटिसेधनत्थं हेतुपच्ययेनाति वुत्तं । एवं सन्तेपि “तंसम्पयुत्तकान”न्ति अवत्वा कस्मा “हेतुसम्पयुत्तकान”न्ति वुत्तन्ति? निद्विसितब्बस्स अपाकटत्ता । तंसम्पयुत्तकानन्ति हि वुत्ते येन ते तंसम्पयुत्तका नाम होन्ति, अयं नाम सोति निद्विसितब्बो अपाकटो । तस्स अपाकटत्ता येन सम्पयुत्ता ते तंसम्पयुत्तकाति वुत्तन्ति, तं सरूपतोव दस्सेतुं “हेतुसम्पयुत्तकान”न्ति वुत्तं ।

**तंसमुद्धानानन्ति** एत्थ पन निद्विसितब्बस्स पाकटत्ता तं-गहणं कतं । अयञ्चेत्थ अत्थो — ते हेतू चेव हेतुसम्पयुत्तका च धम्मा समुद्धानं एतेसन्ति तंसमुद्धानानि । तेसं तंसमुद्धानानं, हेतुतो चेव हेतुसम्पयुत्तधम्मेहि च निब्बत्तानन्ति अत्थो । इमिना चित्तसमुद्धानरूपं गण्हाति । किं पन तं चित्ततो अज्जेनपि समुद्घातीति? आम, समुद्घाति । सब्बेपि हि चित्तचेतसिका एकतो हुत्वा रूपं समुद्घापेत्ति । लोकिथधम्मदेसनायं पन चित्तस्स अधिकभावतो तथाविधं रूपं चित्तसमुद्धानन्ति वुत्तन्ति । तेनेवाह चित्तचेतसिका धम्मा चित्तसमुद्धानानं रूपानं सहजातपच्ययेन पच्ययोति ।

यदि एवं इधापि “तंसमुद्धानान”न्ति अवत्वा चित्तसमुद्धानानन्ति कस्मा न वुत्तन्ति? अचित्तसमुद्धानानम्पि सङ्गण्हनतो । पञ्चावारस्मिञ्चि “पटिसन्धियक्खणे विपाकाव्याकता हेतू सम्पयुत्तकानं खन्धानं कटत्ता च रूपानं हेतुपच्ययेन पच्ययोति आगतं” । तस्स सङ्गण्हनत्थं इध चित्तसमुद्धानानन्ति अवत्वा तंसमुद्धानानन्ति वुत्तं । तस्सत्थो — चित्तजरूपं अजनयमानापि ते हेतू हेतुसम्पयुत्तका धम्मा सहजातादिपच्ययवसेन समुद्धानं एतेसन्ति तंसमुद्धानानि । तेसं तंसमुद्धानानं पवत्ते चित्तजानं पटिसन्धियञ्च कटत्तारूपानम्पि हेतू हेतुपच्ययेन पच्ययोति । इमिना उपायेन अज्जेसुपि तंसमुद्धानानन्ति आगतद्धानेसु अत्थो वेदितब्बो ।

कस्मा पनायं हेतु पटिसन्धियमेव कटत्तारूपानं हेतुपच्ययो होति, न पवत्तेति? पटिसन्धियं कम्मजरूपानं चित्तपटिबद्धवुत्तिताय । पटिसन्धियञ्चि कम्मजरूपानं चित्तपटिबद्धा पवत्ति, चित्तवसेन उपपज्जन्ति चेव तिड्ढन्ति च । तस्मिञ्चि खणे चित्तं चित्तजरूपं जनेतुं न सक्कोति, तानिपि विना चित्तेन उपपज्जितुं वा ठातुं वा न सक्कोति । तेनेवाह — “विज्जाणपच्यया नामरूपं, तस्मिं पतिट्ठिते विज्जाणे नामरूपस्स अवक्कन्ति होती”ति (सं० नि० २.३९) । पवत्तियं पन तेसं चित्ते विज्जमानेपि कम्मपटिबद्धाव पवत्ति, न चित्तपटिबद्धा । अविज्जमाने चापि चित्ते निरोधसमापन्नानं उपपज्जन्तियेव ।

कस्मा पन पटिसन्धियक्खणे चित्तं चित्तजरूपं जनेतुं न सक्कोतीति? कम्मवेगक्खित्तताय चेव अप्पतिट्ठितवत्थुताय च दुब्बलत्ता । तञ्चि तदा कम्मवेगक्खित्तं अपुरेजातवत्थुक्ता च अप्पतिट्ठितवत्थुकन्ति दुब्बलं होति । तस्मा पपाते पतितमत्तो पुरिसो किञ्चि सिप्यं कातुं विय रूपं जनेतुं न सक्कोति; कम्मजरूपमेव पनस्स चित्तसमुद्धानरूपद्धाने तिड्ढति । तञ्च कम्मजरूपस्सेव बीजद्धाने तिड्ढति । कम्मं पनस्स खेत्तसदिसं, किलेसा आपसदिसा । तस्मा सन्तेपि खेत्ते आपे च पठमुप्पत्तियं बीजानुभावेन रुक्खुप्पत्ति विय पटिसन्धियक्खणे चित्तानुभावेन रूपकायस्स उपपत्ति । बीजे पन विगतेपि पथवीआपानुभावेन रुक्खस्स उपरुपरि पवत्ति विय; विना चित्तेन कम्मतोव कटत्तारूपानं पवत्ति होतीति वेदितब्बा । वुत्तम्पि चेत्तं — “कम्मं खेतं विज्जाणं बीजं तण्हा स्सेहो”ति (अ० नि० ३.७७) ।

अयञ्च पनत्थो ओकासवसेनेव गहेतब्बो । तयो हि ओकासा — नामोकासो, रूपोकासो, नामरूपोकासीति । तत्थ अरूपभवो नामोकासो नाम । तत्र हि हृदयवत्थुमत्तम्पि

रूपपचयं विना अरूपधम्माव उप्पज्जन्ति । असञ्जभवो रूपोकासो नाम । तत्र हि पटिसन्धिचित्तमत्तम्पि अरूपपचयं विना रूपधम्माव उप्पज्जन्ति । पञ्चवोकारभवो नामरूपोकासो नाम । तत्र हि वत्थुरूपमत्तम्पि विना पटिसन्धियं अरूपधम्मा, पटिसन्धिचित्तञ्च विना कम्मजापि रूपधम्मा नुप्पज्जन्ति । युगानद्धाव रूपारूपानं उप्पति । यथा हि सस्सामिके सराजके गेहे सद्धारपालके राजाणत्तिं विना पठमप्पवेसो नाम नत्थि, अपरभागे पन विनापि आणत्तिं पुरिमाणत्तिआनुभावेनेव होति, एवमेव पञ्चवोकारे पटिसन्धिविज्जाणराजस्स सहजातादिपचयतं विना रूपस्स पटिसन्धिवसेन पठमुप्पत्ति नाम नत्थि । अपरभागे पन विनापि पटिसन्धिविज्जाणस्स सहजातादिपचयानुभावं पुरिमानुभाववसेन लद्धप्पवेस्स कम्मतो पवत्ति होति । असञ्जभवो पन यस्मा अरूपोकासो न होति, तस्मा तत्थ विनाव अरूपपचयया असञ्जोकासत्ता रूपं पवत्तति, अस्सामिके सुञ्जगेहे अत्तनो गेहे च पुरिस्स पवेसो विय । अरूपभवोपि यस्मा रूपोकासो न होति, तस्मा तत्थ विनाव रूपपचयया अञ्जोकासत्ता अरूपधम्मा पवत्तन्ति । पञ्चवोकारभवो पन रूपारूपोकासोति नत्थेत्थ अरूपपचयं विना पटिसन्धिकखणे रूपानं उप्पत्तीति । इति अयं हेतु पटिसन्धियमेव कटत्तारूपानं पचययो होति, न पवत्तेति ।

ननु “हेतु सहजातानं हेतुपचयेन पचय्योति वुत्ते सब्बोपि अयमत्थो गहितो होति, अथ कस्मा “हेतुसम्पयुत्तकानं धम्मानं तंसमुद्धानानञ्च रूपानं”न्ति इदं गहितन्ति? पवत्तियं कटत्तारूपादीनं पचयभावपटिबाहनतो । एवञ्च सति यानि पवत्तियं हेतुना सह एककखणे कटत्तारूपानि चेव उतुआहारसमुद्धानानि च जायन्ति, तेसम्पि हेतु हेतुपचय्योति आपज्जेय्य, न च सो तेसं पचययो । तस्मा तेसं पचयभावस्स पटिबाहनत्थमेतं गहितन्ति वेदितव्वं ।

इदानी “नानप्पकारभेदतो पचय्युप्पन्नतो”ति इमेसं पदानं वसेनेत्थ विज्जातब्बो विनिच्छयो । तेसु **नानप्पकारभेदतो**ति अयञ्च हेतु नाम जातितो कुसलाकुसलविपाककिरियभेदतो चतुब्बिधो । तत्थ कुसलहेतु भूमन्तरतो कामावचरादिभेदेन चतुब्बिधो, अकुसलहेतु कामावचरोव विपाकहेतु कामावचरादिभेदेन चतुब्बिधो, किरियहेतु कामावचरो रूपावचरो अरूपावचरोति तिविधो । तत्थ कामावचरकुसलहेतु नामतो अलोभादिवसेन तिविधो । रूपावचरादिकुसलहेतुसुपि एसेव नयो । अकुसलहेतु लोभादिवसेन तिविधो । विपाककिरियहेतु पन अलोभादिवसेन तयो तयो होन्ति । तन्तिचित्तसम्पयोगवसेन पन तेसं तेसं हेतून् नानप्पकारभेदोयेवाति एवं तावेत्थ नानप्पकारभेदतो विज्जातब्बो विनिच्छयो ।

**पचय्युप्पन्नतो**ति इमिना पचयेन इमे धम्मा उप्पज्जन्ति, इमेसं नाम धम्मानं अयं पचय्योति एवम्पि विज्जातब्बो विनिच्छयोति अत्थो । तत्थ इमस्मिं ताव हेतुपचये कामावचरकुसलहेतु कामभवरूपभवेसु अत्तना सम्पयुत्तधम्मानञ्चेव चित्तसमुद्धानरूपानञ्च हेतुपचययो होति, अरूपभवे सम्पयुत्तधम्मानंयेव । रूपावचरकुसलहेतु कामभवरूपभवेसुयेव सम्पयुत्तधम्मानञ्चेव चित्तसमुद्धानरूपानञ्च हेतुपचययो । अरूपावचरकुसलहेतु कामावचरकुसलहेतुसदिसोव । तथा अपरियापन्नकुसलहेतु, तथा अकुसलहेतु । कामावचरविपाकहेतु पन कामभवरूपभवेसु अत्तना सम्पयुत्तधम्मानं, पटिसन्धियं कटत्तारूपानं, पवत्ते चित्तसमुद्धानरूपानञ्च हेतुपचययो । रूपावचरविपाकहेतु रूपभवे वुत्तप्पकारानञ्जेव हेतुपचययो । अरूपावचरविपाकहेतु अरूपभवे सम्पयुत्तकानञ्जेव हेतुपचययो । अपरियापन्नविपाकहेतु कामभवरूपभवेसु सम्पयुत्तकानञ्जेव चित्तसमुद्धानरूपानञ्च अरूपभवे अरूपधम्मानञ्जेव हेतुपचययो । किरियहेतुसु पन तेभूमकेसुपि कुसलहेतुसदिसोव पचय्योति । एवमेत्थ पचय्युप्पन्नतोपि विज्जातब्बो विनिच्छयोति ।

हेतुपचयनिदेसवण्णना ।

## २. आरम्भणपचयनिदेसवण्णना

२. आरम्भणपचयनिदेसे **रूपायतन**न्ति रूपसङ्घातं आयतनं । सेसेसुपि एसेव नयो । **चक्खुविज्जाणधातुयाति** चक्खुविज्जाणसङ्घाताय धातुया । सेसपदेसुपि एसेव नयो । **तंसम्पयुत्तकान**न्ति ताव चक्खुविज्जाणधातुया सम्पयुत्तकानं तिण्णं खन्धानं, सब्बेसम्पि चक्खुपसादवत्थुकानं चतुन्नं खन्धानं रूपायतनं आरम्भणपचयेन पचय्योति अत्थो । इतो परेसुपि एसेव नयो । **मनोधातुयाति** ससम्पयुत्तधम्माय तिविधायपि मनोधातुया रूपायतनादीनि पञ्च आरम्भणपचयेन पचय्यो, नो च खो एककखणे । **सब्बे धम्मा**ति एतानि च रूपायतनादीनि पञ्च अवसेसा च सब्बेपि जेय्यधम्मा इमा छ धातुयो ठपेत्वा सेसाय ससम्पयुत्तधम्माय मनोविज्जाणधातुया आरम्भणपचयेन पचय्योति अत्थो । **यं यं धम्मं आरम्भाति** इमिना ये एते एतासं सत्तन्नं विज्जाणधातून् आरम्भणधम्मा वुत्ता, ते तासं धातून् आरम्भणं कत्वा उप्पज्जनकखणेयेव आरम्भणपचयो होन्तीति दीपेति । एवं होन्तापि च न एकतो होन्ति, यं यं आरम्भ ये ये उप्पज्जन्ति, तेसं तेसं ते ते विसुं विसुं आरम्भणपचयो होन्तीतिपि दीपेति । **उप्पज्जन्तीति** इदं यथा नज्जो सन्दन्ति, पब्बता तिड्ढन्तीति सब्बकालसङ्गहवसेन, एवं वुत्तन्ति वेदितव्वं । तेन येपि आरम्भ ये उप्पज्जिंसु, येपि उप्पज्जिस्सन्ति, ते सब्बे आरम्भणपचयेनेव उप्पज्जिंसु च उप्पज्जिस्सन्ति चाति सिद्धं होति । **चित्तचेतसिका धम्मा**ति इदं “ये ये धम्मा”ति वुत्तानं सरूपतो निदस्सनं । **ते ते धम्मा**ति ते ते आरम्भणधम्मा । **तेसं तेसन्ति** तेसं तेसं चित्तचेतसिकधम्मानं । अयं तावेत्थ पाळिवण्णना ।

इदं पन आरम्भणं नाम रूपावचरणं सहगन्धरसफोडुब्बधम्मरम्भणन्ति कोट्टासतो छब्बिधं होति । तत्थ ठपेत्वा पञ्जत्तिं अवसेसं भूमितो कामावचरं...पे०... अपरियापन्नन्ति चतुब्बिधं होति । तत्थ कामावचरं कुसलाकुसलविपाककिरियरूपभेदतो पञ्चविधं; रूपावचरं कुसलविपाककिरियतो तिविधं, तथा अरूपावचरं, अपरियापन्नं कुसलविपाकनिब्बानवसेन तिविधं होति । सब्बमेव वा एतं कुसलाकुसलविपाककिरियरूपनिब्बानपञ्जत्तिभेदतो सत्तविधं होति । तत्थ कुसलं भूमिभेदतो चतुब्बिधं होति, अकुसलं कामावचरमेव, विपाकं चतुभूमकं, किरियं तिभूमकं, रूपं एकभूमकं कामावचरमेव, निब्बानम्पि एकभूमकं अपरियापन्नमेव, पञ्जत्तिं भूमिविनिमुत्ताति एवमेत्थ नानप्पकारभेदतो विज्जातब्बो विनिच्छयो ।

एवं भिन्ने पनेतस्मिं आरम्भणे कामावचरकुसलारम्भणं कामावचरकुसलस्स, रूपावचरकुसलस्स, अकुसलस्स, कामावचरविपाकस्स, कामावचरकिरियस्स, रूपावचरकिरियस्स चाति इमेसं छन्नं रासीनं आरम्भणपचयो होति । रूपावचरकुसलारम्भणं तेसु छसु रासीसु कामावचरविपाकवज्जानं पञ्चन्नं रासीनं आरम्भणपचयो होति । अरूपावचरकुसलारम्भणं कामावचरकुसलस्स, रूपावचरकुसलस्स, अरूपावचरकुसलस्स, अकुसलस्स, अरूपावचरविपाकस्स, कामावचरकिरियस्स, रूपावचरकिरियस्स, अरूपावचरकिरियस्स चाति इमेसं अट्ठन्नं रासीनं आरम्भणपचयो होति । अपरियापन्नकुसलारम्भणं कामावचररूपावचरतो कुसलकिरियानमेव आरम्भणपचयो होति । अकुसलारम्भणं कामावचररूपावचरकुसलस्स, अकुसलस्स, कामावचरविपाकस्स, कामावचररूपावचरकिरियस्स चाति इमेसं छन्नं रासीनं आरम्भणपचयो होति ।

कामावचरविपाकारम्मणं कामावचररूपावचरकुसलस्स, अकुसलस्स, कामावचरविपाकस्स, कामावचररूपावचरकिरियस्स चाति इमेसं छन्नं रासीनं आरम्मणपच्चयो होति । रूपावचरविपाकारम्मणं कामावचररूपावचरकुसलस्स, अकुसलस्स, कामावचररूपावचरकिरियस्स चाति इमेसं पच्चन्नं रासीनं आरम्मणपच्चयो होति । अरूपावचरविपाकारम्मणं इमेसंयेव पच्चन्नं रासीनं आरम्मणपच्चयो होति । अपरियापन्नविपाकारम्मणं कामावचररूपावचरकुसलकिरियानञ्जेव आरम्मणपच्चयो होति ।

कामावचरकिरियारम्मणं कामावचररूपावचरकुसलस्स, अकुसलस्स, कामावचरविपाकस्स, कामावचररूपावचरकिरियस्स चाति इमेसं छन्नं रासीनं आरम्मणपच्चयो होति । रूपावचरकिरियारम्मणं इमेसु छसु रासीसु कामावचरविपाकवज्जानं पच्चन्नं रासीनं आरम्मणपच्चयो होति । अरूपावचरकिरियारम्मणं तेसं पच्चन्नं अरूपावचरकिरियस्स चाति इमेसं छन्नं रासीनं आरम्मणपच्चयो होति । चतुसमुद्धानं रूपक्खन्धसङ्घातं रूपावचररूपावचरकुसलस्स अकुसलस्स कामावचरविपाकस्स कामावचररूपावचरकिरियस्स चाति इमेसं छन्नं रासीनं आरम्मणपच्चयो होति । निब्बानारम्मणं कामावचररूपावचरकुसलस्स, अपरियापन्नतो कुसलविपाकस्स, कामावचररूपावचरकिरियस्स चाति इमेसं छन्नं रासीनं आरम्मणपच्चयो होति । रूपावचरकुसलकिरियानं केचि निच्छन्ति, तं युत्तितो उपधारेतब्बं । नानपकारकं पन पज्जतिआरम्मणं तेभूमककुसलस्स, अकुसलस्स, रूपावचरविपाकस्स, अरूपावचरविपाकस्स, तेभूमककिरियस्स चाति इमेसं नवन्नं रासीनं आरम्मणपच्चयो होति । तत्थ यं यं आरम्मणं येसं येसं पच्चयो, ते ते तंतपच्चयुप्पन्ना नाम होन्तीति एवमेत्थ पच्चयुप्पन्नतोपि विज्जातब्बो विनिच्छय्योति ।

आरम्मणपच्चयनिद्देसवण्णना ।

### ३. अधिपतिपच्चयनिद्देसवण्णना

३. अधिपतिपच्चयनिद्देसे **छन्दाधिपतीति** छन्दसङ्घातो अधिपति । छन्दं धुरं कत्वा छन्दं जेट्टकं कत्वा चित्तुप्पत्तिकाले उप्पन्नस्स कत्तुकम्यताछन्दस्सेतं नामं । सेसेसुपि एसेव नयो । कस्मा पन यथा हेतुपच्चयनिद्देसे हेतू हेतुसम्पयुत्तकानं”न्ति वुत्तं, एवमिध “अधिपती अधिपतिसम्पयुत्तकानन्ति अवत्वा “छन्दाधिपति छन्दसम्पयुत्तकानं”न्तिआदिना नयेन देसना कताति? एकक्खणे अभावतो । पुरिमनयस्मिद्धे द्वे तयो हेतू एकक्खणेपि हेतुपच्चयो होन्ति मूलद्वेन । उपकारकभावस्स अविजहनतो । अधिपति पन जेट्टकद्वेन उपकारको, न च एकक्खणे बहू जेट्टका नाम होन्ति । तस्मा एकतो उप्पन्नानम्पि नेसं एकक्खणे अधिपतिपच्चयभावो नत्थि । तस्स अधिपतिपच्चयभावस्स एकक्खणे अभावतो इध एवं देसना कताति ।

एवं सहजाताधिपतिं दस्सेत्वा इदानी आरम्मणाधिपतिं दस्सेतुं **यं यं धम्मं गरुं कत्वा**तिआदि आरब्धं । तत्थ **यं यं धम्मन्ति** यं यं आरम्मणधम्मं । **गरुं कत्वा**ति गरुकारचिक्तीकारवसेन वा अस्सादवसेन वा गरुं भारियं लद्धब्बं अविजहितब्बं अनवज्जातं कत्वा । **ते ते धम्मा**ति ते ते गरुकातब्बधम्मा । **तेसं तेसन्ति** तेसं तेसं गरुकारकधम्मानं । **अधिपतिपच्चयेनाति** आरम्मणाधिपतिपच्चयेन पच्चयो होतीति अयं तावेत्थ पाळिवण्णना ।

अयं पन अधिपति नाम सहजातारम्मणवसेन दुविधो । तत्थ सहजातो छन्दादिवसेन चतुब्बिधो । तेसु एकेको कामावचरादिवसेन भूमितो चतुब्बिधो । तत्थ कामावचरो कुसलाकुसलकिरियवसेन तिबिधो । अकुसलं पत्वा पनेत्थ वीमंसाधिपति न लब्धति । रूपावचरकुसलकिरियवसेन दुविधो, अपरियापन्नो कुसलविपाकवसेन दुविधो । आरम्मणाधिपति पन जातिभेदतो कुसलाकुसलविपाककिरियरूपनिब्बानानं वसेन छब्बिधोति एवमेत्थ नानपकारभेदतो विज्जातब्बो विनिच्छयो ।

एवं भिन्ने पनेत्थ सहजाताधिपतिमिह ताव कामावचरकुसलकिरियसङ्घातो अधिपति दुहेतुकतिहेतुकेसु चित्तुप्पादेसु छन्दादीनं अज्जतरं जेट्टकं कत्वा उप्पत्तिकाले अत्तना सम्पयुत्तधम्मानञ्जेव चित्तसमुद्धानरूपस्स च अधिपतिपच्चयो होति । रूपावचरकुसलकिरियसङ्घातोपि एसेव नयो । अयं पन एकन्तेनेव लब्धति । न हि ते धम्मा सहजाताधिपतिं विना उप्पज्जन्ति । अरूपावचरकुसलकिरियसङ्घातो पन पच्चवोकारे रूपावचरअधिपतिसदिसोव चतुवोकारे पन सम्पयुत्तधम्मानञ्जेव अधिपतिपच्चयो होति । तथा तत्थुप्पन्नो सब्बोपि कामावचराधिपति । अपरियापन्नो कुसलतोपि विपाकतोपि पच्चवोकारे एकन्तेनेव सम्पयुत्तधम्मानञ्जेव चित्तसमुद्धानरूपानञ्च अधिपतिपच्चयो होति, चतुवोकारे अरूपधम्मानञ्जेव । अकुसलो कामभवे मिच्छन्तनियतचित्तेसु एकन्तेनेव सम्पयुत्तकानञ्जेव चित्तसमुद्धानरूपानञ्च अधिपतिपच्चयो होति । अनियतो कामभवरूपभवेसु अत्तनो अधिपतिकाले तेसञ्जेव । अरूपभवे अरूपधम्मानञ्जेव अधिपतिपच्चयो होति । अयं ताव सहजाताधिपतिमिह नयो ।

आरम्मणाधिपतिमिह पन कामावचरकुसलो आरम्मणाधिपति कामावचरकुसलस्स लोभसहगताकुसलस्साति इमेसं द्विन्नं रासीनं आरम्मणाधिपतिपच्चयो होति । रूपावचररूपावचरेपि कुसलारम्मणाधिपतिमिह एसेव नयो । अपरियापन्नकुसलो पन आरम्मणाधिपति कामावचरतो जाणसम्पयुत्तकुसलस्स चैव जाणसम्पयुत्तकिरियस्स च आरम्मणाधिपतिपच्चयो होति । अकुसलो पन आरम्मणाधिपति नाम लोभसहगतचित्तुप्पादो वुच्चति । सो लोभसहगताकुसलस्सेव आरम्मणाधिपतिपच्चयो होति । कामावचरो पन विपाकारम्मणाधिपति लोभसहगताकुसलस्सेव आरम्मणाधिपतिपच्चयो होति । तथा रूपावचररूपावचरविपाकारम्मणाधिपति । लोकुत्तरो पन विपाकारम्मणाधिपति कामावचरतो जाणसम्पयुत्तकुसलकिरियानञ्जेव आरम्मणाधिपतिपच्चयो होति । कामावचरादिभेदतो पन तिबिधोपि किरियारम्मणाधिपति लोभसहगताकुसलस्सेव आरम्मणाधिपतिपच्चयो होति । चतुसमुद्धानिकरूपसङ्घातो रूपक्खन्धो आरम्मणाधिपति लोभसहगताकुसलस्सेव आरम्मणाधिपतिपच्चयो होति । निब्बानं कामावचरतो जाणसम्पयुत्तकुसलस्स जाणसम्पयुत्तकिरियस्स लोकुत्तरकुसलस्स लोकुत्तरविपाकस्स चाति इमेसं चतुन्नं रासीनं आरम्मणाधिपतिपच्चयो होतीति एवमेत्थ पच्चयुप्पन्नतोपि विज्जातब्बो विनिच्छय्योति ।

अधिपतिपच्चयनिद्देसवण्णना ।

### ४. अनन्तरपच्चयनिद्देसवण्णना

४. अनन्तरपच्चयनिद्देसे **मनोधातुयाति** विपाकमनोधातुया । **मनोविज्जाणधातुयाति** सन्तीरणकिच्चाय अहेतुकविपाकमनोविज्जाणधातुया । ततो परं पन वोदुब्बनजवनतदारम्मणभवङ्गकिच्चा मनोविज्जाणधातुयो वत्तब्बा सियुं, ता अवुत्तापि इमिनाव नयेन वेदितब्बाति नयं दस्सेत्वा देसना सङ्घित्ता । “पुरिमा पुरिमा कुसला धम्मा”तिआदिके च छट्ठनये ता सङ्गहितातिपि इध न वुत्ताति वेदितब्बा । तत्थ **पुरिमा पुरिमाति** छसु द्वारेसुपि अनन्तरातीता कुसलजवनधम्मा ददुब्बा । **पच्छिमानं पच्छिमानन्ति** अनन्तरउप्पज्जमानानञ्जेव । **कुसलानन्ति** सदिसकुसलानं । **अव्याकतानन्ति** इदं पन कुसलानन्तरं तदारम्मणभवङ्गफलसमापत्तिवसेन वुत्तं । अकुसलमूलके

**अव्याकतानन्ति** तदारम्भणभवङ्गसङ्घातानञ्जेव । अव्याकतमूलके **अव्याकतानन्ति** आवज्जनजनवसेन वा भवङ्गवसेन वा पवत्तानं किरियविपाकाव्याकतानं किरियमनोधातुतो पडाय पन याव वोड्ढन्नकिच्चा मनोविज्जाणधातु, ताव पवत्तेसु वीथिचित्तेसुपि अयं नयो लब्धतेव । **कुसलानन्ति** पञ्चद्वारे वोड्ढन्नानन्तरानं मनोद्वारे आवज्जनान्तरानं पठमजनवकुसलानं । **अकुसलानन्ति** पदेपि एसेव नयो । **येसं येसन्ति** इदं सब्बेसम्पि अनन्तरपच्चयधम्मानं । सङ्खेपलक्खणन्ति अयं तावेत्थ पाळिवण्णना ।

अयं पन अनन्तरपच्चयो नाम ठपेत्वा निब्बानं चतुभूमको अरूपधम्मरासियेवाति वेदितब्बो । सो जातिवसेन कुसलाकुसलविपाककिरियतो चतुधा भिज्जति । तत्थ कुसलो कामावचरादिभेदतो चतुब्बिधो होति, अकुसलो कामावचरोव विपाको चतुभूमको, किरियानन्तरपच्चयो पन ते भूमकोति एवमेत्थ नानपकारभेदतो विज्जातब्बो विनिच्छयो ।

एवं भिन्ने पनेत्थ कामावचरकुसलो अत्तना सदिसस्सेव कामावचरकुसलस्स अनन्तरपच्चयो होति । जाणसम्पयुत्तकामावचरकुसलो पन रूपावचरकुसलस्स अरूपावचरकुसलस्स लोकुत्तरकुसलस्साति इमेसं तिण्णं रासीनं अनन्तरपच्चयो होति । कामावचरकुसलो च कामावचरविपाकस्स, रूपावचररूपावचरविपाकस्स, जाणसम्पयुत्तो लोकुत्तरविपाकस्सापीति इमेसं चतुन्नं रासीनं अनन्तरपच्चयो होति । रूपावचरकुसलो रूपावचरकुसलस्स, जाणसम्पयुत्तकामावचरविपाकस्स, रूपावचरविपाकस्साति इमेसं तिण्णं रासीनं अनन्तरपच्चयो होति । अरूपावचरकुसलो तेसं द्विन्नं विपाकानं अत्तनो कुसलस्स विपाकस्स चाति अविसेसेन चतुन्नं रासीनं अनन्तरपच्चयो होति । विसेसेन पनेत्थ नेवसज्जानासज्जायतनकुसलो अनागामिफलसङ्घातस्स लोकुत्तरविपाकस्सपि अनन्तरपच्चयो होति । लोकुत्तरकुसलो लोकुत्तरविपाकस्सेव अनन्तरपच्चयो होति । अकुसलो अविसेसेन अकुसलस्स चेव कुसलाकुसलविपाकस्स च । विसेसेन पनेत्थ सुखमज्झतवेदनासम्पयुत्तो अकुसलो रूपावचररूपावचरविपाकस्सापीति इमेसं चतुन्नं रासीनं अनन्तरपच्चयो होति ।

कामावचरविपाकस्स जाणसम्पयुत्तो वा जाणविप्युत्तो वा विपाको कामावचरकिरियावज्जनस्स, जाणसम्पयुत्तविपाको पनेत्थ पटिसन्धिवसेन उपपज्जमानस्स रूपावचररूपावचरविपाकस्सापीति इमेसं चतुन्नं रासीनं अनन्तरपच्चयो होति । रूपावचरविपाको सहेतुककामावचरविपाकस्स रूपावचररूपावचरविपाकस्स कामावचरकिरियावज्जनस्साति इमेसं चतुन्नं रासीनं अनन्तरपच्चयो होति । अरूपावचरविपाको तिहेतुककामावचरविपाकस्स अरूपावचरविपाकस्स कामावचरकिरियावज्जनस्साति तिण्णं रासीनं अनन्तरपच्चयो होति । लोकुत्तरविपाको तिहेतुककामावचरविपाकस्स रूपावचररूपावचरलोकुत्तरविपाकस्साति चतुन्नं रासीनं अनन्तरपच्चयो होति ।

कामावचरकिरियं कामावचरकुसलाकुसलस्स चतुभूमकविपाकस्स तेभूमककिरियस्साति नवन्नं रासीनं अनन्तरपच्चयो होति । रूपावचरकिरियं तिहेतुककामावचरविपाकस्स रूपावचरविपाकस्स रूपावचरकिरियस्साति तिण्णं रासीनं अनन्तरपच्चयो होति । अरूपावचरकिरियं तिहेतुककामावचरविपाकस्स रूपावचररूपावचरलोकुत्तरविपाकस्स अरूपावचरकिरियस्साति पच्चयन्नं रासीनं अनन्तरपच्चयो होतीति । एवमेत्थ पच्चयुप्पन्नतोपि विज्जातब्बो विनिच्छयोति ।

अनन्तरपच्चयनिद्देसवण्णना ।

#### ५. समनन्तरपच्चयनिद्देसवण्णना

५. समनन्तरपच्चयनिद्देसोपि इमिना समानगतिकोव । इमे पन द्वे पच्चया महावित्थारा, तस्मा सब्बचित्तुप्पत्तिवसेन तेसं उपपरिक्खित्वा वित्थारो गहेतब्बोति ।

समनन्तरपच्चयनिद्देसवण्णना ।

#### ६. सहजातपच्चयनिद्देसवण्णना

६. सहजातपच्चयनिद्देसे **अज्जमज्जन्ति** अज्जो अज्जस्स । इमिना एतेसं धम्मानं एकक्खणे पच्चयभावञ्चेव पच्चयुप्पन्नभावञ्च दीपेति । **ओक्कन्तिक्खणे**ति पच्चवोकारभवे पटिसन्धिवक्खणे । तस्मिज्जि खणे नामरूपं ओक्कन्तं विय पक्खन्दन्तं विय परलोकतो इमं लोकं आगन्त्वा पविसन्तं विय उपपज्जति, तस्मा सो खणो “ओक्कन्तिक्खणे”ति वुच्चति । एत्थ च **रूपन्ति** हृदयवत्थुमत्तमेव अधिपेत्तं । तज्जि नामस्स, नामञ्च तस्स अज्जमज्जं सहजातपच्चयद्वं फरति । **चित्तचेतसिका**ति पवित्तं चत्तारो खन्धा । **सहजातपच्चयेनाति** एत्थ चित्तसमुद्धानरूपा चित्तचेतसिकानं पच्चयद्वं न फरन्ति, तस्मा “अज्जमज्ज”न्ति न वुत्तं । तथा उपादारूपा भूतानं । **रूपिनो धम्मा अरूपीनं धम्मानन्ति** हृदयवत्थु चतुन्नं खन्धानं । **किञ्चि कालेति** किस्मिञ्चि काले । **सहजातपच्चयेनाति** पटिसन्धिं सन्धाय वुत्तं । **न सहजातपच्चयेनाति** पवित्तं सन्धाय वुत्तं ।

अयं पन ‘चत्तारो खन्धा अरूपिनो अज्जमज्जं सहजातपच्चयेन पच्चयो’ति एवं छहि कोट्ठासेहि ठितो । तत्थ तयो कोट्ठासा अज्जमज्जवसेन वुत्ता, तयो न अज्जमज्जवसेन । तत्थ पठमकोट्ठासे अरूपमेव पच्चयो चेव पच्चयुप्पन्नञ्च, दुतिये रूपमेव, ततिये नामरूपं, चतुत्थे पच्चयो अरूपं, पच्चयुप्पन्नं रूपं; पच्चमे पच्चयोपि पच्चयुप्पन्नमि रूपमेव; छट्ठे पच्चयो रूपं, पच्चयुप्पन्नं अरूपन्ति अयं तावेत्थ पाळिवण्णना ।

अयं पन सहजातपच्चयो जातिवसेन कुसलो अकुसलो विपाको किरियं रूपन्ति पच्चधा भिज्जति । तत्थ कुसलो भूमितो चतुब्बिधो होति, अकुसलो एकविधोव विपाको चतुब्बिधो, किरियसङ्घातो ति विधो, रूपं एकविधं कामावचरमेवाति एवं तावेत्थ नानपकारभेदतो विज्जातब्बो विनिच्छयो ।

एवं भिन्ने पनेत्थ चतुभूमकमि कुसलं पच्चवोकारभवे अत्तना सम्पयुत्तधम्मानञ्चेव चित्तसमुद्धानरूपस्स च सहजातपच्चयो होति, तथा अकुसलं । यं पनेत्थ अरूपे उपपज्जति, तं अरूपधम्मानंयेव सहजातपच्चयो होति ।

कामावचररूपावचरविपाकं चित्तसमुद्धानरूपस्स चेव सम्पयुत्तधम्मानञ्च सहजातपच्चयो होति । यं पनेत्थ रूपं न समुद्भापेति, तं सम्पयुत्तधम्मानञ्जेव । यं पटिसन्धियं उपपज्जति, तं कटत्तारूपानञ्चापि सहजातपच्चयो होति । अरूपावचरविपाकं सम्पयुत्तधम्मानञ्जेव । लोकुत्तरविपाकं पच्चवोकारे सम्पयुत्तधम्मानञ्चेव चित्तसमुद्धानरूपानञ्च, चतुवोकारे अरूपानञ्जेव । कामावचररूपावचरकिरिया पच्चवोकारे सम्पयुत्तकानञ्चेव चित्तसमुद्धानरूपानञ्च सहजातपच्चयो होति, चतुवोकारे अरूपानञ्जेव ।



रूपावचरकिरिया सम्पयुतधम्मनञ्चेव चित्तसमुद्धानरूपानञ्च एकन्तेन सहजातपच्ययो होति ।

चतुसमुद्धानिकस्स रूपस्स कम्मसमुद्धानरूपे एकं महाभूतं तिण्णं, तीणि एकस्स, द्वे द्विन्नं महाभूतानं, महाभूता उपादारूपस्स सहजातपच्येन पच्ययो । कामावचररूपावचरपटिसन्धिकखणे वत्थुरूपं विपाककखन्धानं सहजातपच्येन पच्ययो । उतुचिताहारसमुद्धानेसु पन महाभूतानि अञ्जमञ्जञ्चेव उपादारूपस्स सहजातपच्येन पच्ययोति एवमेत्थ पच्ययुप्पन्नतोपि विज्जातब्बो विनिच्छयोति ।

सहजातपच्ययनिद्देसवण्णना ।

### ७. अञ्जमञ्जपच्ययनिद्देसवण्णना

७. अञ्जमञ्जपच्ययनिद्देसे सहजातपच्ययनिद्देसस्स पुरिमानं तिण्णं कोट्टासानं वसेन पाळि आगता । तस्सा तत्थ वुत्तसदिसाव वण्णनाति पुन न गहिता । अयम्पि च अञ्जमञ्जपच्ययो जातिवसेन कुसलो अकुसलो विपाको किरियं रूपन्ति पञ्चधा भिन्नो । तत्थ कुसलो भूमितो चतुब्बिधो । सब्बं पुरिमसदिसमेवाति एवमेत्थ नानपकारभेदतो विज्जातब्बो विनिच्छयो ।

एवं भिन्ने पनेत्थ सब्बम्पि चतुभूमकं कुसलं अत्तना सम्पयुतधम्मनं अञ्जमञ्जपच्येन पच्ययो । तथा अकुसलं । विपाके पन कामावचररूपावचरविपाकं पटिसन्धियं वत्थुरूपस्स, पवत्ते सम्पयुतधम्मनञ्चेव । अरूपावचरलोकुत्तरविपाकं अत्तना सम्पयुतधम्मनञ्चेव अञ्जमञ्जपच्येन पच्ययो । सब्बम्पि किरियं सम्पयुतधम्मनञ्चेव अञ्जमञ्जपच्येन पच्ययो । चतुसमुद्धानिकरूपस्स कम्मसमुद्धाने एकं महाभूतं तिण्णं, तीणि एकस्स, द्वे द्विन्नं महाभूतानं अञ्जमञ्जपच्येन पच्ययो । कामावचररूपावचरपटिसन्धियं वत्थुरूपं विपाककखन्धानं अञ्जमञ्जपच्येन पच्ययो । उतुचिताहारसमुद्धानेसु महाभूतानेव महाभूतानं अञ्जमञ्जपच्येन पच्ययोति एवमेत्थ पच्ययुप्पन्नतोपि विज्जातब्बो विनिच्छयोति ।

अञ्जमञ्जपच्ययनिद्देसवण्णना ।

### ८. निस्सयपच्ययनिद्देसवण्णना

८. निस्सयपच्ययनिद्देसे सहजातपच्ययनिद्देसस्स पुरिमानं पञ्चन्नं कोट्टासानं वसेन सहजातनिस्सयनयं दस्सेत्वा पुन छट्ठेन कोट्टासेन पुरेजातनिस्सयनयं दस्सेत्तुं चक्खायतनं चक्खुविज्जाणधातुयातिआदि आरद्धं । तत्थ यं रूपं निस्सायाति वत्थुरूपं सन्धाय वुत्तं । तज्जि निस्साय तिविधा मनोधातु, ठपेत्वा अरूपविपाकं द्वासत्ततिविधा मनोविज्जाणधातूति इमानि पञ्चसत्तति चित्तानि वत्तन्तीति अयं तावेत्थ पाळिवण्णना । अयम्पि निस्सयपच्ययो जातिवसेन कुसलादिभेदतो पञ्चधाव भिज्जति । तत्थ कुसलो भूमितो चतुब्बिधो अकुसलो एकविधो विपाको चतुब्बिधो, किरियसङ्घातो तिविधो, रूपं एकविधमेवाति एवमेत्थ नानपकारभेदतो विज्जातब्बो विनिच्छयो ।

एवं भिन्ने पनेत्थ चतुभूमकम्पि कुसलं पञ्चवोकारे सम्पयुतकखन्धानञ्चेव चित्तसमुद्धानरूपस्स च निस्सयपच्येन पच्ययो होति । तथा अकुसलं । यं पनेत्थ आरुप्पे उप्पज्जति, तं अरूपधम्मनञ्चेव निस्सयपच्ययो होति । कामावचररूपावचरविपाकं पवत्ते सम्पयुतधम्मनञ्चेव चित्तसमुद्धानरूपस्स च, पटिसन्धियं कटत्तारूपस्सापि निस्सयपच्ययो होति । अरूपावचरविपाकं सम्पयुतकखन्धानयेव होति । लोकुत्तरविपाकं पञ्चवोकारे, सम्पयुतकानञ्चेव चित्तसमुद्धानरूपस्स च, चतुवोकारे अरूपस्सेव निस्सयपच्ययो होति । कामावचररूपावचरकिरिया पञ्चवोकारे सम्पयुतकानञ्चेव चित्तसमुद्धानरूपस्स च निस्सयपच्ययो होति, चतुवोकारे अरूपानञ्चेव । रूपावचरकिरिया सम्पयुतकानञ्चेव चित्तसमुद्धानरूपस्स च एकन्तेन निस्सयपच्ययो होति ।

चतुसमुद्धानिकरूपस्स च कम्मसमुद्धानरूपे एकं महाभूतं तिण्णं, तीणि एकस्स, द्वे द्विन्नं महाभूतानं, महाभूता उपादारूपानं, वत्थुरूपं पञ्चवोकारभवे चतुभूमककुसलस्स, अकुसलस्स, ठपेत्वा आरुप्पविपाकञ्चेव द्वे पञ्चविज्जाणानि च सेसतेभूमकविपाकस्स, तेभूमककिरियस्साति इमेसं चतुन्नं धम्मरासीनं निस्सयपच्ययो होति । चक्खायतनादीनि पञ्च ससम्पयुतानं चक्खुविज्जाणादीनं निस्सयपच्ययो होति । उतुचिताहारसमुद्धानेसु पन महाभूता महाभूतानञ्चेव उपादारूपस्स च निस्सयपच्येन पच्ययोति एवमेत्थ पच्ययुप्पन्नतोपि विज्जातब्बो विनिच्छयोति ।

निस्सयपच्ययनिद्देसवण्णना ।

### ९. उपनिस्सयपच्ययनिद्देसवण्णना

९. उपनिस्सयपच्ययनिद्देसे पुरिमा पुरिमाति अनन्तरूपनिस्सये समनन्तरातीता लब्धन्ति, आरम्मणूपनिस्सयपकतूपनिस्सयेसु नानावीथिवसेन पुरिमतरा । ते तयोपि रासयो कुसलवसेन कुसलपदे लब्धन्ति, कुसलेन पन अकुसले समनन्तरातीता न लब्धन्ति । तेनेव वुत्तं — “अकुसलानं धम्मनं केसज्जि उपनिस्सयपच्येन पच्ययो”ति । इदञ्चि — “कुसलो धम्मो अकुसलस्स धम्मस्स उपनिस्सयपच्येन पच्ययो; आरम्मणूपनिस्सयो पकतूपनिस्सयो । आरम्मणूपनिस्सयो — दानं दत्त्वा सीलं समादियित्वा उपोसथकम्मं कत्वा तं गरुं कत्वा अस्सादेति अभिनन्दति, तं गरुं कत्वा रागो उप्पज्जति, दिट्ठि उप्पज्जति, पुब्बे सुचिण्णानि गरुं कत्वा अस्सादेति अभिनन्दति, तं गरुं कत्वा रागो उप्पज्जति, दिट्ठि उप्पज्जति । झाना वुड्ढित्वा झानं गरुं कत्वा अस्सादेति अभिनन्दति, तं गरुं कत्वा रागो उप्पज्जति दिट्ठि उप्पज्जति । पकतूपनिस्सयो — सद्धं उपनिस्साय मानं जप्पेति, दिट्ठि गण्हाति । सीलं सुतं चागं पज्जं उपनिस्साय मानं जप्पेति, दिट्ठि गण्हाति । सद्धा सीलं सुतं चागो पज्जा रागस्स दोसस्स मोहस्स मानस्स दिट्ठिया पत्थनाय उपनिस्सयपच्येन पच्ययो”ति इमं नयं सन्धाय वुत्तं । कुसलेन अब्याकते तयोपि लब्धन्ति, तथा अकुसलेन अकुसले ।

अकुसलेन पन कुसले समनन्तरातीता न लब्धन्ति । तेन वुत्तं — “कुसलानं धम्मनं केसज्जि उपनिस्सयपच्येन पच्ययो”ति । इदम्पि हि — “अकुसलो धम्मो कुसलस्स धम्मस्स उपनिस्सयपच्येन पच्ययो । पकतूपनिस्सयो — रागं उपनिस्साय दानं देति, सीलं समादियति, उपोसथकम्मं करोति, झानं उप्पादेति विपस्सं उप्पादेति, मगं उप्पादेति, अभिज्जं उप्पादेति, समापत्तिं उप्पादेति; दोसं मोहं मानं दिट्ठि पत्थनं उपनिस्साय दानं देति...पे... समापत्तिं उप्पादेति । रागो दोसो मोहो मानो दिट्ठि पत्थना सद्धाय

सीलस्स सुतस्स चागस्स पञ्जाय उपनिस्सयपच्चयेन पच्चयो। पाणं हन्त्वा तस्स पटिघातत्थाय दानं देती”तिआदिना नयेन पञ्चावारे आगतं पकतूपनिस्सयमेव सन्धाय वुत्तं। अकुसलं पन कुसलस्स आरम्मणूपनिस्सयो न होति। कस्मा? तं गरं कत्वा तस्स अप्पवत्तनतोति यथा अनन्तरूपनिस्सयो, एवं आरम्मणूपनिस्सयोपेत्थ न लब्धतीति वेदितब्बो। अकुसलेन अब्बाकतपदे आरम्मणूपनिस्सयो न लब्धति। न हि अब्बाकता धम्मा अकुसलं गरं करोन्ति। यस्मा पन अनन्तरता लब्धति, तस्मा एत्थ “केसज्जी”ति न वुत्तं। अब्बाकतेन पन अब्बाकते कुसले अकुसलेति तीसु नयेसु तयोपि उपनिस्सया लब्धन्तेव। **पुग्गलोपि सेनासनम्पी**ति इदं द्वयं पकतूपनिस्सयवसेन वुत्तं। इदञ्चि द्वयं कुसलाकुसलपवत्तिया बलवपच्चयो होति। पच्चयभावो चस्स पनेत्थ परियायवसेन वेदितब्बोति अयं तावेत्थ पाळिवण्णना।

अयं पन उपनिस्सयपच्चयो नाम सद्धिं एकच्चाय पञ्जत्तिया सब्बेपि चतुभूमकधम्मा। विभागतो पन आरम्मणूपनिस्सयादिवसेन तिविधो होति। तत्थ आरम्मणूपनिस्सयो आरम्मणाधिपतिना निन्नानाकरणोति हेट्ठा वुत्तनयेनेव नानप्पकारभेदतो गहेतब्बो। अनन्तरूपनिस्सयो अनन्तरपच्चयेन निन्नानाकरणो, सोपि हेट्ठा वुत्तनयेनेव नानप्पकारभेदतो वेदितब्बो। पच्चयुप्पन्नतोपि नेसं तत्थ वुत्तनयेनेव विनिच्छयो वेदितब्बो। पकतूपनिस्सयो पन जातिवसेन कुसलाकुसलविपाककिरियरूपभेदतो पच्चविधो होति, कुसलादीनं पन भूमिभेदतो अनेकविधोति एवं तावेत्थ नानप्पकारभेदतो विज्जातब्बो विनिच्छयोति।

एवं भिन्ने पनेत्थ तेभूमककुसलो चतुभूमकस्सापि कुसलस्स अकुसलस्स विपाककिरियस्साति चतुन्नं रासीनं पकतूपनिस्सयो होति। लोकुत्तरो अकुसलस्सेव न होति। अम्हाकं आचरियेन “लोकुत्तरधम्मो निब्बत्तितो”ति इमिना पन नयेन अज्जेसं अकुसलस्सापि होति। यस्स वा उप्पज्जिस्सति, तस्सापि अनुत्तरेसु विमोक्खेसु पिहं उपट्ठापयतो इमिना नयेन होतियेव। अकुसलो सब्बेसम्पि चतुभूमकानं खन्धानं पकतूपनिस्सयो होति, तथा तेभूमकविपाको। लोकुत्तरविपाके हेट्ठिमानि तीणि फलानि अकुसलस्सेव न होन्ति, उपरिद्धिं कुसलस्सापि। पुरिमनयेन पन अज्जेसं वा यस्स वा उप्पज्जिस्सति, तस्स सन्ताने सब्बोपि लोकुत्तरविपाको सब्बेसं कुसलादीनं अरूपकखन्धानं पकतूपनिस्सयो होति। किरियसङ्घातोपि पकतूपनिस्सयो चतुभूमकानं अकुसलादिखन्धानं होतियेव, तथा रूपसङ्घातो। सयं पन रूपं इमस्मिं पट्टानमहापकरणे आगतनयेन उपनिस्सयपच्चयं न लभति, सुत्तन्तिकपरियायेन पन लभतीति वत्तु वट्ठति। एवमेत्थ पच्चयुप्पन्नतोपि विज्जातब्बो विनिच्छयोति।

उपनिस्सयपच्चयनिद्देसवण्णना।

## १०. पुरेजातपच्चयनिद्देसवण्णना

**१०. पुरेजातपच्चयनिद्देसे पुरेजातपच्चयेन पच्चयो**ति एत्थ पुरेजातं नाम यस्स पच्चयो होति, ततो पुरिमतरं जातं जातिक्खणं अतिक्कमित्वा ठितिक्खणप्पत्तं। **चक्खायतन**न्तिआदि वत्थुपुरेजातवसेन वुत्तं। **रूपायतन**न्तिआदि आरम्मणपुरेजातवसेन। **किञ्चिकाले पुरेजातपच्चयेना**ति पवत्तिं सन्धाय वुत्तं। **किञ्चिकाले न पुरेजातपच्चयेना**ति पटिसन्धिं सन्धाय वुत्तं। एवं सब्बथापि पच्चद्वारे वत्थारम्मणवसेन, मनोद्वारे वत्थुवसेनेवायं पाळि आगता, पञ्चावारे पन “आरम्मणपुरेजातं — सेक्खा वा पुथुज्जना वा चक्खुं अनिच्चतो दुक्खतो अनत्ततो विपरस्सन्ती”ति आगतता मनोद्वारेपि आरम्मणपुरेजातं लब्धतेव। इध पन सावसेसवसेन देसना कताति अयं तावेत्थ पाळिवण्णना।

अयं पन पुरेजातपच्चयो सुद्धरूपमेव होति। तच्च खो उप्पादक्खणं अतिक्कमित्वा ठितिप्पत्तं अट्टारसविधं रूपरूपमेव। तं सब्बम्पि वत्थुपुरेजातं आरम्मणपुरेजातन्ति द्विधा ठितं। तत्थ चक्खायतनं... पे०... कायायतनं वत्थुरूपन्ति इदं वत्थुपुरेजातं नाम। सेसं इमाय पाळिया आगतञ्च अनागतञ्च वण्णो सद्धो गन्धो रसो चतस्सो धातुयो तीणि इन्द्रियाणि कबळीकारो आहारोति द्वादसविधं रूपं आरम्मणपुरेजातपच्चयो नामाति एवमेत्थ नानप्पकारभेदतो विज्जातब्बो विनिच्छयोति।

एवं भिन्ने पनेत्थ चक्खायतनं द्विन्नं चक्खुविज्जाणानं पुरेजातपच्चयेन पच्चयो, तथा इतरानि चत्तारि सोतविज्जाणादीनं। वत्थुरूपं पन ठपेत्वा द्विपञ्चविज्जाणानि चत्तारो च आरुप्पविपाके सेसानं सब्बेसम्पि चतुभूमकानं कुसलाकुसलाब्बाकतानं चित्तचेतसिकानं पुरेजातपच्चयो होति। रूपादीनं पन पञ्चारम्मणानि द्विपञ्चविज्जाणानज्जेव मनोधातूनञ्च एकन्तेन पुरेजातपच्चया होन्ति। अट्टारसविधम्पि पनेतं रूपरूपं कामावचरकुसलस्स रूपावचरतो अभिज्जाकुसलस्स अकुसलस्स तदारम्मणभाविनो कामावचरविपाकस्स कामावचरकिरियस्स रूपावचरतो अभिज्जाकिरियस्साति इमेसं छन्नं रासीनं पुरेजातपच्चयो होतीति एवमेत्थ पच्चयुप्पन्नतोपि विज्जातब्बो विनिच्छयोति।

पुरेजातपच्चयनिद्देसवण्णना।

## ११. पच्छाजातपच्चयनिद्देसवण्णना

**११. पच्छाजातपच्चयनिद्देसे पच्छाजाताति** यस्स कायस्स पच्चया होन्ति, तस्मिं उप्पज्जित्वा ठिते जाता। **पुरेजातस्साति** तेसं उप्पादतो पठमतरं जातस्स जातिक्खणं अतिक्कमित्वा ठितिप्पत्तस्स। **इमस्स कायस्साति** इमस्स चतुसमुद्धानिकतिसमुद्धानिकभूतउपादारूपसङ्घातस्स कायस्स। एत्थ च तिसमुद्धानिककायोति आहारसमुद्धानस्स अभावतो ब्रह्मपारिसज्जादीनं कायो वेदितब्बो। अयमेत्थ पाळिवण्णना। अयं पन पच्छाजातपच्चयो नाम सङ्केपतो ठपेत्वा आरुप्पविपाके अवसेसा चतुभूमका अरूपकखन्धा सो जातिवसेन कुसलाकुसलविपाककिरियभेदेन चतुधा भिज्जतीति एवमेत्थ नानप्पकारभेदतो विज्जातब्बो विनिच्छयोति।

एवं भिन्ने पनेत्थ पच्चवोकारभवे उप्पन्नं चतुभूमककुसलञ्च अकुसलञ्च उप्पादक्खणं अतिक्कमित्वा ठितिप्पत्तस्स चतुसमुद्धानिकतिसमुद्धानिकरूपकायस्स पच्छाजातपच्चयो होति। विपाकेपि ठपेत्वा पटिसन्धिविपाकं अवसेसो कामावचररूपावचरविपाको तस्सेव एकन्तेन पच्छाजातपच्चयो होति। लोकुत्तरोपि पच्चवोकारे उप्पन्नविपाको तस्सेव पच्छाजातपच्चयो होति। तेभूमककिरियापि पच्चवोकारे उप्पन्नाव वुत्तप्पकारस्स कायस्स पच्छाजातपच्चयो होतीति एवमेत्थ पच्चयुप्पन्नतोपि विज्जातब्बो विनिच्छयोति।

पच्छाजातपच्चयनिद्देसवण्णना।

## १२. आसेवनपच्चयनिहेसवणणा

१२. आसेवनपच्चयनिहेसे **पुरिमा पुरिमा**ति सव्वनयेसु समनन्तरातीताव दडुब्बा। कस्मा पनेत्थ अनन्तरपच्चये विय “पुरिमा पुरिमा कुसला धम्मा पच्छिमानं पच्छिमानं अब्याकतानं धम्मानं” न्तिआदिना नयेन भिन्नजातिकेहि सद्धि निहेसो न कतोति? अत्तनो गतिं गाहापेतुं असमत्थताय। भिन्नजातिका हि भिन्नजातिकानं अरूपधम्मानं आसेवनगुणेन पगुणबलवभावं साधयमाना अत्तनो कुसलादिभावसङ्घातं गतिं गाहापेतुं न सक्कोन्ति। तस्मा तेहि सद्धि निहेसं अकत्वा ये येसं वासनासङ्घातेन आसेवनेन पगुणतरबलवतरभावविसिद्धं अत्तनो कुसलादिभावसङ्घातं गतिं गाहापेतुं सक्कोन्ति, तेसं तेहि समानजातिकेहेव सद्धि निहेसो कतोति वेदितव्वो। अथ विपाकाव्याकतं कस्मा न गहितन्ति? आसेवनाभावेन। विपाकञ्चि कम्मवसेन विपाकभावप्पत्तं कम्मपरिणामितं हुत्वा वत्तति निरुस्साहं दुब्बलन्ति तं आसेवनगुणेन अत्तनो सभावं गाहापेत्वा परिभावेत्वा नेव अञ्जं विपाकं उप्पादेतुं सक्कोति, न पुरिमविपाकानुभावं गहेत्वा उप्पज्जितुन्ति। कम्मवेगकिञ्चत्तं पन पतितं विय हुत्वा उप्पज्जतीति सब्बथापि विपाके आसेवनं नत्थीति आसेवनाभावेन विपाकं न गहितं। कुसलाकुसलकिरियानन्तरं उप्पज्जमानमपि चेत्तं कम्मपटिबद्धवुत्तिताय आसेवनगुणं न गण्हातीति कुसलादयोपिस्स आसेवनपच्चया न होन्ति। अपिच नानाजातिकत्तपेते न होन्तियेव। भूमितो पन आरम्भगतो वा नानाजातिकत्तं नाम नत्थि। तस्मा कामावचरकुसलकिरियामहगतकुसलकिरियानमपि, सङ्खारारम्भणञ्च अनुलोमकुसलं निब्बानारम्भणस्स गोत्रभुक्कुसलस्स आसेवनपच्चयो होतियेवाति अयं तावेत्थ पाळिवणणा। अयं पन आसेवनपच्चयो जातितो ताव कुसलो अकुसलो किरियाव्याकतोति तिधा ठितो। तत्थ कुसलो भूमितो कामावचरो रूपावचरो अरूपावचरोति तिविधो होति, अकुसलो कामावचरो किरियाव्याकतो कामावचरो रूपावचरो अरूपावचरोति तिविधो, लोक्कुत्तरो आसेवनपच्चयो नाम नत्थीति एवमेत्थ नानप्पकारभेदतो विज्जातव्वो विनिच्छयो।

एवं भिन्ने पनेत्थ कामावचरकुसलं अत्तनो अनन्तरस्स कामावचरकुसलस्सेव। यं पनेत्थ जाणसम्पयुत्तं, तं अत्तना सदिसवेदनस्स रूपावचरकुसलस्स अरूपावचरकुसलस्स लोक्कुत्तरकुसलस्साति इमेसं रासीनं आसेवनपच्चयो होति। रूपावचरकुसलं पन रूपावचरकुसलस्सेव। अरूपावचरकुसलं अरूपावचरकुसलस्सेव। अकुसलं पन अकुसलस्सेव आसेवनपच्चयो होति। किरियतो पन कामावचरकिरियसङ्घातो ताव कामावचरकिरियस्सेव। यो पनेत्थ जाणसम्पयुत्तो, सो अत्तना सदिसवेदनस्स रूपावचरकिरियस्स अरूपावचरकिरियस्साति इमेसं रासीनं आसेवनपच्चयो होति। रूपावचरकिरियसङ्घातो पन रूपावचरकिरियस्सेव, अरूपावचरकिरियसङ्घातो अरूपावचरकिरियस्सेव आसेवनपच्चयो होति। विपाको पन एकधम्मस्सापि एकधम्मोपि वा कोचि विपाकस्स आसेवनपच्चयो नत्थीति एवमेत्थ पच्चयुप्पन्नतोपि विज्जातव्वो विनिच्छयोति।

आसेवनपच्चयनिहेसवणणा।

## १३. कम्मपच्चयनिहेसवणणा

१३. कम्मपच्चयनिहेसे **कम्मन्ति** चेतनाकम्ममेव। **कटत्ता च रूपान्ति** कम्मस्स कटत्ता उप्पन्नरूपानं। **कम्मपच्चयेनाति** अनेकानमपि कप्पकोटीनं मत्थके अत्तनो फलं उप्पादेतुं समत्थेन नानाक्खणिककम्मपच्चयेनाति अत्थो। कुसलाकुसलञ्चि कम्मं अत्तनो पवत्तिकखणे फलं न देति। यदि ददेय्य, यं मनुस्सो देवलोकूपगं कुसलकम्मं करोति, तस्सानुभावेन तस्मिंयेव खणे देवो भवेय्य। यस्मिं पन खणे तं कत्तं, ततो अञ्जस्मिं खणे अविज्जमानमपि केवलं कटत्तायेव दिट्ठेव धम्मे उपपज्जे वा अपरे वा परियाये अवसेसपच्चयसमायोगे सति फलं उप्पादेति निरुद्धापि पुरिमसिप्पादिकिरिया विय कालन्तरे पच्छिमसिप्पादिकिरियाय। तस्मा नानाक्खणिककम्मपच्चयोति वुच्चति। **चेतना सम्पयुत्तकानं धम्मानन्ति** या काचि चेतना अत्तना सम्पयुत्तकानं धम्मानं। **तंसमुद्धानान्ति** इमिना पटिसन्धिकखणे कटत्तारूपमपि गण्हाति। **कम्मपच्चयेनाति** इदं सहजातचेतनं सन्धाय वुत्तं। कुसलादीसु हि या काचि सहजातचेतना सेसधम्मानं चित्तपयोगसङ्घातेन किरियाभावेन उपकारिका होति। तस्मा सहजातकम्मपच्चयोति वुच्चति। अयं तावेत्थ पाळिवणणा।

अयं पन कम्मपच्चयो अत्थतो चतुभूमिकचेतनामत्तमेव। सो हि जातिभेदतो कुसलो अकुसलो विपाको किरियाति चतुधा भिज्जति। तत्थ कुसलो भूमितो कामावचरादिवसेन चतुधा भिज्जति। अकुसलो एकधाव विपाको चतुधा, किरिया तिधावाति एवमेत्थ नानप्पकारभेदतो विज्जातव्वो विनिच्छयो।

एवं भिन्ने पनेत्थ सहजाता कामावचरकुसलचेतना पञ्चवोकारे अत्तना सम्पयुत्तधम्मानञ्चेव चित्तसमुद्धानरूपस्स च, चतुवोकारे सम्पयुत्तक्खन्धानञ्जेव सहजातकम्मपच्चयो होति। उप्पज्जित्वा निरुद्धा पन अत्तनो विपाकानं खन्धानं कटत्ता च रूपानं नानाक्खणिककम्मपच्चयेन पच्चयो होति। सा च खो पञ्चवोकारेयेव, न अञ्जत्थ। सहजाता रूपावचरकुसलचेतना अत्तना सम्पयुत्तधम्मानञ्जेव चित्तसमुद्धानरूपानञ्च एकत्तेनेव सहजातकम्मपच्चयेन पच्चयो। उप्पज्जित्वा निरुद्धा पन अत्तनो विपाकानञ्जेव कटत्तारूपानञ्च नानाक्खणिककम्मपच्चयेन पच्चयो। अरूपावचरा पन लोक्कुत्तरा च सहजाता कुसलचेतना पञ्चवोकारे अत्तना सम्पयुत्तधम्मानञ्जेव चित्तसमुद्धानरूपानञ्च, चतुवोकारे सम्पयुत्तक्खन्धानञ्जेव सहजातकम्मपच्चयेन पच्चयो। उप्पज्जित्वा निरुद्धा पनेसा दुविधापि अत्तनो अत्तनो विपाकक्खन्धानञ्जेव नानाक्खणिककम्मपच्चयेन पच्चयो। सहजाता अकुसलचेतना पञ्चवोकारे अत्तना सम्पयुत्तक्खन्धानञ्जेव चित्तसमुद्धानरूपानञ्च चतुवोकारे अरूपक्खन्धानञ्जेव सहजातकम्मपच्चयेन पच्चयो। उप्पज्जित्वा निरुद्धा पन विपाकक्खन्धानञ्जेव कटत्तारूपानञ्च नानाक्खणिककम्मपच्चयेन पच्चयो।

कामावचररूपावचरतो विपाकचेतना अत्तना सम्पयुत्तधम्मानं पवत्ते चित्तसमुद्धानरूपानं, पटिसन्धियं कटत्तारूपानञ्च सहजातकम्मपच्चयेन पच्चयो। अरूपावचरविपाकचेतना अत्तना सम्पयुत्तधम्मानञ्जेव सहजातकम्मपच्चयेन पच्चयो। लोक्कुत्तरविपाकचेतना पञ्चवोकारे अत्तना सम्पयुत्तधम्मानञ्जेव चित्तसमुद्धानरूपस्स च, चतुवोकारे अरूपस्सेव सहजातकम्मपच्चयेन पच्चयो। तेभूमिका किरियचेतना पञ्चवोकारे सम्पयुत्तधम्मानञ्जेव चित्तसमुद्धानरूपस्स च सहजातकम्मपच्चयेन पच्चयो। या पनेत्थ आरुप्पे उप्पज्जति, सा अरूपधम्मानञ्जेव सहजातकम्मपच्चयेन पच्चयोति एवमेत्थ पच्चयुप्पन्नतोपि विज्जातव्वो विनिच्छयोति।

कम्मपच्चयनिहेसवणणा।

## १४. विपाकपच्चयनिहेसवणणा

१४. विपाकपच्चयनिहेसे **विपाका चत्तारो खन्धा**ति यस्मा कम्मसमुद्धानापि रूपा विपाका न होन्ति, तस्मा “विपाका”ति वत्ता “चत्तारो खन्धा”ति वुत्तं। एवं अयं पाळि

अरूपधम्मानञ्जेव विपाकपच्यवसेन आगता । पञ्चावारे पन “विपाकाव्याकतो एको खन्धो तिण्णं खन्धानं चित्तसमुद्धानानञ्च रूपानं विपाकपच्येन पच्ययो । पटिसन्धिक्खणे विपाकाव्याकतो एको खन्धो तिण्णन्तं खन्धानं कटत्ता च रूपानं विपाकपच्येन पच्ययो”ति आगतत्ता चित्तसमुद्धानकम्मसमुद्धानरूपानम्पि विपाकपच्यो लब्धमि । इध पन सावसेसवसेन देसना कताति अयं तावेत्थ पाळिवण्णना । अयं पन विपाकपच्यो विपाकभावेन जातितो एकविधो, भूमिभेदतो कामावचरादिवसेन चतुथा भिज्जतीति एवमेत्थ नानप्पकारभेदतो विज्जातब्बो विनिच्छयो ।

एवं भिन्ने पनेत्थ कामावचररूपावचरविपाको अत्तना सम्पयुत्तधम्मानं पवत्ते चित्तसमुद्धानरूपानं पटिसन्धियं कटत्तारूपानञ्च विपाकपच्यो होति । अरूपावचरविपाको सम्पयुत्तधम्मानञ्जेव । लोकुत्तरविपाको पञ्चवोकारे सम्पयुत्तधम्मानञ्जेव चित्तसमुद्धानरूपस्स च, चतुवोकारे सम्पयुत्तधम्मानञ्जेव विपाकपच्यो होतीति एवमेत्थ पच्ययुप्पन्नतोपि विज्जातब्बो विनिच्छयोति ।

विपाकपच्यनिद्देसवण्णना ।

#### १५. आहारपच्यनिद्देसवण्णना

१५. आहारपच्यनिद्देसे **कबळीकारो आहारो**ति चतुसन्तिसमुद्धाने रूपे ओजा आहारो नाम । सो पन यस्मा कबळं करित्वा अज्झोहरितोव आहारकिच्चं करोति, न बहि ठितो, तस्मा आहारोति अवत्वा “कबळीकारो आहारो”ति वुत्तं । कबळं करित्वा अज्झोहरितव्ववत्थुकत्ता वा कबळीकारोति नाममेतं तस्स । **अरूपिनो आहारा**ति फस्सचेतनाविज्जाणाहारा । **तंसमुद्धानानन्ति** इधापि कम्मसमुद्धानानि गहितानेव । वुत्तज्जेतं पञ्चावारे — पटिसन्धिक्खणे विपाकाव्याकता आहारा सम्पयुत्तकानं खन्धानं कटत्ता च रूपानं आहारपच्येन पच्ययोति । अयं तावेत्थ पाळिवण्णना ।

अयं पन आहारपच्ययो सङ्केपतो कबळीकारो आहारो, फस्सो, चेतना, विज्जाणन्ति चत्तारोव धम्मा होन्ति । तत्थ ठपेत्वा कबळीकाराहारं सेसा तयो अरूपाहारा जातिवसेन कुसलाकुसलविपाककिरियभेदतो चतुथा भिज्जन्ति । पुन भूमिभेदेन कुसलो चतुथा, अकुसलो एकथा, विपाको चतुथा, किरिया तिधाति एवं अनेकथा भिज्जन्ति । कबळीकाराहारो पन जातितो अब्याकतो, भूमितो कामावचरोवाति एवमेत्थ नानप्पकारभेदतो विज्जातब्बो विनिच्छयो ।

एवं भिन्ने पनेत्थ चतुभूमकापि तयो कुसलाहारा पञ्चवोकारे अत्तना सम्पयुत्तधम्मानञ्जेव चित्तसमुद्धानरूपस्स च आहारपच्येन पच्ययो, ठपेत्वा पन रूपावचरं अवसेसा आरुपे सम्पयुत्तधम्मानञ्जेव आहारपच्येन पच्ययो । अकुसलाहारेसुपि एसेव नयो । चतुभूमकविपाकाहारा पन सब्बत्थ सम्पयुत्तकानं आहारपच्यया होन्ति । कामावचररूपावचरविपाका पनेत्थ पञ्चवोकारे उप्पज्जमाना पवत्ते चित्तसमुद्धानरूपस्स पटिसन्धियं कटत्तारूपस्सापि आहारपच्यया होन्ति । लोकुत्तरा पन चित्तसमुद्धानरूपस्सेव, आरुपे उप्पन्ना रूपस्स पच्यया न होन्ति । तेभूमकापि तयो किरियाहारा पञ्चवोकारे सम्पयुत्तधम्मानञ्जेव चित्तसमुद्धानरूपस्स च, कामावचररूपावचरा पन आरुपे सम्पयुत्तधम्मानञ्जेव आहारपच्येन पच्ययो । चतुसन्तिसमुद्धानो कबळीकाराहारो किञ्चापि “इमस्स कायस्सा”ति अविसेसतो वुत्तो, विसेसतो पनायमेत्थ आहारसमुद्धानरूपस्स जनको चेव अनुपालको च हुत्वा आहारपच्येन पच्ययो होति, सेसतिसन्तिसमुद्धानस्स अनुपालकोव हुत्वा आहारपच्येन पच्ययो होतीति एवमेत्थ पच्ययुप्पन्नतोपि विज्जातब्बो विनिच्छयोति ।

आहारपच्यनिद्देसवण्णना ।

#### १६. इन्द्रियपच्यनिद्देसवण्णना

१६. इन्द्रियपच्यनिद्देसे **चक्खुन्द्रियन्ति** चक्खुसङ्घातं इन्द्रियं । **इन्द्रियपच्येनाति** सयं पुरेजातो हुत्वा अरूपधम्मानं उप्पादतो पडाय याव भङ्गा इन्द्रियपच्येन पच्ययो होति । सोतिन्द्रियादीसुपि एसेव नयो । **अरूपिनो इन्द्रिया**ति एत्थ अरूपजीवितिन्द्रियम्पि सङ्गहितं । **तंसमुद्धानानन्ति** एत्थ हेट्ठा वुत्तनयेनेव कटत्तारूपम्पि सङ्गहितं । वुत्तज्जेतं पञ्चावारे — पटिसन्धिक्खणे विपाकाव्याकता इन्द्रिया सम्पयुत्तकानं खन्धानं कटत्ता च रूपानं इन्द्रियपच्येन पच्ययोति । एवं तावेत्थ पाळिवण्णना वेदितब्बा ।

अयं पन इन्द्रियपच्ययो इत्थिन्द्रियपुरिसिन्द्रियवज्जानं समवीसतिया इन्द्रियानं वसेन ठितो । इत्थिन्द्रियपुरिसिन्द्रियानि हि किञ्चापि इत्थिलिङ्गपुरिसिलिङ्गादीनं बीजभूतानि, कललादिकाले पन विज्जमानेसुपि तेसु इत्थिलिङ्गपुरिसिलिङ्गादीनं अभावा तानि नेव तेसं, न अज्जेसं इन्द्रियपच्ययतं फरन्ति । इन्द्रियपच्ययो हि अत्तनो विज्जमानक्खणे अविनिब्भुत्तधम्मानं इन्द्रियपच्ययतं अफरन्तो नाम नत्थि, तस्मा तानि इन्द्रियपच्यया न होन्ति । येसं पनेतानि बीजभूतानि, तेसं तानि सुत्तन्तिकपरियायेन पकतूपनिस्सयभावं भजन्ति । इति इन्द्रियपच्ययो समवीसतिया इन्द्रियानं वसेन ठितोति वेदितब्बो । सो जातितो कुसलाकुसलविपाककिरियरूपवसेन पञ्चधा भिज्जति । तत्थ कुसलो भूमिवसेन चतुथा, अकुसलो कामावचरोव विपाको चतुधाव किरियासङ्घातो तिधा, रूपं कामावचरमेवाति एवं अनेकथा भिज्जतीति एवं तावेत्थ नानप्पकारभेदतो विज्जातब्बो विनिच्छयो ।

एवं भिन्ने पनेत्थ चतुभूमकापि कुसलिन्द्रियपच्ययो पञ्चवोकारे सम्पयुत्तधम्मानञ्जेव चित्तसमुद्धानरूपस्स च इन्द्रियपच्येन पच्ययो, तथा अकुसलो । ठपेत्वा पन रूपावचरकुसलं अवसेसा कुसलाकुसला आरुपे सम्पयुत्तधम्मानञ्जेव इन्द्रियपच्येन पच्ययो । चतुभूमको विपाकिन्द्रियपच्ययो एकन्तेनेव सम्पयुत्तकानं इन्द्रियपच्येन पच्ययो । कामावचररूपावचरा पनेत्थ पञ्चवोकारे उप्पज्जनतो पवत्ते चित्तसमुद्धानरूपस्स, पटिसन्धियं कटत्तारूपस्सापि इन्द्रियपच्येन पच्यया होन्ति । लोकुत्तरा चित्तसमुद्धानरूपस्सेव । आरुपे उप्पन्ना लोकुत्तरविपाका इन्द्रिया रूपस्स पच्यया न होन्ति । तेभूमका किरियिन्द्रिया पञ्चवोकारे सम्पयुत्तधम्मानञ्जेव चित्तसमुद्धानरूपस्स च, कामावचररूपावचरा पन आरुपे सम्पयुत्तधम्मानञ्जेव इन्द्रियपच्ययतं फरन्ति । चक्खुन्द्रियादिवसेन छब्बिधे रूपिन्द्रिये चक्खुन्द्रियं कुसलाकुसलविपाकतो सम्पयुत्तधम्मानं द्विन्नं चक्खुविज्जाणानं, सोतिन्द्रियादीनि तथाविधानञ्जेव सोतविज्जाणादीनं, रूपजीवितिन्द्रियं अत्तना सहजातरूपानं ठितिक्खणे इन्द्रियपच्येन पच्ययो । सहजातपच्ययात पन तस्स नत्थीति एवमेत्थ पच्ययुप्पन्नतोपि विज्जातब्बो विनिच्छयोति ।

इन्द्रियपच्यनिद्देसवण्णना ।

### १७. ज्ञानपचयनिर्देसवण्णना

१७. ज्ञानपचयनिर्देसे **ज्ञानज्ञानी**ति द्विपञ्चविज्जाणवज्जेसु सेसचित्तेसु उप्पन्नानि वितक्कविचारपीतिसोमनस्सदोमनस्सुपेक्खाचित्तेकग्गतासङ्घातानि सत्त अङ्गानि । पञ्चन्नं पन विज्जाणकायानं अभिनिपातमत्तत्ता तेसु विज्जमानानिपि उपेक्खासुखदुक्खानि उपनिज्झानाकारस्स अभावतो ज्ञानज्ञानीति न उद्धटानि । तत्थ पच्छिन्नत्ता पन सेसाहेतुकेसुपि ज्ञानङ्गं न उद्धटमेव । **तंसमुद्धानानन्ति** इधापि कटत्तारूपं सङ्गहितन्ति वेदितब्बं । वुत्तज्हेतं पञ्हावारे — “पटिसन्धिक्खणे विपाकाब्याकतानि ज्ञानज्ञानि सम्पयुत्तकानं खन्धानं कटत्ता च रूपानं ज्ञानपचयेन पचय्यो”ति । अयं तावेत्थ पाळिवण्णना । अयं पन ज्ञानपचयो सत्तन्नं ज्ञानज्ञानं वसेन ठितोपि जातिभेदतो कुसलाकुसलविपाककिरियवसेन चतुधा भिज्जति, पुन भूमिवसेन चतुधा; एकधा, चतुधा, तिधाति द्वादसधा भिज्जतीति एवमेत्थ नानपकारभेदतो विज्जातब्बो विनिच्छयो ।

एवं भिन्ने पनेत्थ चतुभूमकम्पि कुसलज्ञानङ्गं पञ्चवोकारे सम्पयुत्तधम्मानज्जेव चित्तसमुद्धानरूपस्स च, ठपेत्वा रूपावचरं अवसेसं आरुप्पे सम्पयुत्तधम्मानज्जेव ज्ञानपचयेन पचय्यो । अकुसलेपि एसेव नयो । कामावचररूपावचरविपाकं पवत्ते सम्पयुत्तधम्मानज्जेव चित्तसमुद्धानरूपस्स च, पटिसन्धियं सम्पयुत्तधम्मानज्जेव कटत्तारूपस्स च, आरुप्पविपाकं सम्पयुत्तधम्मानज्जेव, यञ्च आरुप्पे लोकुत्तरविपाकं उप्पज्जति, तञ्च । पञ्चवोकारे पन तं चित्तसमुद्धानरूपस्सपि ज्ञानपचयेन पचय्यो होति । तेभूमकम्पि किरियज्ञानङ्गं पञ्चवोकारे सम्पयुत्तधम्मानज्जेव चित्तसमुद्धानरूपस्स च । यं पनेत्थ आरुप्पे उप्पज्जति, तं सम्पयुत्तधम्मानज्जेव ज्ञानपचयेन पचय्योति एवमेत्थ पचय्युप्पन्नतोपि विज्जातब्बो विनिच्छयोति ।

ज्ञानपचयनिर्देसवण्णना ।

### १८. मग्गपचयनिर्देसवण्णना

१८. मग्गपचयनिर्देसे **मग्गज्ञानी**ति अहेतुकचित्तुप्पादवज्जेसु सेसचित्तेसु उप्पन्नानि पज्जा, वितक्को, सम्मावाचाकम्मन्ताजीवा, वीरियं, सति, समाधि, मिच्छादिदिट्ठि, मिच्छावाचाकम्मन्ताजीवाति इमानि द्वादसङ्गानि । मग्गस्स पन हेतुपच्छिमकत्ता अहेतुकचित्तेसु मग्गज्ञानि न उद्धटानि । **तंसमुद्धानानन्ति** इधापि कटत्तारूपं सङ्गहितमेव । वुत्तज्हेतं पञ्हावारे — “पटिसन्धिक्खणे विपाकाब्याकतानि मग्गज्ञानि सम्पयुत्तकानं खन्धानं कटत्ता च रूपानं मग्गपचयेन पचय्यो”ति । अयं तावेत्थ पाळिवण्णना ।

अयं पन मग्गपचयो द्वादसन्नं मग्गज्ञानं वसेन ठितोपि जातिभेदतो कुसलादिवसेन चतुधा, कुसलादीनञ्च कामावचरादिभूमिभेदतो द्वादसधा भिज्जतीति एवमेत्थ नानपकारभेदतो विज्जातब्बो विनिच्छयो । एवं भिन्ने पनेत्थ चतुभूमकम्पि कुसलमग्गङ्गं पञ्चवोकारे सम्पयुत्तधम्मानज्जेव चित्तसमुद्धानरूपस्स च, ठपेत्वा रूपावचरं अवसेसं आरुप्पे सम्पयुत्तधम्मानज्जेव मग्गपचयेन पचय्योति सब्बं ज्ञानपचये विय वित्थारेतब्बन्ति एवमेत्थ पचय्युप्पन्नतोपि विज्जातब्बो विनिच्छयोति ।

मग्गपचयनिर्देसवण्णना ।

### १९. सम्पयुत्तपचयनिर्देसवण्णना

१९. सम्पयुत्तपचयनिर्देसे पाळि उत्तानत्था एव । अयं पन सम्पयुत्तपचयो नाम सङ्खेपतो सब्बेपि अरूपिनो खन्धा । पभेदतो पनेस जातितो कुसलादीनं, भूमितो च कामावचरादीनं वसेन अनेकधा भिज्जतीति एवमेत्थ नानपकारभेदतो विज्जातब्बो विनिच्छयो । एवं भिन्ने पनेत्थ चतुभूमकेसुपि कुसलखन्धेसु एको खन्धो तिण्णं खन्धानं, तयो एकस्स, द्वे द्विन्नन्ति एवं सब्बेपि अज्जमज्जं सम्पयुत्तपचयेन पचय्यो । अकुसलविपाककिरियक्खन्धेसुपि एसेव नयोति एवमेत्थ पचय्युप्पन्नतोपि विज्जातब्बो विनिच्छयोति ।

सम्पयुत्तपचयनिर्देसवण्णना ।

### २०. विष्पयुत्तपचयनिर्देसवण्णना

२०. विष्पयुत्तपचयनिर्देसे **रूपिनो धम्मा अरूपीनन्ति** इदं ताव हदयवत्थुनो चेव चक्खुन्द्रियादीनञ्च वसेन वेदितब्बं । रूपधम्मसेसु हि एतेयेव छ कोट्टासा अरूपकखन्धानं विष्पयुत्तपचयेन पचय्या होन्ति । रूपायतनादयो पन आरम्भणधम्मा किञ्चापि विष्पयुत्तधम्मा, विष्पयुत्तपचय्या पन न होन्ति । किं कारणा? सम्पयोगासङ्काय अभावतो । अरूपिनो हि खन्धा चक्खादीनं वत्थूनं अब्भन्तरतो निक्खमन्ता विय उप्पज्जन्ति । तत्थ आसङ्का होति — “किं नु खो एते एतेहि सम्पयुत्ता, उदाहु विष्पयुत्ता”ति । आरम्भणधम्मा पन वत्थुनिस्सयेन उप्पज्जमानानं आरम्भणमत्ता होन्तीति नत्थि तेसु सम्पयोगासङ्का । इति सम्पयोगासङ्काय अभावतो न ते विष्पयुत्तपचय्या । हदयवत्थुआदीसु एव पनायं विष्पयुत्तपचयता वेदितब्बा । वुत्तम्पि चेत्तं पञ्हावारे — वत्थु कुसलानं खन्धानं विष्पयुत्तपचयेन पचय्यो । वत्थु अकुसलानं खन्धानं विष्पयुत्तपचयेन पचय्यो । चक्खायतनं चक्खुविज्जाणस्स विष्पयुत्तपचयेन पचय्यो । सोत... धान... जिक्का... कायायतनं कायविज्जाणस्स विष्पयुत्तपचयेन पचय्यो । वत्थु विपाकाब्याकतानं किरियाब्याकतानं खन्धानं विष्पयुत्तपचयेन पचय्योति ।

**अरूपिनो धम्मा रूपीनन्ति** इदं पन चतुन्नं खन्धानं वसेन वेदितब्बं । अरूपधम्मसेसु हि चत्तारो खन्धाव सहजातपुरेजातानं रूपधम्मानं विष्पयुत्तपचय्या होन्ति, निब्बानं पन अरूपम्पि समानं रूपस्स विष्पयुत्तपचयो न होति । “चतूहि सम्पयोगो चतूहि विष्पयोगो”ति हि वुत्तं । इति चतुन्नं अरूपकखन्धानंयेव विष्पयुत्तपचयता वेदितब्बा । वुत्तम्पि चेत्तं पञ्हावारे — सहजाता कुसला खन्धा चित्तसमुद्धानानं रूपानं विष्पयुत्तपचयेन पचय्यो । पच्छाजाता कुसला खन्धा पुरेजातस्स इमस्स कायस्स विष्पयुत्तपचयेन पचय्यो । पटिसन्धिक्खणे विपाकाब्याकता खन्धा कटत्तारूपानं विष्पयुत्तपचयेन पचय्यो, खन्धा वत्थुस्साति । एवं तावेत्थ पाळिवण्णना वेदितब्बा ।

अयं पन विष्पयुत्तपचयो नाम सङ्खेपतो पञ्चवोकारभवे वत्तमाना रूपारूपधम्मा । तेसु रूपं वत्थुनो चक्खादीनञ्च वसेन छधा भिन्नं, अरूपं पञ्चवोकारभवे उप्पन्नकुसलाकुसलविपाककिरियवसेन चतुधा भिन्नं । तस्स भूमितो कामावचरादिवसेन चतुधा, एकधा, तिधा, तिधाति एकदसधा भेदो होति । आरुप्पविपाकज्झि विष्पयुत्तपचयो न होतीति एवमेत्थ नानपकारभेदतो विज्जातब्बो विनिच्छयो ।

एवं भिन्ने पनेत्थ पञ्चवोकारभवे उप्पन्नं चतुभूमकम्पि कुसलं अकुसलञ्च अत्तना समुद्वापितचित्तसमुद्धानरूपस्स सहजातविष्युत्तपच्चयेन पच्चयो होति । उप्पादक्खणं पन अतिक्कमित्वा ठितिक्खणं पत्तस्स पुरेजातस्स चतुसमुद्धानिकतिसमुद्धानिकरूपकायस्स पच्छाजातविष्युत्तपच्चयेन पच्चयो होति । एत्थ च तिसमुद्धानिककार्योति आहारसमुद्धानस्स अभावतो ब्रह्मपारिसज्जादीनं कायो वेदितब्बो । कामावचररूपावचरविपाकं पन पवत्ते चित्तसमुद्धानरूपस्स, पटिसन्धियं कटत्तारूपस्स च सहजातविष्युत्तपच्चयेन पच्चयो होति । लोकुत्तरविपाकं चित्तसमुद्धानरूपस्सेव । तिविधम्पि पनेतं पुरेजातस्स चतुसमुद्धानिकतिसमुद्धानिककायस्स पच्छाजातविष्युत्तपच्चयेन पच्चयो । तेभूमकम्पि किरियं चित्तसमुद्धानस्स सहजातविष्युत्तपच्चयेन पच्चयो, पुरेजातस्स चतुसमुद्धानिकतिसमुद्धानिककायस्स पच्छाजातविष्युत्तपच्चयेन पच्चयो । छ्धा ठितेसु पन रूपेसु वत्थुरुपं पटिसन्धिक्खणे कामावचररूपावचरविपाकानं सहजातविष्युत्तपच्चयेन पच्चयो, पवत्ते उप्पज्जमानानं चतुभूमककुसलानं अकुसलानं द्विपञ्चविज्जाणवज्जानं तेभूमकविपाकानं तेभूमककिरियानञ्च पुरेजातविष्युत्तपच्चयेन पच्चयो । चक्खायतनादीनि चक्खुविज्जाणादीनि पुरेजातविष्युत्तपच्चयेन पच्चयोति एवमेत्थ पच्चयुप्पन्नतोपि विज्जातब्बो विनिच्छयोति ।

विष्युत्तपच्चयनिद्देसवण्णना ।

## २१. अत्थिपच्चयनिद्देसवण्णना

२१. अत्थिपच्चयनिद्देसे चत्तारो खन्धातिआदीहि सहजातवसेन अत्थिपच्चयो निद्दिट्ठो । चक्खायतनन्तिआदीहि पुरेजातवसेन । यं रूपं निस्सायाति एत्थ सहजातपुरेजातवसेन अत्थिपच्चयो निद्दिट्ठो । एवमयं पाळि सहजातपुरेजातानञ्जेव अत्थिपच्चयानं वसेन आगता । पञ्हावारे पन सहजातं, पुरेजातं, पच्छाजातं, आहारं, इन्द्रियन्ति इमेसं वसेन आगतत्ता पच्छाजातआहारिन्द्रियवसेनापि अत्थिपच्चयो लब्भति । इध पन सावसेसवसेन देसना कताति अयं तावेत्थ पाळिवण्णना ।

अयं पन अत्थिपच्चयो नाम दुविधो — अज्जमज्जतो, न अज्जमज्जतो । तत्थ अज्जमज्जं तिविधं — अरूपं अरूपेन, रूपं रूपेन, रूपारूपं रूपारूपेन । “चत्तारो खन्धा अरूपिणो”ति एत्थ हि सब्बचित्तुप्पत्तिवसेन अरूपं अरूपेन वुत्तं । “चत्तारो महाभूता”ति एत्थ सब्बसन्ततिवसेन रूपं रूपेन । “ओक्कन्तिक्खणे नामरूप”न्ति एत्थ पटिसन्धिखन्धानञ्जेव वत्थुनो च वसेन रूपारूपं रूपारूपेन वुत्तं । न अज्जमज्जम्पि तिविधं — “अरूपं रूपस्स, रूपं रूपस्स, रूपं अरूपस्स चित्तचेतसिका धम्मा”ति एत्थ हि पञ्चवोकारवसेन अरूपं रूपस्स वुत्तं । “महाभूता उपादारूपान”न्ति एत्थ सब्बसन्ततिवसेन रूपं रूपस्स । “चक्खायतनं चक्खुविज्जाणधातुया”तिआदीसु वत्थारम्भणवसेन रूपं अरूपस्स अत्थिपच्चयोति वुत्तं ।

अपिचेस अत्थिपच्चयो नाम सङ्केपतो खणत्तयप्पत्तं नामञ्चेव रूपञ्च, वत्तमाना पञ्चक्खन्धातिपि वत्तुं वट्ठति । सो जातिभेदतो कुसलाकुसलविपाककिरियरूपवसेन पञ्चधा भिज्जति । तत्थ कुसलो सहजातपच्छाजातवसेन दुविधो होति, तथा अकुसलो विपाककिरियसङ्घातो च । तेसु कुसलो कामावचरादिभेदेन चतुधा भिज्जति, अकुसलो कामावचरोव विपाको चतुभूमको, किरियासङ्घातो तिभूमको । रूपसङ्घातो अत्थिपच्चयो कामावचरोव । सो पन सहजातपुरेजातवसेन दुविधो । तत्थ पञ्च वत्थूनि आरम्भणानि च पुरेजातानेव, हृदयवत्थु सहजातं वा होति पुरेजातं वा । पञ्हावारे पन आगतो आहारो इन्द्रियञ्च सहजातादिभेदं न लभतीति एवमेत्थ नानप्पकारभेदतो विज्जातब्बो विनिच्छयो ।

एवं भिन्ने पनेत्थ चतुभूमककुसलोपि सहजातो अत्थिपच्चयो पञ्चवोकारे “एको खन्धो तिण्णन्नं खन्धान”न्तिआदिना नयेन अज्जमज्जं खन्धानञ्जेव चित्तसमुद्धानरूपस्स च ठपेत्वा पन रूपावचरकुसलं अवसेसो आरुणे सम्पयुत्तक्खन्धानञ्जेव सहजातकुसलो अत्थिपच्चयेन पच्चयो होति । चतुभूमको पनेस पञ्चवोकारे चतुसमुद्धानिकतिसमुद्धानिककायस्स पच्छाजातो कुसलो अत्थिपच्चयेन पच्चयो होति । अकुसलेपि एसेव नयो । सोपि हि पञ्चवोकारे सम्पयुत्तक्खन्धानञ्जेव चित्तसमुद्धानरूपस्स च, चतुवोकारे सम्पयुत्तक्खन्धानञ्जेव सहजाताकुसलो अत्थिपच्चयेन पच्चयो । पञ्चवोकारे चतुसमुद्धानिकतिसमुद्धानिककायस्स पच्छाजाताकुसलो अत्थिपच्चयेन पच्चयो ।

विपाकतो पन कामावचररूपावचरो अत्थिपच्चयो नियमेनेव पटिसन्धिक्खणे खन्धानञ्जेव कटत्तारूपस्स च सहजातत्थिपच्चयेन पच्चयो । पवत्ते पन सम्पयुत्तक्खन्धानञ्जेव चित्तसमुद्धानरूपस्स च सहजातत्थिपच्चयेन पच्चयो, ठितिपत्तस्स चतुसमुद्धानिकतिसमुद्धानिककायस्स पच्छाजातत्थिपच्चयेन पच्चयो । अरूपावचरविपाको पन आरुणे उप्पन्नलोकुत्तरविपाको च अत्तना सम्पयुत्तक्खन्धानञ्जेव सहजातत्थिपच्चयेन पच्चयो । पञ्चवोकारे लोकुत्तरविपाको सम्पयुत्तक्खन्धानञ्जेव चित्तसमुद्धानरूपस्स च सहजातत्थिपच्चयेन पच्चयो, चतुसमुद्धानिकतिसमुद्धानिककायस्स पच्छाजातत्थिपच्चयेन पच्चयो । किरियतो रूपावचरो अत्थिपच्चयो सम्पयुत्तक्खन्धानञ्जेव चित्तसमुद्धानरूपस्स च सहजातत्थिपच्चयेन पच्चयो, चतुसमुद्धानिकतिसमुद्धानिककायस्स पच्छाजातत्थिपच्चयेन पच्चयो । कामावचरारूपावचरो पन आरुणे सम्पयुत्तक्खन्धानञ्जेव, पञ्चवोकारे चित्तसमुद्धानरूपस्सापि सहजातत्थिपच्चयेन पच्चयो, चतुसमुद्धानिकतिसमुद्धानिककायस्स पच्छाजातत्थि पच्चयेन पच्चयो ।

रूपसङ्घातो पन अत्थिपच्चयो सहजातो, पुरेजातो, आहारो, इन्द्रियन्ति चतुर्विधो । तत्थ सहजातरूपत्थिपच्चयो चतुसमुद्धानवसेन चतुधा ठितो । तत्थ कम्मसमुद्धानो एकं महाभूतं तिण्णन्नं महाभूतानं, तीणि एकस्स, द्वे द्विन्नं, महाभूता उपादारूपानन्ति एवं सहजातत्थिपच्चयेन पच्चयो होति । पटिसन्धिक्खणे वत्थुरुपं कामावचररूपावचरविपाकक्खन्धानं सहजातत्थिपच्चयेन पच्चयो होति । तेसम्पि तिसमुद्धानिकरूपं एकं महाभूतं तिण्णन्नं महाभूतानं, तीणि एकस्स, द्वे द्विन्नं, महाभूता उपादारूपानन्ति एवं सहजातत्थिपच्चयेन पच्चयो होति । पुरेजातत्थिपच्चयो पन वत्थुपुरेजातआरम्भणपुरेजातवसेन दुविधो होति । सो दुविधोपि हेड्डा पुरेजातपच्चये वुत्तनयेनेव योजेत्वा गहेतब्बो । आहारत्थिपच्चयोपि हेड्डा कबळीकाराहारपच्चये योजितनयेनेव योजेतब्बो । इध पनेस अत्तनो अनिरुद्धक्खणे पच्चयभावेन अत्थिपच्चयोति वुत्तति एवमेत्थ रूपजीवितिन्द्रियम्पि हेड्डा इन्द्रियपच्चये रूपजीवितिन्द्रिययोजनायं वुत्तनयेनेव योजेतब्बं । इध पनेतम्पि अत्तनो अनिरुद्धक्खणेयेव पच्चयभावेन अत्थिपच्चयोति वुत्तन्ति एवमेत्थ पच्चयुप्पन्नतोपि विज्जातब्बो विनिच्छयोति ।

अत्थिपच्चयनिद्देसवण्णना ।

## २२. नत्थिपच्चयनिद्देसवण्णना

२२. नत्थिपच्चयनिद्देसे समनन्तरनिरुद्धाति अज्जेन चित्तुप्पादेन अनन्तरिका हुत्वा समनन्तरनिरुद्धा। पटुप्पन्नानन्ति पच्चुप्पन्नान्। इमिना नत्थिपच्चयस्स ओकासदानट्ठेन नत्थिपच्चयभावं सार्धेति। पुरिमेसु हि निरोधवसेन पच्छिमानं पवत्तनोकासं अदेत्तेसु तेसं पटुप्पन्नभावो न सियाति अयमेत्थ पाळिवण्णना। सेसं सब्बं अनन्तरपच्चये वुत्तनयेनेव वेदितब्बं। पच्चयलक्षणमेव हेत्थ नानं, पच्चयानं पन पच्चयुप्पन्नानज्ज नानाकरणं नत्थि। केवलं पन तत्थ “चक्खुविज्जाणधातु तंसम्पयुत्तका च धम्मा मनोधातुया”तिआदिना नयेन पच्चया च पच्चयुप्पन्ना च सरूपतो दस्सिता। इध पन “समनन्तरनिरुद्धा चित्तचेतसिका धम्मा पटुप्पन्नानं चित्तचेतसिकानं धम्मानं”न्ति सब्बेपि ते निरोधुप्पादवसेन सामज्जतो दस्सिताति।

नत्थिपच्चयनिद्देसवण्णना।

### २३. विगतपच्चयनिद्देसवण्णना

२३. विगतपच्चयनिद्देसे समनन्तरविगताति समनन्तरमेव विगता। इमिना विगतपच्चयस्स विगच्छमानभावेनेव पच्चयभावं दस्सेति। इति नत्थिपच्चयस्स च इमस्स च व्यज्जनमत्तेयेव नानत्तं, न अत्थेति।

विगतपच्चयनिद्देसवण्णना।

### २४. अविगतपच्चयनिद्देसवण्णना

२४. अविगतपच्चयनिद्देसे चत्तारो खन्धातिआदीनं सब्बाकारेन अत्थिपच्चयनिद्देसे वुत्तनयेनेव अत्थो वेदितब्बो। इमस्सपि हि पच्चयस्स अत्थिपच्चयेन सद्धि व्यज्जनमत्तेयेव नानत्तं, न अत्थेति।

अविगतपच्चयनिद्देसवण्णना।

### पच्चयनिद्देसपकिण्णकविनिच्छयकथा

इदानी एवं उद्देसनिद्देसतो दस्सितेसु इमेसु चतुर्वीसतिया पच्चयेसु जाणचारस्स विसदभावत्थं अनेकधम्मानं एकपच्चयभावतो, एकधम्मस्स अनेकपच्चयभावतो, एकपच्चयस्स अनेकपच्चयभावतो, पच्चयसभागतो, पच्चयविसभागतो, युगळकतो, जनकाजनकतो, सब्बट्टानिकासब्बट्टानिकतो, रूपं रूपस्सातिआदिविकप्पतो, भवभेदतोति इमेसं दस्सनं पदानं वसेन पकिण्णकविनिच्छयो वेदितब्बो। तत्थ अनेकधम्मानं एकपच्चयभावतोति एतेसु हि ठपेत्वा कम्मपच्चयं अवसेसेसु तेवीसतिया पच्चयेसु अनेकधम्मा एकतो पच्चया होन्ति। कम्मपच्चयो पन एको चेतनाधम्मोयेवाति एवं तावेत्थ अनेकधम्मानं एकपच्चयभावतो विनिच्छयो वेदितब्बो।

एकधम्मस्स अनेकपच्चयभावतोति हेतुपच्चये ताव अमोहो एको धम्मो। सो पुरेजातकम्माहारज्ञानपच्चयोव न होति, सेसानं वीसतिया पच्चयानं वसेन पच्चयो होति। अलोभादोसा इन्द्रियमग्गपच्चयापि न होन्ति, सेसानं अट्टारसन्नं पच्चयानं वसेन पच्चया होन्ति। लोभमोहा विपाकपच्चयापि न होन्ति, सेसानं सत्तरसन्नं पच्चयानं वसेन पच्चया होन्ति। दोसो अधिपतिपच्चयोपि न होति, सेसानं सोळसन्नं पच्चयानं वसेन पच्चयो होति। आरम्मणपच्चये रूपायतनं चक्खुविज्जाणधातुया आरम्मणपुरेजातअत्थिअविगतवसेन चतुधा पच्चयो; तथा मनोधातुया अहेतुकमनोविज्जाणधातुया च। सहेतुकाय पन आरम्मणाधिपतिआरम्मणूपनिस्सयवसेनापि पच्चयो होति। इमिना नयेन सब्बेसं आरम्मणपच्चयधम्मानं अनेकपच्चयभावो वेदितब्बो।

अधिपतिपच्चये आरम्मणाधिपतिनो आरम्मणपच्चये वुत्तनयेनेव अनेकपच्चयभावो वेदितब्बो। सहजाताधिपतीसु वीमंसा अमोहहेतु विय वीसतिधा पच्चयो होति। छन्दो हेतुपुरेजातकम्मआहारइन्द्रियज्ञानमग्गपच्चयो न होति, सेसानं सत्तरसन्नं पच्चयानं वसेन पच्चयो होति। चित्तं हेतुपुरेजातकम्मज्ञानमग्गपच्चयो न होति, सेसानं एकूनवीसतिया पच्चयानं वसेन पच्चयो होति। वीरियं हेतुपुरेजातकम्मआहारज्ञानपच्चयो न होति, सेसानं एकूनवीसतिया वसेन पच्चयो होति।

अनन्तरपच्चये “चक्खुविज्जाणधातू”तिआदिना नयेन वुत्तेसु चतूसु खन्धेसु वेदनाक्खन्धो हेतुपुरेजातकम्मआहारमग्गपच्चयो न होति, सेसानं एकूनवीसतिया वसेन पच्चयो होति। सज्जाक्खन्धो इन्द्रियज्ञानपच्चयोपि न होति, सेसानं सत्तरसन्नं वसेन पच्चयो होति। सङ्गारक्खन्धे हेतु हेतुपच्चये वुत्तनयेन, छन्दवीरियानि अधिपतिपच्चये वुत्तनयेनेव पच्चया होन्ति। फस्सो हेतुपुरेजातकम्मइन्द्रियज्ञानमग्गपच्चयो न होति, सेसानं अट्टारसन्नं वसेन पच्चयो होति। चेतना हेतुपुरेजातइन्द्रियज्ञानमग्गपच्चयो न होति। सेसानं एकूनवीसतिया वसेन पच्चयो होति। वितक्को हेतुपुरेजातकम्मआहारिन्द्रियपच्चयो न होति, सेसानं एकूनवीसतिया वसेन पच्चयो होति। विचारो मग्गपच्चयोपि न होति, सेसानं अट्टारसन्नं वसेन पच्चयो होति। पीति तेसज्जेव वसेन पच्चयो होति। चित्तेकगता हेतुपुरेजातकम्मआहारपच्चयो न होति, सेसानं वीसतिया वसेन पच्चयो होति। सद्धा हेतुपुरेजातकम्मआहारज्ञानमग्गपच्चयो न होति, सेसानं अट्टारसन्नं वसेन पच्चयो होति। सति तेहि चैव मग्गपच्चयेन चाति एकूनवीसतिया वसेन पच्चयो होति। जीवितिन्द्रियं सङ्गाय वुत्तानं अट्टारसन्नं वसेन पच्चयो होति। हिरोत्तपं ततो इन्द्रियपच्चयं अपनेत्वा सेसानं सत्तरसन्नं वसेन पच्चयो होति। तथा कायपस्सद्भादीनि युगळकानि, येवापनकेसु अधिमोक्खमनसिकारतत्रमज्जत्तता करुणामुदिता च। विरतियो पन तेहि चैव मग्गपच्चयेन चाति अट्टारसत्था पच्चया होन्ति। मिच्छादिट्ठि ततो विपाकपच्चयं अपनेत्वा सत्तरसत्था, मिच्छावाचाकम्मन्ताजीवा तेहि चैव कम्मआहारपच्चयेहि चाति एकूनवीसतिधा। अहिरिकं अनोत्तपं मानो थिनं मिद्धं उद्धचन्ति इमे हेतुपुरेजातकम्मविपाकाहारिन्द्रियज्ञानमग्गपच्चया न होन्ति, सेसानं पन सोळसन्नं पच्चयानं वसेन पच्चया होन्ति। विचिकिच्छाइस्सामच्छरियकुक्कुच्चाणि ततो अधिपतिपच्चयं अपनेत्वा पन्नरसत्था विज्जाणक्खन्धस्स। अधिपतिपच्चये वुत्तनयेनेव अनेकपच्चयभावो वेदितब्बो। समनन्तरपच्चयेपि एसेव नयो।

सहजातपच्चये चतूसु ताव खन्धेसु एकेकस्स धम्मस्स अनेकपच्चयभावो वुत्तनयेनेव वेदितब्बो। चत्तारि महाभूतानि आरम्मणआरम्मणाधिपतिसहजातअज्जमज्जनिस्सयउपनिस्सयपुरेजातअत्थिअविगतवसेन नवधा पच्चया होन्ति। हृदयवत्थु तेसज्जेव विप्पयुत्तस्स च वसेन दसधा पच्चयो होति। अज्जमज्जपच्चये अपुब्बं नत्थि। निस्सयपच्चये चक्खायतनादीनि आरम्मणआरम्मणाधिपतिनिस्सयउपनिस्सयपुरेजातइन्द्रियविप्पयुत्तअत्थिअविगतवसेन नवधा

पचय्या होन्ति । उपनिस्सये अपुब्बं नत्थि । पुरेजातपच्यये रूपसङ्गन्धरसायतनानि आरम्मणआरम्मणाधिपतिउपनिस्सयपुरेजातअत्थिअविगतवसेन छद्वा पचय्या होन्ति । एतकमेवेत्थ अपुब्बं । पच्छाजातादीसु अपुब्बं नत्थि । आहारपच्यये कबळीकाराहारो आरम्मणआरम्मणाधिपतिउपनिस्सयआहारअत्थिअविगतवसेन छद्वा पच्ययो होति । इन्द्रियादीसु अपुब्बं नत्थि । एवमेत्थ एकधम्मस्स अनेकपच्ययभावतोपि विज्जातब्बो विनिच्छयो ।

**एकपच्ययस्स अनेकपच्ययभावतोति** हेतुपच्ययादीसु यस्स कस्सचि एकस्स पच्ययस्स येनाकारेन येनत्थेन यो पच्ययुप्पन्नानं पच्ययो होति, तं आकारं तं अत्थं अविजहित्वाव अज्जेहिपि येहाकारेहि येहि अत्थेहि सो तस्मिज्जेव खणे तेसं धम्मानं अनेकपच्ययभावं गच्छति, ततो अनेकपच्ययभावतो तस्स विनिच्छयो वेदितब्बोति अत्थो । सेव्यधिदं — अमोहो हेतुपच्ययो, सो हेतुपच्ययत्तं अविजहन्तोव अधिपतिसहजातअज्जमज्जनिस्सयविपाकइन्द्रियमगगसम्पयुत्तविष्णुत्तअत्थिअविगतानं वसेन अपरेहिपि एकादसहाकारेहि अनेकपच्ययभावं गच्छति । अलोभादोसा ततो अधिपतिइन्द्रियमगगपच्यये तयो अपनेत्वा सेसानं वसेन अनेकपच्ययभावं गच्छन्ति । इदं विपाकहेतूसुयेव लब्भति, कुसलकिरियेसु पन विपाकपच्ययता परिहायति । लोभदोसमोहा ते तयो विपाकज्जाति चत्तारो अपनेत्वा सेसानं वसेन अनेकपच्ययभावं गच्छन्ति ।

आरम्मणपच्ययो तं आरम्मणपच्ययत्तं अविजहन्त्येव आरम्मणाधिपतिनिस्सयउपनिस्सयपुरेजातविष्णुत्तअत्थिअविगतानं वसेन अपरेहिपि सत्तहाकारेहि अनेकपच्ययभावं गच्छति । अयमेत्थ उक्कड्डपरिच्छेदो, अरूपधम्मानं पन अतीतानागतानं वा रूपधम्मानं आरम्मणपच्ययभावे सति आरम्मणाधिपतिआरम्मणूपनिस्सयमत्तज्जेव उत्तरि लब्भति । अधिपतिपच्यये वीमंसा अमोहसदिसा । छन्दो अधिपतिपच्ययो अधिपतिपच्ययत्तं अविजहन्तोव सहजातअज्जमज्जनिस्सयविपाकसम्पयुत्तविष्णुत्तअत्थिअविगतानं वसेन अपरेहिपि अट्टहाकारेहि अनेकपच्ययभावं गच्छति । वीरियं तेसज्जेव इन्द्रियमगगपच्ययानज्जाति इमेसं वसेन अपरेहिपि दसहाकारेहि अनेकपच्ययभावं गच्छति । चित्तं ततो मगगपच्ययं अपनेत्वा आहारपच्ययं पक्खिपित्वा इमेसं वसेन अधिपतिपच्ययतो उत्तरि दसहाकारेहि अनेकपच्ययभावं गच्छति । आरम्मणाधिपतिनो पन हेट्ठा आरम्मणपच्यये वुत्तनयेनेव अनेकपच्ययभावो वेदितब्बो ।

अनन्तरसमनन्तरपच्यया अनन्तरसमनन्तरपच्ययत्तं अविजहन्ताव उपनिस्सयकम्मआसेवननत्थिअविगतानं वसेन अपरेहिपि पञ्चहाकारेहि अनेकपच्ययभावं गच्छन्ति । अरियमगगचेतनायेव चेत्य कम्मपच्ययत्तं लभति, न सेसधम्मा । सहजातपच्ययो सहजातपच्ययत्तं अविजहन्तोव हेतुअधिपतिअज्जमज्जनिस्सयकम्मविपाकआहारइन्द्रियज्ञानमगगसम्पयुत्तविष्णुत्तअत्थिअविगतानं वसेन अपरेहि चुट्टसहाकारेहि अनेकपच्ययभावं गच्छति । अयम्पि उक्कड्डपरिच्छेदो वत्थुसहजातादीनं पन वसेनेत्थ हेतुपच्ययादीनं अभावोपि वेदितब्बो । अज्जमज्जपच्ययेपि एसेव नयो ।

निस्सयपच्ययो निस्सयपच्ययत्तं अविजहन्तोव चतुवीसतिया पच्ययेसु अत्तनो निस्सयपच्ययत्तज्जेव अनन्तरसमनन्तरपच्छाजातआसेवननत्थिअविगतपच्यये च छ अपनेत्वा सेसानं वसेन अपरेहिपि सत्तरसहाकारेहि अनेकपच्ययभावं गच्छति । अयम्पि उक्कड्डपरिच्छेदोव वत्थुनिस्सयादीनं पन वसेनेत्थ हेतुपच्ययादीनं आभावोपि वेदितब्बो ।

उपनिस्सयपच्यये आरम्मणूपनिस्सयो आरम्मणाधिपतिसदिसो । अनन्तरूपनिस्सयो अनन्तरूपनिस्सयपच्ययत्तं अविजहन्तोव अनन्तरसमनन्तरकम्मआसेवननत्थिअविगतानं वसेन अपरेहिपि छहाकारेहि अनेकपच्ययभावं गच्छति । अरियमगगचेतनायेव चेत्य कम्मपच्ययत्तं लभति, न सेसधम्मा । पकतूपनिस्सयो पकतूपनिस्सयोव । पुरेजातपच्ययो अत्तनो पुरेजातपच्ययत्तं अविजहन्तोव आरम्मणआरम्मणाधिपतिनिस्सयउपनिस्सयइन्द्रियविष्णुत्तअत्थिअविगतानं वसेन अपरेहिपि अट्टहाकारेहि अनेकपच्ययभावं गच्छति । अयम्पि उक्कड्डनिद्वेसोव आरम्मणपुरेजाते पनेत्थ निस्सयइन्द्रियविष्णुत्तपच्ययता न लब्भति । इतो उत्तरिपि लब्भमानालब्भमानं वेदितब्बं । पच्छाजातपच्ययो अत्तनो पच्छाजातपच्ययभावं अविजहन्तोव विष्णुत्तअत्थिअविगतानं वसेन अपरेहिपि तीहाकारेहि अनेकपच्ययभावं गच्छति । आसेवनपच्ययो आसेवनपच्ययत्तं अविजहन्तोव अनन्तरसमनन्तरउपनिस्सयनत्थिअविगतानं वसेन अपरेहिपि पञ्चहाकारेहि अनेकपच्ययभावं गच्छति ।

कम्मपच्ययो कम्मपच्ययत्तं अविजहन्तोव एकक्खणिको ताव सहजातअज्जमज्जनिस्सयविपाकआहारसम्पयुत्तविष्णुत्तअत्थिअविगतानं वसेन अपरेहिपि नवहाकारेहि अनेकपच्ययभावं गच्छति । नानाक्खणिको उपनिस्सयअनन्तरसमनन्तरनत्थिअविगतानं वसेन अपरेहिपि पञ्चहाकारेहि अनेकपच्ययभावं गच्छति । विपाकपच्ययो विपाकपच्ययत्तं अविजहन्तोव हेतुअधिपतिसहजातअज्जमज्जनिस्सयकम्मआहारइन्द्रियज्ञानमगगसम्पयुत्तविष्णुत्तअत्थिअविगतानं वसेन अपरेहिपि चुट्टसहाकारेहि अनेकपच्ययभावं गच्छति । आहारपच्यये कबळीकारो आहारो आहारपच्ययत्तं अविजहन्तोव अत्थिअविगतानं वसेन अपरेहिपि द्वीहाकारेहि अनेकपच्ययभावं गच्छति । सेसा तयो आहारपच्ययत्तं अविजहन्ताव यथानुरूपं अधिपतिसहजातअज्जमज्जनिस्सयकम्मविपाकइन्द्रियसम्पयुत्तविष्णुत्तअत्थिअविगतानं वसेन अपरेहिपि एकादसहाकारेहि अनेकपच्ययभावं गच्छन्ति ।

इन्द्रियपच्यये रूपिनो पञ्चिन्द्रिया इन्द्रियपच्ययत्तं अविजहन्ताव निस्सयपुरेजातविष्णुत्तअत्थिअविगतानं वसेन अपरेहिपि पञ्चहाकारेहि अनेकपच्ययभावं गच्छन्ति । रूपजीवितिन्द्रियम्पि इन्द्रियपच्ययत्तं अविजहन्तज्जेव अत्थिअविगतानं वसेन अपरेहिपि द्वीहाकारेहि अनेकपच्ययभावं गच्छति । अरूपिनो इन्द्रियानिपि यथानुरूपं इन्द्रियपच्ययत्तं अविजहन्तानेव हेतुअधिपतिसहजातअज्जमज्जनिस्सयविपाकआहारज्ञानमगगसम्पयुत्तविष्णुत्तअत्थिअविगतानं वसेन अपरेहिपि तेरसहाकारेहि अनेकपच्ययभावं गच्छन्ति । ज्ञानपच्ययो ज्ञानपच्ययत्तं अविजहन्तोव यथानुरूपं सहजातअज्जमज्जनिस्सयविपाकइन्द्रियमगगसम्पयुत्तविष्णुत्तअत्थिअविगतानं वसेन अपरेहिपि दसहाकारेहि अनेकपच्ययभावं गच्छति । मगगपच्ययो मगगपच्ययत्तं अविजहन्तोव यथानुरूपं ज्ञानपच्यये वुत्तानं दसन्नं हेतुअधिपतीनज्जाति इमेसं वसेन अपरेहिपि द्वादसहाकारेहि अनेकपच्ययभावं गच्छति ।

सम्पयुत्तपच्ययो सम्पयुत्तपच्ययत्तं अविजहन्तोव यथानुरूपं हेतुअधिपतिसहजातअज्जमज्जनिस्सयकम्मविपाकआहारइन्द्रियज्ञानमगगअत्थिअविगतानं वसेन अपरेहिपि तेरसहाकारेहि अनेकपच्ययभावं गच्छति । विष्णुत्तपच्ययो विष्णुत्तपच्ययत्तं अविजहन्तोव अनन्तरसमनन्तरआसेवनसम्पयुत्तनत्थिअविगतसङ्काते छ पच्यये अपनेत्वा सेसानं वसेन यथानुरूपं अपरेहिपि सत्तरसहाकारेहि अनेकपच्ययभावं गच्छति । तत्थ रूपस्स च अरूपस्स च पच्ययविभागो वेदितब्बो । अत्थिपच्ययो अत्थिपच्ययत्तं अविजहन्तोव अनन्तरसमनन्तरआसेवननत्थिअविगतसङ्काते पञ्च पच्यये अपनेत्वा सेसानं वसेन यथानुरूपं अपरेहि अट्टारसहाकारेहि अनेकपच्ययभावं गच्छति । नत्थिपच्ययविगतपच्यया अनन्तरपच्ययसदिसा । अविगतपच्ययो अत्थिपच्ययसदिसोयेवाति एवमेत्थ एकपच्ययस्स अनेकपच्ययभावतोपि विज्जातब्बो विनिच्छयो ।

**पच्ययसभागतोति** एतेसु हि चतुवीसतिया पच्ययेसु अनन्तरसमनन्तरअनन्तरूपनिस्सयआसेवननत्थिअविगता सभागा, तथा



आरम्भणआरम्भणाधिपतिआरम्भणूपनिस्सयाति इमिना उपायेनेत्थ पच्चयसभागतोपि विज्जातब्बो विनिच्छयो।

**पच्चयविसभागतो**ति पुरेजातपच्चयो पनेत्थ पच्छाजातपच्चयेन विसभागो, तथा सम्पयुत्तपच्चयो विप्ययुत्तपच्चयेन, अत्थिपच्चयो नत्थिपच्चयेन, विगतपच्चयो अविगतपच्चयेनाति इमिना उपायेनेत्थ पच्चयविसभागतोपि विज्जातब्बो विनिच्छयो।

**युगळकतो**ति एतेसु च अत्थसरिक्खताय, सदसरिक्खताय, कालपटिपक्खताय, हेतुफलताय, अज्जमज्जपटिपक्खतायाति इमेहि कारणेहि युगळकतो विज्जातब्बो विनिच्छयो। अनन्तरसमनन्तरा हि अत्थसरिक्खताय एकं युगळकं नाम; निस्सयूपनिस्सया सदसरिक्खताय, पुरेजातपच्छाजाता कालपटिपक्खताय, कम्मपच्चयविपाकपच्चया हेतुफलताय, सम्पयुत्तविप्ययुत्तपच्चया अज्जमज्जपटिपक्खताय एकं युगळकं नाम, तथा अत्थिनत्थिपच्चया, विगताविगतपच्चया चाति एवमेत्थ युगळकतोपि विज्जातब्बो विनिच्छयो। **जनकाजनकतो**ति एतेसु च अनन्तरसमनन्तरानन्तरूपनिस्सयपकतूपनिस्सयासेवनपच्चया नानाक्खणिको, कम्मपच्चयो, नत्थिपच्चयो, विगताविगतपच्चयाति इमे पच्चया जनकायेव, न अजनका। पच्छाजातपच्चयो केवलं उपत्थम्भकोयेव, न जनको। सेसा जनका च अजनका च उपत्थम्भका चाति अत्थो। एवमेत्थ जनकाजनकतोपि विज्जातब्बो विनिच्छयो।

**सब्बट्टानिकासब्बट्टानिकतो**ति एतेसु च सहजातनिस्सयअत्थिअविगतपच्चया सब्बट्टानिका नाम, सब्बेसं सङ्गतानं रूपारूपधम्मानं ठानभूता कारणभूताति अत्थो। एतेहि विना उपज्जमानो एकधम्मोपि नत्थीति। आरम्भणआरम्भणाधिपतिअनन्तरसमनन्तरानन्तरूपनिस्सयपकतूपनिस्सयासेवनसम्पयुत्तनत्थिअविगतपच्चया असब्बट्टानिका नाम। न सब्बेसं रूपारूपधम्मानं ठानभूता, अरूपक्खन्धानज्जेव पन ठानभूता कारणभूताति अत्थो। अरूपधम्मायेव हि एतेहि उपज्जन्ति, न रूपधम्मा। पुरेजातपच्छाजातापि असब्बट्टानिका अरूपरूपानज्जेव यथाक्कमेन पच्चयभावतो। वृत्तावसेसापि एकच्चानं रूपारूपधम्मानं उपपत्तिहेतुतो न सब्बट्टानिकाति एवमेत्थ सब्बट्टानिका सब्बट्टानिकतोपि विज्जातब्बो विनिच्छयो।

**रूपं रूपस्सातिआदिविकप्पतो**ति एतेसु च चतुर्वीसतिया पच्चयेसु एकपच्चयोपि एकन्तेन रूपमेव हुत्वा रूपस्सेव पच्चयो नाम नत्थि, एकन्तेन पन रूपं हुत्वा अरूपस्सेव पच्चयो नाम अत्थि। कतरो पनेसोति? पुरेजातपच्चयो। पुरेजातपच्चयो हि एकन्तेन रूपमेव हुत्वा अरूपस्सेव पच्चयो होति। एकन्तेन रूपमेव हुत्वा रूपारूपस्सेव पच्चयो नामातिपि नत्थि, एकन्तेन पन अरूपं हुत्वा अरूपस्सेव पच्चयो नाम अत्थि। कतरो पनेसोति? अनन्तरसमनन्तरआसेवनसम्पयुत्तनत्थिअविगतवसेन छब्बिधो। सो हि सब्बोपि एकन्तेन अरूपमेव हुत्वा अरूपस्सेव पच्चयो होति। एकन्तेन अरूपमेव हुत्वापि एकन्तेन रूपस्सेव पच्चयो नामातिपि अत्थि। कतरो पनेसोति? पच्छाजातपच्चयो। सो हि एकन्तेन अरूपं हुत्वा रूपस्सेव पच्चयो होति; एकन्तेन पन अरूपधम्मोव हुत्वा रूपारूपानं पच्चयोपि अत्थि। कतरो पनेसोति? हेतुकम्मविपाकझानमग्गवसेन पच्चविधो। सो हि सब्बोपि एकन्तेन अरूपमेव हुत्वा रूपधम्मानं अरूपधम्मानमपि पच्चयो होति। एकन्तेन पन रूपारूपमेव हुत्वा रूपस्सेव पच्चयो नामातिपि नत्थि, अरूपस्सेव पन होति। कतरो पनेसोति? आरम्भणपच्चयो चेव उपनिस्सयपच्चयो च। इदं द्वयं एकन्तेन रूपारूपमेव हुत्वा अरूपस्सेव पच्चयो होति। एकन्तेन रूपारूपमेव हुत्वा पन रूपारूपस्सेव पच्चयो नामातिपि अत्थि। कतरो पनेसोति? अधिपतिसहजातअज्जमज्जनिस्सयआहारइन्द्रियविप्ययुत्तअत्थिअविगतवसेन नवविधो। सो हि सब्बोपि एकन्तेन रूपारूपमेव हुत्वा रूपारूपस्सेव पच्चयो होतीति एवमेत्थ रूपं रूपस्सातिआदिविकप्पतोपि विज्जातब्बो विनिच्छयो।

**भवभेदतो**ति इमेसु पन चतुर्वीसतिया पच्चयेसु पच्चवोकारभवे ताव न कोचि पच्चयो न लब्भति नाम। चतुर्वोकारभवे पन तयो पुरेजातपच्छाजातविप्ययुत्तपच्चये अपनेत्वा सेसा एकवीसतिमेव लब्भन्ति। एकवोकारभवे सहजातअज्जमज्जनिस्सयकम्मइन्द्रियअत्थिअविगतवसेन सत्तेव लब्भन्ति। बाहिरे पन अनिन्द्रियबद्धरूपे सहजातअज्जमज्जनिस्सयअत्थिअविगतवसेन पच्चेव लब्भन्तीति एवमेत्थ भवभेदतोपि विज्जातब्बो विनिच्छयोति।

पच्चयनिद्देसवारवण्णना निद्विता।

## पुच्छावारो

### १. पच्चयानुलोमवण्णना

एवं अनुलोमपट्टानादीसु तिकपट्टानादिवसेन चतुर्वीसतिसमन्तपट्टानसमोधाने पट्टानमहापकरणे ये तिकादयो निस्साय निद्विट्ता एतं तिकपट्टानं, दुक्पट्टानं...पे०... दुक्दुक्पट्टानन्ति वृत्तं। ते अनामसित्वा येसं पच्चयानं वसेन ते तिकादयो विभत्ता, ते पच्चये एव ताव इमिना मातिकानिक्खेपपच्चयविभङ्गसङ्घातेन वारेन उद्देसतो च निद्देसतो च दस्सेत्वा, इदानीं ये तिकादयो निस्साय निद्विट्ता एतं तिकपट्टानं, दुक्पट्टानं...पे०... दुक्दुक्पट्टानन्ति वृत्तं। ते तिकादयो इमेसं पच्चयानं वसेन वित्थारेत्वा दस्सेतुं एकेकं तिकदुकं निस्साय सत्तिहा महावारेहि देसना कता। तेसं इमानि नामानि — पटिच्चवारो, सहजातवारो, पच्चयवारो, निस्सयवारो, संसट्टवारो, सम्पयुत्तवारो, पञ्हावारोति।

तत्थ “कुसलं धम्मं पटिच्च कुसलो धम्मो”ति एवं पटिच्चाभिधानवसेन वृत्तो **पटिच्चवारो** नाम। कुसलं धम्मं सहजातो कुसलो धम्मो”ति एवं सहजाताभिधानवसेन वृत्तो **सहजातवारो** नाम। सो पुरिमेन पटिच्चवारेन अत्थतो निन्नानाकरणो। पटिच्चाभिधानवसेन बुज्जनकानं वसेन पन पठमो वृत्तो, सहजाताभिधानवसेन बुज्जनकानं वसेन दुतियो। द्वीसुपि चेतेसु रूपारूपधम्मवसेन पच्चया चेव पच्चयुप्पन्नधम्मा च वेदितब्बा। ते च खो सहजाताव, न पुरेजातपच्छाजाता लब्भन्ति। “कुसलं धम्मं पच्चया कुसलो धम्मो”ति एवं पच्चयाभिधानवसेन वृत्तो पन **पच्चयवारो** नाम। सोपि पुरिमवारद्वयं विय रूपारूपधम्मवसेनेव वेदितब्बो। पच्चयो पनेत्थ पुरेजातोपि लब्भति। अयमस्स पुरिमवारद्वयतो विसो। तदनन्तरं “कुसलं धम्मं निस्साय कुसलो धम्मो”ति एवं निस्सयाभिधानवसेन वृत्तो **निस्सयवारो** नाम। सो पुरिमेन पच्चयवारेन अत्थतो निन्नानाकरणो। पच्चयाभिधानवसेन बुज्जनकानं वसेन पन पठमो वृत्तो, निस्सयाभिधानवसेन बुज्जनकानं वसेन दुतियो। ततो परं “कुसलं धम्मं संसट्टो कुसलो धम्मो”ति एवं संसट्टाभिधानवसेन वृत्तो **संसट्टवारो** नाम। “कुसलं धम्मं सम्पयुत्तो कुसलो धम्मो”ति एवं सम्पयुत्ताभिधानवसेन वृत्तो **सम्पयुत्तवारो** नाम। सो पुरिमेन संसट्टवारेन अत्थतो निन्नानाकरणो। संसट्टाभिधानवसेन बुज्जनकानं वसेन पन पठमो वृत्तो, सम्पयुत्ताभिधानवसेन दुतियो। द्वीसुपि चेतेसु अरूपधम्मवसेनेव पच्चया पच्चयुप्पन्ना च वेदितब्बा। सत्तमवारे पन यस्मा “कुसलो धम्मो कुसलस्स धम्मस्स हेतुपच्चयेन पच्चयो”तिआदिना नयेन ते ते पञ्चे उद्धरित्वा पुन “कुसला हेतू सम्पयुत्तकानं खन्धान”तिआदिना नयेन सब्बेपि ते पञ्हा निज्जटा निग्गुम्बा च कत्वा विभत्ता, तस्मा सो वारो पञ्चानं साधुकं विभत्तता **पञ्हावारो**त्वेव सङ्ख्यं गतो। रूपारूपधम्मवसेनेव पनेत्थ पच्चयापि

पचयुपपन्नापि वेदितव्या ।

तत्थ यो ताव एस सब्बपठमो पटिच्चवारो नाम, सो उद्देसतो निद्देसतो च दुविधो होति । तत्थ उद्देसवारो पठमो, पुच्छावारोतिपि वुच्चति । पण्णत्तिवारोतिपि तस्सेव नाम । सो हि कुसलादयो पटिच्च कुसलादीनं हेतुपचयादीनं वसेन उद्धट्ठता उद्देसवारो, कुसलादयो पटिच्च हेतुपचयादिवसेन कुसलादीनं उपत्तिया पुच्छितत्ता पुच्छावारो, कुसलादयो पटिच्च हेतुपचयादिवसेन कुसलादीनं उपत्तिया पज्जापितत्ता पण्णत्तिवारोतिपि वुत्तो ।

**३५-३४. तत्थ सिया कुसलं धम्मं पटिच्च कुसलो धम्मो उपपज्जेय्य हेतुपचयाति** परिकप्पपुच्छा । अयज्जेत्थ अत्थो — यो कुसलो धम्मो उपपज्जेय्य हेतुपचया, किं सो कुसलं धम्मं पटिच्च सियाति अथ वा कुसलं धम्मं पटिच्च यो कुसलो धम्मो उपपज्जेय्य, सो हेतुपचया सियाति अयमेत्थ अत्थो । तत्थ पटीति सदिसत्थे वत्तति । सदिसपुगलो हि पटिपुगलो, सदिसभागो च पटिभागोति वुच्चति । **इच्चाति** गमनुस्सुक्कवचनमेतं । उभयं एकतो कत्वा **पटिच्चाति** पटिगन्त्वा सहुप्पत्तिसङ्घातेन सदिसभावेन पत्वा, तेन सद्धिं एकतो उपत्तिभावं उपगन्त्वाति वुत्तं होति । **कुसलो धम्मोति** एवं सहुप्पत्तिभावेन कुसलं धम्मं पटिच्च कुसलो धम्मो उपपज्जेय्य हेतुपचयाति पुच्छति । अथ वा **पटिच्चाति** पचयं कत्वा । तं पन पचयकरणं पुरेजातेपि पचये लब्धति सहजातेपि । इध सहजातं अधिप्पेतं । **सिया कुसलं धम्मं पटिच्च अकुसलोति** आदीसुपि एसेव नयो । तत्थ किज्जापि सहजातवसेन कुसलं धम्मं पटिच्च अकुसलो नत्थि, इमस्मिं पन पुच्छावारे यम्पि विस्सज्जियमानं अत्थतो लब्धति, यम्पि न लब्धति, तं सब्बं पुच्छावसेन उद्धट्ठं । परतो पन विस्सज्जने यं न लब्धति, तं पहाय यं लब्धति, तदेव विस्सज्जितं ।

एवमेत्थ पुच्छानं अत्थज्जेव पुच्छागतियञ्च जत्वा इदानीं गणनवसेन पुच्छापरिच्छेदो वेदितव्यो । एत्थ हि “कुसलं धम्मं पटिच्चा”ति कुसलपदं आदिं कत्वा कुसलाकुसलाव्याकतन्ता तिस्रो पुच्छा, पुन तदेवादिं कत्वा कुसलाव्याकतादिवसेन दुक्कप्पभेदन्ता तिस्रो, पुन तदेवादिं कत्वा तिकन्ता च एका, एवं कुसलं धम्मं पटिच्चाति कुसलादिका सत्त पुच्छा, तथा अकुसलादिका, तथा अब्याकतादिका, तथा कुसलाव्याकतादिका, अकुसलाव्याकतादिका, कुसलाकुसलादिका, कुसलाकुसलाव्याकतादिकाति सब्बापि सत्तन्तं सत्तकानं वसेन कुसलतिकं निस्साय हेतुपचये एकूनपज्जासं पुच्छा ।

तत्थ एकमूलकावसाना नव, एकमूलदुकावसाना नव, एकमूलतिकावसाना तिस्रो, दुक्कमूलकावसाना नव, दुक्कमूलदुकावसाना नव, दुक्कमूलतिकावसाना तिस्रो, तिकमूलकावसाना तिस्रो, तिकमूलदुकावसाना तिस्रो, तिकमूलतिकावसाना एकाति एवमेता मूलवसेनापि वेदितव्या । यथा च हेतुपचये एकूनपज्जासं, आरम्मणपचयादीसुपि तथेवाति सब्बेसुपि चतुवीसतिया पचयेसु —

सहस्समेकञ्च सत्तं, छसत्तति पुनापरा ।

पुच्छा सम्मिण्डिता होन्ति, नयम्हि एकमूलके ॥

**३५-३६. ततो परं हेतुपचया आरम्मणपचयाति** दुमूलकनयो आरद्धो । तत्थ हेतारम्मणदुको...पे०... हेतुअविगतदुकोति हेतुपचयेन सद्धिं तेवीसति दुका होन्ति । तेसु हेतुपचये विय हेतारम्मणदुकेपि एकूनपज्जासं पुच्छा, तासु पाळियं द्वेयेव दस्सिता । यथा च हेतारम्मणदुके एकूनपज्जासं तथा हेताधिपतिदुकादीसुपि । तत्थ पठमपुच्छावसेन हेताधिपतिदुको, हेतानन्तरदुको, हेतुसमनन्तरदुकोति पटिपाटिया तयो दुके दस्सेत्वा परियोसाने हेतुअविगतदुको दस्सितो, सेसं सद्धित्तं । पुच्छापरिच्छेदो पनेत्थ एवं वेदितव्यो ।

सहस्समेकञ्च सत्तं, सत्तवीसतिमेव च ।

दुकेसु तेवीसतिया, पुच्छा होन्ति दुमूलके ॥

**३७. ततो परं हेतुपचया आरम्मणपचया अधिपतिपचयाति** तिमूलकनयो आरद्धो । तत्थ हेतारम्मणदुकेन सद्धिं अधिपतिपचयादीसु बावीसतिया पचयेसु एकमेकस्स योजनावसेन बावीसति तिका होन्ति । तेसु पठमपुच्छावसेन पठमत्तिकञ्च दुतियत्तिकञ्च दस्सेत्वा परियोसानतिको दस्सितो, सेसं सद्धित्तं । यथा पन दुकेसु, एवं तिकेसुपि एकमेकस्मिं तिके एकूनपज्जासं कत्वा सब्बेसुपि बावीसतिया तिकेसु —

सहस्समेकं पुच्छानं, अट्ठसत्ततिमेव च ।

पुच्छा गणनतो होन्ति, नयम्हि तिकमूलके ॥

**३८. ततो परं हेतुपचया आरम्मणपचया अधिपतिपचया अनन्तरपचयाति** चतुमूलकनयो आरद्धो । तत्थ पठमत्तिकेन सद्धिं अनन्तरपचयादीसु एकवीसतिया पचयेसु एकमेकस्स योजनावसेन एकवीसति चतुक्का होन्ति । तेसु द्वे चतुक्के दस्सेत्वा सेसं सद्धित्तं । इथापि एकमेकस्मिं चतुक्के एकूनपज्जासं कत्वा सब्बेसुपि एकवीसतिया चतुक्केसु —

सहस्समेकं पुच्छानं, एकूनतिस पुनापरा ।

पुच्छा गणनतो होन्ति, नयम्हि चतुमूलके ॥

ततो परं पच्यमूलकं आदिं कत्वा याव सब्बमूलका देसना कता, तं सब्बं सद्धिपित्वा हेडा वुत्तञ्च उपरि वत्तब्बञ्च एकतो कत्वा पाळियं “एकमूलकं, दुमूलकं, तिमूलकं, चतुमूलकं, पच्यमूलकं, सब्बमूलकं असम्मुहन्तेन वित्थारेतब्ब”न्ति नयो दस्सितो । तत्थ एकमूलकादीसु यं वत्तब्बं, तं वुत्तमेव । पच्यमूलके पन पठमचतुक्केन सद्धिं समनन्तरपचयादीसु समवीसतिया पचयेसु एकमेकस्स योजनावसेन समवीसति पच्यका होन्ति । तेसु एकमेकस्मिं एकूनपज्जासं कत्वा —

सतानि नव पुच्छानं, असीति च पुनापरा ।

पुच्छा गणनतो होन्ति, नयम्हि पच्यमूलके ॥

छमूलके पठमपञ्चकेन सङ्खि सहजातपच्चयादीसु एकूनवीसतिया पच्चयेसु एकमेकस्स योजनावसेन एकूनवीसति छक्का होन्ति । तेसु एकमेकस्मिं एकूनपञ्जासं कत्वा —

सतानि नव पुच्छानं, एकत्तिस ततोपरा ।  
पुच्छा गणनतो होन्ति, नयम्हि छक्कमूलके ॥

सत्तमूलके पठमछक्केन सङ्खि अञ्जमञ्जपच्चयादीसु अट्टारससु पच्चयेसु एकमेकस्स योजनावसेन अट्टारस सत्तका होन्ति । तेसु एकमेकस्मिं एकूनपञ्जासं कत्वा —

सतानि अट्ट पुच्छानं, द्वासीति च ततोपरा ।  
पुच्छा गणनतो होन्ति, नयम्हि सत्तमूलके ॥

अट्टमूलके पठमसत्तकेन सङ्खि निस्सयपच्चयादीसु सत्तरससु पच्चयेसु एकमेकस्स योजनावसेन सत्तरस अट्टका होन्ति । तेसु एकमेकस्मिं एकूनपञ्जासं कत्वा —

सतानि अट्ट पुच्छानं, तेत्तिसा च ततोपरा ।  
पुच्छा गणनतो होन्ति, नयम्हि अट्टमूलके ॥

नवमूलके पठमअट्टकेन सङ्खि उपनिस्सयपच्चयादीसु सोळससु पच्चयेसु एकमेकस्स योजनावसेन सोळस नवका होन्ति । तेसु एकमेकस्मिं एकूनपञ्जासं कत्वा —

सतानि सत्त पुच्छानं, चतुरासीति ततोपरा ।  
पुच्छा गणनतो होन्ति, नयम्हि नवमूलके ॥

दसमूलके पठमनवकेन सङ्खि पुरेजातपच्चयादीसु पन्नरससु पच्चयेसु एकमेकस्स योजनावसेन पन्नरस दसका होन्ति । तेसु एकमेकस्मिं एकूनपञ्जासं कत्वा —

सतानि सत्त पुच्छानं, पञ्चत्तिस ततोपरा ।  
पुच्छा गणनतो होन्ति, नयम्हि दसमूलके ॥

एकादसमूलके पठमदसकेन सङ्खि पच्छाजातपच्चयादीसु चुद्धससु पच्चयेसु एकमेकस्स योजनावसेन चुद्धस एकादसका होन्ति । तेसु एकमेकस्मिं एकूनपञ्जासं कत्वा —

छ सतानि च पुच्छानं, छळासीति ततोपरा ।  
नयम्हि पुच्छा गणिता, एकादसकमूलके ॥

द्वादसमूलके पठमएकादसकेन सङ्खि आसेवनपच्चयादीसु तेरससु पच्चयेसु एकमेकस्स योजनावसेन तेरस द्वादसका होन्ति । तेसु एकमेकस्मिं एकूनपञ्जासं कत्वा —

छ सतानि च पुच्छानं, सत्तत्तिस ततोपरा ।  
पुच्छा गणनतो होन्ति, नये द्वादसमूलके ॥

तेरसमूलके पठमद्वादसकेन सङ्खि कम्मपच्चयादीसु द्वादससु पच्चयेसु एकमेकस्स योजनावसेन द्वादस तेरसका होन्ति । तेसु एकमेकस्मिं एकूनपञ्जासं कत्वा —

सतानि पञ्च पुच्छानं, अट्टासीति पुनापरा ।  
पुच्छा गणनतो होन्ति, नये तेरसमूलके ॥

चुद्धसमूलके पठमतेरसकेन सङ्खि विपाकपच्चयादीसु एकादससु पच्चयेसु एकमेकस्स योजनावसेन एकादस चुद्धसका होन्ति । तेसु एकमेकस्मिं एकूनपञ्जासं कत्वा —

सतानि पञ्च पुच्छानं, तिस चाथ नवापरा ।  
पुच्छा गणनतो होन्ति, नये चुद्धसमूलके ॥

पन्नरसमूलके पठमचुद्धसकेन सङ्खि आहारपच्चयादीसु दससु पच्चयेसु एकमेकस्स योजनावसेन दस पन्नरसका होन्ति । तेसु एकमेकस्मिं एकूनपञ्जासं कत्वा —

सतानि चत्तारि पुच्छानं, नवुति च ततोपरा ।  
पुच्छा गणनतो होन्ति, नये पन्नरसमूलके ॥

सोळसमूलके पठमपन्नरसकेन सङ्खि इन्द्रियपच्चयादीसु नवसु पच्चयेसु एकमेकस्स योजनावसेन नव सोळसका होन्ति । तेसु एकमेकस्मिं एकूनपञ्जासं कत्वा —

सतानि चत्तारि चत्ता-लीसेका चेव पुनापरा ।  
पुच्छा गणनतो होन्ति, नये सोळसमूलके ॥

सत्तरसमूलके पठमसोळसकेन सद्धिं ज्ञानपचयादीसु अट्टसु पचयेसु एकमेकस्स योजनावसेन अट्ट सत्तरसका होन्ति । तेसु एकमेकस्मिं एकूनपञ्जासं कत्वा —

सतानि तीणि पुच्छानं, नवुति द्वे पुनापरा ।  
पुच्छा गणनतो होन्ति, नये सत्तरसमूलके ॥

अट्टारसमूलके पठमसत्तरसकेन सद्धिं मग्गपचयादीसु सत्तसु पचयेसु एकमेकस्स योजनावसेन सत्त अट्टारसका होन्ति । तेसु एकमेकस्मिं एकूनपञ्जासं कत्वा —

सतानि तीणि पुच्छानं, तेचत्तारीसमेव च ।  
पुच्छा गणनतो होन्ति, नये अट्टारसमूलके ॥

एकूनवीसतिमूलके पठमअट्टारसकेन सद्धिं सम्पयुत्तपचयादीसु छसु पचयेसु एकमेकस्स योजनावसेन छ एकूनवीसतिका होन्ति । तेसु एकमेकस्मिं एकूनपञ्जासं कत्वा —

द्वे सता नवुति चेव, चतस्सो च पुनापरा ।  
पुच्छा गणनतो होन्ति, नये एकूनवीसतिके ॥

वीसतिमूलके पठमएकूनवीसतिकेन सद्धिं विष्णयुत्तपचयादीसु पञ्चसु पचयेसु एकमेकस्स योजनावसेन पञ्चवीसतिका होन्ति । तेसु एकमेकस्मिं एकूनपञ्जासं कत्वा —

द्वे सता होन्ति पुच्छानं, चत्तालीसा च पञ्च च ।  
पुच्छा गणनतो होन्ति, नये वीसतिमूलके ॥

एकवीसतिमूलके पठमवीसतिकेन सद्धिं अत्थिपचयादीसु चतूसु पचयेसु एकमेकस्स योजनावसेन चत्तारो एकवीसतिका होन्ति । तेसु एकमेकस्मिं एकूनपञ्जासं कत्वा —

सतं छनवुति चेव, पुच्छा होन्ति सम्मिण्डिता ।  
गणिता लक्खणञ्जहि, एकवीसतिके नये ॥

द्वावीसतिमूलके पठमएकवीसतिकेन सद्धिं नत्थिपचयादीसु तीसु पचयेसु एकमेकस्स योजनावसेन तयो द्वावीसतिका होन्ति । तेसु एकमेकस्मिं एकूनपञ्जासं कत्वा —

चत्तालीसाधिकं सतं, सत्त चेव पुनापरा ।  
पुच्छा गणनतो होन्ति, नये द्वावीसतिमूलके ॥

तेवीसतिमूलके पठमद्वावीसतिकेन सद्धिं द्वीसु विगताविगतपचयेसु एकमेकस्स योजनावसेन द्वे तेवीसतिका होन्ति । तेसु एकमेकस्मिं एकूनपञ्जासं कत्वा —

अट्टनवुतिमेविध, पुच्छा गणनतो मता ।  
नयमिह तेवीसतिमे, तेवीसतिकमूलके ॥

चतुवीसतिमूलको पन सब्बपचयानं समोधानवसेन वेदितब्बो, तेनेव सब्बमूलकोति वुत्तो । तत्थ एकूनपञ्जासमेव पुच्छा होन्तीति सब्बापेता हेतुपचयपदमेव गहेत्वा एकमूलकादीनं सब्बमूलकपरियोसानानं वसेन सत्थारा देवपरिसति वित्थारतो विभत्ता पुच्छा इध सङ्खेपेन दस्सिता ।

तासं पन सब्बासम्पि अयं गणनपिण्डो — एकमूलकनयस्मिह्मि एकादस सतानि छसत्तति च पुच्छा आगता । हेतुपचयनये तेनेव मूलकेन एकूनपञ्जासं कत्वा इमस्मिं हेतुपचयमूलके गहेत्वा, सेसा सेसपचयमूलकेसु पक्खिपितब्बा । दुमूलके सत्तवीसानि एकादस सतानि, तिमूलके सहस्सं अट्टसत्तति च, चतुमूलके सहस्सं एकूनतिसञ्च, पञ्चमूलके असीताधिकानि नव सतानि, छमूलके एकतिसानि नव सतानि, सत्तमूलके द्वासीतानि अट्ट सतानि, अट्टमूलके तेत्तिसानि अट्ट सतानि, नवमूलके चतुरासीतानि सत्त सतानि, दसमूलके पञ्चतिसानि सत्त सतानि, एकादसमूलके छासीतानि छ सतानि, द्वादसमूलके सत्ततिसानि छ सतानि, तेरसमूलके अट्टासीतानि पञ्च सतानि, चुहसमूलके एकूनचत्तालीसानि पञ्च सतानि, पन्नरसमूलके नवुतानि चत्तारि सतानि, सोळसमूलके एकचत्तालीसानि चत्तारि सतानि, सत्तरसमूलके द्वावनवुतानि तीणि सतानि, अट्टारसमूलके तेचत्तालीसानि तीणि सतानि, एकूनवीसतिमूलके चतुनवुतानि द्वे सतानि, वीसतिमूलके पञ्चचत्तालीसानि द्वे सतानि, एकवीसतिमूलके छनवुतिसत्तं, द्वावीसतिमूलके सत्तचत्तालीससत्तं, तेवीसतिमूलके अट्टनवुति, सब्बमूलके एकूनपञ्जासाति एवं हेतुपदं आदिं कत्वा विभत्तेसु एकमूलकादीसु —

चुहसेव सहस्सानि, पुन सत्त सतानि च ।  
पुच्छा हेतुपदस्सेव, एकमूलादिभेदतोति ॥

**३९-४०.** एवं हेतुपचयं आदिं कत्वा एकमूलकतो पट्ठाय याव सब्बमूलकनया पुच्छाभेदं दस्सेत्वा इदानी आरम्भणपचयं आदिं कत्वा दस्सेतुं **सिया कुसलं धम्मं पटिच्च कुसलो धम्मो उप्पज्जेय्य आरम्भणपचया हेतुपचयाति** आदिमाह । तत्थ **आरम्भणपचया हेतुपचयाति** एतावता आरम्भणपचयं आदिं कत्वा हेतुपचयपरियोसानो एकमूलकनयो दस्सितो । ततो परं **आरम्भणपचया अधिपतिपचयाति** दुकमूलकं आरब्धं । तत्थ इमं पठमदुकञ्चेव आरम्भणाविगतदुकञ्च दस्सेत्वा

सेसं सङ्घितं। **आरम्भणपच्चया हेतुपच्चया**ति अयं ओसानदुकोपि न दस्सितो। सचे पन कथंचि वाचनामग्गे सन्दिस्सति, स्वेव वाचनामग्गे गहेतब्बो। ततो परं आरम्भणपच्चयवसेन तिकमूलकादयो अदस्सेत्वाव अधिपतिपच्चयं आदिं कत्वा एककादयो दस्सेतुं **अधिपतिपच्चया, अनन्तरपच्चया, समनन्तरपच्चया, सहजातपच्चया, अज्जमज्जपच्चया**ति एतकमेव वुत्तं, तं एकमूलकवसेन वा सब्बमूलकवसेन वा वेदितब्बं।

४१. ततो परं अविगतपच्चयं आदिं कत्वा दुमूलकमेव दस्सेतुं — **अविगतपच्चया हेतुपच्चया**तिआदि आरब्धं। तत्थ अविगतहेतुदुको, अविगतारम्भणदुको, अविगताधिपतिदुकोति पटिपाटिया तयो दुके वत्वा परियोसाने च अविगतविगतदुको एको दुको दस्सितो। ततो अविगतपच्चयवसेनेव तिमूलकं दस्सेतुं — “अविगतपच्चया हेतुपच्चया आरम्भणपच्चया, अविगतपच्चया हेतुपच्चया अधिपतिपच्चया, अविगतपच्चया हेतुपच्चया अनन्तरपच्चया”ति एवं पटिपाटिया तयो तिके वत्वा “अविगतपच्चया हेतुपच्चया विगतपच्चया”ति परियोसानत्तिको वुत्तो। ततो अविगतपच्चयवसेनेव चतुमूलकं दस्सेतुं “अविगतपच्चया हेतुपच्चया आरम्भणपच्चया अधिपतिपच्चया, अविगतपच्चया हेतुपच्चया आरम्भणपच्चया अनन्तरपच्चया”ति द्वे चतुक्के वत्वा “विगतपच्चया”ति पदं उद्धरित्वा ठपितं, सेसं सब्बं सङ्घितं। तस्स सङ्घित्तभावं दस्सेतुं “एकेकस्स पदस्स एकमूलकं, दुमूलकं, तिमूलकं, सब्बमूलकं असम्मूहन्तेन वित्थारेतब्ब”न्ति वुत्तं। तस्मा यथा हेतुपच्चयं आदिं कत्वा हेतुआदिपदवसेन एकमूलके एकादस पुच्छासतानि छसत्तति च पुच्छा...पे०... सब्बमूलके एकूनपज्जासं, एवं आरम्भणपच्चयादीसुपि एकमेकं आदिं कत्वा आरम्भणादिपदवसेन एकमेकस्स पदस्स एकमूलके एकादस पुच्छासतानि छसत्तति च पुच्छा...पे०... सब्बमूलके एकूनपज्जासाति एकेकस्स पदस्स एकमूलकादिभेदे सत्तसताधिकानि चुद्दस पुच्छा सहस्सानि होन्ति। तासं सब्बेसुपि चतुर्वीसतिया पच्चयेसु अयं गणनपरिच्छेदो —

द्वापज्जाससहस्सान-ट्टसतानि तीणि सतसहस्सानि।  
कुसलत्तिकस्स पुच्छा, अनुलोमनयमिह सुविभक्ता॥

यथा च कुसलत्तिकस्स, एवं वेदनात्तिकादीनम्पीति सब्बेसुपि द्वावीसतिया तिकेसु —

एकसङ्घिसहस्सानि, छ सतानि सत्तसत्तति।  
सतसहस्सानि पुच्छानं, तिकभेदे पभेदतो॥

सङ्घित्ता वाचनामग्गे।

दुकेसु पन “सिया हेतुं धम्मं पटिच्च हेतुधम्मो उप्पज्जेय्य हेतुपच्चया”ति एवं हेतुं पटिच्च हेतु, हेतुं पटिच्च नहेतु, हेतुं पटिच्च हेतु च नहेतु च, नहेतुं पटिच्च नहेतु, नहेतुं पटिच्च हेतु, नहेतुं पटिच्च हेतु च नहेतु च, हेतुज्ज नहेतुज्ज पटिच्च हेतु, हेतुज्ज नहेतुज्ज पटिच्च नहेतु, हेतुज्ज नहेतुज्ज पटिच्च हेतु च नहेतु चाति एकमेकस्मिं दुके हेतुपच्चयादीसु एकमेकस्मिं पच्चये नव पुच्छा होन्ति। तासु हेतुपच्चयं आदिं कत्वा एकमूलके द्वेसतानि सोळस च पुच्छा होन्ति। तासु हेतुपच्चयस्सेव अज्जेन असम्मिस्सा नव पुच्छा गहेतब्बा, सेसा अट्ठ वारेन गहिता।

तासं दुकमूलकादीसु तेवीसतिया वारेसु एकेकं नवकं अपनेत्वा याव सब्बमूलका अयं गणनपरिच्छेदो — दुकमूलके ताव एकमूलके दस्सितेसु द्वीसु सोळसाधिकेसु पुच्छासतेसु नव अपनेत्वा द्वेसतानि सत्त च पुच्छा होन्ति, ततो नव अपनेत्वा तिमूलके अट्ठनवुतिसत्तं। एवं पुरिमपुरिमतो नव नव अपनेत्वा चतुमूलके एकूननवुतिसत्तं, पञ्चमूलके असीतिसत्तं, छमूलके एकसत्तिसत्तं, सत्तमूलके द्वासङ्घिसत्तं, अट्ठमूलके तेपण्णासत्तं, नवमूलके चतुचत्तालीसत्तं, दसमूलके पञ्चतिसत्तं, एकादसमूलके छब्बीसत्तं, द्वादसमूलके सत्तरसाधिकत्तं, तेरसमूलके अट्ठाधिकत्तं, चुद्दसमूलके नवनवुति, पन्नरसमूलके नवुति, सोळसमूलके एकासीति, सत्तरसमूलके द्वासत्तति, अट्ठारसमूलके तेसङ्घि, एकूनवीसतिमूलके चतुपज्जासं, वीसतिमूलके पञ्चचत्तालीसं, एकवीसतिमूलके छत्तिंसं, द्वावीसतिमूलके सत्तवीस, तेवीसतिमूलके अट्ठारस, सब्बमूलके नवाति। यथा पनेतानि हेतुपच्चयवसेन एकमूलके सोळसाधिकानि द्वे पुच्छासतानि...पे०... सब्बमूलके नव, एवं आरम्भणपच्चयादीसुपि एकमेकं आदिं कत्वा आरम्भणादिपदवसेन एकेकस्स पदस्स एकमूलके सोळसाधिकानि द्वे पुच्छासतानि...पे०... सब्बमूलके नवाति एकेकस्स पदस्स एकमूलकादिभेदे द्वे पुच्छा सहस्सानि सत्तसतानि च पुच्छा होन्ति। तासं सब्बेसुपि चतुर्वीसतिया पच्चयेसु अयं गणनपरिच्छेदो —

चतुसङ्घिसहस्सानि, पुन अट्ठसतानि च।  
पुच्छा हेतुदुकस्सेव, अनुलोमनये मता॥

यथा च हेतुदुकस्स, एवं सहेतुकदुकादीनम्पीति सब्बस्मिम्पि दुकसते —

सङ्घि सतसहस्सानि, चत्तारि च ततोपरं।  
असीति च सहस्सानि, पुच्छा दुकसते विदू॥

अयं ताव सुङ्घिके तिकपट्टाने चेव दुकपट्टाने च पुच्छानं गणनपरिच्छेदो।

यं पन ततो परं द्वावीसति तिके गहेत्वा दुकसते पक्खिपित्वा **दुकतिकपट्टानं** नाम देसितं, तत्थ “सिया हेतुं कुसलं धम्मं पटिच्च हेतु कुसलो धम्मो उप्पज्जेय्य हेतुपच्चया”ति एवं द्वावीसतिया तिकेसु एकेकं तिकं दुकानं सतेन सतेन सङ्घि योजेत्वा दस्सेतब्बानं पुच्छानं हेद्वा वुत्तनयेन सब्बेसं एकमूलकादीनं वसेन गहेत्वा परिच्छेदो वेदितब्बो।

यम्पि ततो परं दुकसतं गहेत्वा द्वावीसतिया तिकेसु पक्खिपित्वा **तिकदुकपट्टानं** नाम देसितं, तत्थापि “सिया कुसलं हेतुं धम्मं पटिच्च कुसलो हेतुधम्मो उप्पज्जेय्य हेतुपच्चया”ति एवं दुकसते एकेकं दुकं द्वावीसतिया तिकेहि सङ्घि योजेत्वा दस्सेतब्बानं पुच्छानं हेद्वा वुत्तनयेन सब्बेसं एकमूलकादीनं वसेन गहेत्वा परिच्छेदो वेदितब्बो।

यम्पि ततो परं तिकेसुयेव पक्खिपित्वा **तिकतिकपट्टानं** नाम देसितं, तत्थापि “सिया कुसलं सुखाय वेदनाय सम्पयुतं धम्मं पटिच्च कुसलो सुखाय वेदनाय सम्पयुतो धम्मो उप्पज्जेय्य हेतुपच्चया”ति एवं द्वावीसतिया तिकेसु एकेकं तिकं सेसेहि एकवीसतिया तिकेहि सङ्खि योजेत्वा दस्सेतब्बानं पुच्छानं हेट्ठा वुत्तनयेन सब्बेसं एकमूलकादीनं वसेन गहेत्वा परिच्छेदो वेदितब्बो।

यम्पि ततो परं दुके दुकेसुयेव पक्खिपित्वा **दुकदुकपट्टानं** नाम देसितं, तत्थापि “सिया हेतुं सहेतुकं धम्मं पटिच्च हेतु सहेतुको धम्मो उप्पज्जेय्य हेतुपच्चया”ति एवं दुकसते एकेकं दुकं सेसेहि नवनवुतिया दुकेहि सङ्खि योजेत्वा दस्सेतब्बानं पुच्छानं हेट्ठा वुत्तनयेन सब्बेसं एकमूलकादीनं वसेन गहेत्वा परिच्छेदो वेदितब्बो। तथागतेन हि सब्बम्पेतं पभेदं दस्सेत्वाव देवपरिसाय धम्मो देसितो, धम्मसेनापतिस्स पन तेन “अज्ज इदञ्चिदञ्च देसितं”न्ति सङ्खिपित्वा नयदस्सनमत्तेनेव देसना अक्खाता। थेरेनापि सङ्खिपित्वाव वाचनामग्गो पवत्तितो, सो थेरेन पवत्तितनयेनेव सङ्गीतिकाले सङ्गहं आरोपितो।

तं पनस्स सङ्खेपनयं दस्सेतुं **तिकञ्च पट्टानवरन्ति** अयं गाथा ठपिता। तस्सत्थो — **तिकञ्च पट्टानवरन्ति** पवरं तिकपट्टानञ्च। **दुकुत्तमन्ति** उत्तमं सेट्ठं दुकपट्टानञ्च। **दुकतिकञ्चेवाति** दुकतिकपट्टानञ्च। **तिकदुकञ्चाति** तिकदुकपट्टानञ्च। **तिकतिकञ्चेवाति** तिकतिकपट्टानञ्च। **दुकदुकञ्चाति** दुकदुकपट्टानञ्च। **छ अनुलोमहि नया सुगम्भीराति** एते तिकपट्टानादयो सुट्ठु गम्भीरा छ नया अनुलोमहि वेदितब्बाति। तत्थ द्वे अनुलोमानि — धम्मानुलोमञ्च पच्चयानुलोमञ्च। तत्थ “कुसलं धम्मं पटिच्च कुसलो धम्मो”ति एवं अभिधम्ममातिकापदेहि सङ्गहितानं धम्मानं अनुलोमदेसनावसेन पवत्तं **धम्मानुलोमं** नाम। “हेतुपच्चया आरम्भणपच्चया”ति एवं चतुवीसतिया पच्चयानं अनुलोमदेसनावसेन पवत्तं **पच्चयानुलोमं** नाम।

तत्थ हेट्ठा अट्ठकथायं “तिकञ्च पट्टानवरं...पे०... छ अनुलोमहि नया सुगम्भीरा”ति अयं गाथा धम्मानुलोमं सन्धाय वुत्ता। इध पन अयं गाथा तस्मिं धम्मानुलोमे पच्चयानुलोमं सन्धाय वुत्ता। तस्मा “छ अनुलोमहि नया सुगम्भीरा”ति अट्ठकथागाथाय धम्मानुलोमे तिकपट्टानादयो छ नया सुगम्भीराति एवमत्थो वेदितब्बो। इमस्मिं पनोकासे “हेतुपच्चया आरम्भणपच्चया”ति एवं पवत्ते पच्चयानुलोमे एते धम्मानुलोमे तिकपट्टानादयो “छ नया सुगम्भीरा”ति एवमत्थो वेदितब्बो। तेसु अनुलोमे तिकपट्टाने कुसलत्तिकमत्तस्सेव वसेन अयं इमस्मिं पटिच्चवारस्स पण्णत्तिवारे सङ्खिपित्वा पुच्छापभेदो दस्सितो। सेसेसु पन तिकेसु सेसपट्टानेसु च एकापि पुच्छा न दस्सिता। ततो परेसु पन सहजातवारादीसु कुसलत्तिकस्सापि वसेन पुच्छं अनुद्धरित्वा लब्भमानकवसेन विस्सज्जनमेव दस्सितं। “छ अनुलोमहि नया सुगम्भीरा”ति वचनतो पन इमस्मिं पच्चयानुलोमे छपि एते पट्टाननया पुच्छावसेन उद्धरित्वा दस्सेतब्बा। पट्टानं वण्णयन्तानञ्चि आचरियानं भारो एसोति।

## २. पच्चयपच्चनीयवण्णना

४२-४४. इदानीं पच्चनीयं होति। तं दस्सेतुं **सिया कुसलं धम्मं पटिच्च कुसलो धम्मो उप्पज्जेय्य न हेतुपच्चयाति** आदि आरब्धं। तत्थ अनुलोमपुच्छाहि समप्पमाणोव पुच्छापरिच्छेदो। तेनेवेत्थ “यथा अनुलोमे हेतुपच्चयो वित्थारितो, एवं पच्चनीयेपि नहेतुपच्चयो वित्थारेतब्बो”ति वत्त्वा पुन परियोसाने “यथा अनुलोमे एकेकस्स पदस्स एकमूलकं, दुमूलकं, तिमूलकं, चतुमूलकं याव तेवीसतिमूलकं, एवं पच्चनीयेपि वित्थारेतब्ब”न्ति वुत्तं। **तेवीसतिमूलकन्ति** इदञ्चेत्थ दुमूलकयेव सन्धाय वुत्तं। परियोसाने पन सब्बमूलकं चतुवीसतिमूलकम्पि होतियेव। तं सब्बं सङ्खित्तमेवाति।

**तिकञ्च पट्टानवरं...पे०... छ पच्चनीयहि नया सुगम्भीराति** एत्थापि द्वे पच्चनीयानि — धम्मपच्चनीयञ्च पच्चयपच्चनीयञ्च। तत्थ “कुसला धम्मा”ति एवं अभिधम्ममातिकापदेहि सङ्गहितानं धम्मानं “न कुसलं धम्मं पटिच्च न कुसलो धम्मो”ति पच्चनीयदेसनावसेन पवत्तं **धम्मपच्चनीयं** नाम। “नहेतुपच्चया नारम्भणपच्चया”ति एवं चतुवीसतिया पच्चयानं पच्चनीयदेसनावसेन पवत्तं **पच्चयपच्चनीयं** नाम। तत्थ हेट्ठा अट्ठकथायं “तिकञ्च पट्टानवरं...पे०... छ पच्चनीयहि नया सुगम्भीरा”ति अयं गाथा धम्मपच्चनीयं सन्धाय वुत्ता। इध पन अयं गाथा धम्मानुलोमेयेव पच्चयपच्चनीयं सन्धाय वुत्ता। तस्मा “छ पच्चनीयहि नया सुगम्भीरा”ति अट्ठकथागाथाय धम्मपच्चनीये तिकपट्टानादयो छ नया सुगम्भीराति एवमत्थो वेदितब्बो। इमस्मिं पनोकासे न हेतुपच्चया नारम्भणपच्चयाति एवं पवत्ते पच्चयपच्चनीये एते धम्मानुलोमेयेव तिकपट्टानादयो छ नया सुगम्भीराति एवमत्थो वेदितब्बो।

तेसु अनुलोमतिकपट्टानेयेव कुसलत्तिकमत्तस्स वसेन अयं इमस्मिं पटिच्चवारस्स पण्णत्तिवारे सङ्खिपित्वा पुच्छापभेदो दस्सितो। सेसेसु पन तिकेसु सेसपट्टानेसु च एकापि पुच्छा न दस्सिता। ततो परेसु पन सहजातवारादीसु कुसलत्तिकस्सापि वसेन पुच्छं अनुद्धरित्वा लब्भमानकवसेन विस्सज्जनमेव दस्सितं। “छ पच्चनीयहि नया सुगम्भीरा”ति वचनतो पन इमस्मिं पच्चयपच्चनीये छपि एते पट्टाननया पुच्छावसेन उद्धरित्वा दस्सेतब्बा। पट्टानं वण्णयन्तानञ्चि आचरियानं भारो एसोति।

## ३. अनुलोमपच्चनीयवण्णना

४५-४८. इदानीं अनुलोमपच्चनीयं होति। तं दस्सेतुं **सिया कुसलं धम्मं पटिच्च कुसलो धम्मो उप्पज्जेय्य हेतुपच्चया न आरम्भणपच्चयाति** आदि आरब्धं। तत्थ “हेतुपच्चया न आरम्भणपच्चया...पे०... हेतुपच्चया न अविगतपच्चया”ति हेतुपदस्स सेसेसु तेवीसतिया पच्चयेसु एकेकेन सङ्खि योजनावसेन हेतुपदादिके एकमूलके तेवीसति अनुलोमपच्चनीयानि। तेसु एकेकस्मिं एकूनपज्जासं कत्वा सत्तवीसाधिकानि एकादस पुच्छासतानि होन्ति। दुमूलके पन हेतारम्भणपदानं सेसेसु द्वावीसतिया पच्चयेसु एकेकेन सङ्खि योजनावसेन द्वावीसति अनुलोमपच्चनीयानीति एवं अनुलोमे वुत्तेसु सब्बेसु एकमूलकादीसु एकेकं पदं परिहापेत्वा अवसेसानं वसेन पुच्छागणना वेदितब्बा। एकमूलकादीसु चेत्थ या पुच्छा पाळियं आगता, या च न आगता, ता सब्बा हेट्ठा वुत्तनयानुसारेनेव वेदितब्बा।

**तिकञ्च पट्टानवरं...पे०... छ अनुलोमपच्चनीयहि नया सुगम्भीराति** एत्थ पन हेट्ठा वुत्तनयेनेव द्वे अनुलोमपच्चनीयानि — धम्मानुलोमपच्चनीयं पच्चयानुलोमपच्चनीयञ्च। तत्थ “कुसला धम्मा”ति एवं अभिधम्ममातिकापदेहि सङ्गहितानं धम्मानं “कुसलं धम्मं पटिच्च न कुसलो धम्मो”ति अनुलोमपच्चनीयदेसनावसेन पवत्तं **धम्मानुलोमपच्चनीयं** नाम। “हेतुपच्चया न आरम्भणपच्चया”ति एवं चतुवीसतिया पच्चयेसु लब्भमानपदानं अनुलोमपच्चनीयदेसनावसेन पवत्तं **पच्चयानुलोमपच्चनीयं** नाम। तत्थ हेट्ठा अट्ठकथायं “तिकञ्च पट्टानवरं...पे०... छ अनुलोमपच्चनीयहि नया सुगम्भीरा”ति अयं गाथा धम्मानुलोमपच्चनीयं सन्धाय वुत्ता। इध पन अयं गाथा धम्मानुलोमेयेव पच्चयानुलोमपच्चनीयं सन्धाय वुत्ता। तस्मा “छ अनुलोमपच्चनीयहि नया सुगम्भीरा”ति अट्ठकथागाथाय धम्मानुलोमपच्चनीये

तिकपट्टानादयो छ नया सुगम्भीराति एवमत्थो वेदितब्बो । इमस्मिं पनोकासे हेतुपच्चया आरम्भणपच्चयाति एवं पवत्ते पच्चयानुलोमपच्चनीये एते धम्मानुलोमेयेव तिकपट्टानादयो छ नया सुगम्भीराति एवमत्थो वेदितब्बो ।

तेसु अनुलोमे तिकपट्टानेयेव कुसलत्तिकमत्तस्स वसेन अयं इमस्मिं पटिच्चवारस्स पण्णत्तिवारे सङ्घिपित्वा पुच्छापभेदो दस्सितो । सेसेसु पन तिकेसु सेसपट्टानेसु च एकापि पुच्छा न दस्सिता । ततो परेसु पन सहजातवारादीसु कुसलत्तिकस्सपि वसेन पुच्छं अनुद्धरित्वा लब्भमानकवसेन विस्सज्जनमेव दस्सितं । “छ अनुलोमपच्चनीयमिह नया सुगम्भीरा”ति वचनतो पन इमस्मिं पच्चयानुलोमपच्चनीये छपि एते पट्टाननया पुच्छावसेन उद्धरित्वा दस्सेतब्बा । पट्टानं वण्णयन्तानिह आचरियानं भारो एसोति ।

#### ४. पच्चनीयानुलोमवण्णना

४९-५२. इदानीं पच्चनीयानुलोमं होति । तं दस्सेतुं सिया कुसलं धम्मं पटिच्च कुसलो धम्मो उप्पज्जेय्य नहेतुपच्चया आरम्भणपच्चयातिआदि आरब्धं । तत्थ अनुलोमपच्चनीयपुच्छाहि समप्पमाणो एव पुच्छापरिच्छेदो । एकमूलकादीसु चेत्थ या पुच्छा पाळियं आगता, या च न आगता, ता सब्बा हेट्ठा वुत्तनयानुसारेनेव वेदितब्बा ।

**तिकञ्च पट्टानवरं...पे०... छ पच्चनीयानुलोममिह नया सुगम्भीराति** एत्थापि हेट्ठा वुत्तनयेनेव द्वे पच्चयानुलोमानि — धम्मपच्चनीयानुलोमं पच्चयपच्चनीयानुलोमञ्च । तत्थ “कुसला धम्मा”ति एवं अभिधम्ममातिकापदेहि सङ्गहितानं धम्मानं “नकुसलं धम्मं पटिच्च कुसलो धम्मो”ति पच्चनीयानुलोमदेसनावसेन पवत्तं **धम्मपच्चनीयानुलोमं** नाम । “नहेतुपच्चया आरम्भणपच्चया”ति एवं चतुर्वीसतिया पच्चयेसु लब्भमानपदानं पच्चयपच्चनीयानुलोमदेसनावसेन पवत्तं **पच्चयपच्चनीयानुलोमं** नाम । तत्थ हेट्ठा अट्ठकथायं “तिकञ्च पट्टानवरं...पे०... छ पच्चनीयानुलोममिह नया सुगम्भीरा”ति अयं गाथा धम्मपच्चनीयानुलोमं सन्धाय वुत्ता । इध पन अयं गाथा धम्मानुलोमेयेव पच्चयपच्चनीयानुलोमं सन्धाय वुत्ता । तस्मा “छ पच्चनीयानुलोममिह नया सुगम्भीरा”ति अट्ठकथाय धम्मपच्चनीयानुलोमे तिकपट्टानादयो छ नया सुगम्भीराति एवमत्थो वेदितब्बो । इमस्मिं पनोकासे नहेतुपच्चया आरम्भणपच्चयाति एवं पवत्ते पच्चयपच्चनीयानुलोमे एते धम्मानुलोमेयेव तिकपट्टानादयो छ नया सुगम्भीराति एवमत्थो वेदितब्बो ।

तेसु अनुलोमतिकपट्टानेयेव कुसलत्तिकमत्तस्सपि वसेन अयं इमस्मिं पटिच्चवारस्स पण्णत्तिवारे सङ्घिपित्वा पुच्छापभेदो दस्सितो । सेसेसु पन तिकेसु सेसपट्टानेसु च एकापि पुच्छा न दस्सिता । ततो परेसु पन सहजातवारादीसु कुसलत्तिकस्सपि वसेन पुच्छं अनुद्धरित्वा लब्भमानकवसेन विस्सज्जनमेव दस्सितं । “छ पच्चनीयानुलोममिह नया सुगम्भीरा”ति वचनतो पन इमस्मिं पच्चयपच्चनीयानुलोमे छपि एते पट्टाननया पुच्छावसेन उद्धरित्वा दस्सेतब्बा । पट्टानं वण्णयन्तानिह आचरियानं भारो एसोति ।

पुच्छावारवण्णना निड्ढिता ।

### १. कुसलत्तिकवण्णना

#### १. पटिच्चवारवण्णना

##### १. पच्चयानुलोमं

##### (१.) विभङ्गवारो

५३. इदानीं या एता पण्णत्तिवारे कुसलत्तिकं निस्साय हेतुपच्चयादिवसेन एकूनपज्जासं आदिं कत्वा नयमत्तं दस्सेन्तेन अपरिमाणा पुच्छा दस्सिता । तत्थ कुसलाकुसलादीनं सहुप्पत्तिया अभावतो या पुच्छा “कुसलं धम्मं पटिच्च अकुसलो धम्मो उप्पज्जति हेतुपच्चया”ति एवं विस्सज्जनं न लभन्ति । ता पहाय या विस्सज्जनं लभन्ति, तायेव विस्सज्जेतुं अयं **कुसलं धम्मं पटिच्च कुसलो धम्मो उप्पज्जति हेतुपच्चयाति** आदिना नयेन पटिच्चवारस्स निदेसवारो आरब्धो ।

तत्थ सिया — सचे इमा हेतुपच्चयादिवसेन एकूनपज्जासं पुच्छा सब्बसो विस्सज्जनं न लभन्ति, अथ कस्मा दस्सिता? ननु या लभन्ति, तायेव दस्सेतब्बाति? आम, दस्सेतब्बा सियुं । तथा दस्सियमाना पन सब्बेसु तिकदुकपट्टानादीसु एकेकस्मिं तिके, दुके, दुकातिके, तिकदुके, तिकातिके, दुकदुके च सङ्घेपं अकत्वा दस्सेतब्बायेव भवेय्युं । कस्मा? यस्मा या कुसलत्तिके लभन्ति, न तायेव वेदनात्तिकादीसु । धम्मानुलोमपच्चनीये च तिकपट्टाने वितक्कत्तिकपीतित्तिकानं विस्सज्जनं सब्बापेता विस्सज्जनं लभन्ति, तस्मा उक्कट्टपरिच्छेदेन एकेकस्मिं तिके यत्तकाहि पुच्छाहि भवितब्बं सब्बा कुसलत्तिके दस्सिता । एवं दस्सितासु हि या तत्थ विस्सज्जनं न लभन्ति, ता पहाय या लभन्ति, ता वुच्चमाना सक्का सुखेन विजानितुन्ति सुखेन विजाननत्थं सब्बापि कुसलत्तिके दस्सिता । या पनेत्थ विस्सज्जनं न लभन्ति, ता पहाय या लभन्ति, तायेव विस्सज्जिताति वेदितब्बा ।

तत्थ **कुसलं धम्मं पटिच्चाति** चतुभूमककुसलधम्मेसु वेदनाक्खन्धादिभेदं एकं धम्मं पटिच्च पटिगन्त्वा सहुप्पत्तिसङ्घातेन सदिसभावेन पत्वा, तेन सङ्घि एकतो उप्पत्तिभावं उपगन्त्वाति अत्थो । **कुसलो धम्मो**ति चतुभूमककुसलधम्मेसुयेव सज्जाक्खन्धादिभेदो एको धम्मो । **उप्पज्जतीति** उप्पादतो याव निरोधगमना उद्धं पज्जति, निब्बत्ततीतिपि अत्थो । अत्तानं लभति, उप्पादादयो तयोपि खणे पापुणातीति वुत्तं होति । **हेतुपच्चयाति** कुसलहेतुना हेतुपच्चयभावं साधेन्तेन ।

एवं “उप्पज्जेय्या”ति पुच्छाय “उप्पज्जती”ति विस्सज्जनं वत्वा इदानीं यं धम्मं पटिच्च यो धम्मो उप्पज्जति, तं धम्मं खन्धवसेन दस्सेतुं **कुसलं एकं खन्ध**न्तिआदिमाह । तत्थ **एकन्ति** वेदनादीसु चतूसु यंकिञ्चि एकं । **तयो खन्धाति** यो यो पच्चयभावेन गहितो, तं तं ठपेत्वा अवसेसा तयो खन्धा । **तयो खन्धेति** वेदनादीसु यो एको खन्धो उप्पज्जतीति गहितो, तं ठपेत्वा सेसे तयो । **द्वे खन्धेति** वेदनासज्जादुकादीसु छसु दुकेसु येकेचि द्वे खन्धे पटिच्च । **द्वे खन्धाति** ये ये पच्चयभावेन गहिता, ते ते ठपेत्वा अवसेसा द्वे खन्धा कुसलहेतुना हेतुपच्चयभावं साधेन्तेन उप्पज्जन्तीति अत्थो ।

यस्मा पन एको खन्धो एकस्सेव द्विन्नयेव वा, द्वे वा पन एकस्सेव पच्चयो नाम नत्थि, तस्मा “एकं खन्धं पटिच्च एको खन्धो, एकं खन्धं पटिच्च द्वे खन्धा, द्वे खन्धे पटिच्च एको खन्धो”ति न वुत्तं । **कुसलं धम्मं पटिच्च अब्बाकतो धम्मो उप्पज्जतीति** आदीसुपि वुत्तनयेनेव अत्थो वेदितब्बो । **चित्तसमुद्धानं रूपन्ति** इदं पटिच्चत्थस्स सहजातत्थता

यं कुसलेन सहजातञ्चेव हेतुपचयञ्च लभति, तं दस्सेतुं वुत्तं। परतोपि एवरूपेसु ठानेसु अयमेव नयो।

**विपाकाव्याकृतं किरियाव्याकृतं** एत्थ हेतुपचयाभावतो अहेतुकं, रूपेण सद्धिं अनुपत्तितो आरूपविपाकञ्च न गहेतब्बं। **पटिसन्धिकखणे**ति कटत्तारूपसङ्घातस्स अब्याकतस्स अब्याकतं पटिच्च उपत्तिदस्सनत्थं वुत्तं। **विपाकाव्याकृतं** तस्मिं खणे विज्जमानाव्याकतवसेन वुत्तं। **खन्धे पटिच्च वत्थु, वत्थुं पटिच्च खन्धा**ति इदं कटत्तारूपगगणेन वत्थुमिह गहितेपि वत्थुं पटिच्च खन्धानं उपत्तिदस्सनत्थं वुत्तं।

**एकं महाभूतं**तिआदि रूपाव्याकृतं पटिच्च रूपाव्याकतस्स उपत्तिदस्सनत्थं वुत्तं। **एकं खन्धं**तिआदीसु वुत्तनयेनेव पनेत्थ अत्थयोजना वेदितब्बा। एवं रूपाव्याकतमिह भूते पटिच्च भूतानं उपत्तिं वत्त्वा इदानीं भूते पटिच्च उपादारूपानं उपत्तिं दस्सेतुं **महाभूते पटिच्च चित्तसमुद्धान**तिआदि वुत्तं। एवं सन्ते उपादारूपानि एतकमेव वत्तब्बं, इतरद्वयं कस्मा वुत्तन्ति? महाभूतेपि पटिच्च उपत्तिदस्सनत्थं। यच्च हेट्ठा “चित्तसमुद्धानञ्च रूपं कटत्ता च रूप”ति दस्सितं, तं न केवलं खन्धेयेव च पटिच्च उपपज्जति, महाभूतेपि पन पटिच्च उपपज्जतीति दस्सनत्थमिदं वुत्तन्ति वेदितब्बं। तत्थ चित्तसमुद्धानं पवत्तेयेव, कटत्तारूपं पटिसन्धियमि। **उपादारूपं**ति तस्सेव उभयस्स विसेसनं।

**कुसले खन्धे च महाभूते च पटिच्चा**ति एत्थ चित्तसमुद्धानाव महाभूता गहिता। **चित्तसमुद्धानं रूपं**ति एत्थ पन भूतरूपमि उपादारूपमि गहितं। “एकं महाभूतं पटिच्च तयो महाभूता”तिआदिना नयेन हि भूतरूपमि खन्धे च महाभूते च पटिच्च उपपज्जति। **महाभूते पटिच्च उपादारूपं**ति वुत्तनयेन उपादारूपमि। **अकुसलञ्च अब्याकतञ्चा**ति पज्हाविस्सज्जनेसुपि एसेव नयो। एवं हेतुपचये नव पुच्छा विस्सज्जिता। एतायेव हि एत्थ लब्धन्ति, सेसा चत्तालीस मोघपुच्छाति न विस्सज्जिता। इमिना उपायेन आरम्भणपचययादीसुपि पुच्छाविस्सज्जनानं अत्थो वेदितब्बो। तत्थ तत्थ पन विचारेतब्बयुत्तकमेव विचारयिस्साम।

**५४.** आरम्भणपचये ताव रूपस्स आरम्भणपचयवसेन अनुपत्तितो तासु नवसु रूपमिस्सका पहाय तिस्सोव पुच्छा विस्सज्जिता। तेनेव च कारणेन “वत्थुं पटिच्च खन्धा”ति वत्त्वा “खन्धे पटिच्च वत्थु”ति न वुत्तं। न हि तं आरम्भणपचयेन उपपज्जति।

**५५.** अधिपतिपचये **विपाकाव्याकृतं**ति लोकुत्तरमेव सन्थाय वुत्तं। तेनेवेत्थ “पटिसन्धिकखणे”ति न गहितं। सेसं हेतुपचयसदिसमेव।

**५६.** अनन्तरसमन्तरेसुपि रूपं न लब्धतीति आरम्भणपचये विय तिस्सोव पुच्छा।

**५७.** सहजातपचये **पटिसन्धिकखणे**ति पञ्चवोकारे पटिसन्धिवसेन वुत्तं। हेट्ठा पन पचयविभङ्गे “ओक्कन्तिकखणे”ति आगतं तमि इमिना सद्धिं अत्थतो एकं, व्यञ्जनमत्तमेव हेत्थ नानन्ति। अपिच “तिण्णं सन्निपाता गम्भस्स अवक्कन्ति होती”ति (म० नि० १.४०८) वचनतो **ओक्कन्ती**ति पञ्चवोकारपटिसन्धियावेतं नामं। **पटिसन्धी**ति सब्बभवसाधारणं। इध पन “कटत्ता च रूप”तिआदिवचनतो पञ्चवोकारपटिसन्धियेव अधिप्पेता। सा हि रूपस्सपि अरूपस्सपि पचयभावञ्चेव पचययुष्मन्नभावञ्च सङ्गण्हाति, तस्मा परिपुण्णविस्सज्जना होतीति गहिता। **बाहिरं एकं महाभूतं**ति अनिन्द्रियबद्धेसु पथवीपासाणादीसु महाभूतं सन्थाय वुत्तं। पचयविभङ्गवारस्मिच्च चत्तारो महाभूताति अज्झत्तिकञ्च बाहिरञ्च एकतो कत्त्वा गहितं। सङ्खेपदेसना हि सा। अयं पन वित्थारदेसना, तस्मा सब्बं विभजित्वा दस्सेन्तो “बाहिरं एकं महाभूतं”तिआदिमाह। **असज्जसत्तानं एकं महाभूतं पटिच्चा**ति द्विसन्तित्तिसमुद्धानभूतवसेन वुत्तं। महाभूते पटिच्च **कटत्तारूपं**ति इदं पन कम्मसमुद्धानवसेनेव वुत्तं। **उपादारूपं**ति उतुसमुद्धानवसेनेव।

**५८.** अज्जमज्जपचये **खन्धे पटिच्च वत्थु, वत्थुं पटिच्च खन्धा**ति चतुन्नमि खन्धानं एकतो वत्थुना अज्जमज्जपचयतं दस्सेतुं वुत्तं।

**५९.** निस्सयपचये यस्मा पटिच्चत्थो नाम सहजातत्थो, तस्मा या हेट्ठा पचयविभङ्गवारे चक्खायतनादीनं निस्सयपचयता दस्सिता, न सा गहिता। चक्खायतनादीनि हि पुरेजातानि हुत्वा पचया होन्ति, इध सहजातमेव लब्धति। तेनेव वुत्तं — “निस्सयपचयो सहजातपचयसदिसो”ति।

**६०.** उपनिस्सयपचये रूपस्स उपनिस्सयपचयाभावा तीणेव विस्सज्जनानि लब्धन्ति, तेन वुत्तं “आरम्भणपचयसदिस”ति। तत्थ किञ्चापि न सब्बे कुसलाकुसलाव्याकता आरम्भणपचयसयं लभन्ति, ये पन लभन्ति, तेसं वसेनेन वुत्तन्ति वेदितब्बं।

**६१.** पुरेजातपचये **वत्थुं पुरेजातपचया**ति वत्थुं पटिच्च वत्थुना पुरेजातपचयतं साधेन्तेन उपपज्जन्तीति अत्थो। **विपाकाव्याकृतं एकं खन्धं**ति एत्थ यं विपाकाव्याकतस्स वत्थु ओक्कन्तिकखणे सहजातपचयो होति, तं पुरेजातपचयभाजनियत्ता इध न गहेतब्बं। येपि कुसलादयो आरूपे पुरेजातपचयं न लभन्ति, तेपि पुरेजातपचयभाजनियतोयेव इध न गहेतब्बा। आरम्भणं पन नियमतो पुरेजातपचयभावं न लभति। रूपायतनादीनि हि चक्खुविज्जाणादीनयेव पुरेजातपचयतं साधेन्ति, मनोविज्जाणधातुया अतीतानागतानिपि आरम्भणं होन्तियेव। तस्मा इध न गहितं। खन्धवसेन हि अयं देसना, न विज्जाणधातुवसेन। “विपाकाव्याकृतं एकं खन्धं”ति देसनाय च सब्बापि विज्जाणधातुयो गहिता, न चक्खुविज्जाणधातुआदयो एवाति।

पच्छाजातो कुसलाकुसलानं पचयो न होति, अब्याकतस्सपि उपत्थम्भकोव न जनको, तस्मा “उपपज्जति पच्छाजातपचया”ति एवं वत्तब्बो एकधम्मोपि नत्थीति पच्छाजातपचयवसेन विस्सज्जनं न कतं।

**६२.** आसेवनपचये कामं सब्बा किरिया आसेवनपचयं न लभन्ति, लब्धमानवसेन पन “किरियाव्याकृतं”ति वुत्तं। तस्मा जवनकिरियावेत्थ गहिताति वेदितब्बा।

**६३.** कम्मपचये कुसलाकुसलेसु एकखणिको कम्मपचयो वेदितब्बो, तथा किरियाव्याकते। विपाकाव्याकते पन नानाखणिकोपि, तथा पटिसन्धिकखणे महाभूतानं। चित्तसमुद्धानानं पन एकखणिको। कटत्तारूपानं नानाखणिकोव तथा असज्जसत्तरूपानं। कटत्तारूपं पनेत्थ जीवितिन्द्रियं। सेसं न एकन्ततो कम्मसमुद्धानत्ता उपादारूपानि वुत्तं। एवं सन्तेपि इध कम्मसमुद्धानमेव अधिप्पेतं।

**६४.** विपाकपचये कुसलाकुसलं किरियञ्च न लब्धतीति अब्याकतवसेनेव विस्सज्जनं कतं। **चित्तसमुद्धान**ति विपाकचित्तसमुद्धानमेव। **कटत्तारूपं**ति यथालाभवसेन



इन्द्रियरूपञ्च वत्थुरुपञ्च । उपादारूपन्ति तदवसेसं तस्मिं समये विज्जमानकं उपादारूपं ।

६५. आहारपच्यये सब्बेसम्पि कुसलादीनं खन्धानं चित्तसमुद्धानरूपस्स च अरूपाहारवसेन उप्पत्ति वेदितब्बा, तथा पटिसन्धिकखणे महाभूतानं । चित्तसमुद्धानन्ति भवङ्गादिचित्तसमुद्धानं । आहारसमुद्धानन्ति कबळीकाराहारसमुद्धानं । चित्तसमुद्धानन्ति कुसलाकुसलचित्तसमुद्धानमेव । पच्यविभङ्गवारे आहारपटिपाटिया पठमं कबळीकारो आहारो दस्सितो, इध पन कुसलं धम्मन्ति पुच्छावसेन पठमं अरूपाहारा दस्सिताति वेदितब्बा ।

६६. इन्द्रियपच्यये पच्यविभङ्गे इन्द्रियपटिपाटिया पठमं चक्खुन्द्रियादीनि दस्सितानि, इध पन कुसलादिपुच्छावसेन पठमं अरूपिन्द्रियानं पच्ययता दस्सिता । तत्थ कुसलादीसु यथालाभवसेन अरूपिन्द्रिया गहेतब्बा । असज्जसत्तानं भूतरूपेसुपि जीवितिन्द्रियन्ति ।

६७. ज्ञानमगपच्ययेसु हेतुपच्ययसदिसमेव विस्सज्जनं, तेनेवेत्थ “हेतुपच्ययसदिस”न्ति वुत्तं ।

६८. सम्पयुत्तपच्यये विस्सज्जनं आरम्भणपच्ययगतिकं, तेनेवेत्थ “आरम्भणपच्ययसदिस”न्ति वुत्तं ।

६९. विषयुत्तपच्यये वत्थुं विषयुत्तपच्ययाति वत्थुं पटिच्च विषयुत्तपच्यया, वत्थुना विषयुत्तपच्ययतं साधेन्तेन उप्पज्जन्तीति अत्थो । खन्धे विषयुत्तपच्ययाति खन्धे पटिच्च विषयुत्तपच्यया, खन्धेहि विषयुत्तपच्ययतं साधेन्तेहि उप्पज्जन्तीति अत्थो । खन्धा वत्थुं विषयुत्तपच्ययाति वत्थुं पटिच्च खन्धा विषयुत्तपच्यया । वत्थुना विषयुत्तपच्ययतं साधेन्तेन उप्पज्जन्तीति अत्थो । चित्तसमुद्धानरूपं खन्धे विषयुत्तपच्ययाति खन्धे पटिच्च विषयुत्तपच्यया चित्तसमुद्धानं रूपं खन्धेहि विषयुत्तपच्ययतं साधेन्तेहि उप्पज्जन्तीति अत्थो । सेसविस्सज्जनेसुपि वत्थुं विषयुत्तपच्ययातिआदीसुपि वुत्तनयेनेवत्थो वेदितब्बो । विपाकाब्याकते चेत्थ वत्थुगहणेन चक्खवादीनि सङ्गहितब्बानि । एकं महाभूतन्तिआदि रूपाब्याकतस्स पच्ययभावं दस्सेतुं वुत्तं । चित्तसमुद्धानन्ति अब्याकतचित्तसमुद्धानम्पि कुसलाकुसलचित्तसमुद्धानम्पि ।

७०. अत्थिपच्यये सब्बं सहजातपच्ययगतिकं । तेनेवेत्थ “सहजातपच्ययसदिस”न्ति वुत्तं ।

७१-७२. नत्थिविगता आरम्भणपच्ययगतिका, अविगतं सहजातगतिकं । तेनेवेत्थ “आरम्भणपच्ययसदिसं, सहजातपच्ययसदिस”न्ति वुत्तं । इमे तेवीसति पच्ययाति सङ्घिपित्वा दस्सितानं वसेनेतं वुत्तं । वित्थारेतब्बाति या पुच्छा विस्सज्जनं लभन्ति, तासं वसेन वित्थारेतब्बा । अयं हेतुपच्ययं आदिं कत्वा एकमूलके पच्ययानुलोमे पटिच्चवारस्स कुसलत्तिकविस्सज्जने अत्थवण्णना ।

## (२.) सङ्ख्यावारो

७३. इदानी ये एत्थ हेतुपच्ययादीसु एकेकस्मिं पच्यये विस्सज्जनवारा लब्धा, ते गणनवसेन दस्सेतुं हेतुया नवातिआदि आरब्धं । तत्थ हेतुया नवाति हेतुपच्यये नव पुच्छाविस्सज्जनवारा होन्ति । सेय्यथिदं — कुसलेन कुसलं, कुसलेन अब्याकतं, कुसलेन कुसलाब्याकतं; अकुसलेन अकुसलं, अकुसलेन अब्याकतं, अकुसलेन अकुसलाब्याकतं, अब्याकतेन अब्याकतं, कुसलाब्याकतेन अब्याकतं, अकुसलाब्याकतेन अब्याकतन्ति ।

आरम्भणे तीणीति कुसलेन कुसलं, अकुसलेन अकुसलं, अब्याकतेन अब्याकतं । अधिपतिया नवाति हेतुया वुत्तसदिसाव । द्वादससु हि पच्ययेसु नव नवाति वुत्तं । सब्बेसुपि पुच्छाविस्सज्जनानि हेतुपच्ययसदिसानेव । विभङ्गे पन अत्थि विसेसो । दससु पच्ययेसु तीणि तीणीति वुत्तं । सब्बेसुपि पुच्छाविस्सज्जनानि आरम्भणसदिसानेव । विभङ्गे पन अत्थि विसेसो । अज्जमज्जपच्ययस्मिज्झि अब्याकतपदस्स विस्सज्जने रूपम्पि लभन्ति, तथा पुरेजातपच्यये । आसेवनपच्यये विपाकानि चेव वीथिचित्तानि च न लभन्ति । विपाके एकन्ति अब्याकतमेव । एवमेत्थ सङ्केपतो नव तीणि एकन्ति, तिविधोव वारपरिच्छेदो । वित्थारतो द्वादस नवका, दस तिका, एकं एककन्ति सब्बेसुपि तेवीसतिया पच्ययेसु एकूनचत्तालीसाधिकं वारसतं होति, एकूनचत्तालीसाधिकञ्च पुच्छासतं । एकूनचत्तालीसाधिकं पुच्छाविस्सज्जनसतन्तिपि तस्सेव नामं ।

७४. एवं हेतुपच्ययादिके एकमूलके गणनं दस्सेत्वा इतो परेसु दुमूलकादीसु वित्थारदेसनं सङ्घिपित्वा एकमूलके दस्सिताय देसनाय लभमानगणनञ्जेव आदाय वारपरिच्छेदं दस्सेतुं दुमूलके ताव हेतुपच्यया आरम्भणे तीणीतिआदिमाह । तत्रिदं लखणं — बहुगणनोपि पच्ययो अबहुगणनेन सङ्घि युत्तो तेन समानगणनोव होति । तेन वुत्तं “हेतुपच्यया आरम्भणे तीणी”ति । हेतुआरम्भणदुके आरम्भणे वुत्तानि तीणेव विस्सज्जनानि लभन्तीति अत्थो । समानगणनो पन समानगणनेन सङ्घि युत्तो अपरिहीनगणनोव होति । तेन वुत्तं “हेतुपच्यया अधिपतिया नवा”ति । हेताधिपतिदुके नवेव विस्सज्जनानि लभन्तीति अत्थो । विपाके एकन्ति हेतुविपाकदुके विपाके वुत्तं एकमेव विस्सज्जनं लभन्तीति एवं ताव दुमूलके वारपरिच्छेदो वेदितब्बो ।

७५. तिमूलकादीसुपि इदमेव लखणं । तेनेवाह — हेतुपच्यया आरम्भणपच्यया अधिपतिया तीणीति । हेतारम्भणाधिपति तिके आरम्भणे वुत्तानि तीणेव विस्सज्जनानि लभन्तीति अत्थो । एवं सब्बत्थ नयो नेतब्बो ।

७६-७९. द्वादसमूलके पन विपाकपच्ययो न लभन्ति, तस्मा आसेवनपच्यया कम्मे तीणीति वत्त्वा विपाकं अपरामसित्वा आहारे तीणीति वुत्तं । तेरसमूलकादीसुपि एसेव नयो । ते पन सङ्घिपित्वा तेवीसतिमूलकोवेत्थ दस्सितो । सो दुविधो होति — सासेवनो वा सविपाको वा । तत्थ पठमं सासेवनो दस्सितो, सो तीणेव विस्सज्जनानि लभन्ति । तेन वुत्तं “आसेवनपच्यया अविगते तीणी”ति । सविपाको पन आसेवनं न लभन्ति, तस्मा तं पहाय विपाकवसेन गणनाय दस्सनत्थं अनन्तरायेव “हेतुपच्यया... पे०... विपाकपच्यया आहारे एक”न्ति एकं नयं दस्सेत्वा पच्छा तेवीसतिमूलकोव दस्सितो । एतेसु पन द्वीसु तेवीसतिमूलकेसु किञ्चापि एकस्मिं विपाकपच्ययो नत्थि, एकस्मिं आसेवनपच्ययो, पच्छाजातपच्ययो पन उभयत्थापि । रुळ्हीसहेन पनेते तेवीसतिमूलकात्वेव वेदितब्बा । तेसु सासेवने आसेवनस्स वसेन सब्बत्थ तीणेव विस्सज्जनानि, सविपाके विपाकपच्ययस्स वसेन एकमेवाति अयं हेतुपच्ययं आदिं कत्वा एकमूलकादीसु गणना ।

यं पनेतं हेतुमूलकानन्तरं “आरम्भणे ठितेन सब्बत्थ तीणेव पज्हा”ति वुत्तं, तं आरम्भणपच्ययं आदिं कत्वा एकमूलकेपि दुमूलकादीसुपि सब्बत्थ आरम्भणपदे चेव

आरम्भणेन सद्धिं सेसपच्चययोजनासु च यत्थ नवहि भवितव्वं, तत्थ तयोव पज्हा होन्तीति दस्सनत्थं वुत्तं। विपाकपदे पन विपाकपदेन सद्धिं सेसपच्चययोजनासु च एकोव पज्हा होतीति। इति यं हेट्ठा अवोचुम्ह “बहुगणनोपि पच्चयो अबहुगणनेन सद्धिं युत्तो तेन समानगणनो होती”ति, तं सुवुत्तमेव।

८०-८५. इदानीं ये आरम्भणादीनं पच्चयानं वसेन एकमूलकादयो दस्सेतव्व, तेसु एकमूलको ताव हेतुएकमूलकेनेव सदिसोति एकस्मिम्पि पच्चये न दस्सितो। आरम्भणपच्चयवसेन पन दुमूलके गणनं दस्सेतुं **आरम्भणपच्चया हेतुया तीणि, अधिपतिया तीणि...पे०... अविगते तीणीति** वुत्तं। एत्थ च “आरम्भणपच्चया अधिपतिया तीणि...पे०... अविगते तीणी”ति वत्तव्वे ये हेतुपच्चयादयो पच्चया बहुगणना, तेसं ऊनतरगणनेहि च समानगणनेहि च सद्धिं संसन्दने या गणना लब्धति, तं दस्सेतुं आरम्भणपच्चयस्स पुरिमभागे ठितम्पि हेतुपच्चयं पच्छिमभागेव ठपेत्वा “आरम्भणपच्चया हेतुया तीणी”ति वुत्तं। तेनेतं आवि करोति — आरम्भणपच्चयो येन येन बहुतरगणनेन वा समानगणनेन वा पच्चयेन सद्धिं दुक्तिकादिभेदं गच्छति, सब्बत्थ तीणेव पज्हाविस्सज्जनानि वेदितव्वानि। विपाकपच्चयेन पन सद्धिं संसन्दने एकमेव लब्धति, तं विपाकपच्चयादिकाय गणनाय आवि भविस्सतीति इध न दस्सितं। या चेसा दुमूलके गणना दस्सिता, तिमूलकादीसुपि एसाव गणनाति आरम्भणपच्चयवसेन तिमूलकादयो न वित्थारिता।

इदानीं अधिपतिपच्चयादिवसेन दुमूलकादीसु गणनं दस्सेतुं **अधिपतिपच्चया हेतुया नवाति**आदि वुत्तं। तत्थापि वुत्तनयेनेव पच्चयसन्निवेशो वेदितव्वो। यथा च अधिपतिपच्चया हेतुया नव, एवं सेसेसुपि हेतुना समानगणनासु नवेव। इति यो यो पच्चयो आदिमिह तिड्ढति, तेन तेन सद्धिं समानगणनानं संसन्दने आदिमिह ठितस्स वसेन गणना होति। तेन पन सद्धिं ऊनतरगणनानं संसन्दने ऊनतरगणनानंयेव वसेन गणना होतीति वेदितव्वो। यथा च आरम्भणपच्चयवसेन एवं अधिपतिपच्चयवसेनापि ततो परेसं अनन्तरादीनं वसेनापि तिमूलकादयो न वित्थारिता। तस्मा दुमूलके दस्सितगणनावसेनेव सब्बत्थ साधेतव्व। तेनेव वुत्तं “एकेकं पच्चयं मूलकं कातुन सज्जायमग्गेन गणेतव्व”ति।

पच्चयानुलोमवण्णना।

पटिच्चवारी

पच्चयपच्चनीयवण्णना

८६-८७. पच्चयपच्चनीयं पन यस्मा कुसलपदे न लब्धति कुसलधम्मस्स हेतुपच्चयेन विना अनुप्पत्तितो, तस्मा **अकुसलं धम्मं पटिच्चाति**आदि आरद्धं। तत्थ **नहेतुपच्चयाति** हेतुपच्चयपटिक्खेपो हेतुपच्चयं विना अज्जेन पच्चयेन उप्पज्जतीति अत्थो। **विचिकिच्छासहगतो उद्धच्चसहगतो मोहोति** अयमिह सम्पयुत्तधम्मानज्जेव चित्तसमुद्धानरूपस्स च सयं हेतुपच्चयो होति, अज्जस्स पन सम्पयुत्तहेतुनो अभावा न हेतुपच्चया उप्पज्जतीति ठपेत्वा हेतुपच्चयं सेसेहि अत्तनो अनुरूपपच्चयेहि उप्पज्जति। इमिना नयेन सब्बपच्चयपटिक्खेपेसु अत्थो वेदितव्वो। **अहेतुकं विपाकाव्याकतन्ति** इदं रूपसमुद्वापकवसेनेव वेदितव्वं। अज्जेसुपि एवरूपेसु एसेव नयो।

८८. नअधिपतिपच्चये कामं अधिपतिपि अत्तना सद्धिं दुतियस्स अधिपतिनो अभावा नअधिपतिपच्चयं लभति, यथा पन विचिकिच्छुद्धच्चसहगतो मोहो अहेतुको, न तथा अधिपतयो एव निराधिपति। छन्दादीसु पन अज्जतरं अधिपतिं अकत्वा कुसलादीनं उप्पत्तिकाले सब्बेपि कुसलादयो निराधिपतिनो। तस्मा मोहं विय विसुं अधिपतिमत्तमेव अनुद्धरित्वा सब्बसङ्गाहिकवसेन एसा “एकं खन्धं पटिच्च तयो खन्धा”तिआदिका देसना कताति वेदितव्व।

८९. नानन्तरनसमनन्तरेसु नारम्भणे विय रूपमेव पच्चयुप्पन्नं। तेन वुत्तं “नारम्भणपच्चयसदिस”न्ति। सहजातपच्चयो परिहीनो। यथा चेस, तथा निस्सयअत्थिअविगतपच्चयापि। किं कारणा? एतेहि विना कस्सचि अनुप्पत्तितो। सहजातनिस्सयअत्थिअविगतपच्चयेपि हि पच्चकखाय एकोपि रूपारूपधम्मो नुप्पज्जति, तस्मा ते परिहीना।

९०. नअज्जमज्जपच्चयविभङ्गे **पटिसन्धिकखणे विपाकाव्याकते खन्धे पटिच्च कटत्तारूपन्ति** हृदयवत्थुवज्जं वेदितव्वं।

९१. नउपनिस्सयपच्चयविभङ्गे रूपमेव पच्चयुप्पन्नं, तज्जि उपनिस्सयं न लभति। अरूपं पन किञ्चापि आरम्भणूपनिस्सयपकतूपनिस्सये न लभेय्य, अनन्तरूपनिस्सयमुत्तकं पन नत्थि। तेन वुत्तं “नारम्भणपच्चयसदिस”न्ति।

९२. नपुरेजाते **चित्तसमुद्धानरूपन्ति** पच्चवोकारवसेन वुत्तं।

९३. **नपच्छाजातपच्चयाति** एत्थ सहजातपुरेजातपच्चया सङ्गहं गच्छन्ति। तस्मा सहजातपच्चयसदिसा एत्थ पाळि, सा नअधिपतिपच्चये वित्थारिताति इध सद्धिन्ता। नासेवनपच्चये कुसलाकुसला पठमजवनवसेन वेदितव्व, तथा किरियाव्याकतं। पाळि पन इधापि नअधिपतिपच्चये वित्थारितवसेन वेदितव्व। तेनेवाह — “नपच्छाजातपच्चयम्पि नासेवनपच्चयम्पि नाधिपतिपच्चयसदिस”न्ति।

९४-९७. नकम्मपच्चये विपाकचेतना नानाक्खणिककम्मपच्चयं लभतीति न गहिता। नाहारपच्चये एकच्चं रूपमेव पच्चयुप्पन्नं, तथा नइन्द्रियपच्चये।

९८. नज्ञानपच्चये पच्चविज्जाणधम्मा चेव एकच्चज्ज रूपं पच्चयुप्पन्नं। पच्चविज्जाणस्मिज्ज वेदना च चित्तेकगता च दुब्बलत्ता उपनिज्ज्ञानलक्खणं न पापुणन्तीति ज्ञानपच्चये न गहिता।

९९-१०२. नमगपच्चये अहेतुकविपाककिरियज्जेव एकच्चज्ज रूपं पच्चयुप्पन्नं। नसम्पयुत्तनोनत्थिनोविगतेसु रूपमेव पच्चयुप्पन्नं। तेन वुत्तं “नारम्भणपच्चयसदिस”न्ति।

१०३. नहेतुया द्वेति एकमूलकगणनाय यथापाळिमेव निर्याति ।

१०४. दुमूलके नहेतुपच्यया नारम्मणे एकन्ति एत्थ किञ्चापि बहुगणनेन सद्धिं ऊनतरगणनस्स संसन्दने ऊनतरगणनवसेन नहेतुया विर्य द्वीहि भवितव्वं । नारम्मणवसेन पन अरूपधम्मनं परिहीनत्ता अब्बाकतं पटिच्च रूपाब्बाकतस्स उप्पत्तिं सन्धाय “एक”न्ति वुत्तं । सब्बेसु एककेसुपि एसेव नयो । द्वेति वुत्तद्वाने पन नहेतुया लद्धवसेन वारद्वयं वेदितव्वं ।

१०५-१०६. तिमूलकादीसु पन सब्बेसु नारम्मणपच्ययस्स अपरिहीनत्ता एकमेव विस्सज्जनन्ति अयं पच्यनीये नहेतुपच्ययं आदिं कत्वा एकमूलकादीसु गणना ।

१०७-१३०. नारम्मणपच्ययादयो पन एकमूलके ताव पुरिमेन सदिसत्ता इधापि न दस्सितायेव । नारम्मणपच्ययवसेन दुमूलके नारम्मणपच्यया, नहेतुया एकन्ति नहेतुदुमूलके वुत्तमेव । नाधिपतिया पञ्चाति नारम्मणपच्यये लद्धवसेन वेदितव्वान्ति एवं सब्बसंसन्दनेसु ऊनतरगणनस्सेव पच्ययस्स वसेन गणना वेदितव्वान्ति । यत्थ यत्थ च नारम्मणपच्ययो पविसति, तत्थ तत्थ रूपमेव पच्ययुप्पन्नं । नानन्तरनसमनन्तरनअञ्जमञ्जनउपनिस्सयनाहारनइन्द्रियनसम्पयुत्तनोनत्थिनोविगतपच्ययानं पविट्ठुद्वानेपि एसेव नयो । नाहारनइन्द्रियनज्ञानमग्गपच्यया सब्बत्थ सदिसविस्सज्जना । नसहजातादिचतुक्कं इधापि परिहीनमेवाति इदमेत्थ लक्खणं । इमिना पन लक्खणेन सब्बेसु दुमूलकादीसु “अयं पच्ययो मूलं, अयमेत्थ दुमूलको, अयं तिमूलको, अयं सब्बमूलको”ति सल्लक्खत्वा ऊनतरगणनस्स पच्ययस्स वसेन गणना वेदितव्वान्ति ।

पच्ययपच्यनीयवण्णना ।

### पच्ययानुलोमपच्यनीयवण्णना

१३१-१८९. इदानी अनुलोमपच्यनीये गणनं दस्सेतुं हेतुपच्यया नारम्मणे पञ्चातिआदि आरद्धं । तत्थ हेताधिपतिमग्गपच्ययेसु अनुलोमतो ठितेसु सहजातादयो चत्तारो सब्बद्वानिकपच्यया, आहारिन्द्रियज्ञानमग्गपच्यया चत्तारोति इमे अट्ठ पच्यनीयतो न लब्भन्ति । हेतुपच्ययादिवसेन हि उप्पज्जमानो धम्मो इमे अट्ठ पच्यये अलभन्तो नाम नत्थि । आरम्मणअनन्तरसमनन्तरउपनिस्सयसम्पयुत्तनत्थिविगतपच्ययेसु पन अनुलोमतो ठितेसु अरूपद्वानिका पच्यनीकतो न लब्भन्ति । न हि आरम्मणपच्ययादीहि उप्पज्जमाना अनन्तरसमनन्तरपच्ययादयो न लभन्ति । सहजातअञ्जमञ्जनस्सयकम्माहारिन्द्रियअत्थिअविगतपच्ययेसु पन अनुलोमतो ठितेसु चत्तारो सब्बद्वानिकायेव, पच्यनीकतो न लब्भन्ति । एतेसज्जि पच्ययानं वसेन उप्पज्जमानो सब्बद्वानिके अलभन्तो नाम नत्थि । पच्छाजातपच्ययस्स अनुलोमतो ठानं नाम नत्थि । एवं सेसेसु अनुलोमतो ठितेसु ये च लब्भन्ति, ये च न लब्भन्ति, ते सल्लक्खत्वा सब्बेसुपि दुमूलकादीसु नयेसु तेसं तेसं पच्ययानं संसन्दने ऊनतरगणनानंयेव वसेन गणना वेदितव्वान्ति ।

पच्ययानुलोमपच्यनीयवण्णना ।

### पच्ययपच्यनीयानुलोमवण्णना

१९०. इदानी पच्यनीयानुलोमे गणनं दस्सेतुं नहेतुपच्यया आरम्मणे द्वेतिआदि आरद्धं । तत्थ हेतुमहि पच्यनीकतो ठिते ठपेत्वा अधिपतिं अवसेसा अनुलोमतो लब्भन्ति । पच्छाजातो पन अनुलोमतो सब्बत्थेव न लब्भति, ये नव पच्यया “अरूपानज्जेवा”ति वुत्ता, तेसु पुरेजातज्ज आसेवनज्ज ठपेत्वा अवसेसेसु सत्तसु पच्यनीकतो ठितेसु सेसा अरूपद्वानिका अनुलोमतो न लब्भन्ति । यो हि आरम्मणादीहि नुप्पज्जति, न सो अनन्तरादयो लभति । पटिसन्धिविपाको पन पुरेजाततो, सब्बविपाको च सद्धिं किरियमनोधातुया आसेवनतो अनुप्पज्जमानोपि अनन्तरादयो लभति, तस्मा “पुरेजातज्ज आसेवनज्ज ठपेत्वा”ति वुत्तं ।

पुरेजातपच्छाजातआसेवनविपाकविष्णुत्तेसु पच्यनीकतो ठितेसु एकं ठपेत्वा अवसेसा अनुलोमतो लब्भन्ति । कम्मपच्यये पच्यनीकतो ठिते ठपेत्वा विपाकपच्ययं अवसेसा अनुलोमतो लब्भन्ति । आहारिन्द्रियेसु पच्यनीकतो ठितेसु ठपेत्वा सब्बद्वानिके चेव अञ्जमञ्जकम्माहारिन्द्रियपच्यये च अवसेसा अनुलोमतो न लब्भन्ति, इतरे युज्जमानकवसेन लब्भन्ति । ज्ञानपच्यये पच्यनीकतो ठिते । हेताधिपतिआसेवनमग्गपच्यया अनुलोमतो न लब्भन्ति । मग्गपच्यये पच्यनीकतो ठिते हेताधिपतिपच्यया अनुलोमतो न लब्भन्ति । विष्णुत्तपच्यये पच्यनीकतो ठिते पुरेजातपच्ययं ठपेत्वा अवसेसा अनुलोमतो लब्भन्ति । एवं तेसु तेसु पच्ययेसु पच्यनीकतो ठितेसु ये ये अनुलोमतो न लब्भन्ति, ते ते अत्वा तेसं तेसं पच्ययानं संसन्दने ऊनतरगणनानं वसेन गणना वेदितव्वान्ति ।

१९१-१९५. दुमूलकादीसु च नयेसु यं यं पच्ययं आदिं कत्वा ये ये दुकादयो दस्सिता, ते ते लब्भमानालब्भमानपच्ययवसेन यथा यथा दस्सिता, तथा तथा साधुक्कं सल्लक्खत्वा । तत्थ यं नहेतुवसेन दुमूलकादयो नये दस्सेन्तेन नहेतुपच्यया नारम्मणपच्यया...पे... नासेवनपच्ययाति वत्ता “याव आसेवना सब्बं सदिस”न्ति वुत्तं । तस्स, “नअञ्जमञ्जपच्यया सहजाते एक”न्तिआदीहि सदिसता वेदितव्वान्ति । यं पन “नकम्मे गणिते पच्च गण्हाती”ति सीहळभासाय लिखितं, तस्सत्थो — नहेतुपच्ययं आदिं कत्वा नकम्मपच्ययाति एवं नकम्मपच्ययेन घटिते सहजाते एकन्ति एवं दस्सिता पच्चेव पच्यया अनुलोमतो लब्भन्ति, न अज्जेति । एवं अज्जेसुपि एवरूपेसु ठानेसु व्यञ्जनं अनादित्वा अधिप्पेतत्थोयेव गहेतव्वो । एवरूपज्जि व्यञ्जनं अत्तनो सज्जानिबन्धनत्थं पोरणेहि सकसकभासाय लिखितं ।

अपिच इमस्मिं पच्यनीयानुलोमे पच्ययुप्पन्नधम्मेषुपि अत्थि धम्मो कम्मपच्ययं लभति, न इन्द्रियपच्ययं । सो असज्जेसु चेव पच्चवोकारे पवत्ते च रूपजीवितिन्द्रियवसेन वेदितव्वो । अत्थि धम्मो मग्गपच्ययं लभति, नहेतुपच्ययं । सो विचिकिच्छुद्धचसहजातमोहवसेन वेदितव्वो । अत्थि धम्मो ज्ञानपच्ययं लभति, नमग्गपच्ययं । सो मनोधातुअहेतुकमनोविज्जाणधातुवसेन वेदितव्वो । यत्थ कटत्तारूपानि नानाक्खणिककम्मवसेनेव कम्मपच्ययं लभन्ति, तत्थ रूपधम्मो हेताधिपतिविपाकिन्द्रियज्ञानमग्गपच्यये न लभन्ति, सब्बद्वानिका पच्यनीया न होन्ति । अहेतुके अधिपतिपच्ययो नत्थीति इमेसमि पकिण्णकानं वसेनेत्थ गणनवारो असम्मोहतो वेदितव्वो ।

तत्रायं नयो — नहेतुपच्यया आरम्मणे द्वेति एत्थ ताव अहेतुकमोहो चेव अहेतुकविपाककिरिया च पच्ययुप्पन्नं, तस्मा अकुसलेनाकुसलं, अब्बाकतेन अब्बाकतं सन्धायेत्ये द्वेति वुत्तं । सेसेसुपि एसेव नयो । आसेवने पन विपाकं न लब्भति, तथा किरियमनोधातु । तस्मा किरियाहेतुमनोविज्जाणधातुवसेनेत्थ अब्बाकतेन अब्बाकतं

वेदितव्यं। **विपाके एकन्ति** अब्याकतेन अब्याकतमेव। **मग्गे एकन्ति** अकुसलेन अकुसलमेव।

**१९६-१९७. नारम्मणमूलके हेतुया पञ्चाति** रूपमेव सन्धाय वुत्तं। तच्चि कुसलं अकुसलं अब्याकतं कुसलाब्याकतं अकुसलाब्याकतञ्चाति पञ्च कोट्टासे पटिच्च उपपज्जति। सब्बपञ्चकेसु एसेव नयो। **अञ्जमञ्जे एकन्ति** भूतरूपानि चेव वत्थुञ्च सन्धाय वुत्तं। तानि हि नारम्मणपच्चया अञ्जमञ्जपच्चया उपपज्जन्ति। तिमूलकेपि एसेव नयो।

**१९८-२०२. नाधिपतिमूलके हेतुया नवाति** अनुलोमे हेतुम्हि वुत्तानेव। **तीणीति**आदीनिपि हेट्ठा अनुलोमे वुत्तसदिसानेव। तिमूलके द्वेति हेट्ठा नहेतुपच्चया आरम्मणे वुत्तसदिसानेव।

**२०३-२३३. नपुरेजातमूलके हेतुया सत्ताति** हेट्ठा “आरुपे कुसलं एकं खन्धं पटिच्चा”तिआदिना नयेन पुरेजाते दस्सितानेव। सब्बसत्तकेसु एसेव नयो। नकम्ममूलके **हेतुया तीणीति**आदीसु चेतनाव पच्चयुप्पन्ना। तस्मा कुसलं अकुसलं अब्याकतञ्च पटिच्च उपपत्तिं सन्धाय तीणीति वुत्तं। इमिना नयेन “एकं द्वे तीणि पञ्च सत्त नवा”ति आगतट्ठानेसु गणना वेदितव्या। “चत्तारि छ अट्ठा”ति इमा पन तिस्रो गणना नत्थेवाति।

पच्चयपच्चनीयानुलोमवण्णना।

निट्ठिता च पटिच्चवारस्स अत्थवण्णना।

## २. सहजातवारवण्णना

**२३४-२४२. सहजातवारे कुसलं धम्मं सहजातोति** कुसलं धम्मं पटिच्च तेन सहजातो हुत्वाति अत्थो। सेसमेत्थ पटिच्चवारे वुत्तनयेनेव वेदितव्यं। अवसाने पनस्स “पटिच्चत्तं नाम सहजातत्तं, सहजातत्तं नाम पटिच्चत्तं”न्ति इदं उभिन्नम्पि एतेसं वारानं अत्थतो निन्नानाकरणभावदस्सनत्थं वुत्तं। अत्थतो हि एते द्वेपि निन्नानाकरणा। एवं सन्तेपि अञ्जमञ्जस्स अत्थनियमनत्थं वुत्ता। “चक्खुञ्च पटिच्च रूपे चा”तिआदीसु हि असहजातम्पि पटिच्च उपपज्जतीति वुच्चति। सहजातम्पि च उपादारूपं भूतरूपस्स पच्चयो न होति। इति पटिच्चवारेन सहजातपच्चयभावं, सहजातवारेन च पटिच्चाति वुत्तस्स सहजातभावं नियमेतुं उभोपेते वुत्ता। अपिच तथा बुद्धानकानं अञ्जासयवसेन देसनाविलासेन निरुत्तिपटिसम्भिदाप्पभेदजाननवसेन चापि एते उभोपि वुत्ताति।

सहजातवारवण्णना निट्ठिता।

## ३. पच्चयवारवण्णना

**२४३. पच्चयवारे कुसलं धम्मं पच्चयाति** कुसलधम्मे पटिड्डितो हुत्वा कुसलं धम्मं निस्सयट्ठेन पच्चयं कत्वाति अत्थो। **कुसलं एकं खन्धं पच्चयाति** कुसलं एकं खन्धं निस्सयपच्चयं कत्वा तयो खन्धा उपपज्जन्ति हेतुपच्चयाति वुत्तं होति। इमिनावुपायेन सब्बपदेसु अत्थो वेदितव्यो। **वत्थुं पच्चया विपाकाब्याकता किरियाब्याकता खन्धाति** इदं पच्चवोकारे पवत्तिवसेन वुत्तं। पच्चवोकारे पवत्तियच्चि खन्धानं पुरेजातं वत्थु निस्सयपच्चयो होति। पटिच्चट्ठस्स पन सहजातट्ठत्ता पटिच्चवारे एस नयो न लब्भतीति पटिसन्धियं सहजातमेव वत्थुं सन्धाय “वत्थुं पटिच्च खन्धा”ति वुत्तं। **कुसलं एकं खन्धञ्च वत्थुञ्च पच्चया तयो खन्धाति**आदीसुपि इमिनाव नयेन अत्थो वेदितव्यो।

**अब्याकतं धम्मं पच्चया कुसलो च अब्याकतो चाति** कुसलाब्याकतानं हेतुपच्चयवसेन एकतो उपपत्तिं सन्धाय वुत्तं। कुसलुपपत्तिक्खणस्मिच्चि वत्थुं निस्साय कुसला खन्धा, चित्तसमुद्धाने च महाभूते निस्साय चित्तसमुद्धानं उपादारूपं हेतुपच्चयवसेन एकतो उपपज्जति। इति पच्चयभूतस्स अब्याकतस्स नानत्तेपि पच्चयुप्पन्नानं हेतुपच्चयवसेन एकतो उपपत्तिं सन्धायेतं वुत्तन्ति वेदितव्यं। अञ्जेसुपि एवरूपेसु ठानेसु एसेव नयो। एवं इमस्मिं हेतुपच्चये सहजातञ्च पुरेजातञ्च निस्सयट्ठेन पच्चयं कत्वा सत्तरस पञ्हा विस्सज्जिता। तत्थ खन्धा चेव भूता च सहजातवसेन, वत्थु सहजातपुरेजातवसेन गहितं। पटिच्चवारे पन सहजातवसेन पच्चयो लब्भति, तस्मा तत्थ नवेव पञ्हा विस्सज्जिता। ये पनेते एत्थ सत्तरस पञ्हा विस्सज्जिता, तेसु एकादिके एकावसाने विस्सज्जने कुसलादीसु एकपच्चयतो एको पच्चयुप्पन्नो। एकादिके दुकावसाने एकपच्चयतो नानापच्चयुप्पन्नो। दुकादिके एकावसाने नानापच्चयतो एको पच्चयुप्पन्नो। दुकादिके दुकावसाने नानापच्चयतो नानापच्चयुप्पन्नो।

**२४८-२५२. आरम्मणपच्चयादीसुपि** इमिनावुपायेन पञ्हाविस्सज्जनपभेदो वेदितव्यो। यं पनेतं आरम्मणपच्चये **वत्थुं पच्चया खन्धाति** वुत्तं, तं पटिसन्धिक्खणे विपाकक्खन्धेयेव सन्धाय वुत्तं। चक्खुविज्जाणादीनि अब्याकतं निस्साय आरम्मणपच्चयेन उपपज्जन्तानं पभेददस्सनत्थं वुत्तानि। पुन **वत्थुं पच्चयाति** पवत्ते विपाककिरियाब्याकतानं उपपत्तिदस्सनत्थं वुत्तं। सेसं पुरिमनयेनेव वेदितव्यं। एवं इमस्मिं आरम्मणपच्चये सहजातञ्च पुरेजातञ्च पच्चयं कत्वा सत्त पञ्हा विस्सज्जिता। तत्थ खन्धा सहजातवसेन, वत्थु सहजातपुरेजातवसेन, चक्खायतनादीनि पुरेजातवसेनेव गहितानि। पटिच्चवारे पन सहजातवसेनेव पच्चयो लब्भति। तस्मा तत्थ तयोव पञ्हा विस्सज्जिता।

**२५३-२५४. अधिपतिपच्चये विपाकाब्याकतं** लोकुत्तरमेव वेदितव्यं। अनन्तरसमनन्तरा रूपाभावेन आरम्मणसदिसा। परतो आसेवननत्थिविगतेसुपि एसेव नयो।

**२५५. सहजातपच्चये कटत्तारूपं उपादारूपन्ति** उपादारूपसङ्घातं कटत्तारूपं। इदं असञ्जसत्तानञ्जेव रूपं सन्धाय वुत्तं। चक्खायतनादीनि पच्चवोकारवसेन वुत्तानि।

**२५६-२५७. अञ्जमञ्जपच्चये च यथा आरम्मणपच्चया एवन्ति** विस्सज्जनसमतं सन्धाय वुत्तं। पच्चयुप्पन्नेसु पन नानतं अत्थि।

**२५८. उपनिस्सयपच्चये आरम्मणपच्चयसदिसन्ति** रूपाभावतोपि विस्सज्जनसमतायपि वुत्तं।

२५९-२६०. वत्थुं पुरेजातपच्चयातिआदीनं पटिच्चवारे वुत्तनयेनेवत्थो गहेतब्बो।

२६१-२६६. कम्मपच्चये तीणीति कुसलं पच्चया कुसलो अब्बाकतो कुसलाब्बाकतो चाति एवं तीणि वेदितब्बानि। अकुसलेपि एसेव नयो।

२६७-२६८. विप्पयुत्तपच्चये खन्धे विप्पयुत्तपच्चयाति खन्धे निस्साय विप्पयुत्तपच्चया उप्पज्जन्तीति अत्थो। खन्धा वत्थुं विप्पयुत्तपच्चयाति खन्धा वत्थुं निस्साय विप्पयुत्तपच्चया उप्पज्जन्तीति अत्थो। सेसं हेट्ठा वुत्तनयेनेव वेदितब्बं।

२६९-२७६. इदानीं यथालब्धानि विस्सज्जनानि गणनवसेन दस्सेतुं हेतुया सत्तरसातिआदिमाह। तत्थ हेतुया सत्तरसाति कुसलेन कुसलं, कुसलेन अब्बाकतं, कुसलेन कुसलाब्बाकतन्ति एवं कुसलवसेन एकादिकानि एकावसानानि द्वे, दुकावसानं एकन्ति तीणि वुत्तानि होन्ति, तथा अकुसलवसेन। अब्बाकतेन अब्बाकतं, तेनेव कुसलं, अकुसलं, कुसलाब्बाकतं अकुसलाब्बाकतञ्च; कुसलाब्बाकतेहि कुसलं, अब्बाकतं, कुसलाब्बाकतं; अकुसलाब्बाकतेहि अकुसलं, अब्बाकतं, अकुसलाब्बाकतन्ति एवं सत्तरस वेदितब्बानि।

आरम्भणे सत्ताति कुसलेन कुसलं; अकुसलेन अकुसलं, अब्बाकतेन अब्बाकतं, कुसलं, अकुसलं; कुसलाब्बाकतेन कुसलं; अकुसलाब्बाकतेन अकुसलन्ति एवं सत्त।

विपाके एकन्ति अब्बाकतेन अब्बाकतमेव। एवमेत्थ सत्तरस, सत्त, एकन्ति तयो वारपरिच्छेदा होन्ति। तेसु द्वादस सत्तरसका, दस सत्तका, एकं एककन्ति ते सब्बे साधुकं सल्लखत्वेत्वा परतो दुकादिकादिवसेन पच्चयसंसन्दने ऊनतरगणनस्स वसेन गणना वेदितब्बा। सक्का हि इमाय गणनाय दुकमूलादीसु वारपरिच्छेदे जानितुन्ति पुन “कुसलं धम्मं पच्चया कुसलो धम्मो”ति अनामसित्वा गणनवसेनेव वारपरिच्छेदं दस्सेतुं हेतुपच्चया आरम्भणे सत्तातिआदि आरब्धं।

तत्थ कुसलं धम्मं पच्चया कुसलो धम्मो उप्पज्जति हेतुपच्चया आरम्भणपच्चया। कुसलं एकं खन्धं पच्चया तयो खन्धाति इमिना नयेन आरम्भणे लब्धविस्सज्जनानि वित्थारेतब्बानि। अयं ताव अनुलोमे नयो।

२७७-२८५. पच्चनीये पन कुसलं न लब्भतीति अकुसलं धम्मं पच्चयाति अकुसलमेव आदिं कत्वा विस्सज्जनं आरब्धं। तं यथापाळिमेव नित्याति। यज्जेत्थ वत्तब्बं सिया, तं पटिच्चवारस्स पच्चनीये वुत्तमेव।

२८६-२८७. यं पनेतं पच्चनीये लब्धविस्सज्जनपरिच्छेदं गणनतो दस्सेतुं नहेतुया चत्तारीतिआदि वुत्तं, तत्थ चत्तारि, सत्तरस, सत्त, पञ्च, तीणि, एकन्ति छ परिच्छेदा। तेसं वसेन दुकादिकादीसु पच्चयसंसन्दने गणना वेदितब्बा। यो हि पच्चयो सत्तरस विस्सज्जनानि लभति, तेन सद्धिं सदिससंसन्दने सत्तरस, ऊनतरसंसन्दने सेसा छपि परिच्छेदा लब्भन्ति। एवं सेसेसुपि अधिकपरिच्छेदं ठपेत्वा समसमा ऊनतरा च लब्भन्तीति।

एत्थ च अधिकतरा न लब्भन्तीति अयमेत्थ नियमो। समसमा पन ऊनतरा च अत्था विरोधे सति लब्भन्ति। तेनेत्थ “नहेतुपच्चया नारम्भणे एक”न्तिआदि वुत्तं। एत्थ हि नहेतुया चतुन्नं, नारम्भणे पञ्चन्नं आगतत्ता नहेतुवसेन चत्तारीति वत्तब्बं सिया, नारम्भणेन सद्धिं घटितत्ता पन आरम्भणधम्मो विरुज्झतीति अकुसलं धम्मं पच्चया अकुसलो धम्मो, अब्बाकतं धम्मं पच्चया अकुसलो, अकुसलञ्च अब्बाकतञ्च धम्मं पच्चया अकुसलोति तीणि विस्सज्जनानि परिहीनानि। अब्बाकतं धम्मं पच्चया अब्बाकतोति रूपवसेन एकमेव वुत्तं। एवं सब्बत्थ विरुद्धाविरुद्धं जत्वा लब्भमानपरिच्छेदो वेदितब्बो। अपिचेत्थ इदं नयमत्तदस्सनं। नाधिपतिया चत्तारीति नहेतुया लब्धानेव। सेसचतुक्केसुपि एसेव नयो।

नानन्तरे एकन्ति अहेतुकचित्तसमुद्धानस्स चेव सेसरूपस्स च वसेन अब्बाकतेन अब्बाकतं। एवं सब्बेसु एकेकेसु युज्जमानकरूपं जानितब्बं। नपुरेजाते द्वेति इथापि नहेतुवसेन चत्तारीति वत्तब्बं सिया, नपुरेजातेन सद्धिं घटितत्ता पन अब्बाकतं धम्मं पच्चया अकुसलो, अकुसलञ्च अब्बाकतञ्च धम्मं पच्चया अकुसलोति वत्थुपुरेजातवसेन द्वे विस्सज्जनानि परिहीनानि। आरुप्पे पन अहेतुकमोहस्स अहेतुककिरियस्स च वसेन द्वे वुत्तानि। नविप्पयुत्ते द्वेति आरुप्पे अहेतुकाकुसलकिरियवसेन द्वे। नोनत्थि नोविगतेसु एकन्ति सब्बस्स रूपस्स वसेन अब्बाकतेन अब्बाकतं दड्ढब्बं। तिकादीसु अपुब्बं नत्थि।

२८८. नारम्भणमूलके पन नाधिपतिया पञ्चाति नारम्भणे लब्धानेव। नकम्मे एकन्ति एत्थ चित्तसमुद्धानञ्च कट्टारूपञ्च अगगहेत्वा सेसरूपवसेन अब्बाकतेन अब्बाकतं वेदितब्बं।

२८९-२९६. नाधिपतिमूलके नपुरेजाते सत्ताति नपुरेजाते लब्धानेव। नपच्छाजाते सत्तरसाति इमानिपि तत्थ लब्धानि सत्तरसेव। नानन्तरनसमनन्तरनअञ्जमञ्जनउपनिस्सयनसम्पयुत्तनोनत्थिनोविगतमूलकानि नारम्भणमूलकसदिसानेव। इमिनाव नयमत्तदस्सनेन सब्बत्थ आगतानागतं लब्भमानालब्भमानञ्च वेदितब्बन्ति।

पच्चनीयवण्णना निड्डिता।

२९७-३२८. इमिनायेव पन लक्खणेन अनुलोमं पुरतो कत्वा अनुलोमपच्चनीये पच्चनीयं पुरतो कत्वा पच्चनीयानुलोमे च गणनपरिच्छेदो आगतानागतं लब्भमानालब्भमानञ्च वेदितब्बन्ति।

पच्चयवारवण्णना निड्डिता।

४. निस्सयवारवण्णना

**३११-३३७.** निस्सयवारे कुसलं धम्मं निस्सायाति कुसलं धम्मं पतिट्ठेन निस्सयं कत्वाति अत्थो। सेसमेत्थ पच्चयवारे वुत्तनयेनेव वेदितब्बं। अवसाने पनस्स “पच्चयत्तं नाम निस्सयत्तं, निस्सयत्तं नाम पच्चयत्तं”न्ति इदं उभिन्मि एतेसं वारानं अत्थतो निन्नानाकरणभावदस्सनत्थं वुत्तं। अत्थतो हि एतेपि पटिच्चसहजाता विय निन्नानाकरणा। एवं सन्तेपि अज्जमज्जस्स अत्थनियमनत्थं वुत्ता। अविज्जापच्चया सङ्कारातिआदीसु हि अनिस्साय वत्तमानं नानाकखणिकम्पि “पच्चया उप्पज्जती”ति वुत्तं। अज्जमज्जं अल्लीयित्वा ठितकट्ठादीसु च एकं एकस्स निस्सयपच्चयो न होति, तथा उपादारूपं महाभूतस्स निस्सयपच्चयो न होतियेव। इति पच्चयवारेन निस्सयपच्चयभावं निस्सयवारेन च पच्चयाति वुत्तस्स सहजातपुरेजातभावं नियमेतुं उभोपेते वुत्ता। अपिच तथा बुज्जनकानं अज्झासयवसेन देसनाविलासेन निरुत्तिपटिसम्भिदापभेदजाननवसेन चापि एते उभोपि वुत्ताति।

निस्सयवारवण्णना।

#### ५. संसट्ठवारवण्णना

**३३८-३४६.** संसट्ठवारे कुसलं धम्मं संसट्ठोति कुसलं धम्मं एकुप्पादालिखणेन सम्पयोगट्ठेन पच्चयं कत्वाति अत्थो। कुसलं एकं खन्धं संसट्ठोति कुसलं एकं खन्धं सम्पयुत्तपच्चयं कत्वा तयो खन्धा उप्पज्जन्ति हेतुपच्चयाति वुत्तं होति। इमिना उपायेन सब्बपदेसु अत्थो वेदितब्बो। इमस्मिं पन हेतुपच्चये अरूपधम्मस्सेव सम्पयोगट्ठेन पच्चयं कत्वा तयो पज्हा विस्सज्जिता। यथा च हेतुपच्चये, तथा आरम्भणपच्चयादीसुपि, केवलं विपाकपच्चये एकमेव विस्सज्जनं।

**३४७-३५०.** इदानी यथालङ्घानि विस्सज्जनानि गणनवसेन दस्सेतुं हेतुया तीणीतिआदि वुत्तं। तत्थ सब्बतिकेसु कुसलेन कुसलं, अकुसलेन अकुसलं, अब्बाकतेन अब्बाकतन्ति अयमेव नियमो। एकके पन अब्बाकतेन अब्बाकतमेव लब्भतीति एवमेत्थ बावीसतिया पच्चयेसु तीणि, विपाके एकन्ति द्वे परिच्छेदा। पच्छाजाते अनुलोमं नत्थि। तस्मा तीणि एकन्ति इमेसज्जेव वसेन दुक्कितकादीसु पच्चयसंसन्दने यत्थ विपाकपच्चयो पविसति; तत्थ एकं, सेसेसु तीणीति एवं गणना वेदितब्बा। सेसमेत्थ अनुलोमे उत्तानत्थमेव।

**३५१-३५४.** पच्चनीये पन कुसलं न लब्भतीति अकुसलमेव आदिं कत्वा विस्सज्जनं कत्तं, तं उत्तानत्थमेव।

**३५९.** यं पनेत्थ पच्चनीये विस्सज्जनपरिच्छेदं गणनतो दस्सेतुं नहेतुया द्वेतिआदि वुत्तं, तत्थ द्वे तीणि एकन्ति तयो परिच्छेदा। तेसं वसेन दुक्कितकादीसु पच्चयसंसन्दने गणना वेदितब्बा। इधापि अधिकतरगणनानं ऊनतरगणनेन सद्धिं संसन्दने ऊनतरगणनमेव लब्भति, समगणनेन सद्धिं समगणनं। यस्मा चेत्थ अरूपधम्मायेव पच्चयुप्पन्ना, तस्मा नहेतुनाधिपतिनपुरेजातनपच्छाजातनासेवननकम्मनविपाकनज्ञानमगगविप्पयुत्तवसेन दसेव पच्चया पच्चनीकतो दस्सिता, सेसा चुद्दस न लब्भन्ति। येषि लब्भन्ति, तेसुपि विपाके पच्चयुप्पन्ने नकम्मनविपाका न लब्भन्ति।

**३६०-३६८.** नहेतुपच्चया नाधिपतिया द्वेति नहेतुया लद्धं द्वयमेव। सेसद्वयेसुपि एसेव नयो। नकम्मे एकन्ति अहेतुककरियचेतनं पच्चयुप्पन्नं कत्वा अब्बाकतेन अब्बाकतं। नविपाके द्वेति अहेतुकमोहकरियवसेन द्वे। नज्ञाने एकन्ति अहेतुकपच्चविज्जाणवसेन अब्बाकतविस्सज्जनं वेदितब्बं। नमगगे एकन्ति अहेतुकविपाककरियवसेन अब्बाकतविस्सज्जनं। इमिनावुपायेन सब्बसंसन्दनेसु अत्थो वेदितब्बोति।

**३६९-३८३.** अनुलोमपच्चनीये हेट्ठा वुत्ता नहेतुआदयो दसेव पच्चनीयतो लब्भन्ति, न सेसा। येषि लब्भन्ति, तेसु हेतुम्हि अनुलोमतो ठिते ज्ञानमग्गा पच्चनीयतो न लब्भन्तीति सब्बं हेट्ठा वुत्तनयेनेव वेदितब्बन्ति।

**३८४-३९१.** पच्चनीयानुलोमे नहेतुपच्चयुप्पन्नेसु अहेतुकमोहोव ज्ञानमग्गपच्चयं लभति, सेसा न लभन्ति। नज्ञानपच्चये अट्ठाहेतुकचित्तानिपि। नकम्मपच्चया नहेतुपच्चया नाधिपतिपच्चया नपुरेजातपच्चया आरम्भणे एकन्ति आरुप्पे अहेतुककरियचेतनावसेन अब्बाकतेन अब्बाकतं। इमिना उपायेन यं लब्भति, यच्च न लब्भति, तस्स वसेन सब्बत्थ गणना वेदितब्बाति।

संसट्ठवारवण्णना।

#### ६. सम्पयुत्तवारवण्णना

**३९२-४००.** सम्पयुत्तवारे कुसलं धम्मं सम्पयुत्तोति कुसलं धम्मं सम्पयुत्तपच्चयं कत्वाति अत्थो। सेसमेत्थ संसट्ठवारे वुत्तनयेनेव वेदितब्बं। अवसाने पनस्स “संसट्ठत्तं नाम सम्पयुत्तत्तं, सम्पयुत्तत्तं नाम संसट्ठत्तं”न्ति इदं उभिन्मि एतेसं वारानं अत्थतो निन्नानाकरणभावदस्सनत्थं वुत्तं। अत्थतो हि एतेपि पटिच्चसहजाता विय पच्चयनिस्सया विय च निन्नानाकरणा। एवं सन्तेपि अज्जमज्जस्स अत्थनियमनत्थं वुत्ता। “संसट्ठा योजिता हया”तिआदीसु (जा० २.२२.७०) हि असम्पयुत्तम्पि संसट्ठन्ति वुच्चाति। “या सा वीमंसा कोसज्जसहगाता कोसज्जसम्पयुत्ता”तिआदीसु (सं० नि० ५.८३२) असंसट्ठं वोकिण्णम्पि सम्पयुत्तन्ति। इति संसट्ठवारेन एकुप्पादालिखणस्स सम्पयुत्तस्स संसट्ठभावं सम्पयुत्तवारेन च संसट्ठस्स एकुप्पादालिखणस्स सम्पयुत्तभावं नियमेतुं उभोपेते वुत्ता। अपिच तथा बुज्जनकानं अज्झासयवसेन देसनाविलासेन निरुत्तिपटिसम्भिदापभेदजाननवसेन चापि एते उभोपि वुत्ताति।

सम्पयुत्तवारवण्णना।

एतेसु पन छसु वारेसु अत्थि कोचि पच्चयो एकन्तं अनुलोमतो न तिड्ढति, पच्चनीकतोव तिड्ढति; अत्थि एकन्तं पच्चनीकतो न तिड्ढति, अनुलोमतोव तिड्ढति; अत्थि अनेकन्तं अनुलोमतो चेव तिड्ढति, पच्चनीकतो चाति इदं पकिण्णकं वेदितब्बं। तत्थ पटमो पज्जो पच्छाजातस्स, दुतियो महाचतुक्कस्स, ततियो युज्जमानकानं सेसानं वसेन वेदितब्बोति।

### ७. पञ्चावारविभङ्गवर्णना

४०१-४०३. पञ्चावारे “सिया कुसलो धम्मो कुसलस्स धम्मस्स हेतुपच्चयेन पच्चयो”ति आदिना कुसलत्तिके उद्धरितव्यपुच्छानं लब्धमानवसेन विस्सज्जनं दस्सेतुं **कुसलो धम्मो कुसलस्स धम्मस्स हेतुपच्चयेन पच्चयो**ति आदि वुत्तं। कुसलो च नामेस सयं उप्पज्जन्तो ठपेत्वा पच्छाजातञ्च विपाकञ्च सेसेहि द्वावीसतिया पच्चयेहि उप्पज्जति। कुसलस्स पच्चयो होन्तो ठपेत्वा पुरेजातपच्छाजातविपाकविषयुते सेसेहि वीसतिया पच्चयेहि पच्चयो होति। तस्मा येहि पच्चयेहि कुसलो कुसलस्स पच्चयो होति, ते पच्चये पटिपाटिया दस्सेतुं **हेतुपच्चयेनाति**आदि आरब्धं।

तत्थ या एसा पच्चयविभङ्गवारे विय “हेतुसम्पयुत्तकानं धम्मानं”न्ति अकत्वा “हेतू सम्पयुत्तकानं खन्धानं”न्ति देसना कता, तस्सा एव करणे इदं पयोजनं — तत्थ हि सुज्झट्टं दीपेतुं धम्मानन्ति वुत्तं। इध पच्चयतो उप्पज्जमाना धम्मा रासितो उप्पज्जन्ति, न एकेकतोति रासट्टं दीपेतुं खन्धानन्ति वुत्तं। पटिच्चवारादीसु वा खन्धवसेन पच्चयुप्पन्नदेसना आरुळ्हाति तेनेवानुक्कमेन इधापि आरुळ्हाति। कस्मा पनेतेसु एवं आरुळ्हाति? असङ्करतो विभागदस्सनत्थं। “एकं धम्मं पटिच्च सेसा धम्मा”ति हि आदिना नयेन वुच्चमाने असुकधम्मं नाम निस्साय असुकधम्माति न सक्का असङ्करतो पच्चये पच्चयुप्पन्ने च जानितुं, एवं सन्ते उद्देसनिद्देसा निब्बिसेसा सियुं। तस्मा असङ्करतो विभागदस्सनत्थं एवं आरुळ्हाति वेदितव्वा। **चित्तसमुद्धानानन्ति** इदं यस्स अब्याकतस्स कुसलो हेतुपच्चयेन पच्चयो होति, तमेव दस्सेतुं वुत्तं। पच्चयविभङ्गे पन कुसलादिवसेन विभागं अकत्वा सामज्जतो सब्बेसं हेतुन वसेन उप्पन्नरूपदस्सनत्थं चित्तसमुद्धानानन्ति अवत्वा तंसमुद्धानानन्ति वुत्तं। तस्मा तत्थ अब्याकतहेतुसमुद्धानरूपं, ओक्कन्तिकखणे कटत्तारूपमि सङ्गहं गतं। इमिना उपायेन सेसेसुपि एवरूपेसु विस्सज्जनेसु अत्थो वेदितव्वा।

४०४. **दानं दत्त्वाति** देय्यधम्मं चजित्वा। याय वा चेतनाय सो दिव्यति, सा चेतना दानं। **दत्त्वाति** तं चेतनं परियोदापेत्वा विसुद्धं कत्वा। **सीलं समादियित्वा**ति पच्चङ्गादिवसेन निच्चसीलं गणित्वा। इमिना समादानविरतियेव दस्सिता। सम्पत्तविरतिसमुच्छेदविरतियो पन लोके सीलन्ति अपाकटत्ता न वुत्ता। किञ्चापि न वुत्ता, आरम्भणपच्चया पन होन्तियेव। तत्थ समुच्छेदविरति सेक्खानयेव कुसलस्स आरम्भणं होति, न इतरेसं। **उपोसथकम्मं कत्वा**ति “पाणं न हने, न चादिन्नमादिये”ति (अ० नि० ३.७१) एवं वुत्तं उपोसथदिवसेसु अट्ठङ्गउपोसथकिरियं कत्वा। **तं पच्चवेक्खतीति** तं कुसलं सेक्खोपि पुथुज्जनोपि पच्चवेक्खति, अरहापि पच्चवेक्खतेव। अरहतोपि हि पुब्बे कतं कुसलं कुसलमेव, येन पन चित्तेन पच्चवेक्खति, तं किरियचित्तं नाम होति। तस्मा “एतं कुसलो धम्मो कुसलस्स धम्मस्सा”ति इमस्मिं अधिकारे न लब्धति। **पुब्बे सुचिण्णानीति** “दत्त्वा समादियित्वा कत्वा”ति हि आसन्ने कतानि वुत्तानि, इमानि न आसन्ने कतानीति वेदितव्वानि। दानादीहि वा सेसानि कामावचरकुसलानि दस्सेतुं इदं वुत्तं। **ज्ञाना वुड्ढित्वा**ति ज्ञाना वुड्ढित्वा। अयमेव वा पाळि। **सेक्खा गोत्रभुन्ति** सोतापन्नं सन्धाय वुत्तं। सो हि गोत्रभुं पच्चवेक्खति। **वोदानन्ति** इदं पन सकदागामिअनागामिनो सन्धाय वुत्तं। तेसज्जि तं चित्तं वोदानं नाम होति। **सेक्खाति** सोतापन्नसकदागामिअनागामिनो। **मग्गा वुड्ढित्वा**ति मग्गफलभवङ्गातिकमवसेन अत्तना पटिलद्धा मग्गा वुड्ढित्वा, सुद्धमग्गतोयेव पन वुड्ढाय पच्चवेक्खणं नाम नत्थि।

**कुसलं अनिच्चतोति** एत्थ विपस्सनुपां तेभूमककुसलमेव वेदितव्वं, विपस्सनाकुसलं पन कामावचरमेव। **चेतोपरियजाणेनाति** रूपावचरकुसलं दस्सेति। **आकासानञ्चायतनन्ति** आदीहि अरूपावचरकुसलारम्भणवसेन उप्पज्जमानं अरूपावचरकुसलमेव। **कुसला खन्धा इद्धिविधजाणस्साति** आदीहि पुग्गलं अनामसित्वा धम्मवसेन दस्सेति। तेनेवेत्थ हेड्डा गहितम्पि चेतोपरियजाणं पुन वुत्तं।

४०५. **अस्सादेतीति** सोमनस्ससहगतलोभसम्पयुत्तचित्तेहि अनुभवति चेव रज्जति च। **अभिनन्दतीति** सप्पीतिकतण्हावसेन नन्दति हट्टपहट्टो होति, दिट्ठाभिनन्दनाय वा अभिनन्दति। **रागो उप्पज्जतीति** अस्सादेन्तस्स रागो उप्पज्जति नाम। इदं अट्ठपि लोभसहगतानि गहेत्वा वुत्तं। **दिट्ठि उप्पज्जतीति** अभिनन्दन्तस्स अत्ता अत्तिनयन्ति आदिवसेन चतुहिपि चित्तेहि सम्पयुत्ता दिट्ठि उप्पज्जति। असन्निट्ठानगतस्स पनेत्थ विचिकिच्छा उप्पज्जति। विक्खेपगतस्स उद्धच्चं, अकतं वत मे कल्याणन्ति विष्पटिसारिनो दोमनस्सं। **तं आरब्भाति** तानि सुचिण्णानि आरम्भणं कत्वाति अत्थो। बहुवचनस्स हेस एकवचनादेसो, जातिवसेन वा एकवचनमेवेतं।

४०६. **अरहा मग्गा वुड्ढित्वा**ति मग्गवीथियं फलानन्तरस्स भवङ्गस्स अतिक्कमवसेन वुड्ढित्वा। पच्चवेक्खणचित्तानि पनस्स किरियाव्याकतानि। एवं किरियाव्याकतस्स आरम्भणपच्चयं दस्सेत्वा पुन विपाकाव्याकतस्स दस्सेतुं **सेक्खा वाति** आदिमाह। **कुसले निरुद्धेति** विपस्सनाजवनवीथिया पच्छिन्नाय। **विपाकोति** कामावचरविपाको। **तदारम्भणताति** तदारम्भणताय, तं कुसलस्स जवनस्स आरम्भणभूतं विपस्सितकुसलं आरम्भणं कत्वा उप्पज्जतीति अत्थो। न केवलञ्च तदारम्भणवसेनेव, पटिसन्धिभवङ्गचुतिवसेनापि। विपाको हि कम्मं आरम्भणं कत्वा गहितपटिसन्धिकस्स कुसलारम्भणो होतियेव, सो पन दुब्बिज्जेय्यता इध न दस्सितो।

**कुसलं अस्सादेतीति** आदि अकुसलजवनावसाने कुसलारम्भणविपाकं दस्सेतुं वुत्तं। **विज्जाणञ्चायतनविपाकस्साति** इदं दुब्बिज्जेय्यम्पि समानं महग्गतविपाकस्स तदारम्भणभावेन अनुप्पत्तितो लब्धमानकवसेन वुत्तं। **किरियस्साति** अरहत्तं पत्वा असमापन्नपुब्बे आकासानञ्चायतने पटिलोमतो वा एकन्तरिकवसेन वा समापन्नकिरियाय। **चेतोपरियजाणस्साति** आदीनि परतो आवज्जनाय योजेतव्वानि। या एतेसं आवज्जना, तस्सा कुसला खन्धा आरम्भणपच्चयेन पच्चयोति अयज्हेत्थ अत्थो।

४०७-४०९. **रागन्ति** अत्तनो वा परस्स वा रागं। अत्तनो रागवसेन पनेत्थ वर्णना पाकटा होति। **अस्सादेतीति** आदीनि वुत्तत्थानेव। विचिकिच्छादीसु पन तीसु अस्सादेतव्वताय अभावेन “अस्सादेती”ति न वुत्तं। दिट्ठि पनेत्थ उप्पज्जति, सा अस्सादेतीति पदस्स परिहीनत्ता आगतपटिपाटिया पठमं न वुत्ता। विचिकिच्छादीसुयेव तं तं सभागं पठमं वत्वा तस्स तस्स अनन्तरा वुत्ता। इमेसु च पन रागादीसु “किं मे पापधम्मा उप्पज्जन्ती”ति अक्खन्तिवसेन वा, “कतं पापं कतं लुद्धं”न्ति विष्पटिसारादिवसेन वा दोमनस्सुप्पत्ति वेदितव्वा।

४१०. **चक्खुं अनिच्चतोति** विपस्सनानुक्कमेन ओळारिकायतनानि वत्थुरूपञ्चाति एकादस रूपानि पाकटत्ता गहितानि। पुन रूपायतनादीनि चक्खुविज्जाणादीनं आरम्भणता गहितानि। यस्मा पनेसा विज्जाणकायवसेन देसना, न धातुवसेन, तस्मा मनोधातु न गहिता। एवं सब्बत्थ गहितागहितं वेदितव्वं।

४११. **फलं पच्चवेक्खन्ति निब्बानं पच्चवेक्खन्तीति** पच्चवेक्खणकुसलस्स आरम्भणदस्सनत्थं वुत्तं।

४१३-४१६. आरम्भणाधिपतिनिद्देसे सेक्खपुथुज्जनानं वसेन चतुभूमककुसलं दस्सितं, तथा सहजाताधिपतिनिद्देसे। अरहतो उत्तमधम्मं अधिगतता लोकियकुसलेसु

गरुकारो नत्थीति अगमगोव दस्सितो।

४१७. अनन्तरपच्चये **पुरिमा पुरिमा**ति एकभूमकापि नानाभूमकापि कुसला एकतो कत्वा वुत्ता। **अनुलोमं गोत्रभुस्स, अनुलोमं वोदानस्सा**ति नानारम्मणवसेन। **गोत्रभु मगगस्स, वोदानं मगगस्सा**ति नानाभूमिवसेन। **कुसलं वुट्ठानस्सा**ति एत्थ पन **कुसलन्ति** तेभूमककुसलं। **वुट्ठानन्ति** तेभूमकविपाकं। तेहि कुसलजवनवीथितो वुट्ठन्ति, तस्मा वुट्ठानन्ति वुच्चति। तं दुविधं होति — तदारम्मणं भवङ्गञ्च। तत्थ कामावचरकुसलस्स उभयम्पि वुट्ठानं होति, महग्गतस्स भवङ्गमेव। **मगगो फलस्सा**ति इदं यस्मा लोकोत्तरविपाकं जवनवीथिपरियापन्नत्ता वुट्ठानं नाम न होति, तस्मा विसुं वुत्तं। **अनुलोमं सेक्खाया**ति असेक्खाय कुसलं अनन्तरं न होति, तस्मा विभागं करोति। **फलसमापत्तिया**ति सोतापत्तिफलसकदागामिफलअनागामिफलसमापत्तियापि। **फलसमापत्तिया**ति अनागामिफलसमापत्तिया। अकुसले दुविधम्पि वुट्ठानं लभति। **विपाकाब्बाकता किरियाब्बाकता**ति एत्थ विपाकाब्बाकता विपाकाब्बाकतानंयेव, किरियाब्बाकता किरियाब्बाकतानंयेव वेदितब्बा। **भवङ्गं आवज्जनाया**तिआदि वोमिस्सकवसेन वुत्तं। तत्थ **किरिया**ति कामावचरकिरिया। सा दुविधस्सापि वुट्ठानस्स अनन्तरपच्चयो होति, महग्गता भवङ्गस्सेव। इति ये हेट्ठा पच्चयविभङ्गनिद्देसे “पुरिमा पुरिमा कुसला धम्मा पच्छिमानं पच्छिमानं कुसलानं धम्मानं अनन्तरपच्चयेन पच्चयो”ति आरभित्वा कुसलं कुसलस्स, कुसलं अब्बाकतस्स, अकुसलं अकुसलस्स, अकुसलं अब्बाकतस्स, अब्बाकतं अब्बाकतस्स, अब्बाकतं कुसलस्स, अब्बाकतं अकुसलस्साति सत्त वारा दस्सिता; तेसं वसेन इध सङ्खेपतो अनन्तरपच्चयो विभत्तो।

वित्थारतो पनेत्थ —

दसथा सत्तरसथा, समसङ्घिविधेन च।

बहुधापि च निद्देसं, साधुकं उपलब्धये॥

अयञ्चि अनन्तरपच्चयो न केवलं सत्तथाव निद्देसं लभति, कुसलं पन कुसलस्स विपाकस्स; अकुसलं अकुसलस्स विपाकस्स; विपाकं विपाकस्स किरियस्स; किरियं कुसलस्स अकुसलस्स विपाकस्स किरियस्साति एवं दसथापि निद्देसं लभति। न केवलं दसथायेव, कुसलं पन कुसलस्स कुसलविपाकस्स अकुसलविपाकस्स; अकुसलं अकुसलस्स अकुसलविपाकस्स कुसलविपाकस्स; कुसलविपाकं कुसलविपाकस्स अकुसलविपाकस्स किरियस्स; अकुसलविपाकं अकुसलविपाकस्स कुसलविपाकस्स किरियस्स; किरियं किरियस्स कुसलस्स अकुसलस्स कुसलविपाकस्स अकुसलविपाकस्साति एवं सत्तरसथा निद्देसं लभति।

न केवलञ्च सत्तरसथाव समसङ्घिविधेनापि निद्देसं लभतेव। कथं? कामावचरकुसलञ्चि भूमिभेदेन चतुब्बिधस्स कुसलस्स अनन्तरपच्चयो होति, रूपावचरारूपावचरं सकसकभूमिकस्सेवाति कुसलं कुसलस्स छब्बिधेन अनन्तरपच्चयो। कामावचरकुसलं पन कामावचरकुसलविपाकस्स अकुसलविपाकस्स रूपावचरविपाकस्स अरूपावचरविपाकस्स लोकोत्तरविपाकस्स; रूपावचरकुसलं रूपावचरविपाकस्स कामावचरकुसलविपाकस्स; अरूपावचरकुसलं कामावचरकुसलविपाकस्स रूपावचरअरूपावचरलोकोत्तरविपाकस्स; लोकोत्तरकुसलं लोकोत्तरविपाकस्साति कुसलं विपाकस्स द्वादसविधेन अनन्तरपच्चयो। अकुसलं अकुसलस्स अकुसलविपाकस्स तेभूमककुसलविपाकस्साति पञ्चविधेन अनन्तरपच्चयो।

कामावचरकुसलविपाकं कामावचरकुसलविपाकस्स अकुसलविपाकस्स रूपावचरविपाकस्स अरूपावचरविपाकस्साति कामावचरकुसलविपाकं विपाकस्स चतुब्बिधेन अनन्तरपच्चयो। रूपावचरविपाकं तेभूमककुसलविपाकस्साति तिविधेन अनन्तरपच्चयो। अरूपावचरविपाकं अरूपावचरविपाकस्स कामावचरकुसलविपाकस्साति दुविधेन अनन्तरपच्चयो। लोकोत्तरविपाकं चतुभूमककुसलविपाकस्साति चतुब्बिधेन अनन्तरपच्चयो। एवं कुसलविपाकं विपाकस्स तेरसथापि अनन्तरपच्चयो। अकुसलविपाकं अकुसलविपाकस्स कामावचरकुसलविपाकस्साति दुविधेन अनन्तरपच्चयो। एवं सब्बथापि विपाकं विपाकस्स पञ्चदसविधेन अनन्तरपच्चयो। कामावचरकुसलविपाकं पन कामावचरकिरियस्स, तथा अकुसलविपाकं, तथा रूपावचरविपाकं, तथा अरूपावचरविपाकञ्चाति विपाकं किरियस्स च चतुब्बिधेन अनन्तरपच्चयो।

कामावचरकिरियं तेभूमककिरियस्स, रूपावचरारूपावचरकिरियं रूपावचरारूपावचरानञ्जेवाति किरियं किरियस्स पञ्चविधेन अनन्तरपच्चयो। कामावचरकिरियं अकुसलविपाकस्स चेव चतुभूमककुसलविपाकस्स च, रूपावचरकिरियं कामावचरकुसलविपाकरूपावचरविपाकानं अरूपावचरकिरियं चतुभूमककुसलविपाकस्सापीति किरियं विपाकस्स एकादसविधेन अनन्तरपच्चयो। कामावचरकिरियं पन कामावचरकुसलस्स अकुसलस्साति कुसलाकुसलानं दुविधेन अनन्तरपच्चयो होति। एवं समसङ्घिविधेनापि निद्देसं लभति।

न केवलञ्च समसङ्घिविधेनेव, बहुविधेनापि लभतेव। कथं? कामावचरपठमहाकुसलचित्तं ताव अत्तनो, चतुन्नञ्च रूपावचरकुसलानं पादकयोगेन सोळसन्नं सोमनस्सलोकोत्तरानन्ति एकवीसतिया च कुसलानं, जवनपरियोसाने तदारम्मणभवङ्गवसेन उपपज्जमानानं एकादसन्नं कामावचरविपाकानं, भवङ्गवसेनेव पवत्तानं रूपावचरारूपावचरविपाकानं, फलसमापत्तिवसेन पवत्तानं द्वादसन्नं लोकोत्तरविपाकानन्ति एवं एकवीसतिया कुसलानं; द्वित्तिसाय विपाकानन्ति तेपञ्जासाय चित्तानं अनन्तरपच्चयो होति। तथा दुतियकुसलचित्तं। ततियचतुत्थानि पन ठपेत्वा उपरिभूमककुसलानि च लोकोत्तरविपाकानि च सेसएकवीसचित्तानं। पञ्चमछट्ठानि अत्तनो च, नवन्नञ्च उपरिभूमकउपेक्खाकुसलानं, तेवीसतिया च विपाकानन्ति तैत्तिसाय। सत्तमअट्ठमानि एकवीसतियाव।

पञ्च रूपावचरकुसलानि अत्तनो अत्तनो पच्छिमानं रूपावचरकुसलानं, चतुन्नम्पि जाणसम्पयुत्तमहाविपाकानं, पञ्चन्नं रूपावचरविपाकानञ्चाति दसन्नं। एतेनेव च नयेन अरूपावचरकुसलेसु पठमं अत्तनो विपाकेन सङ्घि एकादसन्नं, दुतियं द्वादसन्नं, ततियं तेरसन्नं, चतुत्थं चुट्ठसन्नं फलसमापत्तिया चाति पन्नरसन्नं लोकोत्तरकुसलं अत्तनो अत्तनो विपाकस्सेव। अट्ठसु लोभसहगतेसु एकेकं अकुसलं एकादसन्नं कामावचरविपाकमनोविज्जाणधातून् नवन्नं, महग्गतविपाकानं अत्तनो अत्तनो पच्छिमस्स चाति एकवीसतिया। द्वे दोमनस्ससहगतानि उपेक्खासहगतानं छन्नं कामावचरविपाकमनोविज्जाणधातून् अत्तनो पच्छिमस्स चाति सत्तन्नं। विचिकिच्छुद्धचसहगतद्वयं सोमनस्ससहगताहेतुकविपाकेन सङ्घि एकादसन्नं कामावचरविपाकमनोविज्जाणधातून् नवन्नं रूपावचरारूपावचरविपाकानं अत्तनो पच्छिमस्स चाति एकवीसतिया।

कुसलविपाकपञ्चविज्जाणा कुसलविपाकमनोधातुया, मनोधातु द्विन्नं विपाकमनोविज्जाणधातून्। तासु द्वीसु सोमनस्ससहगता दसन्नं विपाकमनोविज्जाणधातून्



भवङ्गभूतानं तदारम्भणकाले अत्तनो पच्छिमस्स वोढुब्बनकिरियस्स चाति द्वादसन्। उपेक्खासहगताहेतुकमनोविज्जाणधातु पन आवज्जनमनोधातुया द्विद्वानिकाय आवज्जनमनोविज्जाणधातुया दसन्नञ्च विपाकमनोविज्जाणधातूनन्ति द्वादसन्नमेव। तिहेतुकमहाविपाका सोमनस्ससहगताहेतुकवज्जानं दसन्नम्पि कामावचरविपाकमनोविज्जाणधातूनं रूपावचरारूपावचरविपाकानं आवज्जनद्वयस्स चाति एकवीसतिया, दुहेतुकविपाका ठपेत्वा महग्गतविपाके सेसानं द्वादसन्। पञ्च रूपावचरविपाका तेभूमककुसलविपाकसहेतुकपटिसन्धिचित्तानं सत्तरसन्नं आवज्जनद्वयस्स चाति एकूनवीसतिया। अरूपावचरविपाकेसु पठमं कामावचरकुसलविपाकतिहेतुकपटिसन्धिचित्तानं, चतुन्नं अरूपावचरविपाकचित्तानं चतुन्नं मनोद्वारावज्जनस्स चाति नवन्नं। द्रुतियं हेड्डिमविपाकं वज्जेत्वा अडुन्नं, ततियं द्वे हेड्डिमानि वज्जेत्वा सत्तन्नं, चतुत्थं तीणि हेड्डिमानि वज्जेत्वा छन्नं चत्तारि लोक्कुत्तरविपाकानि तिहेतुकविपाकानं तेरसन्नं अत्तनो अत्तनो पच्छिमस्स चाति चुद्वसन्नं।

अकुसलविपाकपञ्चविज्जाणा अकुसलविपाकमनोधातुया, मनोधातु अकुसलविपाकाहेतुकमनोविज्जाणधातुया। सा तदारम्भणकाले अत्तनो पच्छिमस्स चुतिकाले पटिसन्धिवसेन भवङ्गवसेन च पवत्तानं इतरेसम्पि नवन्नं कामावचरविपाकानं उपेक्खासहगतानं द्विन्नं परित्तकिरियानञ्चाति द्वादसन्नं। किरियमनोधातु दसन्नं विज्जाणानं हसितुप्पादकिरिया पञ्चवोकारे भवङ्गवसेन पवत्तानं नवन्नं तिहेतुकविपाकानं, तदारम्भणवसेन पवत्तानं पञ्चन्नं सोमनस्ससहगतविपाकानं अत्तनो पच्छिमस्स चाति अग्गहितगहणेन तेरसन्नं। वोढुब्बनकिरिया ठपेत्वा किरियमनोधातु दसन्नं कामावचरकिरियानं, कामावचरकुसलाकुसलानं पञ्चवोकारे भवङ्गवसेन पवत्तानं पन्नरसन्नं विपाकचित्तानञ्चाति पञ्चचत्तालीसाय।

कामावचरतिहेतुकसोमनस्ससहगतकिरियद्वयं भवङ्गवसेन पवत्तानं तेरसन्नं तिहेतुकविपाकानं तदारम्भणवसेन पञ्चन्नं सोमनस्ससहगतविपाकानं परिकम्मवसेन पवत्तमानानं चतुन्नं रूपावचरकिरियानं अरहत्तफलसमापत्तिया अत्तनो पच्छिमस्स चाति अग्गहितगहणेन द्वावीसतिया दुहेतुकसोमनस्ससहगतकिरियद्वयं यथावुत्तानं तेरसन्नं भवङ्गचित्तानं पञ्चन्नं तदारम्भणानं अत्तनो पच्छिमस्स चाति अग्गहितगहणेन सत्तरसन्नं। कामावचरतिहेतुकउपेक्खासहगतकिरियद्वयं तेसंयेव तेरसन्नं भवङ्गानं, तदारम्भणवसेन पवत्तानं छन्नं उपेक्खासहगतविपाकानं, परिकम्मवसेन पवत्तानं एकस्सा रूपावचरकिरियाय चतुन्नं अरूपावचरकिरियानं अरहत्तफलसमापत्तिया अत्तनो पच्छिमस्स चाति अग्गहितगहणेन चतुवीसतिया। दुहेतुकउपेक्खासहगतकिरियद्वयं तेसंयेव तेरसन्नं भवङ्गानं छन्नं तदारम्भणानं अत्तनो पच्छिमस्स चाति अग्गहितगहणेन अट्टारसन्नं। रूपावचरकिरियेसु एकेकं नवन्नं पञ्चवोकारे तिहेतुकभवङ्गानं अत्तनो पच्छिमस्स चाति दसन्नं। अरूपावचरकिरियेसु पठमं पञ्चवोकारे नवन्नं भवङ्गानं, चतुवोकारे एकस्स अत्तनो पच्छिमस्स चाति एकादसन्नं। द्रुतियं चतुवोकारे द्वे भवङ्गानि लभति। ततियं तीणि, चतुत्थं चत्तारि फलसमापत्तिञ्चाति तेसु एकेकं यथापटिपाटिया एकादसन्नं द्वादसन्नं तेरसन्नं पञ्चदसन्नञ्च अनन्तरपच्चयो होति। एवं बहुविधेनापि निद्वेसं लभति। तेन वुत्तं –

“दसधा सत्तरसधा, समसट्ठिविधेन च।

बहुधापि च निद्वेसं, साधुकं उपलब्धये”ति॥

समनन्तरपच्चयादयो उत्तानत्थायेव।

**४२३.** उपनिस्सये सद्धं उपनिस्सायाति कम्मकम्मफलइधलोकपरलोकादीसु सद्धं उपनिस्सयं कत्वा। यथा हि पुरिसो हेड्डापथवियं उदकं अत्थीति सद्वहत्वा पथविं खनति, एवं सद्धो कुलपुत्तो दानादीनं फलञ्च आनिसंसञ्च सद्वहत्वा दानादीनि पवत्तेति। तस्मा “सद्धं उपनिस्साया”ति वुत्तं।

**सीलं उपनिस्सायाति** आदीसुपि इमे सीलादयो धम्मे उपनिस्सयं कत्वाति अत्थो। सीलवा हि सीलानुभावेसु सीलानिसंसेसु च कुसलो सीलं उपनिस्साय सीलवन्तानं दानं देति, उपरूपरि सीलं समादियति सुपरिसुद्धं अखण्डं, चातुदसीआदीसु पक्खदिवसेसु उपोसथकम्मं करोति, सीलसम्पदं निस्साय ज्ञानादीनि उप्पादेति। बहुस्सुतोपि दानादिपुञ्जकिरियायत्ता सब्बसम्पत्तियो दानादीनञ्च सङ्किलेसवोदानादिभेदं सुतमयाय पटिविज्झित्वा ठितो सुतं उपनिस्साय दानादीनि पवत्तेति। चागवापि चागाधिमुत्तो अत्तनो चागसम्पदं उपनिस्साय दानं देति, सीलवन्तो हुत्वा दिन्नं महफलन्ति सीलं समादियति, उपोसथकम्मं करोति, ताव पटिपत्तिया परिसुद्धचित्तो ज्ञानादीनि उप्पादेति। पञ्चवापि इधलोकपरलोकहितञ्चेव लोकसमतिकमनुपायञ्च उपपरिखन्तो “सक्का इमाय पटिपत्तिया इधलोकहितम्पि परलोकहितम्पि लोकसमतिकमनुपायञ्च सम्पादेतु”न्ति पञ्चं उपनिस्साय दानादीनि पवत्तेति। यस्मा पन न केवलं सद्धादयो दानादीनयेव उपनिस्सया, अत्तनो अपरभागे उप्पज्जमानानं सद्धादीनम्पि उपनिस्सया एव, तस्मा सद्धा सीलं सुतं चागो पञ्जा सद्धाय सीलस्स सुतस्स चागस्स पञ्जायाति वुत्तं।

**परिकम्मन्ति** अनन्तरं अग्गहेत्वा पुब्बभागे परिकम्मं गहेतब्बं। **यथाकम्मूपजाणस्स अनागतंसजाणस्साति** इमेसं द्विन्नं दिब्बचक्खुपरिकम्ममेव, परिकम्मं विसुं नत्थि। दिब्बचक्खुस्सेव परिभण्डजाणानि एतानि, तस्मिं इज्झमाने इज्झन्ति एवं सन्तेपि तदधिमुत्तताय सहितं दिब्बचक्खुपरिकम्मं तेसं परिकम्मन्ति वेदितब्बं। न हि एतानि सब्बसं दिब्बचक्खुकानं समगतिकानि होन्ति। तस्मा भवितब्बमेत्थ परिकम्मविसेसेनाति। **दिब्बचक्खु दिब्बाय सोतधातुयाति** दूरे रूपानि दिस्वा तेसं सद्धं सोतुकामस्स दिब्बचक्खु सोतधातुविसुद्धिया उपनिस्सयो होति। तेसं पन सद्धं सुत्वा तत्थ गन्तुकामतादिवसेन दिब्बसोतधातु इद्धिविधजाणस्स उपनिस्सयो होति। एवं सब्बत्थ तस्स तस्स उपकारकभाववसेन उपनिस्सयपच्चयता वेदितब्बा।

**मगं उपनिस्साय अनुपण्णं समापत्तिन्ति** तेन तेन मग्गेन सिथिलीकतपरिपन्थकत्ता पहीनपरिपन्थकत्ता च तं तं समापत्तिं उप्पादेन्तीति तेसं मग्गो समापत्तिया उपनिस्सयो होति। **विपस्सन्तीति** उपरूपरिमग्गत्थाय विपस्सन्ति। **अत्थपटिसम्भिदायाति** आदि पटिसम्भिदानं मग्गपटिलाभेनेव इज्जनतो वुत्तं। एवंइद्धानञ्च पनेतासं पच्छा तेसु तेसु आरम्भणेसु पवत्तिया मग्गोव उपनिस्सयो नाम होति।

**सद्धं उपनिस्साय मानं जप्पेतीति** अहमस्मि सद्धो पसन्नोति मानं पवत्तेति। **दिट्ठिं गण्हातीति** तस्मिं तस्मिं वचने सद्धावसेनेव गन्त्वा पञ्जाय अत्थं अनुपपरिखन्तो “अत्थि पुगलो”ति आदिवसेन दिट्ठिं गण्हाति। **सीलं सुतं चागं पञ्जन्ति** अहमस्मि सीलवा सुतवा चागी पञ्जासम्पन्नोति मानं जप्पेति। सीलसुतचागपञ्जासु पन मानमज्जनं विय दिट्ठिमज्जनं उप्पादेन्तो दिट्ठिं गण्हाति। **रागस्साति** आदीसु सद्धादिसम्पदं उपनिस्साय अन्तुकंसनकाले तेसु एकेको धम्मो रागस्स, परवम्भनकाले दोसस्स, उभयेन सम्प्युत्तस्स मोहस्स, वुत्तप्पकारानं मानदिट्ठिं, सद्धादिसम्पदं उपनिस्साय भवभोगसम्पत्तिपन्थनाय उपनिस्सयो होति। एवमेत्थ लोकियकुसलञ्जेव दस्सितं। लोक्कुत्तरं पन सन्तं पणीतं उत्तमं अकुसलविद्धंसनं। तस्मा चन्दो विय अन्धकारतमानं न अकुसलस्स उपनिस्सयो होतीति न गहितं।

**आतापेतीति** आदि कायिकदुःखवसेन अब्याकतधम्मदस्सनत्थं वुत्तं । सद्धो हि सद्धं निस्साय अतिसीतं अतिउण्हन्ति अनोसक्कित्वा नानप्यकारानि नवकम्मवेय्यावच्चादीनि करोन्तो अत्तानं आतापेति परितापेति, भोगं उप्पादेत्वा पुज्जानि करिस्सामीति परियेड्ढिमूलकं दुक्खं पच्चनुभोति । सीलवापि सीलानुरक्खणत्थं अब्भोकासिकतादिवसेन अत्तानं आतापेति परितापेति, पिण्डचारिकतादिवसेन परियेड्ढिमूलकं दुक्खं पच्चनुभोति । सुतवापि बाहुस्सच्चानुरूपं पटिपत्तिं पटिपज्जिस्सामीति वुत्तनयेनेव पटिपज्जन्तो अत्तानं आतापेति परितापेति, परियेड्ढिमूलकं दुक्खं पच्चनुभोति । चागवापि चागाधिमुत्तताय अत्तनो यापनमत्तेपि पच्चये अनवसेसेत्वा परिच्चजन्तो, अङ्गादिपरिच्चागं वा पन करोन्तो अत्तानं आतापेति परितापेति, परिच्चजितब्बस्स वत्थुनो उप्पादनत्थं परियेड्ढिमूलकं दुक्खं पच्चनुभोति । पज्जवापि उपरूपरि पज्जं वड्ढेस्सामीति सप्पज्जतं निस्साय सीतुण्हादीनि अगणेत्वा सज्झायमनसिकारेसु योगं करोन्तो अत्तानं आतापेति परितापेति, मिच्छाजीवे आदीनवं सम्माजीवे च आनिसंसं दिस्वा मिच्छाजीवं पहाय परिसुद्धेन आजीवेन जीवितवुत्तिं परियेसन्तो परियेड्ढिमूलकं दुक्खं पच्चनुभोति ।

**कायिकस्स सुखस्साति** सद्धादिसम्पत्तिं उपनिस्साय उप्पन्नानि सुखोपकरणानि परिभुज्जनकाले सद्धादिसमुद्धानपणीतरूपफुटकायस्स च तेसं वसेन अविष्पटिसारमूलकपापमोज्जपीतिसमुद्धानरूपफुटकायस्स च सुखुप्पत्तिकाले तेसं कटत्ता उप्पन्निविपाकसुखकाले च कायिकस्स सुखस्स, वुत्तनयेनेव दुक्खुप्पत्तिकाले सद्धादिगुणसम्पत्तिं असहमानेहि पयुत्तवधबन्धनादिकाले च कायिकस्स दुक्खस्स, सद्धादयो उपनिस्साय पवत्तितफलसमापत्तिकाले पन फलसमापत्तिया एतेसु एकेको उपनिस्सयपच्चयेन पच्चयो होतीति वेदितब्बो । **कुसलं कम्मन्ति** कुसलचेतना अत्तनो विपाकस्स उपनिस्सयपच्चयो, सा पन बलवचेतनाव लब्भति, न दुब्बला । तत्रिदं वत्थु — एका किर इत्थी उब्बन्धितुकामा रुक्खे रज्जुं लग्गेत्वा संविधातब्बं संविदहति । अथेको चोरो रत्तिभागे तं गेहं उपसङ्कमित्वा “इमाय रज्जुया किञ्चिदेव बन्धित्वा हरिस्सामी”ति सत्थेन छिन्दितुं उपगतो । अथ सा रज्जु आसीविसो हुत्वा सुसूति अकासि । चोरो भीतो अपसक्कि । इत्थी अत्तनो निवेसना निक्खमित्वा रज्जुपासे गीवं पटिमुज्चित्वा उब्बन्धा कालमकासि । एवं बलवचेतना अन्तराये निवारेत्वा अत्तनो विपाकस्स उपनिस्सयो होति । न पनेतं एकन्ततो गहेतब्बं । कतोकासज्झि कम्मं एव विपाकस्स अन्तरायं पटिबाहित्वा विपच्चति, विपाकजनकं पन कम्मं विपाकस्स उपनिस्सयपच्चयो न होतीति न वत्तब्बं । **कम्मन्ति** एत्थ चतुभूमकम्पि वेदितब्बं । यं पन परतो “मग्गो फलसमापत्तिया”ति वुत्तं, तं अचेतनावसेन । तेनेतं दीपेति — यो कोचि विपाकजनको धम्मो, सो अत्तनो विपाकस्स उपनिस्सयपच्चयो होतीति ।

**रागं उपनिस्साय पाणं हनतीति** यस्मिं वत्थुस्मिं सारत्तो होति, तस्मिं वा विरुद्धं, तस्स वा अत्थाय पाणं हनति । अदिन्नादानादीसुपि एतेनेवुपायेन अत्थो वेदितब्बो । **सन्धिं छिन्दतीति** अदिन्नादानवसेन वुत्तं । तत्थ **सन्धिन्ति** गेहसन्धिं । **निल्लोपं हरतीति** निलीयित्वा हरति । **एकागारिकं करोतीति** बहूहि सद्धिं एकमेव गेहं परिवारेत्वा विलुम्पति । **परिपन्थे तिदुतीति** पन्थदूहनकम्मं करोति । **दोसं उपनिस्सायाति** आदीसु “अनत्थं मे अचरी”ति आदिवसेन उप्पन्नं दोसं उपनिस्सयं कत्वा । **मोहं उपनिस्सायाति** पाणातिपातादीसु आदीनपटिच्छादकं मोहं उपनिस्सयं कत्वा । **मानं उपनिस्सायाति** अहं किं हनितुं न सक्कोमि, आदातुं न सक्कोमीति मानं उपनिस्सयं कत्वा । केनचि वा पन अवज्जातो होति परिभूतो हीळितो, तं ओमानं उपनिस्सयं कत्वातिपि अत्थो । **दिट्ठिं उपनिस्सायाति** यज्जादीसु ब्राह्मणादयो विय पादसिकमिलक्खुआदयो विय च दिट्ठिं उपनिस्सयं कत्वा । **पत्थनं उपनिस्सायाति** “सचे मे इदं नाम इज्झिस्सति, एवरूपं ते बलिकम्मं करिस्सामीति एवं देवतायाचनसङ्गतं वा, असुकं नाम मे घातेत्वा देहि, असुकस्स सन्तकं आहर, एहि वा मे एतानि कम्मानि करोन्तस्स सहायो होही”ति एवमादिं वा पत्थनं उपनिस्सयं कत्वा । **रागो दोसो मोहो मानो दिट्ठि पत्थना रागस्साति** । एत्थ रागो रागस्सापि उपनिस्सयो होति दोसादीनम्पि । दोसादीसुपि एसेव नयो ।

**पाणातिपातो पाणातिपातस्साति** पाणातिपाती असंवरे ठितत्ता अज्जम्पि पाणं हनति । यो वा एतेन हतो, तस्स जातिमित्तेहि उपदुतो तेसु अज्जम्पि हनति । एवं पाणातिपातो पाणातिपातस्स उपनिस्सयपच्चयेन पच्चयो । भण्डसामिकं पन गोपकं वा घातेत्वा परभण्डहरणे, सामिकं घातेत्वा तस्स दारातिक्कमे, नाहं हनामीति मुसाभणने, कतस्स पटिच्छादनत्थाय अकतस्स वा करणत्थाय पेसुज्जं उपसंहारे, तेनेव नयेन फरुसवाचानिच्छारणे, सम्फपलापभणने, परं हनित्वा अभिज्झायितव्यपरवित्तूपकरणाभिज्झायने, यो तेन घातितो होति; तस्स मित्तमच्चा उच्छिज्जन्तूति आदिचिन्तने “एवं मे पाणातिपातो निज्जिण्णो भविस्सती”ति दुक्करकारिकादिवसेन दिट्ठिगहणकाले पाणातिपातो अदिन्नादानादीनम्पि उपनिस्सयो होति । इमिना उपायेन अदिन्नादानादिमूलकेसुपि चक्केसु अत्थो वेदितब्बो ।

**मातुघातिकम्मं मातुघातिकम्मस्साति** अज्जं मातरं हनन्तं दिस्वा “वट्ठति एवं कातु”न्ति अत्तनो मातरं हनन्तस्स वा, एकस्मिं भवे हन्त्वा अपरस्मिम्पि हननवसेन वा, एकस्मिंयेव भवे “गच्छ, मे मातरं हनाही”ति पुनप्पुनं आणापनवसेन वा, द्वीहि पहारेहि नियतमरणाय दुतियपहारदानवसेन वा मातुघातिकम्मं मातुघातिकम्मस्स उपनिस्सयो होति । सेसानिपि यथायोगं इमिनाव नयेन वेदितब्बानि । यस्मा पन बलवाकुसलं दुब्बलाकुसलस्स उपनिस्सयो न होति, तस्मा कम्मपथानन्तरियकम्मवसेनेव देसना कताति वदन्ति । तं न एकन्ततो गहेतब्बं । पाणातिपातादीनि हि कत्वा “कस्मा एवमकासी”ति चोदियमानो कोपमत्तकम्पि करोति । विष्पटिसारीपि होति । अप्पमत्तकेपि च किलेसे उप्पन्ने तं वड्ढेत्वा वीतिक्कमं करोति । तस्मा बलवं दुब्बलस्स दुब्बलज्च बलवस्सापि उपनिस्सयो होतियेव । यं पन पच्चयविभङ्गस्स उदेसवण्णनायं वुत्तं “बलवकारणट्टेन उपनिस्सयो होती”ति, तं कारणभावस्सेव बलवताय वुत्तं, न उपनिस्सयपच्चयधम्मानं । कम्मकिलेसा हि बलवन्तोपि दुब्बलापि बलवकारणं होन्तियेव ।

**रागं उपनिस्साय दानं देतीति** आदीसु अहो वताहं चातुमहाराजिकानं देवानं सहब्यतं उपपज्जेय्यन्ति उपपत्तिभवे वा भोगेसु वा रागं उपनिस्साय दानं देति । सीलसमादानउपोसथकम्मेसुपि एसेव नयो । ज्ञानं पन रागविक्रम्भनत्थाय, विपस्सनं रागस्स पहानत्थाय, मग्गं समुच्छेदनत्थाय उप्पादेन्तो रागं उपनिस्साय उप्पादेति नाम । वीतरागभावत्थाय पन अभिज्जं समापत्तिज्च उप्पादेन्तो रागं उपनिस्साय उप्पादेति नाम । एतावता हि वीतरागो नाम होति ।

**सद्धायाति** दानादिवसेन पवत्तसद्धाय सीलादीसुपि एसेव नयो । यथेव हि दानादिवसेन सद्धादयो उप्पादेन्तो रागं उपनिस्साय उप्पादेति नाम, एवं रागादयोपि सद्धादीनं उपनिस्सयपच्चया नाम होन्तीति वेदितब्बा । **तस्स पटिघातत्थायाति** तस्स पटिबाहनत्थाय, विपाकोकासस्स अनुप्पदानत्थायाति अत्थो । सप्पटिघातेसु ताव एवं होतु, यानि पन अप्पटिघातानि आनन्तरियकम्मानि, तेसु “तस्स पटिघातत्थाया”ति कस्मा वुत्तन्ति? तस्स अज्झासयवसेन । तप्पटिघातत्थाय पवत्तेमीति हिस्स अज्झासयो, तं गहेत्वा एवं वुत्तं ।

**रागं उपनिस्साय अत्तानं आतापेतीति** यत्थ रत्तो, तस्स दुक्करेन पत्तिं सम्पस्सन्तो एवं करोतीति सब्बं पुरिमनयेनेव वेदितब्बं । **कायिकस्स सुखस्साति** रागादिसमतिकमवसेन कुसलं कत्वा पटिलद्धसुखस्स वा रागादिवसेन अनादीनवदस्साविनो कामे परिभुज्जनवसेन उप्पन्नसुखस्स वा । **दुक्खस्साति** आतापनादिवसेन उप्पन्नसुखस्स वा रागादिहेतु पवत्तवधबन्धनादिवसेन उप्पन्नदुक्खस्स वा । **फलसमापत्तियाति** रागादयो समुच्छिन्दित्वा वा उप्पादिताय तेहि वा अट्ठीयमानेन समापन्नाय ।

**कायिकं सुखन्ति** आदीसु सुखे उप्पन्ने तं अस्सादेत्वा पुनप्पुनं तथारूपेहेव पच्चयेहि तं उप्पादेन्तस्स पुरिमं पच्छिमस्स उपनिस्सयो होति । सीतादीसु पन

अगिसन्तापनादीनि अतिसेवन्तस्स पुब्बभागे सुखं अपरभागे दुक्खस्स, “सुखो वति मिस्सा परिब्बाजिकाय तरुणाय लोमसाय बाहाय सम्फस्सो”ति कामेसु पातव्यतं आपज्जन्तस्स इध कायिकं सुखं नेरयिकस्स कायिकदुक्खस्स, अरोगभावेन पन सुखिनो फलसमापत्तिं समापज्जन्तस्स कायिकं सुखं फलसमापत्तिया उपनिस्सयपच्चयो होति । दुक्खपटिघाताय पन सुखं सेवन्तस्स दुक्खपटिघाताय च भगवतो विय आबाधं विक्खम्भेत्वा फलसमापत्तिं समापज्जन्तस्स कायिकदुक्खं कायिकसुखस्स चैव फलसमापत्तिया च, उपनिस्सयपच्चयो होति । उतुसप्पायो सुखस्स चैव फलसमापत्तिया च, असप्पायो दुक्खस्स । उतुअसप्पायं वा अभिभवित्वा समापत्तिसमुद्भितरूपवसेन उप्पन्नं सुखं अनुभवितुकामस्स असप्पायोपि उतु फलसमापत्तिया पच्चयोव । भोजनसेनासनेसुपि एसेव नयो । पुन कायिकं सुखन्तिआदीनि केवलं एकतो दस्सितानि । हेट्ठा वुत्तनयेनेव पनेसं पच्चयभावो वेदितब्बो । **फलसमापत्ति कायिकस्स सुखस्साति** समापत्तिसमुद्धानरूपवसेन उप्पन्नस्स सुखस्स । तं हेस समापत्तितो वुट्ठाय अनुभवति ।

**कायिकं सुखं उपनिस्साय दानन्ति**आदीसु “अहो वत मे इदं सुखं न परिहायेय्या”ति पत्तस्स वा अपरिहायनवसेन; “अहो वताहं आयतिं एवरूपं सुखं पापुणेय्य”न्ति अपत्तस्स वा पत्तिवसेन; दुक्खेपि “अहो वत मे दुक्खं परिहायेय्या”ति पत्तस्स परिहायनवसेन वा; “आयतिं एवरूपं नुप्पज्जेय्या”ति अनुप्पादपत्थनावसेन वा सुखदुक्खानं उपनिस्सयता वेदितब्बा । उतुभोजनसेनासानानि वुत्तनयानेव । पुन कायिकं सुखन्तिआदीसु यस्मा “साधु खो, मारिस, मोग्गल्लान, बुद्धसरणगमनं होती”ति सुखप्पत्तानम्पि, “सम्मासम्बुद्धो वत, सो भगवा, यो एवरूपस्स दुक्खस्स परिज्जाय धम्मं देसेती”ति (उदा० १८) दुक्खप्पत्तानम्पि सद्धा उप्पज्जति । सुखदुक्खेहि च संयोगवियोगत्थाय सीलादिपरिपूरणं करेय्य, तस्मा सुखदुक्खानि सद्धादीनं उपनिस्सयभावेन दस्सितानि । उतुआदीनिपि यथायोगं योजेतब्बानि । **कायिकं सुखं उपनिस्साय पाणं हनतीति**आदीसुपि वुत्तनयानुसारेनेव सुखादीनं उपनिस्सयता वेदितब्बा ।

इमस्मिं पन उपनिस्सयभाजनीये कुसलो कुसलस्स तिविधेनापि उपनिस्सयो, अकुसलस्स दुविधेन, अब्याकतस्स तिविधेन । अकुसलो अकुसलस्स तिविधेन, कुसलस्स एकविधेन, अब्याकतस्स दुविधेन । अब्याकतोपि अब्याकतस्स तिविधेन, तथा कुसलस्स, तथा अकुसलस्साति । एवं कुसलो अद्विविधेन, अकुसलो छब्बिधेन, अब्याकतो नवविधेनाति तेवीसतिविधेन उपनिस्सयो भाजितोति वेदितब्बो ।

**४२४.** पुरेजाते चक्खवादीनि ओळारिकवसेन वुत्तानि । आपोधातुआदीनिपि पन पुरेजातारम्मणानि होन्ति येव । **वत्थु पुरेजातं चक्खायतनन्ति**आदि यं वत्थु हुत्वा पुरेजातं होति, तं दस्सेतुं वुत्तं । **वत्थु विपाकाब्याकतानन्ति** पवत्तियं पुरेजातपच्चयं सन्थाय वुत्तं ।

**४२५.** पच्छाजाते **इमस्स कायस्साति** चातुमहाभूतिककायस्स । **पच्छाजातपच्चयेन पच्चयोति** उपत्थम्भनवसेन पच्छाजातो हुत्वा पच्चयो । उपत्थम्भकट्टेन पच्चयत्तायेव हेस पच्छाजातपच्चयोति इमस्मिं पञ्चावारे अनुलोमतो आगतो ।

**४२६.** आसेवनपच्चये **अनुलोमं गोत्रभुस्साति**आदीनं विसुं गहणे हेट्ठा वुत्तनयेनेव कारणं वेदितब्बं ।

**४२७.** कम्मपच्चये **कुसला चेतना सम्पयुत्तकानन्ति** एत्थ सहजातानाकखणिकविभागस्स अभावतो सहजाताति न वुत्ता । अब्याकतविससज्जने पन सो विभागो अत्थि, तस्मा तत्थ वुत्ता । पटिसन्धिगहणं कट्टारूपानं वसेन कतं । **चेतना वत्थुस्साति** किञ्चापि पटिसन्धिकखणे वत्थुपतिट्ठिता अरूपधम्मा वत्थुपच्चया वत्तन्ति, चेतना पन वत्थुस्सापि पच्चयोति दस्सेतुं वुत्तं ।

**४२८.** विपाकपच्चये पटिसन्धिवारे इमिनाव नयेन अत्थो वेदितब्बो ।

**४२९-४३८.** आहारपच्चये **इमस्स कायस्साति** इमस्मिं चतुसन्ततिवसेन पवत्ते चातुमहाभूतिककाये आहारसमुद्धानस्स जनकवसेन, सेसस्स उपत्थम्भकवसेन आहारपच्चयेन पच्चयो । इन्द्रियपच्चयादीसुपि पटिसन्धिवारो वुत्तनयेनेव वेदितब्बो । सेसं सब्बत्थ उत्तानत्थमेवाति ।

पञ्चावारविभङ्गवण्णना निट्ठिता ।

**पञ्चावारस्स घटने अनुलोमगणना**

**४३९.** इदनेत्थ यथालब्धानि विस्सज्जनानि गणनावसेन दस्सेतुं **हेतुया सत्ताति**आदि वुत्तं । तत्थ **सत्ताति** कुसलेन कुसलं, अब्याकतं, कुसलाब्याकतन्ति तीणि । तथा अकुसलेन; अब्याकतेन अब्याकतमेवाति एवं सत्त । **आरम्मणे नवाति** एकमूलकएकावसानानि नव । **अधिपत्तिया दसाति** कुसलं कुसलस्स सहजाततो चैव आरम्मणतो च; अकुसलस्स आरम्मणतोव अब्याकतस्स सहजाततो चैव आरम्मणतो च; कुसलाब्याकतस्स सहजाततोवाति कुसलमूलकानि चत्तारि । अकुसलं अकुसलस्स सहजाततो चैव आरम्मणतो च; अब्याकतस्स सहजाततोव तथा अकुसलाब्याकतस्साति अकुसलमूलकानि तीणि । अब्याकतो अब्याकतस्स सहजाततो चैव आरम्मणतो च; कुसलस्स आरम्मणतोव तथा अकुसलस्साति अब्याकतमूलकानि तीणीति एवं दस । एत्थ पन आरम्मणाधिपतिपि सत्तथा, सहजाताधिपतिपि सत्तथाव लब्धति ।

**अनन्तरे सत्ताति** कुसलमूलकानि द्वे, तथा अकुसलमूलकानि, अब्याकतमूलकानि तीणीति एवं सत्त । समनन्तरेपि एतानेव । **सहजाते नवाति** कुसलमूलकानि तीणि, अकुसलमूलकानि तीणि, अब्याकतमूलकं एकं, तथा कुसलाब्याकतमूलकं, अकुसलाब्याकतमूलकञ्चाति एवं नव । **अज्जमज्जे तीणीति** कुसलेन कुसलं, अकुसलेन अकुसलं, अब्याकतेन अब्याकतन्ति एवं तीणि । **निस्सये तेरसाति** सहजाततोव कुसलमूलकानि तीणि, तथा अकुसलमूलकानि, तथा अब्याकतमूलकानि । एत्थ पन पुरेजातम्पि लब्धति । अब्याकतज्झि अब्याकतस्स सहजातम्पि होति पुरेजातम्पि; कुसलस्स पुरेजातमेव तथा अकुसलस्स । पुन कुसलाब्याकतो सहजातपुरेजाततो कुसलस्स, सहजाततोव अब्याकतस्स, तथा अकुसलाब्याकतोति एवं तेरस । **उपनिस्सये नवाति** एकमूलकेकावसाना नव । तेसं विभङ्गे तेवीसति भेदा दस्सिता । तेसु आरम्मणपूनिस्सये सत्त, अनन्तरूपनिस्सये सत्त, पकतूपनिस्सये नव होन्ति । **पुरेजाते तीणीति** अब्याकतो अब्याकतस्स, कुसलस्स, अकुसलस्साति एवं तीणि ।

**पच्छाजाते तीणीति** कुसलो अब्याकतस्स, अकुसलो अब्याकतस्स, अब्याकतो अब्याकतस्साति एवं तीणि । **आसेवने तीणि** अज्जमज्जसदिसानि । **कम्मे सत्त** हेतुसदिसानि । तत्थ द्वीसु विस्सज्जनेसु नानाकखणिककम्मम्पि आगतं, पच्चसु सहजातमेव । **विपाके एकं** अब्याकतेन अब्याकतं । **आहारइन्द्रियज्ञानमगेसु सत्त**

हेतुसदिसानेव । इन्द्रियं पनेत्थ सहजातपुरेजातवसेन आगतं । **सम्पयुत्ते तीणि** अञ्जमञ्जसदिसानि । **विष्ययुत्ते पञ्चाति** सहजातपच्छाजाततो कुसलेन अब्याकतं, अकुसलेन अब्याकतं, सहजातपुरेजातपच्छाजाततो अब्याकतेन अब्याकतं, वत्थुपुरेजाततो अब्याकतेन कुसलं, तथा अकुसलन्ति एकं कुसलमूलं, एकं अकुसलमूलं, तीणि अब्याकतमूलानीति एवं पञ्च ।

**अत्थिया तेरसाति** सहजाततो कुसलेन कुसलं, सहजातपच्छाजाततो कुसलेन अब्याकतं, सहजाततो कुसलेन कुसलाब्याकतन्ति कुसलमूलानि तीणि, तथा अकुसलमूलानि, सहजातपुरेजातपच्छाजाताहारिन्द्रियतो पन अब्याकतेन अब्याकतं, वत्थारम्मणपुरेजाततो अब्याकतेन कुसलं, तथा अकुसलं, सहजातपुरेजाततो कुसलो च अब्याकतो च अकुसलस्स; स्वेव अब्याकतस्स सहजातपच्छाजातआहारिन्द्रियतो सहजातपुरेजाततो च कुसलो च अब्याकतो च कुसलस्स; स्वेव अब्याकतस्स सहजातपच्छाजातआहारिन्द्रियतोति एवं तेरस । **नत्थिविगतेसु सत्त** अनन्तरसदिसानि । **अविगते तेरस** अत्थिसदिसानीति । एवमेत्थ सत्त गणनपरिच्छेदा एकं तीणि पञ्च सत्त नव दस तेरसाति । तेसु विपाकवसेन एकमेव एककं, अञ्जमञ्जपुरेजातपच्छाजातासेवनसम्पयुत्तवसेन पञ्च तिका, विष्ययुत्तवसेन एकमेव पञ्चकं, हेतुअनन्तरसमनन्तरकम्मआहारिन्द्रियज्ञानमग्नत्थिविगतवसेन दस सत्तका, आरम्मणसहजातउपनिस्सयवसेन तयो नवका, अधिपतिवसेन एकं दसकं, निस्सयअत्थिविगतवसेन तयो तेरसकाति एवं तस्मिं तस्मिं पच्चये निहिट्टवारे गणनवसेन साधुकं सल्लक्खत्वा तेसं वसेन दुकातिकादीसु पच्चयसंसन्दने गणना वेदितब्बा ।

**४४०.** ये पन पच्चया येसं पच्चयानं विसभागा वा विरुद्धा वा होन्ति, ते तेहि सद्धिं न योजेतब्बा । सेय्यथिदं — हेतुपच्चयस्स ताव आरम्मणानन्तरसमनन्तरूपनिस्सयपुरेजातपच्छाजातकम्मासेवनाहारज्ञाननत्थिविगता अधिपतिपच्चये च ठपेत्वा वीमंसं सेसाधिपतिनो विसभागा, सहजातादयो सभागा । कस्मा? तथा भावाभावतो । हेतुपच्चयो हि येसं हेतुपच्चयो होति, तेसं सहजातादिपच्चयोपि होति, आरम्मणादिपच्चयो पन न होतीति आरम्मणादयो तस्स विसभागा नाम । तस्मा सो तेहि, ते वा तेन सद्धिं, न योजेतब्बा । पुरेजातपच्छाजातसम्पयुत्तविष्ययुत्तअत्थिनत्थिविगताविगता च अञ्जमञ्जविरुद्धा, तेषि अञ्जमञ्जं न योजेतब्बा । तत्थ अयोजनीये वज्जेत्वा योजनीयेहि योगे ये वारा लब्भन्ति, ते सद्धेपतो दस्सेतुं हेतुपच्चया अधिपतिया चत्तारीतिआदि वुत्तं ।

तत्थ किञ्चापि हेतुपच्चयस्स अधिपतिना संसन्दने ऊनतरगणनवसेन सत्तहि वारेहि भवितब्बं, यस्मा पन अधिपतीसु वीमंसाव हेतुपच्चयो, न इतरे, तस्मा विसभागे वज्जेत्वा सभागवसेन “चत्तारी”ति वुत्तं । तानि एवं वेदितब्बानि — कुसलो धम्मो कुसलस्स धम्मस्स हेतुपच्चयेन पच्चयो अधिपतिपच्चयेन पच्चयो; कुसला वीमंसा सम्पयुत्तकानं खन्धानं, कुसलो धम्मो अब्याकतस्स धम्मस्स हेतुपच्चयेन पच्चयो अधिपतिपच्चयेन पच्चयो; कुसला वीमंसा चित्तसमुद्धानानं रूपानं, कुसलो धम्मो कुसलस्स च अब्याकतस्स च धम्मस्स हेतुपच्चयेन पच्चयो अधिपतिपच्चयेन पच्चयो; कुसला वीमंसा सम्पयुत्तकानं खन्धानं चित्तसमुद्धानानञ्च रूपानं, अब्याकतो धम्मो अब्याकतस्स धम्मस्स हेतुपच्चयेन पच्चयो अधिपतिपच्चयेन पच्चयो; विपाकाब्याकता किरियाब्याकता वीमंसा सम्पयुत्तकानं खन्धानं चित्तसमुद्धानानञ्च रूपानन्ति । एत्थ च विपाकाब्याकता लोकुत्तरतोव गहेतब्बा । आरम्मणपच्चयअनन्तरपच्चयादयो पन विसभागत्ता न योजिता । इमिना उपायेन सब्बत्थ लब्भमानञ्च अलब्भमानञ्च जत्वा लब्भमानवसेन वारा उद्धरितब्बा ।

**सहजाते सत्ताति** हेतुया लब्धानेव । **अञ्जमञ्जे तीणीति** सुद्धिकअञ्जमञ्जे लब्धानेव । **निस्सये सत्ताति** हेतुया लब्धानेव । **विपाके एकन्ति** सुद्धिकविपाके लब्धमेव । **इन्द्रियमग्गेसु चत्तारीति** हेद्वा वुत्तनयानेव । **सम्पयुत्ते तीणीति** सुद्धिकसम्पयुत्ते लब्धानेव । **विष्ययुत्ते तीणीति** कुसलादिचित्तसमुद्धानं रूपं पच्चयुप्पन्नं कत्वा वेदितब्बानि । **अत्थिविगतेसु सत्ताति** हेतुया लब्धानेव ।

**४४१-४४३.** एवं येहि अधिपतिपच्चयादीहि एकादसहि पच्चयेहि सद्धिं हेतुपच्चयो योजनं लभति, तेसं वसेन दुमूलकनये गणनं दस्सेत्वा इदानीं तिमूलकादीसु तस्स दस्सनत्थं लक्खणं ठपेत्तो हेतुसहजातनिस्सयअत्थिविगतन्ति सत्तातिआदिमाह । पोत्थकेसु पन निस्सउपनिस्सअधिपाति एवं परिहीनक्खरानि पच्चयनामानि लिखन्ति, तं सञ्जाकरणमत्तवसेन लिखितं । तस्मा तादिसेसु ठानेसु परिपुण्णा पाळि कातब्बा । यं पनिदं लक्खणं ठपितं, तेन इदं दीपेति — अयं हेतुपच्चयो सहजातादीहि चतूहि सद्धिं संसन्दने अत्तनो विभङ्गे लब्धानि सत्तेव विस्सज्जनानि लभति । सचे पनेत्थ अञ्जमञ्जपच्चयो पविसति, अञ्जमञ्जे लब्धानि तीणि लभति । सचे सम्पयुत्तपच्चयो पविसति, तानेव तीणि लभति । सचे विष्ययुत्तपच्चयो पविसति, हेतुविष्ययुत्तदुके लब्धानि तीणि लभति । सचे विपाकपच्चयो पविसति, सब्बेहि विपाकसभागेहि सद्धिं संसन्दने एवमेव विस्सज्जनं लभति । सचे पनेत्थ इन्द्रियमग्नपच्चया पविसन्ति, तेहि सद्धिं दुमूलके लब्धानि चत्तारियेव लभति । सचे तेहि सद्धिं अञ्जमञ्जपच्चयो पविसति, हेताधिपतिदुके दस्सितेसु चतूसु विस्सज्जनेसु “कुसलो धम्मो अब्याकतस्स, कुसलो धम्मो कुसलस्स च अब्याकतस्स चा”ति द्वे अपनेत्वा सेसानि द्वे लभति । सचेपि तत्थ सम्पयुत्तपच्चयो पविसति, तानेव द्वे लभति । सचे पन विष्ययुत्तपच्चयो पविसति, इतरानि द्वे लभति । सचे पन तेसु विपाकपच्चयो पविसति, सब्बत्थ एकमेव लभति । अधिपतिना पन सद्धिं हेताधिपतिदुको ऊनतरगणनेसु अप्पविसन्तेसु चत्तारियेव लभति । ऊनतरगणनेसु पविसन्तेसु तेसं वसेन द्वे एकन्ति लभति । एवं तेसं तेसं पच्चयानं समायोगे लब्भमानं गणनं विदित्वा तिमूलकादीसु गणना उद्धरितब्बाति ।

एतेसु पन घटनेसु सब्बपठमानि चत्तारि घटनानि सामञ्जतो नवन्नम्पि हेतूनं वसेन वुत्तानि अविपाकानि । अब्याकतेन अब्याकतविस्सज्जने पनेत्थ विपाकहेतुपि लब्भति ।

ततो परानि पञ्च घटनानि विपाकहेतुवसेन वुत्तानि । तत्थ सब्बेपि सहजातविपाका चेव विपाकसहजातरूपा च । तेसु पठमे घटने विपाका चेव तंसमुद्धानरूपा च लब्भन्ति, दुतिये विपाका चेव पटिसन्धियञ्च वत्थुरूपं । ततिये अरूपधम्माव । चतुत्थे विपाकचित्तसमुद्धानरूपमेव लब्भति । पञ्चमे वत्थुरूपमेव ।

ततो परानि पञ्चदस घटनानि इन्द्रियमग्नयुत्तानि अमोहहेतुवसेन वुत्तानि । तत्थ पठमानि नव निराधिपतीनि, पच्छिमानि छ साधिपतीनि । निराधिपतिकेसुपि पठमानि चत्तारि सामञ्जतो सब्बत्थ अमोहवसेन वुत्तानि, पच्छिमानि पञ्च विपाकामोहवसेन । तत्थ निराधिपतिकेसु पठमे **चत्तारीति** हेद्वा हेताधिपतिदुके दस्सितानेव । दुतिये चित्तसमुद्धानरूपं परिहायति । ततिये वत्थुरूपं परिहायति । चतुत्थे कुसलो धम्मो चित्तसमुद्धानानं, अब्याकतो तंसमुद्धानानन्ति रूपमेव लब्भति । ततो परानि विपाकयुत्तानि पञ्च हेद्वा वुत्तनयानेव । साधिपतिकेसु पठमानि तीणि घटनानि सामञ्जतो विपाकाविपाकहेतुवसेन वुत्तानि । तेसु पठमे चत्तारि वुत्तनयानेव । दुतिये रूपं परिहायति, ततिये अरूपं परिहायति । ततो परानि तीणि विपाकहेतुवसेन वुत्तानि । तेसु पठमे रूपारूपं लब्भति, दुतिये अरूपमेव, ततिये रूपमेव । एवम्पि तेसं तेसं पच्चयानं समायोगे लब्भमानं गणनं विदित्वा तिमूलकादीसु गणना उद्धरितब्बाति ।

हेतुमूलकं निश्चितं ।

४४४. आरम्भमूलकेपि अधिपतिपच्ययादयो सत्त आरम्भणेन सभागा, सेसा सोळस विसभागाति ते अयोजेत्वा सत्तेव योजिता । तेसु **अधिपतिया सत्ताति** कुसलो धम्मो कुसलस्स धम्मस्स, अकुसलस्स धम्मस्स, अब्याकतस्साति एवं कुसलमूलानि तीणि, अकुसलमूलं एकं, अब्याकतमूलानि तीणीति सत्त । **निस्सये तीणीति** वत्थुवसेन अब्याकतमूलानेव । उपनिस्सये सत्त हेड्डिमानि एव । **पुरेजाते तीणीति** वत्थारम्भणवसेन अब्याकतमूलानि । **विष्ययुत्ते तीणीति** वत्थुवसेनेव । **अत्थिअविगतेसु तीणीति** वत्थारम्भणवसेन । यथा पन हेतुमूलके लक्खणदस्सनत्थं घटनानि ठपितानि, तथा आरम्भणमूलकादीसुपि ।

४४५. तत्थ यानि ताव इमस्मिं आरम्भणमूलके पञ्च घटनानि ठपितानि । तत्थ पठमं आरम्भणाधिपतिवसेन साधिपतिकं । तत्थ **सत्ताति** आरम्भणाधिपतिदुके लद्धविस्सज्जानेव । दुतियं निराधिपतिकं । तत्थ **तीणीति** वत्थारम्भणवसेन आरम्भणवसेनेव वा अब्याकतमूलानि । ततियं निस्सयेन वुत्तं । तत्थ **तीणीति** वत्थुवसेन अब्याकतमूलानि । चतुत्थपञ्चमानि साधिपतिकानि । तेसु चतुत्थे **एकन्ति** वत्थारम्भणवसेन आरम्भणवसेनेव वा अब्याकतमूलं अकुसलं । पञ्चमे **एकन्ति** निस्सयतो अब्याकतमूलकं अकुसलं । एवमिधापि लब्भमानवसेन तिकादीसु गणना वेदितब्बा । तथा अधिपतिमूलकादीसु । आरम्भणइन्द्रियविपाकवसेन वित्थारयोजनं पन अवत्वा तत्थ तत्थ वत्तव्युत्तकमेव वदामाति ।

४४६. अधिपतिमूलके **सहजाते सत्ताति** सहजाताधिपतिवसेन कुसलमूलानि तीणि, अकुसलमूलानि तीणि, अब्याकतमूलं एकं । सहजातेन पन सद्धि आरम्भणाधिपति, आरम्भणाधिपतिना च सद्धि सहजातं न लब्भति । **अज्जमज्जे तीणीति** सहजाताधिपतिवसेनेव । **निस्सये अट्ठाति** कुसलमूलानि तीणि, अकुसलमूलानि तीणि, अब्याकतमूलानि द्वे । अब्याकतो हि अधिपति अब्याकतस्स सहजाततो चेव आरम्भणतो च निस्सयो होति, अकुसलस्स आरम्भणतोव । कुसलस्स पन उभयथापि न होतीति अब्याकतमूलानि द्वेयेवाति एवं अट्ठ । **उपनिस्सये सत्त** आरम्भणसदिसानेव । **पुरेजाते एकन्ति** अब्याकताधिपति आरम्भणवसेन अकुसलस्स । **विपाके एकं** अब्याकतेन अब्याकतं लोकोत्तरं । आहारादीसु सत्त हेड्डा एकमूलके लद्धानेव । **विष्ययुत्ते चत्तारीति** कुसलेन अब्याकतं, तथा अकुसलेन, अब्याकतेन अब्याकतञ्च कुसलञ्च । अत्थिअविगतेसु अट्ठ निस्सयसदिसानेव ।

४४७-४५२. घटनानि पनेत्थ पटिपाटिया आरम्भणादीहि अयोजेत्वा पठमं अत्थिअविगतेहि योजितानि । किं कारणाति? उभयाधिपतिमिस्सकत्ता । तत्थ पठमे घटने आरम्भणाधिपतिवसेन वत्थारम्भणं लब्भति, दुतिये निस्सयवसेन गरुं कत्वा अस्सादेन्तस्स वत्थुमेव, ततिये सहजाताधिपतिवसेन कुसलादयो रूपानं, आरम्भणाधिपतिवसेन वत्थु अकुसलस्स । ततो परानि तीणि घटनानि आरम्भणाधिपतिवसेन वुत्तानि । तत्थ पठमे **सत्ताति** हेड्डा वुत्तानेव । दुतिये **एकन्ति** पुरेजातानि वत्थारम्भणानि अकुसलस्स । ततिये वत्थुमेव अकुसलस्स । ततो परानि तीणि घटनानि विपाकाविपाकसाधारणानि सहजाताधिपतिवसेन वुत्तानि । तत्थ पठमे रूपारूपं लब्भति, दुतिये अरूपमेव, ततिये रूपमेव । ततो परानि तीणि विपाकाधिपतिवसेन वुत्तानि । तेसुपि पठमे रूपारूपं लब्भति, दुतिये अरूपं, ततिये रूपमेव । ततो परानि छ घटनानि आहारिन्द्रिययुत्तानि चित्ताधिपतिवसेन वुत्तानि । तत्थ तीणि अविपाकानि, तीणि सविपाकानि । तेसु गणना पाकटायेव । ततो परानि छ घटनानि तथेव विरियाधिपतिवसेन वुत्तानि । ननु च अधिपतिपटिपाटिया पठमं विरियाधिपतिवसेन वत्तब्बानि सियुं, कस्मा तथा न वुत्तानीति? परतो हेतुवसेन वुत्तघटनेहि सदिसत्ता । परतो हि हेतुवसेन घटनानि अमोहस्स वीमंसाधिपतिता वीमंसाय च सम्मादिट्ठिभावतो मग्गसम्पयुत्तानि । विरियमि च सम्मावायामिच्छावायामभावेन मग्गोति तेन सद्धि घटनानि परतो हेतुवसेन वुत्तघटनेहि सदिसानीति परिवत्तेत्वा वुत्तानि । तेसुपि गणना पाकटायेव ।

४५३-४५६. अनन्तरसमनन्तरमूलकेसु **सत्ताति** कुसलो कुसलस्स अब्याकतस्स च, तथा अकुसलो, अब्याकतो तिण्णन्मपीति एवं सत्त । **कम्मे एकन्ति** कुसला मग्गचेतना अत्तनो विपाकाब्याकतस्स । घटनानि पनेतेसु तीणि तीणियेव । तानि बहुतरपटिपाटिया वुत्तानि ।

४५७-४६०. सहजातअज्जमज्जनिस्सयमूलकेसु ये ये दुक्कमूलके पच्यया वुत्ता ते तेयेव आदितो ठितेन सभागा । तस्मा दुक्कमूलके गणनं जत्वा ये उपरि पच्यया घटिता, तेसु ऊनतरगणनस्स वसेन सब्बघटनेसु गणना वेदितब्बा । तत्थ सहजातमूलके दस घटनानि । तेसु पञ्च अविपाकानि, पञ्च सविपाकानि । तत्थ अविपाकेसु ताव पठमे कुसलो कुसलस्स अब्याकतस्स, कुसलाब्याकतस्स, कुसलाब्याकतो अब्याकतस्साति चत्तारि, तथा अकुसलो, अब्याकतो अब्याकतस्सेवाति एवं नव । तत्थ कुसलाकुसलादिकेसु अट्ठसु विस्सज्जनेसु अरूपञ्चेव चित्तसमुद्धानरूपञ्च लब्भति । अब्याकते वत्थुरूपमि । दुतिये घटने अब्याकतविस्सज्जने रूपेसु वत्थुमेव लब्भति, ततिये तीसुपि अरूपमेव, चतुत्थे चित्तसमुद्धानरूपमेव, पञ्चमे पटिसन्धियं वत्थुना सद्धि अरूपधम्मा । सविपाकेसु पठमे विपाका चेव विपाकचित्तसमुद्धानरूपञ्च, दुतिये विपाका चेव वत्थुरूपञ्च, ततिये विपाकमेव, चतुत्थे विपाकचित्तसमुद्धानमेव, पञ्चमे वत्थुरूपमेव लब्भति ।

अज्जमज्जमूलके छ घटनानि । तेसु पठमानि तीणि अविपाकानि, पच्छिमानि तीणि सविपाकानि । तेसु गणना पाकटायेव ।

४६१. निस्सयमूलके **निस्सयपच्यया आरम्भणे तीणीति** वत्थुं आरम्भणं कत्वा पवत्तकुसलादिवसेन वेदितब्बानि । **उपनिस्सये एकन्ति** वत्थुं आरम्भणूपनिस्सयं कत्वा उप्पन्नाकुसलं । सेसं दुमूलके हेड्डा वुत्तनयेनेव वेदितब्बं ।

४६२-४६४. इमस्मिं पन निस्सयपच्यये वीसति घटनानि । तेसु पुरिमानि छ घटनानि पुरेजातसहजातवसेन वुत्तानि, ततो चत्तारि पुरेजातवसेनेव, ततो दस सहजातवसेनेव । तत्थ पठमे घटने **तेरसाति** निस्सयपच्ययविभङ्गे वुत्तानेव । दुतिये **अट्ठाति** सहजाताधिपतिवसेन सत्त, वत्थुं गरुं कत्वा अकुसलञ्चाति अट्ठ । ततिये सत्त इन्द्रियपच्यये लद्धानेव । चतुत्थे पञ्च विष्ययुत्ते लद्धानि । पञ्चमे **चत्तारीति** कुसलादीनि चित्तसमुद्धानानं, वत्थु च अकुसलस्स । छट्ठे **तीणीति** कुसलादीनि चित्तसमुद्धानस्स । पुरेजातवसेन चतूसु पठमे **तीणीति** वत्थु कुसलादीनं, चक्खादीनि च अब्याकतस्स । दुतिये वत्थुमेव कुसलादीनं । ततिये **एकन्ति** वत्थु अकुसलस्स । चतुत्थे चक्खादीनि विज्जाणपञ्चकस्स । सहजातवसेन दस सविपाकाविपाकवसेन द्विधा भिन्दित्वा सहजातमूलके वुत्तनयेनेव वेदितब्बानि ।

४६५. उपनिस्सयमूलके **आरम्भणे सत्ताति** आरम्भणूपनिस्सये लद्धानेव । **अधिपतिया सत्ताति** तानेव । अनन्तरसमनन्तरेसु अनन्तरूपनिस्सये लद्धानेव । **निस्सये एकन्ति** वत्थु अकुसलस्स । **पुरेजाते एकन्ति** तस्सेव वत्थुं वा आरम्भणं वा । **आसेवने तीणि** अनन्तरूपनिस्सयवसेन । **कम्मे** द्वे पकतूपनिस्सयवसेन । लोकोत्तरकुसलचेतना

पन अनन्तरूपनिस्सयोपि होति । विष्युत्ते एकं आरम्मणूपनिस्सयवसेन, तथा अत्थिविगतेसु । नत्थिविगतेसु सत्त अनन्तरसमानेव ।

**४६६.** उपनिस्सयमूलकानि पन सत्त घटनानि होन्ति । तत्थ पुरिमानि तीणि आरम्मणूपनिस्सयवसेन वुत्तानि । तत्थ पठमे सत्ताति कुसलो कुसलादीनं, तथा अब्याकतो, अकुसलो अकुसलस्सेवाति एवं सत्त । दुतिये एकन्ति चक्खादिअव्याकतं अकुसलस्स । ततिये वत्थु अकुसलस्स । ततो परानि द्वे अनन्तरूपनिस्सयवसेन वुत्तानि । तेसु गणना पाकटायेव । ततो द्वे अनन्तरपकतूपनिस्सयवसेन वुत्तानि । तत्थ पठमे लोकियकुसलाकुसलचेतनापच्चयभावतो गहेतब्बा, दुतिये लोकुत्तरकुसलाव ।

**४६७-४६८.** पुरेजातमूलके आरम्मणे तीणीति अब्याकतो कुसलादीनं । अधिपतिया एकन्ति अब्याकतो अकुसलस्स । सेसेसुपि एसेव नयो । एत्थ पन सत्त घटनानि । तेसु पठमं वत्थारम्मणवसेन वुत्तं, दुतियं वत्थुवसेनेव, ततियं आरम्मणवसेन, चतुत्थं वत्थुस्स आरम्मणकालवसेन, पञ्चमं आरम्मणाधिपतिवसेन, छट्ठं वत्थुनो आरम्मणाधिपतिकालवसेन, सत्तमं चक्खादिवसेन ।

**४६९-४७२.** पच्छाजातमूलके वीसति पच्चया न युज्जन्ति, तयोव योजनं लभन्ति । एकमेवेत्थ घटनं, तं कायस्स कुसलादीनं वसेन वेदितब्बं । आसेवनमूलकेपि एकमेव घटनं ।

**४७३-४७७.** कम्ममूलके अनन्तरे एकन्ति मग्गचेतनावसेन वुत्तं । अज्जमज्जे तीणीति एत्थ पटिसन्धियं वत्थुपि गहेतब्बं । उपनिस्सये द्वेति अनन्तरपकतूपनिस्सयवसेन हेड्डा वुत्तानेव । एवं सेसानिपि हेड्डा वुत्तनयेनेव वेदितब्बानि । एत्थ पन एकादस घटनानि । तत्थ पठमानि द्वे पकतूपनिस्सयानन्तरूपनिस्सयविभागतो नानाक्खणिककम्मवसेन वुत्तानि । ततो परानि चत्तारि विपाकाविपाकतो एकक्खणिककम्मवसेन वुत्तानि । तत्थ पठमे अरूपेन सद्धि चित्तसमुद्धानरूपं लभन्ति, दुतिये अरूपेन सद्धि वत्थु, ततिये अरूपमेव, चतुत्थे चित्तसमुद्धानरूपमेव । पटिसन्धियं पन कटत्तारूपम्पि लभन्ति । ततो परानि पञ्च सविपाकानि, तानि हेड्डा वुत्तनयानेव । विपाकमूलके पञ्च घटनानि उत्तानत्थानेव ।

**४७८-४८३.** आहारमूलके सत्तातिआदीनि वुत्तनयानेव । घटनानि पनेत्थ चतुत्तिस । तेसु पठमानि पञ्च विपाकाविपाकसामज्जतो वुत्तानि । तत्थ पठमे चत्तारोपि आहारा लभन्ति; दुतिये तयो अरूपाहाराव । ततिये वत्थुपि पच्चयुप्पन्नं होति, चतुत्थे तं परिहायति । पञ्चमे रूपमेव पच्चयुप्पन्नं । ततो परानि पञ्च सविपाकघटनानि, तानि हेड्डा वुत्तनयानेव । ततो परानि नव घटनानि चेतनाहारवसेन वुत्तानि । ततो परानि नव निराधिपतिविज्जाणाहारवसेन । ततो परानि साधिपतिविज्जाणाहारवसेन छ घटनानि वुत्तानि । तत्थ तीणि विपाकाविपाकसामज्जवसेन वुत्तानि । तीणि विपाकवसेनेव । तत्थ लोकियानं विपाकानं अभावतो वत्थु परिहायति ।

**४८४-४९५.** इन्द्रियमूलके पुरेजाते एकन्ति चक्खुन्द्रियादीनं वसेन अब्याकतेन अब्याकतं । सेसं दुमूलकं हेड्डा वुत्तनयेनेव वेदितब्बं । घटनानि पनेत्थ छ सत्तति । तत्थ पठमे सब्बानिपि इन्द्रियाणि पच्चयुप्पेन लभन्ति । दुतिये रूपजीवितिन्द्रियं हायति । न हि तं निस्सयो होति । ततिये अरूपिन्द्रियाणि रूपानं । चतुत्थे चक्खादीनि चक्खुविज्जाणादीनं । ततो परानि नव घटनानि सहजातअरूपिन्द्रियवसेन वुत्तानि, ततो नव मग्गभूतानं इन्द्रियानं वसेन, ततो नव ज्ञानङ्गभूतानं, ततो नव ज्ञानमग्गभूतानं, ततो नव मनिन्द्रियवसेनेव, ततो साधिपतीनि छ, ततो वीरियवसेन मग्गसम्पयुत्तानि छ, ततो अमोहहेतुवसेन निराधिपतीनि नव, साधिपतीनि छ । तेसु सब्बेसु विपाकपच्चयेन अयुत्तानि च युत्तानि च हेड्डा वुत्तनयेनेव वेदितब्बानि ।

**४९६-५००.** ज्ञानमूलकेपि दुमूलकं हेड्डा वुत्तनयेनेव वेदितब्बं । घटनानि पनेत्थ छत्तिस । तेसु पठमानि नव इन्द्रियमग्गभावं अनामसित्वा साधारणज्ञानङ्गवसेनेव वुत्तानि । ततो परानि नव इन्द्रियभूतज्ञानङ्गवसेन, ततो नव मग्गभूतज्ञानङ्गवसेन, ततो नव इन्द्रियमग्गभूतज्ञानङ्गवसेन । चतूसुपि चेतेसु नवकेसु आदितो चत्तारि चत्तारि विपाकाविपाकसाधारणानि । अवसाने पञ्च पञ्च विपाकानेव, तानि हेड्डा वुत्तनयानेव ।

**५०१-५०८.** मग्गमूलकेपि दुमूलकं वुत्तनयेनेव वेदितब्बं । घटनानि पनेत्थ सत्तपञ्जास । तेसु पठमानि नव इन्द्रियज्ञानभावं अनामसित्वा सुद्धिकमग्गवसेनेव वुत्तानि । ततो नव इन्द्रियभूतमग्गवसेन, ततो नव ज्ञानभूतमग्गवसेन, ततो नव इन्द्रियज्ञानभूतमग्गवसेन, ततो छ अधिपतिभूतमग्गवसेन, ततो नव निराधिपतिमग्गहेतुवसेन, ततो छ साधिपतिमग्गहेतुवसेन, तत्थ नवकेसु पञ्च पञ्च छक्केसु तीणि तीणि विपाकानि । सेसानि साधारणानि, तानि हेड्डा वुत्तनयानेव ।

**५०९-५१०.** सम्पयुत्तमूलके दुमूलकं उत्तानत्थमेव । एत्थ पन द्वेयेव घटनानि । तत्थ एकं साधारणवसेन, एकं विपाकवसेन वुत्तं ।

**५११-५१४.** विष्युत्तमूलकेपि दुमूलकं उत्तानत्थमेव । घटनानि पनेत्थ तेरस । तत्थ पठमे पञ्चाति कुसलो अब्याकतस्स, तथा अकुसलो, अब्याकतो तिण्णन्मि । एत्थ च इमे विष्युत्तादयो सहजातापि होन्ति, पच्छाजातपुरेजातापि । दुतिये पुरेजातसहजाताव ततिये तेयेव अधिपतिवसेन । तत्थ कुसलो अब्याकतस्स तथा अकुसलो, अब्याकतो पन अब्याकतस्स च आरम्मणाधिपतिवसेन अकुसलस्स चाति एवं चत्तारि । चतुत्थे तीणीति कुसलादीनि अब्याकतस्स । इन्द्रियाणि पनेत्थ रूपानिपि अरूपानिपि । पञ्चमे पच्चया अरूपाव छट्ठे वत्थुवसेन रूपाव सत्तमे कुसलाव्याकतानं विपस्सनावसेन, अकुसलस्स अस्सादनवसेन वत्थुमेव । अट्ठमे तदेवाकुसलस्स, नवमे चक्खादीनि अब्याकतस्स, दसमे कुसलादयो चित्तसमुद्धानानं, एकादसमे पटिसन्धियं वत्थु खन्धानं, द्वादसमे पटिसन्धियं खन्धा कटत्तारूपानं, तेरसमे पटिसन्धियं खन्धा वत्थुस्स ।

**५१५-५१८.** अत्थिपच्चयमूलके उपनिस्सये एकन्ति आरम्मणूपनिस्सयवसेन अब्याकतं अकुसलस्स । सेसं दुमूलकं उत्तानमेव । घटनानि पनेत्थ एकूनत्तिस । तेसु पठमे अरूपवत्थारम्मणमहाभूतइन्द्रियाहारानं वसेन सहजातपुरेजातपच्छाजातपच्चया लभन्ति । दुतिये पच्छाजातकबळीकाराहारा न लभन्ति । पठमदुतियघटनानेव अधिपतिना सद्धि उपरि ततियघटुत्थानि कतानि । पुन पठममेव चतूहि आहारेहि सद्धि पञ्चमं, रूपिन्द्रियेहि सद्धि छट्ठं, रूपारूपिन्द्रियेहि सद्धि सत्तमं कतं । दुतियमेव वा पन इन्द्रियेहि सद्धि सत्तमं कतं । पठमदुतियानेव विष्युत्तपच्चयेन सद्धि अट्ठमनवमानि । तेसु नवमं अधिपतिना सद्धि दसमं कतं । ततो एकादसमे पच्चयवसेन वत्थु हायति । द्वादसमे अरूपधम्मयायेव पच्चया, तेरसमे वत्थारम्मणा, चुट्ठसमे वत्थुमेव, पन्नरसमे आरम्मणमेव, सोळसमे वत्थुमेव आरम्मणं, सत्तरसमे पन तदेव आरम्मणाधिपतिभावेन, अट्ठारसमेपि तदेव आरम्मणूपनिस्सयवसेन, एकूनवीसतिमे चक्खादयोव पच्चया । इमानि एकूनवीसति पकिण्णकघटनानि नाम सहजातं अग्गहेत्वा वुत्तानि । ततो परानि दस सहजातवसेन वुत्तानि ।

५१९. नत्थिविगतमूलकेसु अनन्तरसमनन्तरमूलकेसु विय उपनिस्सयासेवनकम्मवसेन तीणि येव घटनानि, अविगतमूलकं अत्थिमूलकसदिसमेवाति ।

यानि पनेतानि इमस्मिं पञ्चावारे घटनानि वुत्तानि, तानि सब्बानिपि दुविधानियेव — पकिण्णकतो सहजाततो च । तत्थ सब्बेसम्पि आरम्भणमूलकादीनं आदितो सहजातं अग्गहेत्वा वुत्तानि **पकिण्णकानि** नाम । तानि आरम्भणमूलके पञ्चपि, अधिपतिमूलके छ, अनन्तरमूलके तीणिपि, तथा समनन्तरमूलके, निस्सयमूलके दस, उपनिस्सयमूलके सत्त, पुरेजातमूलके सत्त, पच्छाजातमूलके एकमेव, तथा आसेवनमूलके, कम्ममूलके द्वे, आहारमूलके एकं, इन्द्रियमूलके चत्तारि, विष्युत्तमूलके नव, अत्थिमूलके एकूनवीसति, नत्थिमूलके तीणिपि, तथाविगतमूलके । अविगतमूलके एकूनवीसतीति सब्बानिपि सत्तञ्चेव तीणि च होन्ति । सहजातनिस्सयभावेन पनेतानि पकिण्णकानीति वुत्तानि ।

यानि पन सहजातं लब्धन्ति, तानि **सहजातघटनानि** नामाति वुच्चन्ति । तानि आरम्भणमूलके अनन्तरसमनन्तरपुरेजातपच्छाजातआसेवननत्थिविगतमूलकेसु न लब्धन्ति । न हि ते पच्चया सहजातानं पच्चया होन्ति । यथा च सहजातानं न होन्ति, तथा हेतुसहजातअञ्जमञ्जविपाकज्ञानमगगसम्पयुत्तपच्चया । असहजातानन्ति हेतुमूलके सब्बानि चतुवीसतीति घटनानि सहजातघटनानेव । तथा अधिपतिमूलके चतुवीसति, सहजातमूलके दसपि, अञ्जमञ्जमूलके छपि, निस्सयमूलके दस, कम्ममूलके नव, विपाकमूलके पञ्चपि, आहारमूलके तेत्तिंस, इन्द्रियमूलके द्वासत्तति ज्ञानमूलके छत्तिंसापि, मगमूलके सत्तपञ्जासम्पि, सम्पयुत्तमूलके द्वेपि, विष्युत्तमूलके चत्तारि, अत्थिमूलके दस, अविगतमूलके दसाति सब्बानिपि तीणि सतानि द्वादस च होन्ति । इति पुरिमानि सतं तीणि च इमानि च द्वादसुत्तरानि तीणि सतानीति सब्बानिपि पञ्चदसाधिकानि चत्तारि घटनसतानि पञ्चावारे आगतानि । तेसु ये ये पच्चयधम्मा नामवसेन न पाकटा हुत्वा पञ्चायन्ति, तेपि हेतुमूलकादीनं नयानं आदितो विपाकाविपाकसामञ्जतो वुत्तेसु घटनेसु दस्सेतब्बा । द्वादसेव हि हेतु छ आरम्भणा चत्तारो अधिपतयो चत्तारो आहारा वीसति इन्द्रियानि सत्त ज्ञानङ्गानि द्वादस मग्गङ्गानीति एते पच्चयधम्मा नाम । तेसु ये ये धम्मा एकन्तेन कुसला, एकन्तेनेव अकुसला, एकन्तेन कुसलविपाका, एकन्तेनेवाकुसलविपाका, एकन्तेनेव विपाका, एकन्तेनेव अविपाका ते ते साधुकं सल्लक्खेत्वा ये तत्थ विपाका, ते विपाकघटनेसु, ये अविपाका, ते अविपाकघटनेसु यथायोगं योजेतब्बाति ।

पञ्चावारस्स घटने अनुलोमगणना ।

### पच्चनीयुद्धारवणणा

५२७. इदानी पच्चनीयं होति । तत्थ यथा पटिच्च वारादीसु “अकुसलं धम्मं पटिच्च अकुसलो धम्मो उप्पज्जति नहेतुपच्चया”ति आदिना नयेन लब्धमाना पञ्हा लब्धमानानं पच्चयानं वसेन सरूपतोव वित्थारिता । एवं अवित्थारेत्वा एकेन लक्खणेन सङ्घेपतो पच्चनीयं दस्सेतुं धम्मसङ्गाहकेहि **कुसलो धम्मो कुसलस्स धम्मस्स आरम्भणपच्चयेन पच्चयो**ति आदिना नयेन अनुलोमतो कुसलादीनं पच्चया उद्धटा । ते च खो पच्चया समूहवसेन, नो एकेकपच्चयवसेनेव; तस्मा ये यत्थ समूहतो दस्सिता, ते विभजित्वा वेदितब्बा । सब्बेपि हि इमे चतुवीसति पच्चया अट्ठसु पच्चयेसु सङ्गहं गच्छन्ति । कतरेसु अट्ठसु? आरम्भणे, सहजाते, उपनिस्सये, पुरेजाते, पच्छाजाते, कम्मे, आहारे, इन्द्रियेति । कथं? ठपेत्वा हि इमे अट्ठ पच्चये सेसेसु सोळससु हेतुपच्चयो अञ्जमञ्जविपाकज्ञानमगगसम्पयुत्तपच्चयोति इमे छ पच्चया एकन्तेन सहजाता हुत्वा सहजातानञ्जेव पच्चयभावतो सहजातपच्चये सङ्गहं गच्छन्ति । अनन्तरपच्चयो समनन्तरआसेवननत्थिविगतपच्चयोति इमे पन पञ्च उप्पज्जित्वा निरुद्धा अत्तनो अनन्तरं उप्पज्जमानानञ्जेव पच्चयभावतो अनन्तरूपनिस्सयलक्खणेन उपनिस्सये सङ्गहं गच्छन्ति । निस्सयपच्चयो सहजातपुरेजातभेदतो दुविधो । तत्थ सहजातनिस्सयो सहजातानञ्जेव निस्सयपच्चयभावतो सहजातपच्चये सङ्गहं गच्छति, पुरेजातनिस्सयो पुरेजातपच्चये सङ्गहं गच्छति ।

अधिपतिपच्चयोपि सहजाताधिपतिआरम्भणाधिपतिवसेन दुविधो । तत्थ सहजाताधिपति सहजातानंयेव अधिपतिपच्चयभावतो सहजातपच्चये सङ्गहं गच्छति । आरम्भणाधिपति आरम्भणूपनिस्सयो होतियेवाति आरम्भणूपनिस्सयलक्खणेन उपनिस्सयपच्चये सङ्गहं गच्छति । विष्युत्तपच्चयो सहजातपुरेजातपच्छाजातभेदतो ति विधो । तत्थ सहजातविष्युत्तो सहजातानञ्जेव विष्युत्तपच्चयभावतो सहजातपच्चये सङ्गहं गच्छति । पुरेजातविष्युत्तो पुरे उप्पज्जित्वा पच्छा उप्पज्जमानानं पच्चयभावतो पुरेजाते सङ्गहितो । पच्छाजातविष्युत्तो पच्छा उप्पज्जित्वा पुरे उप्पन्नानं उपत्थम्भनवसेन पच्चयभावतो पच्छाजातपच्चये सङ्गहं गच्छति । अत्थिपच्चयअविगतपच्चया सहजातपुरेजातपच्छाजातआहारिन्द्रियानञ्जेव अत्थिअविगतेसु च एकेकस्स वसेन छ हि भेदेहि ठिता । तत्थ सहजातअत्थिअविगता सहजातानञ्जेव अत्थिअविगतपच्चयभावतो । सहजातपच्चये सङ्गहं गच्छन्ति । पुरेजाता पुरे उप्पज्जित्वा पच्छा उप्पज्जमानानं पच्चयभावतो पुरेजातपच्चये सङ्गहं गच्छन्ति । पच्छाजाता पच्छा उप्पज्जित्वा पुरे उप्पन्नानं उपत्थम्भनवसेन पच्चयभावतो पच्छाजातपच्चये सङ्गहं गच्छन्ति । आहारभूता कबळीकाराहारपच्चये सङ्गहं गच्छन्ति । इन्द्रियभूता रूपजीवितिन्द्रियपच्चये सङ्गहं गच्छन्तीति एवं इमे सोळस पच्चया इमेसु अट्ठसु पच्चयेसु सङ्गहं गच्छन्तीति वेदितब्बा ।

इमेसम्पि पन अट्ठन्नं पच्चयानं अञ्जमञ्जं सङ्गहो अत्थियेव । आदितो निहिट्ठो हि आरम्भणपच्चयो अधिपतिअनधिपतिभेदेन दुविधो । तत्थ अधिपतिभूतो आरम्भणूपनिस्सयलक्खणेन उपनिस्सये सङ्गहं गच्छति । अनधिपतिभूतो सुद्धो आरम्भणपच्चयोव । कम्मपच्चयोपि सहजातानाकखणिकवसेन दुविधो । तत्थ सहजातकम्मं अत्तना सहजातानञ्जेव कम्मपच्चयभावतो सहजातेयेव सङ्गहं गच्छति । नानाकखणिककम्मं बलवदुब्बलवसेन दुविधं । तत्थ बलवकम्मं विपाकधम्मानं उपनिस्सयोव हुत्वा पच्चयो होतीति उपनिस्सये सङ्गहं गच्छति । बलवम्पि पन रूपानं दुब्बलञ्च अरूपानं नानाकखणिककम्मपच्चयेनेव पच्चयो । आहारपच्चयोपि रूपारूपतो दुविधो । तत्थ अरूपाहारो अत्तना सहजातानञ्जेव पच्चयो होतीति सहजातपच्चये सङ्गहं गच्छति । रूपाहारो सहजातपुरेजातपच्छाजातानं पच्चयो न होति । अत्तनो पन उप्पादकखणं अतिक्कमित्वा ठितिप्पत्तो आहारपच्चयतं साधेतीति आहारपच्चयोव होति । इन्द्रियपच्चयोपि रूपारूपतो दुविधो । तत्थ अरूपिन्द्रियपच्चयो अत्तना सहजातानञ्जेव इन्द्रियपच्चयतं साधेतीति सहजातेयेव सङ्गहं गच्छति । रूपिन्द्रियपच्चयो पन अज्झत्तबहिद्धाभेदतो दुविधो । तत्थ अज्झत्तं इन्द्रियपच्चयो पुरे उप्पज्जित्वा पच्छा उप्पज्जमानानं ससम्पयुत्तधम्मानं चक्खुविज्जाणादीनं इन्द्रियपच्चयो होतीति पुरेजातेयेव सङ्गहं गच्छति । बाहिरौ इन्द्रियपच्चयो नाम रूपजीवितिन्द्रियं, तं सहजातानं पच्चयो होन्तम्पि अनुपालनमत्तवसेनेव होति, न जनकवसेनाति इन्द्रियपच्चयोव होति । एवं इमे अट्ठ पच्चया अञ्जमञ्जम्पि सङ्गहं गच्छन्तीति वेदितब्बा । अयं ताव अट्ठसु पच्चयेसु अवसेसानं सोळसन्नञ्जेव तेसंयेव च अट्ठन्नं अञ्जमञ्जवसेन सङ्गहनयो ।

इदानी इमेसं अट्ठन्नं पच्चयानं एकेकस्मिं चतुवीसतियापि पच्चयेसु ये ये सङ्गहं गच्छन्ति, ते ते वेदितब्बा । तत्थ अट्ठन्नं ताव सब्बपठमे आरम्भणपच्चये आरम्भणपच्चयोव सङ्गहं गच्छति, न सेसा तेवीसति । दितिये सहजातपच्चये हेतुपच्चयो सहजाताधिपतिपच्चयो सहजातपच्चयो अञ्जमञ्जपच्चयो सहजातनिस्सयपच्चयो सहजातकम्मपच्चयो

विपाकपच्यो सहजातआहारपच्यो सहजातइन्द्रियपच्यो ज्ञानपच्यो मग्गपच्यो सम्पयुत्तपच्यो सहजातविष्युत्तपच्यो सहजातत्थिपच्यो सहजाताविगतपच्योति इमे पन्नरस पच्यया सङ्गहं गच्छन्ति । ततिये उपनिस्सयपच्ये अधिपतिभूतो आरम्मणपच्यो आरम्मणभूतो अधिपतिपच्यो अनन्तरसमन्तरउपनिस्सयआसेवनपच्यया नानाकखणिको बलवकम्मपच्यो नत्थिपच्यो विगतपच्योति इमे नव पच्यया सङ्गहं गच्छन्ति । चतुत्थे पुरेजातपच्ये पुरेजातनिस्सयपच्यो पुरेजातपच्यो पुरेजातिन्द्रियपच्यो पुरेजातविष्युत्तपच्यो पुरेजातत्थिपच्यो पुरेजाताविगतपच्योति इमे छ पच्यया सङ्गहं गच्छन्ति । पञ्चमे पच्छाजातपच्ये पच्छाजातपच्यो पच्छाजातविष्युत्तपच्यो पच्छाजातत्थिपच्यो पच्छाजाताविगतपच्योति इमे चत्तारो पच्यया सङ्गहं गच्छन्ति । छट्ठे कम्मपच्ये नानाकखणिककम्मपच्योव सङ्गहितो । सत्तमे आहारपच्ये कबळीकाराहारवसेनेव आहारपच्यो आहारत्थिपच्यो आहाराविगतपच्योति इमे तयो पच्यया सङ्गहिता । अट्ठमे इन्द्रियपच्ये रूपजीवितिन्द्रियपच्यो इन्द्रियत्थिपच्यो इन्द्रियाविगतपच्योति इमे तयो पच्यया सङ्गहं गच्छन्ति । एवं इमेसं अट्ठन्नं पच्ययानं एकेकस्मिं इमे चिमे च पच्यया सङ्गहं गताति जत्वा ये यत्थ सङ्गहं गता, ते तस्स गणनेन गहिताव होन्तीति वेदितब्बा ।

एवं सब्बपच्ययसङ्गाहकानं इमेसं अट्ठन्नं पच्ययानं वसेन एकूनपञ्जासाय पञ्हेसु इमस्मिं पच्यनीये “कुसलो धम्मो कुसलस्स धम्मस्स आरम्मणपच्येन पच्यो”ति आदयो इमे पन्नरस पञ्हा उद्धरित्वा विस्सज्जिता । तत्थ कुसलो कुसलस्स, कुसलो अकुसलस्स, कुसलो अब्बाकतस्स, कुसलो कुसलाब्बाकतस्साति कुसलादिका चत्तारो पञ्हा; तथा अकुसलादिका; अब्बाकतो पन अब्बाकतस्स, अब्बाकतो कुसलस्स, अब्बाकतो अकुसलस्साति अब्बाकतादिका तयो; कुसलो च अब्बाकतो च कुसलस्स; तथा अब्बाकतस्स; अकुसलो च अब्बाकतो च अकुसलस्स; तथा अब्बाकतस्साति दुमूलकेकावसाना चत्तारो होन्ति । तेसु पठमे पञ्हे येहि भवितब्बं, ते सब्बे सङ्गहेत्वा तयो पच्यया वुत्ता । दुतिये द्वे, ततिये पञ्च, चतुत्थे एकोव पञ्चमे तयो, छट्ठे द्वे, सत्तमे पञ्च, अट्ठमे एकोव नवमे सत्त, दसमे तयो, एकादसमे तयो, द्वादसमे द्वे, तेरसमे चत्तारो, चुद्दसमे द्वे, पन्नरसमेपि चत्तारोव । ते “सहजातपच्येना”ति अवत्वा “सहजातं पच्छाजातं”ति वुत्ता । तत्थ कारणं परतो वक्खाम ।

समासतो पनेत्थ एको द्वे तयो चत्तारो पञ्च सत्ताति छळेव पच्ययपरिच्छेदा होन्ति । अयं पञ्हावारस्स पच्यनीये उक्कट्टवसेन पञ्हापरिच्छेदो चेव ते ते पच्ये सङ्गहेत्वा दस्सितपच्ययपरिच्छेदो च । “न हेतुपच्यो”ति आदीसु हि चतुर्वीसतियापि पच्ययपच्यनीयेसु एकपच्यनीयेपि इतो उद्धं पञ्हा वा पच्यया वा न लब्भन्ति, हेट्ठा लब्भन्ति । तस्मा येसु पञ्हेसु “कुसलो धम्मो कुसलस्स च अब्बाकतस्स च धम्मस्स सहजातपच्येन पच्यो”ति एवं एकोव पच्यो आगतो, तस्मिं पच्ये पटिक्खित्ते ते पञ्हा परिहायन्ति । यस्मिं पन पञ्हे “कुसलो धम्मो अकुसलस्स धम्मस्स आरम्मणपच्येन पच्यो उपनिस्सयपच्येन पच्यो”ति एवं द्वे पच्यया आगता । तत्थ नारम्मणपच्ययाति एवं एकस्मिं पच्ये पटिक्खित्तेपि इतरस्स पच्ययस्स वसेन सो पञ्हे लब्भतेव । तेसु पन द्वीसुपि पच्येसु पटिक्खित्तेसु सो वारो पच्छिज्जति । एवमेव येसु पञ्हेसु तयो चत्तारो पञ्च सत्त वा लब्भन्ति, तेसु ठपेत्वा पटिक्खित्ते पच्ये अवसेसानं वसेन ते पञ्हा लब्भन्तिवेव । सब्बेसु पन पच्येसु पटिक्खित्तेसु सब्बेपि ते वारा पच्छिज्जन्तीति इदमेव चेत्थ लक्खणं । इमिना लक्खणेन आदितो पट्ठाय तेसु तेसु पञ्हेसु सङ्घिपित्वा वुत्तपच्ययानं पभेदो च तस्मिं तस्मिं पच्यनीये तेसं तेसं पञ्हानं परिहाति च वेदितब्बा ।

तत्रायं वित्थारकथा — पठमपञ्हे ताव तीहि पच्येहि एकूनवीसति पच्यया दस्सिता । कथं? कुसलो हि कुसलस्स पुरेजातपच्छाजातविपाकविष्युत्तेहेव पच्यो न होति, सेसेहि वीसतिया होति, तेसु आरम्मणपच्यो एकोव सहजाते पन सब्बसङ्गाहिकवसेन पन्नरस पच्यया सङ्गहं गच्छन्तीति वुत्ता । तेसु हेतुपच्ये पटिक्खित्ते चुद्दस होन्ति । कुसलो पन कुसलस्स नेव विपाकपच्यो न, विष्युत्तपच्योति ते द्वे अपनेत्वा सेसे द्वादस सन्धाय सहजातपच्येन पच्योति वुत्तं । उपनिस्सयपच्येपि सब्बसङ्गाहिकवसेन नव पच्यया सङ्गहं गच्छन्तीति वुत्ता । तेसु अधिपतिभूतो आरम्मणपच्यो आरम्मणभूतो च अधिपतिपच्यो आरम्मणपूनिस्सयवसेन उपनिस्सयमेव अनुपविट्ठो । कुसलो पन कुसलस्स नानाकखणिककम्मपच्यो न होतीति तं अपनेत्वा सेसे छ सन्धाय उपनिस्सयपच्येन पच्योति वुत्तं । एवं पठमपञ्हे तीहि पच्येहि एकूनवीसतिपच्यया दस्सिताति वेदितब्बा । तेसु इमस्मिं हेतुपच्यनीये “कुसलो धम्मो कुसलस्स धम्मस्स नहेतुपच्येन पच्योति दानं दत्वा सीलं समादित्वा उपोसथकम्मं कत्वा तं पच्यवेक्खति, पुब्बे सुचिण्णानि पच्यवेक्खती”ति एवमादिना आरम्मणपच्ययादीसु वुत्तनयेनेव उद्धरित्वा पाळि दस्सेतब्बा ।

आरम्मणपच्ये पन पटिक्खित्ते तस्स वित्थारं अपनेत्वा हेतुपच्ययवित्थारं पक्खित्वा सायेव पाळि दस्सेतब्बा, सेसपच्ययपटिक्खित्तेसुपि एसेव नयो । तस्मिं पन पच्ये पटिक्खित्ते ये वारा परिहायन्ति, ते परतो वक्खाम ।

दुतियपञ्हे पन द्वीहि पच्येहि तयो पच्यया दस्सिता । कथं? कुसलो हि अकुसलस्स अनन्तरादिवसेन पच्यो न होति । तस्मा ते अपनेत्वा आरम्मणपूनिस्सयवसेन सङ्गहितं आरम्मणाधिपतिज्जेव पकतूपनिस्सयज्ज सन्धाय उपनिस्सयपच्येन पच्योति वुत्तं । तस्मा सुद्धो आरम्मणपच्यो आरम्मणाधिपतिवसेन अधिपतिपच्यो उपनिस्सयपच्योति दुतियपञ्हे द्वीहि पच्येहि इमे तयो पच्यया दस्सिताति वेदितब्बा ।

ततियपञ्हे पन पञ्चहि पच्येहि अट्ठारस पच्यया दस्सिता । कथं? कुसलो हि अब्बाकतस्स अज्जमज्जपुरेजातासेवनविपाकसम्पयुत्तेहियेव पच्यो न होति, सेसेहि एकूनवीसतिया होति । तेसु आरम्मणपच्यो एको । यस्मा पन कुसलो अब्बाकतस्स अज्जमज्जविपाकसम्पयुत्तवसेन पच्यो न होति, हेतुपच्यो पटिक्खित्तो, कम्मपच्यो विसुं गहितो, तस्मा इमे पञ्च अपनेत्वा सहजातेन दस पच्यया दस्सिता । उपनिस्सयेन हेट्ठा वुत्तेसु छसु ठपेत्वा आसेवनं सेसा पञ्च । पच्छाजातो एकोव तथा सहजातनानाकखणिकवसेन दुविधोपि कम्मपच्योति एवं ततियपञ्हे पञ्चहि पच्येहि इमे अट्ठारस पच्यया दस्सिताति वेदितब्बा ।

चतुत्थपञ्हे पन एकेन पच्येन दस । कथं? कुसलो हि कुसलाब्बाकतस्स सहजाते वुत्तेसु पन्नरससु अज्जमज्जविपाकसम्पयुत्तविष्युत्तेहि पच्यो न होति, हेतुपच्यो पटिक्खित्तो । इति इमे पञ्च अपनेत्वा सेसा दस पच्यया एत्थ एकेन पच्येन दस्सिताति वेदितब्बा ।

५२८. यथा च इमेसु कुसलादिकेसु चतूसु, तथा अकुसलादिकेसुपि चतूसु पञ्हेसु तेहि तेहि पच्येहि ते तेयेव पच्यया दस्सिताति वेदितब्बा ।

५२९. ततो परानं अब्बाकतादीनं तिण्णं पञ्हानं पठमपञ्हे सत्तिहि पच्येहि तेवीसति पच्यया दस्सिता । कथं? अब्बाकतो हि अब्बाकतस्स चतुर्वीसतियापि पच्येहि पच्यो होति । हेतुपच्ये पन पटिक्खित्ते तेवीसति होन्ति । तेसु आरम्मणपच्यो एकोव । यस्मा पनेत्थ असहजातानम्पि सङ्गहणत्थं आहारिन्द्रियपच्यया विसुं गहिता । तस्मा इमे तयो अपनेत्वा सहजातेन द्वादस पच्यया दस्सिता । उपनिस्सयेन हेट्ठा वुत्ता छ, पुरेजातो एकोव तथा पच्छाजातआहारिन्द्रियपच्ययाति एवमेत्थ सत्तिहि पच्येहि इमे तेवीसति पच्यया दस्सिताति वेदितब्बा । दुतिये तीहि पच्येहि द्वादस दस्सिता । कथं? आरम्मणपच्यो एको, उपनिस्सयेन पन आरम्मणपूनिस्सयवसेन



आरम्भणाधिपतिअनन्तरसमनन्तरनत्थिविगतउपनिस्सयपच्चयोति छ दस्सिता। पुरेजातेन पुरेजातनिस्सयविण्युत्तअत्थिविगता पच्चाति एवमेत्थ तीहि पच्चयेहि इमे द्वादस पच्चया दस्सिताति वेदितब्बा। ततियेपि एसेव नयो।

५३०. ततो परानं दुकमूलकानं चतुन्नं पञ्चानं पठमपञ्चे “सहजातपच्चयेन पुरेजातपच्चयेना”ति अवत्वा “सहजातं पुरेजात”न्ति वुत्तेहि द्वीहि निस्सयअत्थिविगतवसेन तयो पच्चया दस्सिता। कुसला हि खन्धा वत्थुना सङ्घि एकतो कुसलस्स पच्चयभावं साधयमाना किञ्चापि सहजाता, सहजातपच्चया पन न होन्ति वत्थुमिस्सकत्ता। तस्मा तेसं सहजातानं निस्सयअत्थिविगतानं वसेन सहजातन्ति वुत्तं। वत्थुमिहि एसेव नयो। तम्पि हि किञ्चापि पुरेजातं, खन्धमिस्सकत्ता पन पुरेजातपच्चयो न होति। केवलं पुरेजातानं निस्सयादीनं वसेन पुरेजातन्ति वुत्तं।

दुतियपञ्चे “सहजातं पच्छाजातं आहारं इन्द्रिय”न्ति वुत्तेहि चतूहिपि सहजातनिस्सयअत्थिविगतवसेन चत्तारो पच्चया दस्सिता। इमस्मिञ्चि वारे सहजातपच्चयो लब्भति, पच्छाजातपच्चयादयो न लब्भन्ति। पच्छाजातानं पन आहारिन्द्रियसङ्घातानञ्च अत्थिविगतानं वसेनेतं वुत्तं। कुसला हि खन्धा अब्बाकता च महाभूता उपादारूपानं सहजातपच्चयेन निस्सयपच्चयेन अत्थिविगतपच्चयेहीति चतुधा पच्चया होन्ति। पच्छाजाता पन कुसला तेहियेव भूतेहि सङ्घि तेसञ्जेव उपादारूपानं अत्थिविगतवसेन पच्चयो। कबळीकाराहारोपि पच्छाजातेहि कुसलेहि सङ्घि पुरेजातस्स कायस्स अत्थिविगतवसेनेव पच्चयो। रूपजीवितिन्द्रियमि पच्छाजातेहि कुसलेहि सङ्घि कटत्तारूपानं अत्थिविगतपच्चयेनेव पच्चयो। इति इमं चतुधा पच्चयभावं सन्धाय “सहजातं पच्छाजातं, आहारं इन्द्रिय”न्ति इदं वुत्तं। पच्छाजाताहारिन्द्रियपच्चया पनेत्थ न लब्भन्तियेव। परतो अकुसलमिस्सकपञ्चाद्वयेपि एसेव नयोति। एवमेत्थ तेसु तेसु पञ्हेसु सङ्घिपित्वा वुत्तपच्चयानं पभेदो वेदितब्बो। तस्मिं तस्मिं पन पच्चये तेसं तेसं पञ्चानं परिहानापरिहानं परतो आविकरिस्सामाति।

पच्चनीयुद्धारस्स अत्थवण्णना।

### पच्चनीयगणनवण्णना

५३२. इदानी एते “कुसलो धम्मो कुसलस्स धम्मस्सा”तिआदयो अनुलोमवसेन पन्नरस वारा दस्सिता। यस्मा पच्चनीयेपि एतेयेव, न इतो उद्धं; हेट्ठा पन होन्ति, तस्मा यस्स यस्स पच्चयस्स पच्चनीये ये ये वारा लब्भन्ति, ते ते आदितो पट्टाय गणनवसेन दस्सेतुं नहेतुया पन्नरसातिआदि आरद्धं।

तत्थ नहेतुया सब्बेसम्पि यथादस्सितानं पच्चयानं वसेन पन्नरस लब्भन्ति। नारम्मणे सहजाते हेतुपच्चयो पविसति। तस्मिं तस्मिं वारे सुद्धो आरम्भणपच्चयो परिहायति, सेसपच्चयवसेन ते वारा विस्सज्जनं लभन्ति। यथा च नारम्मणे, एवं सेसेसुपि। सहजाते हेतुपच्चयो पविसति। तस्मिं तस्मिञ्च वारे नउपनिस्सये नअनन्तरेति एवं पच्चनीयतो ठिता पच्चया परिहायन्ति, अवसेसपच्चयवसेन ते ते वारा विस्सज्जनं लभन्ति। नसहजाते पन “कुसलो धम्मो कुसलस्स च अब्बाकतस्स च, अकुसलो धम्मो अकुसलस्स च अब्बाकतस्स च, कुसलो च अब्बाकतो च धम्मा कुसलस्स, अकुसलो च अब्बाकतो च धम्मा अकुसलस्साति इमे चत्तारो वारा परिहायन्ति। एतेसङ्घि चतुन्नं पुरिमेसु द्वीसु सहजातपच्चयेन पच्चयोति एकादसन्नं पच्चयानं वसेन एकोव पच्चयसङ्गहो वुत्तो। ते तस्मिं पटिक्खित्ते अञ्जेनाकारेन विस्सज्जनं न लभन्ति। पच्छिमेसु द्वीसु निस्सयअत्थिविगतपच्चये सन्धाय “सहजातं पुरेजात”न्ति वुत्तं। ते सहजाते पटिक्खित्ते अवसेसानं हेतुआदीनञ्च पुरेजातानञ्चेव निस्सयअत्थिविगतानं वसेन विस्सज्जनं न लभन्ति, तस्मा इमे चत्तारोपि वारा परिहायन्ति। अवसेसानं वसेन “एकादसा”ति वुत्तं।

तत्थ सिया — यथा हेतुमिहि पटिक्खित्ते सेसानं अधिपतिआदीनं वसेन ते वारा लब्धा, एवं सहजाते पटिक्खित्ते अवसेसानं हेतुआदीनं वसेन कस्मा न लब्भन्तीति? निष्पदेसत्ता। हेतुआदयो हि सहजातानं एकदेसमत्ततो सप्पदेसा, तस्मा तेसु पटिक्खित्तेसु अञ्जेसं वसेन ते वारा लब्भन्ति। सहजातो पन निष्पदेसो सब्बेपि हेतुआदयो गणहाति, तस्मा तस्मिं पटिक्खित्ते सब्बेपि ते पटिक्खिता होन्ति। न हि असहजाता हेतुपच्चयादयो नाम अत्थि। इति सहजातस्स निष्पदेसत्ता तस्मिं पटिक्खित्ते सब्बेपि ते उभोपि वारा न लब्भन्ति। “सहजातं पुरेजात”न्ति विस्सज्जितवारेसु पन किञ्चापि सहजातपच्चयोयेव नत्थि, यस्मा पनेत्थ सहजाताव अरूपक्खन्धा निस्सयअत्थिविगतवसेन पच्चया, सहजाते च पटिक्खित्ते एकन्तेन सहजातनिस्सयअत्थिविगता पटिक्खित्ता होन्ति, तस्मा तस्स पटिक्खित्ता तेपि वारा न लब्भन्तीति एवं सब्बथापेत्थ इमे चत्तारो वारा परिहायन्ति। अवसेसानञ्चेव वसेन एकादसाति वुत्तं।

नअञ्जमञ्जननिस्सयनसम्पयुत्तेपि तेयेव वारा परिहायन्ति। कस्मा? सहजातगतिकत्ता। यथेव हि अरूपधम्मभूतो सहजातपच्चयो निष्पदेसेन चत्तारो अरूपक्खन्धे गणहाति, तथा अञ्जमञ्जननिस्सयसम्पयुत्तापीति सहजातगतिकत्ता एतेसुपि पटिक्खित्तेसु ते वारा न लब्भन्तीति वेदितब्बा। तेन वुत्तं नअञ्जमञ्जे एकादस, ननिस्सये एकादस, नसम्पयुत्ते एकादसाति।

तत्थ सिया — किञ्चापि इमे अविसेसेन कुसलादिभेदानं चतुन्नं खन्धानं सङ्गाहकत्ता सहजातगतिका, कुसलो पन कुसलाब्बाकतस्स ठपेत्वा सहजातपच्चयं अञ्जथा पच्चयोव न होति, तस्मा तस्मिं पटिक्खित्ते सो वारो परिहायतु। कुसलो पन कुसलाब्बाकतानं नेव अञ्जमञ्जपच्चयो होति, तस्मिं पटिक्खित्ते सो वारो कस्मा परिहायतीति? अञ्जमञ्जपच्चयधम्मवसेन पवत्तिसम्भावतो। यथेव हि कुसलाब्बाकता कुसलस्स सहजातपच्चयोव न होन्ति। सहजातधम्मवसेन पन निस्सयपच्चयादीहि पवत्तिसम्भावतो तस्मिं पटिक्खित्ते सो वारो परिहायति, एवमिधापि अञ्जमञ्जपच्चयधम्मवसेन सहजातादीहि पवत्तिसम्भावतो तस्मिं पटिक्खित्ते सो वारो परिहायति। नअञ्जमञ्जपच्चयेन पच्चयोति पदस्स हि अयमत्थो — ये धम्मा अञ्जमञ्जपच्चयसङ्गहं गता, न तेहि पच्चयो। कुसलो च कुसलाब्बाकतानं सहजातादिवसेन पच्चयो होन्तो अञ्जमञ्जपच्चयधम्मेहेव पच्चयो होति, तस्मा तस्मिं पटिक्खित्ते सो वारो परिहायति। यथा च सो वारो, तथा सेसापि तयोति चत्तारोपि ते वारा परिहायन्ति।

ननिस्सये एकादसाति एत्थापि यस्मा तेसं वारानं एकेन्तेन सहजातपच्चयधम्माव निस्सयभूता, तस्मा निस्सये पटिक्खित्ते परिहायन्ति। नपुरेजाते तेरसाति सहजातं पुरेजातन्ति वुत्तविस्सज्जनं द्विमूलके द्वे अपनेत्वा तेरस। यथा हि ते सहजाते पटिक्खित्ते पुरेजातानञ्चेव निस्सयअत्थिविगतानं वसेन विस्सज्जनं न लभन्ति, तथा पुरेजातेपि पटिक्खित्ते सहजातानञ्चेव निस्सयअत्थिविगतानं वसेन विस्सज्जनं न लभन्ति, तस्मा ते अपनेत्वा तेरसाति वेदितब्बा।

नपच्छाजाते पन्नरसाति एत्थ “पच्छाजातपच्चयेन पच्चयो”ति वा “सहजातं पच्छाजातं आहारं इन्द्रिय”न्ति वा आगतद्धानेसु ठपेत्वा पच्छाजातं अवसेसवसेनपि ते पञ्हा

लब्धन्ति, तस्मा पन्नरसेव वृत्ता । नकम्मेति आदीसु यस्मा कम्मविपाकाहारिन्द्रियज्ञानमग्गापि कुसलादिभेदानं चतुन्नं खन्धानं एकदेसोव तस्मा ठपेत्वा ते धम्मे अवसेसधम्मवसेन सहजातधम्मा पच्चया होन्तीति एकम्पि पञ्चाविस्सज्जनं न परिहीनं । नसम्पयुत्ते एकादसाति यस्मा तेसु चतुसु वारेसु सम्पयुतधम्मा सहजातादिपच्चयेन पच्चया होन्ति, तस्मा सम्पयुतपच्चयपटिक्खेपेन तेयेव वारा परिहायन्तीति वेदितब्बा । नविष्पयुत्ते नवाति दुमूलकएकावसाना चत्तारो एकमूलकदुकावसाना द्वे चाति इमे छ वारा एकन्तेन विष्पयुतपच्चयधम्मोहि युत्ता । तेहि सहजातादिवसेन पच्चया होन्ति, तस्मा विष्पयुत्ते पटिक्खित्ते सब्बेपि ते परिहायन्तीति नवेव लब्धन्ति । तेन वुत्तं “नविष्पयुत्ते नवा”ति । नोअत्थिनोअविगततेसुपि तेयेव वेदितब्बा । एकन्तेन हि ते वारा अत्थिअविगतपच्चयधम्मयुत्ता, तस्मा ते तेसं पटिक्खेपे परिहायन्ति । येपि लब्धन्ति, तेसु आरम्मणवसेन अनन्तरादिवसेन वा विस्सज्जनानि कातब्बानि । सहजातपुरेजातपच्छाजातआहारिन्द्रियभेदतो पञ्चन्नं अत्थिअविगतानं विष्पयुतधम्मानं वा वसेन न कातब्बानीति ।

५३३. एवं पच्चनीये लद्धवारे गणनतो दस्सेत्वा इदानीं दुमूलकादिवसेन पच्चयगणनं दस्सेतुं नहेतुपच्चया नारम्मणे पन्नरसातिआदि आरद्धं । तत्थ नहेतुमूलकदुकेसु अतिरेकगणनो ऊनतरगणनेन सद्धिं योजितो ऊनतरगणनोव होति ।

तिमूलके नउपनिस्सये तेरसाति कुसलो अकुसलस्स, अकुसलो कुसलस्साति द्वे वारा परिहायन्ति । कस्मा? नारम्मणेन सद्धिं नउपनिस्सयस्स घटितत्ता । आरम्मणवसेन हि उपनिस्सयवसेन च इमेसं पवत्ति । तच्च उभयं पटिक्खित्तं । आरम्मणाधिपति च आरम्मणूपनिस्सयगगहणेन गहितो होतियेव ।

छमूलकेपि नउपनिस्सये तेरसाति तेयेव तेरस । सत्तमूलके पन नउपनिस्सये सत्ताति नसहजातेन सद्धिं घटितत्ता तत्थ परिहीनेहि चतूहि सद्धिं “कुसलो कुसलस्स, कुसलो अकुसलस्स, अकुसलो अकुसलस्स, अकुसलो कुसलस्स”ति इमे अनन्तरूपनिस्सयपकतूपनिस्सयवसेन पवत्तमाना चत्तारोति अट्ट परिहायन्ति, तस्मा अवसेसानं वसेन सत्ताति वुत्तं । नपुरेजाते एकादसाति नसहजातेन सद्धिं घटितत्ता एकादस । नपच्छाजाते नवाति तेसु एकादससु सहजातं पच्छाजातं आहारं इन्द्रियन्ति लद्धविस्सज्जनेसु दुमूलके अब्याकतन्ते द्वे वारे अपनेत्वा । ते हि सहजाते पटिक्खित्तेपि पच्छाजातवसेन अपरिहीना । सहजातेन पन सद्धिं पच्छाजाते पटिक्खित्ते परिहायन्तीति सेसानं वसेन नवाति वुत्तं । अट्टमूलके ननिस्सये एकादसाति सब्बं हेट्टा वुत्तसदिसमेव । नवमूलके नउपनिस्सये पञ्चाति कुसलादयो अब्याकतन्ता तयो दुमूलका अब्याकतन्ता द्वे चाति पच्च । तेसु नानावर्णिककम्मकबळीकाराहाररूपजीवितिन्द्रियपच्छाजातधम्मवसेन विस्सज्जनं वेदितब्बं ।

दसमूलके नपुरेजाते पञ्चातिआदीसुपि तेयेव । नपच्छाजाते तीणीति पच्छाजातवसेन लब्धमाने दुमूलके अब्याकतन्ते द्वे अपनेत्वा अवसेसा । नविष्पयुत्तेपि तेयेव तयो । नोअत्थिया द्वेति नानावर्णिककम्मवसेन कुसलञ्च अकुसलञ्च कटत्तारूपस्स । विपाकं पनेत्थ नउपनिस्सयेन सद्धिं घटितत्ता न लब्धति । एकादसमूलके हेट्टा वुत्तसदिसाव गणना । द्वादसमूलके नकम्मे एकन्ति अब्याकतेन अब्याकतं । तत्थ च आहारिन्द्रियवसेन विस्सज्जनं वेदितब्बं । तेरसमूलकादीसुपि सब्बत्थ एकन्ति आगतद्धाने इदमेव गहेतब्बं । नाहारे पन इन्द्रियवसेन विस्सज्जनं वेदितब्बं । नइन्द्रिये आहारवसेन । चुट्टसमूलकादीसु नकम्मेन सद्धिं घटितत्ता नोअत्थिनोअविगता न लब्धन्तीति न वृत्ता । नाहारपच्चया नज्ञानपच्चयाति नइन्द्रियं अपनेत्वा वुत्तं । तस्मा तत्थ इन्द्रियवसेन एकं वेदितब्बं । नविपाकपच्चया नइन्द्रियपच्चयाति नाहारं अपनेत्वा वुत्तं, तस्मा तत्थ आहारवसेन एकं वेदितब्बं । इमेसु पन द्वीसु पच्चनीयतो ठितेसु गणना नाम नत्थि, तस्मा एकतो न दस्सिताति ।

नहेतुमूलकं ।

५३४. नारम्मणमूलकादीसुपि पन्नरसतेरसएकादसनवाति सब्बदुकेसु चत्तारोव मूलगणनपरिच्छेदा । तिकादीसु पन बहुपच्चयसमायोगे इतरानिपि सत्त पच्च तीणि द्वे एकन्ति परिच्छिन्नगणनानि विस्सज्जनानि लब्धन्तियेव । तेसु येसं पच्चयानं समायोगे यं यं लब्धति, तं तं हेट्टा वुत्तनयेन साधुकं सल्लक्खेत्वा उद्धरितब्बं । सब्बेसु चेतेसु नारम्मणमूलकादीसु नारम्मणादीनि पदानि अतिक्कन्तेन हेतुपदेन सद्धिं पठमं बन्धित्वाव चक्कानि कतानि । यस्मा पन तानि नहेतुमूलके वुत्तसदिसानेव होन्ति, तस्मा वित्थारेन अदस्सेत्वा सङ्केपं कत्वा दस्सितानि । तत्थ यथा नहेतुमूलके नारम्मणनउपनिस्सया विसुं विसुं पन्नरस वारे लभन्तापि समायोगे तेरस लभिसु, एवं सब्बत्थ तेरसेव लभन्ति । यथा च नारम्मणनसहजातेहि सद्धिं नउपनिस्सये सत्त वारा होन्ति, एवं नउपनिस्सयनारम्मणेहि सद्धिं नसहजातेपि सत्त ।

५३८. ननिस्सयपच्चया नउपनिस्सयपच्चया नपच्छाजाते तीणीति कुसलादीनि अब्याकतन्तानि । तेसु कटत्तारूपञ्च आहारसमुद्धानञ्च पच्चयुप्पन्नं ।

५४३-५४४. नाहारनइन्द्रियमूलकेसु चतुक्केसु नकम्मेन सद्धिं अघटितत्ता नहेतुमूलके विय एकेन्तेन लब्धन्ति । नइन्द्रियमूलके नउपनिस्सये च नपुरेजाते च ठपेत्वा नाहारे तीणीति कातब्बन्ति नइन्द्रियपच्चयतो पट्टाय इमे द्वे पच्चये घटेत्वा नइन्द्रियपच्चया...पे०... नउपनिस्सयपच्चया नाहारे तीणी । नइन्द्रियपच्चया...पे०... नपुरेजातपच्चया नाहारे तीणीति एवं इमेहि पच्चयेहि सद्धिं नाहारपच्चये च गणना कातब्बाति अत्थो । तत्थ तीणीति कुसलादीनेव अब्याकतस्स । तत्थ कुसलाकुसला कटत्तारूपानं पुरेजातस्स च कायस्स पच्छाजातपच्चयेन, अब्याकता पन चित्तचेतसिका पच्छाजातपच्चयेनेवाति इमेसं वसेन तीणि विस्सज्जनानि कातब्बानि । परतो पन नपच्छाजातेन सद्धिं घटितत्ता नाहारे द्वेति वुत्तं । तत्थ कटत्तारूपवसेन कुसलं अब्याकतस्स, तथा अकुसलन्ति एत्तकमेव लब्धति । आहारस्स पन पटिक्खित्तता कबळीकाराहारो अत्थिअविगतवसेनापि पच्चयभावं न लभति ।

५४५. नविष्पयुत्तमूलकस्स चतुमूलके नउपनिस्सये पञ्चाति कुसलो सहजातकुसलस्स, कुसलो कटत्तारूपसङ्घातस्स अब्याकतस्स, अकुसलो सहजातअकुसलस्स, तथा कटत्तारूपसङ्घातस्स अब्याकतस्स, अब्याकतो सहजातअब्याकतस्साति एवं पच्च । नविष्पयुत्तपच्चया...पे०... नउपनिस्सये तीणीति हेट्टा वुत्तनयेनेव कुसलादयो तयो अब्याकतस्स ।

५४६. नोअत्थिपच्चया नहेतुया नवाति नहेतुपच्चया नोअत्थिया वृत्ता नवेव । सब्बेपि हि ते एकमूलकेकावसाना अनन्तरपकतूपनिस्सयवसेन लब्धन्ति । नारम्मणे नवातिपि तेयेव नारम्मणे ठत्वा नउपनिस्सये द्वे कातब्बा । याव निस्सयम्पीति नोअत्थिमूलके नये “नोअत्थिपच्चया नहेतुपच्चया नारम्मणपच्चया”ति एवं चक्कबन्धगमनेन नारम्मणपच्चये ठत्वा इमेहि वा तीहि, इतो परेसु नाधिपतिआदीसु अञ्जतरञ्जतरेन वा सद्धिं याव निस्सयपच्चयं पापुणाति, ताव गन्त्वा नउपनिस्सये द्वे विस्सज्जनानि कातब्बानीति अत्थो ।

एवं लक्खणं ठपेत्वा पुन नारम्मणतो पट्टाय याव निस्सया सत्त पच्चये गहेत्वा नउपनिस्सये द्वेति आह । तत्थ नोअत्थिपच्चया नहेतुपच्चया नारम्मणपच्चया नउपनिस्सये द्वे, नोअत्थिपच्चया नहेतुनारम्मणनाधिपतिपच्चया नउपनिस्सये द्वेति एवं नारम्मणतो पुरिमपच्छिमेहि निस्सयपरियोसानेहि सब्बपदेहि सद्धि योजना कातब्बा । द्वेति पनेत्थ कुसलो अब्बाकतस्स, अकुसलो अब्बाकतस्साति नानाक्खणिककम्मवसेन कटत्तारूपस्स पच्चयवसेन वेदितब्बानि । नउपनिस्सयपदेन सद्धि नपुरेजातादीसु सब्बत्थ द्वे । कम्मपच्चयो पनेत्थ न गहितो । तस्मिं गहिते तेषि द्वे वारा छिज्जन्ति, विस्सज्जनमेव न लब्भति । एवं येन येन सद्धि यस्स यस्स संसन्दने । यं लब्भति, यच्च परिहायति, तं सब्बं साधुकं सल्लक्खेत्वा सब्बपच्चनीयेसु गणना उद्धरितब्बाति ।

पच्चनीयगणनवण्णना ।

### अनुलोमपच्चनीयवण्णना

५५०. अनुलोमपच्चनीये “हेतुया सत्त, आरम्मणे नवा”ति एवं अनुलोमे “नहेतुया पन्नरस, नारम्मणे पन्नरसा”ति एवं पच्चनीये च लद्धगणनेसु पच्चयेसु यो पच्चयो अनुलोमतो ठितो, तस्स अनुलोमे लद्धवारेहि सद्धि ये पच्चनीयतो ठितस्स पच्चनीये लद्धवारेसु सदिसवारा, तेसं वसेन गणना वेदितब्बा । अनुलोमस्मिंहे हेतुपच्चये “हेतुया सत्ता”ति सत्त वारा लद्धा, पच्चनीये नारम्मणपच्चये “नारम्मणे पन्नरसा”ति पन्नरस लद्धा । तेसु ये हेतुया सत्त वुत्ता, तेहि सद्धि नारम्मणे वुत्तेसु पन्नरससु “कुसलो कुसलस्स, अब्बाकतस्स, कुसलाब्बाकतस्स, अकुसलो अकुसलस्स, अब्बाकतस्स, अकुसलाब्बाकतस्स, अब्बाकतो अब्बाकतस्सा”ति इमे सत्त सदिसा । ते सन्धाय हेतुपच्चया नआरम्मणे सत्ताति वुत्तं । नअधिपतिया सत्तातिआदीसुपि एसेव नयो ।

नसहजातस्स पन हेतुपच्चयस्स अभावा नसहजाते एकोपि न लब्भति, तस्मा तेन सद्धि योजना न कता । नअज्जमज्जे कुसलादयो तयो रूपाब्बाकतस्स लब्भन्ति, ते सन्धाय तीणीति वुत्तं । तथा नसम्पयुत्ते । नविप्पयुत्ते पन कुसलं कुसलस्स, अकुसलं अकुसलस्स, अब्बाकतं अब्बाकतस्साति अरूपधम्मवसेन तीणि वेदितब्बानि । ननिस्सयनोअत्थिनोअविगता नसहजातो विय न लब्भन्तियेवाति तेहिपि सद्धि योजना न कता । एवमेत्थ सत्त तीणीति द्वेयेव गणनपरिच्छेदा, तेसं वसेन ऊनतरगणनेन सद्धि अतिरेकगणनस्सपि गणनं परिहापेत्वा पच्चयघटनेसु गणना वेदितब्बा ।

५५१. तत्थ हेतुसहजातनिस्सयअत्थिअविगतन्ति नारम्मणे सत्ताति कुसलो धम्मो कुसलस्स धम्मस्स हेतुपच्चयेन पच्चयो, सहजातनिस्सयअत्थिअविगतपच्चयेन पच्चयो, नारम्मणपच्चयेन पच्चयो । कुसला हेतू सम्पयुत्तकानं खन्धानं हेतुपच्चयेन पच्चयो, सहजातनिस्सयअत्थिअविगतपच्चयेन पच्चयो, नारम्मणपच्चयेन पच्चयोति इमिना नयेन सत्त वारा उद्धरितब्बा । नाधिपतिया सत्तातिआदीसुपि एसेव नयो । दुतिये घटने अज्जमज्जस्स पविट्ठत्ता ठपेत्वा नसम्पयुत्तं सेसेसु तीणीति वुत्तं । नसम्पयुत्ते पन अज्जमज्जविप्पयुत्तं पटिसन्धिनारूपं सन्धाय एकन्ति वुत्तं । अज्जमज्जपच्चयो चेत्थ अनुलोमघटने पविट्ठत्ता पच्चनीयतो न लब्भति, तस्मा “नअज्जमज्जे”ति न वुत्तं । यथा चेत्थ, एवं सेसघटनेसुपि पविट्ठपच्चया पच्चनीयतो न लब्भन्तीति न वुत्ता । ततियघटने सम्पयुत्तस्स पविट्ठत्ता सब्बत्थ तीणियेव । चतुत्थघटने विप्पयुत्तस्स पविट्ठत्ता तीणि कुसलादीनि चित्तसमुद्धानरूपस्स । पच्चमे विपाकस्स पविट्ठत्ता सब्बत्थ एकं अब्बाकतेन अब्बाकतं । इतो परेसुपि विपाकसम्पयुत्तेसु एसेव नयो ।

५५२. हेतुसहजातनिस्सयइन्द्रियमग्गअत्थिअविगतन्ति नारम्मणे चत्तारीति कुसलो कुसलस्स, अब्बाकतस्स, कुसलाब्बाकतस्स; अब्बाकतो अब्बाकतस्साति इमेसं वसेन वेदितब्बानि । सेसेसुपि एसेव नयो । नअज्जमज्जे द्वेति कुसलो अब्बाकतस्स, तथा अब्बाकतो । परतोपि द्वीसु एसेव नयो । इमिना उपायेन सब्बघटनेसु लब्भमानवसेन गणना वेदितब्बा । सब्बानिपि चेतानि इमस्मिं अनुलोमपच्चनीये सहजातवसेन चेव पकिण्णकवसेन च पन्नरसाधिकानि चत्तारि घटनसत्तानि वुत्तानि । तेसु तस्मिं तस्मिं घटने ये अनुलोमतो ठिता पच्चया, तेसं एकोपि पच्चनीयतो न लब्भति । हेतुमूलके चेत्थ पठमे घटने अनुलोमतो पच्चन्नं पच्चयानं ठितत्ता पच्चनीयतो एकूनवीसति पच्चया आगता । एवं सेसेसुपि अनुलोमतो ठितावसेसा पच्चनीयतो आगता । अनुलोमतो चेत्थ बहूसुपि ठितेसु पच्चनीयतो एकेकोव आगतोति वेदितब्बो । यथा च हेतुमूलके, एवं आरम्मणादिमूलकेसुपि सब्बमेतं विधानं यथानुरूपतो वेदितब्बन्ति ।

अनुलोमपच्चनीयवण्णना ।

### पच्चनीयानुलोमवण्णना

६३१. पच्चनीयानुलोमेपि “हेतुया सत्त, आरम्मणे नवा”ति एवं अनुलोमे “नहेतुया पन्नरस, नारम्मणे पन्नरसा”ति एवं पच्चनीये च लद्धगणनेसु पच्चयेसु यो पच्चनीयतो ठितो, तस्स पच्चनीयतो लद्धवारेसु ये अनुलोमतो ठितस्स अनुलोमतो लद्धवारेहि सदिसा वारा, तेसं वसेन गणना वेदितब्बा । पच्चनीयस्मिंहे नहेतुपच्चये “नहेतुया पन्नरसा”ति पन्नरस वारा लद्धा, अनुलोमे आरम्मणपच्चये “आरम्मणे नवा”ति नव वारा लद्धा । तत्थ ये नहेतुया पन्नरस वुत्ता, तेसु ये वारा आरम्मणे वुत्तेहि नवहि सदिसा, तेसं वसेन गणना वेदितब्बा । तत्थ ये आरम्मणे नव वुत्ता, ते नहेतुया वुत्तेसु पन्नरससु कुसलो “कुसलाकुसलाब्बाकतानं, अकुसलो अकुसलकुसलाब्बाकतानं, अब्बाकतो अब्बाकतकुसलाकुसलानं”न्ति इमेहि नवहि सदिसा, ते सन्धाय नहेतुया आरम्मणे नवाति वुत्तं । अधिपतिया दसातिआदीसुपि एसेव नयो । आरम्मणादीनज्जि अनुलोमगणनाय ये वारा वुत्ता नहेतुपच्चयेन सद्धि संसन्दनेपि ते सब्बे लब्भन्तीति वेदितब्बा । “कुसलो धम्मो कुसलस्स धम्मस्स नहेतुपच्चयेन पच्चयो आरम्मणपच्चयेन पच्चयो, दानं दत्ता सीलं समादियित्वा उपोसथकम्मं कत्वा तं पच्चवेकखति, पुब्बे सुचिण्णानि पच्चवेकखती”ति इमिना उपायेन तेसं पाळि उद्धरितब्बा ।

नहेतुपच्चया अधिपतिया दसाति एत्थ ठपेत्वा वीमंसाधिपतिं सेसाधिपतिवसेन अनुलोमविभङ्गे आगतवारा उद्धरितब्बा । एवमेत्थ नव दससत्ततीणितेरसएकन्ति छ गणनपरिच्छेदा, तेसं वसेन ऊनतरगणनेन सद्धि अतिरेकगणनस्सापि गणनं परिहापेत्वा नहेतुमूलकादीनं नयानं तिमूलकादीसु सब्बसंसन्दनेसु गणना वेदितब्बा । इदं ताव साधारणलक्खणं । न पनेतं सब्बसंसन्दनेसु गच्छति, येहि पन पच्चयेहि सद्धि येसं पच्चयानं संसन्दने ये वारा विरुज्जन्ति, ते अपनेत्वा अवसेसानं वसेनपेत्थ गणना वेदितब्बा ।

नहेतुपच्चया नआरम्मणपच्चया अधिपतिया सत्ताति एत्थ हि कुसलो अकुसलस्स; अब्बाकतो कुसलस्स, अकुसलस्साति इमे आरम्मणाधिपतिवसेन लब्भमाना तयो वारा विरुज्जन्ति । कस्मा? नआरम्मणपच्चयाति वुत्तत्ता । तस्मा ते अपनेत्वा सहजाताधिपतिनयेनेवेत्थ “कुसलो कुसलस्स, अब्बाकतस्स, कुसलाब्बाकतस्स; अकुसलो अकुसलस्स, अब्बाकतस्स, अकुसलाब्बाकतस्स; अब्बाकतो अब्बाकतस्सा”ति सत्त वारा वेदितब्बा । तेषि नहेतुपच्चयाति वचनतो ठपेत्वा वीमंसाधिपतिं सेसाधिपतीनं वसेन ।

एवं सब्बत्थ ऊनतरगणनपच्चयवसेन अवरुज्झमानगणनवसेन च गणना वेदितव्वा ।

येसु च पच्चयेसु पच्चनीयतो ठितेसु ये अनुलोमतो न तिड्ढन्ति, तेपि वेदितव्वा । सेय्यथिदं — अनन्तरे पच्चनीयतो ठिते समनन्तरासेवननत्थिविगता अनुलोमतो न तिड्ढन्ति, सहजाते पच्चनीयतो ठिते हेतुअज्जमज्जविपाकज्ञानमगगसम्पयुत्ता अनुलोमतो न तिड्ढन्ति, निस्सये पच्चनीयतो ठिते वत्थुपुरेजातो अनुलोमतो न तिड्ढन्ति । आहारे वा इन्द्रिये वा पच्चनीयतो ठिते हेतुअज्जमज्जविपाकज्ञानमगगसम्पयुत्ता अनुलोमतो न तिड्ढन्ति । आरम्मणे पण पच्चनीयतो ठिते अधिपतिउपनिस्सया अनुलोमतो न तिड्ढन्ति, आरम्मणाधिपतिआरम्मणूपनिस्सया पण न लब्भन्ति । इमिना उपायेन सब्बत्थ यं लब्भति, यच्च न लब्भति, तं जानित्वा लब्भमानवसेन वारा उद्धरितव्वा ।

तत्थ सब्बेसुपि तिमूलकादीसु अनन्तरे सत्तातिआदयो दुमूलके लद्धवारायेव सत्तमूलकादीसु पण नसहजातपच्चया निस्सये तीणीति पुरेजातवसेन वत्थुनिस्सये तीणि । कम्मे द्वे नानाकखणिकवसेनेव । आहारे एकं कबळीकाराहारवसेन । इन्द्रिये एकं रूपिन्द्रियवसेन । कमेन गन्त्वा विष्पयुत्ते तीणीति कुसलादीनं अब्याकतन्तानि पच्छाजातवसेन । अत्थिअविगतेसु पञ्चाति तानि चेव तीणि, कुसलाब्याकता अब्याकतस्स, अकुसलाब्याकता अब्याकतस्साति इमानि च द्वे पच्छाजाताहारिन्द्रियवसेनाति । पच्छाजातपच्चयस्स पच्चनीकभावतो पट्टाय पण अत्थिअविगतेसु एकन्ति अब्याकतो अब्याकतस्स आहारिन्द्रियवसेन । नाहारे गहिते नइन्द्रियपच्चयाति न गहेतव्वं । तथा नइन्द्रिये गहिते नाहारपच्चयाति । कस्मा? द्वीसु एकतो गहितेसु गणेतव्ववारस्स अभावतो । ज्ञानमग्गादीसुपि पच्चनीकतो ठितेसु आहारतो वा इन्द्रियतो वा एकं अनुलोमं अकत्वाव अवसाने इन्द्रिये एकं, अत्थिया एकं, अविगते एकं, आहारे एकं, अत्थिया एकं, अविगते एकन्ति वुत्तं । सेसमेत्थ उत्तानत्थमेवाति ।

नहेतुमूलकं ।

६३६. नारम्मणमूलकादीसु नअज्जमज्जमूलके नअज्जमज्जपच्चया हेतुया तीणीति कुसलादीनि चित्तसमुद्धानानं । अधिपतिया अट्टाति अधिपतिया वुत्तेसु दससु “कुसलो कुसलाब्याकतस्स, अकुसलो अकुसलाब्याकतस्सा”ति द्वे अपनेत्वा सेसानि अट्ट । सहजाते पञ्चाति हेतुया वुत्तेहि तीहि सद्धि “कुसलो च अब्याकतो च अब्याकतस्स, अकुसलो च अब्याकतो च अब्याकतस्सा”ति इमे द्वे । निस्सये सत्ताति तेहि पच्चहि सद्धि “अब्याकतो कुसलस्स, अब्याकतो अकुसलस्सा”ति इमे द्वे वत्थुवसेन । कम्मे तीणीति हेतुया वुत्तानेव । सेसतिकेसुपि एसेव नयो । अधिपतिया तीणीति हेट्टा वुत्तानेव ।

६४४. नाहारमूलके अज्जमज्जे तीणीति ठपेत्वा आहारे सेसचेतसिकवसेन वेदितव्वानि । यथा च हेट्टा, तथा इधापि नाहारनइन्द्रियेसु एकेकमेव गहितं, न द्वे एकतो ।

६४८. नसम्पयुत्तपच्चया हेतुया तीणीति हेट्टा नअज्जमज्जे वुत्तानेव । अधिपतिया अट्टाति वुत्तानेव । नविष्पयुत्तमूलके कम्मे पञ्चाति कुसलादिचेतना सहजातकुसलादीनं, नानाकखणिका कुसलाकुसलचेतना कम्मसमुद्धानरूपस्साति एवं पच्च । आहारिन्द्रियेसु तीणि सहजातसदिसानि । ज्ञानमग्गादीसु तीणि हेतुसदिसानि ।

६५०. नोअत्थिमूलके यस्मा हेतु नोअत्थि नाम न होति, नियमतो अत्थियेव, तस्मा तं अगगहेत्वा नारम्मणे नवाति वुत्तं । यथा च हेतु, तथा अज्जेपि अत्थिपच्चयलकखणयुत्ता एत्थ अनुलोमतो न तिड्ढन्ति । कम्मे द्वेति इदं पण नानाकखणिककम्मवसेन वुत्तं । पच्चनीयतो सब्बे लब्भन्ति । यं पण अनुलोमतो लब्भमानम्पि अगगहेत्वा ततो पुरेतरा पच्चया पच्चनीयतो गहन्ति, सो पच्छा योजनं लभति । तेनेवेत्थ “नोअत्थिपच्चया नहेतुपच्चया...पे०... नोअविगतपच्चया कम्मे द्वे”ति वुत्तं । कस्मा पनेस सकट्टानेयेव न गहितोति? यस्मा अवसेसेसुपि पच्चनीयतो ठितेसु एकोव अनुलोमतो लब्भति । इदद्धि इमस्मिं पच्चयानुलोमे लकखणं — यो सब्बेसु पच्चनीयतो ठितेसु एकोव अनुलोमतो लब्भति, सो पच्छा वुच्चतीति । नोअत्थिपच्चया नहेतुपच्चया...पे०... नोअविगतपच्चया उपनिस्सये नवाति एत्थापि एसेव नयो । इदं पण पक्तूपनिस्सयवसेन वुत्तं । इमिना उपायेन सब्बत्थ लब्भमानं अलब्भमानं पुरेवुत्तं पच्छावुत्तञ्च वेदितव्वन्ति ।

पञ्चावारस्स पच्चनीयानुलोमवण्णना ।

निड्ढिता च कुसलत्तिकपट्टानस्स वण्णनाति ।

## २. वेदनात्तिकवण्णना

१. वेदनात्तिके तिस्रो वेदना रूपं निब्बानन्ति इमे धम्मा न लब्भन्ति, तस्मा एकं खन्धं पटिच्च द्वे खन्धातिआदि वुत्तं । पटिसन्धिकखणे सुखाय वेदनायाति सहेतुकपटिसन्धिवसेन वुत्तं । दुक्खवेदना पटिसन्धियं न लब्भतीति दुतियवारे पटिसन्धिगहणं न कतं । ततियवारे पटिसन्धिकखणेति सहेतुकपटिसन्धिवसेन वुत्तं । सेसमेत्थ इतो परेसु च पच्चयेसु यथापाळिमेव निव्याति । सब्बत्थ तयो तयो वारा वुत्ता । तेन वुत्तं हेतुया तीणि...पे०... अविगते तीणीति ।

६. पच्चयसंसन्दने पण सहेतुकाय विपाकदुक्खवेदनाय अभावतो हेतुमूलकनये विपाके द्वेति वुत्तं । अधिपतिआदीहि सद्धि संसन्दनेसुपि विपाके द्वेयेव । कस्मा? विपाके दुक्खवेदनाय अधिपतिज्ञानमगगानं अभावतो । येहि च सद्धि संसन्दने विपाके द्वे वारा लब्भन्ति, विपाकेन सद्धि संसन्दने तेसुपि द्वेयेव ।

१०. पच्चनीये नपुरेजाते आरुप्पे च पटिसन्धियञ्च दुक्खवेदनाय अभावतो द्वे वारा आगता । नविष्पयुत्तेपि आरुप्पे दुक्खाभावतो द्वेयेव । सब्बअरूपधम्मपरिग्गाहका पण सहजातादयो पच्चया इमस्मिं पच्चनीयवारे परिहायन्ति । कस्मा? वेदनासम्पयुत्तस्स धम्मस्स वेदनासम्पयुत्तं पटिच्च सहजातादीहि विना अनुपत्तितो पच्छाजातपच्चयञ्च विनाव उपत्तितो ।

१७. पच्चयसंसन्दने पण नपुरेजाते एकन्ति आरुप्पे पटिसन्धियञ्च अहेतुकादुक्खमसुखवेदनासम्पयुत्तं सन्धाय वुत्तं । नकम्मे द्वेति अहेतुककिरियसम्पयुत्तचेतनावसेन वुत्तं । सुखाय हि अदुक्खमसुखाय च वेदनाय सम्पयुत्ते धम्मे पटिच्च ताहि वेदनाहि सम्पयुत्ता अहेतुककिरियचेतना उपपज्जन्ति । नहेतुपच्चया नविपाकेपि एसेव नयो । नविष्पयुत्ते एकन्ति आरुप्पे आवज्जनवसेन वुत्तं । इमिना उपायेन सब्बसंसन्दनेसु गणना वेदितव्वा ।

२५-३७. अनुलोमपच्यनीये पच्यनीये लङ्घपच्यया एव पच्यनीयतो तिद्वन्ति । पच्यनीयानुलोमे सब्बा रूपधम्मपरिग्गाहका सहजातादयो अनुलोमतोव तिद्वन्ति, न पच्यनीयतो । अहेतुकस्स पन चित्तुप्पादस्स अधिपति नत्थीति अधिपतिपच्ययो अनुलोमतो न तिद्वन्ति । पटिच्चवारादीसु पन पच्छाजातो अनुलोमतो न लब्धति येवाति परिहीनो । ये चेत्थ अनुलोमतो लब्धन्ति, ते पच्यनीयतो लब्धमानेहि सङ्खि परिवत्तेत्वापि योजितायेव । तेसु तीणि द्वे एकन्ति तयोव वारपरिच्छेदा, ते सब्बत्थ यथानुरूपं सल्लक्खेतब्बा । यो चायं पटिच्चवारे वुत्तो, सहजातवारादीसुपि अयमेव वण्णनानयो ।

३८. पञ्हावारे पन सम्पयुत्तकानं खन्धानन्ति तेन सङ्खि सम्पयुत्तकानं खन्धानं तेहियेव वा हेतूहि सुखवेदनादीहि वा ।

३९. विष्पटिसारिस्साति दानादीसु ताव “कस्मा मया इदं कतं, दुट्ठ मे कतं, अकतं सेय्यो सिया”ति एवं विष्पटिसारिस्स । ज्ञानपरिहानियं पन “परिहीनं मे ज्ञानं, महाजानियो वतम्ही”ति एवं विष्पटिसारिस्स । मोहो उप्पज्जतीति दोससम्पयुत्तमोहो । तथा मोहं अरब्भाति दोससम्पयुत्तमोहमेव ।

४५. सुखाय वेदनाय सम्पयुत्तं भवङ्गं अदुक्खमसुखाय वेदनाय सम्पयुत्तस्स भवङ्गस्साति तदारम्मणसङ्घातं पिड्ढिभवङ्गं मूलभवङ्गस्स । वुट्ठानस्साति तदारम्मणस्स भवङ्गस्स वा । उभयम्पि हेतं कुसलाकुसलजवनतो वुट्ठितत्ता वुट्ठानन्ति वुच्चति । किरियं वुट्ठानस्साति एत्थापि एसेव नयो । फलं वुट्ठानस्साति फलचित्तं भवङ्गस्स । भवङ्गेन हि फलतो वुट्ठितो नाम होति । परतो “वुट्ठान”न्ति आगतद्वानेसुपि एसेव नयो ।

४६. दुक्खाय वेदनाय सम्पयुत्ता खन्धाति दोमनस्ससम्पयुत्ता अकुसला खन्धा । अदुक्खमसुखाय वेदनाय सम्पयुत्तस्स वुट्ठानस्साति तदारम्मणसङ्घातस्स आगन्तुकभवङ्गस्स वा उपेक्खासम्पयुत्तमूलभवङ्गस्स वा । सचे पन सोमनस्ससहगतं मूलभवङ्गं होति, तदारम्मणस्स च उप्पत्तिकारणं न होति, जवनस्स आरम्मणतो अज्जस्मिम्पि आरम्णे अदुक्खमसुखवेदनं अकुसलविपाकं उप्पज्जेतेव । तम्पि हि जवनतो वुट्ठितत्ता वुट्ठानन्ति वुच्चति । सहजातपच्ययादिनिहेसा उत्तानत्थायेव । नहेत्थ किञ्चि अत्थि, यं न सक्का सिया हेट्ठा वुत्तनयेन वेदेतुं, तस्मा साधुकं उपलक्खेतब्बं ।

६२. इदानी यस्मिं यस्मिं पच्यये ये ये वारा लङ्घा, सब्बे ते सङ्खिपित्वा गणनाय दस्सेतुं हेतुया तीणीतिआदि वुत्तं । तत्थ सब्बानि तीणि सुट्ठानं तिण्णं पदानं वसेन वेदितब्बानि । आरम्णे नव एकमूलकेकावसानानि । अधिपतिया पञ्च सहजाताधिपतिवसेन अमिस्सानि तीणि, आरम्मणाधिपतिवसेन च “सुखाय सम्पयुत्तो सुखाय सम्पयुत्तस्स, अदुक्खमसुखाय सम्पयुत्तो अदुक्खमसुखाय सम्पयुत्तस्स”ति द्वे, तानि न गणेतब्बानि । सुखाय पन सम्पयुत्तो अदुक्खमसुखाय, अदुक्खमसुखाय सम्पयुत्तो सुखायाति इमानि द्वे गणेतब्बानीति एवं पञ्च । अनन्तरसमनन्तरेसु सत्ताति सुखा द्विनं, तथा दुक्खा, अदुक्खमसुखा तिण्णम्पीति एवं सत्त । उपनिस्सये नवाति सुखसम्पयुत्तो सुखसम्पयुत्तस्स तीहिपि उपनिस्सयेहि, दुक्खसम्पयुत्तस्स पकतूपनिस्सयेनेव, उपेक्खासम्पयुत्तस्स तीहिपि, दुक्खसम्पयुत्तो दुक्खसम्पयुत्तस्स अनन्तरपकतूपनिस्सयेहि, सुखसम्पयुत्तस्स पकतूपनिस्सयेनेव, अदुक्खमसुखसम्पयुत्तस्स द्विधा, अदुक्खमसुखसम्पयुत्तो अदुक्खमसुखसम्पयुत्तस्स तिधापि, तथा सुखसम्पयुत्तस्स, दुक्खसम्पयुत्तस्स अनन्तरपकतूपनिस्सयेहीति एवं नव । पच्ययभेदतो पनेत्थ पकतूपनिस्सया नव, अनन्तरूपनिस्सया सत्त, आरम्मणूपनिस्सया चत्तारोति वीसति उपनिस्सया । पुरेजातपच्छाजाता पनेत्थ छिज्जन्ति । न हि पुरेजाता पच्छाजाता वा अरूपधम्मा अरूपधम्मानं पच्यया होन्ति ।

कम्मे अट्ठाति सुखसम्पयुत्तो सुखसम्पयुत्तस्स द्विधापि, दुक्खसम्पयुत्तस्स नानाक्खणिकतोव तथा इतरस्स । दुक्खसम्पयुत्तो दुक्खसम्पयुत्तस्स द्विधापि, सुखसम्पयुत्तस्स नत्थि, इतरस्स नानाक्खणिकतोव अदुक्खमसुखसम्पयुत्तो अदुक्खमसुखसम्पयुत्तस्स द्विधापि, इतरेसं नानाक्खणिकतोति एवं अट्ठ । पच्ययभेदतो पनेत्थ नानाक्खणिका अट्ठ, सहजाता तीणीति एकादस कम्मपच्यया । यथा च पुरेजातपच्छाजाता, एवं विष्पयुत्तपच्ययोपेत्थ छिज्जति । अरूपधम्मा हि अरूपधम्मानं विष्पयुत्तपच्ययो न होन्ति । नत्थिविगतेसु सत्त अनन्तरसदिसाव । एवमेत्थ तीणि पञ्च सत्त अट्ठ नवाति पञ्च गणनपरिच्छेदा । तेसं वसेन पच्ययसंसन्दने ऊनतरगणनेन सङ्खि संसन्दनेसु अतिरेकञ्च अलब्धमानञ्च अपनेत्वा गणना वेदितब्बा ।

६३-६४. हेतुया सङ्खि आरम्मणं न लब्धति, तथा अनन्तरादयो । अधिपतिया द्वेति दुक्खपदं ठपेत्वा सेसानि द्वे । दुक्खसम्पयुत्तो हि हेतु अधिपति नाम नत्थि, तस्मा सो न लब्धतीति अपनीतो । सेसद्वयेसुपि एसेव नयो । इति हेतुमूलके द्वेयेव गणनपरिच्छेदा, तेसं वसेन छ घटनानि वुत्तानि । तेसु पठमं अविपाकभूतानं जाणविष्पयुत्तनिराधिपतिधम्मानं वसेन वुत्तं, दुतियं तेसज्जेव विपाकभूतानं, ततियचतुत्थानि तेसज्जेव जाणसम्पयुत्तानं, पञ्चमं अविपाकभूतसाधिपतिअमोहवसेन, छट्ठं विपाकभूतसाधिपतिअमोहवसेन । पठमं वा सब्बहेतुवसेन, दुतियं सब्बविपाकहेतुवसेन, ततियं सब्बामोहहेतुवसेन, चतुत्थं सब्बविपाकामोहहेतुवसेन । पञ्चमं सब्बसाधिपतिअमोहवसेन, छट्ठं सब्बसाधिपतिविपाकामोहवसेन ।

६६. आरम्मणमूलके अधिपतिया चत्तारीति आरम्मणाधिपतिवसेन सुखं सुखस्स, अदुक्खमसुखस्स, अदुक्खमसुखं अदुक्खमसुखस्स, सुखस्साति एवं चत्तारि । उपनिस्सयेपि आरम्मणूपनिस्सयवसेन चत्तारो वुत्ता । घटनानि पनेत्थ एकमेव । अधिपतिमूलकादीसुपि हेट्ठा वुत्तनयेनेव यं लब्धति यच्च न लब्धति, तं सब्बं साधुकं सल्लक्खेत्वा संसन्दनघटनगणना वेदितब्बा ।

८३-८७. पच्यनीयम्हि कुसलत्तिके वुत्तनयेनेव अनुलोमतो पच्यये उट्ठरित्वा तत्थ लङ्घानं वारानं वसेन पच्यनीयतो गणनवसेन नहेतुया नवाति सब्बपच्ययेसु नव वारा दस्सिता । ते एकमूलकेकावसानानं नवन्नं विस्सज्जनानं वसेन “सुखाय वेदनाय सम्पयुत्तो धम्मो सुखाय वेदनाय सम्पयुत्तस्स धम्मस्स नहेतुपच्ययेन पच्ययो, सुखाय वेदनाय सम्पयुत्तेन चित्तेन दानं दत्वा”तिआदिना नयेन पाळिं उट्ठरित्वा दस्सेतब्बा । पच्ययसंसन्दने पनेत्थ नहेतुपच्यया...पे०... नउपनिस्सये अट्ठाति नानाक्खणिककम्मपच्ययवसेन वेदितब्बा । दुब्बलकम्मज्झि विपाकस्स न उपनिस्सयो होति । केवलं पन नानाक्खणिककम्मपच्ययेनेव पच्ययो होति । सेसमेत्थ अनुलोमपच्यनीयपच्यनीयानुलोमेसु च तेसं तेसं पच्ययानं योगे लङ्घवारवसेन सक्का हेट्ठा वुत्तनयेनेव गणेतुं, तस्मा न वित्थारितन्ति ।

वेदनात्तिकवण्णना ।

### ३. विपाकत्तिकवण्णना

१-२३. विपाकत्तिके विपाकं धम्मं पटिच्च विपाको धम्मो उप्पज्जति हेतुपच्चयाति ये हेतुपच्चये तेरस वारा वुत्ता, ते सङ्खिपित्वा गणनाय दस्सेतुं हेतुया तेरसाति वुत्तं। आरम्भणे पञ्चातिआदीसुपि एसेव नयो। एवमेत्थ तेरस पच्च नव सत्त तीणी द्वेति छ गणनपरिच्छेदा, तेसं वसेन पच्चयसंसन्दने हेट्ठा वुत्तनयेनेव गणना वेदितब्बा।

२४-५२. पच्चनीयेपि विपाकं धम्मं पटिच्च विपाको धम्मो उप्पज्जति नहेतुपच्चयाति ये नहेतुपच्चये दस वारा वुत्ता, ते सङ्खिपित्वा गणनाय दस्सेतुं नहेतुया दसाति वुत्तं। न आरम्भणे पञ्चातिआदीसुपि एसेव नयो। एवमेत्थ दस पच्च तेरस द्वादस द्वे एकं नव तीणीति अट्ठ गणनपरिच्छेदा, तेसं वसेन पच्चयसंसन्दने हेट्ठा वुत्तनयेनेव वित्थारतो गणना वेदितब्बा। पाळि पन सङ्खित्ता, एतेसञ्जेव पन लद्धगणनपरिच्छेदानं वारानं वसेन संसन्दित्वा अनुलोमपच्चनीयं पच्चनीयानुलोमञ्च वेदितब्बं।

सहजातवारो इमिनाव एकगतिको। पच्चयनिस्सयसंसट्ठसम्पयुत्तवारा यथापाळिमेव नियन्ति।

१२. पञ्हावारे कुसलाकुसले निरुद्धेति एतस्मिं विपस्सनावसेन पवत्ते कुसले सारज्जनादिवसेन पवत्ते अकुसले च निरुद्धे। विपाको तदारम्भणता उप्पज्जतीति कामावचरविपाको तदारम्भणताय उप्पज्जति। ये पन “विपस्सनावजवनानं विचिकिच्छुद्धच्चानञ्च परियोसाने तदारम्भणं नत्थी”ति वदन्ति, ते इमाय तन्तिया पटिसेधेतब्बा। आकासानञ्चायतनकुसलं विज्जाणञ्चायतनस्स किरियस्स आरम्भणपच्चयेन पच्चयोति अरहत्तं पत्वा असमापन्नपुब्बा समापत्तियो पटिलोमतो समापज्जन्तस्स वसेनेतं वुत्तं। इमिना उपायेन सब्बविस्सज्जनेसु साधुकं पाळि उपपरिक्खित्वा अत्थो वेदितब्बो।

१२०. हेतुया सत्त, आरम्भणे नव, अधिपतिया दसातिआदीसुपि सहजाताधिपतिवसेन आरम्भणाधिपतिवसेन सहजातनिस्सयवसेन पुरेजातनिस्सयवसेन अनन्तरूपनिस्सयवसेन आरम्भणपूनिस्सयवसेन पकतूपनिस्सयवसेन सहजातविष्ययुत्तवसेन पुरेजातपच्छाजातविष्ययुत्तवसेनाति यत्थ यत्थ यथा यथा यत्तकानि विस्सज्जनानि लब्भन्ति, तत्थ तत्थ तथा तथा तानि सब्बानि सल्लक्खेतब्बानि। तथा पच्चनीयादीसु अनुलोमवसेन वारुद्धरणं, अनुलोमतो लद्धवारानं पच्चनीयतो गणना, पच्चयसंसन्दनं, अनुलोमपच्चनीये पच्चनीयानुलोमे च सुद्धिकेसु चेव संसन्दनवसेन च पवत्तेसु हेतुमूलकादीसु लब्भमानवारगणना, अलब्भमानानं अलब्भमानताति सब्बं हेट्ठा वुत्तनयेनेव वेदितब्बं।

यथा चेत्थ, एवं इतो परेसुपि तिकदुकेसु। पट्टानपकरणञ्चि पाळितोव अनन्तं अपरिमाणं। तस्स पदपटिपाटिया अत्थं वण्णयिस्सामीति पटिपन्नस्स अतिदीघायुकस्सापि आयु नप्पहोति। न चस्स एकदेसं वण्णेत्वा सेसम्हि नयतो दस्सियमाने न सक्का अत्थो जानितुं, तस्मा इतो परं एत्तकम्पि अवत्वा सेसेसु तिकदुकेसु हेट्ठा अवुत्तप्पकारत्ता यं यं अवस्सं वत्तब्बं, तं तदेव वक्खाम। यं पन अवत्वा गमिस्साम, तं पाळिनयेनेव वेदितब्बन्ति।

विपाकत्तिकवण्णना।

## ४. उपादिन्नत्तिकवण्णना

५१. उपादिन्नुपादानियत्तिकस्स पञ्हावारे वत्थु उपादानियानं खन्धानं पुरेजातपच्चयेन पच्चयोति पवत्ति सन्थाय वुत्तं। पटिसन्धियं पन तं पुरेजातं न होति।

७२. उपादिन्नुपादानियो कबळीकारो आहारो उपादिन्नुपादानियस्स कायस्स आहारपच्चयेन पच्चयोति एत्थ उपादिन्नुपादानियो कबळीकाराहारो नाम कम्मसमुद्धानानं रूपानं अब्भन्तरगता ओजा। उपादिन्नुपादानियस्स कायस्साति तस्सेव कम्मसमुद्धानरूपकायस्स आहारपच्चयेन पच्चयो। रूपजीवितिन्द्रियं विय कटत्तारूपानं अनुपालनउपत्थम्भनवसेन पच्चयो, न जनकवसेन। यं पन मण्डूकादयो गिलित्वा ठितानं अहिआदीनं कायस्स जीवमानकमण्डूकादिसरीरे ओजा आहारपच्चयेन पच्चयोति वदन्ति, तं न गहेतब्बं। न हि जीवमानकसरीरे ओजा अज्जस्स सरीरस्स आहारपच्चयतं साधेति। अनुपादिन्नुपादानियस्स कायस्साति एत्थ पन जनकवसेनापि लब्भति। उपादिन्नुपादानियस्स च अनुपादिन्नुपादानियस्स चाति एत्थ एकस्स उपत्थम्भकवसेन, एकस्स जनकवसेन, उभिन्नम्पि वा उपत्थम्भकवसेनेव वुत्तो। द्वे पन आहारा एकतो पच्चया होन्ता उपत्थम्भकाव होन्ति, न जनका। सेसमेत्थ पाळिमेव साधुकं ओलोकेत्वा वेदितब्बं।

उपादिन्नत्तिकवण्णना।

## ५-२२. सङ्खिलिडुत्तिकादिवण्णना

सङ्खिलिडुत्तिलेसिकत्तिके सब्बं कुसलत्तिके वुत्तनयानुसारेनेव वेदितब्बं।

७९. वितक्कत्तिके यथाकम्मूपगजाणस्स परिकम्मन्ति दिब्बचक्खुपरिकम्ममेव तस्स उप्पादनत्थाय परिकम्मं। उप्पन्नस्स पन वळज्जनकाले परिकम्मं सन्थायेतं वुत्तं। सेसमेत्थ यथापाळिमेव निय्याति।

८२. ति तदारम्भणभवङ्गमूलभवङ्गानं वसेन वुत्तं। सेसमेत्थ सब्बं पाळिवसेनेव वेदितब्बं।

दस्सनत्तिके दस्सनेन पहातब्बो रागो उप्पज्जतीतिआदीसु दस्सनेन पहातब्बो पुथुज्जनस्स उप्पज्जति। भावनाय पहातब्बो सोतापन्नस्सापीति एवं उपरिमस्स उपरिमस्स हेट्ठिमा हेट्ठिमा नुप्पज्जन्तीति वेदितब्बा। दस्सनेन पहातब्बो धम्मो भावनाय पहातब्बस्स धम्मस्स एकेनपि पच्चयेन पच्चयो न होति। सेसमेत्थ पाळिं अनुगन्त्वा कुसलत्तिके वुत्तलक्खणवसेनेव वेदितब्बं।

दस्सनेनपहातब्बहेतुकत्तिके दस्सनेनपहातब्बहेतुकादीनं विभागो अट्ठकथाकण्डे वुत्तनयेनेव वेदितब्बो। विचिकिच्छुद्धच्चसहगतो मोहो अहेतुकत्ता ततियपदे पविट्ठो। एवमेत्थ येसं दस्सनभावनाहि पहातब्बो हेतु अत्थि, ते पहातब्बहेतुका। येसं सो नत्थि ते नेवदस्सनेन नभावनायपहातब्बहेतुकाति इमं पहातब्बहेतुकविभागं जत्वा सेसं

दस्सनेनपहातब्बत्तिके चेव कुसलत्तिके च दस्सितलक्खणानुसारेनेव वेदितब्बं ।

आचयगामित्तिके च पटिच्चवारसंसङ्गवारेसु अनुलोमं कुसलत्तिकसदिसमेव । सेसं विस्सज्जनतो गणनतो च यथापाळिमेव निव्याति ।

सेक्खत्तिके असेक्खो धम्मो सेक्खस्स धम्मस्स न केनचि पच्चयेन पच्चयो । सेक्खो असेक्खस्स अनन्तरपकतूपनिस्सयो पन होति । सेसमेत्थ यथापाळिमेव निव्याति, तथा परित्तत्तिके ।

परित्तरम्मणत्तिके अप्पमाणारम्मणाचेतनाति सेक्खानं गोत्रभुचेतना, पच्चवेक्खणचेतनातिपि वत्तुं वट्टति । विपाकानं परित्तरम्मणानन्ति पटिसन्धियं कम्मं आरम्मणं कत्वा, पवत्ते चक्खुविज्जाणादिवसेनरूपादिआरम्मणं, तदारम्मणवसेन जवनेन गहितपरित्तरम्मणञ्च आरम्मणं कत्वा उप्पन्नानं । ये पन “गोत्रभुचित्तेन नत्थि पटिसन्धी”ति वदन्ति, ते इमिना सुत्तेन पटिसेधेतब्बा । सेसमेत्थ पाळिनयेनेव वेदितब्बं । हीनत्तिको सङ्किलिडुत्तिकसदिसो ।

मिच्छत्तिके मिच्छत्तनियतो सम्मत्तनियतस्स, सम्मत्तनियतो वा मिच्छत्तनियतस्स केनचि पच्चयेन पच्चयो न होति । मिच्छत्तनियतो वा सम्मत्तनियतो वा सहजाताधिपतिरहितो नाम नत्थि । सम्मत्तनियतो एकन्ततो आरम्मणपुरेजातं नत्थि, मिच्छत्तनियतो सिया आरम्मणपुरेजातं । अनियतं चित्तं आरम्भ नियता मिच्छादिद्वि उप्पज्जेय्य । सेसा नियतं आरम्भ नियतं नुप्पज्जति, मिच्छत्तनियतं गरुं कत्वा न कोचि धम्मो उप्पज्जति । कुसलो मिच्छत्तस्स उपनिस्सयपच्चयो न होति । सेसमेत्थ पाळियं वुत्तनयेनेव वेदितब्बं ।

मगारम्मणत्तिके पटिच्चवारस्स अनुलोमे विपाकपच्चयो नत्थि । कम्मपच्चयेपि इमस्मिं तिके नानाक्खणिकं न लब्भति, तथा उप्पन्नत्तिकअतीतत्तिकेसु । पच्चनीये अहेतुकं मगारम्मणन्ति अहेतुकं मगारम्मणं, आवज्जनं सन्धायेतं वुत्तं । सेसमेत्थ पाळिअनुसारेनेव वेदितब्बं ।

उप्पन्नत्तिके च अतीतत्तिके च पटिच्चवारादयो नत्थि, पञ्चावारमत्तमेव लब्भति । कस्मा? पटिच्चवारादयो हि सहजातपुरेजातानञ्जेव होन्ति । इमे च तिका अतीतानागतमिस्सका । उप्पन्नत्तिके चेत्थ अनन्तरभागियापि पच्चया न लब्भन्ति । कस्मा? उप्पन्नत्तिके अतीतस्स अभावतो । उप्पन्नो च अनुप्पन्नो चाति इमे चेत्थ द्वे धम्मा उप्पन्नस्स च अनुप्पन्नस्स चाति इमेसं द्विन्नं न केनचि पच्चयेन पच्चयो । अनुप्पन्नो च उप्पादी चाति इमे पन द्वे उप्पन्नस्स आरम्मणूपनिस्सयवसेन द्वीहि पच्चयेहि पच्चयो । सेसमेत्थ पाळियं आगतनयेनेव वेदितब्बं ।

अतीतत्तिके पच्चुप्पन्नं अतीतानागतस्स, अतीतानागतञ्च अतीतानागतस्स न केनचि पच्चयेन पच्चयो । निब्बानं पन द्वीसुपि इमेसु तिकेसु नेव पच्चयतो न पच्चयुप्पन्नतो लब्भति । सेसमिधापि पाळियं आगतनयेनेव वेदितब्बं ।

अज्झत्तिके अज्झत्तबहिद्वापदं न गहितं । अज्झत्तबहिद्वासङ्घाता हि उभो रासयो नेव एकतो पच्चया होन्ति, न पच्चयुप्पन्ना; तस्मा हत्थतले ठपितस्स सासपरस्स वण्णोपि हत्थतलवण्णेन सङ्घि एकतो आरम्मणं न होतीति वेदितब्बो । यथा च अज्झत्तबहिद्वापदं, एवमेत्थ अज्झत्तरम्मणत्तिकेपि अज्झत्तबहिद्धारम्मणपदं न लब्भति । सेसं यथापाळिमेव निव्याति ।

सनिदस्सनत्तिकेपि पाळिवसेनेव अत्थो गहेतब्बो । गणनापेत्थ पाळियं आगतवारे सङ्घिपित्वा हेट्टा वुत्तनयेनेव संसन्दनेसु संसन्दित्वा वेदितब्बाति ।

धम्मानुलोमे तिकपट्टानवण्णना ।

## २. दुकपट्टानवण्णना

दुकपट्टानेपि सब्बदुकेसु पञ्चाविस्सज्जनानि चेव गणना च पाळियं आगतनयेनेव वेदितब्बा । अपिचेत्थ सहेतुकहेतुसम्पयुत्तदुकानं विस्सज्जनं हेतुदुकविस्सज्जनसदिसं; तथा हेतूचेवसहेतुकहेतूचेवहेतुसम्पयुत्तदुकानं, तथा सप्पच्चयसङ्घतदुकानं । इदं दुकं यथा सप्पच्चयदुकं, एवं कातब्बन्ति इदं यस्मा सप्पच्चयो विय अप्पच्चयेन सङ्घतोपि, असङ्घतेन सङ्घि योजनं न लब्भति, तस्मा वुत्तं । सारम्मणचित्तसम्पयुत्तसंसङ्गदुकापि सदिसविस्सज्जनायेव; तथा आसवओघयोगगोच्छका । एते हि तयो अज्जमज्जं सदिसविस्सज्जनायेव । अपिच लोकियसासवसंयोजनियगन्थनियनीवरणियपरामडुसङ्किलेसिकदुका आसवविप्पयुत्तसासवसंयोजनविप्पयुत्तसंयोजनियगन्थविप्पयुत्तनियनीवरणविप्पयुत्तनीवरणियपरामासविप्पयुत्तपरामडुकिलेसविप्पयुत्तसङ्किलेसिकपरियापन्नसउत्तरदुकात इमेपि दुका समाना ।

किलेसदुकं संयोजनदुकसदिसं । सङ्किलिडुकिलेससम्पयुत्तनीवरणसम्पयुत्तदस्सनेनपहातब्बसरणदुकापि समाना । तथाकिलेसा चेव सङ्किलिडुनीवरणा चेव नीवरणसम्पयुत्तकिलेसा चेव किलेससम्पयुत्तदुका । इमिना नयेन सब्बेसं अत्थतो सदिसानं दुकानं विस्सज्जनानि सदिसानेव होन्तीति वेदितब्बानि । सब्बस्मिप्पि पन पट्टाने केनचिविज्जेय्यदुकं न लब्भति । आसवा चेव आसवसम्पयुत्ता च, संयोजना चेव संयोजनसम्पयुत्ता च, गन्था चेव गन्थसम्पयुत्ता च, नीवरणा चेव नीवरणसम्पयुत्ता च, किलेसा चेव सङ्किलिडु चाति एवरूपेसु दुकेसु विपाकपच्चयो चेव नानाक्खणिककम्मपच्चयो च न लब्भति । नहेतुसहेतुकनहेतुअहेतुकेसु हेतुपच्चयो नत्थि । हेतू चेव हेतुसम्पयुत्ता च, आसवा चेव आसवसम्पयुत्ता च, गन्था चेव गन्थसम्पयुत्ता चाति इमेसु दुकेसु नहेतुनज्ञाननमग्गा न लब्भन्ति । संयोजना चेव संयोजनसम्पयुत्ता च, नीवरणा चेव नीवरणसम्पयुत्ता च, किलेसा चेव किलेससम्पयुत्ता च, किलेसा चेव सङ्किलिडु चाति इमेसु पन विचिकिच्छुद्धच्चसहगतस्स मोहस्स वसेन नहेतुपच्चयो लब्भति; नज्ञाननमगपच्चया न लब्भन्तीति एवं सब्बदुकेसु लब्भमानालब्भमानं उपपरिक्खित्वा पाळिवसेनेव वारगणना वेदितब्बाति ।

दुकपट्टानवण्णना ।

### ३. दुकतिकपट्टानवण्णना

दुकतिकपट्टाने हेतुं कुसलं धम्मं पटिच्च हेतु कुसलो धम्मो उप्पज्जति हेतुपच्चयाति एवं पञ्चामत्तुद्धारवसेनेव सङ्खेपतो देसना कता । “कुसलं अलोभं पटिच्च अदोसो अमोहो”तिआदिना पन नयेन वित्थारो वत्तब्बो सिया, सो हेट्ठा दस्सितनयेन सक्का अवुत्तोपि जानितुन्ति एकपदेपि एकपच्चयो वा न वुत्तो । या पनेसा सङ्खेपतो देसना कता, सा एवं कताति वेदितब्बा । हेतुदुकेन हि सङ्खि कुसलपदं योजेत्वा पटिच्चवारे अनुलोमस्स च वसेन सब्बे लब्भमानकपच्चया दस्सिता, अनुलोमपच्चनीयपच्चनीयानुलोमनया च सहजातवारादयो च न दस्सिता, केवलं “पटिच्चवारसदिसंयेव वित्थारेतब्ब”न्ति वुत्तं । पञ्चावारे पञ्चमि अविस्सज्जेत्वा केवलं पञ्चुद्धारमत्तं कत्वा अनुलोमपच्चनीयवसेनेव लब्भमानपच्चया दस्सिता । यथा च कुसलपदं, एवं अकुसलअव्याकतपदानिपि हेतुदुकेन सङ्खि योजेत्वा हेतुकुसलदुकतिकं निद्विसितब्बन्ति वुत्तं ।

ततो परं हेतुं सुखाय वेदनाय सम्पयुत्तं धम्मन्तिआदिना नयेन हेतुवेदनादुकतिकादीनि एकवीसति दुकतिकानि दस्सितानि । यस्मा पन हेतु नाम सनिदस्सनसप्पटिघो अनिदस्सनसप्पटिघो वा नत्थि, तस्मा हेतुपदेन सङ्खि सनिदस्सनसप्पटिघानिदस्सनसप्पटिघपदानि न योजितानि । एवं हेतुदुकेन सङ्खि लब्भमानकवसेन द्वावीसति तिके योजेत्वा पुन ते सहेतुकदुकादीहि सरणदुकपरियोसानेहि सव्वदुकेहि सङ्खि योजिता । तत्थ यं यं पदं येन येन पदेन सङ्खि योजनं न गच्छति, तं तं पाळियंयेव न लब्भतीति वुत्तं । एवमेत्थ एकेन दुकेन सङ्खि बावीसति तिके योजेत्वा पुन अपरेन बावीसति, अपरेन बावीसतीति पटिपाटिया दुकसते लब्भमानदुकपदेहि सङ्खि द्वावीसति तिका योजिताति द्वावीसति तिके गहेत्वा दुकसते पक्खिपित्वा दुकतिकपट्टानं नाम देसितं । तत्थ येसु येसु ठानेसु नयं दस्सेत्वा पाळिया सङ्खेपो कतो, तेसु तेसु ठानेसु दस्सितनयानुरूपेन तस्सा वित्थारो वेदितब्बोति ।

दुकतिकपट्टानवण्णना ।

### ४. तिकदुकपट्टानवण्णना

तिकदुकपट्टानेपि कुसलं हेतुं धम्मं पटिच्च कुसलो हेतु धम्मो उप्पज्जति हेतुपच्चयाति पञ्चामत्तुद्धारवसेनेव देसना कता । तत्थ यथा हेट्ठा हेतुदुकेन सङ्खि कुसलपदं योजेत्वा सव्वपच्चयवसेन सव्ववारेसु सङ्खेपतो देसना कता, एवमिध कुसलत्तिकेन सङ्खि हेतुपदं योजेत्वा सव्वपच्चयवसेन सव्ववारेसु सङ्खेपतो देसना कता । यथा च हेतुपदं, एवं नहेतुपदमपि कुसलत्तिकेन सङ्खि योजेत्वा कुसलत्तिकहेतुदुकं निद्वापितं । ततो परं सुखाय वेदनाय सम्पयुत्तं हेतुं धम्मन्तिआदिना नयेन वेदनात्तिकहेतुदुकादीनि एकवीसति तिकदुकानि दस्सितानि ।

एवं बावीसतिया तिकेहि सङ्खि हेतुदुकं योजेत्वा पुन तेहि येव सङ्खि सहेतुकदुकादयो सरणदुकपरियोसाना लब्भमानवसेन सव्वदुका योजिता । इधापि यं यं पदं योजनं न गच्छति, तं तं पाळियंयेव पटिक्खितं । एवं दुकसतं गहेत्वा द्वावीसतिया तिकेसु पक्खिपित्वा तिकदुकपट्टानं नाम देसितं । तत्रापि येन येन नयेन पाळि सङ्खित्ता, सो सो नयो वित्थारतो वेदितब्बो ।

तिकदुकपट्टानवण्णना ।

### ५. तिकतिकपट्टानवण्णना

तिकतिकपट्टानेपि कुसलं सुखाय वेदनाय सम्पयुत्तं धम्मं पटिच्च कुसलो सुखाय वेदनाय सम्पयुत्तो धम्मो उप्पज्जति हेतुपच्चयाति पञ्चुद्धारवसेनेव सङ्खेपतो देसना कता । एत्थ च कुसलत्तिकं वेदनात्तिकादीहि, वेदनात्तिकादयो च कुसलत्तिकेनाति एवं तिकेसु येव तिका पक्खित्ता । येन येन च पदेन सङ्खि यं यं पदं योजनं न गच्छति, तं तं हापेत्वा लब्भमानवसेनेव सव्वपच्चयेसु वारा च गणननया च दस्सिता, तस्मा ते साधुकं पाळि उपपरिक्खित्वा वेदितब्बा । यथा च कुसलत्तिकं वेदनात्तिकादीहि, वेदनात्तिकादयो च तेन सङ्खि योजेत्वा वेदितब्बा; तथा एकेकं तिकं सेसेहि । सेसा च तेहि सङ्खि योजेत्वा वेदितब्बाति ।

तिकतिकपट्टानवण्णना ।

### ६. दुकदुकपट्टानवण्णना

दुकदुकपट्टानेपि हेतुसहेतुकं धम्मं पटिच्च हेतुसहेतुको धम्मो उप्पज्जति हेतुपच्चयाति पञ्चुद्धारवसेनेव सङ्खेपतो देसना कता । तत्थ हेतुदुकं सहेतुकदुकादीहि, सहेतुकदुकादीनि च तेन सङ्खि योजितानि । एकेकं पन दुकं सेसेहि, सेसा च तेहि सङ्खि पटिपाटिया योजेतब्बा । इदञ्चि दुकदुकपट्टानं नाम ‘दुकेसु येव दुके पक्खिपित्वा’ देसितं । तेनेत्थ सव्वदुकेहि सङ्खि सव्वदुकानं योजना वेदितब्बा । पाळि पन सङ्खित्ता । येन येन च पदेन सङ्खि यं यं पदं योजनं न गच्छति, तं तं हापेत्वाव देसना कताति ।

दुकदुकपट्टानवण्णना ।

एत्तावता —

तिकञ्च पट्टानवरं दुकुत्तमं,  
दुकं तिकञ्चेव तिकं दुकञ्च ।  
तिकं तिकञ्चेव दुकं दुकञ्च,



छ अनुलोममिहं नया सुगम्भीराति ॥ —

अट्टकथायं वुत्तगाथाय दीपिता । **धम्मानुलोमपट्टाने** छ नया निदिद्धा होन्ति । पच्चयवसेन पनेत्थ एकेकस्मिं पट्टाने अनुलोमादयो चत्तारो चत्तारो नयाति एकेन परियायेन चतुर्वीसतिनयपटिमण्डितं अनुलोमपट्टानयेव वेदितब्बं ।

## ७-१२. पच्चनीयपट्टानवण्णना

१. इदानीं कुसलादीनं पदानं पटिक्खेपवसेन धम्मानं पच्चनीयताय लद्धनामं **पच्चनीयपट्टानं** दस्सेतुं **नकुसलं धम्मं पटिच्च नकुसलो धम्मो उप्पज्जति हेतुपच्चयाति** आदि आरब्धं । तत्थ **नकुसलं धम्मं पटिच्चाति** कुसलस्स पच्चयभावं वारेति । **नकुसलो धम्मो उप्पज्जतीति** कुसलस्स उप्पत्तिं वारेति, तस्मा “अकुसलाब्बाकतं एकं खन्धं पटिच्च अकुसलाब्बाकता तयो खन्धा चित्तसमुद्धानञ्च रूपं” न्ति एवमादिना नयेनेत्थ पज्जं विस्सज्जितब्बं । तस्मिं तस्मिं पच्चये लद्धगणना पन पाळियं वुत्तायेव । येपि वारा सदिसविस्सज्जना, तेपि तत्थेव दस्सिता । तस्मा सब्बमेत्थ हेट्ठा वुत्तनयानुसारेण पाळिं उपपरिक्खित्वा वेदितब्बं । यथा चेत्थ, एवं दुक्कपट्टाने, दुक्कतिकपट्टाने, तिकदुक्कपट्टाने तिकतिकपट्टाने, दुक्कदुक्कपट्टाने च ।

एत्तावता —

तिकञ्च पट्टानवरं दुक्कत्तमं,  
दुकं तिकञ्चेव तिकं दुक्कञ्च ।  
तिकं तिकञ्चेव, दुक्कं दुक्कञ्च,  
छ पच्चनीयमिहं नया सुगम्भीराति ॥ —

अट्टकथायं वुत्तगाथाय दीपिता । **धम्मपच्चनीयपट्टाने** छ नया निदिद्धा होन्ति । पच्चयवसेन पनेत्थ एकेकस्मिं पट्टाने अनुलोमादयो चत्तारो चत्तारो नयाति एकेन परियायेन चतुर्वीसतिनयपटिमण्डितं पच्चनीयपट्टानञ्जेव वेदितब्बं ।

पच्चनीयपट्टानवण्णना ।

## १३-१८. अनुलोमपच्चनीयपट्टानवण्णना

१. इदानीं कुसलादीसु धम्मेषु पच्चयधम्मं अपटिक्खिपित्वा पच्चयुप्पन्नस्स कुसलादिभावपटिक्खेपवसेन धम्मानं अनुलोमपच्चनीयताय लद्धनामं **अनुलोमपच्चनीयपट्टानं** दस्सेतुं **कुसलं धम्मं पटिच्च न कुसलो धम्मो उप्पज्जति हेतुपच्चयाति** आदि आरब्धं । तत्थ **कुसलं धम्मं पटिच्चाति** कुसलस्स पच्चयभावं अनुजानाति । **न कुसलो धम्मो उप्पज्जतीति** कुसलस्सेव उप्पत्तिं वारेति । तस्मा “कुसले खन्धे पटिच्च चित्तसमुद्धानं रूपं” न्ति आदिना नयेन विस्सज्जनं दस्सितं, तं सब्बं पाळिं ओलोकेत्वा साधुकं सल्लक्खेतब्बं । यम्पि येन सदिसं, यञ्च यत्थ लब्भाति, यो च येसं विस्सज्जनानं येसु पच्चयेसु गणनपरिच्छेदो, सो सब्बो पाळियं दस्सितो, तस्मा पाळियेव एत्थ अत्थो । यथा चेत्थ, एवं दुक्कपट्टानादीसुपीति ।

एत्तावता —

तिकञ्च पट्टानवरं दुक्कत्तमं,  
दुकं तिकञ्चेव तिकं दुक्कञ्च ।  
तिकं तिकञ्चेव दुक्कं दुक्कञ्च,  
छ अनुलोमपच्चनीयमिहं नया सुगम्भीराति ॥ —

अट्टकथायं वुत्तगाथाय दीपिता **धम्मानुलोमपच्चनीयपट्टाने** छ नया निदिद्धा होन्ति । पच्चयवसेन पनेत्थ एकेकस्मिं पट्टाने अनुलोमादयो चत्तारो चत्तारो नयाति एकेन परियायेन चतुर्वीसतिनयपटिमण्डितं अनुलोमपच्चनीयपट्टानञ्जेव वेदितब्बं ।

अनुलोमपच्चनीयपट्टानवण्णना ।

## १९-२४. पच्चनीयानुलोमपट्टानवण्णना

१. इदानीं कुसलादीसु धम्मेषु पच्चयधम्मं पटिक्खिपित्वा पच्चयुप्पन्नस्स कुसलादिभावं अपटिक्खेपवसेन धम्मानं पच्चनीयानुलोमताय लद्धनामं **पच्चनीयानुलोमपट्टानं** दस्सेतुं **नकुसलं धम्मं पटिच्च अकुसलो धम्मो उप्पज्जति हेतुपच्चयाति** आदि आरब्धं । तत्थ **नकुसलं धम्मं पटिच्चाति** कुसलस्स पच्चयभावं वारेति । **अकुसलो धम्मो उप्पज्जतीति** अकुसलस्स उप्पत्तिं अनुजानाति । नकुसलञ्चि अकुसलं अब्बाकतं वा, तञ्च सहजातपच्चयं कत्वा उप्पज्जमानो कुसलो नाम नत्थि, तस्मा अकुसलाब्बाकतवसेन देसना कता । तत्थ “अकुसलं एकं खन्धं पटिच्च तयो खन्धा” ति एवं नकुसलं धम्मं पटिच्च विस्सज्जनं वेदितब्बं । **अब्बाकतो धम्मो उप्पज्जति हेतुपच्चयाति** अयं पन पज्जो “विपाकाब्बाकतं किरियाब्बाकतं एकं खन्धं पटिच्च तयो खन्धा चित्तसमुद्धानञ्च रूपं” न्ति विस्सज्जितोव । इति सब्बपज्जेसु अविस्सज्जितस्स अत्थानुरूपं विस्सज्जितस्स च पाळिआगतमेव विस्सज्जनं । एकेकस्मिञ्च तिकदुके वारप्पभेदपच्चयगणनविधानं सब्बं हेट्ठा वुत्तनयानुसारेनेव वेदितब्बं ।

एतावता च —

तिकञ्च पट्टानवरं दुकुत्तमं,  
दुकं तिकञ्चेव तिकं दुकञ्च ।  
तिकं तिकञ्चेव दुकं दुकञ्च,  
छ पच्चनीयानुलोममिह नया सुगम्भीराति ॥ —

अट्टकथायं वृत्तगाथाय दीपिता । धम्मपच्चनीयानुलोमपट्टाने छ नया निदिद्धा होन्ति । पच्चयवसेन पनेत्थ एकेकस्मिं पट्टाने अनुलोमादयो चत्तारो चत्तारो नयाति एकेन परियायेन चतुर्वीसतिनयपटिमण्डितं पच्चनीयानुलोमपट्टानञ्चेव वेदितव्वं ।

पच्चनीयानुलोमपट्टानवण्णना ।

एवं धम्मनुलोमादिवसेन चतूसु वारेसु एकेकस्मिं चतुर्वीसतिया चतुर्वीसतिया नयानं वसेन छन्नवुत्ति नया होन्ति । तत्थ पच्चयनये अग्गहेत्वा एकेकस्मिं पट्टाने तिकदुकादीनञ्चेव छन्नं छन्नं नयानं वसेनेतं चतुर्वीसतिनयपटिमण्डितं समन्तपट्टानमहापकरणं वेदितव्वं । केचि पन “कुसलारम्मणो धम्मो अकुसलारम्मणो धम्मो”तिआदिना नयेन आरम्मणमातिकं नाम ठपेत्वा “कुसलारम्मणो धम्मो कुसलारम्मणस्स धम्मस्स हेतुपच्चयेन पच्चयो”तिआदिना नयेन आरम्मणपट्टानं नाम दस्सेत्वा अपरमि फस्सादीनं वसेनपि फस्सपट्टानं नाम उद्धरित्वा दस्सेन्ति । तं नेव पाळियं न अट्टकथासु सन्दिस्सतीति इध न विचारितं । सङ्गीतिआरुळ्हपाळिवसेनेव पनेत्थ वण्णना कताति वेदितव्व्वा ।

एतावता च —

सम्मूळ्हा यत्थ पजा, तन्ताकुलादिभावमापन्ना ।  
नेकविधदुक्खगहनं, संसारं नातिवत्तन्ति ॥  
  
पच्चयभेदे कुसलो, लोके गरुत्तमि पच्चयाकारं ।  
अतिनिष्पुणगम्भीरं, जवनब्भूमिं बुद्धजाणस्स ॥  
  
कुसलादिधम्मभेदं, निस्साय नयेहि विविधगणनेहि ।  
वित्थारेन्तो सत्तम-मभिधम्मपकरणं सत्था ॥  
  
सुविहितसन्निट्टानो, पट्टानं नाम यं पकासेसि ।  
सद्धाय समारद्धा, या अट्टकथा मया तस्स ॥  
  
आचरियानं वादं, अविहाय विभज्जवादिसिस्सानं ।  
अतिबहुविधन्तराये, लोकमिह अनन्तरायेन ॥  
  
सा एवं अज्ज कता, चुद्धसमत्तेहि भाणवारेहि ।  
अत्थं पकासयन्ती, पट्टानवरस्स सकलस्स ॥  
  
सन्निट्टानं पत्ता यथेव निट्ठं तथा बहुजनस्स ।  
सम्पापुणन्तु सीधं, कल्याणा सब्बसङ्कप्पा ॥

एतावता —

सत्तप्पकरणं नाथो, अभिधम्ममदेसयि ।  
देवातिदेवो देवानं, देवलोकमिह यं पुरे ॥  
  
तस्स अट्टकथा एसा, सकलस्सापि निट्ठिता ।  
चिरट्ठितत्थं धम्मस्स, निट्ठपेन्तेन तं मया ॥  
  
यं पत्तं कुसलं तस्स, आनुभावेन पाणिनो ।  
सब्बे सद्धम्मराजस्स, जत्वा धम्मं सुखावहं ॥  
  
पापुणन्तु विसुद्धाय, सुखाय पटिपत्तिया ।  
असोकमनुपायासं, निब्बानसुखमुत्तमं ॥

चिरं तिष्ठतु सद्धम्मो, धम्मे होन्तु सगारवा ।  
सब्बेपि सत्ता कालेन, सम्मा देवो पवस्सतु ॥

यथा रक्खिंस्सु पोराणा, सुराजानो तथेविमं ।  
राजा रक्खतु धम्मेन, अत्तनोव पजं पजन्ति ॥

पट्टानप्पकरण-अट्टकथा निट्ठिता ।

निट्ठिता च पञ्चपकरणट्टकथाति ।

### निगमनकथा

परमविसुद्धसद्धाबुद्धिर्वीरियपटिमण्डितेन सीलाचारज्जवमद्ववादिगुणसमुदयसमुदितेन सकसमयसमयन्तरगहनज्झोगाहणसमत्थेन पञ्चावेय्यत्तियसमन्नागतेन तिपिटकपरियत्तिष्पभेदे साट्ठकथे सत्थुसासने अप्पटिहतज्ञाणप्पभावेन महावेय्याकरणेन करणसम्पत्तिजनितसुखविनिग्गतमधुरोदारवचनलावण्ययुक्तेन युत्तमुत्तवादिना वादीवरेण महाकविना पभिन्नपटिसम्भिदापरिवारे छळभिज्जादिष्पभेदगुणपटिमण्डिते उत्तरिमनुस्सधम्मे सुप्पतिट्ठितबुद्धीनं थेरवंसप्पदीपानं थेरानं महाविहारवासीनं वंसालङ्कारभूतेन विपुलविसुद्धबुद्धिना **बुद्धघोसो**ति गरूहि गहितनामधेय्येन थेरेन कता अयं सकलस्सपि अभिधम्मपिटकस्स अट्टकथा —

ताव तिष्ठतु लोकस्मिं, लोकनित्थरणेसिनं ।  
दस्सेन्ती कुलपुत्तानं, नयं पञ्चाविसुद्धिया ॥

याव बुद्धोति नामम्पि, सुद्धचित्तस्स तादिनो ।  
लोकमिह लोकजेट्टस्स, पवत्तति महेसिनोति ॥

अभिधम्मपिटक-अट्टकथा निट्ठिता ।